

編製《中國歷史大事年表》序

歷史年表是研究歷史的一種必要的工具書，特別是我國歷史悠久，年代遐長，史籍浩繁，事迹錯雜，更需要把頭緒紛紜的歷史事件，提綱摘要，編次年月以備檢閱。

歷史年表是把時間上並行發生的或相續發生的各種歷史事件按照它們發生的時間順序加以排列。這樣的排列有助於學習歷史的人了解歷史事件發展的過程和它們相互之間的關係，從而幫助人們從歷史事件的發生、發展和演變的過程中，尋找歷史發展的線索，了解歷史發展的規律。

年表的編製在中國出現最早，早在周代就有記載古代帝王年代的牒記。到了漢代，司馬遷創造出比較完整的歷史年表的體制，以後歷代的史學家，都有年表的撰著。自宋以後，年表之類的著作更加發展。到了清代，年表的製作便以史學的附庸，蔚為大國。在今天，過去學者所編的年表，由於時代及取材的限制，已經不太適用了。

爲了滿足史學界的迫切需要，我們編成了這部年表。大致上，我們是以翦伯贊、齊思和編的《中外歷史年表》中的中國史部份爲底本，另外參考市面上能見到到的各家年表，並在編製及校對的過程中，儘量核對參考《古今圖書集成》、歷代通鑑、正史中的材料，期待能在前人已有的成果上更進一步。

本書上起傳說中的遠古時代，下迄1911年清王朝結束。在取材上，我們把一般年表所著重的政治人物的記載的比重予以極顯著的降低，並偏重於下列事項的記載：(一)生產工具和生產技術的改進，(二)經濟制度、政治制度的改革和重要法令的頒行，(三)民變，(四)重要的科學技術的發明和發現。

W. G. E. 10P

我們企圖在這部年表上，顯示出歷史事件本身的發展和它們彼此之間的交錯關係，從而揭示出歷史事件在其發展過程中的脈絡。但由於年表體裁的限制，同一歷史事件，分在數年或數十年，斷續相間，前後隔越，很難達到上述的願望。同時，由於本書牽涉的範圍廣濶，對於歷史資料的選擇，難免有遺漏、錯誤和輕重不當的地方，希望讀者批評和指正。

本書年代以西元為主，下列各朝帝王年號。因為中西曆的月差現象，中曆年終為西曆的次年，這是要提醒讀者們在使用時注意的。（本社出版的《中國歷史紀年表》有查核此一情形的功用，請參考。）

此外，本書的出版，因為編輯作業的不當，拖延費時，有負讀者厚愛，是要在此一併致歉的。

華世編輯部 1986年3月

上古史大事年表

前 2550 年

黃帝

黃帝者，少典之子，姓公孫，名軒轅，號有熊（史記五帝本紀）。軒轅之時，神農氏衰，諸侯相侵伐，暴虐百姓，而神農氏弗能征，軒轅乃習用干戈，以征不順者，諸侯咸來賓從（史記五帝本紀）。炎帝侵陵諸侯，黃帝與之戰於阪泉之野，三戰然後得其志（史記五帝本紀）。蚩尤作亂，黃帝征師諸侯，與蚩尤戰於涿鹿之野，擒殺蚩尤，而諸侯咸尊軒轅為天子，代神農氏，是為黃帝（史記五帝本紀）。黃帝東至於海，登丸山及岱宗；西至於崆峒，登鷄頭；南至於江，登熊湘；北逐葷粥，合符於釜山；而邑於涿鹿之阿（史記五帝本紀）。黃帝以雲紀，故為雲師而雲名（左傳昭公十七年）。黃帝時（按照時節）播百穀，有土德之瑞，故號黃帝（史記五帝本紀）。黃帝見百物，始穿井（初學記卷七引世本）。黃帝造火食、旃冕（禮記冠禮正義引世本）。史官沮誦、倉頡造文字。（尚書正義序引世本）。黃帝令大撓作甲子（路史後紀注一引世本）。黃帝在位百年死（史記五帝本紀集解引帝王世紀），葬橋山（史記五帝本紀，又封禪書）。黃帝二十五子，其得姓者十四人。西陵氏女嫫祖為黃帝正妃，生二子，曰玄囂、曰昌意。（按五帝究係何指，各書所說不同，茲據史記五帝本紀，略舉黃帝、顓頊、帝嚳、堯、舜之事跡。）

前 2450 年

顓頊

顓頊，黃帝之孫，昌意之子（大戴禮五帝德

）。顓頊亦號高陽。高陽，顓頊有天下之號也（王逸離騷注）。顓頊娶於騰隍氏女而生老童，是為楚之先祖（大戴禮帝系）。顓頊即位，居濮（今本竹書紀年）。顓頊在位七十八年（太平御覽卷七十九引帝王世紀）。

前 2372 年

帝嚳

帝嚳高辛者，黃帝之曾孫，父曰蟠極（史記五帝本紀）。帝嚳娶於陳鋒氏女，生放勳（堯）。又娶於啇訾氏女，生摯。帝嚳崩而摯代立，不善。摯死，弟放勳立，是為帝堯（史記五帝本紀）。帝嚳在位七十五年，年一百五歲而死（太平御覽卷八十引帝王世紀）。

前 2297 年

堯

堯名放勳，號陶唐氏（太平御覽卷八十引帝王世紀）。堯命羲和觀測天象，制定曆法，以三百六十六日為一年，置閏月以正四時（尚書堯典篇）。堯時洪水為患，命鯀治之，九年功不就。四嶽又舉舜，舜流共工於幽陵，放驩兜於崇山，遷三苗於三危，殛鯀於羽山，四罪而天下咸服（史記五帝本紀）。堯立七十年得舜，二十年而老，令舜攝行天子之政，凡二十八年而死（史記五帝本紀）。堯有子丹朱不肖，禪位於舜（尚書堯典）。堯都唐（史記五帝本紀引帝王世紀。按古唐國在今山西太原）。

前 2179 年

舜

舜名重華，號有虞氏。父曰瞽叟。舜年二十以孝聞，年三十堯舉之，五十攝行天子事，年五十八堯死，年六十代堯踐帝位（史記五帝本紀）。舜踐帝位三十九年，南巡死於蒼梧之野，葬於江南九疑，是爲零陵（史記五帝本紀）。舜子商均不肖，禪位於禹（史記五帝本紀）。一說堯之末年德衰，舜囚之於堯城（路史發揮注引古本竹書紀年。又史通疑古篇所引略同）。

前 2140 年

禹

夏禹父曰鯀，黃帝之玄孫，帝顓頊之孫。鯀治水，功不成，舜殺之，舉禹使續鯀之業，禹治水成功，受舜禪，遂卽天子位，國號曰夏后氏，姓姁氏（史記夏本紀）。禹都陽城（續漢書郡國志注引古本竹書紀年）。禹會諸侯於塗山（左傳哀公七年）。鑄九鼎（漢書郊祀志）。禹在位十年，東巡狩，戮防風氏，死於會稽（史記夏本紀）。禹葬於會稽之山（墨子節葬篇）。禹在位四十五年（太平御覽卷八十二引古本竹書紀年。今本竹書紀年作八年。漢書律曆志引劉歆世經曰：禹卽位五十載）。

前 2095 年

啓

夏后帝啓，禹之子，母塗山氏女。禹死，啓爲衆望所歸，伯益歸政，遂嗣位（史記夏本紀）。有扈氏不服，啓與有扈氏大戰於甘，滅有扈氏（尚書甘誓）。啓征西河（北堂書鈔卷一三引古本竹書紀年）。啓在位十年（史記夏本紀集解引帝王世紀。真誥引古本竹書紀年又作二十九年）。

前 2085 年

太康

太康，啓子。居斟鄩（水經巨洋水注引古本竹書紀年）。太康無道失國，有窮氏羿廢太康因夏民以代夏政（左傳襄公四年）。太康在位二十九年（太平御覽卷八十二引帝王世紀。路史作在位十九年，失政，又十歲而死。今本竹書紀年作四年）。

前 2056 年

仲康

仲康，太康弟。仲康時，羲和湫淫廢時亂日，胤往征之，作胤征（書序）。仲康在位十三年（通鑑外紀。路史作二十八年，今本竹書紀年作七年）。

前 2043 年

相

相，仲康子，卽位居商丘。元年征淮夷，二年征風夷及黃夷（太平御覽卷八十二引古本竹書紀年）。自太康以來，夏政凌亂，相徙商丘，又爲有過氏澆所滅（左傳哀公三年，太平御覽卷八十二引帝王世紀）。相在位二十八年（通鑑外紀、通志、今本竹書紀年同）。相死後，夏祀中絕者四十年（帝王年表）。

前 2015 年

少康

少康，帝相之子，滅有窮氏，恢復夏國（按少康中興，爲夏代一件大事。史記夏本紀只書帝相崩，子少康立，未記少康復國事。此事詳見於左傳襄公四年，其經過頗複雜，略言之。羿善射，乘夏之衰，因夏民以代夏政，太康以來，已成偏安之局，而帝相又遷於商丘。羿恃射，不修民事，信任寒浞，委以政事。浞殺羿，浞因羿室，生澆及豷，處澆於過，處豷於戈。澆又自過滅相，夏遂全亡。相妃后緡方

娠，逃於有仍，生少康，又奔於虞，卒滅過、戈兩國，恢復夏國）。方夷來賓（後漢書東夷傳注引古本竹書紀年）。少康在位二十一年（通鑑外紀、通志、今本竹書紀年同。路史又作四十六年）。

前 1994 年

杼

杼（國語魯語作杼，史記作予，世本作佇），少康子。帝杼居原，五年遷於老丘（太平御覽卷八十二引帝王世紀）。在位十七年（太平御覽卷八十二引帝王世紀。通鑑外紀、通志、今本竹書紀年同。路史作二十七年）。

前 1977 年

槐

槐（世本作帝芬），杼子。三年，九夷來朝（後漢書東夷傳引古本竹書紀年）。在位二十六年（太平御覽卷八十二引帝王世紀。通鑑外紀同。太平御覽卷八十二又引古本竹書紀年作四十四年，今本竹書紀年同）。

前 1951 年

芒

芒，槐子。在位十八年（通鑑外紀、通志、路史同。太平御覽卷八十二引古本竹書紀年又作五十八年，今本竹書紀年同）。

前 1933 年

泄

泄（帝王世紀曰亦名世，路史作洩），芒子。在位十六年（太平御覽卷八十二引帝王世紀。路史後紀注引古本竹書紀年作二十一年。今本竹書紀年作二十五年）。

前 1917 年

不降

不降（帝王世紀曰亦名降，或作北成），泄子。六年伐九苑（太平御覽卷八十二引古本竹書紀年）。在位五十九年（通鑑外紀作五十九年，今本竹書紀年同。太平御覽卷八十二引古本竹書紀年又作六十九年）。

前 1858 年

局

局（帝王世紀作局，又名禹），不降弟。在位二十一年（太平御覽卷八十二引帝王世紀。通鑑外紀、通志同。今本竹書紀年作十八年）。

前 1837 年

廬

廬（帝王世紀曰亦名項。古本竹書紀年又作胤甲），帝局子。在位二十一年（通鑑外紀。太平御覽引帝王世紀作二十年，通志同。今本竹書紀年又作八年）。

前 1816 年

孔甲

孔甲，不降子（史記夏本紀）。孔甲立，好方術鬼神事，淫亂，夏又衰，諸侯叛之（史記夏本紀）。孔甲好象龍（左傳昭公二十九年）。孔甲畋於東陽黃山，作破斧之歌，爲東晉之始（呂氏春秋晉初篇）。孔甲有盤盂銘三十六篇（漢書藝文志）。在位三十一年（通鑑外紀、通志同。路史作四十年。今本竹書紀年作九年）。

前 1785 年

皋

皋（古書竹本紀年作后昊，帝王世紀曰又名皋苟），孔甲子。在位十一年（通鑑外紀、通

志同。太平御覽卷八十二引古本竹書紀年又作三年。路史作十一年。皋墓在穀（左傳僖公三十二年）。

前 1774 年

發

發（太平御覽引古本竹書紀年曰一名后敬，又曰發惠），皋子。諸侯賓於王門，再保墉會於上池，諸夷入舞（北堂書鈔卷八十二引古本竹書紀年）。在位十一年（通鑑外紀、通志同。通鑑綱目前編作十九年，今本竹書紀年作七年）。

前 1763 年

桀

桀名履癸，發子（史記夏本紀。史記索隱引世本作發與桀爲兄弟，俱是皋子）。夏自孔甲以來，諸侯多叛，夏桀不務修德而暴虐，百姓弗堪。湯修德，諸侯皆歸湯，湯率諸侯伐夏。湯與桀戰於鳴條，夏師敗（尚書序）。放桀於南巢（今本竹書紀年）。桀死於亭山（荀子解蔽篇）。在位五十二年（通鑑外紀作五十二年，路史作四十三年。今本竹書紀年作三十一年）。夏從禹至桀十七君十四世（史記集解引徐廣說）。夏自禹至桀亡國，凡四百七十一年（史記集解引古本竹書紀年。漢書律歷志引劉歆世經曰：夏后氏繼世十七王，四百三十二年）。

前 1711 年

湯

湯又名成湯、武湯。湯征伐自葛、載始，十一征而無敵於天下（孟子）。湯滅韋、顧、昆吾諸國，最後滅夏（詩商頌）。伊尹相湯以王天下（孟子）。仲虺居薛以爲湯左（左傳定公元年）。湯都亳（孟子。按古

地以亳名者甚多，湯所都之亳，據王國維考證，當在今山東曹縣。見王國維說亳）。湯卽位十七年而滅夏，踐天子位十三年而崩（史記集解引帝王世紀。太平御覽卷八十三引韓詩內傳同。今本竹書紀年作湯在位共二十九年）。

前 1698 年

外丙

外丙（卜辭有卜丙），湯子，太丁弟。伊尹爲卿士（今本竹書紀年）。在位二年（孟子、史記作三年。按史記殷本紀：“湯崩，太子太丁未立而卒，於是乃立太丁之弟外丙。”其說與孟子、古本竹書紀年合。書序：“成湯既沒，太甲元年。”僞孔傳謂湯沒之歲，卽太甲元年。通鑑綱目前編等書採其說，遂無外丙、仲壬兩王。今卜辭中有卜丙，似卽外丙。無仲壬而有南壬。）

前 1696 年

仲壬

仲壬（卜辭未見，但有南壬），外丙弟，在位四年死（孟子）。以伊尹爲卿士（杜預左傳集解後序引古本竹書紀年）。

前 1692 年

太甲

太甲（卜辭同），太丁之子，湯嫡長孫，又稱太宗（史記殷本紀）。太甲元年，伊尹作伊訓、肆命、徂後（尚書無逸篇）。太甲立三年，暴虐不明，伊尹放之於桐，伊尹攝行政事，以朝諸侯。太甲悔過，伊尹迎太甲而授之政（孟子公孫丑篇，史記殷本紀）。一說伊尹放太甲，七年，太甲潛出自桐，殺伊尹（杜預左傳集解後序引古本竹書紀年）。太甲修政，商中興，號曰太宗，一名祖甲，

三十三年（太平御覽卷八十三引帝王世紀。通鑑外紀、通志同。今本竹書紀年作十二年）。

前 1659 年

沃丁

沃丁（卜辭不見沃丁，有羌丁），太甲子，名絢（太平御覽卷八十三引古本竹書紀年）。帝沃丁之時伊尹卒，葬之於亳（史記殷本紀）。在位二十九年（通鑑外紀、通志同。今本竹書紀年作十九年）。

前 1630 年

太庚

太庚（卜辭同），沃丁弟（史記殷本紀），又作小庚辨（太平御覽卷八十三引古本竹書紀年）。在位二十五年（太平御覽卷八十三引帝王世紀。通鑑外紀、通志同。今本竹書紀年作五年）。

前 1605 年

小甲

小甲（卜辭同），名高（太平御覽卷八十三引古本竹書紀年），太庚子（史記殷本紀）。在位三十六年（通鑑外紀、通志同。太平御覽引史記曰在位十七年，不見今本史記。今本竹書紀年亦曰十七年）。

前 1569 年

雍己

雍己（卜辭作邕己）名伋（太平御覽卷八十三引古本竹書紀年），小甲弟（史記殷本紀）。雍己之時，商道衰，諸侯或不朝（史記殷本紀）。在位十二年（通鑑外紀。通志作十三年。太平御覽卷八十二引史記作十二年，不見今本史記。今本竹書紀年亦作十二

年）。

前 1557 年

太戊

太戊（卜辭同），雍己弟（史記殷本紀），亦稱中宗，在位七十五年（尚書無逸篇）。伊陟爲相，商道復興，諸侯歸之（史記殷本紀）。

前 1482 年

仲丁

仲丁（卜辭作中丁），太戊子（史記殷本紀）。元年自亳遷於囂（太平御覽卷八十三引古本竹書紀年，史記作囂）。征藍夷（後漢書東夷傳注引古本竹書紀年）。在位十一年（通鑑外紀、通志同。太平御覽引史記亦作十一年，不見今本。今本竹書紀年作九年）。

前 1471 年

外壬

外壬（卜辭同），仲丁弟（史記殷本紀）。在位十五年（通鑑外紀、通志同。太平御覽卷八十三引史記作五年，不見今本史記。今本竹書紀年作十年）。

前 1456 年

河亶甲

河亶甲（卜辭有彘甲）名整，外壬弟，自囂遷於相（太平御覽卷八十三引古本竹書紀年）。河亶甲時，商復衰（史記殷本紀）。河亶甲征藍夷，再征班方（太平御覽卷八十三引古本竹書紀年）。在位九年（通鑑外紀、通志、今本竹書紀年同。太平御覽卷八十三引史記亦作九年，但不見今本史記）。

前 1447 年

祖乙

祖乙（卜辭作且乙），名勝，是爲中宗（太平御覽卷八十三引古本竹書紀年），河亶甲子（史記股本紀）。祖乙時，巫賢任職，商復興（尚書君奭篇）。遷於耿（書序。史記作邢，在河南平臯縣，見王國維說耿）。在位十九年（通鑑外紀、通志、今本竹書紀年同。太平御覽卷八十三引史記同，但不見今本史記）。

前 1428 年

祖辛

祖辛（卜辭同），祖乙子（史記股本紀），在位十六年（通鑑外紀、通志同。太平御覽卷八十三引史記同，但不見今本史記。今本竹書紀年作十四年）。

前 1412 年

沃甲

沃甲（卜辭作羌甲。于省吾謂“沃”是羌的譌字，世本與古本竹書紀年作開甲），名踰，居庇（太平御覽卷八十三引古本竹書紀年），祖辛弟。在位二十年（通鑑外紀、通志同。太平御覽卷八十三引史記作二十五年，不見今本史記。今本竹書紀年作五年）。

前 1392 年

祖丁

祖丁（卜辭同），祖辛之子（史記股本紀），居庇（太平御覽卷八十三引古本竹書紀年）。在位三十二年（通鑑外紀、太平御覽卷八十三引史記同，但不見今本史記。通志作三十三年。今本竹書紀年作九年）。

前 1360 年

南庚

南庚（卜辭同），沃甲子（史記股本紀），名更，自庇遷於奄（太平御覽卷八十三引古本竹書紀年）。在位二十九年（太平御覽卷八十三引帝王世紀，通鑑外紀、通志同。皇極經世作二十五年，今本竹書紀年作六年）。

前 1331 年

陽甲

陽甲（卜辭作象甲），亦曰和甲（山海經郭注引古本竹書紀年），祖丁子（史記股本紀）。商自仲丁以來，至於陽甲，商衰，諸侯不至（史記股本紀）。在位七年（通鑑外紀、通志同。太平御覽卷八十三引古本竹書紀年作十七年。今本竹書紀年作四年）。

前 1324 年

盤庚

盤庚（卜辭作般庚），名旬（太平御覽卷八十三引古本竹書紀年），陽甲弟（史記股本紀）。盤庚遷於殷（尚書盤庚篇上），商自是稱殷（史記集解引鄭玄說。按自史記股本紀誤以殷爲亳，謂其地在大河之南，後人多沿其誤。自清季在安陽小屯村殷墟發現大量卜辭，然後殷之地點始明。王國維更博稽羣書，著“說殷”一文，證明安陽殷墟卽是盤庚以來之殷都，其地在黃河之北，而不在黃河之南，其說已成定論）。盤庚將遷於殷，士民嗟怨，作盤庚三篇（書序）。盤庚時，殷復興，諸侯來朝（史記股本紀）。在位二十八年（通鑑外紀、通志、今本竹書紀年同）。

前 1296 年

小辛

小辛（卜辭同），名頌（太平御覽卷八十三引古本竹書紀年），盤庚弟（史記股本紀）。小辛時，殷復衰（史記股本紀）。在位二十

一年（通鑑外紀、通志同。太平御覽卷八十三引史記同，但不見今本史記。今本竹書紀年作三年）。

前 1275 年

小乙

小乙（卜辭同），名欽（太平御覽卷八十三引古本竹書紀年），小辛弟（史記殷本紀）。在位二十一年（通鑑外紀、通志作二十年。太平御覽卷八十三引史記亦作二十年，但不見今本史記。皇極經世作二十八年，今本竹書紀年作十年）。

前 1254 年

武丁

武丁（卜辭同），號高宗（尚書無逸篇），小乙子（史記殷本紀）。武丁即位，三年不言，政事決定於冢宰（論語憲問篇）。武丁舉傳說於版築之間，任以爲相，國大治（孟子）。武丁對鬼方用兵凡三年，戰勝鬼方（易既濟卦辭）。武丁伐土方（卜辭）。武丁攻荆楚（詩商頌）。在位五十九年（尚書無逸篇）。

前 1195 年

祖庚

祖庚（卜辭作且庚），名曜，武丁子（太平御覽卷八十三引古本竹書紀年），在位七年（太平御覽卷八十三引帝王世紀。通鑑外紀、通志同。今本竹書紀年作十一年）。

前 1187 年

祖甲

祖甲（卜辭作且甲），名載，祖庚弟（史記殷本紀）。祖甲能保惠於庶民，不敢侮鰥寡，享國三十有三年（尚書無逸篇）。帝甲淫亂，

殷復衰（史記殷本紀）。

前 1154 年

廩辛

廩辛（卜辭作且辛，世本同。太平御覽卷八十三引古本竹書紀年、漢書古今人表作馮辛），名先（太平御覽卷八十三引古本竹書紀年），祖甲子。在位六年（通鑑外紀、通志同。太平御覽卷八十三引史記同，不見今本史記。今本竹書紀年作四年）。

前 1148 年

庚丁

庚丁（卜辭作康且丁），廩辛弟（史記殷本紀），在位六年（通鑑外紀。太平御覽卷八十三引史記作三十一年，不見今本史記。皇極經世作二十一年，今本竹書紀年作八年）。

前 1142 年

武乙

武乙（卜辭作武且乙），庚丁子（史記殷本紀）。周王季歷來朝（太平御覽八十三引古本竹書紀年，在武乙三十四年）。周王季歷伐西落鬼戎（後漢書西羌傳引古本竹書紀年，在武乙三十五年；西落鬼戎即鬼方，見王國維「鬼方昆夷獫狁考」）。武乙無道，獵於河渭之間，爲暴雷震死（史記殷本紀）。在位四年（通鑑外紀、通志同。太平御覽卷八十三引古本竹書紀年作三十四年，今本竹書紀年作三十五年）。

前 1138 年

太丁

太丁（卜辭作文武丁），又號文丁（史通疑古篇引古本竹書紀年），武乙子（史記殷本紀）。文丁殺周王季歷（晉書束皙傳引古本

竹書紀年)。三年，涇水一日三絕（太平御覽卷八十三引古本竹書紀年）。太丁之時，季歷復攻燕京之戎，戎人大敗周師（後漢書西羌傳）。在位三年（通鑑外紀、通志同）。太平御覽卷八十三引史記同，但不見今本史記。今本竹書紀年作十三年）。

前 1135 年

帝乙

帝乙（卜辭作乙。近安陽出土郊卣作帝乙），太丁子。二年，周人伐商（太平御覽卷八十三引古本竹書紀年）。十年征夷方，征盂方（卜辭通纂）。帝乙之時，殷益衰。帝乙徙居朝歌，都之，其子紂仍都之（史記股本紀）。在位三十七年（太平御覽卷八十三引帝王世紀、通鑑外紀、通志同。今本竹書紀年作九年）。

前 1098 年

紂

紂亦作受（太平御覽卷八十三引古本竹書紀年），又名辛，號帝辛，帝乙子（史記股本紀）。紂伐人方（卜辭）。^作炮烙之刑（史記股本紀）。寵妲己，惟其言是聽（尚書牧誓）。荒於酒色，不理政事（尚書酒誥篇）。廢棄祭祀，收容四方之罪犯逃遁，以之爲大夫卿士，暴虐百姓（尚書牧誓篇）。內史向摯出奔周（呂氏春秋先識覽）。殷之賢人微子啓去殷，箕子佯狂爲奴，比干因諫被殺（論語微子篇）。周武王遂率諸侯伐紂，戰於牧野。甲子日，紂兵敗，走入鹿臺，自焚死（史記股本紀）。殷亡。紂在位三十三年國滅（太平御覽卷八十三引帝王世紀、通鑑外紀、通志同。今本竹書紀年云五十二年）。凡殷繼嗣三十一王，六百二十九年（漢書律歷志引劉歆世經。史記集解引古本竹書

紀年：殷凡二十九王，四百九十六年）。

前 1066 年

周武王十一年

周武王名發，姬姓，文王昌子。九年東觀兵於孟津，諸侯至者八百，武王以爲紂尚未可伐，乃還師（史記周本紀）。十一年武王伐殷，戰於商郊之牧野，遂滅殷（按武王克殷之年，各書所載不一。史記魯世家、齊世家俱稱十一年克殷，而周本紀又作十二年。史記集解引譙周說作十三年。西周年代，惟魯世家所載較詳，茲從之。）

前 1065 年

周武王十二年

封弟叔鮮於管，叔度於蔡，叔處於霍。立紂子武庚祿父爲諸侯以治殷遺民，使管、蔡、霍監之。又封弟叔旦於魯而相周，是爲周公。又封弟叔振鐸於曹，封弟叔武於成（史記管蔡世家）。又封師尚父於齊（史記齊世家）。

前 1064 年

周武王十三年

武王訪於箕子，箕子爲陳洪範（尚書序）。武王久病，不愈（尚書金縢篇），遂死〔史記封禪書曰：武王克殷後二年，天下未寧而崩。按武王克殷後在位年數，有五年（尚書召誥）、六年（史記周本紀引帝王世紀）、七年（通鑑外紀）、十一年（漢書律歷志）等說。武王年壽有五十四（路史發揮四引古本竹書紀年）、九十三（禮記文王世子篇），九十四（今本竹書紀年）諸說〕。

前 1063 年

周成王元年

成王名誦，武王子。武王死，成王幼，周公

當國聽政，七年反政於成王〔按成王初年周公之地位，古書中有兩說。〔一〕周公即天子位，七年後反政於成王。如荀子儒效篇：“武王崩，周公屏成王而及武王，履天子之籥，負扆而坐，諸侯趨走堂下。”〔二〕周公爲相，攝行政事（史記魯世家）〕。封周公子伯禽於魯，使繼周公（史記魯世家）。管叔、蔡叔、霍叔與紂子武庚叛周，奄夷、淮夷、徐戎皆叛，周公東征（史記周本紀）。

前 1062 年

周成王二年
周公東征，討管、蔡、霍、武庚。

前 1061 年

周成王三年
周公平三監之亂，殺武庚、管叔、囚蔡叔、放霍叔（史記周本紀）。周公討平管、蔡後，又繼續向東方用兵，滅奄（今山東曲阜）等五十餘國，驅飛廉於海隅而戮之，周之勢力遂東至於海（孟子）。

前 1060 年

周成王四年
周公既殺武庚，乃封殷後微子啓於宋，以治殷之遺民（史記宋世家）。分康叔以殷民七族（左傳定公七年），封於衛，其地在黃河淇河間，是商都之廢墟（史記衛世家）。周公廣封親戚，以爲周室屏藩，立七十一國，姬姓居五十三（荀子儒效篇）。

前 1059 年

周成王五年
周公營成周（洛邑）爲周之東都（尚書大傳。按成周在今河南洛陽）。遷殷民於洛邑（尚書序）。

前 1058 年

周成王六年
周公制禮作樂（尚書大傳）。大蒐於岐陽（左傳昭公四年）

前 1057 年

周成王七年
周公復政於成王（史記周本紀）。

前 1027 年

周成王三十七年
四月，成王病篤，召太保奭、芮伯、彤伯、畢公、衛侯、毛公等至御前，命立太子釗。成王死，太保迎太子釗於南門之外，立以爲王，是爲康王（尚書顧命篇）。（按史記周本紀無成王在位年數。漢書律歷志引劉歆世經作周公在位七年，成王在位三十年，合三十七年。）

前 1026 年

周康王元年
康王名釗，成王長子（史記周本紀）。康王元年，釋喪冕作誥申戒諸侯（按尚書康王之誥篇，即記康王即位典禮及告諸侯之辭）。成康之際，天下安寧，刑措四十餘年不用（文選注引古本竹書紀年）。

前 1021 年

周康王六年
齊太公望死（太公呂望碑引古本竹書紀年）。

前 1018 年

周康王九年
晉侯作宮而美，康王責之（北堂書鈔卷十八引古本竹書紀年）。

前 1011 年

周康王十六年

魯侯伯禽卒（按史記魯世家，伯禽無年數。

漢書律曆志引劉歆世經作康王十六年卒。帝王世紀、今本竹書紀年同）。子考公伋（魯世家作僖，史記索隱引世本作鄒）立。

前 1010 年

周康王十七年

魯考公伋元年。

前 1007 年

周康王二十年

魯考公卒，弟煬公熙立。

前 1006 年

周康王二十一年

魯煬公熙元年。煬公徙魯。

前 1001 年

周康王二十六

康王死，子瑕立，是為昭王（史記周本紀。

按史記不載康王年數，是司馬遷已不知其在位之年。太平御覽卷八十五引帝王世紀作二十六年。各書多採其說，今從之）。

前 1000 年

周昭王元年

（漢書律曆志引劉歆世經云：“自周昭王以下亡年數，故據周公伯禽為紀。”是各書所載周昭王以下各五年代，大抵皆據推算，不足為據）。

前 989 年

周昭王十二年

魯煬公卒，子幽公宰（史記作宰，世本作圉）立（史記魯世家稱煬公在位六年，與推算不合，疑有誤）。

前 985 年

周昭王十六年

周涉漢攻楚（初學記七引古本竹書記年）。

前 977 年

周昭王二十四年

昭王之時，王道微缺，昭王南巡狩不返，卒於江上（史記周本紀。左傳僖公四年亦曰：“昭王南征不復，寡人是問。”昭王究如何死於江上，史無明文。至於昭王在位年數，史亦無明文，劉歆謂昭王以下無年數。太平御覽卷八十五引帝王世紀曰昭王在位五十一年，通鑑外紀同。通鑑外紀引帝王世紀又作二年。今本竹書紀年云十九年。今據魯紀年推算，當為二十四年），子穆王滿立。

前 976 年

周穆王元年

穆王作祗宮於南鄭（穆天子傳注引古本竹書記年）。穆王都西鄭（漢書地理志注）。穆王征犬戎，獲其五王，遷戎於太原（後漢書西羌傳）。

前 975 年

周穆王二年

魯幽公弟糞（史記索隱引世本作弗）殺幽公而自立，是為魏公（史記集解引世本又作微公），幽公在位十四年（史記魯世家）。

前 964 年

周穆王十三年

穆王好游，得名馬，造父御車，乘以西遊（左

傳昭公十二年，史記秦本紀）。

前 960 年

周穆王十七年

西征昆侖丘，見西王母。其年來見，賓於昭宮（穆天子傳注引古本竹書紀年）。

前 940 年

周穆王三十七年

穆王伐越（文選江賦注引古本竹書紀年）。

前 927 年

周穆王五十年

命呂（亦作甫）侯作呂（甫）刑（書序）。

前 925 年

周穆王五十二年

魯魏公卒，子厲公擢（史記作擢，世本作翟）立。魏公在位五十年（史記魯世家）。

前 922 年

周穆王五十五年

穆王死，子繫廬（世本作伊廬）立，是爲共（一作恭）王（史記周本紀）。穆王在位五十五年（史記周本紀）。

前 921 年

周共王元年

共王滅密。

前 910 年

周共王十二年

共王死，子釐（世本作堅）立，是爲懿王（史記周本紀）。（史記不載共王在位年數，太平御覽引帝王世紀作二十五年，通鑑外紀作十年，今本竹書紀年作十二年）。

前 909 年

周懿王元年

懿王之時，王室遂衰，詩人作刺（史記周本紀）。戎狄交侵（漢書匈奴傳）。懿王自鎬（宗周）徙都犬丘（史記索隱引宋忠說）。

前 888 年

周懿王二十二年

魯厲公擢卒，弟獻公具立。厲公在位三十七年（史記魯世家）。

前 885 年

周懿王二十五年

懿王薨死，共王弟辟方立，是爲孝王（史記周本紀）。懿王在位二十五年（太平御覽卷八十五引帝王世紀。通鑑外紀、今本竹書紀年同）。

前 884 年

周孝王元年

孝王使非子牧馬汧、渭之間，馬蕃息，乃封之於秦（史記秦本紀。此事不知在何年，姑繫之於此）。

前 870 年

周孝王十五年

孝王死，諸侯立懿王子燹，是爲夷王（史記周本紀。按史記無孝王在位年數。太平御覽引帝王世紀作十五年。今本竹書紀年作九年）。

前 869 年

周夷王元年

周夷王時，周益衰，天子下堂而見諸侯（禮記郊特牲篇）。

前 868 年

周夷王二年

蜀人、呂人來獻瓊玉，賓於河，用介珪（太平御覽卷八十五引古本竹書紀年）。

前 867 年

周夷王三年

紀侯譖齊哀公，周夷王烹齊哀公，而立其弟靜，是爲胡公，胡公自營邱遷都薄姑（史記齊世家。年從太平御覽卷八十五引古本竹書紀年）。

前 859 年

周夷王十一年

王有疾，諸侯祈禱於山川（左傳昭公二十六年。按此不知何年之事，姑繫於此）。

前 858 年

周夷王十二年

周夷王死，子胡立，是爲厲王（史記周本紀。史記無夷王在位年數，太平御覽卷八十五引帝王世紀夷王在位十六年，通鑑外紀作十五年，今本竹書紀年又作八年。按依魯世家推算，夷王在位年數當爲十二年）。

前 856 年

周厲王二年

魯獻公具卒，子眞公湏立（按魯獻公在位年數，史記魯世家作三十二年，劉歆世經作五十年，帝王世紀作三十六年。清宋翔鳳過庭錄已糾劉歆之失，茲從史記）。

前 842 年

周厲王十六年

厲王奔彘（史記周本紀稱周厲王三十七年奔

彘。魯世家又稱魯眞公十四年周厲王奔彘。但依推算，魯眞公十四年實當厲王十六年，茲從魯世家）。

前 841 年

庚申 共和元年

魯眞公湏十五年。齊武公壽十年。晉靖侯宜臼十八年。秦秦仲四年。楚熊勇七年。衛釐侯十四年。宋釐公舉十八年。陳幽公寧十四年。蔡武侯二十三年。曹夷伯喜二十四年。燕惠侯二十四年。周厲王貪財暴虐，又使衛巫監謗，國人流王於彘（今山西霍縣）。共伯和行天子事。（史記十二諸侯年表始於是年，自是年起，中國歷史始有準確年代。共和有兩說：史記周本紀：以“召公周公二相行政，號曰共和。”史記索隱引古本竹書紀年：“共伯和干王位”。呂氏春秋開春論：“共伯和修其行，好賢仁，而海內皆以來爲稽矣，周厲之難，天子曠絕而天下皆來謂矣”。是又以共和爲共伯和年號。古共國在今河南輝縣）。

前 840 年

辛酉 共和二年

晉釐（一作僖）侯司徒元年。厲王之子靜匿於召公家中。

前 839 年

壬戌 共和三年

前 838 年

癸亥 共和四年

蔡武侯卒，子夷侯立。楚熊勇卒，弟熊嚴立。

前 837 年

甲子 共和五年
蔡夷侯元年。 楚熊嚴元年。

前 836 年

乙丑 共和六年

前 835 年

丙寅 共和七年
曹夷伯喜卒，弟幽伯疆立。

前 834 年

丁卯 共和八年
曹幽伯疆元年。

前 833 年

戊辰 共和九年

前 832 年

己巳 共和十年
陳幽公卒，子釐公孝立。

前 831 年

庚午 共和十一年
陳釐公孝元年。 宋釐公卒，子惠公闢立。

前 830 年

辛未 共和十二年
宋惠公闢元年。

前 829 年

壬申 共和十三年

前 828 年

癸酉 共和十四年
周厲王死於瑤，太子靜立，是爲周宣王。 宣王即位後，周、召二公輔政，“法文、武、

成、康之遺風，諸侯復宗周”（史記周本紀）。是年大旱（古本竹書紀年）。 楚熊嚴死，子伯霜立，是爲熊霜。

前 827 年

甲戌 周宣王元年

楚熊霜元年。 燕惠侯死，子釐侯立。 宣王即位後，命吉甫、南仲等對獫狁、西戎等族用兵，經略西北。 又命申伯、韓侯、仲山甫等經略中原。 復命方叔、皇父、程伯休父等經略東南，對荆蠻、淮夷、徐方作戰，周勢復振，號稱中興（以上諸戰役究於何年發生，已不可考，統繫於此）。 宣王即位，不藉千畝，號公諫，王不聽（國語周語）。

前 826 年

乙亥 周宣王二年

燕釐侯元年。 魯眞公濞卒，弟敖立，是爲武公。 曹幽伯弟蘇（年表作鮮）殺幽伯自立，是爲戴伯。

前 825 年

丙子 周宣王三年

魯武公敖元年。 曹戴伯蘇元年。 齊武公死，子厲公無忌立。

前 824 年

丁丑 厲宣王四年

齊厲公無忌元年

前 823 年

戊寅 周宣王五年

晉獻侯司徒死，子籍（史記索隱引世本作蘇）嗣位，是爲獻侯。

前 822 年

己卯 周宣王六年

晉獻侯繇元年。 楚熊霜卒，三弟爭立，仲雪死，叔熊逃難於濮，國人立少弟季徇（史記年表作熊徇，楚世家作熊狗，國語鄭語作季紃）。 秦仲伐西戎，爲西戎所殺（古本竹書紀年繫此事於宣四年，此據史記秦本紀）。 秦仲有子五人，宣王召五人，予兵七千，復伐西戎，破之。 宣王乃立秦仲長子，予以大駱、犬丘之地，爲西垂大夫，是爲莊公。

前 821 年

庚辰 周宣王七年

楚王熊徇元年。 秦莊公元年。 莊公居其犬丘故地。

前 820 年

辛巳 周宣王八年

前 819 年

壬午 周宣王九年

前 818 年

癸未 周宣王十年

前 817 年

甲申 周宣王十一年

春，魯武公與長子括、少子戲西朝周宣王，周宣王立戲爲魯太子，周臣樊仲山父諫，宣王不聽（史記魯世家繫此事於魯武公九年，即周宣王十一年，周本紀繫此事於十二年，而今本竹書紀年又繫於八年，茲從魯世家）。

前 816 年

乙酉 周宣王十二年

魯武公卒，公子戲立，是爲懿公。 齊厲公無忌暴虐，齊人殺厲公而立厲公子赤，是爲文

公。誅討殺厲公之黨七十人。

前 815 年

丙戌 周宣王十三年

魯懿公戲元年。 齊文公赤元年。

前 814 年

丁亥 周宣王十四年

前 813 年

戊子 周宣王十五年

衛懿侯卒，太子共伯餘立。 其弟和初有寵於懿公，至是攻共伯餘，共伯餘自殺，和自立，是爲武公。

前 812 年

己丑 周宣王十六年

衛武公和元年。武公卽位，修康叔之政，百姓和集。 晉獻侯卒，子穆侯弗生（晉世家作費王，此從年表）立，自曲沃徙都絳。

前 811 年

庚寅 周宣王十七年

晉穆侯弗生元年。

前 810 年

辛卯 周宣王十八年

蔡夷侯卒，子所事立，是爲釐侯。

前 809 年

壬辰 周宣王十九年

蔡釐（左傳作僖）侯所事元年。

前 808 年

癸巳 周宣王二十年

晉穆侯娶齊女爲夫人。

前 807 年

甲午 周宣王二十一年
魯懿公兄括之子伯御與魯人攻殺懿公而自立；
伯御後爲周宣王所殺，無諡。懿公卒，卽以孝
公稱紀年（參見公元前 796 年條）。

前 806 年

乙未 周宣王二十二年
周宣王封弟友於鄭，是爲鄭桓公。

前 805 年

丙申 周宣王二十三年
晉穆侯伐條。

前 804 年

丁酉 周宣王二十四年
齊文公卒，子成公說（世家作脫）立。

前 803 年

戊戌 周宣王二十五年
齊成公說元年。

前 802 年

己亥 周宣王二十六年
晉穆侯戰於千畝，有功。

前 801 年

庚子 周宣王二十七年
宋惠公卒，子哀公立。

前 800 年

辛丑 周宣王二十八年
宋哀公元年，卒，子戴公立。 楚熊徇卒，子
熊芻立。

前 799 年

壬寅 周宣王二十九年
楚熊芻元年。 宋戴公元年。

前 798 年

癸卯 周宣王三十年

前 797 年

甲辰 周宣王三十一年
周宣王伐太原之戎，不克（古本竹書紀年）。

前 796 年

乙巳 周宣王三十二年
周宣王伐魯，殺伯御，立懿公弟稱，是爲孝
公。 陳釐公卒，子武公靈立。 曹戴伯卒，
子惠伯咺（年表作雉）立。

前 795 年

丙午 周宣王三十三年
陳武公靈元年。 曹惠伯咺元年。 齊成公
卒，子莊公賁（世家作購）立。

前 794 年

丁未 周宣王三十四年
齊莊公賁元年。

前 793 年

戊申 周宣王三十五年

前 792 年

己酉 周宣王三十六年
周宣王攻條戎、奔戎，王師敗績（後漢書西羌
傳注引古本竹書紀年）。

前 791 年

庚戌 周宣王三十七年
楚熊罻卒，子熊儀立，是爲若敖。 燕釐侯卒，子頃侯立。

前 790 年

辛亥 周宣王三十八年
楚若敖熊儀元年。 燕頃侯元年。 晉人敗北戎於汾隰。 戎人滅姜侯之邑（皆見後漢書西羌傳注引古本竹書紀年）。

前 789 年

壬子 周宣王三十九年
周宣王與姜氏之戎戰於千畝，周師敗績。 宣王乃料民於太原。 周宣王破申戎（後漢書西羌傳注引古本竹書紀年）。

前 788 年

癸丑 周宣王四十年

前 787 年

甲寅 周宣王四十一年

前 786 年

乙卯 周宣王四十二年

前 785 年

丙辰 周宣王四十三年
晉穆侯卒，弟殤叔自立，太子仇出奔。 周宣王殺大夫杜伯，死非其罪，時人寃之（年據墨子明鬼篇引周春秋），其子隰叔奔晉（國語晉語）。

前 784 年

丁巳 周宣王四十四年
晉殤叔元年。

前 783 年

戊午 周宣王四十五年

前 782 年

己未 周宣王四十六年
周宣王卒，太子宮涅立，是爲幽王。

前 781 年

庚申 周幽王元年
晉太子仇率其徒襲殺殤叔而自立，是爲文侯。 陳武公卒，子夷公說立。

前 780 年

辛酉 周幽王二年
晉文侯仇元年。 陳夷公說元年。 鎬京大地震，涇、渭、洛三川竭，岐山崩。

前 779 年

壬戌 周幽王三年
周幽王嬖褒姒。傳褒姒不好笑，幽王欲其笑，爲舉烽火，並擊大鼓，召諸侯來援，諸侯兵至，乃無寇。其後幽王屢舉烽火，諸侯不至。幽王用虢石父爲卿，善諛好利，國人皆怨。

前 778 年

癸亥 周幽王四年
秦莊公卒，子襄公立。先是，莊公有子三人，長名世父，世父曰：“戎殺我大父仲，我非殺戎王，則不敢入邑。”遂將擊戎，讓其弟襄公爲太子。至是襄公遂立。 陳夷公卒，弟平公變立。

前 777 年

甲子 周幽王五年
秦襄公元年。 陳平公變元年。

前 776 年

乙丑 周幽王六年

前 775 年

丙寅 周幽王七年

前 774 年

丁卯 周幽王八年

周幽王廢太子宜臼與其母申后，立褒姒子伯服爲太子（太平御覽卷一四七引古本竹書紀年），宜臼奔申（左傳昭公二十六年正義引古本竹書紀年）。鄭桓公爲周司徒，知周將亡，言於王，遷其民於雒東，號、鄭獻十邑以居之，號曰新鄭（今河南新鄭）。

前 773 年

戊辰 周幽王九年

前 772 年

己巳 周幽王十年

前 771 年

庚午 周幽王十一年

申侯引西夷、鄘人、犬戎攻幽王，殺幽王於驪山之下，虜褒姒，並殺司徒鄭桓公，盡取周財寶而去。諸侯共立太子宜臼，是爲平王。西周積年，諸說不一。（一）史記周本記集解引古本竹書記年：自武王滅殷至幽王凡二百五十七年。（二）史記匈奴列傳謂自武王伐紂至犬戎殺幽王凡四百餘年。（三）漢書律歷志引劉歆世經謂伯禽至春秋凡三百八十六年。（四）劉恕通鑑外紀載西周凡三百五十二年。鄭玄詩譜序曰：“夷厲以上，歲數不明；大史年表，自共和始。”是共和以前年數，迄無定論。

前 770 年

辛未 周平王元年

鄭武公元年（史記世家作掘突，年表作滑突，譌周曰名突滑，索隱以爲皆非）。晉文侯、鄭武公、衛武公、秦襄公帥兵護送平王，入於雒邑，自是年起史稱東周。東周初年，王室衰微，依靠晉、鄭兩國支持。周平王賜秦襄公以岐山以西之地，秦始列於諸侯。號公翰又立王子余臣於攜，是爲攜王，周二王並立。

前 769 年

壬申 周平王二年

鄭武公與王子多父滅鄘而有其地，鄭亦東遷。秦作西時，祠白帝。魯孝公卒，子惠公弗湟立（年表作弗生，史記索隱引世本作弗壘，茲從魯世家）。

前 768 年

癸酉 周平王三年

魯惠公弗湟元年。王錫司徒鄭伯命。

前 767 年

甲戌 周平王四年

鄭人滅虢（漢書地理志注臣瓚曰）。燕頃侯卒，子哀侯立。

前 766 年

乙亥 周平王五年

燕哀侯元年。秦襄公攻戎，至岐而死，子文公立。宋戴公卒，子武公司空立。

前 765 年

丙子 周平王六年

秦文公元年，居西垂宮。宋武公司空元年。燕哀侯卒，子鄭侯立。

前 764 年

丁丑 周平王七年

燕鄭侯元年。楚若敖卒，子熊坎立，是爲霄敖。

前 763 年

戊寅 周平王八年

楚霄敖元年。秦文公率兵七百人東獵。

前 762 年

己卯 周平王九年

秦文公至汧渭之會，乃卜居之，占曰吉，卽營邑之。蔡釐侯卒，子共侯興立。

前 761 年

庚辰 周平王十年

蔡共侯興元年。鄭武公娶申侯女武姜。

前 760 年

辛巳 周平王十一年

晉殺攜王余臣（今本竹書紀年繫此事於平王二十一年，蓋誤以晉文侯二十一年爲周平王之年，今從古本竹書紀年）。蔡共侯卒，子戴侯立。曹惠伯卒，子石甫立，其弟武殺之代立，是爲穆（曹世家作繆）公。

前 759 年

壬午 周平王十二年

蔡戴侯元年。曹穆公元年。

前 758 年

癸未 周平王十三年

楚霄敖卒，子熊陶立，是爲蚡冒。衛武公卒，子莊公楊立。

前 757 年

甲申 周平王十四年

楚蚡冒元年。衛莊公楊元年。曹穆公卒，子桓公終生立。

前 756 年

乙酉 周平王十五年

曹桓公終生元年。秦初作酈時，用三牢。

前 755 年

丙戌 周平王十六年

陳平公卒，子文公圉立。

前 754 年

丁亥 周平王十七年

陳文公圉元年。

前 753 年

戊子 周平王十八年

秦初有史以記事。

前 752 年

己丑 周平王十九年

衛莊公娶夫人姜氏於齊。

前 751 年

庚寅 周平王二十年

前 750 年

辛卯 周平王二十一年

秦文公大敗戎師於岐，收周之餘民而有之。地至岐，岐以東獻於周（今本竹書紀年繫此事於平王十八年，茲從史記秦本紀）。蔡戴侯卒，子宣侯考父（史記作措夫，茲從春秋）立。

前 749 年

壬辰 周平王二十二年
蔡宣侯考父元年。

前 748 年

癸巳 周平王二十三年
宋武公卒，子宣公力立。

前 747 年

甲午 周平王二十四年
宋宣公力元年。 秦作陳寶祠。

前 746 年

乙未 周平王二十五年
晉文侯仇卒，子昭侯伯立。 秦初用族刑。

前 745 年

丙申 周平王二十六年
晉昭侯元年，晉昭侯封其叔父成師於曲沃是爲桓叔，曲沃大於翼（晉君都邑），晉由是分裂（按史記晉世家，成師是晉文侯之弟，昭侯之叔，與國語晉語合；而史記十二諸侯年表誤作昭侯弟。 茲從晉世家）。陳文公卒，子桓公鮑立。

前 744 年

丁酉 周平王二十七年
陳桓公鮑元年。 鄭武公卒，子莊公寤生立。先是，武姜生莊公及太叔段，武姜惡寤生而愛段，欲立段爲太子，武公弗許。

前 743 年

戊戌 周平王二十八年
鄭莊公寤生元年，祭仲相。封弟段於京，謂之京城太叔。

前 742 年

己亥 周平王二十九年

前 741 年

庚子 周平王三十年
楚蚡冒卒，弟熊通殺蚡冒子而自立，是爲武王。 衛莊公愛妾之子州吁好兵，公弗禁。

前 740 年

辛丑 周平王三十一年
楚武王熊通元年。

前 739 年

壬寅 周平王三十二年
晉大夫潘父殺昭侯，而迎曲沃桓叔。桓叔欲入晉，晉人發兵攻桓叔，桓叔敗歸曲沃。晉大夫共立昭侯子平，是爲孝侯，誅潘父。

前 738 年

癸卯 周平王三十三年
晉孝侯平元年。

前 737 年

甲辰 周平王三十四年

前 736 年

乙巳 周平王三十五年

前 735 年

丙午 周平王三十六年
衛莊公卒，太子完立，是爲桓公。

前 734 年

丁未 周平王三十七年
衛桓公完元年。

前 733 年

戊申 周平王三十八年
衛桓公弟州吁驕奢逾制，桓公紂之，出奔。

前 732 年

己酉 周平王三十九年

前 731 年

庚戌 周平王四十年
晉曲沃桓叔成師卒，子鐸代，是爲曲沃莊伯。
齊莊公卒，子釐公祿父立。

前 730 年

辛亥 周平王四十一年
齊釐公祿父元年。

前 729 年

壬子 周平王四十二年
宋宣公卒，舍其子與夷而立弟和，是爲穆公。
燕鄭侯卒，子穆（燕世家作繆）侯立。

前 728 年

癸丑 周平王四十三年
宋穆公和元年。 燕穆侯元年。

前 727 年

甲寅 周平王四十四年

前 726 年

乙卯 周平王四十五年

前 725 年

丙辰 周平王四十六年

前 724 年

丁巳 周平王四十七年

晉曲沃莊伯入翼殺晉孝侯，晉大夫逐曲沃莊伯，立孝侯子郤（史記十二諸侯年表作卻，此從晉世家），是爲鄂侯。 曲沃勢日強，晉無力抵抗。

前 723 年

戊午 周平王四十八年
晉鄂侯郤元年。 魯惠公卒，庶子隱公息姑立。

春秋大事年表

前 722 年

己未 周平王四十九年

魯隱公息姑元年。魯國編年史《春秋》始於是年而終於西元前四八一年（《春秋》是現在最古之編年史，後來歷史家稱這一時期為春秋時期）。五月，鄭莊公之弟太叔段將自京襲鄭，鄭莊公使公子呂伐京，克之於鄆，太叔出奔共。九月，魯與宋盟於宿。

前 721 年

庚申 周平王五十年

周鄭交質。春，魯隱公會戎於潛，八月，盟於唐。十二月，鄭攻衛。

前 720 年

辛酉 周平王五十一年

三月，周平王卒，孫林嗣位，是為桓王。初，鄭武公、莊公為平王卿士，但平王又欲登用虢公，鄭伯怨，周、鄭互相交換人質（見上年）。平王死，周人當真要任用虢公為王室的卿士。四月，鄭莊公派其臣祭足帥兵侵周，取濫之麥，秋又取成周之禾，周鄭遂成仇敵。秋，周因平王之喪，遣武氏子，赴魯求賻。八月，宋穆公卒，出其子公子馮於鄭，而立宣公之子與夷，是為殤公。十二月，鄭、齊盟於石門。

前 719 年

壬戌 周桓王元年

宋殤公與夷元年。春，衛州吁殺其君衛桓公而自立。九月，衛臣石碏殺州吁。十二月，衛立桓公弟晉，是為宣公。

前 718 年

癸亥 周桓王二年

衛宣公晉元年。秦文公太子卒，謚曰湫公。春，晉曲沃莊伯聞鄂侯死，與鄭、邢伐翼，周桓王使尹氏、武氏助之，翼侯奔隨。秋，曲沃叛王，王命虢公伐曲沃，而立鄂侯子光於翼，是為哀侯。

前 717 年

甲子 周桓王三年

晉哀侯光元年。冬，周大饑。鄭莊公始如周朝桓王，桓王因舊嫌，不以禮接待之。

前 716 年

乙丑 周桓王四年

秦文公卒，葬於西山。孫憲（史記秦本紀作寧，誤。按漢書人表作憲，秦始皇本紀附秦紀及索隱引本紀同）公立。秋，魯伐邾。冬，周桓王使凡伯聘魯，凡伯在歸途中被戎人擒俘。晉曲沃莊伯卒，子稱立，是為曲沃武公。

前 715 年

丙寅 周桓王五年

秦憲公元年。三月，鄭莊公以其泰山附近之地訪，易魯之許田。夏，周任用虢公忌父為卿士。六月，蔡宣侯卒，子桓侯封人立。七月，宋公、齊侯、衛侯盟於瓦屋。

前 714 年

丁卯 周桓王六年

蔡桓侯封人元年。三月中，魯大雨，震電。

又大雨雪。冬，魯隱公會齊侯於防。是歲，秦憲公徙都平陽，遣兵伐蕩社。

前 713 年

戊辰 周桓王七年

夏，鄭、齊、魯敗宋師於菅，取宋郕、防二地入魯。秋，宋、衛攻入鄭，宋、蔡、衛又侵戴，八月，戴又爲鄭所併。是歲，秦與亳戰，亳王奔戎，遂滅蕩社。

前 712 年

己巳 周桓王八年

春，滕侯、薛侯朝魯。秋，鄭滅許。周桓王將屬於鄭國之郕、劉、葛、邕等地據爲己有，而以溫、原、絺、樊、隰郕、櫟茅、向、盟、州、陘、隄、懷等地與鄭，作爲交換。此等領地早已不服從周之命令，因之鄭亦不能立即占領。十一月，魯隱公爲大夫翬所殺。隱公子允（史記集解引徐廣曰一作軌）卽位，是爲桓公。

前 711 年

庚午 周桓王九年

魯桓公元年。夏，魯侯鄭伯盟於越。是歲，燕穆侯卒，子宣侯立。

前 710 年

辛未 周桓王十年

燕宣侯元年。正月，宋大夫華督殺大司馬孔父與宋殤公，立公子馮，是爲莊公。滕侯朝魯。三月，魯侯、齊侯、陳侯、鄭伯會於稷，以平宋亂。

前 709 年

壬申 周桓王十一年

春，晉曲沃武公虜哀侯，晉立哀侯子小子爲

君，是爲小子侯。

前 708 年

癸酉 周桓王十二年

夏，周桓王使宰渠、伯糾聘魯。

前 707 年

甲戌 周桓王十三年

正月，陳桓公卒，桓公弟佗殺太子免而自立，陳亂。夏，王奪鄭伯政，鄭伯不朝。王使仍叔之子聘魯。蔡、衛、陳三國從周桓王伐鄭，戰於繻葛，周師敗績。鄭人射王中肩。秋，魯大雩（祈雨的祭祀）。

前 706 年

乙亥 周桓王十四年

春，楚侵隨。夏，山戎攻齊，鄭太子忽帥師救齊，大敗戎師。秋，八月，魯大閱，簡車馬。蔡人殺陳佗，而立陳桓公子躍，是爲厲公元年（按史記以陳佗爲厲公，又以躍爲利公，與春秋、左傳俱不合，茲從春秋、左傳）。

前 705 年

丙子 周桓王十五年

春，穀伯、鄧侯朝魯。秋，鄭、齊、衛攻盟、向，周遷盟、向之民於郟。冬，曲沃武公殺晉小子侯（按此事史記十二諸侯年表繫於桓王十四年，茲從左傳）。

前 704 年

丁丑 周桓王十六年

春，晉曲沃武公滅翼。夏，楚熊通自稱王，侵隨，未拔，結盟而還，遂東闢地至濮上。秦憲公攻蕩氏，取之。秦憲公卒，大庶長弗忌、威壘、三父廢太子武公而以憲公幼子爲

君，是爲出公。

前 703 年

戊寅 周桓王十七年

秦出公元年。春，周桓王娶紀公主爲后。楚、巴攻鄭。秋，周命虢仲、芮伯、梁伯、荀侯、賈伯伐曲沃。立晉哀侯弟潁爲晉侯（史記晉世家作緡，此從十二諸侯年表）。

前 702 年

己卯 周桓王十八年

正月，曹桓公卒，子莊公射姑立。十二月，齊、衛、鄭敗魯於郎。

前 701 年

庚辰 周桓王十九年

曹莊公射姑元年。春，楚屈瑕、鬬廉擊敗鄢師於蒲騷。五月，鄭莊公寤生卒，子太子忽立。九月，公子突自宋入鄭，忽奔衛，突自立，是爲厲公。

前 700 年

辛巳 周桓王二十年

鄭厲公突元年。九月，陳厲公躍卒（史記誤以佗爲厲公，遂誤以厲公爲蔡人所殺，茲從春秋），弟莊公林立。十一月，衛宣公卒，子朔立，是爲惠公。是年，魯欲平宋鄭，三會宋於穀丘、虛及龜而盟，宋三會而卒辭平，魯怒，與鄭盟，十二月，魯與鄭攻宋。

前 699 年

壬午 周桓王二十一年

衛惠公朔元年。陳莊公林元年。夏，魯大水。魯、紀、鄭與齊、宋、衛、燕戰，齊、宋、衛、燕敗績。

前 698 年

癸未 周桓王二十二年

秦三父殺出公，復立故太子，是爲武公。十二月，齊釐公祿父卒，太子諸兒立，是爲襄公。宋帥齊、蔡、衛、陳攻鄭。燕宣侯卒，子桓公立。

前 697 年

甲申 周桓王二十三年

齊襄公諸兒元年。燕桓公元年。秦武公元年，攻彭戲氏，至於華山下，居平陽封宮。春，周桓王使家父至魯求車。三月，周桓王卒，子陀嗣位，是爲莊王。五月，鄭厲公突出奔蔡，六月，太子忽復歸於鄭，是爲昭公。九月，鄭厲公又歸鄭，居櫟。

前 696 年

乙酉 周莊王元年

鄭昭公忽元年。冬，衛惠公朔出奔齊，衛臣立公子黔牟。

前 695 年

丙戌 周莊王二年

衛黔牟元年。正月，魯侯與齊侯、紀侯盟於黃。五月，齊敗魯於奚。六月，蔡桓侯卒，弟哀侯獻舞立。冬，鄭高渠彌殺其君昭公忽，立公子亹。是歲，秦武公誅三父等，夷其三族，爲出公報仇。

前 694 年

丁亥 周莊王三年

蔡哀侯獻舞元年。鄭子亹元年，齊殺子亹與高渠彌，鄭立子亹弟子嬰（左傳作子儀，此從史記）。春，正月，魯桓公與夫人文姜如齊。夏四月，齊侯使公子彭生殺桓公。魯大夫

立太子同，是爲莊公。 冬，周公黑肩謀殺周莊王而立王子克。 莊王殺周公，王子克奔燕（史記周本紀、十二諸侯年表俱繫此事於莊王四年，茲從左傳）。

前 693 年

戊子 周莊王四年
鄭子嬰元年。 十月，陳莊公林卒，弟宣公杵臼立。 周莊王使榮叔賜魯桓公命。 齊遷紀國鄆、鄆、郕三邑之民而取其地。

前 692 年

己丑 周莊王五年
陳宣公杵臼元年。 夏，魯公子慶父率師侵於餘丘。 十二月，宋殤公卒，子湣公捷立。

前 691 年

庚寅 周莊王六年
宋湣公捷元年。 秋，紀季以鄆入於齊，紀遂分爲兩國。 是歲，燕桓公卒，子莊公立。

前 690 年

辛卯 周莊王七年
燕莊公元年。 春，楚武王攻隨，卒於師，子熊賁立，是爲文王。 夏，齊滅紀，紀侯出奔，讓位於弟季，季降於齊，爲齊附庸。

前 689 年

壬辰 周莊王八年
楚文王熊賁元年，始都郢。 秋，鄆犁朝魯。 冬，魯、齊、宋、蔡攻衛。

前 688 年

癸巳 周莊王九年
春，周使子突救衛，納衛惠公朔。 秦攻邽、冀之戎，滅之以爲縣。 冬，楚侵申、鄧。

前 687 年

甲午 周莊王十年
秦滅小虢，又以杜、鄭爲縣。

前 686 年

乙未 周莊王十一年
春，魯治兵於郎。 夏、齊、魯圍郕，郕降於齊。 冬，齊臣無知殺其君齊襄公而自立。 齊公子糾與管仲奔魯。 衛惠公朔復入衛。

前 685 年

丙申 周莊王十二年
春，齊雍廩殺無知，公子小白自莒入齊即位，是爲桓公。 魯侯謀納公子糾於齊，爲齊所敗。 九月，魯人殺公子糾，歸管仲於齊，齊以管仲爲大夫，執國政。 齊桓公任用管仲、鮑叔、隰朋、高傒，修齊國之政，連五家之兵，設輕重魚鹽之利，舉賢任能，齊國日強。

前 684 年

丁酉 周莊王十三年
春，齊侵魯，魯用曹劌謀，敗齊師於長勺。 九月，楚侵蔡，虜袁侯以歸。 冬，齊滅譚。

前 683 年

戊戌 周莊王十四年
秋，宋大水，魯侯遣使弔之。

前 682 年

己亥 周莊王十五年
秋，宋南宮萬殺宋湣公、與宋大夫仇牧、太宰華督立公子游，宋諸公子殺游而立湣公弟禦說，是爲桓公。 南宮萬奔陳，不久爲宋人所殺。 周莊王卒，太子胡齊嗣位，是爲釐王（亦作僖）。

前 681 年

庚子 周釐王元年

宋桓公元年。春，齊會宋、陳、蔡、邾於北杏，議平宋亂。夏，齊滅遂。冬，齊桓公與魯君會於柯，魯大夫曹劌（史記作沫）劫齊桓公，反所亡地。

前 680 年

辛丑 周釐王二年

春，齊桓公請周師與陳、曹共攻宋。六月，鄭厲公自櫟入鄭都，殺鄭子嬰而復位。七月，楚攻入蔡。

前 679 年

壬寅 周釐王三年

春，齊桓公會宋公、陳侯、衛侯、鄭伯於鄆，始霸諸侯。秋，鄭攻宋。冬，曲沃武公滅晉侯滑，以寶獻周，周釐王使虢公命曲沃武公以一軍爲晉侯，列爲諸侯，於是盡併晉地而有之（左傳繫此事於釐王四年，茲從史記）。

前 678 年

癸卯 周釐王四年

秦武公卒，葬於雍，初以人殉葬，死者六十六人。有子白，不立，封於平陽，立武公弟德公。楚滅鄧。諸侯攻鄭。十二月，齊、魯、宋、陳、衛、鄭、許、滑、滕之君同盟於幽。

前 677 年

甲辰 周釐王五年

秦德公元年，徙都於雍。以櫜三百牢祠鄆時。梁伯、芮伯朝秦。周釐王卒，子閔（世本作毋涼）立，是爲惠王。晉武公卒，子詭諸立，是爲獻公。楚文王熊賁卒，子熊羆立，

是爲杜敖（史記十二諸侯年表作堵敖，茲從楚世家、漢書人表）。

前 676 年

乙巳 周惠王元年

晉獻公詭諸元年。楚杜敖熊羆元年。秦初作伏祠社，磔狗於邑四門以禦蠱。周惠王娶陳嬀爲后。秦德公卒，長子宣公立。

前 675 年

丙午 周惠王二年

秦宣公元年。六月，蔡哀侯卒於楚。子穆（一作繆）侯卬立。秋，周大臣蔿國、邊伯、子禽、祝詭、詹父、膳夫石速，奉釐王弟王子頹以攻王，不克，出奔溫，蘇子奉王子頹奔衛，衛師、燕（南燕）師攻周。冬，立王子頹。

前 674 年

丁未 周惠王三年

蔡穆侯卬元年。春，鄭伯和王室未能成功，遂執南燕仲父。夏，鄭伯以王歸於鄭，處王於櫟。秋，王及鄭伯入成周，取其寶器而還。

前 673 年

戊申 周惠王四年

夏，鄭伯、虢公攻入周，殺王子頹，奉周惠王復歸於王城，惠王賜鄭伯虎牢以東之地。五月，鄭厲公突卒，子文公捷立。

前 672 年

己酉 周惠王五年

鄭文公捷元年。春，陳殺其太子御寇，公子完出奔齊，齊桓公任以爲卿，是爲齊田氏之祖。晉獻公攻驪戎，獲驪姬以歸。楚杜敖弟憚殺杜敖自立，是爲楚成王。秦作密時。

秦與晉戰於河陽，勝之。

前 671 年

庚戌 周惠王六年

楚成王憚元年，布德施惠，結舊好於諸侯，使人獻於周惠王，惠王賜之胙。魯莊公赴齊觀社。曹莊公卒，子釐公夷立。

前 670 年

辛亥 周惠王七年

曹釐（一作僖）公夷元年。魯莊公娶齊女爲夫人，是爲哀姜。

前 669 年

壬子 周惠王八年

冬，晉獻公盡殺曲沃桓伯、莊伯之子，從此晉無公族。衛惠公卒，子懿公赤立。

前 668 年

癸丑 周惠王九年

衛懿公赤元年。晉始城絳，都之。虢侵晉。

前 667 年

甲寅 周惠王十年

夏，齊桓公盟魯侯、宋公、陳侯、鄭伯於幽、陳、鄭皆服齊。冬，周惠王使召伯廖賜命齊桓公爲侯伯，且請齊伐衛。杞伯朝魯。

前 666 年

乙卯 周惠王十一年

三月，齊敗衛。先是，晉獻公嬖驪姬，生奚齊，其妹生卓子，欲立奚齊爲太子。是年夏，使太子申生出居曲沃，公子重耳居蒲城，公子夷吾居屈，惟奚齊、卓子在絳。秋，楚伐潁，齊桓公帥齊師、魯師、宋師救鄭。魯麥

與秋禾皆歉收，大饑，告糴於齊。

前 665 年

丙辰 周惠王十二年

夏，鄭侵許。

前 664 年

丁巳 周惠王十三年

春，周大夫樊皮叛惠王，惠王命虢公討樊皮，夏四月，虢公入樊，執樊皮，送於王城。秋，楚申公闢班殺令尹子元。闢殺於菟繼爲令尹。冬，齊桓公攻山戎以救燕（史記十二諸侯表年繫此事於十四年，茲從春秋）。是歲，秦宣公卒。有子九人莫立，立其弟成公。

前 663 年

戊午 周惠王十四年

秦成公元年。梁伯、芮伯朝秦。齊侯向魯獻戎捷。

前 662 年

己未 周惠王十五年

八月，魯莊卒公，子般（史記世家作斑）卽位，慶父使人殺子般而立公子啓（史記索隱引世本作啓，史記避漢文帝諱作開。左傳杜注又云名啓方），是爲閔（左傳作閔，史記作湣）公；公子季友奔陳。曹釐公卒，子班立，是爲昭公。狄人攻邢。

前 661 年

庚申 周惠王十六年

魯閔公啓元年。曹昭公元年。正月，齊桓公救邢。晉始作二軍。晉滅耿、霍與魏。晉獻公以耿封趙夙，以魏封畢萬，趙魏二族日漸强大。

前 660 年

辛酉 周惠王十七年

春，虢公敗犬戎於涇。秋，魯慶父殺魯閔公，公子季友立閔公弟（史記魯世家；公羊傳何休注、左傳杜注又作閔公庶兄）公子申，是為僖（左傳作禧，史記作釐）公，而殺慶父。衛懿公好鶴。冬，狄人攻衛，將戰，國人受甲者拒戰，皆曰：“使鶴”。衛師敗績，狄人滅衛，殺懿公。齊桓公與宋人收衛之遺民男女七百三十人，益之以共、滕之民，為五千人，立衛宣公之孫戴公申廕於曹（衛邑）。戴公不久卒，又立其弟燬，是為文公。是歲，秦成公卒，有子七人莫立，立其弟穆（一作繆）公任好。

前 659 年

壬戌 周惠王十八年

魯僖公申元年。秦穆公任好元年。衛文公燬元年。六月，齊桓公遷邢於夷儀，齊師、宋師、曹師為邢築城。八月，楚人侵鄭，齊侯、魯公、宋公、鄭伯、曹伯、邾人盟於榘（左傳作棗，此從春秋），謀救鄭。

前 658 年

癸亥 周惠王十九年

齊桓公率諸侯為衛築楚丘城，恢復衛國。五月，晉假虞道伐虢滅下陽。九月，齊侯、宋公、江人、黃人盟於貫。楚侵鄭。燕莊公卒，子襄公立。

前 657 年

甲子 周惠王二十年

燕襄公元年。魯大旱，春不雨，至六月始雨。秋，齊桓公會宋、江、黃之大夫於陽穀，謀攻楚。楚侵鄭。

前 656 年

乙丑 周惠王二十一年

齊桓公帥魯侯、宋公、陳侯、衛侯、鄭伯、許男、曹伯謀侵楚。諸侯先侵蔡，蔡潰；師次於陘，遂侵楚。楚遣大夫屈完來與諸侯兵講和，盟於召陵，遂服楚。秋，魯與江、黃攻陳。

前 655 年

丙寅 周惠王二十二年

春，晉獻公殺其世子申生，公子重耳、夷吾皆出奔（按春秋繫晉殺申生於是年春，左傳作上年十二月，或由晉、魯曆法不同，故致參差）。八月，齊桓公與魯、宋、陳、衛、鄭、許、曹之君盟於首止，謀平王室之亂。楚滅弦。十二月，晉復假虞道滅虢，師還，遂滅虞。

前 654 年

丁卯 周惠王二十三年

夏，齊率魯、宋、陳、衛、曹諸國侵鄭，圍新城。秋，楚圍許救鄭，諸侯救許。冬，許君赴楚，肉袒謝罪，楚釋之。

前 653 年

戊辰 周惠王二十四年

春，齊伐鄭。夏，小邾子（即邾黎）朝魯。秋，齊桓公會諸侯於寧母，與鄭盟。曹昭公卒，子襄立，是為共公。

前 652 年

己巳 周惠王二十五年

曹共公元年。春，齊桓公會周大夫、宋公、魯侯、衛侯、許男、曹伯、陳世子，盟於洮。十二月丁未，周惠王卒（按周惠王卒年，春秋

明載在魯僖公八年，即周惠王之二十五年。
史記十二諸侯年表亦繫於二十五年。而左傳
繫於上年冬，似誤。茲從春秋）。太子鄭立，
是為襄王。

前 651 年

庚午 周襄王元年

三月，宋桓公卒，子襄公茲父立。夏，齊桓公會宰周公、魯侯、宋公、衛侯、鄭侯、許男、曹伯於葵丘。此為齊桓公所主持最盛大之國際會議。襄王使宰孔賜齊侯胙。九月，諸侯同盟於葵丘。晉獻公詭諸卒，荀息立奚齊，里克殺之；荀息立卓子，里克又殺卓子及荀息。齊隰朋帥師會秦師納晉公子夷吾，是為惠公。

前 650 年

辛未 周襄王二年

宋襄公茲父元年。晉惠公夷吾元年。春，狄滅溫。夏，齊桓公攻北戎。晉殺里克。

前 649 年

壬申 周襄王三年

夏，周太叔帶（襄王後母弟）召揚拒、泉阜、伊、錡之戎同攻周，入王城。秦、晉連兵擊戎以救周，戎去。秋，太叔帶奔齊。冬，楚侵黃。

前 648 年

癸酉 周襄王四年

三月庚午，日蝕。春，齊率諸侯為衛築楚丘之郭，以禦狄人。夏，楚滅黃。冬，齊桓公使隰朋擊戎於晉，又使管仲擊戎於周。周襄王以上卿之禮待管仲，管仲辭，受下卿之禮。十二月，陳宣公卒，子款立，是為穆公。

前 647 年

甲戌 周襄王五年

陳穆公款元年。春，狄侵衛。夏，齊桓公會諸侯於鹹。冬，晉饑，請粟於秦，秦輸晉粟，自雍及絳相繼。

前 646 年

乙亥 周襄王六年

春，齊率諸侯為杞築緣陵城。楚滅六、英兩小國。秋，狄侵鄭。冬，秦饑，乞糴於晉，晉不與，且發兵攻秦，秦怒，亦發兵攻晉。蔡穆侯卒，子莊公甲午立。

前 645 年

丙子 周襄王七年

蔡莊侯甲午元年。春，楚侵徐。三月，齊侯、魯侯、宋公、陳侯、衛侯、鄭伯、許男、曹伯盟於牡丘，遂次於匡，諸侯之大夫救徐。十一月，秦與晉戰，獲晉惠公，尋釋之。是年，齊大夫管仲、隰朋皆死。

前 644 年

丁丑 周襄王八年

秋，戎侵周，周告急於齊，齊徵調諸侯兵士防守周城。晉公子重耳至齊，齊以女妻之。晉獻黃河以西八城於秦，秦為置河東官司。冬，齊桓公會宋、魯、陳、衛、鄭、許、邢、曹國之君於淮。

前 643 年

戊寅 周襄王九年

春，齊、徐侵英氏。夏，魯滅項。十二月乙亥（左傳作冬十月，春秋作十二月），齊桓公卒。易牙與寺人貂立公子無虧，太子昭奔

宋，齊大亂。

前 642 年

己卯 周襄王十年

正月，宋襄公帥諸侯師伐齊，齊殺無虧；五月，宋立齊太子昭，是爲齊孝公。三月，鄭伯始朝楚，楚王喜，賜之金，既而悔之，與之盟曰：“無以鑄兵”。故以鑄三鐘。冬，邢人、狄人攻衛。

前 641 年

庚辰 周襄王十一年

六月，宋襄公盟曹、邾之大夫於曹南，鄫子會盟於邾，宋襄公使邾人殺鄫子以祭社。冬，魯、陳、蔡、楚、鄭盟於齊。秦滅梁。

前 640 年

辛巳 周襄王十二年

夏，鄫子朝魯。秋，齊與狄盟於邢。冬，楚伐隨。

前 639 年

壬午 周襄王十三年

春，狄攻衛。宋襄公盟齊、楚之大夫於鹿上，欲繼齊桓公稱霸。秋，宋襄公會楚王、陳侯、蔡侯、鄭伯、許男、曹伯於孟（亦作霍），楚執宋襄公以伐宋。邾滅須句，須句子奔魯求援。冬，魯伐邾。十二月，諸侯盟於薄，楚釋宋襄公。

前 638 年

癸未 周襄王十四年

春，魯伐邾，取須句，須句子復其國。三月，鄭伯朝楚。夏，宋襄公帥衛師、許師、滕師攻鄭。八月，魯與邾戰於升陞，魯敗。秋，秦、晉遷陸渾之戎於伊川。十一月，宋

與楚戰於泓，宋師大敗，宋襄公傷股。

前 637 年

甲申 周襄王十五年

五月，宋襄公茲父卒，子成公王臣立。秋，楚攻陳。九月，晉惠公夷吾卒，公子圉立，是爲懷公。周襄王召狄師攻鄭，以狄女爲后。

前 636 年

乙酉 周襄王十六年

宋成公王臣元年。晉文公重耳元年。正月，秦穆公以師納晉公子重耳於晉，殺懷公；重耳卽位，是爲晉文公。周襄王絀狄后，狄人侵周，立王子帶爲王，襄王出居鄭，告難於諸侯求救。

前 635 年

丙戌 周襄王十七年

正月，衛滅邢。秦軍河上，將納王，晉侯辭秦師而下。三月，晉發兵救周，圍溫。四月，納襄王於王城，殺王子帶，平周亂。周賜晉陽樊、溫、原、欒茅之地，晉於是始啓南陽。四月，衛文公卒，子成公鄭立。

前 634 年

丁亥 周襄王十八年

衛成公鄭元年。秋，楚滅夔。冬，攻宋圍緡。冬，魯與楚攻齊，取穀。

前 633 年

戊子 周襄王十九年

六月，齊孝公卒，開方殺孝公子而立桓公子潘，是爲昭公。冬，楚與陳、蔡、鄭、許圍宋都，宋告急於晉。晉先軫謀曰：“報施救患，取威定霸，於是乎在矣”。於是建立三

軍，閱兵於被廬，以卻穀爲元帥。

前 632 年

己丑 周襄王二十年

齊昭公潘元年。春，晉攻曹、衛以救宋，楚救衛。四月，晉師、齊師、宋師、秦師與楚師、陳師、蔡師戰於城濮，大敗楚師，晉遂霸北方諸侯。六月，陳穆公卒，子共公朔立。冬，晉會齊侯、魯侯、宋公、蔡侯、鄭伯、莒子、衛伯於踐土，結爲同盟，號稱踐土之盟，周襄王亦赴會。周襄王使尹氏、王子虎、內史叔與父策命晉侯爲侯伯。晉於三軍之外，又立三行以禦狄，此爲當時各國中最強大之軍事編制。

前 631 年

庚寅 周襄王二十一年

陳共公朔元年。六月，晉大夫盟周與諸侯之大夫於翟泉，謀伐鄭，因爲鄭親楚。

前 630 年

辛卯 周襄王二十二年

夏，狄攻齊。晉、秦圍鄭，秦與鄭人盟而還，晉師亦還。介攻蕭。冬，周使宰周公聘魯，魯公子遂入聘周，又聘晉。

前 629 年

壬辰 周襄王二十三年

秋，晉舉行大蒐禮於清原，改編軍隊爲五軍。趙衰將中軍，爲正卿。十二月，狄圍衛，衛遷於帝丘。

前 628 年

癸巳 周襄王二十四年

春，楚請平於晉，晉楚始通。四月，鄭文公

卒，子蘭立，是爲穆（亦作繆）公。十二月，晉文公重耳卒，子襄公驪立。

前 627 年

甲午 周襄王二十五年

晉襄公驪元年。鄭穆公蘭元年。春，秦師將襲鄭，至滑（晉之邊邑），鄭商人弦高僞充鄭國使者，犒秦師，秦以爲鄭有備，不敢往，滅滑而還。晉師敗秦襲鄭之師於穀，獲秦三帥。秋，晉敗狄於箕。十二月，魯僖公卒，子與立，是爲文公。

前 626 年

乙未 周襄王二十六年

魯文公與元年。二月，周使叔服赴魯會僖公葬。四月，魯葬僖公。周使毛伯錫魯文公命。楚成王欲廢太子商臣而立王子職。冬，商臣與其師潘崇殺王而自立，是爲穆王。

前 625 年

丙申 周襄王二十七年

楚穆王商臣元年。二月，秦攻晉以報穀之役，晉敗秦於彭衙（史記十二諸侯年表作汪）。六月，晉大夫會魯、宋、陳、鄭之君於垂澗。

前 624 年

丁酉 周襄王二十八年

正月，晉會諸侯攻沈，沈潰。四月，秦伐晉，渡河焚舟，取王官及郊，晉師不敢出，秦人封郤尸而去。秋，楚伐江。十二月，魯文公朝晉，與晉結盟而還。

前 623 年

戊戌 周襄王二十九年

夏，狄攻齊。秋，楚滅江。晉師攻秦，圍邠新城，以報王官之役。秦穆公用戎臣由余

之謀，攻戎王，益國十二，開地千里，遂霸西戎；周襄王賜秦穆公金鼓，命爲西方諸侯伯。

前 622 年

己亥 周襄王三十年

夏，秦人攻鄆。 秋，楚滅六、蓼。 魯大夫公孫敖如晉。

前 621 年

庚子 周襄王三十一年

夏，秦穆公任好卒，殺一百七十人殉葬，其中有子車氏三子奄息、仲行、鍼虎，皆秦之賢大夫，號稱三良。秦人哀之，爲作“黃鳥”之詩。穆公子四十人，太子罃立，是爲康公。 八月，晉襄公卒，太子夷皋立，是爲靈公。

前 620 年

辛丑 周襄王三十二年

秦康公罃元年。 晉靈公夷皋元年，趙盾事政。 四月，宋成公卒，弟禦自立，宋大夫共殺禦而立成公少子杵臼，是爲昭公。 晉、秦戰於令狐。 晉盟齊、宋、衛、陳、鄭、許、曹之大夫於扈。

前 619 年

壬寅 周襄王三十三年

宋昭公杵臼元年。 夏，秦伐晉，取武城，報令狐之役。 八月，周襄王卒，太子壬臣立，是爲頃王。

前 618 年

癸卯 周頃王元年

春，周使毛伯赴魯求金，魯使叔孫得臣至周會葬襄王。 三月，楚人攻鄭，晉率魯、宋、衛、許救鄭。 八月，曹共公卒，子文公壽立。 是年，燕宣公卒，子桓公立。

前 617 年

甲辰 周頃王二年

燕桓公元年。 曹文公壽元年。 春，晉攻秦，拔少梁。 夏，秦取晉北徵。 冬，狄攻宋。

前 616 年

乙巳 周頃王三年

春，楚攻麇。 秋，狄攻宋，宋敗長狄於長丘。 十月，魯叔孫得臣敗狄於鹹（魯地），獲長狄僑如。

前 615 年

丙午 周頃王四年

正月，郕伯奔魯。 杞桓公朝魯。 夏，楚圍巢。 秋，滕子朝魯。 秦攻晉，取羈馬。 十二月，晉人、秦人戰於河曲，秦師敗績。

前 614 年

丁未 周頃王五年

五月，陳共公卒，子靈公平國立。 邾遷都於繹。 晉大夫士會自秦歸晉。 是年，楚穆王卒，子莊王侶立（左傳作旅）。

前 613 年

戊申 周頃王六年

楚莊王侶元年。 陳靈公平國元年。 春，周頃王卒，子班立，是爲匡王。 周公閱與王孫蘇爭政，訟於晉，晉趙盾聽訟，平周亂。 五月，齊昭公卒，太子舍立。 六月，晉趙盾會諸侯同盟於新城。 九月，齊公子商人殺舍自立，是爲懿公。

前 612 年

己酉 周匡王元年

齊懿公商人元年。 六月辛丑，日蝕。 十一

月，晉侯會宋、衛、蔡、陳、鄭、許、曹之君，盟於扈，謀攻齊，齊賂晉侯，不果攻。蔡莊侯卒，子申立，是爲文侯。

前 611 年

庚戌 周匡王二年

蔡文侯申元年。秋，楚大饑，戎攻之，庸人帥羣蠻攻楚，麇人率百濮謀攻楚，申息之北門不啓。楚與秦人、巴人擊庸，遂滅庸。十一月，宋襄夫人使衛伯殺宋昭公，立昭公弟鮑，是爲文公。

前 610 年

辛亥 周匡王三年

宋文公鮑元年。春，晉大夫荀林父以諸侯之師攻宋，立宋文公而還。夏，晉侯復合諸侯於扈。齊侵魯北鄙，六月，盟於穀。

前 609 年

壬子 周匡王四年

二月，魯文公卒。十月，魯大夫襄仲殺太子惡（左傳與史記作惡，公羊傳作赤）而立文公庶子倭，是爲宣公（按左傳、史記俱以宣公爲文公之子，而公羊、穀梁二家以宣公爲文公之弟，此今古文說大不同之點。參看陳立：公羊義疏）。五月，齊邴貳父、閭職殺懿公，而立桓公之子元，是爲惠公。冬，莒人殺其君庶其。秦康公卒，子共公和立。

前 608 年

癸丑 周匡王五年

魯宣公倭元年。齊惠公元元年。秦共公元元年。秋，邾子朝魯。楚師、鄭師侵陳，遂侵宋，晉趙盾帥師救陳、宋，復與諸侯之師侵鄭。

前 607 年

甲寅 周匡王六年

二月，宋與鄭戰，鄭獲宋大夫華元。九月，晉趙穿殺靈公，迎公子黑臀於周而立之，是爲成公。十月，周匡王卒，弟瑜立，是爲定王。是歲，齊王子城父敗長狄。

前 606 年

乙卯 周定王元年

晉成公黑臀元年，賜趙氏爲公族。春，楚侵陸渾之戎，遂至雒，問九鼎之輕重，有滅周之意。夏，楚侵鄭。秋，赤狄攻齊。宋華元自鄭亡歸，宋師圍曹。十月，鄭穆公卒，子夷立，是爲靈公。

前 605 年

丙辰 周定王二年

鄭靈公夷元年。鄭公子歸生以釐故殺鄭靈公。鄭大夫立靈公庶弟公子堅，是爲襄公。七月，楚若敖氏爲亂，楚王滅其族。冬，楚侵鄭。

前 604 年

丁巳 周定王三年

鄭襄公堅元年。冬，楚攻鄭，陳與楚和，晉荀林父救鄭攻陳。秦共公卒，子桓公立。

前 603 年

戊午 周定王四年

秦桓公元年。周定王求后於齊。晉、衛侵陳。赤狄攻晉，圍懷及邢丘。

前 602 年

己未 周定王五年

黃河改道（漢書注引周譜。按關於黃河改道之

記載，以此爲最古）。齊、魯侵萊。燕宣公卒，桓公立（按桓公係宣公何人，史無明文）。

前 601 年

庚申 周定王六年
燕宣公元年。春，晉與白狄攻秦。楚滅舒、蓼及滑汭，盟吳越而還。冬，陳與晉和，楚又攻陳，取成而還。

前 600 年

辛酉 周定王七年
夏，齊攻萊。九月，晉成公與楚莊王爭強，晉會諸侯於扈。冬，楚侵鄭，晉以諸侯之師侵陳救鄭，鄭敗楚師於柳芬。晉成公卒，子景公據立。十月，衛成公卒，子穆公遫立。

前 599 年

壬戌 周定王八年
晉景公據元年。衛穆公遫元年。五月，陳夏徵舒殺陳靈公，自立爲陳侯，陳大亂。六月，鄭與楚平，晉、宋、衛、曹伐鄭。冬，楚攻鄭，晉士會救鄭，敗楚師，諸侯之師戍鄭。是年，齊惠公卒，子頃公無野立。

前 598 年

癸亥 周定王九年
齊頃公無野元年。魯、齊伐莒。夏，楚與陳、鄭盟於辰陵。十月，楚王乘陳亂入陳，殺夏徵舒，滅陳以爲縣；旋又立陳太子午，是爲成公。

前 597 年

甲子 周定王十年
陳成公午二年。六月，楚圍鄭，晉荀林父帥師與楚戰於郟，晉師敗績。

鄭伯、許男如楚。七月，晉、宋、衛、曹同盟於清丘。十二月，楚滅蕭。

前 596 年

乙丑 周定王十一年
夏，楚攻宋。冬，晉以郟之敗，歸罪於先穀，殺之，盡滅其族，晉政日紊。

前 595 年

丙寅 周定王十二年
五月，曹文公卒，子宣公彊（左傳作廬）立。晉攻鄭。楚大夫申舟出使於齊，過宋不假道，宋殺之；九月，楚圍宋。

前 594 年

丁卯 周定王十三年
曹宣公彊元年。春，楚與魯圍宋，宋人告急於晉，晉不能救，五月，宋與楚和。六月，晉滅赤狄潞氏。周王子札殺召伯、毛伯（王子札春秋作王札子，從杜注改）。晉侯賞士伯以瓜衍之縣。秋，魯初稅畝。

前 593 年

戊辰 周定王十四年
正月，晉滅赤狄甲氏及留吁。三月，晉向周獻狄俘。周室復亂，晉卿士會平王室。

前 592 年

己巳 周定王十五年
春，晉卻克眇，聘齊，婦人笑之，歸請伐齊。蔡文侯卒，子景侯固（左傳與史記十二諸侯年表作固，蔡世家作同）立。晉會魯、衛、曹、邾盟於斷道。秋，晉卻克執晉政，謀攻齊益力。

前 591 年

庚午 周定王十六年

蔡景侯固元年。春，晉、衛攻齊，齊以公子彊爲質於晉，晉還師。七月，邾人殺郕子於郕。楚莊王卒，子共王審立。十月，魯宣公卒，子黑肱立，是爲成立。

前 590 年

辛未 周定王十七年

楚共王審元年。魯成公黑肱元年。三月，魯制定“丘甲”制度。秋，周爲茅戎所敗（左傳繫於三月；茲從春秋）。

前 589 年

壬申 周定王十八年

六月，晉、魯、衛、曹敗齊於鞏，虜齊大夫逢丑父。楚大夫巫臣偕夏姬奔晉，晉以爲邢大夫。八月，晉使齊歸魯汶陽之田。楚攻魯，魯賂楚執斲、執鍼、織紵各百人以求和。八月，宋文公卒，子共公瑕立。衛穆公卒，子定公臧立。十一月，楚公子嬰齊與魯侯、蔡侯、許男、秦右大夫說、宋華元、陳公孫寧、衛孫良夫、鄭公子去疾及齊、曹、邾、薛、郕之大夫盟於蜀。

前 588 年

癸酉 周定王十九年

宋共公瑕元年。衛定公臧元年。正月，晉侯帥魯侯、宋公、衛侯、曹伯侵鄭，敗於丘輿。夏，鄭攻許，冬再伐。晉作六軍，韓厥、趙括、鞏朔、韓穿、荀驪、趙旃皆爲卿。

前 587 年

甲戌 周定王二十年

春，宋華元聘魯。三月，鄭襄公堅卒，子悼公費（左傳與史記十二諸侯年表作費，鄭世家作演）立。杞伯朝魯。夏，魯成公如晉，晉

侯接待不敬，魯侯怒，曰欲聯楚，季文子諫止之。十一月，鄭伐許，遂訟於楚師。燕宣公卒，昭公立（此事不知在何月，宣公與昭公關係，史無明文）。

前 586 年

乙亥 周定王二十一年

鄭悼公費元年。燕昭公元年。鄭、許訟於楚，鄭不勝，八月，鄭與晉趙同盟於垂棘。十一月，周定王卒，子夷立，是爲簡王。十二月，晉侯會魯侯、齊侯、宋公、衛侯、鄭伯、曹伯、邾子、杞伯，盟於蟲牢。

前 585 年

丙子 周簡王元年

吳王壽夢（史記作壽夢，春秋、左傳作乘）元年，始稱王。二月，魯滅鄆。六月，邾子朝魯。鄭悼公卒，弟成公踰立。秋，楚伐鄭。冬，晉欒書帥師救鄭。晉自絳遷都新田，號新絳。

前 584 年

丁丑 周簡王二年

鄭成公踰元年。春，吳攻邾。秋，楚攻鄭，晉以魯、齊、宋、衛、曹、莒、邾、杞之師救鄭。八月，諸侯同盟於馬陵。晉遣巫臣使吳，教吳乘車戰陣之法，唆吳叛楚，吳始通於中原諸國。吳侵楚州來。

前 583 年

戊寅 周簡王三年

春，晉侯使魯歸還齊汶陽之田，魯漸貳於晉。夏，晉侯殺其大夫趙同、趙括，晉政日紊；復趙武，與之邑。秋，周簡王使召伯賜魯成公命。

前 582 年

己卯 周簡王四年

春，晉盟諸侯於蒲。二月，鄭伯、楚公子成會於鄧。秋，鄭伯如晉，晉執鄭伯。晉欒書伐鄭，楚子重侵陳以救鄭。七月，齊頃公卒，子靈公環立。冬，秦人、白狄攻晉。十二月，楚使公子辰如晉請修好。

前 581 年

庚辰 周簡王五年

齊靈公環元年。五月，晉侯帥齊侯、魯侯、宋公、衛侯、曹伯伐鄭。五月，晉景公疾，秦伯使醫緩診之；六月卒，太子州蒲（史記作壽曼，春秋、左傳作州蒲）立，是為厲公。

前 580 年

辛巳 周簡王六年

晉厲公州蒲元年。宋華元善於楚令尹子重，又善於晉卿欒武子。冬，華元赴楚，又赴晉，欲晉、楚合好。

前 579 年

壬午 周簡王七年

宋華元奔走晉、楚，和好成功。夏五月，晉卿士燮與楚公子罷盟於宋西門之外。冬十月，晉卻至聘楚，楚公子罷赴晉報聘。十二月，晉侯與楚公子罷會於赤棘。

前 578 年

癸未 周簡王八年

四月，晉侯使呂相絕秦。五月，晉侯會魯侯、齊侯、宋公、衛侯、鄭伯、曹伯、邾人、滕人攻秦。敗秦師於麻隧，獲秦將成差及不更女父。曹宣公卒於諸侯攻秦之師，弟成公

弔立。

前 577 年

甲申 周簡王九年

曹成公弔元年。秋，鄭攻許，入其郛。冬，秦桓公卒，子景公立（史記集解引世本云：景公名后伯車）。十月，衛定公卒，子獻公衎立。

前 576 年

乙酉 周簡王十年

衛獻公衎元年。秦景公元年。三月，晉會諸侯於戚，謀攻曹，晉執曹成公，送之於周。六月，楚背盟攻鄭。宋共公卒，子成立，是為平公。十一月，晉士燮率魯、齊、宋、衛、鄭、邾之大夫，與吳人會於鍾離，吳開始參加中原諸侯的盟會。許畏鄭，楚遷許於葉。

前 575 年

丙戌 周簡王十一年

宋平公成元年。春，楚以汝陰之田與鄭盟於武城。夏，晉欒書帥師與楚人、鄭人戰於鄢陵，楚師、鄭師敗績，晉霸業復興。秋，晉侯、魯侯、齊侯、衛侯、宋華元、邾人盟於隨河。晉釋曹伯，曹伯歸。

前 574 年

丁亥 周簡王十二年

夏，晉侯會周大夫尹子、單子、齊侯、宋公、魯侯、衛侯、曹伯、邾人攻鄭。六月，諸侯同盟於柯陵。十二月，晉厲公殺其大夫卻錡、卻犢、卻至，卻氏亡。吳攻楚，楚滅舒、庸。是年，燕昭公卒，武公立（昭公與武公關係，史無明文）。

前 573 年

戊子 周簡王十三年

燕武公元年。正月，晉欒書、中行偃殺其君厲公，立襄公孫周，是爲悼公。魯成公赴晉，賀晉新君。六月，楚、鄭攻宋。秋，杞侯朝魯。八月，邾子朝魯。魯成公卒，子午卽位，是爲襄公。十二月，晉會宋公、衛侯、邾子、齊崔杼、魯大夫盟於虛朶。

前 572 年

己丑 周簡王十四年

魯襄公午元年。晉悼公周元年。正月，晉、魯、宋、衛、曹、莒、邾、滕、薛，圍宋彭城。五月，晉卿韓厥攻鄭，兵次洧上，楚侵宋救鄭。九月，周簡王卒，子泄心立，是爲靈王。

前 571 年

庚寅 周靈王元年

春，齊侵萊。萊人賂齊牛、馬百匹，齊還師。六月，鄭成公卒，子憚立，是爲釐公（一作僖公）。七月，晉會諸侯之大夫於戚，冬，又會於戚，遂城虎牢，謀攻鄭，鄭乞和。

前 570 年

辛卯 周靈王二年

鄭釐（一作僖）公憚元年。春，楚令尹子重帥師攻吳，所獲不如所喪，楚人咎子重，子重旋卒。魯襄公朝晉，與晉侯盟。六月，晉盟諸侯於鷄澤，晉侯使荀會迎吳王於淮上，吳王不至。冬，晉攻許。楚攻陳。

前 569 年

壬辰 周靈王三年

三月，陳成公卒（春秋與史記陳世家俱繫此事於今年，十二諸侯年表誤繫於明年），子弱嗣位，是爲哀侯。夏，魯叔孫豹如晉報聘。冬，魯襄公如晉聽政（聽受應納貢賦的數目）。時襄公年僅七歲。魯請使鄆助魯出貢賦，晉許之。晉魏絳和諸戎，與諸戎盟。邾人、莒人鄆攻，魯人救鄆，敗績。

前 568 年

癸巳 周靈王四年

魯季文子卒。陳哀侯弱元年。春，周靈王使王叔陳生愆戎於晉，晉人執之，謂王叔貳於戎。夏，魯穆叔如晉，請以鄆屬魯。吳王使壽越如晉。秋，晉侯盟魯、宋、陳、衛、鄭、曹、莒、邾、滕、薛之君、齊世子光、吳大夫、鄆大夫於戚。冬，楚伐陳，晉侯帥諸侯會於城棣救陳。

前 567 年

甲午 周靈王五年

秋，莒滅鄆。十二，齊滅萊，遷萊於郕。

前 566 年

乙未 周靈王六年

春，邾子朝魯。小邾子朝魯。冬，楚公子貞帥師圍陳，晉會諸侯於鄆以救陳。十二月，鄭子駟殺鄭釐公，立釐公子嘉，是爲簡公。

前 565 年

丙申 周靈王七年

鄭簡公嘉元年。鄭羣公子謀殺子駟，子駟殺之。正月，魯襄公朝晉。夏，鄭侵蔡，獲蔡公子燮。晉悼公會諸侯之大夫於邢丘，規定諸侯朝聘數目，恢復文襄霸業。冬，楚攻鄭，因鄭侵蔡。鄭子駟與楚平。晉士匄聘

魯，告將用師於鄭。

前 564 年

丁酉 周靈王八年

春，宋都大火。夏，魯季孫宿如晉。冬，晉帥諸侯攻鄭，鄭服，十一月，同盟於戲。楚又攻鄭，鄭又與楚平。

前 563 年

戊戌 周靈王九年

春，晉侯、宋公、魯侯、衛侯、曹伯、莒子、邾子、滕子、薛伯、杞伯、小邾子、齊世子光、吳王壽夢會於柎。五月，晉滅偃陽。晉伐秦。秋，晉帥諸侯攻鄭。諸侯戍虎牢，楚救鄭，諸侯之師還。周王叔陳生與伯輿爭政，晉侯使士匄平王室，以單靖公爲周卿士，以相王室。

前 562 年

己亥 周靈王十年

正月，魯作三軍，季孫、叔孫、孟孫三分公室，各有其一。四月，宋向戌侵鄭，大獲。後，鄭子展又侵宋。諸侯又攻鄭，鄭懼，行成。七月，與諸侯同盟於亳。楚又乞師於秦以攻鄭，鄭迎之，共攻宋。九月，晉帥諸侯復攻鄭，鄭使大夫告急於楚，又求成於晉，十二月，會於蕭魚，鄭厚賄晉，與晉行成。冬，秦師、晉師戰於櫟，晉師敗績。

前 561 年

庚子 周靈王十一年

七月，吳王壽夢卒，長子諸樊立。冬，楚公子貞、秦庶長無地伐宋。

前 560 年

辛丑 周靈王十二年

吳王諸樊元年。夏，魯滅邾。晉侯蒐於縣上以治兵，使荀偃將中軍，趙武將上軍，欒黶將下軍；新軍無帥，屬於下軍。三軍將帥得人，晉勢復盛。秋，楚共王卒，子康王招（史記作招，春秋三傳俱作昭）立。

前 559 年

壬寅 周靈王十三年

楚康王招元年。正月，晉士匄及齊、魯、宋、鄭、曹、莒、邾、滕、薛、杞、小邾，會吳大夫於向，謀攻楚。四月，晉率諸侯之師伐秦，敗秦軍，至於殽林。秋，楚公子貞帥師攻吳，敗績。衛獻公遇大臣無禮，文子攻獻公，獻公出奔齊。衛大夫立穆公孫剽（史記十二諸侯年表作狄，衛世家作秋，春秋三傳俱作剽，漢書人表作炎。史記以秋爲獻公弟，左傳杜注以剽爲穆公孫，獻公從父昆弟）立，是爲殤公。

前 558 年

癸卯 周靈王十四年

衛殤公剽元年。夏，齊攻魯，圍成。秋，邾伐魯南鄙。十一月，晉悼公卒，子彪立，是爲平公。

前 557 年

甲辰 周靈王十五年

晉平公彪元年。三月，晉侯會諸侯於溴梁。戊寅，諸侯之大夫盟。晉因莒、邾上年侵魯，在會上執邾子、莒子歸晉。夏，晉帥魯、鄭、衛、宋攻許。秋，齊攻魯，魯告難於晉。

前 556 年

乙巳 周靈王十六年

春，宋攻陳。夏，衛攻曹。秋，齊攻魯。

冬，邾攻魯。

前 555 年

丙午 周靈王十七年

春，白狄始通於魯。 秋，齊攻魯。 十月，晉會魯侯、宋公、衛侯、鄭伯、曹伯、莒子、邾子、滕子、薛伯、杞伯、小邾子同攻齊，討其侵魯。 曹伯負芻卒於軍，子武公勝立。 楚乘諸侯攻齊，乃侵鄭。 是歲，燕武公卒，文公立（武公與文公關係，史無明文）。

前 554 年

丁未 周靈王十八年

曹武公勝元年。 燕文公元年。 諸侯攻齊，還於沂上，盟於督揚（即祝柯）曰：“大毋侵小”。 晉以邾侵魯，執邾悼公，命邾歸魯田。 五月，齊靈公卒，廢太子光與崔杼殺太子牙而自立，是為莊公。 秋，子產為鄭卿。 冬，晉、齊盟於大隧。

前 553 年

戊申 周靈王十九年

齊莊公光元年。 晉侯盟齊、宋、魯、衛、鄭、曹、莒、邾、滕、薛、杞、小邾之君於洮淵，齊服於晉。

前 552 年

己酉 周靈王二十年

魯襄公如晉，謝晉救魯，並歸邾田。 秋，晉欒盈出奔楚。 十月，曹伯朝魯。 晉會諸侯於商任。

前 551 年

庚戌 周靈王二十一年

孔子生（此據史記載孔子生於魯襄公二十二年。公羊傳、穀梁傳載孔子生於魯襄公二十一

年）。 冬，晉侯、齊侯、魯侯、宋公、衛侯、鄭伯、曹伯、莒子、邾子、薛伯、杞伯、小邾子會於隨河。 晉欒盈復自楚奔齊，齊侯納之，晏嬰諫，不聽。 楚殺令尹子南於朝。

前 550 年

辛亥 周靈王二十二年

夏，晉欒盈復入於晉，自曲沃攻絳，不克；冬，晉人殺欒盈，且盡滅欒氏之黨族，欒魋奔宋。 秋，齊伐衛，遂伐晉，取朝歌；襲莒。 冬，魯臧孫紇出奔邾。

前 549 年

壬子 周靈王二十三年

晉范宣子為政，諸侯之幣重，二月，鄭子產諍之，乃輕諸侯之幣。 夏，楚為舟師以伐吳，無功而還。 八月，晉侯會諸侯於夷儀，謀攻齊。 冬，楚攻鄭以救齊，諸侯救鄭。 齊人為周城郊（王城）。 是年，燕文公卒，懿公立（文公與懿公關係，史無明文）。

前 548 年

癸丑 周靈王二十四年

燕懿公元年。 五月，齊崔杼殺其君莊公，立莊公弟杵臼，是為景公。齊太史書曰：“崔杼弑其君”。崔杼殺之；其弟仍書弑，又殺之；其弟又書弑，乃捨之。南史氏執簡以往，聞已書，乃還。 晉會諸侯於夷儀以伐齊，齊人歸罪於莊公，重賄晉，盟於重丘，晉師退。 秋，晉趙文子（武）為政，薄諸侯之幣而重其禮。 八月，楚滅舒鳩。 十二月，吳王諸樊攻楚，戰死，弟餘祭立。

前 547 年

甲寅 周靈王二十五年

齊景公杵臼元年。 吳王餘祭元年。 二月，

衛寧喜殺其君剽，衛獻公自齊歸國復位（獻公西元前559年奔齊）。秋，晉人執寧喜。冬，楚以蔡、陳侵鄭。

前 546 年

乙卯 周靈王二十六年

衛獻公珣復元元年。宋向戌善於晉卿趙文子，又善於楚令尹子木，欲弭諸侯之兵。如晉，晉許之；又如楚，楚亦許之。告於齊、秦，亦許之；又告於小國。五月，晉、楚、魯、蔡、衛、陳、鄭、許、曹之大夫會於宋。七月，遂盟；晉、楚始同主夏盟。衛殺寧喜。衛侯之弟鱣出奔晉。冬，齊慶封滅崔氏，慶封當國。

前 545 年

丙辰 周靈王二十七年

夏，齊侯、陳侯、蔡侯、北燕伯、杞伯、胡子、沈子、白狄朝晉。九月，鄭游吉如晉，告將朝楚，以從宋之盟。子產相鄭伯如楚。冬，齊慶封奔魯，齊召還崔氏之亂出亡諸公子而返其邑。十一月，魯侯如楚。十二月，周靈王卒，子貴立，是為景王。楚康王卒，子員（左傳作麇）立，是為郕敖。是年，燕懿公卒，子惠公立。

前 544 年

丁巳 周景王元年

楚郕敖元年。燕惠公元年。五月，衛獻公卒，子襄公惡立。吳闔閭殺吳王餘祭（此據左傳，史記書餘祭卒於周景王十四年）。晉用魯、齊、宋、衛、鄭、曹、莒、滕、薛、小邾人為杞修城。吳使公子季札歷聘諸國。

前 543 年

戊午 周景王二年

衛襄公惡元年。正月，楚使罷聘魯，告楚新君卽位。四月，蔡太子般（左傳作般，史記作班）殺獻公而自立，是為靈侯。五月，宋都大火。十月，晉、齊、魯、衛、鄭、曹、莒、邾、滕、薛、杞、小邾之大夫會於澶淵，謀恤宋災。鄭以子產為執政。

前 542 年

己未 周景王三年

蔡靈侯般元年。六月，魯襄公卒，子野立，九月卒，弟稠立，是為昭公。冬，吳使屈狐庸聘晉，以通吳、晉之路。十二月，衛侯朝楚（依宋盟所定）。楚王季父公子圍為令尹。

前 541 年

庚申 周景王四年

魯昭公稠元年。正月，晉趙武、楚令尹子圍會齊、魯、宋、衛、陳、蔡、曹之大夫於訖。三月，魯伐莒取郕。夏，秦后子奔晉，有車千乘。六月，晉荀吳帥師敗狄於大鹵。十一月，楚令尹子圍殺其君郕敖而自立，是為靈王。

前 540 年

辛酉 周景王五年

楚靈王子圍（一名熊虔）元年。春，晉使韓起（宣子）聘魯，來告代趙武為政。韓起觀書於魯太史氏，見易象與魯春秋曰：“周禮盡在魯矣”。夏，魯叔弓赴晉答聘。

前 539 年

壬戌 景周王六年

齊晏嬰使晉，見晉卿叔向曰：“齊政歸田氏。”叔向亦曰：“晉公室卑。”秋，小邾子朝魯。冬，燕惠公出奔齊。國人立悼公，不改元。

前 538 年

癸亥 周景王七年

夏，楚王使椒舉如晉，使合諸侯。夏，楚會蔡侯、陳侯、鄭伯、許男、徐子、滕子、頓子、胡子、沈子、小邾子、宋世子佐、淮夷於申。楚人執徐子。秋七月，楚王會蔡侯、陳侯、許男、頓子、胡子、沈子、淮夷攻吳，執齊慶封殺之；遂滅賴。冬，鄭子產定丘賦制度。冬，吳攻楚，入棘、櫟、麻。

前 537 年

甲子 周景王八年

正月，魯舍中軍（左傳：“舍中軍，卑公室也。初作中軍，三分公室而各有其一，季氏盡征之，叔孫氏臣其子弟，孟氏取其半焉。及其舍之也，四分公室，季氏擇其二，二子各一，皆盡征之，而貢於公。”）夏，魯昭公如晉，冬又如楚。冬，楚王帥蔡、陳、許、頓、沈、徐、越人伐吳，無功而還。秦景公卒，子哀公立。

前 536 年

乙丑 周景王九年

秦哀公元年。三月，鄭人鑄刑書。秋，楚攻徐，吳人救之；楚又攻吳，吳敗楚師於房鍾。十二月，齊攻北燕，將納惠公。

前 535 年

丙寅 周景王十年

燕悼公元年。二月，燕服齊，盟於濡上，燕惠王歸，卒。楚王爲章華之臺，納亡人以實之；召魯侯往賀，魯侯如楚。八月，衛襄公卒，子靈公元立。十一月，魯季武子卒。

前 534 年

丁卯 周景王十一年

衛靈公元元年。陳哀公寵公子留，三月，公子招殺太子伋師而立公子留。四月，哀公自縊死，公子招立公子留爲君，十月，楚人殺公子招，乘陳亂，滅陳爲縣。秋，魯蒐於紅，革車千乘。

前 533 年

戊辰 周景王十二年

陳惠公吳元年，是時陳君出亡在晉。春，魯、宋、鄭、衛之大夫會楚王於陳。楚遷許於夷。四月，陳都大火。

前 532 年

己巳 周景王十三年

五月，齊陳氏、鮑氏攻欒氏、高氏，欒施、高彊出奔魯，陳、鮑分其室，陳氏始大。七月，魯季孫帥師伐莒，取郕（莒邑），獻俘，以人祭亳社。晉平公卒，九月，魯、齊、宋、衛、鄭、許、曹、莒、邾、滕、薛、杞、小邾人如晉會葬。平公子昭公夷立。昭公時，晉六卿強，公室卑。十二月，宋平公卒，子元公佐立。

前 531 年

庚午 周景王十四年

晉昭公夷元年。宋元公佐元年。夏，四月，楚王召蔡靈侯般至楚，殺之。楚公子棄疾圍蔡。秋，晉會諸侯之大夫於厥憖，謀救蔡。晉使狐父赴楚，請釋蔡圍，楚弗許。冬，楚師滅蔡，執蔡世子有（左傳作有，穀梁傳作友），殺之以爲犧牲。吳王餘祭卒，弟餘昧（左傳作夷末）立。冬，楚滅許、胡、沈、道、房、申，遷之荊。十二月，楚城蔡，使公子棄疾爲蔡公。

前 530 年

辛未 周景王十五年

吳王餘昧元年。春，齊高偃帥師納北燕伯於陽（燕別邑）。三月，鄭簡公卒，子定公寧立。夏，魯昭公如晉朝嗣君，晉以魯伐莒，違背盟約，拒之，至黃河而歸。秋，楚伐徐，民疲於役，怨王。八月，晉滅肥，十月，伐鮮虞。

前 529 年

壬申 周景王十六年

鄭定公寧元年。楚公子比帥陳、蔡、許、葉之師，因四族之衆以叛，攻入楚都，楚靈王自縊。公子棄疾殺公子比而自立，是爲楚平王。平王復陳、蔡諸國。秋，晉治兵於邾南，甲車四千乘，合諸侯於平丘。因魯前伐邾、莒，不准與盟。冬，吳滅州來。是年，燕悼公卒，共公立（悼公與共公關係，史無明文）。

前 528 年

癸酉 周景王十七年

楚平王棄疾（熊居）元年。燕共公元年。春，魯季孫氏家臣南蒯以費叛，費人逐之，南蒯奔齊。三月，曹武公卒，子平公須（史記曹世家作頃，史記十二諸侯年表、左傳作頃）立。秋，九月，楚平王滅楚養氏之族。

前 527 年

甲戌 周景王十八年

曹平公須元年。吳王餘昧卒，季札讓國，餘昧子僚嗣位。秋，晉荀吳攻鮮虞，取鼓。

前 526 年

乙亥 周景王十九年

吳王僚元年。春，齊侯伐徐；徐子、邾人、莒人與齊侯盟於蒲隧。楚王誘殺戎蠻子嘉。

八月，晉昭公卒，子頃公去（史記十二諸侯年表作棄，左傳、史記晉世家作去）疾立，是時，六卿強，公室卑。

前 525 年

丙子 周景王二十年

晉頃公去疾元年。春，小邾子朝魯。秋，邾子朝魯。九月，晉滅陸渾之戎。吳與楚戰於長岸，大敗楚師。

前 524 年

丁丑 周景王二十一年

三月，曹平公卒，子悼公武立。夏，五月，宋、衛、陳、鄭皆有火災。六月，邾人藉稻，邾人襲邾，遂入邾城，盡俘以歸。七月，鄭子產以火災故，大治社，祓禳於四方，振除火災，乃簡兵大蒐。冬，楚遷許於白羽。是年，周景王鑄大錢（國語周語）。燕共公卒，平公立（共公與平公關係，史無明文）。

前 523 年

戊寅 周景王二十二年

燕平公元年。曹悼公午元年。春，宋伐邾，盡歸邾俘。夏，邾人、邾人、徐人與宋人盟於蟲。秋，齊高發帥師伐莒，莒子奔紀。齊師攻紀。

前 522 年

己卯 周景王二十三年

楚平王信費無極讒言，欲誅太子建，三月，太子建奔宋，楚王殺其傅伍奢及奢子尚，伍奢少子員奔吳。十月，宋華亥、向寧、華定作亂，事敗奔陳，華登奔吳。鄭子產卒，子太叔繼爲政（按子產卒年，明見左傳，史記誤繫於周敬王二十四年）。十一月，蔡平侯卒，靈侯之孫東國殺平侯子而自立，是爲悼侯。

前 521 年

庚辰 周景王二十四年

蔡悼侯東國元年。春，周景王鑄無射鐘（左傳繫於此年，國語周語作二十三年）。夏，宋華亥、向寧、華定復入宋南里以叛，華登以吳師援之，宋師敗。十一月，晉、齊、衛師救宋，大敗華氏，圍之於南里。

前 520 年

辛巳 周景王二十五年

春，齊攻莒。宋華亥、向寧、華定自南里出奔楚。四月，周景王卒；魯叔鞅赴周會葬。周大夫劉狄、單旗立王子猛，是為悼王。王子朝殺悼王自立，周大亂。晉人攻王子朝，立王子匄是為敬王。

前 519 年

壬午 周敬王元年

周王子朝入於大夫尹氏之邑，尹氏助王子朝攻王城，敬王出奔於劉（周邑）；尹氏立王子朝，敬王避居狄泉。七月，蔡悼侯卒於楚，弟昭侯申立。吳人攻州來，楚帥頓、胡、沈、陳、蔡、許之師攻吳，以救州來，戰於雞父，為吳所敗。吳入郢（楚邑），取楚太子建母與其寶器以歸。

前 518 年

癸未 周敬王二年

蔡昭侯申元年。冬，楚侵吳，至於圍陽而還，吳師遂滅巢與鍾離。

前 517 年

甲申 周敬王三年

春，魯叔孫聘宋。夏，晉會諸侯之大夫於黃父，謀平周亂。魯昭公用臧氏、郕氏之衆以

伐季氏，孟孫氏、仲孫氏救之。季氏敗公徒，殺郕昭伯。九月，魯昭公出奔齊。十一月，宋元公卒，子景公頭曼立。十二月，齊為魯昭公取鄆（魯邑）。

前 516 年

乙酉 周敬王四年

宋景公頭曼元年。三月，魯昭公自齊居鄆。秋，齊侯、魯侯及莒、邾、杞之君盟於鄆陵，謀納魯昭公。九月，楚平王卒，子珍（史記作珍，左傳作軫，又作壬）立，是為昭王。十一月，晉師克鞏（周邑），王子朝及召氏之族、毛伯得、尹氏固、南宮歸奉周之典籍以奔楚。周敬王入於成周，晉師使成公般戍周而還。

前 515 年

丙戌 周敬王五年

楚昭王珍元年。春，吳師攻楚圍潛。四月，吳公子光使武士專諸殺王僚而自立，是為吳王闔閭（史記十二諸侯年表作閭，吳世家、左傳作廬）。楚殺費無極，盡滅其族。秋，晉士鞅會諸侯之大夫於扈謀納魯昭公，不果；遂戍周。十月，曹悼公卒，弟聲公野立。

前 514 年

丁亥 周敬王六年

吳王闔閭元年。曹聲公野元年。春，魯昭公如晉求入，不果，居乾侯。晉殺祁盈與羊舌食我，盡滅祁氏、羊舌氏。秋，晉執政魏舒分祁氏之田為七縣，分羊舌氏之田為三縣；六卿各命其子為縣大夫，晉公室益弱，六卿皆大。四月，鄭定公卒，子獻公蔓立。

前 513 年

戊子 周敬王七年

鄭獻公蠆元年。春，魯昭公自乾侯居鄆；又欲如晉，不果，遂又居乾侯。三月，周殺召伯盈、尹氏固及原伯魯之子。冬十月，鄆潰（杜注：民散叛公）。

前 512 年

己丑 周敬王八年

六月，晉頃公卒，子定公午立。吳公子掩餘、公子燭庸奔楚，楚封之以間吳。十二月，吳滅鍾吾及徐，徐子章禹奔楚。吳遂謀攻楚，聽伍員之謀，楚始疲於奔命。

前 511 年

庚寅 周敬王九年

晉定公午元年。春，晉將以師納魯昭公，昭公不肯與季氏同歸。秋，吳人侵楚潛、六，楚出師，吳始還。

前 510 年

辛卯 周敬王十年

夏，吳攻越。冬，晉徵諸侯之師修成周城。十二月，魯昭公卒於乾侯。季孫立昭公弟公子宋，是爲定公。是年，曹平公弟通殺其君聲公而自立，是爲隱公。

前 509 年

壬辰 周敬王十一年

魯定公宋元年。曹隱公通元年。蔡侯朝楚，楚留之。

前 508 年

癸巳 周敬王十二年

五月，魯都城雉門及兩觀燬於火，新建雉門及兩觀。秋，楚囊瓦攻吳，吳師敗楚師於豫章，取楚之居巢而還（史記繫此事於敬王十一年，此從春秋）。

前 507 年

甲午 周敬王十二年

邾莊公卒，以五人爲殉。九月，鮮虞敗晉師於平中。蔡昭侯留楚三年歸，冬，蔡侯如晉，以其子爲質，請攻楚。

前 506 年

乙未 周敬王十四年

二月，陳惠公卒，子懷公柳立。三月，晉侯會劉子、魯侯、宋公、蔡侯、衛侯、陳子、鄭伯、許男、曹伯、莒子、邾子、頓子、胡子、滕子、薛伯、杞伯、小邾子、齊國夏於召陵，謀攻楚。四月，蔡滅沈。十一月，吳師、蔡師、唐師與楚師戰於柏舉，大敗楚師，五戰及郢，楚王奔隨，楚臣申包胥赴秦乞援。是年，曹聲公弟露（史記十二諸侯年表作路）殺曹隱公而自立，是爲曹靖公。

前 505 年

丙申 周敬王十五年

陳懷公柳元年。曹靖公露元年。春，周人殺王子朝於楚。夏，越侵入吳。六月，楚申包胥以秦師救楚，擊敗吳師，復郢，十月，楚昭王還都。六月，魯季孫意如卒，家臣陽虎囚其子斯而專魯政。冬，晉士鞅帥師圍鮮虞。是年，燕平公卒，簡公立（平公與簡公關係，史無明文）。

前 504 年

丁酉 周敬王十六年

燕簡公元年。正月，鄭滅許。四月，吳敗楚，楚懼，遷都於鄧（今湖北宜城縣西）。秋，魯陽虎盟魯侯及三桓於周社，盟國人於亳社，詛於五父之衢。冬，周王子朝之徒作亂，周敬王避居姑蘇（史記稱奔晉，此從左

傳)。

前 503 年

戊戌 周敬王十七年

二月，齊歸鄆、陽關於魯，陽虎居之以爲政。秋，齊、鄭盟於鹹。齊、衛盟於沙。齊師侵魯西鄙。十一月，晉大夫籀秦送周敬王，十二月，王入王城。

前 502 年

己亥 周敬王十八年

二月，周大夫單子伐穀城、簡城，劉子伐儀栗、孟等地，肅清叛黨，以定王室。三月，曹靖公卒，子伯陽立。七月，陳懷公卒於吳，子越立，是爲湣（一作閔）公。冬，魯陽虎欲去三桓而以黨於己者代其位，謀殺季氏，季氏入於孟氏，陽虎劫魯侯及叔孫以攻孟氏，弗克，入於謹、陽關（史記作陽關）以叛。鄭駟頗繼子大叔爲政。

前 501 年

庚子 周敬王十九年

陳湣公越元年。曹伯陽元年。春，鄭駟頗殺鄧析而用其竹刑。四月，鄭獻公卒，子聲公勝立。夏，陽虎自魯奔齊，後又奔晉。秋，秦哀公卒，太子夷公早卒，不得立，立夷公子，是爲惠公。

前 500 年

辛丑 周敬王二十年

秦惠公元年。鄭聲公勝元年。夏，齊與魯和，魯定公與齊侯會於夾谷，孔丘相（相禮）。齊人歸魯鄆、謹、龜陰之田。晉趙鞅圍衛。

前 499 年

壬寅 周敬王二十一年

冬，魯與鄭和，始背晉。

前 498 年

癸卯 周敬王二十二年

夏，衛攻曹。魯仲由爲季氏宰，將墮三都（三桓之都邑：費、郕、成）。叔孫帥師墮郕，季孫仲孫帥師墮費。將墮成，孟孫氏臣公斂處不墮，冬，定公圍成，弗克。齊饋魯女樂，孔子去魯適衛（仲尼世家載此事於敬王十四年）。

前 497 年

甲辰 周敬王二十三年

春，齊、衛攻晉河內。秋，晉卿爭權，范氏、中行氏攻趙氏，趙鞅奔晉陽。十一月，荀櫟、韓不信、魏侈又奉晉君攻范氏、中行氏。范氏、中行氏奔朝歌。十二月，趙鞅入絳，盟於公宮，趙鞅復位。

前 496 年

乙巳 周敬王二十四年

二月，楚滅頓。夏，吳攻越，越王勾踐敗吳師於檣李，吳王闔閭負傷，還卒於陘，子夫差立。衛太子蒯聵出奔宋。十二月，晉敗范氏、中行氏之師於潞，范氏、中行氏奔齊。是年，孔子自衛適陳。

前 495 年

丙午 周敬王二十五年

吳王夫差元年。正月，邾子朝魯。二月，楚滅胡。五月，魯定公卒，子蔣嗣，是爲哀公。

前 494 年

丁未 周敬王二十六年

魯哀公蔣元年。春，楚王率陳侯、隨侯、許男圍蔡。吳王夫差敗越於夫椒，遂入越，越王勾踐以甲楯五千，保於會稽，使大夫種求和，三月，吳與越和。秋，齊侯、衛侯攻晉，救范氏，取棘蒲。十二月，晉趙鞅圍朝歌，討中行氏。是年，孔子自陳適衛。

前 493 年

戊申 周敬王二十七年

四月，衛靈公卒，太子蒯聵早出奔，衛大夫立蒯聵子輒，是爲出公。晉趙鞅納衛太子蒯聵於戚。八月，齊、鄭以粟援晉卿范氏，趙鞅與齊、鄭師戰，敗鄭、齊師，獲齊粟千乘。魯伐郕。十一月，吳遷蔡於州來。是年，孔子如蔡。燕簡公卒，獻公立（史記索隱引古本竹書紀年，簡公後爲孝公，無獻公。史記作獻公。簡公獻公關係，史無明文）。

前 492 年

己酉 周敬王二十八年

衛出公輒元年。燕獻公元年。四月，孔子在陳。六月，周人以晉趙鞅言殺萇弘。十月，晉趙鞅圍朝歌，荀寅奔邯鄲。是年，孔子還宋，與弟子習禮於大樹之下。

前 491 年

庚戌 周敬王二十九年

二月，蔡大夫殺蔡昭侯而立太子朔，是爲成侯。夏，楚攻蠻，戎蠻子赤奔晉，晉人執戎蠻子赤歸於楚，楚盡俘其民。九月，晉趙鞅圍邯鄲。十月，秦惠公卒，子悼公立。十一月，邯鄲降，荀寅奔鮮虞。十二月，齊國夏伐晉，取八邑，會鮮虞，納荀寅於柏人。

前 490 年

辛亥 周敬王三十年

蔡成侯朔元年。秦悼公元年。春，晉圍柏人，荀寅（中行氏）、士吉射（范氏）奔齊。夏，晉趙鞅攻衛。九月，齊景公卒，少子荼立，是爲晏孺子，景公未葬而羣公子出奔。

前 489 年

壬子 周敬王三十一年

齊晏孺子荼元年。春，晉趙鞅帥師伐鮮虞。吳伐陳，楚救陳。六月，齊陳乞、鮑牧與國夏、高張二族戰，國、高二族戰敗奔魯。七月，楚昭王卒，子章立，是爲惠王。齊陳乞殺其君晏孺子荼，立公子陽生，是爲悼公。

前 488 年

癸丑 周敬王三十二年

齊悼公陽生元年。楚惠王章元年。夏，魯會吳於郕，吳欲霸中國，向魯征百牢，魯不敢抗命，與之。秋，魯季康子攻邾。秋，宋人圍曹。冬，鄭人攻宋救曹。

前 487 年

甲寅 周敬王三十三年

正月，宋人入曹，俘曹伯陽歸，曹亡。三月，吳攻魯。夏，齊人取魯之讎、闕；冬，齊人還所侵魯地。

前 486 年

乙卯 周敬王三十四年

春，宋敗鄭於雍丘。秋，吳城邗，溝通江淮，以通糧道。

前 485 年

丙辰 周敬王三十五年

春，魯與吳、邾、郕攻齊。三月，齊大夫鮑牧殺齊悼公，齊大夫共立悼公子壬，是爲簡公。吳大夫徐承帥舟師，將自海入齊，爲齊

所敗，吳師乃還。 夏，晉趙鞅帥師侵齊。
冬，楚攻陳，吳救陳。

前 484 年

丁巳 周敬王三十六年

齊簡公壬元年。 春，齊攻魯，魯與齊師戰於魯郊。 五月，魯會吳攻齊，大敗齊師於艾陵。吳王夫差賜伍員以屬鏃之劍，使自盡。孔子自衛返魯。 魯季孫氏欲以田賦，訪於孔子，孔子止之，不聽。

前 483 年

戊午 周敬王三十七年

正月，魯用田賦。 夏，魯侯會吳於橐臯。
秋，魯侯會衛侯、宋公於郕。 宋攻鄭。

前 482 年

己未 周敬王三十八年

春，鄭敗宋師於岳。 夏，魯哀公會單平公、晉定公、吳王夫差於黃池。六月，越入吳，獲吳太子友。七月，吳與晉爭先歃血，吳王先歃。 冬，吳與越和。

前 481 年

庚申 周敬王三十九年

魯哀公十四年春，西狩獲麟。 魯國春秋，相傳曾經孔子整理，即絕筆於是年，因此，春秋時代亦止於是年。 六月，齊陳恒殺其君簡公而立簡公弟驁，是為平公，陳恒專國政。

戰國大事年表

前 480 年

辛酉 周敬王四十年
齊平公驚元年。 衛莊公蒯聵元年。 五月，鄭伐宋。 冬，衛蒯聵因衛渾良夫、孔伯姬，自戚入於衛，劫孔悝以逐其子出公輒而自立，是爲莊公。輒奔魯，又奔齊。

前 479 年

壬戌 周敬王四十一年
四月己丑，孔子卒。 七月，楚白公勝作亂，殺令尹子西與子期於朝。葉公子高帥國人攻白公勝，白公勝自縊死。

前 478 年

癸亥 周敬王四十二年
三月，越敗吳於笠澤。 七月，楚滅陳。 十月，晉攻衛，逐莊公而立襄公孫般師，衛與晉和。晉師還，十一月，莊公復入於衛，爲己氏所殺。 十二月，齊攻衛，執般師以歸，而立靈公之子公子起。

前 477 年

甲子 周敬王四十三年
衛君起元年。 春，巴人攻楚，圍鄧，楚師敗之。 衛石圃逐衛君起，起奔齊；衛侯輒自齊復歸衛，逐石圃。 齊陳恒殺鮑氏、晏氏及公族之强者，割安平以東爲封邑。 秦悼公卒，子厲共公立。 周敬王卒。子仁（世本作赤）嗣位，是爲元王（左傳以敬王卒於四十四年，此從史記。 司馬光稽古錄亦從史記）。

前 476 年

乙丑 周元王元年

衛出公輒後元元年。 秦厲共公元年。 春，越人攻楚。 秋，楚人伐東夷。三夷與楚盟於敖。

前 475 年

丙寅 周元王二年

春，齊人赴魯徵會，夏，會於稷丘，謀攻晉。 冬，吳公子慶忌請與越平，吳王不聽，殺之。 是年，蜀人通使於秦。 晉定公卒，子出公鑿（史記十二諸侯年表作錯）立。

前 474 年

丁卯 周元王三年

晉出公鑿元年。 夏，晉趙無恤滅代。 五月，越聘魯，始通於中原諸國。 秋，齊侯、魯侯、邾子盟於顓。

前 473 年

戊辰 周元王四年

十一月，越滅吳，吳王夫差自殺。 越大夫范蠡去越，越殺其大夫文種。 越王致貢於周，周元王使人賜勾踐胙，命爲伯。越以淮上地與楚，歸吳所侵宋地於宋，以泗東地與魯，越遂霸諸侯。

前 472 年

己巳 周元王五年

六月，晉荀瑤攻齊，敗齊高元師於犂丘。 八月，魯侯使叔青聘越，越使諸鞅赴魯報聘。 是年，蔡成侯卒（史記六國表誤作景侯），子聲侯產立。

前 471 年

庚午 周元王六年

蔡聲侯產元年。夏，晉、魯伐齊，取廩丘。魯哀公以嬖妾爲夫人，以其子荆爲太子，國人惡之。冬，魯哀公朝於越。

前 470 年

辛未 周元王七年

五月，衛褚師比及諸大夫逐衛侯輒，輒奔宋，使求救於越。六月，魯哀公歸自越，與三家相惡。

前 469 年

壬申 周元王八年

五月，越、魯、宋攻衛，納衛侯輒，不克，衛人立公子黯，輒死於越。十一月，宋景公卒，大尹立公子啓，六卿逐啓，而立公子得，是爲昭公（此見左傳；參見西元前451年條）。冬，周元王卒，子介嗣位，是爲定王（世本作貞定王，皇甫謐帝王世紀、司馬光稽古錄俱從世本，今從史記。按史記周元王八年卒，稽古錄，通鑑外紀俱從之。今本竹書紀年作七年，蓋減去一年，而加於敬王，今從史記）。

前 468 年

癸酉 周定王元年

宋昭公得元年。春，越舌庸聘魯，與魯哀公盟於平陽。四月，魯季康子卒。晉荀瑤帥師伐鄭，齊陳恒救之，晉師乃還。八月，魯哀公爲三桓所逼，出奔越。

前 467 年

甲戌 周定王二年

秦庶長將兵拔魏城。魯哀公卒於越，國人立其子寧，是爲悼公。

前 466 年

乙亥 周定王三年

魯悼公寧元年。時魯三桓盛，魯侯卑於三桓之家，如小侯。

前 365 年

丙子 周定王四年

燕獻公卒，孝公立。越王勾踐卒，子鹿郢立（史記越世家索隱引古本竹書紀年）。

前 464 年

丁丑 周定王五年

燕孝公元年。越王鹿郢元年。晉荀瑤、趙無恤帥師圍鄭；齊師救鄭。荀瑤辱趙無恤，趙無恤怨之。

前 463 年

戊寅 周定王六年

晉人、楚人聘秦。河絕於虜（水經河水注引古本竹書紀年。虜，晉地）。鄭聲公卒，子易立，是爲哀公。

前 462 年

己卯 周定王七年

鄭哀公易元年。晉荀瑤城高梁（水經汾水注引古本竹書紀年）。

前 461 年

庚辰 周定王八年

秦塹阿旁，滅大荔，取其王城，補修龐戲城。

前 460 年

辛巳 周定王九年

前 459 年

壬午 周定王十年
越王鹿郢卒，子不壽立（史記索隱引古本竹書紀年）。

前 458 年

癸未 周定王十一年
越王不壽元年。 晉荀瑤與趙氏、韓氏、魏氏分范、中行氏之地以爲己邑，晉出公怒，訴於齊、魯，欲伐之。四卿反攻出公，出公奔齊，道死。荀瑤立昭公會孫驕（史記晉世家作驕，六國表又作忌），是爲哀公，荀瑤專國政。 晉趙簡子卒（左傳稱簡子卒於周元王二年，在位四十三年。史記六國表載簡子卒於是年，在位六十年），子無恤立，是爲襄子。

前 457 年

甲申 周定王十二年
晉哀公驕元年（史記六國表繫於定王十三年）。 趙襄子無恤元年。 秦侯帥師與緜諸戰。 晉荀瑤襲衛不克。 晉荀瑤還自衛，戲韓康子（虎）而侮韓康子之臣段規，知國諫之，不聽。 晉荀瑤伐中山，取窮魚之丘（水經巨馬水注引古本竹書紀年）。 趙襄子滅代。 蔡聲侯卒，子元侯立。

前 456 年

乙酉 周定王十三年
蔡元侯元年。 衛出公卒，出公季父黔（世本作虔，史記作黔）攻出公子而自立，是爲悼公。 齊平公卒，子積（史記齊世家作積，六國表作就匝）立，是爲宣公。 齊田成子卒，子盤立，是爲襄子。 秦初縣頻陽。

前 455 年

丙戌 周定王十四年
衛悼公黔元年。 齊宣公積元年。 晉荀瑤與

魏駒、韓虎攻趙無恤，圍晉陽。 鄭人殺哀公而立聲公弟丑，是爲共公。

前 454 年

丁亥 周定王十五年
鄭共公丑元年。 晉荀瑤與魏、韓仍圍晉陽。

前 453 年

戊子 周定王十六年
晉荀瑤率韓、魏之師圍晉陽，三年不能拔，乃決晉水灌之。 趙無恤約魏駒、韓虎反攻荀瑤，滅之，殺荀瑤，三分其地。 荀瑤臣豫讓謀刺趙無恤不成，無恤殺之。 齊田盤使其宗人盡爲齊都邑大夫，與晉三家通使。

前 452 年

己丑 周定王十七年
晉大夫智伯之族智開奔秦。

前 451 年

庚寅 周定王十八年
秦左庶長城南鄭（鄭桓公死於犬戎，其民南奔，故稱南鄭）。 十月，宋景公卒，宋公子特攻殺太子而自立，是爲昭公（此見史記宋世家；參見西元前 469 年條）。 衛悼公卒（史記作在位五年卒，史記索隱引古本竹書紀年作在位四年卒），子敬公弗（史記集解引世本作費）立。 蔡元侯卒，子齊立。

前 450 年

辛卯 周定王十九年
衛敬公弗元年。 蔡侯齊元年。 宋昭公特元年。 燕孝公卒，成公載立（孝公與成公關係，史無明文）。

前 449 年

壬辰 周定王二十年

燕成公元年。越王不壽被殺，子朱句（史記越世家作王翁）立。越人迎女於秦。

前 448 年

癸巳 周定王二十一年

越王朱句元年。晉大夫智寬率其邑人奔秦。

前 447 年

甲午 周定王二十二年

楚滅蔡，蔡侯齊出奔。

前 446 年

乙未 周定王二十三年

魏文侯斯立（史記晉世家索隱引古本書紀年：“敬公十八年，魏文侯初立”。王國維曰文侯初立當在敬公六年，今從之。按紀年，晉敬公六年當定王二十三年。又按史記魏世家索隱引世本，斯乃魏桓子之子，史記作孫亦誤）。

前 445 年

丙申 周定王二十四年

楚滅杞，與秦和。越滅吳後（越滅吳見西元前473年），未能征服江淮以北，楚東侵，廣地至泗上，江淮以北遂為楚所有，楚復強。

前 444 年

丁酉 周定王二十五年

晉韓、魏二家滅伊洛陰戎。秦伐義渠，執其君以歸。

前 443 年

戊戌 周定王二十六年

秦厲共公卒，子躁公立。

前 442 年

己亥 周定王二十七年

秦躁公元年。

前 441 年

庚子 周定王二十八年

春，周定王卒，長子去疾立，是為哀王；三月，弟叔殺王自立，是為思王；五月，又為弟鬼所殺，鬼自立，是為考王。南鄭叛秦。

前 440 年

辛丑 周考王元年

周考王封弟揭於王城，是為西周桓公，亦稱西周君。

前 439 年

壬寅 周考王二年

前 438 年

癸卯 周考王三年

晉哀公驕卒，子柳嗣位，是為幽公。

前 437 年

甲辰 周考王四年

晉幽公柳元年。幽公之時，三家強大，公室僅有絳與曲沃之地，餘盡歸三家；晉侯反朝於三家。

前 436 年

乙巳 周考王五年

前 435 年

丙午 周考王六年

魯季孫會晉幽公於楚丘，取葭密，遂城之（水經濟水注引古本竹書紀年。一引在晉幽公十三年）。

前 434 年

丁未 周考王七年

燕成公卒，湣公立（一作閔，成公與湣公關係，史無明文）。

前 433 年

戊申 周考王八年

燕湣公元年。

前 432 年

己酉 周考王九年

衛敬公卒，子糾立，是為昭公。 楚惠王卒，子簡王仲立。

前 431 年

庚戌 周考王十年

楚簡王仲元年。 楚滅莒。 衛昭公糾元年。 是時，三晉強，衛如小侯，屬之。

前 430 年

辛亥 周考王十一年

義渠攻秦，侵至渭陽。

前 429 年

壬子 周考王十二年

魯悼公卒，子嘉立，是為元公。 秦躁公卒，弟懷公立。

前 428 年

癸丑 周考王十三年

魯元公嘉元年。 秦懷公元年。

前 427 年

甲寅 周考王十四年

前 426 年

乙卯 周考王十五年

衛公子亹殺其君昭公而自立，是為懷（史記衛世家作懷，六國表作悼）公。 周考王崩，子午立，是為威烈王。

前 425 年

丙辰 周威烈王元年

衛悼公希元年。 秦庶長毚殺其君懷公，大臣立其孫，是為靈公。 趙襄子無恤卒，弟嘉立，是為桓子。 韓康子卒，子啓章立，是為武子。

前 424 年

丁巳 周威烈王二年

秦靈公元年。 韓武子啓章元年。 趙桓子嘉元年。 晉趙桓子立，不久即卒，國人曰，立桓子非襄子意，乃殺其子，而立襄子子浣，是為獻侯。 鄭共公卒，子己立，是為幽公。

前 423 年

戊午 周威烈王三年

趙獻侯浣元年。 鄭幽公己元年。 晉韓武子啓章伐鄭，殺幽公，國人立其弟駘，是為繆公。

前 422 年

己未 周威烈王四年

鄭繆公駘元年。 秦作上下時於吳陽，上時祭黃帝，下時祭炎帝。

前 421 年

庚申 周威烈王五年

前 420 年

辛酉 周威烈王六年

晉幽公夜竊出，晉夫人秦嬴殺公於高寢之上（史記索隱引古本竹書紀年，今本紀年訛爲晉大夫）。魏文侯以兵平晉亂，立幽公子（亦作弟）止，是爲烈公。

前 419 年

壬戌 周威烈王七年

晉烈公止元年。晉魏氏城少梁。晉趙氏城泓氏（水經沁水注引古本竹書紀年）。晉韓武子都平陽（水經汾水注引古本竹書紀年。史記繫韓都平陽於韓貞子時）。

前 418 年

癸亥 周威烈王八年

秦與魏戰於少梁。

前 417 年

甲子 周威烈王九年

秦初以君主妻河伯。晉魏氏復城少梁。楚伐晉，攻魏氏南鄙，至於上洛（水經丹水注引古本竹書紀年）。

前 416 年

乙丑 周威烈王十年

越滅郟，執郟子鵠以歸（水經沂水注引古本竹書紀年。今本竹書紀年列於十二年，通鑑外紀又列於八年，今從古本竹書紀年）。晉趙氏城平邑（水經河水注引古本竹書紀年）。

前 415 年

丙寅 周威烈王十一年

秦靈公卒，國人廢其子師隰而立其季父悼子，是爲簡公。秦城籍姑，補龐城。衛敬公之孫頹，殺懷公而自立，是爲愼公。齊田居思

伐晉趙氏鄙，圍平邑。越滅滕。

前 414 年

丁卯 周威烈王十二年

秦簡公悼子元年。衛愼公頹元年。中山武公初立。西周君桓公揭卒，子威公立。

前 413 年

戊辰 周威烈王十三年

秦與晉戰，秦敗於鄭下。齊田白帥師伐晉，毀黃城，圍陽狐。晉河岸崩，壅龍門，至於底柱。

前 412 年

己巳 周威烈王十四年

晉魏文侯使其子擊圍繁龐，出其民。齊田白攻魯至安陵（史記六國表作安陽）。越王朱句卒，子王翳立。

前 411 年

庚午 周威烈王十五年

越王翳元年。齊田白伐魯取一城（史記六國表作取都）。

前 410 年

辛未 周威烈王十六年

魯元公卒，子顯立，是爲穆公。

前 409 年

壬申 周威烈王十七年

魯穆公顯元年。穆公好賢，以公儀休爲相（史記六國表列魯穆公元年於十九年，此從魯世家）。秦初令吏帶劍。魏伐秦，築臨晉、元里。趙獻侯卒，子烈侯籍立。韓武子卒，子景侯虔立。

前 408 年

癸酉 周威烈王十八年

韓景侯虔元年。趙烈侯籍元年。秦塹洛水，城重泉。初租禾（史記秦本紀作十九年，六國表作十八年）。韓攻鄭，取雍丘。鄭城京。魏攻秦，至鄭，還築洛陰、合陽。魏文侯帥師攻宋，使樂羊子滅中山，命公子擊守之。齊田和侵魯取郕。楚簡王卒，子聲王當立。

前 407 年

甲戌 周威烈王十九年

楚聲王當元年。齊與鄭會於西城，伐衛，取毋丘。

前 406 年

乙亥 周威烈王二十年

魏文侯臣李悝作盡地力之教，行平糴之法，著法經六篇。

前 405 年

丙子 周威烈王二十一年

魏文侯謀相於李克，卒以季成子（魏成）爲相。文侯少嘗師卜子夏、田子方（子夏弟子），禮段干木。及卽位，任用李克、翟璜，以吳起守西河，以西門豹治鄴，以樂羊子伐中山，舉賢任能，國大治，三晉之中，魏爲最強。齊宣公卒，子康公貸立。齊大夫田會以廩丘叛田氏，歸趙氏。齊使田氏圍廩丘，趙使孔青救之，大敗齊師。晉烈公以公仲連爲相。

前 404 年

丁丑 周威烈王二十二年

齊康公貸元年。宋昭公卒，子悼公購由立。

前 403 年

戊寅 周威烈王二十三年

宋悼公購由元年。晉大夫韓虔、魏斯、趙籍皆自立爲諸侯；趙追尊獻子爲獻侯。（按秦自穆公霸西戎，勢已漸強，但東有強晉，終春秋之世，不能東進。三家分晉，彼此爭戰，秦得以操縱其間，蠶食諸侯，故三家分晉，在當時政治上實一大變局。司馬光資治通鑑卽托始於是年，以此爲戰國時期之始。但戰國初年，以魏爲最強，至秦孝公、魏惠王時，魏始衰而秦漸強。）楚圍宋，十月罷。周九鼎震。燕湣公卒，釐公立（湣公與釐公關係，史無明文）。

前 402 年

己卯 周威烈王二十四年

燕釐公元年。周威烈王卒，太子驕嗣位，是爲安王。楚聲王被刺殺，國人立其子類（史記楚世家作疑），是爲悼王。

前 401 年

庚辰 周安王元年

楚悼王類元年。秦攻魏至陽狐（一作孤，水經注作陽壺）。

前 400 年

辛巳 周安王二年

鄭圍韓陽翟。魏、趙、韓伐楚至桑丘。秦簡公卒，子惠公立。韓景侯卒，子烈侯取立。趙烈侯卒，弟武侯立。

前 399 年

壬午 周安王三年

秦惠公元年。韓列（世本作武）侯取元年。趙武公元年。周王子定奔晉。魏號山崩，

雍河。 楚歸榆關於鄭。

前 398 年

癸未 周安王四年

楚攻鄭，鄭敗，殺其相駟子陽以說楚。 楚攻周。

前 397 年

甲申 周安王五年

聶政刺殺韓相俠累。 魏文侯卒（按史記魏世家引古本竹書紀年文侯五十年卒。 當在是年。 史記載文侯卒於周安王十五年，於史事不合，今從紀年），子擊立，是爲武侯。

前 396 年

乙酉 周安王六年

魏武侯擊元年。 鄭相駟子陽之黨殺鄭繻公而立幽公之弟乙，是爲康公。 宋悼公卒，子田立，是爲休公。

前 395 年

丙戌 周安王七年

鄭康公乙元年。 宋休公田元年。 秦攻縣諸。

前 394 年

丁亥 周安王八年

齊攻魯取最，韓救魯。 鄭負黍叛，復歸韓。

前 393 年

戊子 周安王九年

魏攻鄭，城酸棗。 楚攻韓，取負黍。 魏敗秦於注。 晉烈公卒，子傾（一作頤）立，是爲孝公。

前 392 年

己丑 周安王十年

晉孝公傾元年。

前 391 年

庚寅 周安王十一年

齊田和遷其君齊康公於海上，食一城，田和遂有齊國（史記六國表繫此事於安王十六年，此從史記田完世家）。 三晉敗楚師於大梁、榆關。 楚遂厚賂秦，與秦和。 秦伐韓宜陽，取六邑。

前 390 年

辛卯 周安王十二年

秦與晉戰於武城。 秦縣陝。 齊伐魏，取襄陵。 魯敗齊於平陸。

前 389 年

壬辰 周安王十三年

秦侵魏陰晉。 齊田和會魏、楚、衛於濁澤，求爲諸侯，魏武侯爲之請於周王及諸侯，周王許之。

前 388 年

癸巳 周安王十四年

前 387 年

甲午 周安王十五年

秦攻蜀，取南鄭。 魏攻秦，秦敗之武下。 秦惠公卒，子出公立。 韓烈侯卒，子文侯立。 趙武侯卒，趙人立烈侯太子章，是爲敬侯。

前 386 年

乙未 周安王十六年

秦出公元年。 韓文侯元年。 趙敬侯章元年。 齊田和立爲齊侯，是爲太公和元年。 趙始都邯鄲（今河北省邯鄲縣）。 趙武公子

朝（亦作朔）作亂，奔魏，與魏襲邯鄲，不克。魏城安邑、王垣及洛陽（史記六國表列於十七年，此從史記魏世家索隱引古本竹書紀年）。

前 385 年

丙申 周安王十七年

秦庶長改殺其君，迎立靈公太子師隰，是為獻公。秦以數易國君，政治紊亂，故為魏所侵。韓攻鄭，取陽城；又攻宋，至彭城，執宋君，已而釋之。齊攻魯，破之。趙敗齊於靈丘。齊太公田和卒，子刻立（按史記漏去田剗一代，此據史記田完世家索隱引古本竹書紀年補）。

前 384 年

丁酉 周安王十八年

秦獻公師隰元年。齊侯田剗元年。秦廢除用人殉葬。齊攻魏，趙救魏於廩丘，齊師敗績。

前 383 年

戊戌 周安王十九年

秦城櫟陽，都之（今陝西臨潼縣北）。魏敗趙人於兔臺。趙築剛平以侵衛。

前 382 年

己亥 周安王二十年

魏相商文死，公叔為相，譖吳起，吳起出奔楚，楚悼王任為令尹。吳起教悼王裁抑貴族之權，厚賞選練之士，徙貴人於邊境，以實廣虛之地，楚貴族恨之。趙圍衛，衛乞師於魏，魏、齊伐趙，取剛平。

前 381 年

庚子 周安王二十一年

楚悼王卒，貴族攻殺吳起，太子臧立，是為肅王；肅王殺為亂者七十餘家。趙人、楚人伐魏取棘蒲。

前 380 年

辛丑 周安王二十二年

楚肅王臧元年。齊攻燕，取桑丘。魏、韓、趙攻齊至桑丘，擊敗齊師。鄭背韓。

前 379 年

壬寅 周安王二十三年

齊康公卒，太公望之後絕祀，田氏遂并齊。秦初縣蒲、藍田、善明氏。趙伐魏，拔黃城。趙襲衛，齊人救衛。越遷於吳（史記索隱引古本竹書紀年）。

前 378 年

癸卯 周安王二十四年

魏、趙、韓伐齊至靈丘。狄敗魏於澮。秦初為市。齊攻燕，趙救燕。晉孝公卒，子靖公俱酒立。

前 377 年

甲辰 周安王二十五年

晉靖公俱酒元年。蜀伐楚，取茲方，楚為扞關以拒蜀。趙與中山戰於房子。魯穆公卒，太子奮立，是為共公。韓文侯卒，子哀侯立。

前 376 年

乙巳 周安王二十六年

韓哀侯元年。魯共公奮元年。周安王卒，子喜立，是為烈王。三晉共滅晉而分其地。趙攻中山。韓滅鄭（史記韓世家索隱引古本竹書紀年：魏武侯二十一年，韓滅鄭。史記六國表繫於下年），因徙都之。越太子諸咎

殺其君翳，越人又殺諸咎，立孚錯枝爲君（史記越世家索隱引古本竹書紀年）。齊田午殺其君剡自立，是爲桓公（據史記田完世家索隱引古本竹書紀年。史記誤將齊威王之年提前十八年，與孟子、戰國策俱不合）。

前 375 年

丙午 周烈王元年

齊桓公午元年。趙敬侯卒，子種立，是爲成侯。秦爲戶籍相伍。越大夫寺區定越亂，立無余之（即王之侯，見史記越世家索隱引古本竹書紀年）。

前 374 年

丁未 周烈王二年

趙成侯種元年。越王無余之元年。秦縣櫟陽。趙公子勝作亂，不克。韓山堅殺韓哀侯，哀侯子若山立，是爲懿侯（史記韓世家索隱引古本竹書紀年。史記韓世家明謂哀侯卒，而懿侯立，而六國表又於哀侯之後，繼以莊侯，與世家不合，今從古本竹書紀年）。周太史儋見秦獻公。

前 373 年

戊申 周烈王三年

韓懿侯若山元年。燕敗齊師於林孤。魯攻齊至陽關。晉攻齊至鱣陵。衛慎公卒，子聲公訓立。燕釐公卒，桓公立（釐公與桓公關係，史無明文）。宋休公卒，子辟公辟兵立。

前 372 年

己酉 周烈王四年

衛聲公訓元年。燕桓公元年。宋辟公辟兵元年。趙以大戊午爲相，攻魏（年表作衛），取鄉邑七十三。魏敗趙於北蘭。

前 371 年

庚戌 周烈王五年

魏攻楚，取魯陽。秦、趙戰於高安，秦師敗績。魏武侯卒，子罃立，是爲惠王。

前 370 年

辛亥 周烈王六年

魏惠王罃元年。魏封公子綏。趙、韓攻魏取葵，魏敗韓、趙師於平陽。魏攻趙，圍濁澤。趙攻齊，至鄆。宋辟公卒，子剔成立。楚肅王卒，無子，立其弟熊良夫，是爲宣王。

前 369 年

壬子 周烈王七年

楚宣王良夫元年。宋剔成元年。秦大疫。魏敗韓於馬陵，敗趙於懷。趙敗魏於濁，圍安邑。趙築長城。中山築長城。魏大夫王錯出奔韓（史記魏世家集解引古本竹書紀年）。齊田壽帥師攻魏，圍觀，觀降（水經注河水注引竹書紀年。史記六國表繫於下年）。周烈王卒，弟扁嗣位，是爲顯王。

前 368 年

癸丑 周顯王元年

趙侵齊至長城，旋將侵地歸還於齊。韓城邢丘（水經河水注引古本竹書紀年）。魏惠王封秦子向爲藍田君（水經渭水注引古本竹書紀年）。

前 367 年

甲寅 周顯王二年

趙與韓攻周，分周爲二（史記周本紀：初考王封其弟於河南，是爲桓公，以續周公之官。桓公卒，子威公立，威公卒，子惠公立，乃封其

少子於鞏，以奉王，號東周惠公。雷學淇竹書紀年義證云：穀城、緄氏與王城爲西周，平陰、偃師與鞏爲東周。周顯王雖爲天子，止居於洛陽〔卽成周〕，依東周以存身。自是王畿七城，始有“東周”“西周”之稱。戰國策所謂東、西周，卽指此而言）。

前 366 年

乙卯 周顯王三年

魏、韓會於宅陽，帥師城武都（史記魏世家作武堵），爲秦師所敗。齊與趙戰（一作會）於河下。魏公子景賈，帥師伐韓，與韓戰於陽，魏師敗績（水經注濟水注引古本竹書紀年）。秦敗韓、魏於洛陽。

前 365 年

丙辰 周顯王四年

魏攻宋，取儀臺。趙攻衛，取甄。越寺區弟思殺其君無余之，無頤立（史記越世家索隱引古本竹書紀年）。四月甲寅，魏徙都大梁（水經渠水注引古本竹書紀年，作魏惠王六年，史記魏世家集解，孟子正義引竹書紀年皆作九年，今從方詩銘輯證之說，繫於魏惠王六年）。

前 364 年

丁巳 周顯王五年

越王無頤元年。秦攻魏，趙救之，秦敗三晉之師於石門，斬首六萬。周賀秦勝。

前 363 年

戊午 周顯王六年

魏攻趙，取列人與肥（水經濁漳水注引古本竹書紀年）。

前 362 年

己未 周顯王七年

韓昭侯元年，昭侯懿侯子（史記六國表繫於顯王十一年，今從古本竹書紀年）。秦敗韓於西山。秦與魏戰於少梁，虜魏將公叔痤（一作公孫痤）。魏敗韓趙於澮。趙韓會於上黨。秦獻公卒，子渠梁立，是爲孝公。燕恒公卒，文公立（桓公與文公關係，史無明文）。衛聲公卒，子成侯不逝立（史記作邀，史記索隱引世本作不逝）。

前 361 年

庚申 周顯王八年

秦孝公渠梁元年。衛成侯不逝元年。燕文公元年。秦孝公發憤強秦，下令國中求賢才。魏公叔痤庶子（官名）衛鞅（公孫鞅）年少有才識，公叔痤薦於魏惠王，不肯用，鞅至秦，因景監見孝公。秦孝公攻魏圍陝。秦攻戎，斬獬王。魏攻趙，取皮牢。

前 360 年

辛酉 周顯王九年

東周惠公傑卒（史記六國表集解引古本竹書紀年。世本又曰名班）。天子致文武胙於秦伯。

前 359 年

壬戌 周顯王十年

秦以衛鞅爲左庶長，定變法之令（史記六國表繫衛鞅爲左庶長於秦孝公六年，此據商君列傳。史記商君列傳又稱：秦孝公以是年定變法之令云云。按史記所述變法之令，乃包括商君一生施政綱領，非將秦之制度一旦完全改革。茲就其可考者，繫之於以後有關各年）。魏使龍賈帥師築長城於魏西陲（水經濟水注引古本竹書紀年）。楚伐魏。

前 358 年

癸亥 周顯王十一年

韓致魏平邱、戶牖、首垣等邑及鄭馳地（水經河水注引古本竹書紀年）。魏與韓盟於巫沙以釋宅陽之圍（水經注濟水注引古本竹書紀年）。齊桓公卒，威王立（史記魏世家索隱引古本竹書紀年）。秦敗韓師於西山。趙侯與魏侯遇於葛孽。齊威王以鄒忌爲相。

前 357 年

甲子 周顯王十二年

魏與趙會於鄆。宋取韓黃池，魏取韓朱。趙大夫趙孟如齊。楚君尹黑迎女於秦。齊封鄒忌以下邳，號爲成侯。

前 356 年

乙丑 周顯王十三年

魯共公、宋桓公、衛成侯、韓昭侯朝魏，魏王饗諸侯於范臺，魯侯避席擇言。趙侯、燕侯會於阿。齊威王、趙成侯、宋公會於平陸。越王無疆卒，弟無疆立。韓築長城自亥谷以南（水經濟水注引古本竹書紀年）。

前 355 年

丙寅 周顯王十四年

越王無疆元年。無疆時，越復興，攻齊、楚，與諸國爭強。秦孝公與魏惠王會於杜平。魏侵宋，取黃池，宋復取之。齊威王與魏惠王會獵於郊。秦公孫壯帥師伐韓，圍焦城，不克（水經渠水注引古本竹書紀年）。趙伐衛，取漆富丘，城之。（水經濟水注引古本竹書紀年）齊與燕師戰於洵水，齊師遁（水經鮑丘水注引古本竹書紀年）。

前 354 年

丁卯 周顯王十五年

秦敗魏於元里，斬首七千，取少梁。齊師、衛師、宋師圍魏襄陵（水經淮水注引古本竹書紀年）。齊田期攻魏東鄆，戰於桂陽（亦作陵），敗魏師（水經濟水注引古本竹書紀年）。魏攻趙，圍邯鄲。韓朝魏於中陽（水經渠水注引古本竹書紀年）。

前 353 年

戊辰 周顯王十六年

魏以韓師敗諸侯於襄陵，齊使楚景拾來求成（水經淮水注引古本竹書紀年）。魏拔邯鄲，趙求救於齊，齊敗魏於桂陵。楚以昭奚恤爲相。韓攻東周，取陵觀、廩丘（韓世家作邢丘）。魯共公卒，子康公屯立。

前 352 年

己巳 周顯王十七年

魯康公屯元年。秦拜衛鞅爲大良造，攻魏安邑，降之。魏築長城，塞固陽。魏取玄武，濩澤（水經沁水注引古竹書紀年）。

前 351 年

庚午 周顯王十八年

韓以申不害爲相。秦城商塞。衛鞅圍魏固陽，降之。秦攻趙閭。魏歸趙邯鄲，與趙盟於漳水之上。泗上十二諸侯皆朝魏。齊築防以爲長城（水經汶水注引古本竹書紀年）。

前 350 年

辛未 周顯王十九年

秦自雍徙都咸陽。趙成侯卒，子語立，是爲肅侯。秦初聚小邑爲三十一縣（六國表作三十一縣，秦本紀又作四十一縣），縣置令丞，廢井田，開阡陌。秦孝公與魏惠王遇於彤。

前 349 年

壬申 周顯王二十年

趙肅侯語元年。趙肅侯初年，大成午爲相。

秦初爲縣，有秩史。商君之法，斬一首者爵一級（韓非子定法篇）；凡二十等（見漢書百官表）。

前 348 年

癸酉 周顯王二十一年

秦初爲賦。韓昭侯朝秦。趙肅侯與魏君遇於陰晉。

前 347 年

甲戌 周顯王二十二年

趙公子范襲邯鄲，不勝而死。楚伐徐州（史記越世家索隱引古本竹書紀年）。

前 346 年

乙亥 周顯王二十三年

趙肅侯朝周天子。齊殺大夫牟辛。

前 345 年

丙子 周顯王二十四年

魏敗韓於馬陵。

前 344 年

丁丑 周顯王二十五年

魏惠王會諸侯於逢澤，率諸侯朝周天子；天子致伯，諸侯畢賀（逢澤之會乃魏惠王事，史記六國表誤繫於秦，又誤分書於二十五，二十六，二十七年）。齊卿大夫聘秦（據商鞅量銘）。魯康公卒，子景公圉（史記六國表作偃，魯世家作圉）立。

前 343 年

戊寅 周顯王二十六年

魯景公圉元年。齊田盼、田嬰、孫臏大敗魏師於馬陵，殺龐涓，虜太子申（史記六國表列此事於顯王二十八年，此從史記孫子吳起列傳索隱引古本竹書紀年）。

前 342 年

己卯 周顯王二十七年

魏以中山君爲相。五月，齊田盼及宋人攻魏東鄙，圍平陽。九月，趙伐魏北鄙。十月，魏王攻衛鞅，魏師敗績（史記魏世家索隱及水經泗水注引古本竹書紀年）。

前 341 年

庚辰 周顯王二十八年

齊城濟陽（水經濟水注引古本竹書紀年）。秦封衛鞅於鄆，改名曰商（水經濁漳水注引古本竹書紀年）。

前 340 年

辛巳 周顯王二十九年

楚宣王卒，子熊商立，是爲威王。魏爲大溝於北郭，以行圃田之水（水經渠水注引古本竹書紀年）。秦商鞅攻衛，獲衛公子伋，魏以安邑近秦，徙都大梁。

前 339 年

壬午 周顯王三十年

楚威王熊商元年。秦與魏戰於岸門，虜魏將魏錯。趙攻魏。魏立公子赫爲太子。

前 338 年

癸未 周顯王三十一年

秦孝公卒，子駟立，是爲惠文王。秦殺商鞅，滅其家。尸佼逃於蜀。

前 337 年

甲申 周顯王三十二年

秦惠文王駟元年。楚、韓、趙、蜀赴秦朝新君。韓相申不害卒。

前 336 年

乙酉 周顯王三十三年

周天子賀秦新君。齊與魏會於平阿南。秦初行錢。宋太丘社亡。孟軻見魏惠王。

前 335 年

丙戌 周顯王三十四年

秦惠文王舉行冠禮。齊與魏會於甄。趙建壽陵。秦拔韓宜陽。

前 334 年

丁亥 周顯王三十五年

魏惠王改元，後元一年（史記誤以惠王後元爲襄王之年，又誤以襄王之年爲哀王。今從杜預春秋經傳集解後序引古本竹書紀年）。魏惠王與齊王會於徐州，互相承認爲王（見呂氏春秋無類篇）。惠施相魏，蒙人莊周與惠施友善，嘗適大梁與惠施論學。周天子致文武胙於秦。趙肅侯遊大陵，出於鹿門，大成午諫之。楚滅越，殺越王無疆，盡取吳故地，拓地東至浙江。越分散爲無數小國，濱於海上，朝服於楚。

前 333 年

戊子 周顯王三十六年

秦以犀首（公孫衍）爲大良造。秦敗魏於雕陰。趙圍魏黃，不克。趙築長城。楚圍齊徐州。燕文侯卒，子易王立，齊攻燕，取十城，已而復之。韓昭侯卒，子宣惠王立。衛成侯卒，子平侯立。

前 332 年

己丑 周顯王三十七年

韓宣惠王元年。衛平侯元年。燕易王元年。齊、魏攻趙，趙決黃河水灌之，齊、魏乃去。魏致秦陰晉以和，名之曰寧秦。

前 331 年

庚寅 周顯王三十八年

義渠內亂，秦庶長操將兵定之。秦公子卬與魏戰，虜其將龍賈，斬首八萬。

前 330 年

辛卯 周顯王三十九年

秦攻魏圍焦、曲沃，魏割河西之地與秦。

前 329 年

壬辰 周顯王四十年

秦渡河取魏汾陰、皮氏，圍焦，降之。秦王與魏王會於應。楚威王卒，子熊槐立，是爲懷王。魏取楚陘山。宋公子偃攻襲其君剔成，剔成敗奔齊，偃自立爲宋君。

前 328 年

癸巳 周顯王四十一年

楚懷王熊槐元年。宋君偃元年。秦以張儀爲相。秦攻魏，圍蒲陽，降之。魏納上郡十五縣於秦。秦敗趙師於河西，殺其將趙疵，取蘭、離石。

前 327 年

甲午 周顯王四十二年

義渠降於秦，秦以義渠爲縣。秦歸魏焦與曲沃。秦更名少梁曰夏陽。

前 326 年

乙未 周顯王四十三年

秦初爲臘祭，會龍門。趙肅侯卒，子雍立，是爲武靈王。秦、楚、燕、齊、魏各出銳師萬人，如趙會葬。

前 325 年

丙申 周顯王四十四年

趙武靈王雍元年。秦初稱王。趙以趙豹爲相，尊禮先王貴臣肥義，加其秩。魏敗趙。衛平侯卒，子嗣君立。

前 324 年

丁酉 周顯王四十五年

秦惠文王改元稱元年。衛嗣君元年。趙城鄆。秦張儀伐魏取陝，出其人與魏；築上郡塞。

前 323 年

戊戌 周顯王四十六年

秦相張儀與齊、楚會於齧桑。韓侯稱王，楚君稱王，燕君稱王。楚敗魏於襄陵，取八邑。魏會齊威王於甄（史記孟嘗君列傳索隱引古本竹書紀年）。齊威王封田嬰於薛，齊城薛（史記孟嘗君列傳索隱引古本竹書紀年）。

前 322 年

己亥 周顯王四十七年

韓魏之太子朝秦。秦相張儀免，儀出相魏。秦取魏曲沃。韓、趙會於區鼠。齊田嬰朝魏（史記孟嘗君列傳索隱引古本竹書紀年）。

前 321 年

庚子 周顯王四十八年

周顯王卒，子定立，是爲愼覲王。燕文公卒，子噲立。趙娶韓女爲夫人。韓公仲、

公叔用事。

前 320 年

辛丑 周愼覲王元年

燕王噲元年。秦惠文王北游戎地，至河上。衛更貶號曰君，獨有濮陽。齊威王卒，子辟疆立，是爲宣王（按史記誤將齊威王、宣王之年代移前二十二年，遂使與孟子、戰國策所記皆不合。清儒依據古本竹書紀年，將齊魏戰國年代，重加考訂，然後先秦古書所言戰國之事，始無不條貫。史記孟嘗君傳索隱引古本竹書紀年稱齊威王卒於魏惠王後元十五年。參雷學淇竹書紀年義證卷三十九）。

前 319 年

壬寅 周愼覲王二年

齊宣王辟疆元年。孟軻游梁，說魏惠王行仁政（按孟軻游梁，當在魏惠王末年，史記因誤以惠王後元爲襄王元年，遂繫此事於周顯王三十三年，茲從崔述孟子事實錄）。魏惠王卒，子嗣（史記索隱引世本云名嗣）卽位，是爲襄王。孟軻見魏襄王，退曰：“望之不似人君”，遂去魏適齊，說齊宣王行仁政。秦攻韓，取鄆。楚城廣陵。

前 318 年

癸卯 周愼覲王三年

魏襄王嗣元年。楚、魏、趙、韓、燕共擊秦於函谷，不勝。宋稱王。秦以樂池爲相。

前 317 年

甲辰 周愼覲王四年

韓、趙、燕、齊與匈奴共攻秦，秦使庶長樗里疾禦之於修魚，虜韓將鯨、申差，敗趙公子渴、韓公子奂，斬首八萬二千。齊敗魏、趙於觀津。張儀復歸相秦。

前 316 年

乙巳 周慎觀王五年

秦司馬錯滅蜀。秦取趙中都、西陽、安邑。
燕王噲讓國於其臣子之而爲之臣。

前 315 年

丙午 周慎觀王六年

周慎觀王卒，子延立，是爲赧王。赧王徙都西周，時東西周分治。秦攻韓，取石章；伐趙，敗趙將。趙稱王。魯景公卒，子叔立，是爲平公。

前 314 年

丁未 周赧王元年

魯平公叔元年。秦侵義渠，得二十五城。秦侵魏，取曲沃而歸其人。秦樗里疾攻魏，降焦。秦封公子通於蜀，以陳壯爲相，置巴郡，以張若爲蜀國守，移秦民萬家實之（據華陽國志）。秦敗韓於岸門，韓太子倉入質於秦。齊宣王伐燕，燕王噲、子之皆被殺。太子平先爲子之所殺。

前 313 年

戊申 周赧王二年

秦王、魏王會於臨晉，立魏公子政爲魏太子。秦樗里疾攻趙，虜趙將莊豹，拔閭。楚王、魏王如趙。張儀去秦相楚。

前 312 年

己酉 周赧王三年

秦使魏章、樗里疾、甘茂破楚師於丹陽，虜其將屈匄及裨將逢侯丑等七十餘人，斬首八萬，取漢中地六百里，置漢中郡。楚懷王悉兵攻秦，秦敗之於藍田。韓、魏乘楚敗襲楚，楚

乃引兵歸，割兩城與秦和。韓惠王卒，子倉立，是爲襄王。魏擊齊，虜聲子於濮，與秦擊燕。秦、韓攻楚，圍景座。孟軻去齊。

前 311 年

庚戌 周赧王四年

趙立燕公子職爲燕王，使樂池送之，是爲燕昭王職元年（史記燕世家以昭王爲公子平。按史記燕世家索隱引古本竹書紀年，太子平爲子之所殺。且史記趙世家謂趙立公子職爲燕王，六國表集解引古本竹書紀年，亦謂燕王爲公子職，今從古本竹書紀年）。韓襄王倉元年。燕昭王發憤謀齊，招納賢士，優禮郭隗。魏圍衛。蜀相陳莊殺蜀侯。秦伐楚，取召陵。秦惠文王卒，子蕩立，是爲武王。

前 310 年

辛亥 周赧王五年

秦武王蕩元年。張儀逐惠施於魏，而相魏，惠施適楚。秦誅蜀相莊。秦王、魏王會於臨晉。趙吳廣納女於武靈王，有寵於王，立爲王后，生子何。

前 309 年

壬子 周赧王六年

秦初置丞相，以樗里疾、甘茂爲左右丞相。張儀死於魏。魏十月大霖雨，疾風，河水溢於酸棗（水經河水注引古本竹書紀年）。韓相南公揭卒，樗里疾相韓。秦王封子煇爲蜀侯（華陽國志）。

前 308 年

癸丑 周赧王七年

魏王與秦王會於應。韓王與秦王會於臨晉。秦相甘茂攻韓宜陽。

前 307 年

甲寅 周赧王八年

秦攻破宜陽，斬首六萬，又涉河，城武遂。
趙武靈王略中山之地，北至代，西至黃河；初胡服騎射。秦武王卒，無子，異母弟稷立，是為昭襄王，年少，太后聽政，以魏冉為將，衛咸、嚴君疾為相。

前 306 年

乙卯 周赧王九年

秦昭襄王稷元年。秦擊魏皮氏，未克而還。
秦歸韓武遂。趙武靈王略中山及胡地，林胡獻馬。

前 305 年

丙辰 周赧王十年

趙武靈王攻中山，取四邑。秦庶長壯及諸公子作亂，魏冉殺之，並及惠文后，逐武王后，專國政。秦迎婦於楚。魏城皮氏（水經汾水注引古本竹書紀年）。楚背齊而和於秦。

前 304 年

丁巳 周赧王十一年

秦昭襄王冠。秦王與楚王盟於黃棘。秦歸楚上庸。

前 303 年

戊午 周赧王十二年

秦拔魏蒲阪、晉陽、封陵。秦取韓武遂。
齊、韓、魏伐楚，楚使太子為質於秦，秦救楚。趙攻中山。

前 302 年

己未 周赧王十三年

秦、魏、韓之君會於臨晉，秦歸魏蒲阪。楚

太子橫自秦亡歸。

前 301 年

庚申 周赧王十四年

秦蜀郡守煇反，秦使司馬錯誅之，定蜀。秦攻韓取穰。秦、韓、齊、魏攻楚，敗楚於重丘，斬首二萬，殺其將唐昧，取重丘。趙惠后卒（公子何母），趙王使周紹胡服傅少子何。趙伐中山，中山君奔齊。趙攘地北至燕代、西至雲中、九原，置雲中、雁門、代郡（史記趙世家，此當非一年之事）。趙自五原河曲築長城，東至陰山（水經注）。齊宣王卒，子地（史記田完世家索隱引世本曰名遂）立，是為湣王（按史記六國表誤繫宣王卒於周顯王四十五年。茲據古本竹書紀年，說見公元前320年條）。

前 300 年

辛酉 周赧王十五年

齊湣王地元年。秦穰里疾卒，樓緩繼為相。秦攻楚，取襄城，殺楚景缺，斬首三萬。東周與西周戰，韓救東周。

前 299 年

壬戌 周赧王十六年

趙武靈王廢其太子章而傳國於少子何，自號主父。楚懷王入秦，秦留之；楚大夫立太子橫，是為頃襄王。魏王與齊王會於韓。齊孟嘗君入秦為相。

前 298 年

癸亥 周赧王十七年

趙惠文王何元年。楚頃襄王橫元年。孟嘗君自秦亡歸，仍相齊。魏與齊、韓共擊秦於函谷，秦割河東三城講和，三國之兵乃退。趙以公子勝為相，封平原君。秦伐楚，大破

楚軍，斬首五萬，取十六城。

前 297 年

甲子 周赧王十八年
楚懷王自秦亡之趙，趙弗納，秦追及之，執之以歸。

前 296 年

乙丑 周赧王十九年
秦歸魏封陵。 楚懷王卒於秦，楚人憐之，楚南公曰：“楚雖三戶，亡秦必楚。” 楚與秦絕。 魏伐楚。 趙主父與齊、燕共滅中山，遷其王於膚施。 趙封公子章爲大安陽君，使田不禮相之。 韓與齊、魏擊秦，秦與韓武遂以和。 韓襄王卒，子釐王咎立。 魯平公卒，子賈立，是爲文侯。 魏襄王卒，子昭王邀立。

前 295 年

丙寅 周赧王二十年
魏昭王邀元年。 韓釐王咎元年。 魯文侯賈元年。 秦樓緩免，穰侯魏冉爲相。 秦拔魏襄城。 趙廢太子章作亂，殺大臣肥義。 公子成、李兌誅太子章，遂圍主父宮，主父餓死。 秦予楚粟五萬石。 燕昭王以樂毅爲亞卿。

前 294 年

丁卯 周赧王二十一年
秦向壽伐韓取武始。 秦左更白起攻韓新城。 秦魏冉舉任鄙爲漢中守。 趙與燕易、鄭。 秦五大夫呂禮出奔魏。 秦敗魏於解。

前 293 年

戊辰 周赧王二十二年
韓、魏攻秦，秦白起敗之於伊闕，斬首二十四萬，拔五城，又涉河取安邑以東，至乾河。

前 292 年

己巳 周赧王二十三年
秦魏冉免，客卿燭壽爲相。 秦白起攻魏，取垣，復歸之；攻楚取宛、葉。 楚王迎婦於秦，秦楚復平。

前 291 年

庚午 周赧王二十四年
秦丞相燭壽免，復以魏冉爲丞相，封於穰及陶，號穰侯。 秦左更錯攻魏取軹及鄧。 秦攻韓拔宛。 趙爲南行唐築城。

前 290 年

辛未 周赧王二十五年
東周君朝秦。 秦丞相魏冉伐魏，魏與秦河東地四百里。 韓與秦武遂地二百里。 芒卯相魏。 齊、趙攻韓。

前 289 年

壬申 周赧王二十六年
秦大良造白起、客卿錯伐魏至軹，取大小六十一城。

前 288 年

癸酉 周赧王二十七年
十月，秦昭王自稱西帝，遣魏冉立齊王爲東帝，十二月復稱王。 秦拔趙杜陽。

前 287 年

甲戌 周赧王二十八年
秦攻魏，拔新垣、曲陽。 趙、魏攻齊。

前 286 年

乙亥 周赧王二十九年
齊孟嘗君田文相魏。 秦攻魏，魏割安邑、河

內於秦。秦將安邑、河內原來居民趕走，募民徙居河東，並赦罪人遷入兩地。趙攻齊。秦敗韓師於夏山。齊與魏、楚滅宋，三分其地，宋王偃奔魏，死於溫。齊取楚淮北。

前 285 年

丙子 周赧王三十年

秦蒙武擊齊，拔九城，以爲九縣。燕相樂毅說趙、楚、魏共攻齊。秦楚好會於宛。

前 284 年

丁丑 周赧王三十一年

燕上將軍樂毅帥燕、秦、魏、韓、趙五國之師，攻齊入臨淄，齊湣王走莒，爲其相淖齒所殺。樂毅下齊七十餘城，燕封毅爲昌國君。秦昭王與魏王韓王會於西周。

前 283 年

戊寅 周赧王三十二年

齊襄王法章元年。秦與趙會於穰。秦拔魏安城，兵至大梁，燕、趙救之，秦軍撤去。齊人誅淖齒，立湣王子法章，保莒城，是爲襄王。趙藺相如完璧歸趙，趙以相如爲上大夫，廉頗爲上卿（通鑑繫於此年）。衛嗣君卒，子懷君立。

前 282 年

己卯 周赧王三十三年

衛懷君元年。秦伐趙，拔兩城。秦與韓王會新城，與魏王會新明邑。魏大水。韓與秦會於兩周間。

前 281 年

庚辰 周赧王三十四年

秦攻趙，拔石城。魏冉相魏，不久復相秦。

前 280 年

辛巳 周赧王三十五年

秦白起攻趙，斬首二萬，取代光狼城。秦司馬錯發隴西兵攻楚，拔黔中，楚獻漢北、上庸於秦。秦地震，壞城。趙與魏伯陽；趙奢攻齊麥丘，取之。

前 279 年

壬午 周赧王三十六年

趙王與秦王會於澠池，藺相如從。秦白起攻楚，拔楚鄢、鄧、西陵，赦罪人遷之。秦置隴西郡。燕昭王卒，子惠王立。是時樂毅已下齊七十餘城，獨即墨與莒未下。燕惠王使騎劫代樂毅，樂毅奔趙，趙封爲望諸君。齊田單攻殺騎劫，燕師敗退，齊國恢復。

前 278 年

癸未 周赧王三十七年

燕惠王元年。秦白起攻楚，拔郢，燒夷陵，更東至竟陵，楚徙都陳；秦置南郡，封起爲武安君。周君朝秦。秦王與楚王會襄陵。楚人屈原卒（公元前340—278年）。趙徙漳水武平西。

前 277 年

甲申 周赧王三十八年

秦蜀守張若攻楚，取巫郡及江南。白起定巫、黔中，初置黔中郡。魏昭王卒，子安釐王立。

前 276 年

乙酉 周赧王三十九年

魏安釐王元年。魏王封弟公子無忌爲信陵君。秦白起攻魏拔兩城。楚收東地兵，復西取秦所拔江南十五邑爲郡，拒秦。

前 275 年

丙戌 周赧王四十年

秦魏冉攻魏，軍至大梁；韓暴驚救魏，爲秦所敗，斬首四萬，魏割溫於秦以和。趙廉頗攻魏房子，拔之；又攻安陽，取之。

前 274 年

丁亥 周赧王四十一年

趙將燕周帥師攻齊取昌，與魏共擊秦，爲秦將白起所敗。秦客卿胡陽攻魏卷城、蔡陽、長社取之；擊魏芒卯於華陽破之，斬首十五萬，魏入南陽以和（史記秦本紀繫於此年，六國表繫於翌年）。

前 273 年

戊子 周赧王四十二年

趙、魏攻韓華陽，秦救韓，大破趙魏之師，魏割南陽以和。趙取東胡歐代地。韓釐王卒，子桓惠王立。魯文公卒，子頃公讎立。

前 272 年

己丑 周赧王四十三年

韓桓惠王元年。魯頃公讎元年。秦將使白起與韓、魏攻楚，楚使黃歇說秦昭王，乃止。楚太子完入質於秦。趙徙漳水武平南。黃河水出爲災。燕惠王卒，武成王立，韓、魏、楚乘機攻燕。秦置南陽郡。

前 271 年

庚寅 周赧王四十四年

燕武成王元年。趙藺相如攻齊至平邑。

前 270 年

辛卯 周赧王四十五年

秦攻趙，圍閼與，趙將趙奢大破秦軍。趙封奢

爲馬服君。秦攻齊，取剛壽。秦滅義渠，於是秦有隴西、北地、上郡，築長城以拒胡。秦以范雎爲客卿，雎教秦以遠交近攻之策。

前 269 年

壬辰 周赧王四十六年

秦攻趙閼與，不克而還。

前 268 年

癸巳 周赧王四十七年

秦使五大夫綰伐魏，拔懷。

前 267 年

甲午 周赧王四十八年

秦悼太子爲質於魏，死於魏，歸葬正陽。

前 266 年

乙未 周赧王四十九年

秦拔魏廩（或作邢）丘與懷。秦免魏冉相國，奪太后權，以范雎爲丞相，封應侯。趙惠文王卒，太子丹立，是爲孝成王。

前 265 年

丙申 周赧王五十年

趙孝成王元年。秦宣太后卒。秦王立安國君爲太子。秦穰侯魏冉出之陶。平原君相趙。秦拔趙三城，趙使長安君爲質於齊以求救，齊出師，秦師乃退。秦攻韓少曲、高平，拔之。齊襄王卒，子建立，國事皆決於母太史氏。齊田單將趙兵拔燕中陽，又伐韓，取注人。

前 264 年

丁酉 周赧王五十一年

齊王建元年。秦白起伐韓，拔九城，斬首五萬。趙以齊田單爲相。

前 263 年

戊戌 周赧王五十二年

楚太子完自秦逃歸。楚頃襄王卒，完立，是爲考烈王。秦攻韓取南陽，攻絕太行道。

前 262 年

己亥 周赧王五十三年

楚考烈王元年。楚以黃歇爲相，封爲春申君。楚納州（地名）於秦。秦白起攻韓，拔野王；上黨道絕，遂降趙。

前 261 年

庚子 周赧王五十四年

秦王如南鄭。秦攻韓緱氏、蘭，拔之。趙使廉頗拒秦於長平。

前 260 年

辛丑 周赧王五十五年

秦王齧拔趙上黨。趙使趙括代廉頗，秦白起敗之於長平，大破趙軍，坑四十五萬人。

前 259 年

壬寅 周赧王五十六年

秦攻趙，拔武安、皮牢，定太原、上黨，韓趙割地以和。九月，秦五大夫王陵攻趙邯鄲。

前 258 年

癸卯 周赧王五十七年

正月，秦王陵圍趙邯鄲不克，王齧代之。十月，秦張唐攻魏。趙公子勝如楚乞師，楚黃歇帥師救趙。燕武成王卒，子孝王立。

前 257 年

甲辰 周赧王五十八年

燕孝王元年。秦殺白起。魏公子無忌襲殺

晉鄙，奪軍救趙，大破秦軍於邯鄲城下，秦罷兵。秦太子之子異人（亦名子楚）自趙逃歸。

前 256 年

乙巳 周赧王五十九年

秦攻韓，取陽城、負黍，斬首四萬；攻趙，取二十餘縣，斬首虜九萬。諸侯大震，西周君與諸侯聯合攻秦，秦遂攻西周，西周君入秦，盡獻其邑三十六，口三萬，與九鼎寶器於秦，秦王受獻，歸其君於周。周赧王卒。周民遂東亡。秦遷西周公於黠狐。周不再稱王，史家遂以秦王紀年。

前 255 年

丙午 秦昭襄王五十二年

秦丞相范雎免，蔡澤代之。楚人遷魯君於莒而取其地。燕孝王卒，子喜立。

前 254 年

丁未 秦昭襄王五十三年

燕王喜元年。秦攻魏，取吳城。韓王朝秦，魏亦舉國聽令於秦。

前 253 年

戊申 秦昭襄王五十四年

楚遷都於鉅陽。衛懷君朝魏，魏殺衛懷君，而立衛嗣君之弟，是爲衛元君。

前 252 年

己酉 秦昭襄王五十五年

衛元君元年。

前 251 年

庚戌 秦昭襄王五十六年

秋，秦昭襄王卒，子柱立，是爲孝文王。趙

平原君公子勝卒。趙封相國廉頗爲信平君。燕栗腹攻趙，趙使廉頗破栗腹於鄣，逐之五百里，圍燕都，燕請和。

前 250 年

辛亥 秦孝文王元年

冬，十月，秦孝文王卒，子楚立，是爲莊襄王。趙封樂乘爲武襄君。

前 249 年

壬子 秦莊襄王子楚元年

秦以呂不韋爲相國，封爲文信侯，食洛陽十萬戶。秦蒙騫攻韓，取成臯、滎陽，置三川郡。楚滅魯，頃公遷下爲家人，絕祀。東周君與諸侯謀秦，秦相呂不韋滅之，遷東周君於陽人，周亡。

前 248 年

癸丑 秦莊襄王二年

秦蒙騫擊趙榆次、新城、狼孟，得三十七城。楚春申君徙封於吳。

前 247 年

甲寅 秦莊襄王三年

秦初置太原郡。秦蒙騫攻魏，魏兵數敗，乃復召信陵君；信陵君帥五國兵，大破蒙騫兵於河外，追至函谷關而還。五月，秦莊襄王卒，太子政立，年少，事皆決於呂不韋。

前 246 年

乙卯 秦王政元年

秦蒙騫擊定晉陽之反。魏罷信陵君公子無忌。鄭國爲秦鑿涇水爲渠，灌田四萬餘頃，收皆畝一鍾，秦益富饒。

前 245 年

丙辰 秦王政二年

趙以廉頗爲假相國，攻魏，取繁陽。趙孝成王卒，子偃立，是爲悼襄王，使樂乘代廉頗，廉頗奔魏。

前 244 年

丁巳 秦王政三年

趙悼襄王偃元年。趙以李牧爲將，攻燕，拔武遂、方城。秦大饑。秦蒙騫擊韓取十二城。秦將王齕死。

前 243 年

戊午 秦王政四年

秦蒙騫拔魏陽、有詭。七月，秦蝗爲災，大疫，大饑；命百姓納粟千石，拜爵一級。魏信陵君卒。魏安釐王卒，子景湣王增立。

前 242 年

己未 秦王政五年

魏景湣王增元年。秦蒙騫攻魏取酸棗、燕、虛、長平、雍丘、山陽等二十城，初置東郡。趙相、魏相會於柯。燕劇辛攻趙，龐煖禦之，殺劇辛，取燕師二萬。

前 241 年

庚申 秦王政六年

楚、趙、魏、韓、衛五國合攻秦，楚爲從長，至函谷，兵敗於秦。楚東徙都於壽春，命曰郢。秦拔魏朝歌及衛濮陽，衛徙居野王。

前 240 年

辛酉 秦王政七年

秦攻魏取汲。秦夏太后死；將軍蒙騫死。

前 239 年

壬戌 秦王政八年

秦王弟長安君成蟜將兵擊趙，反，死於屯留，軍吏皆斬死。秦黃河之魚，西上入渭水，秦民爭東上捕魚。秦封嫪毐爲長信侯，主國政。韓桓惠王卒，子安立。

前 238 年

癸亥 秦王政九年

韓王安元年。秦攻魏，取垣、蒲。秦王政冠，帶劍。秦長信侯嫪毐作亂，王殺嫪毐，夷三族。楚考烈王卒，子悍立，是爲幽王，王舅李園殺春申君黃歇，滅其家。

前 237 年

甲子 秦王政十年

楚幽王悍元年。秦相國呂不韋免，就國。秦大索，逐客卿，客卿楚人李斯上書諫止之。趙王、燕王皆入秦置酒。

前 236 年

乙丑 秦王政十一年

秦以李斯爲丞相。秦將王翳、桓齮攻趙，拔閼與、鄴，取九城。趙廢太子嘉，以庶子遷爲太子。趙悼襄王卒，遷立，是爲幽繆王。

前 235 年

丙寅 秦王政十二年

趙幽繆王遷元年。秦呂不韋遷蜀，自殺。秦發關東四郡兵，助魏擊楚。

前 234 年

丁卯 秦王政十三年

秦將桓齮攻趙平陽，殺趙將扈輒，斬首十萬。十月，桓齮復攻趙，趙以李牧爲大將軍，擊秦軍於宜安，大破秦軍；趙封李牧爲武安君（趙世家繫李牧破秦軍事於明年）。

前 233 年

戊辰 秦王政十四年

秦拔趙宜安、平陽、武城。韓非入秦，秦殺韓非。韓王請爲秦臣。

前 232 年

己巳 秦王政十五年

秦攻趙，一軍抵鄴，一軍自太原拔狼孟、番吾，李牧擊却之。燕太子丹爲質於秦，自秦亡歸。

前 231 年

庚午 秦王政十六年

韓獻南陽地於秦。秦初令男子書年。魏獻地於秦，秦置麗邑。趙地震，自樂徐以至平陰，臺屋牆垣，大半頽壞。

前 230 年

辛未 秦王政十七年

秦內史騰攻韓，獲韓王安，盡取其地，以其地爲潁川郡，韓亡。衛元君卒，子角立。

前 229 年

壬申 秦王政十八年

衛君角元年。秦大興兵攻趙，圍邯鄲，趙大將李牧擊却之。趙王信譖，殺李牧。

前 228 年

癸酉 秦王政十九年

秦將王翳擊趙，大破之，盡定取趙地，獲趙王遷。趙公子嘉自立爲代王，東與燕合兵，軍上谷。秦王如邯鄲。秦王翳屯中山以臨燕。楚幽王卒，弟郝立，是爲哀王；三月，負芻殺哀王而自立。魏景湣王卒，子假立。

前 227 年

甲戌 秦王政二十年

魏王假元年 楚王負芻元年。 代王嘉元年。
燕太子丹患秦兵逼境，使荆軻刺秦王不中，秦殺荆軻。 秦軍破燕於易水之西。

前 226 年

乙亥 秦王政二十一年

秦將王翦破荊， 迫燕殺太子丹， 燕王走保遼東。
秦將王賁擊楚， 取十餘城。

前 225 年

丙子 秦王政二十二年

秦將王賁攻魏， 引河灌大梁， 大梁城壞， 虜魏王假， 盡取其地， 魏亡。

前 224 年

丁丑 秦王政二十三年

秦將王翦、蒙武擊破楚軍， 虜楚王負芻， 秦王至郢。 楚將項燕立昌平君於淮南。

前 223 年

戊寅 秦王政二十四年

秦將王翦、蒙武攻破楚軍。 楚昌平君死， 項燕自殺， 楚亡（史記六國表列於二十三年， 此從史記秦本紀）， 以其地置楚郡。

前 222 年

己卯 秦王政二十五年

秦將王賁擊燕， 虜燕王喜， 燕亡。 又擊代， 虜王嘉， 趙亡。 王翦定荊江南地， 降百越之君， 置會稽郡。

秦漢三國大事年表

前 221 年

庚辰 秦始皇帝二十六年

秦兵入臨淄，俘齊王田建，齊亡。秦王嬴政以統一之業成，更號爲皇帝，命爲制，令爲詔，自稱朕，並廢諡法，自號始皇帝，後世依次第爲二世皇帝、三世皇帝……。改以建亥月（十月）爲歲首。更名民曰黔首，以全國爲三十六郡，郡置守、尉、監；廢分封諸侯之制。收民間兵器，銷以爲鍾鐻、金人。劃一度量衡制度。定幣制：黃金以鎰爲名，銅錢文曰半兩。徙全國富豪十二萬戶於咸陽。大興土木。令大畜牧主烏氏倮比封君；爲丹礦主巴寡婦清築女懷清臺。

前 220 年

辛巳 秦始皇二十七年

始皇北巡隴西、北地。治馳道於天下。築鴻臺，高四十丈，上起觀宇。

前 219 年

壬午 秦始皇二十八年

始皇東巡，封禪於泰山、梁父。徙黔首三萬戶作琅邪臺，立石刻。遣方士徐市發童男女數千人入海求仙人及不死之藥。南巡。

前 218 年

癸未 秦始皇二十九年

始皇東巡，故韓貴族張良使人刺之於陽武博浪沙中，未中。始皇登之罍，刻石。

前 217 年

甲申 秦始皇三十年

前 216 年

乙酉 秦始皇三十一年

令民自行陳報土地。

前 215 年

丙戌 秦始皇三十二年

始皇東巡，刻碣石門。使方士盧生入海求仙人。發兵三十萬，遣蒙恬北攻匈奴。

前 214 年

丁亥 秦始皇三十三年

發諸嘗逋亡人、贅壻、賈人爲名，略取南越陸梁地，置桂林、象郡、南海三郡，徙民五十萬人戍其地，與越人雜處。蒙恬敗匈奴，略取河南地，置四十四縣，徙謫實之。增築長城，西起臨洮，東迄遼東，以防匈奴。役民七十二萬營驪山壽陵。

前 213 年

戊子 秦始皇三十四年

定挾書律，下令焚書，除醫卜種樹之書外，凡秦記以外之列國史記，私藏之詩、書、百家語皆毀；敢偶語詩書者棄市；以古非今者族；吏見知不舉者同罪；令下三十日不燒，黥爲城旦；欲學法令者以吏爲師。

前 212 年

己丑 秦始皇三十五年

使人由九原至雲陽鑿山平谷通直道。發隱宮徒刑者七十萬人大治阿房等宮，計關中三百所，關外四百所。徙三萬家於驪邑，五萬家於雲陽。始皇自稱真人，不稱朕。侯生、盧

生譏訕事覺，坑諸生四百六十餘人於咸陽。
遣長子扶蘇監蒙恬軍於上郡。

前 211 年

庚寅 秦始皇三十六年
東郡人刻“始皇死而地分”於隕石；石旁居民皆被殺。遼河北榆中三萬家。

前 210 年

辛卯 秦始皇三十七年
始皇南巡，北還至平原津而病，七月，死於沙丘宮。李斯、趙高立始皇少子胡亥爲二世皇帝，賜扶蘇、蒙恬死。九月，葬始皇於驪山，盡閉治墓工匠於墓中。秦趙佗等侵瓠駘，安陽王敗之。佗請和且爲其子求婚王女；許之。

前 209 年

壬辰 秦二世皇帝胡亥元年
春，二世東巡。殺公子十二人、公主十人，牽連死者甚多。繼作阿房宮。徵材士五萬人屯衛咸陽。令郡縣轉輸穀粟蜀褒。七月，陳勝、吳廣起於蕲，稱大楚；旋入陳，陳勝稱王，號張楚。陳勝使武臣徇趙地，八月，武臣自立爲趙王。陳勝使周市徇魏地，市立魏咎爲魏王。陳勝使周文西擊秦，至戲，爲秦將章邯所敗。九月，劉邦起兵於沛，稱沛公。項梁與兄子籍起兵於吳。田儻起兵於齊，稱齊王。韓廣奉武臣命徇燕地，自立爲燕王。是歲，二世廢衛君角爲庶人。周初諸侯，衛爲最後亡者。

前 208 年

癸巳 秦二世二年
章邯破周文軍，又東下，連破陳勝等軍。陳勝即皆王耳及東勝，叛降於秦。趙王武臣爲

部下所殺，張耳陳餘立趙歇爲趙王。秦嘉立景駒爲楚王，項梁渡江攻之，嘉、駒皆敗死。項梁立楚懷王之孫名心者爲楚王，仍號懷王；又立韓成爲韓王。章邯大破齊、楚、魏軍，殺齊王儻，魏王咎自焚死。齊人立田假爲齊王。田榮攻逐田假，立田市爲齊王。章邯大破楚軍，項梁敗死。楚立魏豹爲魏王。章邯攻趙，趙求救於楚。楚懷王自將諸軍，使劉邦西攻秦，命宋義、項籍等北救趙。二世殺李斯，夷三族，以趙高爲丞相。趙佗又侵瓠駘，安陽王敗死，地遂入於佗。

前 207 年

甲午 秦二世三年
十一月，項籍殺宋義，自爲假上將軍；渡河救趙，大破秦軍於鉅鹿，章邯引却，又爲項籍所敗，遂降。劉邦連下所過城邑，八月入武關。趙高殺二世，立二世兄子子嬰，貶號爲秦王。九月，秦王子嬰殺趙高，夷三族。劉邦破秦兵於藍田。

前 206 年

乙未 漢王劉邦元年（此時劉邦爲漢王，至前202年始稱皇帝，是爲漢高祖）
十月，劉邦至霸上，秦王子嬰降，秦亡。蕭何盡收秦丞相府圖籍文書。十一月，劉邦與秦人約法三章，悉除秦苛法。十二月，項籍率諸侯之軍至新豐鴻門，繼入咸陽，殺子嬰，焚宮室，收寶貨婦女東還。正月，項籍尊楚懷王爲義帝，徙之江南。二月，項籍自立爲西楚霸王；並分封劉邦爲漢王，章邯爲雍王，司馬欣爲塞王，董翳爲翟王，申陽爲河南王，司馬卬爲殷王，英布爲九江王，吳芮爲衡山王，共敖爲臨江王，田安爲濟北王；又徙魏王魏豹爲西魏王；徙趙王趙歇爲代王，以張耳爲常山王；徙燕王韓廣爲遼東王，以藏荼爲燕

王；徙齊王田市爲膠東王，以田都爲齊王；韓王韓成仍舊封。四月，罷征秦之兵，諸王各就國。五月，田榮拒齊王田都，殺膠東王田市，自立爲齊王；七月又擊殺濟北王田安，併其地。項籍廢韓王韓成，又殺之；以鄭昌爲韓王。八月，漢王劉邦襲定雍、塞、翟等地，遣兵出武關，東略地。燕王臧荼擊殺遼東王韓廣，。其地。趙佗自立爲南越武王。

前 205 年

丙申 漢王劉邦二年

十月，項籍使人殺義帝於江。陳餘約齊襲逐常山王張耳，耳奔漢；餘迎代王趙歇復爲趙王，歇以餘爲代王。漢王劉邦出關，河南王申陽降。邦使韓襄王孫信擊降韓王鄭昌，卽以信爲韓王。正月，項籍擊齊王田榮，榮走死。籍復立田假爲齊王，大掠齊地，齊人紛紛反抗。三月，劉邦迫降西魏王魏豹，俘殷王司馬卬，進攻項籍。四月，田橫逐齊王田假，立田廣爲齊王。劉邦率諸侯兵攻楚，大敗於彭城，諸侯多背漢，魏豹托辭歸，絕河津附於楚。五月，劉邦至滎陽，與楚相持。關中大饑，人相食。楚漢相距之際，田荒穀貴，宣曲任氏窖藏米粟，貴賣致巨富。九月，劉邦使韓信擊虜魏豹；後九月，韓信擊定代地。

前 204 年

丁酉 漢王劉邦三年

十月，韓信大破趙兵，虜趙歇。十一月，九江王英布附於漢。四月，楚圍劉邦於滎陽。五月，邦使韓王信等守滎陽，自與數十騎逃至成皋。六月，項籍陷滎陽，俘韓王信，進圍成皋，拔之。劉邦逃，派兵扼擊，使楚不得西。項籍分兵守成皋，自引大軍東擊彭越。

九月，劉邦遣酈食其說齊，齊附於漢，撤守備。

前 203 年

戊戌 漢王劉邦四年

十月，韓信襲齊，陷臨淄。齊王田廣烹酈食其，東走。楚遣兵救齊，十一月，韓信大破齊楚軍，俘田廣。田橫立爲齊王，不久敗逃，齊地盡爲韓信所有。劉邦破楚軍，復取成皋，屯廣武，與楚相持。漢立張耳爲趙王。二月，漢立韓信爲齊王。七月，漢立英布爲淮南王。八月，北貉、燕人以騎兵助漢。漢初定算賦。項籍與劉邦約中分天下，以鴻溝爲界，東屬楚，西屬漢。九月，項籍歸太公及呂后於漢，引兵還。

前 202 年

己亥 漢高帝劉邦五年

十月，劉邦背約，追擊項籍。十二月，項籍被圍垓下，突圍走烏江，自刎死。漢擊併臨江國。正月，徙齊王韓信爲楚王，立彭越爲梁王。二月，劉邦卽皇帝位於汜水之陽，是爲漢太祖高皇帝；西都洛陽。以嶺南三郡及長沙徙封衡山王吳芮爲長沙王，立故越王無諸爲閩越王。五月，兵皆罷歸家。詔民之保聚山澤者還鄉復故爵田宅，爵及七大夫以上皆令食邑，以下皆免本身征役及戶賦。召故齊王田橫，不至，自殺。用婁敬言，西都關中。七月，燕王臧荼起兵，九月，敗，被俘。立盧綰爲燕王。項籍故將利幾起兵，不久敗。定幣制：黃金以斤爲名；又鑄莢錢（五分錢）。後九月，治長樂宮。

前 201 年

庚子 漢高帝六年

十二月，黜楚王韓信爲淮陰侯。大封功臣。
正月，大封同姓。徙韓王信封地於太原。
九月，韓王信降匈奴；匈奴冒頓單于侵太原，
至晉陽。叔孫通定朝儀成。

前 200 年

辛丑 漢高帝七年

十月，長樂宮成，始用朝儀。高帝自將擊韓
王信，信敗走匈奴。曼丘臣等立趙利爲王，
結韓王信及匈奴攻漢。高帝追匈奴兵至平
城，被圍七日乃解。十二月，匈奴攻代，代
王喜逃歸，赦爲郃陽侯，立子如意爲代王。
二月，始遷都長安。初置宗正官。

前 199 年

壬寅 漢高帝八年

十月，高帝擊韓王信殘部於東垣。三月，令
賈人不得衣錦繡綺殺絺紵、操兵、乘騎馬。

前 198 年

癸卯 漢高帝九年

冬，使人往匈奴結和親。十一月，徙齊楚大
族及豪傑於關中，凡十餘萬口。正月，黜趙
王張敖爲宣平侯，徙代王爲趙王。

前 197 年

甲辰 漢高帝十年

九月，代相陳豨結匈奴，高帝自將擊之。

前 196 年

乙巳 漢高帝十一年

冬，陳豨敗。定代地，立皇子恒爲代王。正
月，呂后殺韓信，夷三族。二月，詔舉賢
才。三月，殺彭越，夷三族。五月，立趙
佗爲南越王。七月，英布起兵反漢，高帝自

將擊之。

前 195 年

丙午 漢高帝十二年

十月，英布敗死。陳豨伏誅。二月，使樊
噲擊盧綰，立子建爲燕王。立南武侯織爲南
海王。四月，高帝死。盧綰亡入匈奴。
五月，皇太子盈嗣位，是爲孝惠皇帝。呂太
后專政。

前 194 年

丁未 漢孝惠皇帝劉盈元年

十二月，太后殺趙王如意，徙淮陽王友爲趙
王。正月，始築長安城，五年乃畢。燕人
衛滿於是年左右入據朝鮮爲王，舊王箕準奔馬
韓。於是箕氏朝鮮亡，衛氏朝鮮興。

前 193 年

戊申 漢惠帝二年

七月，相國蕭何死，以曹參爲相國。

前 192 年

己酉 漢惠帝三年

春，發長安六百里內男女十四萬六千人城長
安，三十日罷。以宗室女爲公主，嫁匈奴冒頓
單于。五月，立閩越君搖爲東海王，世號東
甌王。六月，發諸侯王、列侯徒隸二萬人城
長安。是歲，蜀湍氐起事，旋敗。

前 191 年

庚 漢惠帝四年

正月，舉民孝弟力田者免本身征役。三月，
省法令妨吏民者；除秦挾書之律。

前 190 年

辛亥 漢惠帝五年

正月，復發長安六百里內男女十四萬五千人城長安，三十日罷。 九月，長安城成。 是歲，曹參死。

前 189 年

壬子 漢惠帝六年

十月，以王陵爲右丞相，陳平爲左丞相。 是歲，張敖死。

前 188 年

癸丑 漢惠帝七年

八月，惠帝死。 九月，皇太子恭嗣位，高皇后呂氏臨朝稱制。 弛高帝困辱商賈之律，然市井子孫仍不得仕宦爲吏（按此禁不知確弛於何年，因史言在孝惠、高后時，故置於此）。

前 187 年

甲寅 高皇后呂雉稱制元年（少帝劉恭）

十一月，以王陵爲帝太傅，陳平、審食其爲丞相。 正月，除秦三族罪及妖言令。 四月，封呂氏 數人爲王侯。

前 186 年

乙卯 高后二年（少帝劉恭）

七月，行八銖錢。 詔差次列侯功，定朝位，藏之高廟。

前 185 年

丙辰 高后三年（少帝劉恭）

夏，江、漢水溢。 秋，伊、洛、汝水溢。

前 184 年

丁巳 高后四年（少帝劉恭、少帝劉弘）

四月，呂后殺少帝恭，五月，立恒山王劉義爲帝，更名弘。 夏，封諸功臣爲通侯。 是

歲，禁鐵器不得售於南越。

前 183 年

戊午 高后五年（少帝劉弘）

春，南越王趙佗稱南越武帝，發兵攻長沙邊縣。 九月，初令戍卒歲更。

前 182 年

己未 高后六年（少帝劉弘）

是歲，匈奴侵狄道，攻阿陽。 行五分錢（卽莢錢）。

前 181 年

庚申 高后七年（少帝劉弘）

十二月，匈奴侵狄道，擄二千餘人。 九月，發兵攻南越。

前 180 年

辛酉 高后八年（少帝劉弘）

夏，江水、漢水溢，沖沒萬餘家。 七月，呂后死。 罷攻南越兵。 南越王趙佗誘逼閩越、西甌、駱越等役屬之。 九月，右丞相陳平、太尉周勃等大殺諸呂，迎高帝子代王恒爲皇帝，是爲太宗孝文皇帝；又殺少帝弘及惠帝諸子。

前 179 年

壬戌 漢孝文皇帝劉恒元年

十月，以陳平、周勃爲丞相。 十二月，除收孥相坐律令。 正月，立子啓爲皇太子。 八月，周勃免相。 文帝賜南越王趙佗書；佗去帝號，奉貢於漢。

前 178 年

癸亥 漢文帝二年

十月，陳平死。 詔列侯就國，其有職事及特

許留者遣太子。十一月，周勃復相。詔舉賢良方正能直言極諫者。正月，親耕藉田。五月，除誹謗妖言法。九月，免本年田租之半。

前 177 年

甲子 漢文帝三年
十二月，周勃免相就國，灌嬰爲丞相，罷太尉官。五月，匈奴右賢王入居河南地，掠上郡，灌嬰擊走之。濟北王劉興居反，八月，敗死。

前 176 年

乙丑 漢文帝四年
十二月，灌嬰死，以張敖爲丞相。

前 175 年

丙寅 漢文帝五年
四月，更造四銖錢，文仍爲半兩；除盜鑄錢令。賜鄧通蜀嚴道銅山鑄錢，吳王劉濞開豫章銅山鑄錢，於是吳鄧錢布天下。

前 174 年

丁卯 漢文帝六年
十月，淮南王劉長結閩越、匈奴謀反，廢死。匈奴冒頓單于致書文帝約和。未幾，冒頓死，老上單于立，文帝復遣宗室女爲公主入匈奴和親。賈誼上治安策。

前 173 年

戊辰 漢文帝七年
十月，令列侯太夫人、夫人、諸侯王子及吏二千石不得擅徵捕。

前 172 年

己巳 漢文帝八年

前 171 年

庚午 漢文帝九年

前 170 年

辛未 漢文帝十年

前 169 年

壬申 漢文帝十一年
匈奴掠狄道。鼂錯上書言制匈奴事。募民徙塞下。是歲，周勃死。

前 168 年

癸酉 漢文帝十二年
十二月，河決酸棗，潰金隄，大發卒塞之。三月，廢出入函谷關用傳（符證）制度。鼂錯陳農民疾苦、商人兼併之烈。令民入粟於邊，拜爵依多少爲差。免本年租稅之半。置三老、孝悌、力田，賞員以導民風俗。是歲，賈誼死。

前 167 年

甲戌 漢文帝十三年
五月，除肉刑。六月，免田之租稅。

前 166 年

乙亥 漢文帝十四年
冬，匈奴侵朝那、彭陽，候騎至甘泉宮，殺虜吏民、畜產，月餘乃退；漢兵尾追，無所獲。

前 165 年

丙子 漢文帝十五年
九月，文帝親策賢良方正能直言極諫者。鼂錯請削諸侯，更法令。匈奴老上單于西擊月氏，殺其王。

前 164 年

丁丑 漢文帝十六年

四月，使博士諸生採六經文作王制，議封禪。

分齊爲六王國，淮南爲三王國，以弱其力。

九月，更以明年爲元年。

前 163 年

戊寅 漢文帝後元年

春三月，詔求直言。以荒歉、水旱災、疾疫，詔議闕失以聞。

前 162 年

己卯 漢文帝後二年

匈奴連歲侵擾，殺略人畜，雲中、遼東最甚。

文帝使人致書單于，匈奴亦遣人報聘，於是又和親。八月，張敖免相，以申屠嘉爲相。

前 161 年

庚辰 漢文帝後三年

匈奴老上單于死，子軍臣單于立。

前 160 年

辛巳 漢文帝後四年

夏，江水、漢水溢，沖沒萬餘家。五月，免官奴婢爲庶人。

前 159 年

壬午 漢文帝後五年

前 158 年

癸未 漢文帝後六年

冬，匈奴侵上郡，入雲中，殺略甚衆，詔周亞夫等屯兵備之，月餘始退。

前 157 年

甲申 漢文帝後七年

六月，文帝死，皇太子啓嗣位，是爲孝景皇帝。是歲，長沙王吳著死，無子，國除。

前 156 年

乙酉 漢孝景皇帝劉啓元年

正月，詔聽民徙寬大地。四月，遣使與匈奴和。五月，復收民田半租，三十而稅一。

減笞刑。

前 155 年

丙戌 漢景帝二年

十二月，令男子二十始傅。六月，申屠嘉死，陶青爲丞相。秋，與匈奴和親。

前 154 年

丁亥 漢景帝三年

正月，吳王劉濞與楚王劉戊、膠西王劉卬、膠東王劉雄渠、菑川王劉賢、濟南王劉辟光、趙王劉遂，並南結閩、東越，北連匈奴，起兵反，史稱“七國之亂”。二月，太尉周亞夫大破吳楚軍，吳王走死，楚王自殺，膠西等四王亦皆敗死。

前 153 年

戊子 漢景帝四年

春，復出入函谷關用傳制度。夏，立子榮爲皇太子。

前 152 年

己丑 漢景帝五年

正月，作陽陵邑；夏，募民徙陽陵，賜錢二十萬。遣公主嫁匈奴單于。

前 151 年

庚寅 漢景帝六年

前 150 年

辛卯 漢景帝七年

廢太子榮爲臨江王，以徹爲皇太子。

前 149 年

壬辰 漢景帝中元年

前 148 年

癸巳 漢景帝中二年

二月，匈奴侵燕地。

前 147 年

甲午 漢景帝中三年

十一月，罷諸侯御史大夫官，四月，禁酤酒。

前 146 年

乙未 漢景帝中四年

許敕徒欲腐者聽。

前 145 年

丙申 漢景帝中五年

史記作者司馬遷生（王國維之說。郭沫若考訂遷生於武帝建元六年，後此十年）。

前 144 年

丁酉 漢景帝中六年

十一月 大改官名。四月，梁王死，分梁地王其子五人。再減笞刑；又定箠令。六月，匈奴侵雁門，入上郡，取苑馬，吏卒死者二千人。

前 143 年

戊戌 漢景帝後元年

夏，弛酒酤禁。八月，周亞夫下獄，不食死。

前 142 年

己亥 漢景帝後二年

三月，匈奴侵雁門。四月，詔吏二千石修職事。五月，舊制民貨一萬納錢一百二十七，是爲一算，貨及十萬卽十算，乃得爲吏，至是，減至四算卽可得官。

前 141 年

庚子 漢景帝後三年

正月，詔勸農桑；禁官吏發民採黃金、珠玉。景帝死，皇太子劉徹嗣位，是爲世宗孝武皇帝。三月，封田蚡等爲列侯。

前 140 年

辛丑 漢世宗孝武皇帝劉徹建元元年

十月，武帝親策賢良方正直言極諫之士，董仲舒對策，請黜刑名，崇儒術，興太學，令郡國歲貢士。衛綰請黜所舉賢良之爲申、韓、蘇、張之言者，報可。二月，行三銖錢。

前 139 年

壬寅 漢建元二年

前 138 年

癸卯 漢建元三年

河水溢於平原。大饑，人相食。七月，閩越攻東甌，發兵救之，閩越兵退，遂徙東甌人於江、淮間。九月，起上林苑。是歲，以張騫使西域。

前 137 年

甲辰 漢建元四年

南越武王趙佗死，孫文王胡立。

前 136 年

乙巳 漢建元五年

春，罷三銖錢，行半兩錢。始置五經博士。

前 135 年

丙午 漢建元六年

八月，以閩越侵南越，發兵擊之。閩越王弟餘善殺其王郢以謝漢，罷兵，立繇君丑爲越繇王，奉閩越先祀。餘善自立爲王，漢封之爲東越王，與繇王並處。是歲與匈奴和親。

前 134 年

丁未 漢元光元年

十一月，初令郡國舉孝廉各一人。

前 133 年

戊申 漢元光二年

十月，遣方士入海求神仙，並煉丹藥。六月，以韓安國爲護軍將軍，護李廣等四將軍兵，發車騎材官三十餘萬，誘擊匈奴，無功，自是匈奴絕和親，然猶關市不絕。

前 132 年

己酉 漢元光三年

春，河水徙從頓丘，五月，復決濮陽瓠子，注鉅野，通淮、泗，汎郡十六；發卒十萬塞之，無成。

前 131 年

庚戌 漢元光四年

前 130 年

辛亥 漢元光五年

正月，使唐蒙通夜郎，置犍爲郡，發巴蜀卒數萬人治道。使司馬相如等通邛、笮、冉駹、斯榆，置十餘縣，領以一都尉，屬蜀郡。發卒萬人治雁門道。七月，詔張湯、趙禹定律

令，作見知法——凡知人犯法而不舉告，謂之故縱，與犯者同罪。徵吏民明世務、習儒術者，令與各郡國上計吏同詣京師；八月，公孫弘對策爲博士。

前 129 年

壬子 漢元光六年

冬，初算商車。春，令水工徐伯表督卒數萬穿渭渠，起長安至河，三百餘里，以漕關東粟；三歲而通。匈奴入上谷，遣衛青等四將軍各將萬騎分道擊之，惟青至龍城有功。秋，以匈奴數入塞，遣韓安國屯漁陽備之。

前 128 年

癸丑 漢元朔元年

十一月，定二千石不舉孝廉罪法。秋，匈奴入遼西、漁陽、雁門，殺略吏民四千餘人；遣衛青等擊退之。東夷薺君南閭等二十八萬人附漢，置爲蒼海郡。

前 127 年

甲寅 漢元朔二年

正月，用主父偃策，分封諸侯王子弟爲侯，以分其勢。匈奴入上谷、漁陽，殺略吏民千餘人；遣衛青等擊之，斬首數千，牛羊百餘萬。逐匈奴之白羊、樓煩王，又取河南地，置朔方郡，募民徙者十萬口，築朔方城。又繕秦時所爲塞，費數十百巨萬。三月，徙郡國豪傑及貲三百萬以上於茂陵。

前 126 年

乙卯 漢元朔三年

冬，匈奴軍臣單于死，弟伊稚斜自立爲單于，軍臣太子於單降漢。春，罷蒼海郡。張騫自月氏回。匈奴入代郡，殺略吏民千餘人。秋，罷西夷，獨置南夷夜郎兩縣，專力城朔

方。匈奴入雁門，殺略千餘人。

前 125 年

丙辰 漢元朔四年

夏，匈奴入代郡、定襄、上郡，殺略數千人。

前 124 年

丁巳 漢元朔五年

春，以匈奴右賢王數侵擾朔方，遣衛青將三萬騎，護四將軍兵，又別遣二將軍，凡十餘萬人擊之，俘匈奴小王十餘人，男女萬五千人，畜數十百萬；即軍中拜青爲大將軍。六月，置博士弟子五十人，免本身征役；吏通一藝以上者補官。秋，匈奴入代郡，殺略千餘人。

前 123 年

戊午 漢元朔六年

二月，大將軍衛青統六將軍擊匈奴，斬數千級而還。四月，青復統六將軍擊匈奴，俘斬數萬人。票姚校尉霍去病俘斬匈奴小王、相國、當戶及騎士二千餘人，功獨多。六月，令民得買爵贖罪，並置武功爵級十七，買爵至千夫者得先除爲吏。

前 122 年

己未 漢元狩元年

春，淮南王安、衡山王賜謀反，事洩自殺，列侯、二千石、豪傑被二獄牽連死者數萬人。五月，匈奴入上谷，殺數百人。以求通身毒道，遣張騫使西域，復事西南夷，始通滇國。

前 121 年

庚申 漢元狩二年

三月，驃騎將軍霍去病將萬騎擊匈奴，過焉支，深入千餘里，虜獲甚衆，收休屠王祭天金人。夏，霍去病復與三將軍將數萬騎擊匈

奴，異道，惟去病有功，深入二千餘里，至祁連山而還。匈奴入代郡、雁門，殺略數百人。江都王劉建謀反，事覺，自殺。秋，匈奴渾邪王殺休屠王，并其衆，共四萬餘人降漢。旋分徙匈奴前後降者於隴西、北地、上郡、朔方、雲中等五郡故塞外爲五屬國，各以都尉監護之。

前 120 年

辛酉 漢元狩三年

秋，匈奴入右北平、定襄，殺略千餘人。山東大水，民饑；徙其地貧民於關西及新秦中七十餘萬口。以隴西、北地、上郡受匈奴侵掠較少，減三郡戍卒之半。以將攻昆明，作昆明池習水戰，除千夫及五大夫爲吏，不欲者出馬。罰枉法吏穿池伐棘。立樂府。

前 119 年

壬戌 漢元狩四年

冬，以白鹿皮造皮幣，以銀錫造爲白金三品；又銷半兩錢改鑄三銖錢，盜鑄者死。以鹽鐵巨賈東郭咸陽、孔僅爲大農丞，領鹽鐵事；以輸財助邊之卜式爲關內侯；禁私鑄鐵器及煮鹽。初算買人船錢，又稅民間車船。春，大發兵擊匈奴，衛青、霍去病各將五萬騎異道。衛青深入千餘里，渡漠，斬首萬九千級，至闐顏山趙信城；李廣失道自殺。霍去病深入二千餘里，渡漠，獲七萬四百四十三級，封狼居胥山，禪於姑衍，登臨瀚海。置大司馬位，衛青爲大司馬大將軍，霍去病爲大司馬驃騎將軍。是後匈奴遠徙，漠南無王庭。

前 118 年

癸亥 漢元狩五年

三月，罷三銖錢，更鑄五銖錢。發數萬人作

褒斜道五百餘里。是歲，司馬相如死。

前 117 年

甲子 漢元狩六年

冬，令民告糴。六月，以私鑄充斥，遣使分循郡國治之，並檢舉兼井之徒及守相爲吏有罪者。大農令顏異坐腹誹死。自是有腹誹之法。是歲，霍去病死。

前 116 年

乙丑 漢武帝元鼎元年

前 115 年

丙寅 漢元鼎二年

春，起柏梁臺，以銅作承露盤，高二十丈，大七圍；自此大興土木。用賈人子桑弘羊爲大農中丞，置均輸官於郡國以通貨物。廢白金。禁郡國鑄錢，專令上林三官鼓鑄。張騫使烏孫還，西域始通於漢。於匈奴渾邪王故地置酒泉郡，後又以匈奴休屠王故地置武威郡，徙民實之，以絕匈奴與羌之通路。

前 114 年

丁卯 漢元鼎三年

冬，徙函谷關於新安，以故關爲弘農縣。四月，令株送徒入財補郎。關東郡、國十餘饑，人相食。是歲，匈奴伊稚斜單于死，子烏維單于立。

前 113 年

戊辰 漢元鼎四年

十月，武帝東巡，使人脩南越內屬比內地諸侯用漢法。此時前後，朔方、西河、河西、酒泉、汝南、九江、泰山皆大興水利，關中亦開龍首、靈輶、成國及津渠以通運、溉田，渠大者溉萬餘頃，小渠不可勝數。

前 112 年

己巳 漢元鼎五年

十月，武帝西巡。立泰畤於甘泉。始郊，作郊祀之樂。春，南越相呂嘉起事，殺南越王趙興及太后與漢使者，更立趙建德爲王。四月，發罪人、樓船士及夜郎兵十餘萬，五道擊南越。九月，列侯以酎金輕劣奪爵者百六人。西羌結匈奴攻安故，圍枹罕；匈奴復入五原。

前 111 年

庚午 漢元鼎六年

冬，發卒十萬人擊西羌，破之。南越相呂嘉敗死，南越亡；以其地爲南海、蒼梧、鬱林、合浦、交趾、九真、日南、珠崖、儋耳九郡，以刺史領之。且蘭殺漢使者及犍爲太守；發巴蜀罪人擊之，殺且蘭君、邛君及笮侯，以其地置牂柯、越雋、沈黎三郡；又以冉駹地爲汶山郡，白馬氏地爲武都郡。東越王餘善殺漢三校尉，自立爲武帝。遣公孫賀及趙破奴各將萬餘騎分路入匈奴境二千餘里，未見匈奴一人。分武威、酒泉二郡置張掖、敦煌二郡，徙民實之。是歲，於鄭國渠旁穿六輔渠。

前 110 年

辛未 漢元封元年

十月，武帝北巡，登單于臺，勒兵而還。越繇王等殺東越王餘善降漢，悉徙東越民於江淮之間。正月，武帝東巡，封禪於泰山、梁父，改元元封。復北巡，歷北邊而回。治粟都尉領大農桑弘羊，以作平準法使物價平穩、倉庫充盈，賜爵左庶長。

前 109 年

壬申 漢元封二年

正月，武帝東巡，求神仙。塞瓠子決河復舊道，築宣防宮。大作臺觀以候神仙。秋，作明堂於汶上。以朝鮮右渠王招誘逃亡，阻真番、辰國通使之路，遣人諭之又不聽，乃募死罪人爲兵，遣二將軍攻之。漢王降漢，以其地置益州郡。

前 108 年

癸酉 漢元封三年

十二月，遣將破車師，俘樓蘭王。夏，朝鮮降漢，置爲樂浪、臨屯、玄菟、真番四郡。秋，武都氏起事，旋敗，徙之酒泉。

前 107 年

甲戌 漢元封四年

十月，武帝北巡。秋，匈奴又數擾邊，遣將屯朔方以備之。

前 106 年

乙亥 漢元封五年

冬，武帝南巡，並海北還；三月，封泰山。置朔方、交趾及冀、幽、并、兗、徐、青、揚、荆、豫、益、涼等州，凡十三部，皆置刺史。詔州郡察舉茂才異等可爲將相及使絕國者。是歲衛青死。

前 105 年

丙子 漢元封六年

三月，赦京師亡命，令從軍攻昆明。秋，以江都王劉建女細君嫁烏孫；西域諸國多遣使於漢，葡萄、苜蓿等隨以輸入。是歲，匈奴烏維單于死，子兒單于烏斯廬立。

前 104 年

丁丑 漢太初元年

十月，武帝東巡，求神仙。春，作建章宮，千門萬戶。五月，造太初歷，用夏正，以建寅月——正月爲歲首；易服色，定官名及宗廟百官儀。築受降城於塞外以招匈奴降人。八月，發屬國六千騎及郡國惡少年數萬人，遣李廣利率之擊大宛。

前 103 年

戊寅 漢太初二年

五月，籍吏民馬，補車騎馬。擊大宛不利，兵還燉煌。遣趙破奴率二萬騎入匈奴境二千里，全軍敗沒，匈奴因入邊殺略而去。

前 102 年

己卯 漢太初三年

春，武帝東巡，求神仙；封禪泰山、石闕。於五原塞外數百里至千餘里築城障，西北至盧胸，並於居延澤上築城屯兵。秋，匈奴入定襄、雲中、酒泉、張掖，各殺略數千人。再擊大宛，發囚徒、惡少年、邊騎六萬人，益以吏有罪者、亡命者、贅壻、賈人、故有市籍、父母有市籍、大父母有市籍者，凡七科，謫爲兵。並發甲卒十八萬屯酒泉、張掖；大宛殺其王毋寡降。匈奴烏斯廬單于卒，國人立右賢王眭犁湖爲單于。

前 101 年

庚辰 漢太初四年

春，以樓蘭納匈奴騎，欲遮漢使，捕樓蘭王，尋釋回，使爲漢候伺匈奴。自燉煌西至鹽澤起亭，於輪臺、渠犂置卒屯田以給衛漢使。匈奴眭犁湖單于死，弟且鞮侯單于立，冬，盡歸所羈漢使，並使人聘於漢。

前 100 年

辛巳 漢天漢元年

三月，遣中郎將蘇武送匈奴使留在漢者，並厚饋單于；武以副使與匈奴中漢降人密謀事發，被留。發謫戍屯五原。

前 99 年

壬午 漢天漢二年

春，武帝東巡。五月，遣李廣利率三萬騎出酒泉擊匈奴於天山，斬獲萬餘級；還爲匈奴所圍，大敗。九月，騎都尉李陵擊匈奴，至浚稽山被圍，苦戰力竭而降。太史令司馬遷因言陵事，受腐刑；遷後乃作史記。年來以征調頻繁，官吏酷暴，東方人民紛起反抗，大者至數千人，攻城邑，取庫兵，釋獄囚，殺守尉，道路時爲之不通。乃使卿大夫等爲繡衣直指使者，持節，發兵以擊之，大郡殺戮至萬餘人，仍不能止。於是作沈命法，凡二千石至小吏察捕不力者，皆處死刑。以匈奴降者介和王爲開陵侯，與成婉將樓蘭兵擊車師，爲匈奴右賢王救兵所敗。

前 98 年

癸未 漢天漢三年

二月，榷酒酤。三月，武帝東巡，求神仙；封泰山。秋，匈奴入雁門。

前 97 年

甲申 漢天漢四年

正月，發七科謫、勇敢士及步騎十四萬餘，遣李廣利等分路擊匈奴。單于悉遷其累重於遠方，而自將騎以待；漢兵無所得。秋九月，詔死罪入贖，錢五十萬，減死一等。

前 96 年

乙酉 漢太始元年

春，徙郡國吏民豪傑於茂陵、雲陵。匈奴且鞮侯單于死，子左賢王立，是爲狐鹿姑單于。

前 95 年

丙戌 漢太始二年

秋，趙國中大夫白公穿渠，引涇水，起谷口，入櫟陽，注渭，長二百里，溉田四千五百餘頃，名曰白渠。

前 94 年

丁亥 漢太始三年

二月，武帝東巡。

前 93 年

戊子 漢太始四年

三月，武帝東巡，封禪泰山、石闕。十二月，武帝西巡。於孔子宅得古文尚書、禮記、論語、孝經（按漢書藝文志云在武帝末，又云以巫蠱事起，未列於學官，故置於此年）。

前 92 年

己丑 漢征和元年

十一月，謠言宮廷及大臣中命巫者用詛咒謀殺人，巫蠱事起。司馬遷約死於是年前後。

前 91 年

庚寅 漢征和二年

正月，以巫蠱事，族丞相公孫賀。閏四月，諸邑、陽石兩公主及衛青子長平侯伉皆坐巫蠱死。七月，皇后衛氏及皇太子戾以巫蠱事自殺。九月，匈奴入上谷、五原，殺略吏民。

前 90 年

辛卯 漢征和三年

正月，武帝西巡。匈奴入五原、酒泉。三

月，遣李廣利等將步騎十三萬人分道擊之。
五月，遣成婉將樓蘭、尉犁、危須等六國兵攻車師，俘其王及臣民。六月，丞相劉屈氂棄市，李廣利妻子下吏，廣利敗降匈奴，詔族其家。

前 89 年

壬辰 漢征和四年

正月，武帝東巡，求神仙；三月，封禪泰山、石闕。武帝漸悔已往之非，悉罷方士求神仙事。趙過作田器便巧，又爲代田以利耕種，以爲搜粟都尉。

前 88 年

癸巳 漢後元元年

正月，武帝西巡。六月，侍中僕射馬何羅反，伏誅。七月，殺鉤弋夫人趙氏（皇太子母）。

前 87 年

甲午 漢後元二年

二月，武帝死，皇太子弗陵嗣位，是爲孝昭皇帝，大司馬大將軍霍光等受遺詔共領尚書事，輔政。冬，匈奴入朔方，殺略吏民。

前 86 年

乙未 漢孝昭皇帝劉弗陵始元元年

夏，益州夷二十四邑三萬餘人起事；募吏民，發犍爲、蜀郡奔命破之。七月，燕王旦謀反，赦弗治，黨與皆伏誅。閏九月，遣使行郡國舉賢良，問民疾苦。

前 85 年

丙申 漢始元二年

三月，遣使振貸貧民種食。八月，以連年災害，免所振貸種食及今年田租。是歲，狐鹿

姑單于死，子壺衍鞬單于立。

前 84 年

丁酉 漢始元三年

二月，募民徙雲陵（鉤弋墓），賜錢及田宅。

前 83 年

戊戌 漢始元四年

六月，徙三輔富人於雲陵，戶賜錢十萬。七月，以歲不登，民置於食，詔止民出馬。冬，西南夷姑繒、葉榆復起事，殺太守；發益州兵擊之。

前 82 年

己亥 漢始元五年

六月，詔以經學未明，令三輔、太常舉賢良各二人，郡國舉文學高第各一人，增博士弟子員。罷儋耳及眞番郡。秋，破姑繒、葉榆兵，俘斬三萬餘人，獲畜產五萬餘頭。

前 81 年

庚子 漢始元六年

二月，郡國所舉賢良、文學皆請罷鹽鐵、酒酤、均輸官，於是鹽鐵之議起；後桓寬據此作鹽鐵論。七月，罷榷酤官。匈奴謀與漢和，留置十九年的漢使蘇武等被釋歸。分張掖、酒泉各二縣置金城郡。以鉤町侯毋波助擊葉榆，立爲王。

前 80 年

辛丑 漢始元七年 元鳳元年

春，武都氏起事，遣三輔、太常免刑徒擊之。八月，改元元鳳。燕王劉旦與鄂邑長公主結上官桀等謀反，事覺，旦及公主皆自殺，桀等族誅。匈奴二萬騎入邊，大敗，失九千人。

前 79 年

壬寅 漢元鳳二年

六月，令郡國勿歛今年馬口錢。 匈奴遣九千騎備漢，並於後方水上作橋以爲退路。

前 78 年

癸卯 漢元鳳三年

春，罷中牟苑，賦貧民。 詔止四年漕。
冬，遼東烏桓侵邊；遣范明友將兵擊之，斬六千餘級，獲三王首。 以太史令張壽王言，更課曆，仍用太初法。

前 77 年

甲辰 漢元鳳四年

正月，免四年、五年口賦及三年前逋更賦。
遣使誘殺樓蘭王；改樓蘭爲鄯善，遣吏士屯田伊循以鎮撫之。

前 76 年

乙巳 漢元鳳五年

六月，發三輔及郡國惡少年及吏有告劾亡者，屯遼東。 秋，罷象郡，分屬鬱林、牂柯。

前 75 年

丙午 漢元鳳六年

正月，募郡國徒築遼東玄菟城。 夏，烏桓復侵邊，遣范明友擊退之。

前 74 年

丁未 漢元平元年

二月，減口賦錢什三。 四月，昭帝死，霍光等迎昌邑王劉賀嗣位，立二十七日被廢；又迎武帝曾孫病已（後更名詢）嗣位，是爲中宗孝宣皇帝。

前 73 年

戊申 漢孝宣皇帝劉詢本始元年

正月，募郡國吏民嘗百萬以上徙平陵。 四月，詔內郡國舉文學高第各一人。 五月，鳳凰集膠東，赦天下，勿收田租賦。

前 72 年

己酉 漢本始二年

秋，以烏孫請救，遣五將軍，率十六萬人分道西進，與校尉持節護烏孫兵，共擊匈奴。

前 71 年

庚戌 漢本始三年

五月，攻匈奴軍罷，五將軍共俘斬數千；烏孫兵俘斬匈奴名王都尉以下四萬級，畜口七十餘萬頭，於是匈奴遂衰耗。 常惠發烏孫兵七千、西域各國兵四萬攻龜茲，索前殺漢校尉者斬之而還。 冬，匈奴攻烏孫，大敗，諸國羈屬者皆瓦解。

前 70 年

辛亥 漢本始四年

四月，郡國四十九同日地震，死六千餘人；令三輔、太常內郡國舉賢良方正各一人。

前 69 年

壬子 漢地節元年

三月，假郡國貧民田。

前 68 年

癸丑 漢地節二年

四月，廢上書言事者副封制度。 匈奴壺衍鞬單于死，弟虛閼權渠單于立。漢以匈奴不能爲邊寇，罷塞外諸城以休百姓。 匈奴發兩屯各萬騎以備漢。 匈奴役屬之噶居種君長以下數

千人降漢。 是歲，霍光死。

前 67 年

甲寅 漢地節三年

九月，省京師屯兵，罷郡國宮館，假貸貧民。十一月，詔郡國舉孝弟有行義聞於鄉里者各一人。十二月，以武帝以來創爲見知故縱、監臨部主之法，律令煩苛，吏緣爲奸，民受其害，詔置廷尉平四人，以慎刑獄。省文山郡併於蜀郡。以車師叛，築田渠犂，發諸國兵攻車師，王降，復奔烏孫，乃令車師故太子軍宿爲王，徙居渠犂；使田卒往屯車師。

前 66 年

乙卯 漢地節四年

七月，霍氏謀反，族誅。九月，減鹽價。令郡國歲上繫囚答掠瘐死者名數，以課殿最。

前 65 年

丙辰 漢元康元年

正月，龜茲王及其夫人朝漢。徙丞相、將軍、列侯、吏二千石貲百萬者於杜陵。冬，莎車殺漢使，結南道諸國；馮奉世發南北道兵擊破之，莎車王自殺。

前 64 年

丁巳 漢元康二年

匈奴攻車師，鄭吉被圍；使迎吉等還，盡徙車師民於渠犂，以車師地予匈奴，命吉止護鄯善以西南道。

前 63 年

戊午 漢元康三年

前 62 年

己未 漢元康四年

正月，遣使循行郡國，觀風察吏，舉茂才異倫者。以羌侯狼何結匈奴謀擊鄯善、燉煌，絕漢道，遣義渠安國行視諸羌。烏孫以車師王詣闕，賜第與其妻子居之。是歲，以連年豐稔，穀石五錢。

前 61 年

庚申 漢元康五年 神爵元年

三月，改元神爵。四月，義渠安國殺先零羌豪三十餘人，又擊殺其種人千餘，於是諸羌合兵，驅逐安國。遣趙充國等將兵以擊西羌，斬獲萬餘人，獲畜口十餘萬頭，降者數萬。冬，罷諸將兵，獨留充國屯田湟中。

前 60 年

辛酉 漢神爵二年

五月，羌虜降服，趙充國請罷屯兵還。秋，置金城屬國以處降羌。匈奴虛閭權渠單于死，握衍朐鞬單于立，日逐王將部衆一萬二千人降漢，封歸德侯。始以鄭吉爲西域都護，治烏壘城，督察烏孫康居等三十六國動靜，漢之號令布於西域。匈奴弱，罷昔所置之西域僮僕都尉。匈奴單于遣使獻於漢，並賀明年正旦。是歲，蘇武死。

前 59 年

壬戌 漢神爵三年

八月，益吏百石以下俸什五。珠崖郡三縣叛。

前 58 年

癸亥 漢神爵四年

四月，令內郡舉賢良可親民者各一人。五月，匈奴單于遣弟朝於漢。

前 57 年

甲子 漢五鳳元年

七月，匈奴五單于爭立，國內大亂。漢議者多請乘機滅匈奴，惟御史大夫蕭望之異議。

前 56 年

乙丑 漢五鳳二年

八月，匈奴屠耆單于子右谷蠡王以相爭兵敗，亡歸漢。十一月，匈奴左大將烏厲屈等率衆五萬人降漢。

前 55 年

丙寅 漢五鳳三年

三月，減口賦錢。六月，置西河、北地屬國以處匈奴降者。

前 54 年

丁卯 漢五鳳四年

正月，匈奴呼韓邪單于稱臣，遣弟右谷蠡王入侍。從此匈奴分南北。以邊塞無寇，減邊戍什二。用耿壽昌言，始置常平倉以給北邊。

前 53 年

戊辰 漢甘露元年

正月，匈奴呼韓邪及郅支單于各遣子入侍。四月，烏孫內鬩，圍漢使；西域都護鄭吉發諸國兵救却之，繼派兵屯赤谷以監護之；漢遣使分立大小兩昆彌。冬，匈奴單于遣弟賀漢明年正旦。珠崖郡九縣叛。

前 52 年

己巳 漢甘露二年

正月，減民算三十。四月，遣將擊珠崖郡。冬，匈奴呼韓邪單于請明年來朝；令丞相以下議儀注，決待以客禮。是歲，趙充國死。

前 51 年

庚午 漢甘露三年

正月，匈奴呼韓邪單于來朝，贊謁稱藩臣不名，位在諸侯王上。二月，遣使將萬六千騎送單于歸國，允單于居漠南光祿塞下，有急得入保漢受降城。畫功臣於麒麟閣，凡十一人。免今年田租。五月，詔諸儒講五經異同於石渠閣，立梁丘易、大小夏侯尚書、穀梁春秋博士。

前 50 年

辛未 漢甘露四年

冬，匈奴呼韓邪及郅支單于各遣使獻於漢。

前 49 年

壬申 漢黃龍元年

正月，匈奴呼韓邪單于朝於漢，二月，歸國。十二月，宣帝死，皇太子爽嗣位，是爲孝元皇帝。是歲，增五經博士員十二人，博士弟子員倍百人。

前 48 年

癸酉 漢孝元皇帝劉爽初元元年

三月，以三輔、太常、郡國公田及可省之苑田振業貧民。八月，上郡屬國降胡萬餘亡入匈奴。九月，關東郡國十一大水，饑，人相食，轉旁郡錢穀以相救。匈奴呼韓邪單于困乏，詔雲中、五原轉穀二萬斛。秋，初置戊己校尉，屯田車師故地。珠崖郡繼續爲亂。

前 47 年

甲戌 漢初元二年

三月，詔舉茂才異等、直言諫極之士。夏，關東饑，齊地人相食。冬，以珠崖自置郡以來，土人起事已八次，詔丞相以下議存廢。

前 46 年

乙亥 漢初元三年

正月，罷珠崖郡。六月，詔丞相、御史舉明陰陽災異者各三人。

前 45 年

丙子 漢初元四年

前 44 年

丁丑 漢初元五年

四月，罷齊三服官、北假田官、鹽鐵官、常平倉。博士弟子不限員；民有能通一經者，免本身徭役。省減刑罰七十餘事。令從官給事宮中者，許其通籍。匈奴郅支單于殺漢使谷吉等，徙於康居。

前 43 年

戊寅 漢永光元年

二月，詔丞相、御史舉質樸、敦厚、遜讓、有行者，光祿勳歲以此四科考校郎及從官。匈奴呼韓邪單于北歸舊庭。

前 42 年

己卯 漢永光二年

三月，詔郡國舉茂才異等、賢良直言之士各一人。七月，隴西羌氐姐旁種反漢；發兵六萬人，遣馮奉世等擊破之。

前 41 年

庚辰 漢永光三年

十一月，復鹽鐵官。置博士弟子員千人。

前 40 年

辛巳 漢永光四年

十月，詔陵城勿置縣邑，止徙郡國民奉園陵。

〔大月氏〕貴霜翎侯丘就却統一五翎侯國，約於此時自立爲月氏王，以後更西破安息，南併高附，又破罽賓，國勢甚強。

前 39 年

壬午 漢永光五年

秋，潁水溢。河決靈縣鳴犢口。

前 38 年

癸未 漢建昭元年

前 37 年

甲申 漢建昭二年

京房奏上考功課吏法。

前 36 年

乙酉 漢建昭三年

夏，令三輔及大郡都尉秩皆二千石。秋，西域都護甘延壽、副校尉陳湯矯制發屯田卒及西域十五國兵，分兩道入康居，攻殺匈奴郅支單于，匈奴隨郅支單于西徙者幾盡。

前 35 年

丙戌 漢建昭四年

三月，遣使循行郡國，舉茂才特立之士。

前 34 年

丁亥 漢建昭五年

罽賓繫漢使，殺副使以下七十餘人，遣使上書謝罪。元帝放其使還，詔絕之（按史未言何年，只言元帝時，姑置於此）。

前 33 年

戊子 漢竟寧元年

正月，匈奴呼韓邪單于來朝，願壻於漢；以後宮女王嬪賜之，單于以爲寧胡閼氏。單于請

爲漢保塞，不許。改元竟寧。五月，元帝死，皇太子驚嗣位，是爲孝成皇帝；以元舅王鳳爲大司馬大將軍領尚書事，輔政。

前 32 年

己丑 漢孝成皇帝劉騫建始元年
二月，封諸舅爲關內侯。

前 31 年

庚寅 漢建始二年
正月，減賦錢算四十。二月，詔三輔內郡舉賢良方正各一人。三月，罷六廡技巧官。
夏，南匈奴呼韓邪單于死，子復株累若鞮單于立。

前 30 年

辛卯 漢建始三年
是歲，僖宗等據南山攻掠。

前 29 年

壬辰 漢建始四年
正月，罷中書宦官，初置尚書員五人。秋，河決館陶及東郡金隄，灌四郡三十二縣。
冬，僖宗等敗散。烏孫兵圍西域都護，不久解去。初置選曹。

前 28 年

癸巳 漢建始五年 河平元年
三月，王延世爲河隄使者，塞東郡決河，三十六日堤成；改元河平。六月，罷典屬國。
九月，詔簡律令，減死刑。

前 27 年

甲午 漢河平二年
正月，匈奴遣使朝獻。六月，封諸舅爲列侯，世謂之五侯。冬，夜郎王興、鉤旬王

禹、漏臥侯俞舉兵相攻；牂柯太守陳立殺興，興妻父翁指舉兵復仇，陳立破之，其部人殺翁指降。

前 26 年

乙未 漢河平三年
八月，使謁者陳農求遺書。詔劉向等校中書，向奏上洪範五行傳論。河決平原，灌二郡，復遣王延世等治之，六月乃成。

前 25 年

丙申 漢河平四年
正月，匈奴復株累若鞮單于朝於漢；二月，遣歸。屬賓遣使謝罪，漢仍不與通。屬賓利漢賞賜賈市，後仍數年一至。詔改明年元曰陽朔。

前 24 年

丁酉 漢陽朔元年

前 23 年

戊戌 漢陽朔二年
五月，除吏八百石、五百石秩。九月，詔舉可充博士位者。

前 22 年

己亥 漢陽朔三年
六月，潁川鐵官徒申屠聖等起事，殺官吏劫倉庫，攻掠九郡，不久敗。八月，王鳳死，薦從弟音自代；九月，以王音爲大司馬車騎將軍輔政。

前 21 年

庚子 漢陽朔四年
烏孫內鬩，西域諸國請復命段會宗爲都護。

前 20 年

辛丑 漢鴻嘉元年

匈奴復株累若鞮單于死，弟搜諧若鞮單于立，遣子入侍。

前 19 年

壬寅 漢鴻嘉二年

三月，詔舉敦厚有行義能直言者。大作昌陵，規則壯侈，並徙郡國豪傑貲五百萬以上者五千戶以實之。

前 18 年

癸卯 漢鴻嘉三年

四月，令吏民得買爵，級千錢。十一月，廣漢鄭躬等爲亂，攻城邑，釋獄囚；自稱山君。

前 17 年

甲辰 漢鴻嘉四年

秋，渤海、清河、信都河溢，灌縣邑三十一。冬，鄭躬聚衆萬人，攻歷四縣，爲廣漢、蜀郡兵所破，敗散。

前 16 年

乙巳 漢永始元年

六月，劉向上列女傳、新序、說苑。七月，罷昌陵，止徙吏民。

前 15 年

丙午 漢永始二年

正月，王音死。三月，以王商爲大司馬衛將軍輔政。吏民入穀物助振貧民者，依所值賜爵、補吏、免租賦有差。是歲，百濟遣使通好於漢樂浪郡。

前 14 年

丁未 漢永始三年

正月，遣使循行郡國，問民疾苦，並與部刺史舉敦樸遜讓有行義者各一人。十一月，尉氏人樊並等十三人殺陳留太守起事，旋敗。十二月，山陽鐵官徒蘇令等二百二十八人爲亂，殺官吏，劫倉庫，經郡國十九（或作四十餘），旋敗。

前 13 年

戊申 漢永始四年

前 12 年

己酉 漢元延元年

七月，詔舉賢良方正能直言極諫者各一人，邊郡舉勇猛知兵法者各一人。十二月，王商死。以王根爲大司馬驃騎將軍輔政。匈奴搜諧若鞮單于入朝，未入塞，病死，弟車牙若鞮單于立。

前 11 年

庚戌 漢元延二年

烏孫內鬩，漢將殺小昆彌太子番丘，以大昆彌翎侯難棲爲堅守都尉。康居王遣子入侍。百濟於邊境築城，漢樂浪太守使人來責問，因失和。

前 10 年

辛亥 漢元延三年

秋，命右扶風發民入南山，周數百里，捕熊羆送長楊宮。

前 9 年

壬子 漢元延四年

二月，罷司隸校尉官。

前 8 年

癸丑 漢綏和元年

四月，置三公官，以大司馬驃騎將軍爲大司馬，罷將軍官，御史大夫爲大司空，皆增俸如丞相。匈奴車若鞮單于死，弟烏珠留若鞮單于立。十月，王根病免。以王莽爲大司馬。十二月，罷刺史，更置州牧，秩二千石。增博士弟子員三千人，歲餘復如故。

前 7 年

甲寅 漢綏和二年

三月，成帝死，皇太子前定陶王欣嗣位，是爲孝哀皇帝。六月，罷樂府官。劉歆典領五經，奏上七略。孔光等奏請限諸侯王下至吏民名田及奴婢數；貴戚皆不便，遂不行。止齊三服官無作輸。除任子令及誹謗詆欺法。放年三十以下宮人。令官奴婢五十以上免爲庶人。益吏三百石以下俸。七月，王莽罷。賈讓上治河三策。

前 6 年

乙卯 漢孝哀皇帝劉欣建平元年

二月，詔舉孝弟、惇厚、能直言、通政事可親民者各一人。是歲劉向死。

前 5 年

丙辰 漢建平二年（太初元年）

四月，罷大司空官，復置御史大夫，仍以大司馬冠將軍。罷州牧，復刺史。六月，改元太初，號“陳聖劉太平皇帝”，八月罷。使責匈奴單于令歸烏孫質子。

前 4 年

丁巳 漢建平三年

前 3 年

戊午 漢建平四年

春，關東民傳行西王母壽，經郡國二十六至京師，迄秋乃止。鮑宣上書，謂民有七亡、七死。匈奴單于請朝，繼以病，展一年。

前 2 年

己未 漢元壽元年

正月，詔舉明習兵法者各一人，又詔舉賢良方正能直言者各一人。

前 1 年

庚申 漢元壽二年

正月，匈奴烏珠留若鞮單于及烏孫大昆彌皆來朝。是時，西域凡五十國，自譯長至侯王佩漢印者凡三百七十六人，康居、大月氏、安息、罽賓、烏弋山離尚不在數中。五月，正三公官，分職，大司馬仍不以冠將軍，丞相爲大司徒，御史大夫爲大司空；又正司直、司隸職，置司寇。六月，哀帝死。中山王箕子嗣位，更名衍，是爲孝平皇帝；太皇太后王氏臨朝。薨賢免，自殺；籍其家，凡值四十三萬萬。王莽爲大司馬，百官總已以聽。

1 年

辛酉 漢孝平皇帝劉衍元始元年

正月，王莽風益州令塞外夷自稱越裳氏獻黑白雉。二月，以太師、太傅、太保、少傅爲四輔；王莽爲太傅，加號“安漢公”。置羲和官及外史、閭師。五月，詔舉敦厚、能直言者各一人。封孔子後爲褒成侯，追諡孔子爲褒成宣尼公。罷三輔馳道。詔女徒已定罪並放歸家，月出雇山錢三百。免貞婦征役，鄉一人。置大司農部丞十三人，人部一州，勸農桑。

2 年

壬戌 漢元始二年

春，黃支國獻犀牛。夏，郡國大旱，蝗，遣使督捕，民捕蝗詣吏以石斛受錢。罷呼池苑以爲安民縣，募徙貧民，賜田宅、什器，假與牛種；又起五里於長安城中，造宅以居貧民。九月，使人說降江湖劫擾者成重等，送還鄉里。使人風匈奴單于遣王嬭女入侍太皇太后。車師後王忤漢戊己校尉，亡入匈奴。婁羌去胡來王爲赤水羌所逼，西域都護不救，將妻子人民亦亡入匈奴。王莽使人入匈奴索車師後王及去胡來王，殺之，以示威西域諸國；並立四條，凡漢人、烏孫人、西域諸國佩漢印綬者及烏桓人，匈奴皆不得受其降；又風匈奴單于改名爲一字，以符漢制。冬，令舉治獄平，歲一人。是歲，全國有戶一千二百二十三萬三千，口五千九百五十九萬四千九百七十八，墾田八百二十七萬五百三十頃。

3 年

癸亥 漢元始三年

夏，王莽奏車服及吏民養生、送死、嫁娶、奴婢、田宅、器械制度。立官稷。郡國、縣邑、鄉聚皆立學官，校、學置經師一人，庠序置孝經師一人。陽陵人任橫等爲亂，攻城邑，劫獄囚，旋敗。王莽子宇陰謀反莽，事覺，下獄死，牽連死者數百人。

4 年

甲子 漢元始四年

正月，詔婦女非身犯法及男子年八十以上七歲以下、家非坐不道詔所名捕者，皆不得囚繫。二月，王莽加號宰衡，位上公。王莽奏起明堂、辟雍、靈臺；爲學者築舍萬區；立樂經；益博士員，經各五人；徵通一經及逸禮、古

書、天文、圖讖、鍾律、月令、兵法、史篇者，又徵能治河者。升宰衡位在諸侯王上。冬，使人誘賂羌人使獻地以爲西海郡。分京師置前輝光、後丞烈二郡，分天下爲十二州；更公、卿、大夫、八十一元士官名位次，及十二州名，分界郡國所屬。三官自鑄五銖錢，至是時共成二百八十億萬。

5 年

乙丑 漢元始五年

正月，詔各郡國立宗師，以糾宗室子弟。五月，王莽加九錫。十二月，王莽毒死平帝，居攝踐祚，稱“假皇帝”，民臣稱之“攝皇帝”。

6 年

丙寅 王莽居攝元年（孺子劉嬰）

三月，立廣戚侯子嬰爲皇太子，號“孺子”。創左輔、右弼、前疑、後丞之名，分別加於太師、太傅、太阿、太保四官之下；又置四少——少師、少傅、少阿、少保。四月，安衆侯劉崇起兵反王莽，旋敗。是歲，西羌攻逐西海太守，奪回其地。

7 年

丁卯 王莽居攝二年

春，護羌校尉竇況破西羌。五月，更造錢幣，有錯刀、契刀、大錢三品，與五銖錢並行。禁列侯以下不得挾黃金，輸御府受直。九月，東郡太守翟義起兵反王莽，立嚴鄉侯劉信爲皇帝，衆十餘萬；莽遣七將軍擊之，又遣三將軍屯要隘。三輔二十三縣豪族及人民紛紛起兵討王莽，槐里趙朋、霍鴻等自稱將軍，攻城殺官，衆亦十餘萬；王莽遣兩將軍擊之，又遣三將屯京郊，以大將軍統之。十二月，翟義敗死。

8 年

戊辰 王莽居攝三年 初始元年
二月，趙朋等敗死。置五等爵，以公、侯、伯、子、男封擊反者功臣；改關內侯爲附城。
十一月甲子，王莽改居攝三年爲初始元年。
期門郎張充等謀共殺王莽，立楚王，事覺，被殺。戊辰，王莽卽眞天子位，定國號曰“新”，以十二月朔癸酉爲始建國元年。

9 年

己巳 新皇帝王莽始建國元年
正月，廢孺子劉嬰爲定安公。封拜輔臣，有四輔、三公、四將之目。置大司馬司允等官，大改內外官名及郡縣宮室之名，貶諸侯王號皆爲公，四裔諸王皆爲侯。罷錯刀、契刀及五銖錢，更作大小錢二品；防私鑄，禁民不得挾銅炭。四月，徐鄉侯劉快起兵反新，敗死。復設井田，更天下田曰“王田”，奴婢曰“私屬”，皆不得買賣。男口不盈八而田過一井者，分餘田予九族、里黨，其無田者受田如制。冬，置司命以司察上公以下；制五威將號。遣使五十人分赴郡國鑄錢。

10 年

庚午 新始建國二年
二月，廢漢諸侯王爲民。制五均、六筦、賒貸之法，於長安等六都市立五均司市、錢府官，以平物價、惠貧民。凡令民各以所業爲貢，皆稅其利之什一；並榷酒酤。禁民不得挾弩鎧。匈奴勒兵朔方塞下，又與車師後王攻西域都護屯兵。十二月，詔改匈奴單于爲降奴服于，遣將募甲卒三十萬備攻匈奴，預分其地爲十五國。作寶貨——錢貨六品、金貨一品、銀貨二品、龜貨四品、貝貨五品、布貨

十品——凡五物六名，二十八品；重私鑄之罰，禁挾五銖錢。禁吏民爲符命。與神仙事，起八風臺。

11 年

辛未 新始建國三年
遣使誘賂匈奴呼韓邪單于諸子。匈奴烏珠留若鞮單于分告諸部入塞，大肆殺掠。以擊匈奴，徵發苛急，人民流亡，并州、平州尤甚。河決魏郡，泛清河以東數郡，不塞。

12 年

壬申 新始建國四年
春，以長安爲西都，洛陽爲東都；並定九州之制、五等爵之員額。王田及奴婢許私買賣。高句驪、濊貉皆侵擾邊塞，遣將擊斬高句驪侯，更名高句驪爲下句驪。句町起兵反新，西南夷皆動。

13 年

癸酉 新始建國五年
春，烏孫大小昆彌皆遣使貢獻。焉耆先反，殺西域都護但欽，西域遂瓦解。除挾銅炭令。匈奴烏珠留單于死，烏累若鞮單于立。

14 年

甲戌 新天鳳元年
秋，置卒正、連率、大尹，職如太守；又置州牧、部監二十五人；分長安城旁六鄉，置帥各一人；分三輔爲六尉郡、河內等六郡爲六隊郡；並改易官名、地名，分合郡縣，總爲萬國。匈奴單于請和親。緣邊大饑，人相食。益州夷人紛起獨立；發兵擊之。復申下金、銀、龜、貝之貨增減價值，罷大小錢，

改作貨布、貨泉二品，大錢盡六年收絕。

15 年

乙亥 新天鳳二年

春，改匈奴單于爲恭奴善于。五原、代郡民亂紛起，遣將擊之，歲餘乃定。

16 年

丙子 新天鳳三年

五月，始賦官吏祿俸，自六十六斛至萬斛，凡十五等，歲有災害則酌減。遣將擊匈奴，至邊止屯。冬，大發兵十萬人擊句町。越雋夷殺太守。五威將王駿至西域欲襲焉耆，爲焉耆遮殺；戊己校尉屠焉耆老弱。西域遂絕。

17 年

丁丑 新天鳳四年

郡置義和命士數人，督五均、六筦，以富賈爲之；申六筦之令，設科條防禁。調上公以下有奴婢者，口出錢三千六百。各地民亂紛起：臨淮人瓜田儀起於會稽長州；琅邪呂母殺守令；荊州饑民推新市王匡等爲首，據綠林山；南郡人張霸、江夏人羊牧皆聚衆爲亂。

18 年

戊寅 新天鳳五年

沒收始建國二年以來官吏以貪污致富者財產五分之四，以助邊費；許吏告其將，奴婢告其主。琅邪人樊崇起於莒，與同郡逢安、東海徐宣等合數萬人，游擊青、徐間。東海刁子都亦襲擊徐、亮爲亂。是歲，匈奴烏累單于死，弟呼都而尸道皋若鞮單于立，遣使奉獻。脅匈奴大臣須卜當至長安，拜爲須卜單于，以分匈奴之勢。匈奴益怒，大入北邊抄掠。

揚雄死。

19 年

己卯 新天鳳六年

益州夷蠲若豆等、越雋夷大牟皆起兵，攻略吏民。大募丁男及死罪囚、吏民奴，名曰“豬突”“豨勇”以擊匈奴；稅吏民，訾三十取一以充軍費；令公卿以至吏民保養軍馬，以秩爲差；又廣徵有奇技可以攻匈奴者。青、徐民流亡日衆，樊崇、刁子都部衆增至六、七萬。

20 年

庚辰 新地皇元年

二月，置前後左右中大司馬之位，命諸州牧至縣宰皆加大將軍、偏裨校尉之號。九月，起九廟於長安城南，黃帝廟方四十丈、高十七丈，餘廟半之，功費數百餘萬，卒徒死者萬數。鉅鹿馬適求等謀舉燕趙兵討莽，事覺被殺，牽連死者數千人。更鑄錢法，減輕私鑄罪。

21 年

辛巳 新地皇二年

遣兵分擊青、徐亂軍及句町；大轉轂帛詣西河、五原、朔方、漁陽，每郡以百萬數，備擊匈奴。因犯私鑄法傳詣鍾官者男女以十萬數，至者易其夫婦，死者什六七。毀漢高祖廟。南郡秦豐聚衆萬人，平原女子遲昭平聚衆數千爲亂。荊州發犇命擊王匡等，大敗，匡等轉拔竟陵，攻雲杜、安陸，聲勢更大。

22 年

壬午 新地皇三年

二月，關東人相食。四月，遣將擊青州樊崇及荊州王匡等。崇等恐其衆與新兵亂，皆朱其眉，由是有“赤眉”之號。王匡等綠林兵遇疾

疫潰散，分兩枝，西入南郡者號下江兵，北入南陽者號新市兵。遣使教民煮草木爲醪。流民入關者數十萬，使人廩食之，吏盜其糧，饑死者什八。新市兵王匡等攻隨，平林人陳牧等聚數千人應之，號平林兵。冬，無鹽索盧恢等舉兵，不久敗死。赤眉別校董憲等大敗新兵，斬大將廉丹。劉縯、劉秀聚衆七八千人起兵於宛，稱柱天都部，與新市、平林兵合。下江兵大破王莽荊州之兵。

23 年

癸未 新地皇四年 漢更始皇帝（淮陽王）劉玄元年

二月，新市平林共立劉玄爲皇帝，建元更始。三月，劉秀等攻下昆陽等縣。六月，劉秀等大破新兵於昆陽。七月，劉歆、董忠等謀劫新皇帝降漢，發覺，歆自殺，忠剄斬，族誅。成紀隗囂起兵稱大將軍，徇下隴右諸郡。南陽宗成等起兵，略漢中入蜀。公孫述殺成等，稱輔漢將軍、蜀郡太守、益州牧。八月，前鎮武侯劉望起兵汝南，稱皇帝。更始帝遣將入關，所在迎降。九月戊申朔，更始兵入長安，巷戰；庚戌，商人杜吳殺新皇帝於漸臺，衆鬻割之，傳首宛市。更始帝兵拔洛陽。十月，劉望敗死。潁川李憲據廬江，稱淮南王。更始帝封劉永爲梁王；命劉秀行大司馬事，徇河北。十二月，邯鄲卜者王郎聚衆起事，稱皇帝，徇下幽冀，州郡響應。

24 年

甲申 漢更始二年

二月，更始帝遷都長安，功臣封王者十餘人。五月，劉秀破邯鄲，殺王郎；更始帝封秀爲蕭王，徵詣行在，秀受爵，不就徵。劉秀發幽州十郡突騎擊敗銅馬、等民軍。公孫述大破更始帝兵於綿竹，自立爲蜀王，都成都。

冬，更始帝遣使詣匈奴，單于示不再稱臣。

赤眉兵西下。劉秀遣鄧禹將兵入關。梁王劉永下二十八城，結西防兵帥俊疆、東海兵帥董憲、琅邪兵帥張步等。秦豐據黎丘，自稱楚黎王。汝南田戎據夷陵，自稱掃地大將軍。

25 年

乙酉 漢更始三年 漢世祖光武皇帝劉秀建武元年

正月，方望等立前安定公劉嬰爲皇帝於臨涇，更始帝遣兵破斬之。四月，公孫述稱皇帝於成都，號成家，建元龍興；廢銅錢，鑄鐵錢。六月己未，蕭王劉秀稱皇帝，建元建武，是爲漢世祖光武皇帝。鄧禹大破更始帝兵於安邑。赤眉立劉盆子爲皇帝。七月，劉茂聚衆京、密間，稱厭新將軍，衆十餘萬；光武帝擊降之。九月，赤眉入長安，更始帝出奔，部下多降赤眉。光武帝封更始帝爲淮陽王。十月，光武帝入洛陽，定都。淮陽王降於赤眉，封畏威侯，繼封長沙王。十一月，梁王劉永稱帝於睢陽。十二月，赤眉殺淮陽王。隗囂稱西州上將軍。三水盧芳詐稱武帝曾孫，稱上將軍、西平王，結西羌、匈奴，匈奴立爲漢皇帝。張步徇下泰山等七郡。

26 年

丙戌 漢建武二年

正月，檀鄉兵攻魏郡、清河。光武帝大封功臣。始用孝廉爲尚書郎。赤眉樊崇棄長安而西，鄧禹入長安。眞定王謀稱帝，耿純殺之。二月，漁陽太守彭寵反。延岑稱武安王於漢中。三月，遣將擊降更始帝諸將。四月，遣將圍劉永於睢陽。八月，光武帝擊潰五校。劉永大敗，走湖陵。董訢起兵於宛，鄧奉與之合。九月，遣將破弘農、柏

華、蠻中兵。赤眉敗鄧禹，復入長安。赤眉屢爲延岑、王嘉所敗，死亡三十萬；王嘉降漢。十一月，銅馬、青犢、尤來餘部共立孫登爲帝，登尋爲部下所殺。遣馮異擊赤眉及延岑於三輔。十二月，三輔大饑，人相食。赤眉東歸。

27 年

丁亥 漢建武三年

閏正月，馮異大破赤眉於崤底，劉盆子降漢。二月，劉永立董憲、張步爲王。青犢兵敗降。涿郡太守張豐自稱無上大將軍，與彭寵合。寵自立爲燕王，北結匈奴，南連張步及富平、獲索諸兵。董訢敗降。四月，鄧奉敗降。關中豪帥十餘部相爭，民大饑，黃金一斤易豆五升，馮異漸擊定之。七月，劉永敗死。是歲，李憲稱帝於淮南。

28 年

戊子 漢建武四年

二月，延岑敗奔公孫述。四月，吳漢破五校。五月，張豐敗死。匈奴助彭寵，敗。十一月，公孫述遣將徇三輔，馮異擊破之。

29 年

己丑 漢建武五年

二月，王霸大破蘇茂。彭寵爲其下所殺。吳漢大破富平、獲索兵。龐萌結董憲，號東平王。岑彭定荊州。四月，竇融以河西附漢。六月，秦豐降。光武帝大破龐萌。七月，光武帝大破董憲。耿弇大破張步，步殺蘇茂降，齊地悉定。冬，初起太學。十一月，五原李典等結匈奴，迎盧芳都九原，據五原等五郡。交趾部諸郡附漢。竇融承制，立莎車王康爲漢莎車建功懷德王、西域大

都尉，五十五國皆屬之。

30 年

庚寅 漢建武六年

正月，吳漢等攻斬董憲、龐萌，江淮悉平。三月，公孫述攻荊州。五月，隗囂據隴坻，敗漢兵。六月，併省四百縣餘，吏職減損什九。秋，樂浪王調據郡抗漢，旋被殺。十一月，王莽時吏民淪爲奴婢者皆免爲庶人。十二月，減田租，三十稅一。馮異、吳漢破隗囂兵，北地豪長皆附漢。馮異破匈奴盧芳兵，北地、上郡、安定皆平。竇融破先零羌。隗囂稱臣於公孫述。是歲，罷郡國都尉官，遣列侯就國。匈奴遣使奉獻；使中郎將報命，賂以金幣。

31 年

辛卯 漢建武七年

二月，罷護漕都尉官。三月，罷郡國輕車、騎士、材官、樓船士及軍假吏，令還復民伍。公孫述立隗囂爲朔寧王。四月，詔公卿、司隸、州牧舉賢良方正各一人。秋，隗囂攻安定等地，馮異等擊卻之。冬，盧芳所置朔方、雲中太守降漢。省長水、射聲二校尉官。

32 年

壬辰 漢建武八年

正月，漢兵攻據略陽，隗囂與公孫述兵圍之。閏四月，光武帝自攻隗囂，竇融率兵及羌、小月氏來會；囂部潰降十餘萬。潁川、河東大亂；八月，光武帝馳歸擊之，九月皆定。張步逃歸琅邪，敗死。東郡、濟陰亂，月餘定。十一月，漢兵圍隗囂，不利，天水、隴西、安定、北地等郡復附隗囂。十二月，高句麗遣使奉獻，復其王號。

33 年

癸巳 漢建武九年

正月，隗囂病死，子純嗣。公孫述遣將東塞水陸，以拒漢兵。徙雁門吏民於太原。三月，置青巾左校尉官。六月，匈奴敗漢兵，大鈔掠；遣將屯常山等四郡以備之。八月，遣來歙等攻隗純。置護羌校尉於金城，持節領護諸羌。是歲，省函谷關都尉。

34 年

甲午 漢建武十年

正月，吳漢破匈奴兵。十月，來歙等破降隗純，隴右平。先零等羌掠金城、隴西，來歙等破之，斬首數千級。是歲，省定襄郡，徙其民於西河。

35 年

乙未 漢建武十一年

二月，詔殺奴婢者不得減罪。閏三月，大發兵擊公孫述。四月，省大司徒司直官。先零羌攻臨洮。八月，岑彭等大破公孫述。詔灸灼奴婢者論如律，所灸灼者爲庶民；十月，又除奴婢射傷人棄市律。馬援等破先零羌，徙降羌於天水、隴西、扶風。援招撫塞外氐、羌，奏復其舊爵。十二月，吳漢泝江攻公孫述。是歲，省朔方牧併於并州。令州牧每歲盡不必自還奏事。

36 年

丙申 漢建武十二年

正月，吳漢破公孫述兵於武陽。三月，隴蜀民被略爲奴婢者免爲庶人。七月，吳漢大破公孫述，九月，進逼成都。十一月，公孫述傷

重死，延岑降。吳漢盡滅公孫氏，並族延岑，縱兵大掠。是歲，參狼等羌攻武都，馬援敗之，降者萬餘。九真徼外人張游率種人內屬，封爲歸漢里君。省金城郡併於隴西。匈奴與烏桓助盧芳擾邊，遣將防遏之。賓融入朝，河西五郡由漢置吏。

37 年

丁酉 漢建武十三年

二月，遣將屯滹沱河備匈奴。盧芳亡入匈奴。降王爵爲公侯，省并西京及廣平等十三郡國。三月，罷左右將軍官。五月，匈奴掠河東，州郡不能禁，於是漸徙幽并邊人於常山、居庸關以東。令弛刑徒六千餘人參與治飛狐道，築亭障，自代至平城，三百餘里。七月，廣漢徼外白馬羌內屬。九月，日南徼外種人奉獻。十二月，詔益州民八年來被略爲奴婢者，免爲庶人。復置金城郡。

38 年

戊戌 漢建武十四年

正月，匈奴遣使來獻。四月，封孔子後孔志爲褒城侯。邛穀王任貴遣使上計，授越雋太守。十二月，免益、涼二州奴爲庶人。是歲，莎車、鄯善皆遣使奉獻。西域諸國苦匈奴重歛，請置都護，不許。

39 年

己亥 漢建武十五年

二月，以匈奴攻掠日甚，遣吳漢等擊之。徙雁門、代郡、上谷吏民六萬餘於居庸、常山關以東，以避匈奴，匈奴左部遂轉居塞內。六月，復置屯騎、長水、射聲三校尉官，改青巾左校尉爲越騎校尉。詔州郡檢覈田數、戶口、年紀，又考實二千石、長吏阿枉不平者。

十一月，大司徒歐陽歆坐爲太守時度田不實，賊千餘萬，下獄死。十二月，匈奴護盧芳入居高柳。

40 年

庚子 漢建武十六年

二月，交趾蓋冷縣維將女徵側與妹徵貳起事，九真、日南、合浦俚人皆應之，凡略六十五城，自立爲王。九月，郡國大姓紛起爲亂，青、徐、幽、冀尤甚；遣使下郡國，許相斬除罪，遂皆解散。十二月，盧芳降，封代王。二十餘年來民間雜用布、帛、金、粟相交易，至是復五銖錢。

41 年

辛丑 漢建武十七年

七月，巫者李廣等據皖城，遣馬援等擊之，九月，斬廣。十月，復王爵。是歲，莎車遣使奉獻，請置西域都護。帝卽以西域都護印綬賜之，旣而收還，更賜大將軍印綬。莎車王怨，自稱大都護以威諸國。匈奴、烏桓、鮮卑數連兵入塞。以馬援爲伏波將軍擊交趾。

42 年

壬寅 漢建武十八年

二月，蜀郡將史歆逐太守，宕渠楊偉等應之。三月，馬援大破徵貳。四月，除邊郡盜穀五十斛死罪法。五月，盧芳復亡入匈奴，後十餘年死。七月，史歆等敗死，其黨數百家徙南郡、長沙。是歲，罷州牧，置刺史。

43 年

癸卯 漢建武十九年

正月，馬援擊敗徵側等，殺之；又破九真豪帥都陽等，嶺南悉定。援申明舊制，自後駱越奉

行馬將軍故事。春，巫者單臣、傅鎮等據原武，自稱將軍；四月，敗死。西南夷棟蠡攻益州郡，遣劉尚擊之。越雋太守邛穀王任貴謀襲尚，事覺。十二月，尚襲殺貴。是歲，復置函谷關都尉。

44 年

甲辰 漢建武二十年

五月，匈奴掠上黨、天水，至扶風。十二月，匈奴掠天水、扶風、上黨。劉尚連破棟蠡兵。東夷、韓人及康斯人詣樂浪請內附。是歲，省五原郡，徙其吏民於河東。

45 年

乙巳 漢建武二十一年

正月，劉尚殺棟蠡帥，略定益州。四月，安定屬胡據青山，遣將擊平之。烏桓與匈奴、鮮卑連兵入寇，代郡以東，尤受烏桓之害，邊陲蕭條，無復人跡。八月，馬援擊烏桓，無功。鮮卑侵擾遼東，太守祭彤大破之。冬，匈奴入上谷、中山。車師前王、鄯善、焉耆等十八國以苦莎車苛斂，請置都護，不許。

46 年

丙午 漢建武二十二年

匈奴單于遣使求和親。匈奴爲烏桓所破，北徙。詔罷邊郡亭候、卒史，以幣帛招降烏桓。鄯善與車師皆附匈奴。

47 年

丁未 漢建武二十三年

正月，南郡蠻起事，遣將破之，徙其種落於江夏。高句麗蠡支落大加請附於漢。十二月，武陵蠻帥相單程等起事，遣將擊之，全軍

敗沒。匈奴薁鞬日逐王遣使詣河西求內附。

48 年

戊申 漢建武二十四年

正月，匈奴薁鞬日逐王與其八部大人叩五原塞，請捍邊，許之。七月，武陵蠻攻臨沅，遣馬援等擊之。十月，匈奴薁鞬日逐王自立爲單于，是爲南單于；匈奴再分爲南北。

49 年

己酉 漢建武二十五年

正月，高句麗擾右北平、漁陽、上谷、太原，遼東太守祭彤招撫之。彤又賂鮮卑攻匈奴，計首級受賞，匈奴益弱。南匈奴單于遣使稱藩，三月，遣子入侍。馬援卒於軍，武陵蠻旋於十月敗。扶餘王遣使奉獻。是歲，烏桓大人郝旦等內屬，封其渠帥爲王、侯、君長者八十一人，使居塞內緣邊諸郡，爲漢偵候，置烏桓校尉於上谷寧城以監護之，並領鮮卑賞賜、質子、互市事。

50 年

庚戌 漢建武二十六年

正月，增百官俸，千石以上減於西京舊制，六百石以下則稍增。遣使授南匈奴單于璽，聽入居雲中，遣使匈奴中郎將，將兵監護之。夏，南匈奴單于部下內鬩，左賢王自立爲單于，月餘死。令雲中、五原、朔方、北地、定襄、雁門、上谷、代八郡民昔之避匈奴被遷者復歸本土。冬，北匈奴攻南匈奴，詔南單于徙居西河美稷，令西河長史歲將騎二千、弛刑五百人助衛之，冬屯夏罷，後以爲常。自是北地、朔方、五原、雲中、雁門、代郡皆有南單于部衆，與漢人雜居，爲郡縣偵候。

51 年

辛亥 漢建武二十七年

五月，詔司空、司徒並去“大”，改大司馬爲太尉。益州郡徼外夷內附。北匈奴遣使詣武威請和親；臧宮、馬武等請乘機滅北匈奴，皆不許。

52 年

壬子 漢建武二十八年

六月，以諸王賓客蕩亂法紀，下郡縣大收捕，死者以千數，八月，遣諸王就國。十月，詔死罪囚皆募下蠶室。北匈奴遣使貢裘馬，請和親；賜以綸帛。

53 年

癸丑 漢建武二十九年

54 年

甲寅 漢建武三十年

正月，鮮卑大人朝於漢。是歲，班彪死。

55 年

乙卯 漢建武三十一年

九月，詔死罪囚皆募下蠶室。北匈奴遣使奉獻。

56 年

丙辰 漢建武三十二年 建武中元元年

二月，封禪於泰山、梁父。四月，改元爲建武中元。是歲，參狼羌攻武都、隴西，武都郡兵擊敗之。是歲，桓譚死。

57 年

丁巳 漢建武中元二年

正月，倭奴國遣使奉獻，賜以「漢委奴國王」之印。二月，光武帝死，皇太子莊嗣位，是爲顯宗孝明皇帝。九月，燒當羌攻隴西，敗

郡兵，守塞諸羌皆應之；遣兵擊之，敗沒；十一月，復遣馬武等將四萬人增援。十二月，亡命殊死以下得以縑贖，並令有司檢舉選舉不實權門把持者。是歲，全國有戶四百二十七萬六百三十四，口二千一百萬七千八百二十。

58 年

戊午 漢顯宗孝明皇帝劉莊永平元年
七月，馬武等大破燒當羌；募士卒戍隴右，人賜錢三萬。是歲，遼東太守祭彤使鮮卑擊赤山烏桓，塞外大定，悉罷緣邊屯兵。越雋姑復夷起事，州郡討平之。

59 年

己未 漢永平二年
正月，明堂大禮，烏桓、濊貊、南匈奴侍子皆助祭。十月，初行養老禮。燒當羌滇吾降。

60 年

庚申 漢永平三年
圖畫中興功臣於南宮雲臺，共三十二人。是歲，京師及郡國七大水。

61 年

辛酉 漢永平四年

62 年

壬戌 漢永平五年
十一月，北匈奴擾五原，十二月，又擾雲中；南匈奴擊却之。是歲，發遣邊民在內郡者，賜裝錢人二萬。

63 年

癸亥 漢永平六年

64 年

甲子 漢永平七年
北匈奴遣使求合市，許之。

65 年

乙丑 漢永平八年
三月，越騎司馬鄭衆報使北匈奴還，得南匈奴交通北匈奴狀，請置大將防禁，由是置度遼將軍，屯五原曼柏。十月，募死罪囚詣度遼營，屯朔方邊縣，父母、同產、妻子隨者聽便占籍；徙者賜弓弩衣糧。楚王劉英奉縑帛贖罪，詔還之以助供養伊蒲塞、桑門；是為中國人崇信佛教見於記錄之始。北匈奴擾西河諸郡。遣蔡愔使西域，求佛經。

66 年

丙寅 漢永平九年
二月，減郡國死罪囚，與妻子徙詣五原、朔方，聽便占籍，所在死者免其妻之父兄一人終身徭役；妻無父兄，賜其母錢六萬，並免其口算。四月，詔郡國以公田賜貧民。詔司隸校尉、部刺史歲考長吏殿最以聞。為外戚樊、郭、殷、馬四姓小侯立學於南宮，置五經師。南匈奴單于遣子入學。是歲，大豐收。

67 年

丁卯 漢永平十年
蔡愔等取佛經回，浮屠迦葉摩騰、竺法蘭同來，佛法從此傳入中國。

68 年

戊辰 漢永平十一年
建白馬寺以居迦葉摩騰等。

69 年

己巳 漢永平十二年

正月，益州徼外哀牢王柳貌內附，以其地置哀牢、博南二縣；罷益州西部都尉，以所屬六縣合爲永昌郡。四月，發卒數十萬，遣樂浪王景等修汴渠堤，自滎陽至千乘海口千餘里，費計百億。河自王莽時決於魏郡，至是已五十八年，方塞之，河所經已非舊道。是歲，以比年豐收，粟斛三十錢。

70 年

庚午 漢永平十三年

四月，汴渠成；河、汴分流，復其舊迹，六十年之河患至是方息。十月，楚王英以罪廢，所連及死徙者數千人。

71 年

辛未 漢永平十四年

72 年

壬申 漢永平十五年

二月，詔亡命自殊死以下得以縑贖。三月，帝至魯，訪孔子舊宅，祠孔子及七十二弟子。十二月，遣耿秉、竇固等屯涼州備擊北匈奴。

73 年

癸酉 漢永平十六年

二月，遣將四道擊北匈奴，惟竇固至天山斬千餘級，取伊吾廬地，置宜禾都尉；祭彤、耿秉、來苗皆無功。竇固遣假司馬班超使西域，至鄯善，超殺北匈奴使者，鄯善震恐，納子爲質。超以功爲軍司馬，復西定于窴等地。西域與漢絕六十五年，至是復通。五月，淮陽王延有罪案驗，牽連死者甚衆。九月，令郡國、中都官死罪囚減死，屯朔方、敦煌，妻

子自隨，父母、同產欲從者聽。是歲，北匈奴大入雲中，太守廉范擊破之。

74 年

甲戌 漢永平十七年

三月，西南夷哀牢、僇耳、僛僛、槃木、白狼、勰黏等百餘國皆遣使貢獻。西域諸國多遣子入侍。八月，令武威、張掖、酒泉、敦煌及張掖屬國囚罪在斷右趾以下任兵者，皆遣詣軍營。十一月，遣竇固等出昆侖塞，擊定車師，奏復置西域都護及戊己校尉。

75 年

乙亥 漢永平十八年

三月，令郡國亡命自殊死以下得以縑贖。北匈奴破車師後王，圍金蒲城，耿恭擊却之，恭旋引兵據疏勒城。六月，焉耆、龜茲攻沒西域都護。七月，北匈奴兵復圍耿恭，旋解去。八月，明帝死，皇太子烜嗣位，爲爲肅宗孝章皇帝。十一月，北匈奴圍柳中城，攻耿恭於疏勒城；發張掖等三郡及鄯善兵救之。

76 年

丙子 漢肅宗孝章皇帝劉烜建初元年

正月，授耿恭軍大勝，迎恭回；罷戊己校尉及都護官，班超留西域未返。二月，武陵蠻中蠻起事。三月，詔舉孝廉方正能直言極諫之士各一人。七月，以上林池鑾田賦與貧民。九月，哀牢王殺守令，攻博南。十月，武陵郡兵破降蠻中蠻。邊郡兵與南匈奴及烏桓共破北匈奴之侵擾者。

77 年

丁丑 漢建初二年

三月，罷伊吾廬屯兵，北匈奴復據其他。永昌、越雋、益州三郡及昆明夷兵破斬哀牢王。

四月，詔齊國止作冰執、方空穀、吹綸絮。
六月，勒姐、吾良羌相結，殺漢吏；燒當羌率諸種起事，敗金城太守，攻漢陽、隴西；八月，遣馬防等擊之，斬四千餘級，降其一部。

78 年

戊寅 漢建初三年

四月，罷常山呼沱、石臼河漕渠。馬防等大破羌兵，勒姐等十三種羌皆降。閏四月，班超率疏勒、康居、于寔、拘彌兵破姑墨。十二月，武陵蠻中蠻起事。

79 年

己卯 漢建初四年

十一月，詔諸儒會於白虎觀，議五經同異，作白虎議奏（即今之白通虎。）

80 年

庚辰 漢建初五年

二月，荆、豫諸郡兵破蠻中蠻。是歲，班超上書請經營西域，許之，命徐幹將弛刑及義從千人往助超，先破疏勒之背漢者，進圖龜茲。

81 年

辛巳 漢建初六年

廬江太守王景修復芍陂，徑百里，溉田萬頃（史言建初中，姑置於此）。

82 年

壬午 漢建初七年

九月，詔郡國繫囚減死一等，將妻子遺詣邊戍，隨所在占籍，父母、同產欲從者聽；有不到者，以乏軍興論。

83 年

癸未 漢建初八年

六月，北匈奴三木樓訾大人等請降。十二月，令選高才生受學左氏、穀梁春秋、古文尚書、毛詩。是歲，交趾七郡貢道由東冶改由零陵、桂陽。

84 年

甲申 漢建初九年 元和元年

正月，日南徼外夷來獻。二月，令郡國募人無田欲徙他地者，給公田以耕，免五年租、三年算。其後欲還本鄉者，勿禁。六月，以郡國貢舉不實，詔公卿討議。七月，禁酷刑。八月，改元。十一月，禁鹽鐵私煮私鑄。是年北匈奴請互市，許之。北匈奴大且渠等驅牛馬萬餘頭來，南匈奴遣騎鈔掠。班超發疏勒、于寔兵擊莎車，疏勒王背漢與莎車合，敗奔康居。超更為疏勒立新王，使說康居執疏勒前王。

85 年

乙酉 漢元和二年

正月，詔懷妊者賜胎養穀，免其夫一歲算，著為令。北匈奴大人來降者七十三人。二月，以太初曆訛差，詔頒新制四分曆。三月，帝至魯，祠孔子及七十二弟子。五月，令郡國舉明經，口十萬以上者五人，不滿十萬者三人。七月，詔定律無以十一、十二月報囚。冬，北匈奴以互市為南匈奴所掠，聲言將南來攻擾；詔償北匈奴所失。

86 年

丙戌 漢元和三年

二月，詔常山等六郡國以閑田與貧民使墾闢。十月，燒當羌攻隴西，其酋帥被獲，釋之，羌罷兵。是歲，班超定疏勒。

87 年

丁亥 漢元和四年 章和元年

三月，護羌校尉澂變諸羌，死喪吏士八百八十人。四月，令郡國、中都官繫囚減死一等，遣戍金城。七月，鮮卑大破北匈奴，殺單于。護羌校尉以毒酒饗來降羌，伏兵殺其酋豪八百餘人，又擊斬餘衆數千。諸羌解仇交質，據大小榆谷以抗漢兵。改元。九月，詔郡國、中都官繫囚減死一等，遣戍金城。十月，北匈奴大亂，五十八部、二十八萬口詣雲中、五原、北地、朔方降。曹褒上漢禮一百五十篇。是歲，班超定莎車。大月氏遣使貢獻。

88 年

戊子 漢章和二年

正月，章帝死，皇太子肇嗣位，是爲孝和皇帝。四月，罷鹽鐵禁。七月，北匈奴饑亂，自是降南匈奴者歲數千人，南單于請派兵助攻北匈奴。十月，以竇憲、耿秉等將邊兵及羌胡兵出塞伐北匈奴。護羌校尉鄧訓厚結小月氏及湟中諸胡，並誘一部分羌人，擊諸羌之反抗者。

89 年

己丑 漢孝和皇帝劉肇永元元年

春，鄧訓大破諸羌，略定隴右。六月，竇憲等大破北匈奴於稽落山，追至私渠北靺海，斬獲甚衆，降二十餘萬人，出塞三千里，勒銘燕然山。北單于遣弟奉獻。九月，竇憲以功拜大將軍，位三公上，於是竇氏權勢熾盛。十月，令郡國弛刑徒輸作軍營。

90 年

庚寅 漢永元二年

二月，復置西河、上郡屬國都尉官。五月，竇憲遣將攻取北匈奴伊吾盧地；車師前後王

懼，遣子入侍。大月氏王求通婚被拒，怒攻班超，超大敗之。九月，北單于稱臣。十月，南匈奴兵與漢兵襲北匈奴，單于受傷遁，遣擊至私渠海而還。

91 年

辛卯 漢永元三年

二月，竇憲圖滅北匈奴，遣耿种、任尚出居延，深入五千餘里，大破北單于於金微山，北單于遁，不知所之。十二月，龜茲、姑墨、溫宿諸國皆降，復置西域都護騎都尉、戊己校尉官，以班超爲都護。北單于弟於除鞬自立爲單于，將數千人止於蒲類海，款塞請降；下公卿議。竇憲主受之；司徒袁安以供給南單于歲費一億九十餘萬，西域歲費七千四百八十萬，再增北匈奴勞費太甚，力主拒之。

92 年

壬辰 漢永元四年

正月，從竇憲議，授北匈奴於除鞬單于璽，使中郎將持節監護，屯伊吾，如南單于故事。六月，和帝與宦官鄭衆定議，收竇憲大將軍印綬，以侯就國，迫令自殺，並收捕罷黜竇氏黨羽；班固下獄瘐死。固所著漢書未就，詔其妹昭續成之。鄭衆以功進秩，每參論議，是爲宦官用權之始。十月，武陵、零陵、澧中蠻起事。十二月，燒當羌攻金城。

93 年

癸巳 漢永元五年

九月，北單于於除鞬以竇憲誅死，率衆北遁，遣將追斬之。北匈奴既破，鮮卑徙據其地，後乃併匈奴餘種十餘萬，勢漸盛。武陵郡兵破降諸蠻。護羌校尉賈友破燒當羌，逐之遠徙。

94 年

甲午 漢永元六年

正月，南匈奴單于安國與右谷蠡王師子不和，漢將祖師子，安國疑懼舉兵，漢將擊之急，其部下殺安國，立師子爲單于。永昌徼外夷遣使奉獻。四月，蜀郡徼外羌內附。七月，班超大破焉耆、尉犁，殺其王；西域五十餘國皆納質內屬。十一月，北匈奴降者十五部、二十餘萬人，脅立南匈奴日逐王爲單于，殺吏民，焚廬帳；發羽林、五校、郡國迹射及烏桓、鮮卑與南匈奴兵擊之，斬萬七千級。武陵淩中蠻起事，尋敗。

95 年

乙未 漢永元七年

96 年

丙申 漢永元八年

五月，南匈奴烏居戰遁出塞；七月，遣將破斬之，徙其餘衆及降胡於安定、北地。八月，詔郡國中都官繫囚減死一等，遣戍敦煌。車師後王攻車師前王。十二月，護羌校尉史充發淩中羌胡出塞擊燒當羌，敗還。

97 年

丁酉 漢永元九年

正月，永昌徼外夷及犍國奉獻。三月，西域長史擊殺車師後王。八月，鮮卑侵肥如，殺略吏民。閏八月，燒當羌攻隴西，結塞內諸羌，殺長吏；發漢兵及羌胡擊退之。是歲，班超遣甘英使大秦、條支，至安息西界而還。

98 年

戊戌 漢永元十年

十二月，燒當羌帥迷唐降，罷兵；迷唐率種人

朝獻。

99 年

己亥 漢永元十一年

100 年

庚子 漢永元十二年

二月，旄牛徼外白狼、獫狁內附。四月，日南象林蠻起事，郡兵擊平之。十一月，西域蒙奇、兜勒二國遣使內附。是歲，燒當羌帥迷唐結淩中諸胡鈔掠出塞。許慎作說文解字成，凡十二萬三千四百四十一字。

101 年

辛丑 漢永元十三年

八月，護羌校尉周鮪等大破燒當羌，徙降者於漢陽、安定、隴西。十一月，安息國使獻師子及條支大爵。詔緣邊諸郡口十萬以上，歲舉孝廉一人；不滿十萬，二歲舉一人；五萬以下，三歲舉一人。鮮卑攻右北平，入漁陽；郡兵擊破之。十二月，巫蠻許聖以收稅不均，起兵反抗，攻南郡。是歲，賈逵死。

102 年

壬寅 漢永元十四年

二月，安定降羌燒何種起事，爲郡兵所破。詔修西海郡故城，徙金城西部都尉戍之。四月，遣使者擊破巫蠻，許聖降，悉徙置江夏。五月，初置象林將兵長史官。八月，班超自西域還洛陽，九月，死。十一月，從司空徐防言，太學試博士弟子務從家法。是歲，初復郡國上計吏補郎官。封宦者鄭衆爲侯。

103 年

癸卯 漢永元十五年

七月，復置涿郡故安鐵官。是歲，初令郡國

以夏至按薄刑。

104 年

甲辰 漢永元十六年

十一月，北匈奴遣使稱臣，願和親，修呼韓邪單于故約，不許。十二月，復置遼東西部都尉官。

105 年

乙巳 漢永元十七年 元興元年

春，高句麗掠遼東六縣。四月，改元。九月，遼東太守擊破高句麗及貊人。十二月，和帝死，少子隆生方百餘日，立為皇太子，嗣位，是為孝殤皇帝；皇太后鄧氏臨朝稱制。北匈奴遣使詣敦煌貢獻，仍請修故約；不許。

106 年

丙午 漢孝殤皇帝劉隆延平元年

四月，鮮卑攻漁陽，太守戰死。六月，減宮廷用度，舊太官、湯官歲費二萬萬，至是裁數千萬；又放掖庭宮人。八月，殤帝死，皇太后定策迎清河王子祐嗣位，是為恭宗孝安皇帝，鄧太后仍臨朝。九月，西域諸國攻都護任尚，遣副校尉梁懂馳救，懂大破之。十二月，詔公卿、二千石各舉隱士、大儒，備博士選。

107 年

丁未 漢孝安皇帝劉祐永初元年

正月，蜀郡徼外羌內屬。分犍為郡南部為屬國都尉。三月，永昌徼外僬僿夷內屬。五月，詔改以立秋日按薄刑。九月，徼外夜郎夷內屬。六月，先零種羌叛，討之。以西域勞費，罷都護及伊吾廬、柳中屯田。隴西諸郡羌以吏民豪右欺陵，連結起事，州郡兵不能制；詔赦諸羌連結者罪以散離之。十月，倭

國王帥升等遣使獻。十二月，遣鄧騭等將兵五萬人屯漢陽，備羌。是歲，鮮卑大人燕荔陽來朝，賜以王印綬，令止烏桓校尉所居寧城下通胡市，築南北兩部質館；鮮卑百二十部各遣子入質。

108 年

戊申 漢永初二年

正月，鄧騭為鍾羌所敗，喪千餘人；梁懂破諸羌萬餘人，羌豪三百餘人降。以公田賦貧民。七月，詔徵明習天文、陰陽者。閏七月，蜀郡徼外薄申等八種羌內附。九月，詔諸王、公主官屬，墨綬以下廉孝有才者，得與計偕，調令外補。十月，任尚為先零羌豪滇零等所敗，亡八千餘人，羌勢大盛。滇零稱帝於北地，結武都參狼羌、上郡西河諸種羌攻掠三輔，東入趙、魏，南入益州，殺漢中太守；梁懂擊破之，羌稍退。十二月，廣漢塞外參狼羌降，分廣漢北部為屬國都尉。

109 年

己酉 漢永初三年

正月，當煎、勒姐羌陷破羌縣；鍾羌陷臨洮縣，俘隴西南部都尉。高句麗遣使貢獻。四月，令吏民入錢穀得拜官賜爵有差。詔上林廣成苑賦與貧民。六月，漁陽、右北平烏桓擾上谷、涿郡、代郡。七月，張伯路等作亂，攻緣海九郡，遣使督州郡兵破之。九月，雁門烏桓與鮮卑、南匈奴連兵犯五原，大敗漢兵，南單于圍美稷。十一月，遣兵擊破南匈奴莫閼日逐王。是歲，京師及并、涼二州大饑，人相食。

110 年

庚戌 漢永初四年

正月，張伯路復結勃海、平原劉文河、周文光

等攻殺厭次令；遣使發幽、冀諸郡兵與青州刺史並力擊之。耿夔、梁慁破南單于。詔減百官及州郡縣俸。二月，南匈奴攻常山。先零羌攻褒中。初置京兆虎牙都尉於長安，扶風都尉於雍，以衛園陵、護三輔。朝歌寧季等數千人攻殺長吏，屯聚連年，州郡不能禁，朝歌令計破散之。詔謁者劉珍等校定東觀五經、諸子、傳記、百家、藝術。三月，南單于降，還所虜漢人男女及羌所略賣入匈奴中者合萬餘人。先零羌復攻褒中，太守戰死，喪三千餘人。徙金城郡都襄武。張伯路降，復叛，敗走遼東，止海島上。七月，護羌校尉移居張掖。

〔大月氏〕迦膩色迦嗣爲王。是時大月氏領土已向東擴張到和闐，在印度領土至恒河流域，西起波斯，東至中國新疆及印度恒河，皆入版圖，都配夏洼，東、西、南三方文化，皆薈萃於此，一時稱盛。迦膩色迦信奉佛教，嘗於罽賓召集第四次佛教大會，高僧馬鳴等赴者五百人，以梵文編訂佛典，復以希臘雕刻方法雕刻佛像及廟寺建築，對佛教發展有很大的影響。在此次大會時，南印度僧人不到，由是佛教分爲二派，南派以師子國爲中心，北派以北印度爲中心。

111 年

辛亥 漢永初五年

二月，先零羌攻河東，至河內；遣五校士屯孟津，詔魏郡、趙國、常山、中山繕作塢候六百一十六所以備羌。三月，詔隴西徙襄武，安定徙美陽，北地徙池陽，上郡徙衙，以避羌。任尚破羌於上黨，乃罷孟津屯。夫餘攻樂浪。高句麗與濊貊攻玄菟。張伯路復攻東萊，敗走遼東，被殺。九月，漢陽杜琦及弟季貢與王信等結諸羌，攻陷上邽；琦被刺死，季貢、王信等據橐泉營。

112 年

壬子 漢永初六年

正月，詔越雋置長利、高望、始昌三苑，益州置萬歲苑，犍爲置漢平苑。夏，先零羌帥滇零死，子零昌襲。五月，詔中二千石下至黃綬一切復秩。六月，王信敗死，杜季貢亡從先零羌爲將軍。

113 年

癸丑 漢永初七年

秋，護羌校尉侯霸等破先零別部牢羌於安定，俘斬千人。

114 年

甲寅 漢元初元年

正月，改元。四月，詔舉敦厚質直者。五月，先零羌攻雍城。七月，蜀郡夷攻殺蠶陵令。九月，燒當羌豪號多攻掠武都、漢中、巴郡，板楯蠻與郡中兵共擊破之。號多與零昌合，侯霸敗之於枹罕。十月，先零羌敗涼州兵於狄道，殺八百餘人。

115 年

乙卯 漢元初二年

正月，蜀郡青衣道夷內屬。修西門豹所分漳水爲支渠以溉民田。二月，詔三輔、河東、上黨、趙國、太原各修舊渠。三月，護羌校尉龐參招撫諸羌，號多等降。參還治令居，通河西道。零昌分兵攻益州；遣尹就擊之。八月，遼東鮮卑圍無慮縣，九月，又攻夫犁營，殺縣令。尹就擊羌黨呂叔都等，使人刺殺之。十月，龐參等分道擊零昌，皆敗，死三千餘人。任尚破杜季貢。武都太守虞詡破羌於赤亭。十二月，武陵澧中蠻起事，州郡擊平之。

116 年

丙辰 漢元初三年

正月，修理太原舊溝渠，溉灌官私田。蒼梧、鬱林、合浦夷起事，遣兵擊之。五月，武陵蠻起事，州郡擊破之。度遼營與南匈奴兵破零昌於靈州。越雋徼外夷內附。六月，任尚破先零羌於丁奚城。七月，武陵蠻復起事，州郡擊平之。九月，馮翊北界築候塢五百所以備羌。十一月，蒼梧、鬱林、合浦夷降。十二月，任尚擊破零昌於北地。

117 年

丁巳 漢元初四年

二月，任尚遣當闐種羌榆鬼等殺杜季貢。四月，遼西鮮卑擾亂，郡兵與烏桓大人於秩居等共破之。六月，益州之羌多受撫降散。九月，任尚募效功種羌號封刺殺零昌，以號封爲羌王。十二月，越雋夷大牛種封離等攻殺遂久令。任尚等大破先零羌，狼莫遁，西河度人種羌萬人降，隴右無事。

118 年

戊午 漢元初五年

六月，高句麗與濊貊攻玄菟。永昌、益州、蜀郡夷皆起應封離，衆十餘萬，破二十餘縣。八月，代郡鮮卑攻殺長吏；發兵屯上谷備之。十月，鮮卑入上谷，攻居庸關；復發兵遏之。度遼將軍鄧遵募上郡全無種羌雕何刺殺狼莫，諸羌瓦解。羌事耗軍費二百四十餘億，兵士死者不可勝數，并、涼虛耗。

119 年

己未 漢元初六年

七月，鮮卑攻馬城塞，度遼營與南匈奴兵大破之。是歲，益州刺史張奮遣兵至牁榆，大破

封離，斬三萬餘級，俘千五百人，封離及其餘三十六種皆被迫投降；治長吏侵陵夷人者九十人罪。北匈奴復役屬西域諸國；敦煌太守遣長史索班屯伊吾，車師前王及鄯善復附漢。

120 年

庚申 漢元初七年 永寧元年

三月，北匈奴結車師後王共殺漢吏，逐車師前王。鄯善告急，復置西域副校尉居敦煌，遙控西域。沈氏羌攻張掖。四月，改元。六月，護羌校尉馬賢破沈氏羌，俘斬三千餘；當煎羌攻金城，賢又破之。燒當羌復攻張掖。十二月，永昌徼外捍國使獻大秦幻人。遼西鮮卑大人烏倫、其至鞬等降。是歲，扶餘王遣子奉獻。

121 年

辛酉 漢永寧二年 建光元年

二月，馬賢殺當煎豪盧忽，俘二千餘人，殘部亡出塞。幽州刺史馮煥等擊高句麗、濊貊不克，高句麗襲遼東、玄菟，殺傷二千餘人。三月，鄧太后死，安帝始親政。四月，高句麗、濊貊、鮮卑連兵侵遼東，太守戰死。詔舉有道之士。七月，改元。八月，燒當羌攻湟中、金城，敗馬賢於牧苑，敗武威、張掖郡兵於令居；結先零、沈氏諸種攻武威。九月，鮮卑其至鞬攻居庸關，殺雲中太守，圍烏桓校尉，以救至解去。十一月，鮮卑攻玄菟。初置漁陽營兵。十二月，高句麗、馬韓、濊貊圍玄菟；扶餘王遣兵助州郡擊退之。是歲，蔡倫死。倫曾發明造紙，世稱蔡侯紙。

122 年

壬戌 漢建光二年 延光元年

二月，扶餘王遣使奉獻。三月，改元。馬

賢擊潰燒當羌於湟中。七月，高句麗詣玄菟降，還所虜漢人。度人羌結上郡胡擾亂，攻穀羅城，度遼營兵擊破之。十月，鮮卑攻雁門、定襄，十一月攻太原。燒當羌以饑困降。十二月，九真徼外夷內附。

123 年

癸亥 漢延光二年

正月，旄牛夷攻殺靈關令，益州刺史、蜀郡西部都尉擊破之。詔選三署郎及吏人通古文尚書、毛詩、穀梁春秋各一人。四月，以北匈奴屢與車師攻擾河西，命班勇為西域長史，將兵屯柳中。十一月鮮卑攻南匈奴於曼柏，殺千餘人。是歲，分蜀郡西部為屬國都尉。

124 年

甲子 漢延光三年

正月，班勇發鄯善、龜茲、姑墨、溫宿兵擊破北匈奴伊蠡王於車師前王庭，西域又通。三月，帝至魯，祠孔子及七十二弟子。五月，南匈奴大人阿族等以徵調煩苦，率衆北走；度遼營兵與胡追擊之，斬獲殆盡。日南徼外夷內附。六月，鮮卑攻玄菟。青、冀二州騷動，遣侍御史分行督捕。七月，鮮卑攻高柳。九月，詔郡國、中都官繫囚減死一等，遣詣敦煌、隴西及度遼營。隴西郡還治狄道。

125 年

乙丑 漢延光四年（北鄉侯劉鈗在位七個月）

三月，安帝死，皇后閭氏定策，以北鄉侯劉鈗嗣位，以后兄閭顯為車騎將軍。七月，班勇發敦煌、張掖、酒泉及鄯善、疏勒、車師前部兵擊車師後王，俘八千餘人，斬後王及匈奴使。十月，北鄉侯死。十一月，中常侍孫

程等擁立廢太子濟陰王保，是為孝順皇帝，孫程等皆封列侯，宦官權日熾。

126 年

丙寅 漢孝順皇帝劉保永建元年

二月，馬賢大破鍾羌於臨洮。八月，鮮卑侵代郡，太守戰死。九月，初令三公、尚書入奏事。十月，詔減死罪以下徙邊。南單于請修繕朔方以西障塞，以防鮮卑。遣黎陽營兵屯中山北界，緣邊增置步兵，調五校弩師，郡舉五人教射。班勇使人斬東且彌王，略定西域東部。勇發諸國兵擊北匈奴呼衍王，降其二萬人，呼衍王徙居枯梧河上。北單于自將來援，勇使人逐走之，斬其骨都侯。

127 年

丁卯 漢永建二年

正月，漢兵與南匈奴兵擊破鮮卑其至鞬。二月，鮮卑攻遼東、玄菟，烏桓校尉耿种發漢兵及烏桓騎破之，鮮卑三萬人降。三月，疏勒國遣使奉獻。六月，班勇等破降焉耆、危須、尉犁三國。

128 年

戊辰 漢永建三年

九月，鮮卑侵漁陽。

129 年

己巳 漢永建四年

九月，安定、北地、上郡還舊土。十一月，鮮卑侵朔方。于寘王殺拘彌王，以其子為拘彌王，遣使貢獻。

130 年

庚午 漢永建五年

正月，疏勒王遣子入侍，大宛、莎車皆遣使奉

獻。十月，詔郡國、中都官死罪繫囚皆減罪一等，遣戍北地、安定、上郡

131 年

辛未 漢永建六年

三月，復伊吾屯田，置司馬一人。九月，繕起太學，凡二百四十房，千八百五十室。

護烏桓校尉耿种遣兵破鮮卑。于寘王遣使奉獻。十二月，日南徼外葉調國、揮國皆遣使奉獻。

132 年

壬申 漢永建七年 陽嘉元年

二月，會旌等作亂，殺句章、鄞、鄞三縣長，攻會稽東部都尉；詔緣海各縣屯兵。三月，揚州六郡亂，推章河等爲首，分布四十九縣，殺傷官吏。改元陽嘉。七月，太史令張衡作候風地動銅儀。太學成；試明經下第者補博士弟子，增甲乙科，員各十人；除郡國耆儒九十人補郎舍人。冬，耿种遣烏桓鈔擊鮮卑；鮮卑攻遼東屬國。令郡國舉孝廉，立限年課試法，其有茂才異行不拘年齒。十二月，復置玄菟郡屯田六部。閏十二月，令凡以詔除爲郎年四十以上課試如孝廉科者，得參廉選，歲舉一人。申覈實選舉令。

133 年

癸酉 漢陽嘉二年

三月，使匈奴中郎將王稠遣從事將南匈奴兵擊鮮卑破之。除京師耆儒年六十以上者四十八人補郎、舍人及王國郎。四月，復置隴西南部都尉官。六月，疏勒國獻師子、封牛。詔舉敦樸之士，馬融、張衡皆與其選。八月，鮮卑侵馬城，敗代郡太守。

134 年

甲戌 漢陽嘉三年

三月，益州民變，劫令長，殺列侯。四月，車師後部司馬率後王擊北匈奴於閼吾陸谷，大破之，獲單于季母。五月，張衡請禁圖讖。七月，鍾羌反封等攻隴西、漢陽；十月，護羌校尉馬續擊破之。十一月，武都塞上屯羌及外羌侵屯田，掠人畜。

135 年

乙亥 漢陽嘉四年

春，北匈奴呼衍王攻車師後部，令敦煌太守發兵救之，敗績。二月，初聽宦官得以養子襲爵。馬賢大破鍾羌。十月，烏桓攻雲中，度遼將軍耿种追之，被圍；救兵至始退。

136 年

丙子 漢永和元年

正月，扶餘來王朝。十二月，象林蠻起事。武陵澧中、澧中蠻以增貢布，殺鄉吏起事。

137 年

丁丑 漢永和二年

正月，武陵蠻圍充城，攻夷道。二月，廣漢屬國都尉擊破白馬羌。武陵郡兵破武陵蠻。五月，日南象林蠻區憐等攻城殺官；交趾刺史發交趾、九真兵擊之，七月，士卒譁變。

138 年

戊寅 漢永和三年

四月，九江蔡伯流攻擾郡界及廣陵，殺江都長；閏四月，徐州刺史應志誘降之。五月，吳郡丞羊珍反，太守王衡破殺之。六月，交趾刺史張喬、九真太守祝良撫慰日南象林蠻，降者數萬，嶺外平。九月，令舉堪任將帥者。十月，燒當羌那離等攻金城，馬賢擊破之。

139 年

己卯 漢永和四年

四月，馬賢斬燒當羌那離。是歲，張衡死。

140 年

庚辰 漢永和五年

四月，南匈奴句龍大人吾斯、車紐等攻西河，圍美稷，掇朔方、代郡；五月，度遼將軍馬續擊破之；使匈奴中郎將陳龜追殺南單于。且凍、傅難種羌以不堪苛擾起事，攻金城，結雜羌胡，大擾三輔；以馬賢爲征西將軍，將十萬人擊之；九月，令扶風、漢陽築塢三百所，置屯兵。且凍羌攻武都，燒隴關。南匈奴句龍大人吾斯等立車紐爲單于，結烏桓、羌、胡，破京兆虎牙營，殺上郡都尉，掠并、涼、幽、冀四州。徙西河治離石、上郡治夏陽、朔方治五原。十二月，使匈奴中郎將張耽大破車紐等於馬邑，斬三千級，車紐降。是歲，會稽太守馬臻築鏡湖塘，溉田九千餘頃。

141 年

辛巳 漢永和六年

正月，馬賢攻且凍羌，敗死；東西羌會合，勢大熾。閏正月，鞏唐羌攻隴西、三輔，燒陵園，殺吏民。三月，武威太守趙冲破羌；詔以趙冲節度河西四郡兵。五月，使匈奴中郎將張耽等大破烏桓於通天山。鞏唐羌攻北地。七月，詔假民有貲者戶錢一千。九月，諸種羌攻武威。十月，徙安定治扶風，北地治馮翊，以避羌。荊州人民擾動經年，刺史李固撫定之；泰山人民亦有擾動，徙固爲泰山太守。

142 年

壬午 漢漢安元年

八月，南匈奴句龍大人吾斯等復掠并州。遣使分行州郡，舉賢黜奸。九月，廣陵人張嬰等游擊揚、徐間十餘年，太守張綱說降之。十月，罕羌降，惟燒何種未下，羌事緩，罷張喬軍屯。十一月，詔選武猛任將校者。

143 年

癸未 漢漢安二年

二月，鄯善國遣使奉獻。四月，護羌校尉趙冲等破燒何羌於參縣。六月，立南匈奴守義王兜樓儲爲單于。十月，令繫囚殊死以下出贖贖；不能入贖者遣詣臨羌縣居作二年。減百官俸。禁沽酒。貸王侯國租一歲。閏十月，趙冲等破燒當羌於阿陽。十一月，使匈奴中郎將馬寔使人刺殺句龍大人吾斯。十二月，揚、徐等州民變，攻城殺官。尚書令黃瓊奏請選舉增孝悌及能從政爲四科。

144 年

甲申 漢漢安三年 建康元年

三月，護羌校尉從事馬玄結諸羌亡出塞；校尉衛瑄追斬之，殺八百餘人。趙冲追羌人，戰死。南郡、江夏民亂紛起，州郡討平之。四月，使匈奴中郎將馬寔破降南匈奴左部，胡、羌、烏桓皆降。改元建康。八月，九江人范容、周生等，攻城邑，屯據歷陽，遣御史中丞馮翊督州兵擊之。順帝死，皇太子炳嗣位，是爲孝冲皇帝，皇太后梁氏臨朝稱制。九月，揚州刺史尹耀、九江太守鄧顯擊范容等，敗死。十月，日南蠻復起，攻燒縣邑；交趾刺史夏方撫降之。十一月，九江人徐鳳、馬弼等，攻燒城邑，鳳稱無上將軍，弼稱皇帝，建年號，置百官。十二月，九江人黃虎等攻合肥。是歲，全國有戶九百九十四萬六千九百九十，墾田六百八十九萬六千二百七十一頃五十六畝九十四步。

145 年

乙酉 漢孝沖皇帝劉炳永熹元年

正月，沖帝死。大將軍梁冀定策立勃海王鴻子續嗣位，是爲孝質皇帝。廣陵張嬰復攻堂邑、江都，殺縣長。九江徐鳳等攻殺曲陽、東城長。二月，諸羌離蒲等五萬餘戶詣左馮翊梁並降。三月，九江都尉滕撫等攻馬勉、范容、周生，大破斬之。四月，丹陽人陸宮等作亂，圍城邑，燒官署，爲郡兵所破。五月，下邳謝安率其宗親擊徐鳳，鳳敗死。六月，鮮卑擾代郡。七月，廬江民變，攻尋陽、盱台，滕撫破之。十一月，滕撫破張嬰，俘殺千餘人。歷陽人華孟作亂，稱黑帝，殺九江太守；滕撫擊之，孟敗死。巴郡人服直起事，稱天王；益州刺史與巴郡太守擊之，不利。

146 年

丙戌 漢季質皇帝劉繼本初元年

四月，令郡國舉明經，年五十以上、七十以下，詣太學，歲滿課試，拜官有差。自是公卿皆受業遊學，太學生增至三萬餘人。六月，梁冀鳩殺質帝，迎蠡吾侯志嗣位，是爲孝桓皇帝；皇太后梁氏仍臨朝。是歲，高句麗襲遼東；掠樂浪太守妻子。

147 年

丁亥 漢孝桓皇帝劉志建和元年

十一月，清河劉文與南郡劉鮪交通，欲立清河王蒜爲皇帝，劫殺國相，事敗，被殺；梁冀誣前太尉李固、杜喬與謀，皆下獄死。陳留人李堅爲亂，稱皇帝，敗死。大月氏僧支謙至洛陽。

148 年

戊子 漢建和二年

三月，白馬羌攻廣漢屬國，益州刺史率板楯蠻擊破之。十月，長平人陳景自號黃帝子，署置官屬，南頓人管伯稱真人；並圖作亂，皆敗死。安息僧安世高至洛陽。

149 年

己丑 漢建和三年

150 年

庚寅 漢和平元年

正月，改元。二月，扶風人裴優起事，稱皇帝，敗死。十一月，減死罪人一等徙戍邊。

151 年

辛卯 漢元嘉元年

正月，改元。四月，任城、梁國饑，民相食。北匈奴呼衍王擾伊吾。七月，武陵蠻亂。十一月，詔舉獨行之士；涿郡崔寔不應徵，作政論。

152 年

壬辰 漢元嘉二年

正月，西域長史妄殺于賓國王，爲于賓所殺。

153 年

癸巳 漢元嘉三年 永興元年

五月，改元。七月，郡國三十二大災，民饑，流冗數十萬戶，冀州尤甚。冀州刺史朱穆忤宦官，免官，輸作左校；太學生劉陶等數千人上書訟穆寃，赦之。十月，武陵太守應奉招降武陵蠻。車師後王阿羅多攻屯田，殺吏士，亡入北匈奴；漢立卑君爲王，阿羅多還與卑君爭。戊校尉嚴詳請令阿羅多復位，還卑君於敦煌，分與三百帳。

154 年

甲午 漢永興二年

閏九月，減死罪囚一等戍邊。蜀郡人李伯起事，稱太初皇帝，敗死。十一月，泰山琅邪人公孫舉、東郭寶等起事，殺官吏。

155 年

乙未 漢永壽元年

正月，改元。二月，司隸、冀州饑，人相食。七月，初置泰山、琅邪都尉官。南匈奴左薁鞬臺耆、且渠伯德等攻美稷，東羌應之；安定屬國都尉張奐招撫東羌，共破薁鞬，伯德敗降。

156 年

丙申 漢永壽二年

三月，蜀郡屬國夷起事。七月，鮮卑大人檀石槐盡有匈奴故地，南入雲中。公孫舉等攻青、堯、徐三州，爲中郎將段熲所斬，被屠殺者萬餘人。

157 年

丁酉 漢永壽三年

四月，九真居風人朱達等結土夷殺縣令，攻九真，太守戰死；都尉魏朗擊破之，達退屯日南。十一月，長沙蠻攻益陽。是歲，全國有戶一千六十七萬七千九百六十，口五千六百四十八萬六千八百五十六。

158 年

戊戌 漢永壽四年 延熹元年

六月，改元。十二月，南匈奴諸部結烏桓、鮮卑擾緣邊九郡；北中郎將誘烏桓殺匈奴屠各渠帥，自引兵擊南單于，破降之。

159 年

己亥 漢延熹二年

二月，鮮卑攻雁門。蜀郡夷攻犛陵，殺縣令。六月，鮮卑攻遼東。八月，收梁冀大將軍印綬，冀與妻皆自殺，梁氏中外宗親皆下獄死，賞定亂有功者，封宦官單超等五人爲縣侯，自是宦官益橫。十二月，燒當、燒何等八種羌攻隴右；護羌校尉段熲擊破之，斬二千級，俘萬餘人。天竺國來獻。

160 年

庚子 漢延熹三年

閏正月，西羌與燒何羌攻張掖，段熲追擊至積石山，大破之。七月，長沙蠻據益陽，零陵蠻攻長沙。九月，泰山琅邪人勞丙等起事，爲州郡兵所敗。詔無事之官，權停俸，候豐年復故。十一月，九真朱達餘衆降。勒姐、零吾種羌圍允街，段熲擊破之。泰山人叔孫無忌起事，攻殺都尉，十二月，爲郡兵所敗。武陵蠻攻江陵，車騎將軍馮緄擊降之。荊州刺史度尚破長沙蠻。

161 年

辛丑 漢延熹四年

六月，犍爲屬國夷攻掠益州，刺史山昱擊破之。零吾、先零諸羌擾三輔。七月，減公卿以下俸，貸王侯半租，占賣關內侯以下官，錢各有差。十月，天竺國來獻。南陽黃武與襄城惠得、昆陽樂季謀起事被殺。先零、沈氏諸羌入并、涼二州，十一月，中郎將皇甫規擊破之，降者十餘萬。十二月，扶餘王遣使奉獻。

162 年

壬寅 漢延熹五年

三月，沈氏羌攻張掖、酒泉，皇甫規撫降十萬口。四月，長沙民亂，攻桂陽、蒼梧；零陵民亦亂，攻蒼梧、桂陽、南海、交趾，遣使督州郡兵擊之，不克。七月，烏吾羌攻漢陽、隴西、金城，諸郡兵討破之。八月，減虎賁、羽林不任事者半俸，勿與冬衣，公卿以下給冬衣之半。艾縣民亂，攻長沙郡縣，殺益陽令。零陵蠻攻長沙。十月，武陵蠻攻江陵，以馮緄爲車騎將軍，將兵十餘萬擊之；假公卿以下俸以助軍糧。十一月，馮緄大破武陵蠻，屠四千人，降十餘萬口。長沙民亂事平定。滇那羌攻武威、張掖、酒泉。

163 年

癸卯 漢延熹六年

五月，鮮卑攻遼東屬國。七月，桂陽李研等爲亂。武陵蠻又起，太守陳奉破降之。隴西太守孫羌擊滇那羌，破之。十一月，南海郡民攻擾。

164 年

甲辰 漢延熹七年

七月，荊州刺史度尚鎮服零陵、桂陽民亂。十月，段熲擊當煎羌，破之。

165 年

乙巳 漢延熹八年

二月，段熲擊勒姐羌，破之。五月，荊州兵朱蓋與桂陽人胡蘭等爲亂，攻桂陽、零陵；中郎將度尚擊破之，蘭、蓋被殺，餘部南走蒼梧，交趾刺史張磐截擊之，復入荊州界。六月，段熲大破西羌於湟中，斬二萬三千級，俘數萬，降者萬餘落。八月，初令郡國有田田者，畝斂稅錢。十月，勃海人蓋登作亂，稱太上皇帝，敗死。

166 年

丙午 漢延熹九年

正月，詔舉至孝。沛國戴異與廣陵龍尚作符書，稱太上皇，被殺。三月，司隸、豫州饑，死者什四五，有絕戶者。六月，鮮卑結南匈奴、烏桓攻擾緣邊九郡。七月，鮮卑誘諸羌攻擾武威、張掖。以張奐爲使匈奴中郎將，督幽、并、涼三州及度遼、烏桓二營擊之。十二月，南匈奴、烏桓二十萬口皆降，鮮卑出塞，仍攻擾不已。大秦王遣使來獻。司隸校尉李膺等二百餘人被誣爲黨人，下獄考治。是歲，馬融死。

167 年

丁未 漢延熹十年 永康元年

正月，先零羌攻三輔，張奐破之。當煎羌攻武威，段熲大破之。西羌平。扶餘王攻玄菟，太守公孫域擊破之。四月，先零羌攻沒虎牙、雍營。五月，廬江民亂。六月，改元，赦黨人歸田里，禁錮終身。十月，先零羌攻略三輔，張奐遣將大破之，三州清定。十二月，桓帝死，皇太后竇氏定策迎解渚亭侯宏嗣位，是爲孝靈皇帝，皇太后臨朝稱制。是歲，日本女王卑彌呼立。（據後漢書，謂事在漢桓帝靈帝間，故置於此年。）

168 年

戊申 漢孝靈皇帝劉宏建寧元年

二月，段熲大破先零羌於逢義山，斬八千餘級。五月，詔舉有道之士。七月，段熲連破先零羌，追至涇陽。九月，中常侍曹節等矯詔殺太傅陳蕃、大將軍竇武等五人，皆夷族，遷皇太后竇氏於南宮。十二月，鮮卑、

濊貊攻幽、并二州。是歲，烏桓大人上谷難樓、遼西丘力居、遼東蘇僕延、右北平烏延皆稱王。

169 年

己酉 漢建寧二年

七月，段熲大破先零羌於射虎谷，斬渠帥以下萬九千級，降者四千；分置安定、漢陽、隴西三郡，東羌悉平。九月，江夏蠻起事，州郡擊定之。丹楊山越圍郡城，郡兵擊破之。

十月，鉤黨獄起，公卿守相死者百餘人，妻子徙邊，附從者錮及五屬；州郡豪傑名士陷黨籍者甚多。十一月，鮮卑擾并州。高句麗王伯固攻遼東，玄菟太守耿臨討平之。

170 年

庚戌 漢建寧三年

冬，濟南民亂，攻東平陵。鬱林太守谷永招降烏潯人十餘萬，開置七縣。涼州刺史孟佗遣從事與戊己校尉、西域長史將焉耆、龜茲、車師前後部兵擊疏勒，無功。

171 年

辛亥 漢建寧四年

正月，大赦，唯黨人不赦。冬，鮮卑侵并州。

172 年

壬子 漢建寧五年 熹平元年

五月，改元。七月，以朱雀闕匿名書譏刺宦官、公卿，以段熲爲司隸校尉，捕繫太學生千餘人。十一月，會稽人許生爲亂，稱陽明皇帝；遣揚州刺史臧旻等擊之。鮮卑攻并

州。

173 年

癸丑 漢熹平二年

十二月，日南徼外夷重譯奉獻。鮮卑侵幽、并二州。

174 年

甲寅 漢熹平三年

正月，扶餘國遣使奉獻。十一月，許生敗死。十二月，鮮卑擾北地，郡兵與屠各兵擊破之。鮮卑又擾并州。

175 年

乙卯 漢熹平四年

三月，詔諸儒正五經文字，命蔡邕以古文、篆、隸三體書之，刻石立於太學門外，是爲熹平石經。鉤黨獄起後，制婚姻之家及兩州人士不得對相監臨，是爲三互法；蔡邕請除之，不從。五月，鮮卑侵幽州。六月，于寔攻殺拘彌王；戊己校尉、西域長史立拘彌侍子定與爲王，家才千口。改平準爲中準，使宦者爲令，列於內署。自是諸署悉以宦官爲令丞。

176 年

丙辰 漢熹平五年

四月，益州郡夷起事，郡兵擊平之。閏五月，永昌太守曹鸞請開黨禁，掠死。於是詔州郡更考黨人，門生、故吏、父子、兄弟在位者皆免官禁錮，爰及五屬。十二月，試太學生年六十以上百餘人除郎中、舍人至王家郎、郡國文學吏。是歲，鮮卑掠幽州。

177 年

丁巳 漢熹平六年

四月，鮮卑擾東西北三邊。八月，遣田晏等三道擊鮮卑，大敗，死者什七八。十二月，鮮卑攻掠遼西，太守趙苞擊破之。是歲，司徒楊賜等請捕治太平道首領張角等，未行。

178 年

戊午 漢熹平七年 光和元年

正月，合浦、交趾烏潯蠻結九真、日南民攻沒郡縣。二月，置鴻都門學，待諸生優於太學。三月，改元。是歲，鮮卑侵酒泉。初開西邸賣官，入錢各有差；又私令左右賣公卿，公千萬，卿五百萬。

179 年

己未 漢光和二年

四月，詔諸黨人禁錮者，小功以下皆免。七月，使匈奴中郎將張修以擅殺南單于下獄死。十月，司徒劉郃等謀誅宦官，事泄，下獄死。巴郡板楯蠻起事。十二月，鮮卑攻幽、并。

180 年

庚申 漢光和三年

四月，江夏蠻起事。六月，詔舉通古文尚書、毛詩、左氏、穀梁春秋者，除議郎。冬，鮮卑攻幽、并二州。十二月，蒼梧、桂陽亂，零陵太守楊璇擊平之。

181 年

辛酉 漢光和四年

正月，置駃騠廐丞，領受郡國調馬；豪右墾斷，馬一匹至二百萬。二月，交趾梁龍與烏潯蠻共擾郡縣，刺史朱儁擊斬龍，降者數萬。十月，鮮卑攻幽、并二州。是歲，靈帝作列肆於後宮，又於西園弄狗，又駕四驢躬自操轡馳驅，京師仿效，驢價遂與馬齊。又好私蓄郡

國貢獻，令先輸中署，名為“導行費”。

182 年

壬戌 漢光和五年

正月，詔公卿舉劾刺史、二千石爲民害者，太尉許儼等受取賂賄反糾清廉之官。巴郡板楯蠻連年作亂，不能剋；七月，降。是歲，何休死。

183 年

癸亥 漢光和六年

正月，日南徼外國重譯奉獻。冬，張角等密謀爲亂。

184 年

甲子 漢光和七年 中平元年

正月，京師逮捕並屠殺張角黨人千餘人，令冀州緝捕張角。二月，張角等三十餘萬人爲亂，皆著黃巾，角與弟寶、梁稱天、地、人公將軍。三月，以何進爲大將軍，將兵屯京師；置函谷等八關都尉。大赦黨人。遣盧植、皇甫嵩、朱儁分擊潁川黃巾。南陽黃巾張曼成殺太守。四月，黃巾波才敗朱儁。汝南黃巾敗部兵。廣陽黃巾殺幽州太守及刺史。五月，皇甫嵩等大破波才。六月，南陽郡兵擊張曼成，曼成敗死。交趾兵民執刺史及合浦太守，其豪長稱柱天將軍；賈琮到刺史任，撫定之。皇甫嵩、朱儁分別擊破南陽、陳國黃巾。盧植敗張角。張修以五斗米道組織起事，攻據巴郡城邑。八月，皇甫嵩敗黃巾於倉亭。十月，皇甫嵩擊潰張梁於廣宗，張梁被殺；時張角已死，戮屍。十一月，皇甫嵩擊潰張寶於下曲陽，張寶被殺。北地先零羌與湟中義從胡及枹罕人共擁邊章、韓遂爲帥，殺校尉、太守，亂隴右。朱儁破黃巾於宛。十二月，改元。

185 年

乙丑 漢中平二年

二月，稅天下田，畝十錢，以修宮室，鑄銅人。令刺史、守相及茂才、孝廉遷除皆輸助軍、修宮錢，大郡至二三千萬。各地民亂紛起，博陵張牛角、常山褚飛燕及黃龍左校、于氐根、張白騎、劉石、左髭丈八、平漢大計、司隸緣城、雷公、浮雲、白雀、楊鳳、于毒、五鹿、李大目、白繞、眭固、苦蠭等同時爲亂。張牛角受傷死，褚飛燕代爲帥，改姓張，衆至百萬，據黑山。張飛燕尋降，拜平難中郎將，領河北諸山谷事。邊章等攻三輔，前鋒入河東。十一月，張溫敗邊章於美陽，遣將分擊章及先零羌，皆無功。鮮卑侵幽、并二州。是歲，造萬金堂於西園，儲公私錢帛。

186 年

丙寅 漢中平三年

二月，江夏兵趙慈等殺南陽太守。修南宮玉堂，鑄銅人四、黃鐘四，皆受二千斛；又鑄天祿、蝦蟆，吐水轉之八宮；又作翻車、渴烏，用灑南北郊路。五月，荊州兵攻殺趙慈。十月，武陵蠻起事，郡兵擊破之。十二月，鮮卑侵幽、并二州。

187 年

丁卯 漢中平四年

二月，滎陽人殺中牟令起事，三月，敗。韓遂殺邊章，圍隴西，敗涼州刺史兵，進攻漢陽，太守傅燮戰死；扶風馬騰、漢陽王國皆與遂合，共擾三輔。六月，漁陽張純、張舉及烏桓大人丘力居等劫略薊中，殺校尉、太守，舉稱皇帝，純稱彌天將軍安定王，攻青、徐、

幽、冀四州。十月，長沙人區星、零陵人觀鵠起，稱將軍；以孫堅爲長沙太守擊平之。

十二月，屠各胡起事。是歲，賣關內侯，假金印紫綬傳世，值五百萬。

188 年

戊辰 漢中平五年

正月，屠各胡寇西河，殺郡守。二月，黃巾餘衆郭泰等起於河西白波谷，攻太原、河東。三月，屠各胡攻殺并州刺史。初選列卿、尚書爲州牧，各以本秩居任。詔發南匈奴兵助擊張純。匈奴內鬩，與屠各胡合，攻殺南單于羌渠，立其子於扶羅爲單于。四月，汝南葛陂黃巾攻占郡縣。六月，益州黃巾馬相等起於緜竹，殺刺史，進擊巴郡、犍爲，相稱皇帝；州從事賈龍擊敗之，馬相被殺。八月，初置西園八校尉，以小黃門蹇碩爲上軍校尉，雖大將軍亦領屬之。九月，南單于與白波黃巾合攻河東。遣公孫瓚等擊張純。十月，青、徐黃巾復起。十一月，王國國陳倉；遣皇甫嵩、董卓合擊之。遣鮑鴻擊葛陂黃巾。巴郡板楯蠻又起，遣將擊定之。公孫瓚大破張純於石門。瓚深入，被烏桓圍於管子城二百餘日，衆潰，死者什五六。

189 年

己巳 漢中平六年（漢弘農王劉辯光熹元年 昭寧元年）（漢孝獻皇帝劉協永漢元年）
二月，皇甫嵩大破王國於陳倉。三月，幽州牧劉虞購斬張純。四月，靈帝死，皇子辯嗣位，皇太后何氏臨朝，改元光熹。上軍校尉宦者蹇碩謀殺大將軍何進，立陳留王協，事覺，被殺。八月，中常侍張讓等殺大將軍何進，司隸校尉袁紹收諸宦官皆誅之。張讓等劫少帝走小平津，尚書盧植追及之，誅張讓等。少帝還宮，改元昭寧。九月，董卓入

洛陽，廢少帝爲弘農王，立陳留王協，是爲孝獻皇帝，改元永漢。董卓酖殺何太后。十月，白波軍攻河東，遣將擊之。十一月，董卓自爲相國。省扶風都尉，置漢安都護，總統西方。詔除光熹、昭寧、永漢三年號，還復中平六年。東郡太守喬瑁詐爲京師三公移書與州郡，宣布董卓罪惡；袁紹、曹操等被迫出走，謀聲討董卓。

190 年

庚午 漢孝獻皇帝劉協初平元年

正月，關東州郡起兵，推袁紹爲盟主，討董卓。白波軍攻東郡。二月，董卓脅獻帝遷都長安，殺京師富室，沒其財物，悉驅百姓西徙；又焚官府民居，發諸陵、公卿墓。黃巾攻青州。六月，董卓毀五銖錢，又鎔銅人、銅馬、鐘鐻之屬，更鑄小錢；穀價一斛萬錢。是歲，董卓以公孫度爲遼東太守。度至遼東，東西擴地，分立遼西、中遼郡，越海收東萊諸縣，置營州刺史，自立爲遼東侯、平州牧。

191 年

辛未 漢初平二年

二月，董卓自爲太師，位在諸侯王上。孫堅大破董卓軍，入洛陽。四月，董卓至長安。七月，曹操破于毒、白繞、眭固等黑山軍於東郡。袁紹領冀州牧。南單于於扶羅附董卓。十月，青州黃巾攻泰山，太守應劭敗之。十一月，青州黃巾攻勃海，公孫瓚大敗之於東光，殺三萬餘人，溺死數萬，被俘者七萬餘。公孫瓚攻冀州，諸郡多背袁紹，瓚署置將帥，以劉備爲平原相。益州牧劉焉使張魯等攻據漢中。

192 年

壬申 漢初平三年

正月，袁述遣孫堅攻荊州刺史劉表，堅戰歿。袁紹大破公孫瓚於界橋。眭固結南單于於扶羅攻掠，曹操破之於內黃。四月，司徒王允等殺董卓，夷其三族；左中郎將蔡邕以附卓下獄死。青州黃巾擊殺兗州刺史劉岱，州豪迎曹操領兗州刺史，操破黃巾走之。六月，董卓部將李傕、郭汜等攻陷長安，擅朝政。十二月，曹操擊敗黃巾於濟北，俘士卒三十餘萬，男女百餘萬口，收其精銳，號青州兵。

193 年

癸酉 漢初平四年

正月，黑山餘衆及南匈奴單于於扶羅降袁述，述屯封丘，爲曹操所逐，走據淮南。三月，魏郡兵結黑山于毒等，殺太守。六月，下邳闕宣稱天子，徐州牧陶謙共舉兵，後殺之並其衆。黑山軍于毒、左髭丈八等爲袁述所敗，被殺。袁紹又破劉石、青牛角、黃龍左校、郭大賢、李大目、于氏根等。曹操進擊黑山張飛燕及屠各胡、雁門烏桓等於常山，無功。秋，曹操因徐州兵殺其父嵩，引兵攻陶謙，坑男女數十萬口，屠取慮、睢陵、夏丘，鷄犬無存。九月，試儒生四十餘人，官上中第者；下第年逾六十者亦予官。十月，公孫瓚殺劉虞。

194 年

甲戌 漢興平元年

正月，改元。二月，劉備援陶謙，曹操引還；謙表備爲豫州刺史。馬騰、韓遂與郭汜等戰於長平觀，敗還涼州。四月，曹操略地至琅邪、東海，所過殘滅。陳留太守張邈迎呂布，拒曹操。六月，分涼州河西四郡爲雍州。七月，三輔大旱，穀一斛錢五十萬，長安中，人相食。八月，馮翊羌攻屬縣，郭汜等擊破之。曹操攻呂布於濮陽，不利。十

二月，益州牧劉焉死，子璋嗣。是歲，陶謙死，劉備代領徐州。

195 年

乙亥 漢興平二年

正月，曹操敗呂布於定陶。二月，李傕、郭汜互鬪，傕脅獻帝至其營，燒宮殿，掠宮人。五月，李傕自爲大司馬，位在三公上。曹操破呂布，布奔劉備。六月，李傕、郭汜和。獻帝東歸，楊奉、董承等從。十月，曹操爲兗州牧。十一月，李傕郭汜等圍追獻帝，還至弘農東澗，楊奉等引白波及南匈奴軍拒破之。十二月，李傕等復來追，宮人、百官死者及被掠者甚多，獻帝夜渡黃河，駐安邑。是歲，袁述部將孫策襲破揚州刺史劉繇，據江東。劉虞從事鮮于輔等結烏桓、鮮卑與袁紹將麴義大破公孫瓚於鮑丘。

196 年

丙子 漢建安元年

正月，改元。汝南、潁川黃巾何儀等附袁述，曹操擊破之。二月，修洛陽宮。六月，袁述攻劉備，呂布結述襲備，布領徐州牧，以備爲豫州刺史。七月，獻帝至洛陽。八月，曹操詣洛陽，領司隸校尉錄尚書事，迎獻帝遷許。孫策取會稽。十一月，曹操爲司空，行車騎將軍事，百官總已以聽。袁紹取青州。曹操募民屯田許下；又於州郡置田官，所在積穀。呂布逐劉備，備奔曹操，操以爲豫州牧。

197 年

丁丑 漢建安二年

正月，曹操招降韓遂、馬騰。袁述稱帝於壽春，號仲家。三月，袁紹爲大將軍，督冀、

幽、青、并四州。五月，袁述攻呂布，敗還。陳王劉寵稱輔漢大將軍，袁述使人刺殺之。孫策併有吳郡。九月，曹操攻袁述，敗之；述奔淮南。是歲，江淮饑，人相食。

198 年

戊寅 漢建安三年

四月，關中兵擊殺李傕，夷三族。時郭汜已爲其下所殺，董卓之黨至是垂盡。十月，曹操擊呂布，圍攻月餘；十二月，布降，操殺之。袁紹圍公孫瓚。

199 年

己卯 漢建安四年

三月，袁紹破公孫瓚，殺之。紹以烏桓相助，賜其大人蹋頓等單于印綬。四月，曹操派兵破眭固於射犬，固敗死。六月，袁述死。八月，袁紹圍攻許，曹操扼之於黎陽。遣謁者僕射監鹽官。十二月，豫章太守華歆以郡迎孫策。劉備攻據徐州，東海昌豨及郡縣多附之。

200 年

庚辰 漢建安五年

正月，董承等謀誅曹操，事洩，被殺，夷三族。曹操破劉備，取徐州，備奔袁紹。二月，袁紹攻曹操，進軍黎陽。四月，曹操敗袁紹軍，斬其大將。孫策死，弟權襲其餘業。七月，汝南黃巾劉辟附袁紹，紹使劉備往助之，爲曹操所敗。紹又使劉備結劉表。九月，紹舉至孝。十月，曹操大破袁紹於官渡。是歲，孫權屠皖城。劉表攻占長沙、零陵、桂陽。張魯據漢中，又取巴郡，與劉璋相拒。劉璋部吏趙韙起兵攻璋。鄭玄

死。約於此時，交趾象林縣功曹子區連殺縣令，自立爲林邑王。

201 年

辛巳 漢建安六年

四月，曹操破袁紹倉亭軍。九月，曹操遣將擊昌豨於東海，降之。趙韙圍城都，敗死。

202 年

壬午 漢建安七年

正月，曹操治睢陽渠。五月，袁紹死，子譚與尚爭立。九月，曹操敗袁譚、袁尚。曹操擊降南單于。劉備敗曹操兵於葉南。是歲，于寔遣使奉獻。

203 年

癸未 漢建安八年

二月，曹操敗袁譚、袁尚於黎陽。袁譚攻袁尚，敗走南皮。八月，袁尚破袁譚，譚求援於曹操。是歲，孫權遣將進攻山越豪宗。

204 年

甲申 漢建安九年

正月，曹操遏淇水入白溝以通糧道。二月，曹操攻鄴，下邯鄲、易陽等縣。四月，黑山帥張飛燕求助於曹操。八月，曹操大破袁尚，取鄴城。十月，并州刺史高幹降於曹操。袁譚攻袁尚於中山，尚敗奔幽州依袁熙。十二月，曹操擊袁譚，破之。曹操結公孫度斷袁尚等退路；度尋死，子康嗣。曹操使人招慰烏桓。孫權部將媽覽等殺丹陽太守孫翊，欲附曹操；覽等尋爲翊妻徐氏所殺。

205 年

乙酉 漢建安十年

正月，曹操擊殺袁譚。漁陽王松據涿郡，至是以郡降曹操。袁熙爲其將焦觸、張南所逐，與袁尚奔遼西烏桓。四月，張飛燕降曹操。八月，故安趙犢等擾幽州涿郡，三郡烏桓攻犢平；曹操擊斬犢等，逐烏桓。十一月，并州刺史高幹反，河內張晟等攻潞、潁、弘農，張琰應之，皆與幹通。操遣將擊殺晟等。

206 年

丙戌 漢建安十一年

正月，曹操自將擊高幹；三月，幹敗死，并州平。七月，武威太守張猛殺雍州刺史邯鄲商，猛旋敗死。八月，東海管承攻陷郡邑，曹操遣將擊破之，承走海島。袁熙、袁尚結遼西烏桓蹋頓頻擾邊塞，曹操謀擊之，先鑿平虜渠、泉州渠以通運。

207 年

丁亥 漢建安十二年

八月，曹操大破烏桓於白狼山，斬蹋頓，胡漢降者二十餘萬。遼東烏桓單于速僕丸與袁熙、袁尚奔遼東太守公孫康。十月，黃巾殺濟南王劉贇。十一月，代郡烏桓單于普富盧、上郡烏桓單于那樓謁曹操於易。公孫康殺袁熙、袁尚及速僕丸，函首送詣曹操。

208 年

戊子 漢建安十三年

六月，罷三公官，置丞相、御史大夫，曹操自爲丞相。八月，曹操殺孔融，夷其族。劉表死，子琮嗣。九月，曹操攻荊州，劉琮降。劉備遣諸葛亮東結孫權，以抗曹操。十月，曹操以舟師攻孫權，權將周瑜大破之於烏林、赤壁，操敗退南郡，留兵守江陵、襄陽而還。十二月，劉備攻占武陵、長沙、桂陽、零陵諸

郡。孫權遣兵破丹陽郡黠、歙帥陳僕等。
曹操殺名醫華陀當在此前數年。

209 年

己丑 漢建安十四年

七月，曹操開芍陂屯田。十二月，廬江陳蘭、梅成據淝、六，曹操遣將擊殺之。周瑜破曹操兵，攻占江陵。

210 年

庚寅 漢建安十五年

春，曹操令薦人者唯才是舉。冬，曹操作銅雀臺於鄴。周瑜圖取蜀，未行，病死。孫權以步騭爲交趾刺史，略定嶺南。

211 年

辛卯 漢建安十六年

正月，曹操以子丕爲五官中郎將，置官屬，爲丞相副。三月，曹操遣將擊張魯。韓遂、馬超結涼州吏豪，起兵拒曹操於潼關。七月，曹操自將擊韓遂、馬超等，九月，大破之，遂、超奔涼州。劉璋迎劉備入蜀，欲以擊張魯。

212 年

壬辰 漢建安十七年

正月，曹操還鄴，贊拜不名、入朝不趨、劍履上殿。河間田銀、蘇伯起事，曹丕遣將擊平之。五月，曹操殺馬騰，夷三族。七月，曹操遣夏侯淵破馬超部將梁興。九月，孫權作石頭城於秣陵，徙居之，改名建業。十月，曹操自將擊孫權。十二月，劉備據涪城圖攻劉璋。

213 年

癸巳 漢建安十八年

正月，曹操攻孫權，無功。併十四州爲九州，復禹貢舊稱。曹操令淮南民北遷，民驚擾，十餘萬戶皆東渡江。五月，曹操自爲魏公，加九錫，以冀州十郡爲魏公國。八月，馬超殺涼州刺史韋康，稱征西將軍、領并州牧、督涼州軍事；略陽青水氐王千萬應超。九月，曹操作金虎臺，鑿渠引漳水入白溝以通河。姜敘、楊阜等攻馬超，超敗奔張魯。

214 年

甲午 漢建安十九年

春，馬超圍祁山，夏侯淵擊走之。淵進破長離諸羌及清水氐。三月，曹操位諸侯王上。五月，劉備逐劉璋，領益州牧。枹罕宋建乘涼州亂，稱河首平漢王，建元，署置百官，專制一方三十餘年；十月，夏侯淵擊殺之，河西羌皆降。十一月，曹操殺皇后伏氏，滅其族及二皇子。

215 年

乙未 漢建安二十年

三月，曹操自將擊張魯，四月，至河池，氐王竇茂拒戰，五月，攻屠之。劉備、孫權分荊州，以湘水爲界。七月，曹操破漢中，張魯遁；徙漢中民八萬餘口於洛、鄴。八月，孫權圍合肥，無功。九月，巴郡蠻帥朴胡等附曹操。十一月，張魯降曹操。劉備遣將破朴胡等。曹操遣將攻略三巴，張飛大破之。

216 年

丙申 漢建安二十一年

四月，曹操進號爲魏王。七月，南匈奴單于朝於魏，曹操留之，使右賢王去卑監其國，單于歲給如列侯，子孫傳襲，分其衆爲五部，立其貴人爲帥，選漢人爲司馬以督之。

217 年

丁酉 漢建安二十二年

正月，曹操自將擊孫權；三月，孫權請降。四月，曹操設天子旌旗，出入稱警蹕。十月，孫權使陸遜擊破丹陽費楸及山越。少府耿紀等謀結關羽挾獻帝以攻曹操。是歲，王粲死。

218 年

戊戌 漢建安二十三年

正月，耿紀等起兵攻曹操長史王必，必擊殺之，皆夷三族。四月，代郡、上谷烏桓無臣氏等起事，曹操遣子彰擊之。七月，曹操自將擊劉備。九月，曹彰大破烏桓，鮮卑大帥軻比能懼，請服。十月，宛守將侯音起事，逐南陽太守。

219 年

己亥 漢建安二十四年

正月，侯音敗死。劉備破斬夏侯淵於定軍山。三月，曹操至漢中，劉備與之相持。五月，操退，備遂有漢中。曹操徙武都氏五萬餘落居扶風、天水界。武威顏俊、張掖和鸞、酒泉黃華、西平麴演，各據郡稱將軍，互相攻戰。劉備遣將攻下房陵、上庸。七月，劉備稱漢中王。八月，關羽攻樊城，大破曹操軍。九月，魏相國西曹掾魏諷謀襲鄴，事洩被殺，連坐死者數千人。十月，陸渾民孫狼起兵應關羽，許以南人心震恐。十一月，孫權襲取荊州，十二月，關羽敗死。孫權上書曹操稱臣。是歲徐幹、仲長統死。

220 年

庚子 漢建安二十五年 延康元年 魏文帝曹丕黃初元年

正月，曹操死，子丕襲爵，嗣為丞相。二月陳羣奏立九品官人法，州郡皆置中正，司選舉事。三月，改元延康。五月，西平麴演結旁郡抗曹丕，張掖、酒泉皆響應，武威三種胡亦起事；金城及護羌校尉兵擊定之。七月，劉備將孟達降於曹丕。孫權遣使奉獻於曹丕。武都氏王楊僕附於曹丕。十月，曹丕稱帝，廢漢獻帝為山陽公。改元黃初。十一月，魏復三公官。

221 年

辛丑 魏黃初二年 漢昭烈帝劉備章武元年

正月，魏封孔羨為宗聖侯，奉祀孔子。三月，魏復五銖錢。四月，劉備稱皇帝於成都，改元章武，是為漢昭烈皇帝；史稱“蜀漢”。孫權徙都鄴，改名武昌。六月晦，魏詔此後災異勿劾三公。七月，劉備自將攻孫權，前鋒至秭歸；孫權遣陸遜等拒之。八月，孫權稱臣於魏；魏封之為吳王，加九錫。十月，魏以穀貴罷五銖錢。魏涼州盧水胡治元多侵河西，旋敗。是歲，魏置護鮮卑校尉及護烏桓校尉。

222 年

壬寅 魏黃初三年 漢章武二年 吳王孫權黃武元年

正月，魏詔郡國舉上計吏及孝廉勿再限年。二月，鄯善、龜茲、于闐各遣使奉獻於魏，西域又通，復置戊己校尉。劉備軍夷道、猇亭。六月，吳將陸遜大破漢兵於猇亭，劉備敗遁白帝城。九月，魏詔以後羣臣不得奏事太后，后族不得輔政。十月，魏大舉攻吳，吳王孫權臨江拒守，改元黃武。魏復郢州為荊州。十一月，吳與漢復交。漢漢嘉太守黃元反，燒臨邛城。

223 年

癸卯 魏黃初四年 漢章武三年 漢後主
劉禪建興元年 吳黃武二年

二月，魏攻吳不利。 三月，漢擒斬黃元。
四月，漢昭烈帝死，子劉禪嗣位，改元。 漢
益州郡耆帥雍闓附於吳，使孟獲連結諸夷人，
牂柯太守朱褒、越雋夷王高定皆響應雍闓。
十月，漢使鄧芝結吳，吳遂絕魏連漢。

224 年

甲辰 魏黃初五年 漢建興二年 吳黃武
三年

四月，魏立太學，置春秋穀梁博士。 九月，
魏文帝攻吳，臨江而還。 鮮卑大人步度根爲
軻比能所逼，南保太原、雁門塞，貢獻於魏。
鮮卑大人軻比能擊其東部大人素利，護烏桓校
尉田豫乘虛襲之，軻比能遂大擾幽、并。 是
歲，魏破安定羌。

225 年

乙巳 魏黃初六年 漢建興三年 吳黃武
四年

三月，魏通討虜渠以備攻吳。 魏并州刺史梁
習破走軻比能。 漢諸葛亮攻雍闓。 五月，
魏帝以舟師攻吳。 六月，魏利成郡兵蔡方等
殺太守，推郡人唐咨爲帥，未幾敗。 七月，
諸葛亮破殺雍闓、高定等，七俘孟獲七釋之，
南中四郡大定。 八月，魏帝侵吳，臨江而
還。 十二月，吳鄱陽人彭綺聚衆，聲言附
魏。

226 年

丙午 魏黃初七年 漢建興四年 吳黃武
五年

五月，魏文帝死，皇太子叡嗣位，是爲明皇

帝。 八月，吳王圍魏江夏，不克；諸葛瑾攻
魏襄陽，敗還。 吳分丹陽、會稽、吳郡三郡
立東安郡，以經營山越。丹吳分交趾部爲交
州、廣州。交趾太守士燮死，子徽反，敗死；
吳復合交、廣爲一。 徼外諸國皆奉獻於吳。

227 年

丁未 魏明帝曹叡太和元年 漢建興五年
吳黃武六年

春，吳彭綺敗死。 三月，諸葛亮上表出師駐
漢中，籌備攻魏。 四月，魏復五銖錢。 十
二月，魏孟達陰圖歸漢。

228 年

戊申 魏太和二年 漢建興六年 吳黃武
七年

正月，魏司馬懿擊殺孟達。 漢諸葛亮出祁山
攻魏，天水、南安、安定皆響應；魏遣張郃大
敗漢將馬謖於街亭。 三月，吳罷東安郡。
六月，魏詔郡國貢士以經學爲本。 八月，吳
陸遜敗魏兵於石亭。 九月，鮮卑大人軻比能
圍魏護烏桓校尉於馬城，旋退。 十二月，漢
諸葛亮出散關，圍魏陳倉，糧盡引還。 遼東
公孫康死，弟恭立，康子淵廢恭自立。

229 年

己酉 魏太和三年 漢建興七年 吳黃武
八年 大帝孫權黃龍元年

春，漢諸葛亮拔魏武都、陰平二郡。 四月，
吳王孫權稱皇帝，改元，是爲吳大帝；五月，
遣使於遼東。 六月，漢遣使賀吳，漢吳盟，
約中分天下。 九月，吳大帝遷都建業。 十
月，魏詔刑律用鄭玄章句，置律博士，令陳羣
等刪訂新律。 十二月，大月氏王波調遣使獻
於魏，魏命爲親魏大月氏王。

230 年

庚戌 魏太和四年 漢建興八年 吳黃龍二年

正月，魏築合肥新城以備吳。二月，魏立郎吏課試法，務通一經，黜華務實。魏詔以文帝典論刻石。吳使將軍衛溫等浮海求夷洲、瑠洲。七月，魏遣曹真、司馬懿分道攻漢，諸葛亮拒之於成固、赤阪，九月，魏兵引退。十二月，魏詔舉賢良。吳擾魏合肥。吳武陵五谿蠻起事。

231 年

辛亥 魏太和五年 漢建興九年 吳黃龍三年

二月，吳遣潘濬、呂岱攻五谿蠻。吳衛溫等俘夷洲數千人還，未至瑠洲。漢諸葛亮出祁山攻魏，以木牛運糧；魏遣司馬懿拒戰，數敗，喪甲首數千。四月，鮮卑大人軻比能及丁零大人兒禪詣幽州貢馬，魏復置護匈奴中郎將。六月，諸葛亮糧盡退兵。十月，吳敗魏於阜陵。

232 年

壬子 魏太和六年 漢建興十年 吳嘉禾元年

三月，吳遣周賀等使遼東。九月，魏遣田豫等水陸兩道攻公孫淵，皆無功，引還。田豫截殺吳周賀等於成山。十月，遼東公孫淵遣使稱藩於吳，獻貂、馬。是歲，曹植死。

233 年

癸丑 魏太和七年 青龍元年 漢建興十一年 吳嘉禾二年

二月，魏改元青龍。三月，魏詔公卿舉賢良篤行之士。吳遣使將兵萬人冊公孫淵為燕

王，加九錫。六月，鮮卑大人軻比能誘保塞鮮卑步度根合侵魏邊，魏遣將擊退之。九月，魏討平保塞匈奴。十月，鮮卑戴阿等附魏。十二月，公孫淵殺吳使，函首獻於魏；魏假淵大司馬，封樂浪公。吳使者從吏秦旦等輒轉逃至高句麗，高句麗王遣送還吳，並稱臣奉獻。吳侵魏六安、合肥新城。漢庾降都督張翼激變夷帥劉胄，諸葛亮以馬忠代翼，殺胄等。諸葛亮以木牛運米集斜谷口，治斜谷邸閣，備攻魏。

234 年

甲寅 魏青龍二年 漢建興十二年 吳嘉禾三年

二月，魏減鞭杖之制。漢諸葛亮由斜谷攻魏，始以流馬運，約吳共舉。四月，亮至郿，軍於渭南，魏遣司馬懿拒之。五月，吳大發兵三道攻魏。七月，魏明帝親禦之，吳師退。八月，諸葛亮卒，漢兵退。吳以諸葛恪為撫越將軍，領丹陽太守，討山越。十一月，吳潘濬、呂岱等征服武陵蠻。吳廬陵李桓、羅厲等起事。

235 年

乙卯 魏青龍三年 漢建興十三年 吳嘉禾四年

正月，魏復置朔方郡。四月，漢以蔣琬為大將軍錄尚書事。八月，魏命博士馬鈞作司南車及水轉百戲。是歲，魏幽州刺史王雄使人刺殺鮮卑大人軻比能，鮮卑種落離散，邊陲遂安。魏作洛陽宮。

236 年

丙辰 魏青龍四年 漢建興十四年 吳嘉禾五年

春，吳鑄當五百大錢，頒盜鑄法。三月，吳遣將擊獲李桓、羅厲。四月，武都氏帥苻健附於漢，其弟降魏。五月，肅慎氏獻楛矢於魏。七月，高句麗殺吳使者，獻其首於魏。十月，吳鄱陽彭旦起事。十二月，魏詔舉才德兼備者。

237 年

丁巳 魏青龍五年 景初元年 漢建興十五年 吳嘉禾六年

二月，吳討彭旦，其年破之。三月，魏改元景初，用丑正，以十二月爲歲首，改是月爲四月，更名太和曆曰景初曆。七月，吳侵魏江夏。魏遣幽州刺史毋丘儉率兵及烏桓、鮮卑屯遼東南界，征公孫淵入朝；淵逆戰，儉不利，引還。淵乃自立爲燕王，改元紹漢，遣使假鮮卑單于璽。十月，吳諸葛恪定山越，得甲士四萬。魏數年來大興土木，是歲又徙長安鐘鐻等於洛陽，大發銅鑄銅人二，號曰翁仲。高句麗遣使於魏。

238 年

戊午 魏景初二年 漢延熙元年 吳嘉禾七年 赤烏元年

正月，魏遣司馬懿攻公孫淵。三月，吳鑄當千大錢。八月，燒當羌王芒中、注詣等起事，魏涼州兵擊殺之。公孫淵敗死，遼東、帶方、樂浪、玄菟四郡並入魏。九月，吳改元赤烏。是歲，高句麗遣兵助魏討公孫淵。倭女王卑彌呼遣大夫難升米、都市牛利等使魏，獻男女生口及班布。魏封卑彌呼爲“親魏倭王”。

239 年

己未 魏景初三年 漢延熙二年 吳赤烏二年

正月，魏明帝死，皇太子芳嗣位，曹爽、司馬懿輔政。二月，西域重譯來魏，獻火浣布。四月，吳遣將由海道擊魏遼東。十二月，吳將廖式殺臨賀太守，自稱平南將軍，攻零陵、桂陽，搖動交州諸郡；呂岱等往擊之，歲餘皆定。十二月，魏復改寅正，以正月爲歲首。

240 年

庚申 魏齊王曹芳正始元年 漢延熙三年 吳赤烏三年

春，漢以張嶷爲越嶲太守。越嶲夷人數起殺漢官吏，漢太守已多年寄治他所，至是嶷討平郡界，復還舊治。

241 年

辛酉 魏正始二年 漢延熙四年 吳赤烏四年

四月，吳四路攻魏，六月退。魏於淮南北大興水利。

242 年

壬戌 魏正始三年 漢延熙五年 吳赤烏五年

七月，吳遣聶友等擊珠崖、儋耳，復置珠崖郡。是歲，高句麗襲破魏遼東西安平。

243 年

癸亥 魏正始四年 漢延熙六年 吳赤烏六年

正月，吳襲魏六安。漢蔣琬病甚；十一月，以費禕爲大將軍錄尚書事。十二月，倭國女王卑彌呼復遣伊聲耆、掖邪狗等八人使魏貢獻。扶南王遣使獻樂人及方物於吳。

244 年

甲子 魏正始五年 漢延熙七年 吳赤烏

七年

閏三月，魏曹爽攻漢，漢王平拒之於興勢，費禕督諸軍應援，爽不利，引還。九月，鮮卑附魏，魏置遼東屬國，立昌黎縣以居之。

245 年

乙丑 魏正始六年 漢延熙八年 吳赤烏八年

七月，吳將軍馬茂等謀殺吳大帝及大臣以應魏，事洩，皆被殺。吳發屯田作士三萬人鑿句容道。十二月，魏令以王朗之易傳課試。

246 年

丙寅 魏正始七 漢延熙九年 吳赤烏九年

二月，吳擾魏柵中，殺略數千人。魏幽州刺史毋丘儉攻高句麗，屠丸都；五月，復攻之，遣將追高句麗王宮，過沃沮千餘里，至肅慎氏南界，刻石紀功而還，殺虜八千餘口，徙一部於榮陽；濊貊破敗，韓那奚等數十國皆降。吳罷大錢。漢以姜維與費禕並錄尚書事。漢汝山平康夷起事，姜維鎮服之。

247 年

丁卯 魏正始八年 漢延熙十年 吳赤烏十年

是歲，雍、涼羌胡附漢反魏，漢姜維出隴右應之，與魏兵戰於洮西，胡王白虎文、治無戴率部從姜維入蜀。魏郭淮擊破諸羌。

248 年

戊辰 魏正始九年 漢延熙十一年 吳赤烏十一年

九月，漢涪陵屬國民夷起事，鄧芝破之。十二月，交趾、九真夷起事，吳交州刺史、安南校尉陸胤慰定之。

249 年

己巳 魏正始十年 嘉平元年 漢延熙十二年 吳赤烏十二年

正月，魏司馬懿殺曹爽、何晏等，皆夷三族。四月，魏改元。秋，漢姜維攻魏雍州，無功而還。王弼死。

250 年

庚午 魏嘉平二年 漢延熙十三年 吳赤烏十三年

十一月，吳遣軍十萬作堂邑涂塘，淹北道以防魏。十二月，魏王昶等分道攻吳。漢姜維攻魏西平，不克。

251 年

辛未 魏嘉平三年 漢延熙十四年 吳赤烏十四年 太元元年

正月，魏破吳江陵兵。四月，魏王淩謀立楚王彪，事洩，司馬懿擊之，淩自殺。懿窮治其事，相連者皆夷三族；賜彪死，盡錄魏諸王公置鄴，使人監守，不得與人交關。五月，吳改元太元。八月，司馬懿死，子師爲撫軍大將軍錄尚書事。魏分南匈奴爲二部以弱其勢，又分出羌、胡之與民雜居者。十二月，吳命諸葛恪以大將軍領太子太傅，總統國事。

252 年

壬申 魏嘉平四年 漢延熙十五年 吳太元二年 神鳳元年 吳會稽王孫亮建興元年
正月，魏司馬師爲大將軍。二月，吳改元神鳳。四月，吳大帝死，子亮嗣，改元建興，以諸葛恪爲太傅。十月，吳諸葛恪修東興大隄，兩端築城以備魏。十一月，魏三道攻吳，東路之師爲諸葛恪所敗，死者數萬，喪資器無算，他二道亦無功。

253 年

癸酉 魏嘉平五年 漢延熙十六年 吳建興二年

正月，魏降人郭修刺殺漢大將軍費禕，魏追封修爲列侯。三月，吳諸葛恪大發兵攻魏。四月，漢姜維圍魏南安，糧盡而退。五月，諸葛恪圍魏合肥新城，魏遣司馬孚督軍拒之，七月，恪無功而退。十月，吳孫峻等殺諸葛恪，夷三族，峻爲丞相。十一月，吳改明年元爲五鳳。是歲，魏新興、雁門二郡胡騷動。

254 年

甲戌 魏嘉平六年 魏高貴鄉公曹髦正元元年 漢延熙十七年 吳五鳳元年

二月，魏司馬師殺中書令李豐，皇后父張緝、太常夏侯玄皆下獄死，夷三族，廢皇后張氏。六月，漢姜維攻魏隴西。秋，吳孫英謀殺孫峻，事洩，被殺。九月，魏司馬師廢魏帝爲齊王。十月，立高貴鄉公髦，改元正元。漢姜維拔魏臨洮等縣民，居於綿竹、繁縣。

255 年

乙亥 魏正元二年 漢延熙十八年 吳五鳳二年

正月，魏揚州刺史文欽、鎮東將軍毌丘儉起兵壽春，討司馬師，兵敗，欽奔吳，儉死，夷三族。司馬師旋死，二月，弟昭爲大將軍錄尚書事。吳孫峻乘魏亂，攻壽春，敗還。八月，漢姜維攻魏，至枹罕，大敗魏師於洮西，進圍狄道；魏大發兵救援，維退駐鍾提。

256 年

丙子 魏正元三年 甘露元年 漢延熙十九年 吳五鳳三年 太平元年

正月，漢姜維爲大將軍。四月，魏帝幸太學，問諸儒經義。六月，魏改元甘露。七月，漢姜維出祁山，趨上邽，魏鄧艾大破之於段谷。八月，司馬昭加大都督，奏事不名，假黃鉞。吳孫峻遣將攻魏，九月，峻死，軍還。十月，吳內鬩，孫綝殺滕胤等，夷三族，改元太平；十一月，綝爲大將軍。王肅死。

257 年

丁丑 魏甘露二年 漢延熙二十年 吳太平二年

四月，魏玄菟高顯縣民爲亂，殺縣長。五月，魏征東大將軍諸葛誕稱臣於吳，據壽春；司馬昭奉魏帝及太后討之，吳遣兵援誕。六月，吳夏口督孫壹奔魏。漢姜維出駱谷攻魏。七月，魏圍諸葛誕於壽春，吳孫綝大發兵救之，屢爲魏所敗，引還。八月，吳會稽南部亂，殺都尉；鄱陽、新都民亦起。

258 年

戊寅 魏甘露三年 漢景耀元年 吳太平三年 景帝孫休永安元年

二月，魏司馬昭破壽春，殺諸葛誕，吳援軍被俘及死者數萬。八月，魏行養老禮。九月，吳孫琳廢吳帝爲會稽王，十月，立琅邪王休，是爲景皇帝，改元永安，以琳爲丞相。吳令減輕吏役。十二月，吳景帝殺孫琳，夷三族。吳置學官，立五經博士，令將吏子弟受業。

259 年

己卯 魏甘露四年 漢景耀二年 吳永安二年

三月，吳備九卿官。吳以租稅過重，吏民營兵多務商賈，令諸卿、尚書議興農桑。是

歲，魏攻高句麗，敗於梁貊谷。

260 年

庚辰 魏甘露五年 魏元帝曹奐景元元年
漢景耀三年 吳永安三年
三月，吳作浦里塘。五月，魏帝髦討司馬昭，不克，死，司馬昭迫廢之爲庶人；六月，立常道鄉公璜，更名奐，改元景元。

261 年

辛巳 魏景元二年 漢景耀四年 吳永安四年
七月，樂浪徼外韓、濊貊各率其屬朝貢於魏。
是歲，鮮卑索頭部大人拓跋力微遣其子沙漠汗獻於魏，因留爲質。

262 年

壬午 魏景元三年 漢景耀五年 吳永安五年
四月，魏遼東郡肅慎重譯貢獻。十月，漢姜維攻魏洮陽，鄧艾敗之於侯和，維退沓中。
魏司馬昭殺稽康。魏以鍾會都督關中諸軍事。

263 年

癸未 魏景元四年 漢景耀六年 炎興元年 吳永安六年
五月，吳交趾民起事，郡吏呂興殺太守孫資，九真、日南皆應。八月，魏鍾會、鄧艾率兵分道攻漢。漢改元炎興。十月，吳以漢告急，遣將攻魏。司馬昭爲相國、晉公，加九錫。十一月，魏鄧艾至成都，漢帝劉禪降，姜維降於鍾會，漢亡。魏分益州爲梁州。武陵蠻騷動，吳武陵太守鍾離牧壓服之。

264 年

甲申 魏景元五年 咸熙元年 吳永安七年 吳烏程侯孫皓元興元年
正月，魏鍾會誣鄧艾，詔檻車徵艾。會矯詔起兵廢司馬昭，兵亂，殺會及姜維。監軍衛瓘使人殺鄧艾於途。三月，司馬昭爲晉王。遷漢帝劉禪於洛陽，封爲安樂公。四月，魏兵浮海入吳句章，略長吏及男女二百餘而還。五月，司馬昭奏復五等爵。魏改元咸熙。七月，司馬昭奏訂禮儀、法律、官制。吳分交州置廣州。吳海鹽民亂，殺司鹽校尉；豫章民亂。吳景帝死，羣臣迎立烏程侯皓，改元元興。九月，魏以呂興爲安南將軍，都督交州諸軍事，霍弋爲交趾太守，率兵助之；兵未至，興爲其部下所殺。魏遣使喻吳。是歲，魏罷屯田官。

兩晉南北朝大事年表

265 年

乙酉 魏咸熙二年 晉武帝司馬炎泰始元年 吳元興二年 甘露元年

三月，吳報書於魏。 四月，吳改元甘露。 五月，魏加司馬昭殊禮。 八月，司馬昭死，子炎襲爵嗣位。 冬，吳遷都武昌。 閏十一月，大宛、康居獻馬於魏，歸於相國府。 十二月，司馬炎迫魏帝曹奐禪位，廢爲陳留王，易魏爲晉，改元泰始，是爲晉武帝。 晉大封宗室，授以職位；改景初曆爲泰始曆；除魏宗室禁錮，罷部曲將及長吏質任。 晉初置諫官，以散騎常侍傅玄等爲之。玄請崇禮教，退虛誕，以肅士風。

266 年

丙戌 晉泰始二年 吳甘露二年 寶鼎元年

二月，晉除漢宗室禁錮。 三月，吳遣使弔司馬昭喪。 春，詔定五等襲封及封戶之數。 八月，吳改元。 十月，吳永安施但等起事，劫吳帝庶弟孫謙至建業，衆萬餘人；但旋敗死，謙自殺，吳帝殺謙母及弟。 十一月，倭人獻於晉。 罷山陽公國督軍，除禁制。 十二月，吳帝還都建業。 晉罷農官爲郡縣。

267 年

丁亥 晉泰始三年 吳寶鼎二年

六月，吳作昭明宮，二千石以下皆入山督伐大木，費以億萬計。 九月，晉增吏俸。 十二月，晉改封孔子後宗聖侯爲奉聖亭侯。 晉禁星氣、讖緯之學。 是歲，晉遣鮮卑拓跋沙漠汗還。

268 年

戊子 晉泰始四年 吳寶鼎三年

正月，晉修律令成。 十月，吳攻晉江夏、襄陽、芍陂，皆敗還。 吳遣劉俊、修則等爭交州，爲晉將毛炁所破，皆死。 十一月，晉詔舉賢良方正之士。 扶南、林邑各奉獻於晉。

269 年

己丑 晉泰始五年 吳寶鼎四年 建衡元年

正月，晉申戎郡國，務盡地利，禁游食鬻販。 二月，晉以鮮卑降者數萬居雍、涼間，特分雍、涼、梁三州置秦州，命刺史鎮撫之。 晉羊祜都督荊州，墾田八百餘頃。 晉申諸令史黜賞令。 十月，吳改元建衡。 十一月，吳遣虞汜、薛珣、陶璜督兵爭交州。 十二月，晉詔州郡舉勇猛秀異之才。

270 年

庚寅 晉泰始六年 吳建衡二年

正月，吳擾晉渦口。 四月，吳以陸抗都督西方諸軍以備晉。 六月，鮮卑秃髮樹機能侵隴右，秦州刺史胡烈與戰於萬斛堆，敗死。 九月，大宛、焉耆各遣使奉獻於晉。 十二月，吳夏口督孫秀奔晉。 譙周死。

271 年

辛卯 晉泰始七年 吳建衡三年

正月，匈奴右賢王劉猛逃出塞。 吳帝孫皓大舉兵圖攻晉，晉遣將屯壽春拒之，吳師中道罷。 吳孫秀部下五千人降晉。 四月，吳虞

汜襲殺晉九真太守。北地胡結鮮卑樹機能攻金城，晉涼州刺史牽弘拒之，敗死。七月，吳陶璜等破交趾，九真、日南皆降，三郡還屬於吳。八月，晉分益州南中四郡置寧州。十一月，劉猛攻并州，州兵敗之。吳改明年元爲鳳皇。安樂公劉禪卒。

272 年

壬辰 晉泰始八年 吳鳳皇元年
正月，匈奴左部帥李恪殺劉猛降晉。二月，蔡雕文綺組非法之物。夏，汶山白馬夷侵掠諸種，晉益州刺史皇甫暉擊之，牙門將張弘等殺暉，縱兵鈔掠，廣漢太守王濬擊斬弘，夷三族；以濬爲益州刺史。八月，吳西陵督步闡叛降晉，陸抗遣將圍之，晉援闡之兵不得進，闡敗被殺，夷三族。

273 年

癸巳 晉泰始九年 吳鳳皇二年
七月，吳圍晉弋陽，敗還。鮮卑攻晉廣寧，殺略五千人。晉選公卿以下女備六宮，採擇未畢，禁國內婚嫁。十月，晉詔女年十七，父母不遣嫁者，使長吏配之。

274 年

甲午 晉泰始十年 吳鳳皇三年
二月，晉分幽州置平州。三月，晉詔取良家及小將吏女五千人入宮。夏，吳帝以謠言章安侯孫奮當爲天子，殺之，並及其五子。臨海太守奚熙非議國政，吳帝遣兵收之，熙發兵拒守，爲部下所殺，夷三族。七月，吳大司馬陸抗死，遣表請重視西防。吳將孟泰、王嗣降晉。八月，晉涼州羌胡攻金城，爲晉兵所破，斬其帥乞文泥等。九月，晉攻拔吳枳里城。吳攻晉江夏，敗還。十二月，吳將嚴聰等降晉。是歲，晉鑿陝南山，決河東注

洛，以通運漕。

275 年

乙未 晉咸寧元年 吳天冊元年
正月，晉改元咸寧；吳改元天冊。二月，鮮卑樹機能請降於晉。六月，鮮卑拓跋力微復遣子沙漠汗獻於晉。吳攻晉江夏。晉西域戊己校尉馬循破鮮卑，殺其渠帥。自十二月至明年春，晉洛陽大疫，死者萬數，至歲正旦朝賀。

276 年

丙申 晉咸寧二年 吳天冊二年 天璽元年
二月，東夷八國附於晉。并州鮮卑侵晉邊，監并州諸軍事胡奮擊破之。令狐豐死，弟弘爲燉煌太守，涼州刺史楊欣擊殺之。五月，晉汝陰王司馬駿討北胡，殺其帥吐敦。晉立國子學。六月，吳京下督孫楷降晉。七月，吳改元天璽。七月，東夷十七國附於晉。鮮卑阿羅多等擾晉邊，西域戊己校尉馬循擊破之，殺鮮卑四千餘人，獲生口九千餘人，阿羅多等請降。八月，吳預改明年元爲天紀。十月，晉以羊祜爲征南大將軍，祜表請攻吳。

277 年

丁酉 晉咸寧三年 吳天紀元年
三月，晉平虜護軍文鸯擊破樹機能，降諸胡二十餘萬口。五月，吳將邵顗等帥七千餘人降晉。七月，晉改封子弟宗室諸王，分封邑爲三等，按等置軍。十二月，吳攻晉江夏、汝南，略千餘家。鮮卑拓跋沙漠汗爲部人所殺，拓跋氏中衰。是歲，西北雜胡及匈奴、鮮卑、五谿蠻夷、東夷三國，各率種人部落附於晉。

278 年

戊戌 晉咸寧四年 吳天紀二年

三月，東夷六國奉獻於晉。六月，晉涼州刺史楊頡擊鮮卑於武威，敗死。七月，晉司、豫等七州大水，以官牛四萬五千頭給民以任耕稼。十月，晉遣將攻吳皖城，殺五千人，焚積穀百八十餘萬斛，踐稻田四千餘頃，毀船六百餘艘。十一月，羊祜病篤，舉杜預代督荊州。是歲，東夷九國附於晉。

279 年

己亥 晉咸寧五年 吳天紀三年

正月，鮮卑樹機能破涼州，晉使討虜護軍馬隆擊之。匈奴左部帥劉豹死，子劉淵嗣。四月，晉除部曲督以下質任。吳桂林太守修允死，部將郭馬、何典、王族等起事，攻殺廣州督、南海太守，逐刺史，郭馬自號都督交廣二州諸軍事，使何典攻蒼梧，王族攻始興；八月，吳大發兵擊之。十月，匈奴餘渠都督楊雍等帥部降晉。汲郡人不準掘魏王冢，得竹簡古書十餘萬言，藏於秘府。十一月，晉大發兵，遣將水陸六路攻吳。十二月，晉馬隆破鮮卑，殺樹機能，鮮卑大人猝拔韓、且萬能帥萬餘落降。晉司徒左長史傅咸上書，以公私貧困，由設官太多，請并官息役，上下務農。肅慎氏獻於晉。

280 年

庚子 晉咸寧六年 太康元年 吳天紀四年

三月，晉王濬下建業，吳帝孫皓降，吳亡。四月，賜皓爵歸命侯。改元太康。杜預還鎮，引潁、清水灌田萬餘頃，開揚口以通零陵、桂陽之漕。六月，東夷十國內附。七

月，鮮卑軻成泥攻西平、浩亶，殺督將以下三百餘人。東夷二十國來獻。八月，車師前王遣子入侍。是歲，以司隸所統郡置司州。凡有州十九，郡國一百七十三，戶二百四十五萬九千八百四十。詔罷州郡兵，大郡置武吏百人，小郡五十。侍御史郭欽以漢魏以來羌、胡、鮮卑降者多居塞內，與民雜處，習俗不同，屢生變亂，請徙之邊地；不聽。

281 年

辛丑 晉太康二年

三月，以所俘吳人賜王公以下，選吳宮人五千人入宮。六月，東夷五國內附。十月，鮮卑大單于慕容涉歸攻昌黎。十一月，鮮卑侵遼西，平州刺史鮮于嬰擊破之。是歲，以吳人未服者紛起反抗，命揚州刺史暫移秣陵以鎮之。

282 年

壬寅 晉太康三年

正月，罷秦州並雍州。三月，嚴詢破慕容涉歸於昌黎，斬獲數萬。九月，東夷二十九國歸附，奉獻方物。吳故將瑯恭、帛奉舉兵，殺建鄴令，圍揚州，徐州刺史嵇喜擊平之。

283 年

癸卯 晉太康四年

六月，增九卿禮秩。鮮卑軻僚人二千餘落內屬。八月，鄯善國遣子入侍。是年，鮮卑慕容涉歸死，弟剛立為大單于，將殺涉歸子廆，廆亡匿遼東。

284 年

甲辰 晉太康五年

六月，初置黃沙獄。十二月，林邑、大案各

遣使奉獻。閏十二月，杜預死。是歲，劉毅上書陳九品中正法有八損，請廢除之，改用土斷；未行。塞外匈奴胡太阿厚帥部二萬九千三百人來降，處之西河。罷寧州入益州，置南夷校尉。

285 年

乙巳 晉太康六年

四月，扶南等十國來獻，參離四千餘落內附。八月，減百姓絲絹三分之一。十月，龜茲、焉耆遣子入侍。是歲，慕容剛爲部下所殺，部衆迎廆立之。廆請擊鮮卑宇文部，晉不許。廆怒，攻遼西，幽州軍大破之於肥如。廆擊扶餘，扶餘王依慮自殺，子弟走保沃沮，廆俘萬餘人而歸。陳壽三國志始告成。

286 年

丙午 晉太康七年

五月，慕容廆攻遼東，扶餘王依慮子依羅求援於東夷校尉何龕，龕遣兵援之，擊敗慕容廆，遂復扶餘。八月，東夷十一國內附。匈奴胡都大博及萎莎胡各帥種落十餘萬口詣雍州降。月氏僧竺法來，譯正法華經二百十部梓行。是歲，鮮卑拓跋悉鹿死，弟綽立。扶南等二十一國，馬韓等十一國遣使奉獻。

287 年

丁未 晉太康八年

八月，東夷二國內附。十月，南康平固縣吏李豐起事攻郡縣，稱將軍；十一月，海安令蕭輔起事；十二月，吳興人蔣迪起事，圍陽羨；均先後爲州郡兵所敗。扶南、康居各遣使奉獻。是歲，匈奴都督大豆得一育鞠等帥種落萬一千五百口來降。

288 年

戊申 晉太康九年

九月，東夷七國內附。

289 年

己酉 晉太康十年

五月，東夷十一國內附。鮮卑慕容廆以數遭宇文氏、段氏侵擾，遣使請降，拜爲鮮卑都督。廆以遼東僻遠，徙居徒河青山。十一月，以劉淵爲匈奴北部都尉。是歲，東夷絕遠三十餘國、西南夷二十餘國來獻。奚軻男女十萬口來降。

290 年

庚戌 晉太熙元年 晉孝惠皇帝司馬衷永熙元年

正月，改元太熙。二月，東夷七國朝貢。四月，晉武帝死，皇太子衷嗣位，是爲孝惠皇帝，改元永熙，以妃賈氏爲皇后，楊駿爲太傅輔政。十月，以劉淵爲建威將軍、匈奴五部大都督。

291 年

辛亥 晉永平元年 元康元年

正月，改元永平。三月，賈后殺太傅楊駿等，夷三族，廢皇太后楊氏爲庶人，改元元康。六月，賈后殺太宰汝南王司馬亮、太保衛瓘，又殺楚王司馬瑋。七月，分揚州、荊州十郡爲江州。是歲，東夷十七國、南夷二十四部皆內附。

292 年

壬子 晉元康二年

293 年

癸丑 晉元康三年

294 年

甲寅 晉元康四年

五月，匈奴郝散攻上黨，殺長吏；八月，降，被殺。是歲，慕容廆徙居大棘城。

295 年

乙卯 晉元康五年

夏，荆、揚、兗、豫、青、徐六州大水。十月，武庫火，焚二百萬人器械及累代寶物。是歲，拓跋祿官分其國爲三部，與兄子猗菴、猗盧分統之，居上谷、定襄、代郡邊境。

296 年

丙辰 晉元康六年

夏，匈奴郝散弟度元與馮翊、北地馬蘭羌、盧水胡俱起事，殺北地太守，攻陷郡縣。八月，敗雍州刺史兵。秦、雍二州氐、羌皆起響應，立氐帥齊萬年爲皇帝，圍涇陽；十一月，命周處等擊之。關中饑，疫。十二月，略陽清水氐楊茂搜還保仇池，關中人多往依之。

297 年

丁巳 晉元康七年

正月，周處攻齊萬年，敗死。七月，雍、秦二州旱、疫，米斛萬錢。關中饑，詔骨肉相賣者不禁。是歲，拓跋猗菴始經略西方，此後五年，附者三十餘國。裴頠以時尚虛無，著崇有論以斥之。陳壽死；范頤表上陳壽三國志。

298 年

戊午 晉元康八年

九月，荆、豫、徐、揚、冀五州大水，略陽、天水等六郡民以饑饉荒亂流入漢中者數萬家。巴氏李特兄弟率流民入蜀就食。遣侍御史李茂慰勞漢川流民。

299 年

己未 晉元康九年

正月，孟觀破氐，俘齊萬年。江統著徙戎論，請徙馮翊四郡諸羌於析支之地，徙扶風等三郡之氐於武都，又言并州六郡匈奴日漸強大，實爲隱憂。四月，鄴人張承基等聚衆數千，謀起事，爲郡縣捕殺。

300 年

庚申 晉永康元年

四月，趙王司馬倫廢賈后爲庶人，尋殺之，並殺司空張華等，夷三族。倫爲相國。八月，淮南王司馬允攻趙王倫，敗死。倫殺石崇、潘岳等。趙王倫加九錫。九月，改司徒爲丞相。十二月，益州刺史趙廞與略陽人李庠據州起事。

301 年

辛酉 晉永康二年（趙王倫建始元年）

永寧元年

正月，以張軌爲涼州刺史。趙王倫稱皇帝，改元建始；以惠帝爲太上皇，囚之金墉城。趙廞殺李庠，庠弟李特、李流等舉兵殺廞，使人迎新刺史羅尚。三月，汶山羌起事，羅尚遣將擊之，敗。潁川處穆、離狐王盛，聚衆於渴澤，敗死。齊王司馬冏起兵討趙王倫，成都王司馬穎、河間王司馬頤等應之。四月，左衛將軍王與等殺倫黨孫秀等，迎惠帝復辟，囚倫於金墉，旋賜死，改元永寧。六月，王與謀廢齊王冏，事洩，被殺，夷三族。八月，羅尚破汶山羌。十月，益州迫秦雍流民

回故土，流民擁李特起事，攻據廣漢。

302 年

壬戌 晉永寧二年 太安元年

五月，李特稱大將軍、益州牧。八月，建寧李叡、朱提李猛等逐太守，應李特；南夷校尉李毅擊殺之。十一月，復置寧州，以毅爲刺史。十二月，河間王顥、成都王穎等討齊王冏，長沙王司馬乂殺冏，冏黨皆夷三族，改元太安。是歲，鮮卑宇文單于遣將攻慕容廆，敗績。遼東孟光以衆數千家降於廆。高句麗侵玄菟郡，虜八千人。

303 年

癸亥 晉太安二年

正月，李特入成都少城，建元建初。二月，羅尚擊殺李特，特弟流代領其衆；流尋死，特子雄爲帥。五月，義陽蠻張昌更姓名曰李辰，集流民起事，入據江夏，推山都縣吏丘沈（更姓名曰劉尼）爲皇帝，建號曰漢，建元神鳳；江、沔間所在響應，殺新野王司馬歆等，占領荆、江、徐、揚、豫所屬諸城邑；七月，陶侃等大破之，昌逃，衆降散。八月，河間王顥、成都王穎討長沙王乂，進兵洛陽。張昌部將石冰再起，攻陷郡縣，江淮豪姓紛紛起兵擊之。閏十二月，李雄入成都，羅尚遁。五苓夷帥等攻寧州。都督幽州諸軍事王浚表請以遼西郡封鮮卑段務勿塵爲遼西公。

304 年

甲子 晉永安元年 建武元年 永興元年

成都王李雄建興元年 漢王劉淵元熙元年
正月，東海王司馬越囚長沙王乂，改元永安；乂旋爲張方所殺。三月，石冰敗死。成都王穎爲皇太弟居鄴；穎表劉淵爲冠軍將軍監

奴五部軍事。七月，東海王越等奉惠帝討太弟穎，敗於蕩陰，惠帝被迫入鄴，改元建武，東海王越遁歸國。王浚與鮮卑段務勿塵、烏桓羯朱及東瀛公司馬騰聲討太弟穎，太弟穎殺東安王司馬繇，繇兄子琅邪王睿遁歸國。劉淵據離石稱大單于。王浚入鄴，惠帝及太弟穎奔洛陽。拓跋猗包以助司馬騰爲名，入西河，敗劉淵。荊州擒張昌，夷三族。十月，李雄稱成都王，建元建興。劉淵遷左國城，稱漢王，建元元熙，追尊劉禪爲孝懷皇帝。十一月，張方逼惠帝遷長安，太弟穎、豫章王熾從，復改元永安。十二月，太弟穎仍爲成都王，立豫章王熾爲皇太弟，改元永興。司馬騰遣將討劉淵，大敗；淵攻略并州諸郡縣。

305 年

乙丑 晉永興二年 李雄建興二年 漢元熙二年

六月，隴西太守韓稚殺秦州刺史張輔；涼州刺史張軌擊降稚，又破鮮卑若羅拔能，俘十餘萬口。拓跋猗包與司馬騰敗劉淵；假猗包大單于；猗包尋死，子普根代立。七月，東海王越檄州郡兵迎惠帝，被推爲盟主。公師藩起事，汲桑及羯人石勒投之。八月，豫州刺史劉喬拒東海王越。河間王顥表成都王穎都督河北諸軍，十月命穎督軍，爲劉喬後繼。十二月，東海王越部將劉琨擊潰劉喬。陳敏據江東，稱大司馬、楚公。

306 年

丙寅 晉永興三年 光熙元年 成李雄建興三年 晏平元年 漢元熙三年

二月，東海王越遣將率鮮卑兵迎惠帝。三月，幟令劉柏根起事，稱幟公，東萊王彌從

之；柏根旋敗死，王彌入長廣。五苓夷屢敗寧州兵，圍州城，刺史李毅死，衆推殺女李秀領州事，嬰城固守。四月，東海王越遣迎惠帝之師入長安，所部鮮卑大掠，殺二萬餘人。六月，惠帝至洛陽，改元光熙。李雄稱皇帝，改元晏平，國號大成，以丞相范長生爲天地太師。八月，東海王越爲太傅錄尚書事。成都王穎被執，幽於鄴，爲劉輿所殺。公師藩敗死。十一月，惠帝死，皇太弟熾嗣位，是爲孝懷皇帝。十二月，南陽王司馬模殺河間王顥。并州吏民萬餘人就穀於冀州，號爲乞活。

307 年

丁卯 晉孝懷皇帝司馬熾永嘉元年 成晏平二年 漢元熙四年

正月，改元，除三族刑。二月，王彌擾青、徐二州。陳敏敗死，夷三族。三月，西陽夷攻江夏。五月，汲桑、石勒陷鄴，殺萬餘人。建寧郡夷攻陷寧州，死者三千餘人。秦州流民鄧定、旬氏等據成固，掠漢中，州郡擊之，成兵來援，徙漢中民於蜀。七月，以琅邪王睿爲都督揚州江南諸軍事，鎮建康。八月，分荊州、江州八郡爲湘州。九月，汲桑、石勒敗潰，勒旋說胡部大張輔督等投劉淵，淵遣勒破烏桓張伏利度，降其衆。始修千金塢於許昌以通運。十二月，乞活田甄等擊殺汲桑。流民逼頓丘，太守魏植起兵應之，尋敗死。王彌降於劉淵。慕容廆稱大單于。拓跋祿官死，猗盧總攝三部事。

308 年

戊辰 晉永嘉二年 成晏平三年 漢元熙五年 永鳳元年

正月，劉淵遣劉聰、石勒略趙、魏，勒攻常

山，爲王浚所敗。三月，王彌掠青、徐、兗、豫，五月，至洛陽，大敗而東。七月，劉淵陷平陽，上郡鮮卑、氐人皆降於淵。十月，漢王劉淵稱皇帝，改元永鳳。并州刺史劉琨遣將率鮮卑兵敗劉淵。石勒等攻魏郡、汲郡，百姓降者五十餘壘。李雄兵屢侵漢中，漢中民多走荆沔。

309 年

己巳 晉永嘉三年 成晏平四年 漢河瑞元年

正月，劉淵遷都平陽，改元河瑞。三月，劉淵遣將略黎陽、延津，殺男女三萬餘人。夏，石勒略鉅鹿、常山，陷冀州郡縣百餘壁，集衣冠人物，編爲君子營。劉淵遣劉聰、王彌等攻壺關，連破晉兵。白部鮮卑附於劉淵。七月，平陽劉芒蕩起於馬蕢山，稱皇帝；支胡五斗叟郝索屯新豐，與芒蕩合，旋皆敗死。八月，劉淵遣劉聰等攻洛陽，敗還。王浚遣將與鮮卑兵大破石勒於飛龍山。十月，劉淵再遣劉聰等攻洛陽，數失利，退軍。十一月，流民之在潁川等四郡者，紛起殺長吏，附於王彌。

310 年

庚午 晉永嘉四年 成晏平五年 漢河瑞二年 劉聰光興元年

二月，石勒、王彌侵徐、豫、兗三州，攻冀州諸郡，民從者九萬餘口。吳興錢璠起兵，自稱平西將軍，旋敗死。四月，李雄陷梓潼。七月，劉淵死，諡曰光文皇帝，廟號高祖；子和嗣。劉聰殺和自立，改元光興。略陽臨渭氏帥蒲洪稱護氏校尉、秦州刺史、略陽公。九月，雍州流民之在南陽者推京兆王如爲首起事，馮翊嚴嶷、京兆侯脫應之。十月，劉曜、石勒、王彌等攻洛陽。石勒擊併王如

等。并州刺史劉琨招鮮卑拓跋猗盧擊鐵弗及白部鮮卑，破之，表猗盧爲大單于、代郡公。猗盧率部南徙雁門、雲中諸地。十一月，東海王越出駐許昌。寧州刺史王遜敗五苓夷。平陽李洪率流人據定陵。

311 年

辛未 晉永嘉五年 成玉衡元年 漢光興二年 嘉平元年

正月，石勒陷江夏。李雄陷巴西涪城，改元玉衡。蜀流民李驤據樂鄉，敗降被殺。流民杜疇等復起事，推杜弢爲主，稱梁益二州牧、湘州刺史。三月，東海王越死。四月，石勒追越喪及之苦縣，晉兵死者十餘萬，殺從越諸王公及太尉王衍等，焚越屍。王桑、冷道等陷徐州，擾歷陽。五月，杜弢陷湘州，掠零陵、桂陽。六月，劉曜、王彌入洛陽，官民死者三萬餘人；懷帝被俘，劉聰封帝爲平阿公，改元嘉平。司空荀藩檄推琅邪王睿爲盟主，藩等擁其甥秦王司馬業奔許昌，征東大將軍荀晞擁豫章王司馬端爲皇太子。七月，大司馬王浚假立皇太子。八月，劉聰遣將犯長安。九月，石勒擒荀晞。十月，石勒殺王彌，略豫州，臨江而還。十二月，馮翊太守索綝、安定太守賈正等擊劉聰兵，圍長安，迎秦王業西上。慕容廆擊并遼東附塞鮮卑。高句麗襲遼東西安平。

312 年

壬申 晉永嘉六年 成玉衡二年 漢嘉平二年

正月，胡亢據竟陵，稱楚公，掠荊州，以杜曾爲竟陵太守。劉聰進封懷帝爲會稽郡公。四月，賈正等逐劉曜，迫秦王業如長安。七月，石勒據襄國。劉聰陷晉陽，并州刺史劉琨奔常山。九月，賈正等立秦王業爲皇太

子。十月，劉琨以拓跋猗盧之助，敗劉聰，復晉陽。十二月，廣平游綸等據苑鄉附於王浚，石勒攻之，王浚遣將及遼西鮮卑兵攻勒於襄國，鮮卑中變，與勒盟而還。杜弢擴地荊州，征討都督王敦遣武昌太守陶侃等擊之。王如降於王敦。南安赤亭羌姚弋仲東徙榆眉，稱護羌校尉、雍州刺史、扶風公。

313 年

癸酉 晉永嘉七年 晉孝愍皇帝司馬業建興元年 成玉衡三年 漢嘉平三年

正月，劉聰殺晉懷帝。四月，皇太子業卽皇帝位，是爲孝愍皇帝，改元建興。王浚招拓跋猗盧、慕容廆攻遼西鮮卑段氏。五月，以琅邪王司馬睿爲左丞相，督陝東諸軍；南陽王司馬保爲右丞相，督陝西諸軍。七月，劉琨與拓跋猗盧連兵攻劉聰。八月，改建鄴爲建康。十月，劉曜攻長安，入外城，旋大敗。十一月，流人楊武陷梁州，大掠，尋奔李雄。十二月，石勒僞奉表於王浚勸進。拓跋猗盧城盛樂以爲北都，治故平城爲南都。

314 年

甲戌 晉建興二年 成玉衡四年 漢嘉平四年

二月，以張軌爲涼州牧、西平公。王浚爲大司馬都督幽冀，劉琨爲大將軍都督并州。石勒襲幽州，擄王浚殺之。幽州旋爲鮮卑段匹磾所據。五月，張軌死，子寔嗣。六月，劉曜攻長安，不利。石勒以幽冀漸平，定戶出帛二匹、穀二斛。李雄定男丁歲穀三斛，女丁半之，疾病又半之；戶調絹數丈，綿數兩。

315 年

乙亥 晉建興三年 成玉衡五年 漢嘉平

五年 建元元年 前涼張寔元年

正月，吳興功曹徐馥殺太守起事，孫皓族人孫弼起兵於廣德應之，旋皆敗死。二月，以左丞相琅邪王睿爲丞相、大都督，南陽王保爲相國，劉琨都督并、冀、幽。進封拓跋猗盧爲代王。杜弢降，尋又反。劉聰改元建元。八月，陶侃破杜弢，弢走死，湘州平；以侃爲廣州刺史，時廣州紛擾，侃至定之。九月，劉聰以石勒爲陝東伯，得專征伐。劉曜略北地，陷馮翊，於是自長安以西不復貢奉。

316 年

丙子 晉建興四年 成玉衡六年 漢建元

二年 麟嘉元年 前涼張寔二年

四月，代王拓跋猗盧爲其子所殺，都下烏桓三萬家歸於劉琨。七月，劉曜陷北地，至涇陽。河東平陽饑，石勒招納流民二十萬戶。八月，劉曜圍長安，十一月，愍帝出降，劉聰封爲懷安侯；改元麟嘉。劉琨爲石勒所敗，奔幽州依段匹磾。

317 年

丁丑 晉建興五年 晉王司馬睿建武元年

成玉衡七年 漢麟嘉二年 前涼張寔三年

三月，琅邪王睿卽晉王位於健康，改元建武。以慕容廆都督遼左雜夷流民諸軍事、大單于。六月，豫州刺史祖逖進據譙城，經營北伐。七月，弛山澤之禁。九月，豫章太守周訪大破杜曾。十一月，置史官，立太學。十二月，劉聰殺愍帝。晉王命課督農功，二千石長吏以入穀多少爲殿最；諸軍各自佃作。是歲，張寔稱晉建興五年，至是對外用建興年號至354年。仇池氐王楊茂搜死，子難敵、堅頭分領部曲，號左、右賢王。河南王吐谷渾死，子吐延嗣。

318 年

戊寅 晉中宗孝元皇帝建武二年 大興元

年 成玉衡八年 漢劉粲漢昌元年 劉曜光

初元年 前涼張寔四年

三月，晉王睿稱皇帝，是爲中宗孝元皇帝，改元大興。五月，段匹磾殺劉琨。六月，初置諫鼓謗木。七月，拓跋鬱律破劉虎，拓地東至勿吉，西至烏孫。漢帝劉聰死，子粲嗣，改元漢昌；八月，靳準殺之，自稱大將軍、漢天王；遣使告晉迎懷愍之喪。十月，劉曜稱帝，改元光初。石勒攻靳準，徙羌羯降者十餘萬落於冀州。十一月，詔秀才、孝廉試經策，始署吏。十二月，靳準被殺。成梁州刺史李鳳起事，敗死。

319 年

己卯 晉大興二年 成玉衡九年 趙（

漢）光初二年 後趙石勒元年 前涼張寔五年

二月，泰山太守徐龕稱兗州刺史，大掠濟、岱。四月，劉曜遷都長安。南陽王保稱晉王，改元建康。五月，祖逖敗於石虎。石虎破鮮卑日六延，俘斬五萬人。周訪破斬杜曾。六月，漢帝劉曜改國號曰趙，史稱前趙。十一月，石勒稱趙王，史稱後趙；勒令採舊律作辛亥制度，置律學祭酒官。十二月，平州刺史崔懿說高句驪、宇文、段氏合擊慕容廆，大敗。蒲洪附於劉曜。屠各胡路松多起兵附晉王保，秦、隴氐羌多應之。

320 年

庚辰 晉大興三年 成玉衡十年 趙（

漢）光初三年 前涼張寔六年 後趙二年

正月，劉曜破路松多。二月，冀州刺史邵續爲石虎所俘，晉北方藩鎮皆盡。五月，晉王

保爲部下所殺。徐龕降。六月，涼州刺史張寔爲部下所殺，弟茂嗣，建元永元，惟對外仍用建興年號。巴人句渠知反劉曜，稱大秦，建元平趙，氐、羌、巴羯三十餘萬應之，關中大亂，曜遣將擊定之，又破氐酋秦王虛除權渠，徙其部落二十餘萬口於長安。劉曜立太學，選千五百人爲弟子。祖逖破石勒別軍於汴。八月，徐龕叛降石勒。石勒定選舉五品制，又改九品制，命公卿州郡歲舉秀才，孝廉、賢良、直言、武勇之士各一人。十二月，高句麗攻遼東，大敗。

321 年

辛巳 晉大興四年 成玉衡十一年 趙（漢）光初四年 前涼張茂永元元年 後趙三年
二月，徐龕又降。三月，增置周易、儀禮、公羊博士。幽州刺史段匹磾爲石勒所執，後被殺，至是，石勒遂幾有幽、冀、并三州。五月，免中原良民遭難爲揚州僮客者，以備征役。九月，豫州刺史祖逖死。十一月，石勒禁釀酒。十二月，以慕容廆都督幽、平二州東夷諸軍事、平州牧、遼東公。

322 年

壬午 晉永昌元年 成玉衡十二年 趙（漢）光初五年 前涼永元二年 後趙四年
正月，改元永昌。王敦反於武昌，沈充起於吳興應之。二月，劉曜攻仇池楊難敵，遷隴西萬餘戶於長安，難敵稱藩，曜命爲益、寧、秦三州牧、武都王。三月，以王導爲前鋒大都督禦王敦。王敦入石頭城，縱兵劫掠。四月，王敦還武昌。七月，石虎殺徐龕，徐、兖郡縣多陷於石勒。十月，罷司徒並丞相。閏十一月，晉元帝卒，皇太子紹嗣位，是爲孝明皇帝，司空王導輔政。

323 年

癸未 晉永昌二年 肅宗孝明皇帝司馬紹太寧元年 成玉衡十三年 趙（漢）光初六年 前涼永元三年 後趙五年
三月，改元太寧。四月，王敦爲揚州牧，加殊禮，移鎮姑孰。六月，梁碩據交州叛，廣州刺史陶侃討斬之。七月，劉曜遣將擊定隴上，徙秦州大姓楊、姜諸族二千餘戶於長安。石虎破青州，殺刺史曹嶷。張茂稱藩於劉曜，曜封茂爲涼王，加九錫。越雋夷斯叟攻李雄守將。

324 年

甲申 晉太寧二年 成玉衡十四年 趙（漢）光初七年 前涼永元四年 後趙六年
正月，王敦殺周嵩等，滅周氏。石勒部將攻劉曜河南郡，掠五千餘戶而歸。術士李脫造書聚衆，被殺。五月，張茂死，子駿嗣，改元太元；晉拜駿爲涼州牧、西平公，劉曜亦拜駿爲涼州牧、涼王。王敦以子應爲武衛將軍，爲己之副。六月，王敦再反，七月前鋒及建康。下詔數王敦及謀士錢鳳罪，以王導爲大都督討敦。七月，王敦死，軍潰，錢鳳等先後被殺。十二月，興古等郡入於李雄。

325 年

乙酉 晉太寧三年 成玉衡十五年 趙（漢）光初八年 後趙七年 前涼張駿太元元年
二月，復三族刑，惟不及婦人。慕容廆大破宇文乞得歸，俘人及畜以百萬計。四月，石勒破兖州。五月，石勒遣將破劉曜關東諸屯戍，於是司、豫、徐、兖皆入於勒，與晉以淮爲界。以陶侃都督荆、湘、雍、梁四州諸軍事、荊州刺史。六月，劉曜以劉胤爲大司

馬大單于，置單于臺，分以胡、羯、鮮卑、氐、羌豪帥爲左右賢王等。閏七月，明帝死，皇太子衍嗣位，是爲顯宗成皇帝，皇太后庾氏臨朝稱制，以司徒王導錄尚書事，與庾亮參輔朝政。是歲，寧州刺史尹奉募檄外夷人刺殺梁水夷首領爨量，招降益州夷首領李邊，撫定寧州。

326 年

丙戌 晉太寧四年 顯宗成皇帝司馬衍咸和元年 成玉衡十六年 趙（漢）光初九年 後趙八年 前涼太元二年
二月，改元咸和。六月，李雄破越雋夷斯叟。十月，庾亮殺南頓王司馬宗。十一月，石勒侵淮南，王導禦退之。改定王侯國秩，九分食一。十二月，石勒定九流，立秀才、孝廉試經之法。張駿徙隴西、南安民二千餘家於姑臧。

327 年

丁亥 晉咸和二年 成玉衡十七年 趙（漢）光初十年 後趙九年 前涼太元三年
正月，寧州秀才龐遺起兵攻李雄。五月，劉曜攻仇池，掠三千餘戶。十月，張駿攻劉曜秦州，大敗；曜兵進入令居，降斬數萬，駿河南地皆失。十一月，歷陽內史蘇峻反；十二月，豫州刺史祖約亦反，與蘇峻連兵，陷姑孰。

328 年

戊子 晉咸和三年 成玉衡十八年 趙（漢）光初十一年 後趙太和元年 前涼太元四年
二月，蘇峻至建康，尚書令卞壺等戰死，庾亮遁尋陽。峻自爲驃騎將軍、錄尚書事。石勒建元太和。五月，蘇峻遷晉帝於石頭城。

陶侃、溫嶠、庾亮等起兵討蘇峻。六月，宣城太守桓彝與蘇峻戰，敗死。七月，石勒渡淮，虜二萬餘戶。八月，石虎攻劉曜，大敗，曜圍金墪。九月，蘇峻敗死，部下立其弟逸爲帥。十二月，石勒救金墪，擒劉曜，斬五萬餘級。

329 年

己丑 晉咸和四年 成玉衡十九年 趙（漢）光初十二年 後趙太和二年 前涼太元五年
正月，祖約奔石勒。劉曜太子熙奔上邽，石勒取長安。二月，蘇逸敗死。八月，劉曜部將劉胤攻長安。九月，石虎敗劉胤，破上邽，殺劉熙、劉胤及其王公卿校三千餘人；徙九千餘人於襄國；坑五郡屠各胡五千餘人；俘河西羌數萬；氐王蒲洪、羌酋姚弋仲皆降，氐羌十五萬落隨徙司、冀二州。前趙劉氏亡。十二月，右軍將軍郭默殺江州刺史劉胤。代王拓跋翳槐遣弟什翼健質於石勒。河南王吐延被刺死，子葉延立，用祖父字，稱其國曰吐谷渾。

330 年

庚寅 晉咸和五年 成玉衡二十年 後趙太和三年 建平元年 前涼太元六年
二月，石勒稱大趙天王，行皇帝事；以祖約叛國來投，殺之。五月，陶侃、庾亮擒斬郭默。石勒部將浮海擾沿海諸縣。六月，張駿復取河南地。初稅田，畝三升。丁零翟斌朝於石勒，封句町王。九月，石勒稱帝，改元建平。石勒兵入襄陽。休屠王羌起反石勒，敗奔涼州。十月，李遜陷巴東。十二月，張駿稱藩於石勒。

331 年

辛卯 晉咸和六年 成玉衡二十一年 後趙建平二年 前涼太元七年
正月，石勒部浮海擾婁縣、武進。三月，詔舉賢良直言之士。夏，石勒詔公卿歲舉賢良方正，起明堂、辟雍於襄國。九月，石勒以洛陽爲南都。

332 年

壬辰 晉咸和七年 成玉衡二十二年 後趙建平三年 前涼太元八年
三月，石勒部浮海擾南沙、海虞。四月，石勒部陷襄陽。七月，陶侃復襄陽。十一月，詔舉賢良。

333 年

癸巳 晉咸和八年 成玉衡二十三年 後趙建平四年 前涼太元九年
正月，石勒遣使修好於晉，拒之。三月，李雄陷寧州。五月，慕容廆死，子皝嗣。七月，石勒死，子弘嗣，石虎自爲丞相、魏王、大單于，加九錫。十月，石生、石朗起兵攻石虎，皆敗死。氐王蒲洪降於虎，徙秦、雍流民及氐、羌十餘萬戶於關東。慕容皝兄弟內鬩，皝庶兄翰奔遼西段氏，弟仁據遼東。

334 年

甲午 晉咸和九年 成玉衡二十四年 後趙石弘延熙元年 前涼太元十年
正月，石弘改元延熙。仇池氐王楊難敵死，子毅立，遣使稱藩於晉。遼西段氏攻慕容皝。三月，李雄分寧州置交州。石虎遣將擊關中，徙秦州三萬餘戶於青、并二州。長安陳良夫奔黑羌，與新羌王薄句大等攻北地、馮翊。慕容仁稱平州刺史、遼東公。六

月，陶侃死。成李雄死，兄子班嗣，以建寧王李壽錄尚書事。十月，成李雄子李期殺李班自立。十一月，石虎廢石弘，稱居攝天王；尋殺弘及石勒妻子。慕容皝攻遼東，取襄平，徙遼東大姓於棘城。

335 年

乙未 晉咸康元年 成李期玉恒元年 後趙石虎建武元年 前涼太元十一年
正月，改元咸康。石虎改元建武。李期改元玉恒。夏，大旱，會稽、餘姚尤甚，米升五百，人相賣。九月，石虎遷都於鄴。石虎擊平薄句大等。是歲，代王拓跋翳槐以內亂奔於石虎。西域焉耆、于闐、鄯善、龜茲皆遣使奉獻於張駿。

336 年

丙申 晉咸康二年 成玉恒二年 後趙建武二年 前涼太元十二年
正月，慕容皝平遼東，殺慕容仁。二月，高句麗遣使獻於晉。六月，遼西段遼、鮮卑宇文逸豆歸會攻慕容皝，大敗。十月，廣州刺史遣兵攻占夜郎、興古。十一月，索頭郁鞠以衆三萬降於石虎，虎徙其衆於冀、青等六州。石虎大興土木。林邑王范文獻於晉。

337 年

丁酉 晉咸康三年 成玉恒三年 後趙建武三年 慕容皝燕元年 前涼太元十三年
正月，石虎稱天王。晉立太學。七月，安定人侯子光稱佛太子，聚衆杜縣，稱大黃帝，建元龍興；石虎部將擊殺之。十月，慕容皝稱燕王，稱藩於石虎。代王拓跋翳槐復國。仇池氐楊初殺其王毅，自立爲仇池公，稱臣於石虎。

338 年

戊戌 晉咸康四年 漢（成）李壽漢興元年 後趙建武四年 燕二年 代拓跋什翼犍建國元年 前涼太元十四年

正月，慕容皝與石虎夾攻遼西段遼，三月，遼敗走，石虎徙段氏民二萬餘戶於司、雍、兗、豫四州。四月，成李壽廢李期自立，改國號曰漢，改元漢興。石虎攻慕容皝，圍棘城，大敗，失五萬餘人。石虎子石宣擊朔方鮮卑斛摩頭，斬四萬餘級。六月，以王導爲丞相，罷司徒官。八月，分寧州置安州。九月，漢李壽盡殺李雄諸子。十一月，代王翳槐死，弟什翼犍嗣，建元建國。

339 年

己亥 晉咸康五年 漢（成）漢興二年 後趙建武五年 燕三年 代建國二年 前涼太元十五年

三月，廣州刺史鄧嶽復寧州。七月，丞相王導卒。八月，復改丞相爲司徒。九月，石虎遣將侵汧南，遷漢東七千餘戶於幽、冀。慕容皝攻高句麗新城，與盟而還。

340 年

庚子 晉咸康六年 漢（成）漢興三年 後趙建武六年 燕四年 代建國三年 前涼太元十六年

正月，庾亮死。三月，代王拓跋什翼犍始都雲中盛樂宮。春，高句麗王遣世子朝燕。秋，石虎徙遼西、北平、漁陽萬餘戶於兗、豫、雍、洛四州，自幽州東與屯田，括民馬，大征兵，欲以擊慕容皝。皝從間道趨薊，掠三萬餘家而去。

341 年

辛丑 晉咸康七年 漢（成）漢興四年 後趙建武七年 燕五年 代建國四年 前涼太元十七年

正月，慕容皝築龍城。二月，以慕容皝爲幽州牧、大單于、燕王。四月，實編戶，王公以下皆正土斷、白籍。十月，匈奴劉虎攻代，什翼犍大破之。石虎將浮海攻慕容皝所屬遼東安平。十二月，除樂府雜伎。罷安州。

342 年

壬寅 晉咸康八年 漢（成）漢興五年 後趙建武八年 燕六年 代建國五年 前涼太元十八年

六月，成帝死，弟琅邪王岳嗣，是爲康皇帝。十月，慕容皝遷都龍城。十一月，皝破高句麗，入丸都，高句麗王釗遁，虜五萬餘口而還。十二月，石虎大興土木，百姓怨怒。貝丘李弘以圖讖聚衆，署置百官，事泄，死。

343 年

癸卯 晉康皇帝司馬岳建元元年 漢（成）漢興六年 後趙建武九年 燕七年 代建國六年 前涼太元十九年

二月，高句麗王釗稱臣於慕容皝。宇文逸豆歸擊慕容皝大敗。七月，下詔議經略中原。八月，慕容皝舉兵擊代王什翼犍，無功。漢李壽死，子勢嗣。石虎子宣破鮮卑斛谷提，斬三萬級。十二月，高句麗遣使奉獻。

344 年

甲辰 晉建元二年 漢（成）李勢太和元

年 後趙建武十年 燕八年 代建國七年
前涼太元二十年

正月，漢李勢改元太和。慕容皝擊宇文逸豆歸，大克之，逸豆歸走死漠北，宇文部散亡。九月，晉康帝死，皇太子聃嗣，是爲孝宗穆皇帝，皇太后褚氏臨朝稱制。

345 年

乙巳 晉孝宗穆皇帝司馬聃永和元年 漢（成）太和二年 後趙建武十一年 燕九（十二）年 代建國八年 前涼太元二十一年春，石虎發諸州民二十六萬人修洛陽宮，征百姓牛二萬頭配牧官，征民女三萬餘人配東宮及公侯，荆、楚、揚、徐之民大駭。慕容皝開苑囿給貧民耕種，極貧者給耕牛。四月，以會稽王司馬昱爲撫軍大將軍、錄尚書六條事。八月，以桓溫持節都督荆、司、雍、梁、益、寧六州諸軍事，領護南蠻校尉、荊州刺史。十月，慕容皝攻高句麗，取南蘇，置戍而去。十二月，張駿擊降焉耆。駿分部內爲涼、河、沙三州，稱大都督、大將軍、假涼王，督攝三州。慕容皝去晉年號，自稱十二年。

346 年

丙午 晉永和二年 漢（成）太和三年 嘉寧元年 後趙建武十二年 燕十三年 代建國九年 前涼太元二十二年正月，慕容皝遣其子儁攻扶餘，虜其王玄，遷其部落五萬餘口而還。五月，張駿死，子重華嗣，改元永樂。石虎立私論朝政之法，聽吏告其長、奴告其主。六月，石虎部將擄張重華涼民七千餘戶徙於雍州，重華遣將謝艾迎擊之，斬五千級。十月，漢李奕圍成都，中流矢死。李勢改元嘉寧。十一月，桓溫伐漢李勢。

347 年

丁未 晉永和三年 漢（成）嘉寧二年 後趙建武十三年 燕十四年 代建國十年 前涼張重華永樂元年

三月，桓溫入成都，李勢降，漢亡。林邑王范文陷日南殺太守。漢李氏遺臣紛紛起兵，四月，隗文等入成都。石虎攻張重華之枹罕，大敗。七月，林邑王范文陷日南。隗文等立范賁爲皇帝。八月，石虎再攻枹罕，又大敗。石虎發前代陵墓取珍寶，又發男女十六萬人、車十萬乘築華林苑，然燭夜作，死者數萬。石虎襲取枹罕，脅降河南諸氐羌。十月，武都仇池氐王楊初稱藩於晉，命爲雍州刺史、仇池公。十二月，振威護軍蕭敬文據涪城，稱益州牧，後四年餘方敗死。

348 年

戊申 晉永和四年 後趙建武十四年 燕十五年 代建國十一年 前涼永樂二年 四月，林邑王范文攻九真，殺吏民什八九。九月，燕王慕容皝死，子儁嗣。十二月，豫章黃範稱孝神皇帝，攻臨川，未幾敗死。

349 年

己酉 晉永和五年 後趙太寧元年 燕慕容儁元年 代建國十二年 前涼永樂三年 正月，趙天王石虎稱皇帝，改元太寧。石虎部將梁犢叛虎自稱晉征東大將軍，掠滎陽、陳留諸郡，姚弋仲、蒲洪擊平之。始平馬弼聚衆起事，稱將軍，石虎部將平之，殺三千餘家。四月，范賁敗死，益州平。遣使拜慕容儁爲幽、平二州牧、大將軍、大單于、燕王。桓溫遣將擊林邑王范文，敗屯九真。石虎死，太子世嗣。五月，世兄石遵殺世自立。石冲自蓟起兵討石遵，敗死。七月，

稽督師北伐，失利而還。九月，張重華自立爲丞相、涼王、雍、秦、涼三州牧。十一月，趙武興公石閔廢殺石遵，立義陽王石鑒，閔爲大將軍，進封武德王，錄尚書事。秦、雍流民十餘萬推蒲洪爲主。十二月，石閔囚石鑒，大殺胡羯，死者二十餘萬。

350 年

庚戌 晉永和六年 衛李閔（石閔、冉閔）青龍元年 魏（冉）永興元年 燕慕容儁二年 代建國十三年 前涼永樂四年
正月，石閔更國號曰衛，易姓李，改元青龍，國內大亂。閔正月，衛李閔殺石鑒，並殺石虎二十八孫，石氏幾盡。閔自立爲皇帝，改元永興，國號魏。趙新興王石祗即皇帝位於襄國，改元永寧。姚弋仲攻蒲洪，大敗。洪自稱大都督、大將軍、大單于三秦王，改姓苻。二月，慕容儁南下，三月入薊。魏李閔復姓冉氏。苻洪爲人燒死，子健代統其衆。四月，石祗遣將攻冉閔。七月，鮮卑段龕據廣固，稱齊王。八月，慕容儁徙上谷、廣寧、代郡民於徐無、凡城。苻健自稱晉征西大將軍、都督關中諸軍事、雍州刺史，擁衆入關。九月，慕容儁取章武、河間。十一月，苻健入長安。冉閔攻石祗於襄國。

351 年

辛亥 晉永和七年 魏（冉）永興二年 燕慕容儁三年 代建國十四年 秦苻健皇始元年 前涼永樂五年
正月，苻健自稱天王、大單于，國號秦，建元皇始。二月，段龕附晉，封爲齊公。趙石祗貶號稱王，乞師於慕容儁、姚弋仲。三月，冉閔敗還鄴，襄國圍解。石氏所徙各州民及氐、羌、胡、蠻數百萬口紛還本土，路中互相殺掠，死者大半，中原饑，人相食。石

祗遣將攻冉閔，大敗。四月，石祗爲部將劉顯所殺，後趙亡；七月，顯稱皇帝於襄國。十月，姚弋仲請降於晉，命爲使持節六夷大都督、督江北諸軍事、大單于、高陵公。十二月，丁零帥翟鼠降於慕容儁。

352 年

壬子 晉永和八年 魏（冉）永興三年 燕慕容儁元璽元年 代建國十五年 秦皇始二年 前涼永樂六年
正月，苻健稱皇帝。張琚據宜秋，稱秦王，建元建昌。冉閔破襄國，殺劉顯。姚弋仲死，子襄代領其衆；襄與苻健戰敗，奔於晉。趙故將段勤聚胡、羯萬餘人據繹幕，稱趙帝。四月，慕容儁擊段勤、冉閔，勤降，閔被俘，爲慕容儁所殺。五月，苻健擊殺張琚。鄴中大饑，人相食，趙時宮人被食略盡。七月，苻健徙潁、洛、陳、許之民五萬餘戶於關中。八月，周撫擊斬蕭敬文於涪。王午稱安國王。慕容儁取鄴。十月，中山蘇林稱皇帝，閏十月，慕容儁擊斬之。王午爲部下所殺，其將呂護復稱安國王。十一月，燕慕容儁稱皇帝，改元元璽，都薊，建留臺於龍都。

353 年

癸丑 晉永和九年 燕元璽二年 代建國十六年 秦皇始三年 前涼永樂七年
二月，張重華攻苻健，大敗，喪萬餘人。三月，交州刺史大破林邑兵。燕常山李犢起兵。西域胡劉康據平陽，稱晉王，旋敗。五月，張重華攻苻健，陷上邽。慕容儁擊降李犢。七月，關中人紛起反苻健，健遣將分擊平之。十月，殷浩北伐；姚襄反，浩敗回。十一月，張重華死，子曜靈嗣爲涼州牧、西平公。十二月，張祚廢張曜靈，自爲

州牧、涼公。秦置荊州於豐陽縣，通關市，來遠商。

354 年

甲寅 晉永和十年 燕元璽三年 代建國十七年 秦皇始四年 前涼張祚和平元年 正月，張祚稱涼王，改元和平，對外始不用建興年號。桓溫廢殷浩為庶人。二月，桓溫伐關中。慕容儁破呂護。姚襄降燕。四月，桓溫破苻健兵，進駐灊上。五月，江西乞活執陳留內史降於姚襄。六月，桓溫退師。是歲，關中大饑，米一升直布一匹。

355 年

乙卯 晉永和十一年 燕元璽四年 代建國十八年 秦苻生壽光元年 前涼和平二年 正月，仇池氏內鬩，楊初被殺，子國嗣。六月，秦苻健死，子生嗣，改元壽光。七月，河州刺史張瓘討張祚；祚殺張曜靈；閏九月，祚部下殺祚，立曜靈弟玄靚為涼州牧、西平公，改元太始，對外復稱建興四十三年。張瓘至，推玄靚為涼王，自為涼州牧、張掖公，境內大亂。十二月，高句麗王釗獻於慕容儁，儁封為樂浪公、高句麗王。慕容儁遣將攻段龕。

356 年

丙辰 晉永和十二年 燕元璽五年 代建國十九年 秦壽光二年 前涼張玄靚太始元年 二月，張玄靚稱藩於苻生。以桓溫為征討大都督，伐姚襄。八月，溫大破襄，襄奔襄陵；溫入洛陽，修諸陵，留兵戍之，徙降民三千家於江、漢之間。十一月，慕容儁陷廣固，段龕降，徙鮮卑、胡、羯三千餘戶於薊，徙地入於燕。是歲，仇池內鬩，楊俊殺楊

國，自立為仇池公；遣使歸順。

357 年

丁巳 晉升平元年 燕光壽元年 代建國二十年 秦苻堅永興元年 前涼太始二年 正月，天竺旃檀獻馴象。二月，慕容儁改元光壽。五月，苻生遣將擊斬姚襄，襄弟萇降。慕容儁遣弟垂等攻敕勒於塞北，俘斬十餘萬，獲馬十三萬匹、牛羊億萬頭。匈奴單于賀賴頭帥部三萬五千口降慕容儁，處之代郡平舒。六月，苻堅殺苻生自立，去帝號，稱大秦天王，改元永興，以王猛為中書侍郎，典機密。十一月，慕容儁遷都於鄴。是歲，扶南遣使獻馴象，晉不受。

358 年

戊午 晉升平二年 燕光壽二年 代建國二十一年 秦永興二年 前涼太始三年 三月，慕容儁略定并州。十月，慕容儁略地河南。十二月，北中郎將荀羨北伐，敗還。

359 年

己未 晉升平三年 燕光壽三年 代建國二十二年 秦甘露元年 前涼太始四年 三月，以糧運不繼，王公以下部曲奴客十三人借一人助運。六月，苻堅改元甘露。張瓘以苛虐失衆，榮混起兵攻之，瓘兵敗自殺。混說張玄靚去涼王號，復稱涼州牧。八月，諸葛攸擊慕容儁，大敗於東阿。十月，謝萬等北伐，未遇敵而兵潰，慕容儁乘之，攻占許昌、潁川、譙、沛諸城。交州刺史溫放之攻略林邑參黎、毗濠降之。以楊俊為仇池公。

360 年

庚申 晉升平四年 燕慕容暉建熙元年 代建國二十三年 秦甘露二年 前涼太始五

年

正月，燕慕容儁死，子暉嗣，改元建熙，以太原王慕容恪爲太宰，專錄朝政。三月，匈奴劉衛辰降苻堅，入居塞內。十月，烏桓獨孤部、鮮卑沒奕干各率衆降苻堅。仇池公楊後卒，子世嗣。

361 年

辛酉 晉升平五年 燕建熙二年 代建國二十四年 秦甘露一年 前涼太始六年

正月，匈奴劉衛辰附於代王什翼犍。四月，桓溫取許昌，破燕將。五月，晉穆帝死，琅邪王丕嗣位，是爲哀皇帝。十二月，張玄靚改建興四十九年，奉升平之號。苻堅命州郡舉孝悌、廉直、文學、政事之士。

362 年

壬戌 晉哀皇帝司馬丕隆和元年 燕建熙三年 代建國二十五年 秦甘露四年 前涼太始七年

正月，減田租，畝收二升。二月，慕容暉攻洛陽，七月，退。五月，苻堅臨太學，考第諸生經義，自是每月一至。

363 年

癸亥 晉隆和二年 興寧元年 燕建熙四年 代建國二十六年 秦甘露五年 前涼太始八年

二月，改元興寧。四月，慕容暉兵攻滎陽。八月，張天錫殺張玄靚，稱涼州牧、西平公，改元太清，對外仍用升平年號。十月，慕容暉兵攻陳留。代王什翼犍大破高車，俘萬餘口，牛羊馬百餘萬頭。

364 年

甲子 晉興寧二年 燕建熙五年 代建國

二十七年 秦甘露六年 前涼張天錫太清元年

二月，慕容暉兵略地河南。三月，庚戌朔，大閱戶口，令所在上斷，謂之庚戌制。四月，慕容暉兵略許昌、汝南、陳郡，徙萬餘戶於幽、冀二州，留兵戍許昌。八月，慕容暉兵屯盟津，窺洛陽。是歲，苻堅令去京師百里工商阜隸不得販金銀錦繡，犯者棄市。

365 年

乙丑 晉興寧三年 燕建熙六年 代建國二十八年 秦建元元年 前涼太清二年

正月，匈奴劉衛辰反代，敗走。二月，晉哀帝卒，弟琅邪王奕嗣位，是爲廢帝海西公。苻堅改元建元。慕容暉陷洛陽。七月，匈奴曹叡、劉衛辰攻杏城，苻堅擊破之，叡降，衛辰被俘。十月，梁州刺史司馬勳反，稱成都王。

366 年

丙寅 海西公司馬奕太和元年 燕建熙七年 代建國二十九年 秦建元二年 前涼太清三年

五月，司馬勳敗死。代王什翼犍附於苻堅。七月，苻堅將王猛等攻南鄉郡，掠安陽民萬餘戶而還。十月，以琅邪王司馬昱爲丞相，錄尚書事，加殊禮。十二月，隴西李儼自立，羌斂岐以略陽四千家附之。南陽趙儼等據宛城，逐太守，叛附慕容暉。

367 年

丁卯 晉太和二年 燕建熙八年 代建國三十年 秦建元三年 前涼太清四年

三月，苻堅將王猛等攻羌斂岐，擒之。四月，張天錫攻李儼；王猛救儼，敗天錫軍，遂入枹罕，詐虜儼。五月，燕太宰慕容恪死。

桓豁攻下宛城，趙億遁。苻堅分匈奴曹轂部爲二，號東西曹。七月，慕容暉遣將破敕勒，獲馬牛數萬頭。十月，秦苻氏內閔。什翼健破匈奴劉衛辰，掠其部落什六七。

368 年

戊辰 晉太和三年 燕建熙九年 代建國三十一年 秦建元四年 前涼太清五年
正月，苻堅遣兵分道平亂，至十二月始定。慕容暉以王公貴戚多占民爲蔭戶，國之戶口少於私家，詔斷諸蔭戶，盡屬郡縣，遂出戶二十餘萬。加大司馬桓溫殊禮，位諸侯王上。

369 年

己巳 晉太和四年 燕建熙十年 代建國三十二年 秦建元五年 前涼太清六年
四月，桓溫督步騎五萬北伐慕容暉。六月，桓溫鑿鉅野三百里，引汶水會於清水，以濟舟師，屢破慕容暉之衆，師次枋頭。九月，桓溫糧盡退兵，慕容垂乘機追據，溫大敗，死三萬餘人。十月，豫州刺史袁真據壽春降於慕容暉。十一月，慕容垂奔於苻堅。十二月，王猛等攻洛陽。

370 年

庚午 晉太和五年 燕建熙十一年 代建國三十三年 秦建元六年 前涼太清七年
正月，王猛入洛陽。四月，苻堅遣王猛等擊慕容暉。八月，廣漢人李弘、益州人李金根、隴西人李高等起事，弘稱聖王，年號鳳皇，高破涪城，未幾，皆敗死。十一月，苻堅入鄴，俘慕容暉，慕容評奔高句麗，高句麗執送於秦。燕地皆入於秦，凡郡百五十七，戶二百四十六萬，口九百九十九萬，前燕亡。十二月，苻堅遷慕容暉以下及鮮卑四萬餘戶於長安。是歲，仇池楊世卒，內閔，弟統自

立。

371 年

辛未 晉太和六年 太宗簡文皇帝司馬昱咸安元年 代建國三十四年 秦建元七年 前涼太清八年
正月，苻堅徙關東豪傑及雜夷十五萬戶於關中，處烏桓於馮翊、北地，丁零於新安、滎池。四月，苻堅遣將破仇池，留兵戍其地。涼州張天錫稱臣於苻堅。五月，吐谷渾獻於苻堅。十一月，桓溫廢晉帝爲東海王，立丞相會稽王昱爲帝，是爲太宗簡文皇帝，改元咸安。桓溫殺東海王三子，廢武陵王晞、新蔡王晃，殺庾涓等，夷其族。十二月，桓溫降封東海王爲海西縣公。是歲，苻堅遣將攻隴西鮮卑乞伏司繁，降之。

372 年

壬申 晉咸安二年 代建國三十五年 秦建元八年 前涼太清九年
正月，百濟、林邑各遣使奉獻。三月，苻堅令關東選送民之通一經一藝者；吏百石以上不通一經一藝者罷爲民。六月，晉拜百濟王餘句爲鎮東將軍，領樂浪太守。苻堅以王猛爲丞相、中書監、尚書令。庾希等入京口，討桓溫，敗死。七月，晉簡文帝卒，皇太子曜嗣，是爲烈宗孝武皇帝。十一月，彭城人盧悚稱大道祭酒，遣弟子許龍詐稱迎海西公，圖奪取武庫甲仗，敗死。是歲，前秦送佛經、佛像及僧人於高句麗，於是佛法傳入高句麗。

373 年

癸酉 晉烈宗孝武皇帝司馬曜寧康元年 代建國三十六年 秦建元九年 前涼太清十年
三月，除丹陽竹格等四桁稅。夏，代王什翼

健獻於苻堅。七月，桓溫死。十一月，苻堅遣將略定梁、益二州，邛、苻、夜郎皆附於堅。是歲，苻堅擊降鮮卑勃塞。

374 年

甲戌 晉寧康二年 代建國三十七年 秦建元十年 前涼太清十一年
五月，蜀人張育、楊光起兵，育稱蜀王，建元黑龍，巴獠帥張重、尹萬等助之，圍成都，請援於晉，九月，敗亡。十一月，天門蠻人攻殺太守，未幾敗。長城人錢步射、錢弘起事，未幾敗。晉破苻堅兵於墊江。

375 年

乙亥 晉寧康三年 代建國三十八年 秦建元十一年 前涼太清十二年
七月，王猛死。十月，苻堅禁老莊、圖讖之學，犯者棄市，又令公卿王侯子弟及將士皆執經受學。

376 年

丙子 晉太元元年 代建國三十九年 秦建元十二年 前涼太清十三年
三月，苻堅拔南鄉，山蠻三萬戶降之。八月，苻堅擊涼州，張天錫降，徙其豪右七千餘戶於關中，前涼亡。九月，除度田收租之制，王公以下，口稅米三斛，蠲在役之身。十月，徙淮北流人於淮南。十一月，苻堅擊什翼健，破之。十二月，什翼健爲庶長子寔君所殺，苻堅執寔君殺之。匈奴劉庫仁擁佑什翼健子珪，擊敗庫狄部，徙之桑乾川。

377 年

丁丑 晉太元二年 秦建元十三年
春，高句麗、新羅、西南夷皆遣使獻於苻堅。六月，林邑奉獻於晉。

378 年

戊寅 晉太元三年 秦建元十四年
二月，苻堅遣將侵沔中，四月，圍襄陽，七月，又遣將侵淮北。九月，苻堅遣使入西域。十月，大宛遣使獻汗血馬，堅却之。巴西趙寶起兵涼州，稱晉西蠻校尉、巴郡太守。是歲，契丹侵高句麗北邊，陷其八部。

379 年

己卯 晉太元四年 秦建元十五年
二月，苻堅陷襄陽，擄梁州刺史朱序。三月，減百官俸之半。蜀人李烏聚衆起兵圍成都，苻堅使呂光擊破之。五月，苻堅南犯，沿淮郡縣多淪陷；六月，謝玄等連破之於三阿、盱眙、淮陰，又大破之於君川。

380 年

庚辰 晉太元五年 秦建元十六年
三月，苻洛起和龍稱秦王，苻堅遣呂光等擊之，五月，洛敗。七月，苻堅分三原、九嵎、武都、汧、雍諸氏十五萬戶隸於宗親，散居方鎮。十月，九真太守李遜據交州自立。

381 年

辛巳 晉太元六年 秦建元十七年
正月，晉孝武帝立精舍於殿內，引諸沙門以居之。二月，東夷、西域六十二國獻於秦。六月，改制度，減煩費，省吏士員七百人。七月，李遜敗死，交州平。十一月，會稽植元之起事，號安東將軍，未幾敗死。十二月，苻堅侵竟陵，桓石虔拒敗之，斬二將，殺七千餘人，俘萬人。是歲，新羅貢於秦。

382 年

壬午 晉太元七年 秦建元十八年

三月，林邑奉獻。 九月，東夷五國奉獻。
車師前王彌寔、鄯善王休密駝朝秦，苻堅以呂光爲都督西域征討諸軍事，將兵十五萬、騎五千略西域。

383 年

癸未 晉太元八年 秦建元十九年

五月，晉遣將攻襄陽，別將拔蜀中五城，六月，拔筑陽，七月，敗秦兵於武當，掠二千戶以歸。 八月，秦王苻堅大發兵分道南侵，企圖滅晉。 十月，晉遣謝石、謝玄等拒秦軍於淝水，大破之，是爲淝水之戰。 十二月，開酒禁。 增民稅米，口五石。 乞伏國仁據隴西反秦。 慕容垂坑氐兵。 丁零翟斌附於慕容垂。 是歲，呂光征服焉耆等國，進攻龜茲。 仇池公背苻堅，奔隴西。

384 年

甲申 晉太元九年 秦建元二十年 後燕慕容垂元年 後秦姚萇白雀元年 西燕慕容泓燕興元年

正月，慕容垂叛秦自立爲燕王，攻秦長樂公丕於鄴。 三月，慕容泓據華陰，稱濟北王。慕容冲起兵於平陽，敗奔慕容泓。 四月，姚萇稱秦王，建元白雀。 慕容泓建元燕興，六月，泓爲部下所殺，立冲爲皇太弟。 七月，慕容垂殺丁零翟斌，斌部紛起。 呂光大破龜茲等國兵七十餘萬，入龜茲，服西域三十餘國。 百濟使朝於晉。 八月，晉謝玄等分道攻秦，連下河南諸縣。 九月，慕容冲攻長安。 十月，姚萇攻新平，大敗。 十一月，苻堅迎道者王嘉、沙門道安於外殿備顧問。 十二月，慕容暉謀殺苻堅，事覺，爲堅所殺，暉宗族及鮮卑在長安者皆死。 是歲，胡僧摩羅難陀自晉至百濟，百濟始有佛法。

385 年

乙酉 晉太元十年 秦建元二十一年 苻丕大安元年 後燕二年 後秦白雀二年 西秦乞伏國仁建義元年 西燕慕容冲更始元年
正月，慕容冲稱皇帝，改元更始。 苻堅敗於慕容冲，屯長安城西。 二月，立國學。 三月，呂光自龜茲還師，迎沙門鳩摩羅什俱東。 四月，姚萇陷新城，盡坑居民。 鮮于乞殺丁零翟真，自立爲趙王，旋被殺，真子成立。 五月，慕容冲破苻堅，堅奔五將山。 慕容冲入長安，大掠。 七月，姚萇部將俘苻堅，送新平。 扶餘王餘巖反燕，據令支。 高句麗襲後燕遼東、玄菟，虜萬餘口而還；後燕尋復二郡，並招撫燕地流民之來奔者。 丁零翟成爲部下所殺。 八月，謝安卒。 姚萇殺苻堅，諡曰壯烈天王。 苻堅子長樂公丕入晉陽，卽皇帝位，改元大安。 九月，呂光還至姑臧，自立爲涼州刺史。 乞伏國仁稱大都督、大將軍、單于，領河、秦二州牧，建元建義，都勇士城。 十月，慕容冲遣將攻姚萇，一月，仇池楊定自稱仇池公。 扶餘王餘巖敗大敗。 十降被殺。

386 年

丙戌 晉太元十一年 魏王拓跋珪登國元年 秦大安二年 苻登太初元年 後燕建興元年 後秦建初元年 西秦建義二年 西燕慕容永中興元年 後涼呂光大安元年

正月，拓跋珪卽代王位，建元登國，徙居盛樂。 燕王慕容垂稱皇帝。 丁零翟真弟遼拔黎陽，執晉太守。 二月，燕改元建興。 慕容冲爲部下所殺，立段隨爲燕王，改元昌平。 魏安人焦松等擁張天錫子大豫爲王，稱涼州牧，建元鳳凰。 四月，晉以百濟世子餘暉爲

鎮東將軍百濟王。段隨爲慕容恆、慕容永等所殺，立慕容顗爲燕王，改元建明，率鮮卑四十餘萬口去長安而東。顗至臨晉，爲恆弟韜所殺。恆立慕容瑤爲帝，改元建平。慕容永殺瑤，立慕容忠爲帝，改元建武，居燕熙城。盧水胡郝奴入長安，旋爲姚萇擊降。代王拓跋珪改國號曰魏。姚萇稱皇帝於長安，改元建初，國號秦，史稱後秦。六月，晉兵下弘農，置湖、陝二戍。慕容忠爲部下所殺，慕容永稱河東王，稱藩於後燕。姚萇徙安定五千餘戶於長安。七月，秦狄道長苻登爲雍、河二州牧，請命於苻丕，丕封爲南安王。十月，呂光改元大安。秦王苻丕與慕容永戰敗死。永據長子，稱皇帝，改元中興。苻登大敗姚萇於秦州，旋稱皇帝，改元太初。十二月，呂光稱涼州牧、酒泉公。

387 年

丁亥 晉太元十二年 魏登國二年 秦太初二年 後燕建興二年 後秦建初二年 西秦建義三年 後涼大安二年 西燕中興二年 正月，姚萇徙秦州豪傑三萬戶於安定。三月，苻登以乞伏國仁爲大將軍、大單于、苑川王。四月，慕容垂擊降翟遼。丁零翟遼攻中山，大敗。七月，乞伏國仁擊降鮮卑密貴等三部。燕魏合兵破劉驥，悉收其部衆。呂光遣將破斬張大豫。王穆據酒泉稱涼州牧。慕容垂以劉驥弟可泥爲烏桓王，徙其徒衆八千餘落於中山。十月，丁零翟遼復肆攻掠。十二月，呂光西平太守康寧自立，稱匈奴王，張掖太守彭晃自立與寧及王穆相結，呂光擊殺晃，穆敗死。是歲，涼州大饑，人相食。

388 年

戊子 晉太元十三年 魏登國三年 秦太初三年 後燕建興三年 後秦建初三年 西

秦乞伏乾歸太初元年 後涼大安三年 西燕中興三年

二月，丁零翟遼稱魏天王，建元建光。三月，燕廢代郡，徙其民於龍城。六月，乞伏國仁死，弟乾歸嗣爲河南王，改元太初。魏王拓跋珪破庫莫奚於弱落水南。九月，乞伏乾歸遷都金城。秦與後秦自春相持，互有勝負，至秋各解歸。

389 年

己丑 晉太元十四年 魏登國四年 秦太初四年 後燕建興四年 後秦建初四年 西秦太初二年 後涼麟嘉元年 西燕中興四年 正月，詔淮南所獲俘虜付諸作部、沒入軍營者贖出之，以襄陽、淮南閒田各立一縣以居之。彭城劉黎衆起事，稱皇帝，未幾敗死。苻登以乞伏乾歸爲金城王。拓跋珪襲破高車。二月，扶南遣使獻於晉。呂光稱三河王，改元麟嘉。拓跋珪破吐突鄰部於女水，盡徙其部落而還。五月，乞伏乾歸破侯年部，秦、涼兩地鮮卑、羌、胡多附之。九月，仇池楊定稱秦州牧、隴西王。十一月，晉豫章太守范甯請中原流寓士民皆從土斷，並請以二十爲丁，十六爲半丁。

390 年

庚寅 晉太元十五年 魏登國五年 秦太初五年 後燕建興五年 後秦建初五年 西秦太初三年 後涼麟嘉二年 西燕中興五年 正月，慕容永攻洛陽，朱序擊敗之。四月，苻登將魏揭飛自稱衝天王，帥氐胡攻姚萇之杏城，萇自將擊斬之。吐谷渾視連遣使獻於乞伏乾歸，拜沙州牧、白蘭王。拓跋珪會燕兵擊降賀蘭等三部。月七，馮翊郭質起兵附苻登，討姚萇。八月，晉永嘉人李耽起兵，未幾敗死。九月，燕北平人吳柱等起事，立

沙門法長爲皇帝，入白狼城，未幾敗死。吐谷渾視連死，子視羆立，不受乞伏乾歸封拜。以仇池楊定爲秦州刺史。

391 年

辛卯 晉太元十六年 魏登國六年 秦太初六年 後燕建興六年 後秦建初六年 西秦太初四年 後涼麟嘉三年 西燕中興六年 二月，燕遣將攻賀染干及賀訥。五月，後秦姚萇與秦苻登戰，先敗後勝。六月，燕兵前後破賀染干及賀訥，徙染干部於中山。西燕慕容永攻晉洛陽，敗還。七月，乞伏乾歸等破俘鮮卑大兜部衆。十月，魏拓跋珪破柔然，徙其部衆於雲中。丁零翟遼死，子釗立，改元定鼎。十一月，魏拓跋珪大破匈奴劉衛辰部，衛辰爲下所殺，子勃勃遁。珪殺衛辰宗黨五千餘人，河以南諸部皆降，獲馬三十萬匹，牛羊四百萬頭。

392 年

壬辰 晉太元十七年 魏登國七年 秦太初七年 後燕建興七年 後秦建初七年 西秦太初五年 後涼麟嘉四年 西燕中興七年 四月，齊國內史蔣詵據青州，殺樂安太守，未幾敗死。六月，燕慕容垂大破丁零翟釗於黎陽，釗奔慕容永。八月，呂光遣將攻乞伏乾歸，大敗。十月，關中巴蜀人竇衡等據華陰起事，反姚萇，附於苻登。十二月，秦休官權干城據顯親，自稱秦州牧。是歲，高句麗攻契丹，俘其民，並招還前陷契丹者萬口。

393 年

癸巳 晉太元十八年 魏登國八年 秦太初八年 後燕建興八年 後秦建初七年 西秦太初六年 後涼麟嘉五年 西燕中興八年 正月，權干城降於乞伏乾歸。六月，竇衡反

苻登，稱秦王，建元元光。閏七月，司馬徽聚衆起事於馬頭山，未幾敗死。八月，洛陽氐帥楊佛嵩奔後秦。十一月，燕慕容垂大舉攻西燕。十二月，後秦姚萇死，子興爲大將軍。

394 年

甲午 晉太元十九年 魏登國九年 秦苻崇延初元年 後燕建興九年 後秦姚興皇初元年 西秦太初七年 後涼麟嘉六年 西燕中興九年

正月，秦苻登大舉攻後秦姚興。呂光拜禿髮烏孤爲河西鮮卑大都統。四月，苻登敗奔馬毛山。五月，後秦姚興卽皇帝位，改元皇初。七月，姚興殺苻登，徙陰密三萬戶於長安；登子崇奔湟中，卽皇帝位，改元延初。姚興破竇衡，衡奔汧川，氐人執之，送於姚興。呂光以子覆都督玉門以西諸軍事、西域大都護，鎮高昌。八月，燕兵入長子，殺慕容永，得永所統八郡七萬餘戶。十月，乞伏乾歸破苻崇及氐帥楊定，殺之，斬首萬七千級；崇子宣及定侄盛固守仇池。燕兵攻占晉青、兗諸郡。柔然掠魏五原等郡，走漠北。十二月，乞伏乾歸自稱秦王，史稱西秦。

395 年

乙未 晉太元二十年 魏登國十年 後燕建興十年 後秦皇初二年 西秦太初八年 後涼麟嘉七年

正月，後秦上郡以西鮮卑雜胡大擾。四月，天水姜翼據上邦，乞伏乾歸遣兵攻之，大敗。五月，燕慕容垂攻魏。六月，乞伏乾歸遷於苑川西城。七月，禿髮烏孤擊降乙弗、折掘諸部，遷居廉川堡。十一月，魏拓跋珪大破燕兵於參合陂，坑降卒四萬餘人。

396 年

丙申 晉太元二十一年 魏登國十一年
 皇始元年 後燕建興十一年 慕容寶永康元
 年 後秦皇初三年 西秦太初九年 後涼麟
 嘉八年龍飛元年
 二月，燕將平規據魯口，規弟翰起兵於遼西。
 三月，燕慕容垂自將擊魏，入平城，四月，
 死，子寶嗣，改元永康。六月，魏取燕廣
 寧，徙其部落於平城。燕定士族舊新，分辨
 清濁，校閱戶口，罷軍營封蔭之戶悉屬郡縣。
 呂光稱天王，國號涼，改元龍飛，史稱後涼。
 光遣使拜禿髮烏孤爲益州牧、左賢王；烏孤不
 受。七月，燕遣將破斬平規。魏拓跋珪改
 元皇始；八月，珪大舉擊燕，九月，取并州，
 初建臺省，置刺史、太守、尚書郎以下官，悉
 用儒生爲之；初封拜宗室，仍五等之制。晉
 孝武帝死，皇太子德宗嗣，是爲安皇帝。十
 一月，魏拓跋珪圍燕中山，河北諸郡多納款。
 晉封仇池氏帥楊盛爲仇池公，以苻宣爲平北將
 軍。閏十一月，後秦破降上邽姜乳及休官權
 干城。西燕遣臣河東太守柳恭等降於後秦。

397 年

丁酉 晉安帝司馬德宗隆安元年 魏皇始
 二年 後燕永康二年 後秦皇初四年 西秦
 太初十年 後涼龍飛二年 南涼禿髮烏孤太
 初元年 北涼段業神璽元年
 正月，燕大破魏攻鄴之師。後涼呂光攻乞伏
 乾歸，不利。禿髮烏孤自稱大將軍、西平
 王，國號南涼，建元太初；後涼遣兵攻之，
 大敗。三月，燕將慕容麟謀殺慕容寶，敗
 奔曲陽西山丁零。慕容寶棄中山，走龍城；
 四月，寶子會攻寶，敗死。兗州刺史王恭、
 豫州刺史庾楷舉兵，以討尚書左僕射王國寶、
 建威將軍王緒爲名；晉殺國寶及緒，恭等乃罷

兵。呂光殺匈奴沮渠羅仇；羅仇弟子蒙遜起
 兵，拔涼臨松郡，屯據金山。五月，晉司徒
 左長史王象舉兵擊王恭，敗遁。慕容詳據中
 山，稱皇帝，改元建始。呂光遣將破沮渠蒙
 遜。蒙遜從兄沮渠男成起兵樂涪，推段業爲
 主，稱涼州牧、建康公，建元神璽。七月，
 慕容麟殺慕容詳，稱皇帝，改元延平。後涼
 郭鑒起兵據東苑，繼推略陽氏楊軌爲涼州牧、
 西平公。九月，後秦兵攻洛陽，徙流民二萬
 戶而還。武都氏屠飛、啖鐵等據方山，後秦
 兵擊平之。十月，魏克中山，慕容麟奔鄴，
 去帝號。河南鮮卑十二部附於禿髮烏孤。

398 年

戊戌 晉隆安二年 魏皇始三年 天興元
 年 後燕慕容盛建平元年 後秦皇初五年
 西秦太初十一年 後涼龍飛三年 南涼太初
 二年 北涼神璽二年 南燕慕容德燕平元年
 正月，魏入鄴，燕慕容德南徙，稱燕王，改元
 燕平。魏拓跋珪北還，發卒萬人鑿直道，由
 望都恒山至代，五百餘里，徙山東六州民夷十
 餘萬口於代。三月，燕尚書蘭汗等作亂，慕
 容寶南奔。離石胡帥呼延鐵等起事，魏兵擊
 平之。四月，燕蘭汗殺慕容寶，稱昌黎王，
 改元青龍。六月，後涼呂光遣子擊降郭鑒。
 七月，燕慕容盛殺蘭汗及其黨，改元建平，稱
 長樂王。慕容奇攻慕容盛，敗死。魏拓跋
 珪遷都平城，建宗廟、立社稷。王恭、庾
 楷、殷仲堪、桓玄、楊佺期等反，以討王愉、
 司馬尚之爲名。八月，晉兵擊燕慕容德，大
 敗。九月，王恭敗死。烏桓張超據南皮，
 稱烏桓王。禿髮烏孤破羌酋梁飢，降羌胡數
 萬落。乞伏乾歸敗吐谷渾。十月，燕慕
 容盛稱皇帝。殷仲堪等罷兵。十一月，魏
 拓跋珪命立官制、協晉律、制禮儀、定律令；
 十二月，珪稱皇帝，改元天興，命朝野皆束髮

加帽。晉中領軍司馬元顯殺五斗米道首領故新安太守孫泰，泰兄子恩逃入海。禿髮烏孤自稱武威王。

399 年

己亥 晉隆安三年 魏天興二年 後燕長樂元年 後秦皇初六年 弘始元年 西秦太初十二年 後涼龍飛四年 呂纂咸寧元年 南涼太初三年 北涼天璽元年 南燕燕平二年

正月，後燕改元長樂。禿髮烏孤徙治樂都。二月，林邑陷日南、九真，擾交趾，敗還。魏大破高車三十餘部，獲七萬餘口，馬三十餘萬匹，牛羊百四十餘萬頭。魏破斬張超。段業稱涼王，改元天璽。三月，魏置五經博士，增國子太學生員合三千人，大索郡縣書籍送平城。苻廣稱秦王，攻慕容德，敗。魏入滑臺，陳、潁多附之。慕容德略青、兗。魏破庫狄、有連、侯莫陳三部。四月，鮮卑疊掘河內降於乞伏乾歸。七月，燕革公侯以金帛贖罪法，有罪者令立功自贖。八月，後秦攻晉洛陽。禿髮烏孤死，弟利鹿孤立，徙治西平。慕容德取廣固，青、兗郡縣多附之。九月，後秦姚興改元弘始。十月，晉會稽世子元顯發東土諸郡免奴爲客者充兵，號曰樂屬。會稽王司馬道子及其子元顯專政，毒害百姓，孫恩起海上討之，攻占會稽，沿海八郡紛起響應，推孫恩爲征東將軍，聲勢甚大。十二月，孫恩爲謝琰、劉牢之所敗，復入海。桓玄攻據荊州，殺楊佺期、殷仲堪。以楊盛爲仇池公。呂光自稱太上皇帝，立子紹爲天王。光旋死，子纂攻紹，紹自殺，纂卽天王位，改元咸寧。僧人法顯與慧景、道整、慧應、慧嵬等自長安赴印度求佛經。

400 年

庚子 晉隆安四年 魏天興三年 後燕長樂二年 後秦弘始二年 西秦太初十三年 後涼咸寧二年 南涼禿髮利鹿孤建和元年 北涼天璽二年 南燕建平元年 西涼李嵩庚子元年

正月，燕慕容盛自貶爲庶人天王。乞伏乾歸遷都苑川。禿髮利鹿孤改元建和。二月，燕慕容盛擊高句麗，開境七百餘里，掠五千餘戶而還。四月，呂纂攻禿髮利鹿孤，敗還。段業之效穀令李嵩被衆推爲敦煌太守。五月，孫恩攻會稽、臨海。六月，呂纂襲段業，無功。禿髮利鹿孤乘虛襲纂，大掠而還。七月，後秦姚興大破乞伏乾歸，乾歸走依禿髮利鹿孤，旋降於後秦。十一月，孫恩爲劉牢之所破，復入海。李嵩爲沙州刺史、涼公，改元庚子。是歲，燕王慕容德稱皇帝於廣固，改元建平，更名備德，史稱南燕。

401 年

辛丑 晉隆安五年 魏天興四年 後燕長樂三年 慕容熙光始元年 後秦弘始三年 後涼咸寧三年 呂隆神鼎元年 南涼建和二年 北涼天璽三年 沮渠蒙遜永安元年 南燕建平二年 西涼李嵩 丑二年

正月，禿髮利鹿孤改稱河西王。二月，後秦姚興使乞伏乾歸還苑川。後涼將呂超殺呂纂，以呂隆爲天王，改元神鼎。四月，段業殺沮渠男成。沮渠蒙遜起兵，五月，入張掖殺段業，自稱涼州牧、張掖公，改元永安。孫恩陷瀘濱，六月至丹徒，爲劉裕所敗，浮海走。後秦圍後涼姑臧；李嵩、禿髮利鹿孤、沮渠蒙遜皆貢於後秦。八月，後燕慕容盛爲段璣等所殺，盛叔父慕容熙卽天王位，改元光始，夷段璣等三族。慕容提等謀立盛太子定，

事覺，皆死。九月，後涼呂隆降於後秦。北涼二郡降於李暠。禿髮利鹿孤攻北涼，大掠而還。十二月，禿髮利鹿孤遣弟傉檀攻呂隆。桓玄移沮渠蒙遜二千戶於江南，立武陵郡，又招流民立綏安郡。是歲，范寧死。法顯至印度。

402 年

壬寅 晉元興元年（大亨元年） 魏天興五年 後燕光始二年 後秦弘始四年 後涼神鼎二年 南涼禿髮傉檀弘昌元年 北涼永安二年 西涼李暠三年 南燕建平三年
正月，晉下詔討桓玄；桓玄舉兵東下。魏破黠弗、素古延諸部；柔然社崙來救，敗遁漠北，牽高車地居之。社崙又破匈奴遺種日拔也鷄，併吞諸部，自號豆代可汗。二月，魏取秦高平，徙其民於代。沮渠蒙遜攻呂隆，敗還。禿髮利鹿孤陷魏安，徙其民於樂都。三月，桓玄入建康，復稱隆安六年，自總百揆，廢會稽王司馬道子，殺其子元顯等，未幾，改元大亨。孫恩攻臨海敗死，餘衆推恩妹夫盧循爲主，桓玄授循永嘉太守。禿髮利鹿孤死，弟傉檀立，稱涼王。改元弘昌，遷於樂都，史稱南涼。五月，盧循攻東陽，劉裕敗之。高句麗陷燕宿軍城。後秦姚興攻魏，大敗。十月，後秦徙河西豪右萬餘戶於長安。十二月，柔然可汗社崙侵魏至豺山而還。桓玄殺會稽王司馬道子。是歲，三吳大饑，戶口減半，會稽減什三四，臨海、永嘉殆盡。

403 年

癸卯 晉元興二年（大亨二年）（桓玄永始元年） 魏天興六年 後燕光始三年 後秦弘始五年 後涼神鼎三年 南涼弘昌二年 北涼永安三年 西涼李暠四年 南燕建平四

年

正月，盧循將徐道覆攻東陽，二月，爲劉裕所敗。四月，南燕慕容德使覲蔭冒，得戶五萬八千。南燕泰山人王始聚衆數萬，稱太平皇帝，未幾敗死。五月，後燕慕容熙作龍騰苑，役徒二萬人。七月，呂隆爲沮渠蒙遜、禿髮傉檀所逼，八月，舉國入後秦，後涼亡，徙其民萬戶於長安。沮渠蒙遜奉獻於後秦。劉裕破盧循於永嘉，循浮海南走。九月，桓玄爲相國、楚王，加九錫。新野庾仄起兵討桓玄，敗奔後秦。十一月，魏襲破高車餘種袁紇、烏頻。十二月，桓玄稱皇帝，國號楚，改元永始，廢晉帝爲平固王，遷之尋陽。是歲，魏始制冠服之制。

404 年

甲辰 晉元興三年（桓玄永始二年） 魏天賜元年 後燕光始四年 後秦弘始六年 北涼永安四年 西涼李暠五年 南燕建平五年
二月，劉裕等起兵討桓玄。南涼禿髮傉檀去年號。三月，桓玄西走，劉裕入建康。魏罷戶不滿百之縣。四月，桓玄挾晉帝至江陵。玄兄子歆引氐帥楊秋擾歷陽，秋敗死。五月，桓玄捨江陵西遁，益州督護馮遷殺之，傳首建康。閏五月，桓玄餘黨桓振等又入江陵，劫晉帝。九月，魏改官制。十月，盧循入廣州。魏改元天賜，十一月，命宗室置宗師，八國立大師、小師，州郡各置師以舉才行，如中正之職。十二月，高句麗侵後燕。是歲，晉民紛赴淮北避難。

405 年

乙巳 晉義熙元年 魏天賜二年 後燕光始五年 後秦弘始七年 北涼永安五年 西涼李暠建初元年 南燕建平六年 慕容超太上元年

正月，晉將劉毅等入江陵，桓振等遁。改元義熙。燕慕容熙攻高句麗遼東城，不克。秦姚興以鳩摩羅什爲國師，合譯經典，佛教大盛。乞伏乾歸大破吐谷渾，俘萬餘口而還。李暠建元建初。二月，晉帝東還建康。巴西陽昧等擁譙縱爲成都王，蜀中大亂。三月，桓振又入江陵，旋敗死。四月，劉裕都督荆、司等十六州諸軍事，領兗州刺史。以盧循爲廣州刺史。五月，桓玄餘黨桓亮等分擾荆、湘、江、豫諸州，劉毅等次第平之。六月，後秦兵擊仇池楊盛，盛降，徙漢中流民三千餘戶於關中。七月，後秦以南鄉等十二郡歸於晉。九月，南燕慕容德死，兄子超嗣，改元太上。李暠遷都酒泉。十二月，後燕慕容熙襲契丹。是歲，魏置內官。林邑頻年侵晉日南、九真、九德等郡，殺傷甚衆。

406 年

丙午 晉義熙二年 魏天賜三年 後燕光始六年 後秦弘始八年 北涼永安六年 西涼建初二年 南燕太上二年

正月，魏諸州置三刺史，郡置三太守，縣置三令長；太守雖置而未臨民。二月，後燕慕容熙移襲契丹之兵襲高句麗，無功。六月，禿髮傉檀攻沮渠蒙遜，無功。魏發八部五百里內男丁築邊南宮，三十日罷。八月，南燕內鬩，諸將分奔後秦及魏。

407 年

丁未 晉義熙三年 魏天賜四年 後燕建始元年 後秦弘始九年 北涼永安七年 西涼建初三年 南燕太上三年 北燕高雲正始元年 夏赫連勃勃龍升元年

正月，燕改元建始。閏二月，劉裕殺殷仲文等，夷其族。四月，仇池氏王楊盛復通於

晉。五月，柔然可汗社崙獻馬於秦，劉勃勃劫之。六月，勃勃稱大夏天王、大單于，建元龍升，旋改姓赫連。七月，後燕馮跋等擁慕容雲爲天王，改元正始，殺慕容熙；雲復姓高氏，史稱北燕。南燕慕容超稱藩於後秦，以求母妻。八月，劉裕弟道規爲征蜀都督擊譙縱，九月，縱稱藩於後秦。禿髮傉檀攻沮渠蒙遜，大敗。十月，赫連勃勃破鮮卑薛千等三部，攻後秦北邊。十一月，赫連勃勃攻禿髮傉檀，大掠而還；傉檀追之，敗績。是歲，李暠遣沙門奉表詣建康。

408 年

戊申 晉義熙四年 魏天賜五年 後秦弘始十年 南涼嘉平元年 北涼永安八年 西涼建初四年 南燕太上四年 北燕正始二年 夏龍升二年

正月，劉裕錄尚書事。三月，高句麗遣使北燕，且敍宗族。五月，後秦擊禿髮傉檀及赫連勃勃，皆大敗。七月，劉道規等討譙縱，不利，引還。十一月，禿髮傉檀復稱涼王，改元嘉平。

409 年

己酉 晉義熙五年 魏天賜六年 永興元年 後秦弘始十一年 西秦乞伏乾歸更始元年 南涼嘉平二年 北涼永安九年 西涼建初五年 南燕太上五年 北燕正始三年 馮跋太平元年 夏龍升三年

正月，後秦以譙縱爲蜀王，加九錫。二月，南燕遣兵擾晉邊，大掠而還。乞伏熾磐克枹罕。後秦馮翊人劉厥聚衆據萬年，尋敗死。三月，劉裕表請伐南燕。四月，乞伏乾歸如枹罕，尋遷都度堅山。赫連勃勃掠後秦平涼雜胡七千餘戶。六月，劉裕圍南燕廣固。七月，乞伏乾歸復稱秦王，改元更始。八月，

後秦姚興自將擊赫連勃勃，敗還。十月，北燕高雲爲離班等所殺，馮跋殺班等，自立爲天王，仍稱燕，改元太平。魏拓跋珪爲其子清河王紹所殺，太子嗣殺紹卽位，改元永興。

410 年

庚戌 晉義熙六年 魏永興二年 後秦弘始十二年 西秦更始二年 南涼嘉平三年 北涼永安十年 西涼建初六年 南燕太上六年 北燕太平二年 夏龍升四年

正月，魏征郡縣豪右，民大擾，旋定。二月，劉裕拔廣固，俘慕容超，送建康斬之，南燕亡。裕殺南燕王公以下三千人，沒入家口萬餘。三月，盧循攻下長沙等郡。赫連勃勃擾後秦平涼、隴右，大掠而還。禿髮傉檀攻沮渠蒙遜，大敗，遷樂都；姑臧附於蒙遜。五月，盧循敗劉毅於桑落州，進迫建康。魏擊柔然，可汗社崙遁死，弟斛律立，號藹豆蓋可汗。七月，盧循敗退尋陽。八月，乞伏乾歸破降鮮卑越質、屈機等部，還都苑川。沮渠蒙遜攻李暠，結盟而還。後秦遣桓謙攻江陵，大敗。九月，乞伏乾歸陷後秦南安等郡，徙民二萬五千戶於苑川、枹罕。十月，鮮卑僕渾、羌句登等部降於乞伏乾歸。十一月，劉裕遣沈田子等攻下廣州諸郡。十二月，劉裕遣破盧循。北燕內鬩，旋定。

411 年

辛亥 晉義熙七年 魏永興三年 後秦弘始十三年 西秦更始三年 南涼嘉平四年 北涼永安十一年 西涼建初七年 北燕太平三年 夏龍升五年

正月，乞伏乾歸又請降於後秦，拜河南王。二月，盧循將徐道覆敗死。沮渠蒙遜入姑臧，攻禿髮傉檀，取質而還。四月，盧循敗奔交州，刺史杜慧度大破之，循赴水死。七

月，柔然可汗斛律求婚於北燕。八月，乞伏乾歸攻禿髮傉檀，掠牛馬十餘萬。沮渠蒙遜襲李暠，大敗。十二月，西羌彭利髮襲枹罕。

412 年

壬子 晉義熙八年 魏永興四年 後秦弘始十四年 西秦更始四年 乞伏熾磐永康元年 南涼嘉平五年 北涼永安十二年 玄始元年 西涼建初八年 北燕太平四年 夏龍升六年

正月，乞伏乾歸擊殺彭利髮，收羌戶一萬三千。二月，乞伏乾歸徙都譚郊，擊降吐谷渾於赤水。六月，乞伏公府殺乞伏乾歸。乾歸子熾磐還枹罕，殺公府，八月，稱河南王，改元永康。九月，劉裕攻劉毅，毅敗自殺。仇池氏帥楊盛擾後秦，敗。沮渠蒙遜遷於姑臧，十一月卽河西王位，改元玄始。十二月，劉裕遣朱齡石等討譙縱。

413 年

癸丑 晉義熙九年 魏永興五年 後秦弘始十五年 西秦永康二年 南涼嘉平六年 北涼玄始二年 西涼建初九年 北燕太平五年 夏鳳翔元年

三月，劉裕殺諸葛長民及其諸弟。劉裕請重申庚戌土斷之制，其徐、亮、青三州居晉陵者除外，諸流寓郡縣多所併省。林邑王范胡達侵九真，交州刺史杜慧度擊殺之。乞伏熾磐擊降隴右休官。赫連勃勃改元鳳翔，發夷夏十萬人築統萬城。四月，罷臨沂、湖熟皇后脂澤田以與貧民。禿髮傉檀攻沮渠蒙遜，敗還。蒙遜進圍傉檀，取質而還；又遣將破卑和、烏啼羌，俘二千餘落。五月，魏西河胡張外等聚衆攻擾。七月，朱齡石入成都，譙縱遁自殺，蜀平。魏河西胡曹龍入蒲子，與

張外合，旋殺外降。十月，魏離石胡出以眷等起事。是歲，乞伏熾磐三度遣兵攻吐谷渾，虜其人數萬落。法顯由天竺歸至青州。

414 年

甲寅 晉義熙十年 魏神瑞元年 後秦弘始十六年 西秦永康三年 南涼嘉平七年 北涼玄始三年 西涼建初十年 北燕太平六年 夏鳳翔二年

正月，魏拓跋嗣改元神瑞。二月，赫連勃勃擾魏邊。五月，李弘聚眾與氐人仇常起兵於貳城，未幾敗。秃髮傉檀襲乙弗部，獲牛羊馬四十餘萬；乞伏熾磐乘之，攻拔樂都。契丹、庫莫奚皆附於北燕。柔然內鬩，可汗斛律族人大檀自立為可汗，獻馬於燕；可汗斛律近女北燕，歸途被殺。六月，秃髮傉檀降於乞伏熾磐，逾年被燒死，南涼亡。九月，林邑獻於晉。十月，乞伏熾磐復稱秦王。北燕馮跋與夏赫連勃勃和。十一月，魏拓跋嗣使校守宰資財，非家所齎皆簿為贓。十二月，柔然可汗大檀侵魏，敗走。魏河內人司馬順宰稱晉王。

415 年

乙卯 晉義熙十一年 魏神瑞二年 後秦弘始十七年 西秦永康四年 北涼玄始四年 西涼建初十一年 北燕太平七年 夏鳳翔三年

正月，司馬休之、魯宗之起兵反劉裕；三月，休之、宗之等敗走。赫連勃勃拔後秦杏城，阮士卒二萬。沮渠蒙遜拔乞伏熾磐廣武。魏河西饑胡聚上黨，推白亞栗斯為單于，建元建平，以司馬順宰為謀主。五月，司馬休之等奔後秦。加劉裕殊禮。赫連勃勃與渠沮蒙遜結盟。乞伏熾磐襲湟河，沮渠漢平出降。九月，魏以比歲霜旱，雲、代之民多飢

死，乃簡國人尤貧者就食山東三州。十一月，乞伏熾磐擊降南羌彌姐、康薄。十二月，林邑侵交州。

416 年

丙辰 晉義熙十二年 魏神瑞三年 秦常元年 後秦弘始十八年 姚泓永和元年 西秦永康五年 北涼玄始五年 西涼建初十二年 北燕太平八年 夏鳳翔四年

正月，加劉裕凡都督二十二州。二月，乞伏熾磐與沮渠蒙遜和親。後秦姚興死，太子泓嗣，改元永和，境內大鬩，旋皆平。四月，魏改元秦常。乞伏熾磐攻後秦上邽，徙五千家於枹罕。六月，後秦并州胡數萬落據平陽，推匈奴曹弘為大單于；弘敗，被俘，徙其豪右萬五千落於雍州。仇池氐王楊盛、夏赫連勃勃相繼攻後秦。八月，劉裕督兵伐後秦。河西饑胡廢白亞栗斯，立劉虎為率善王；九月，魏擊破之，虎及司馬順宰皆死，俘十萬餘口。十月，晉兵入洛陽。十二月，乞伏熾磐使人請於晉擊後秦。姚泓弟懿稱皇帝，未幾敗。是歲，丁零翟猛雀起事，入白嶠山，魏攻殺之。晉冊百濟腆支王為鎮東將軍、百濟王。

417 年

丁巳 晉義熙十三年 魏秦常二年 後秦永和二年 西秦永康六年 北涼玄始六年 西涼建初十三年 李歆嘉興元年 北燕太平九年 夏鳳翔五年

正月，後秦姚恢帥安定鎮戶起事，未幾敗死。二月，西涼李暠死，子歆嗣，改元嘉興。西秦虜吐谷渾，俘五千餘口。沮渠蒙遜破烏啼部及卑和羌。四月，劉裕破魏兵於河上。沮渠蒙遜攻李歆，大敗。五月，魏置天地四方六部大人。八月，晉將王鎮惡入長安，姚

泓降，後秦亡。九月，劉裕至長安，送姚泓於建康，棄市；後秦將士多奔於魏。東海人徐道期陷廣州，未幾敗死。十月，魏以晉降人刁雍屯河濟間，侵擾徐、兗。十一月，魏平西山丁零翟蜀洛支等。十二月，劉裕東還，自洛入河，開汴渠。雍氏徐駭奴等附於魏。

418 年

戊午 晉義熙十四年 魏泰常三年 西秦永康七年 北涼玄始七年 西涼嘉興二年 北燕太平十年 夏鳳翔六年 昌武元年
正月，魏遣將帥丁零、高車之衆北略至弱水。赫連勃勃兵至渭陽，晉兵大敗之。二月，乙弗烏地延帥戶二萬降秦。三月，晉使聘於魏。四月，魏徙冀、定、幽三州徙河人於代都。五月，魏襲北燕，大掠而還。六月，劉裕爲相國，封宋公，加九錫。九月，魏命諸州調民租，戶五十石，積於定、相、冀三州。十月，晉封李歆爲酒泉公。晉兵留長安者大亂，赫連勃勃進據咸陽。十一月，晉兵棄長安東退，赫連勃勃兵追敗之於青泥。赫連勃勃入長安，卽皇帝位於灊上，改元昌武。十二月，乞伏熾磐徙上邽民於枹罕。劉裕殺晉安帝，以弟琅邪王德文嗣，是爲恭皇帝。沮渠蒙遜稱藩於晉。倭王讚遣使獻於晉。

419 年

己未 晉恭帝司馬德文元熙元年 魏泰常四年 西秦永康八年 北涼玄始八年 西涼嘉興三年 北燕太平十一年 夏昌武二年 眞興元年
二月，夏赫連勃勃還統萬，改元眞興。晉宗室司馬楚之等攻金墉城，劉裕遣兵分擊楚之，諸司馬氏多降於魏。四月，西秦將孔子破吐谷渾於弱水，降之。七月，劉裕晉爵宋王。

九月，西秦破羌於湟川，徙其豪三千戶於枹罕。

420 年

庚申 晉元熙二年 宋高祖武皇帝劉裕永初元年 魏泰常五年 西秦建弘元年 北涼玄始九年 西涼嘉興四年 李恂永建元年 北燕太平十二年 夏眞興二年
正月，西秦乞伏熾磐改元建弘。司馬氏在魏者多被害，平城豪桀牽連坐族誅者數十家。六月，劉裕稱皇帝，建元永初，廢晉帝爲零陵王，晉亡；改泰始曆爲永初曆。七月，交州刺史杜慧度破降林邑。李歆攻沮渠蒙遜，戰死；蒙遜入酒泉，九月，李恂自立於敦煌，改元永建。宋僧曇無竭等二十五人入印度。

421 年

辛酉 宋永初二年 魏泰常六年 西秦建弘二年 北涼玄始十年 西涼永建二年 北燕太平十三年 夏眞興三年
正月，宋禁以金銀塗飾器物，又禁喪車用銅釘。宋南康揭陽蠻起事，旋敗。二月，宋帝親試秀才、孝廉。三月，沮渠蒙遜破敦煌，李恂自殺，西涼亡；西域諸國皆附於蒙遜。四月，吐谷渾王阿柴降於西秦，拜白蘭王。六月，沮渠蒙遜遣將攻乞伏熾磐，大敗。九月，宋帝使人殺零陵王，諡曰恭皇帝，開“禪讓”退位者被殺之端。十月，宋以沮渠蒙遜爲涼州刺史。十二月，沮渠蒙遜晉昌太守唐契據郡自主。是年，授倭王讚官爵。林邑遣使貢於宋。

422 年

壬戌 宋永初三年 魏泰常七年 西秦建弘三年 北涼玄始十一年 北燕太平十四年 夏眞興四年

正月，西秦乞伏熾磐破契汗禿真，擄二萬口、牛羊五十餘萬頭。宋整頓國子學。三月，秦雍流民入梁州，宋遣使並命州郡賑之。四月，宋封仇池氏王楊盛爲武都王。五月，宋武帝死，皇太子義符嗣，是爲少帝。六月，魏援宋青州，敗還。七月，沮渠蒙遜耀武於西秦，九月，大敗。魏大發兵侵宋，十一月拔宋滑臺，沿河諸郡多入於魏。

423 年

癸亥 宋少帝劉義符景平元年 魏泰常八年 西秦建弘四年 北涼玄始十二年 北燕太平十五年 夏眞興五年

正月，魏拔宋金墉城。二月，魏築長城，自赤城至五原二千餘里，以備柔然。沮渠蒙遜及吐谷渾阿柴並遣使奉獻於宋，封蒙遜河西王，阿柴澆河公。宋富陽人孫法光起事攻山陰，未幾敗。三月，高麗獻於宋。四月，蠻王梅安獻於魏。沮渠蒙遜破唐契，契奔伊吾，臣於柔然，柔然以爲伊吾王。西秦乞伏熾磐貢於魏。閏四月，魏拔宋虎牢，佔領司、豫、兗郡縣。八月，柔然攻河西，沮渠蒙遜遣世子政德禦之，敗死。十一月，魏攻許昌、汝陽，宋兵潰。魏太宗明元帝拓跋嗣死，子熹嗣，是爲世祖太武皇帝。十二月，魏崇奉道士寇謙之，於平城起天師道場，於是道教大盛。

424 年

甲子 宋少帝景平二年 宋太祖文皇帝劉義隆元嘉元年 魏世祖太武帝拓跋熹始光元年 西秦建弘五年 北涼玄始十三年 北燕太平十六年 夏眞興六年

正月，魏改元始光。高麗遣使獻於宋。四月，西秦擊降白苟、車孚、崔提、旁爲四國。五月，徐羨之等廢宋帝爲營陽王，旋殺之，迎

立宜都王義隆於江陵。七月，西秦攻河西臨松，徙民二萬餘口而還。八月，宋宜都王義隆卽皇帝位，改元元嘉，是爲太祖文皇帝。柔然紇升蓋可汗侵魏雲中。十月，吐谷渾王阿柴死，弟慕璿嗣。十二月，魏攻柔然，大掠而還。林邑王范陽邁侵宋九德、日南諸郡。宕昌王梁彌忽遣子使於魏。宋范曄作後漢書。

425 年

乙丑 宋元嘉二年 魏始光二年 西秦建弘六年 北涼玄始十四年 北燕太平十七年 夏眞興七年 赫連昌承光元年

四月，西秦襲掠沮渠氏臨松，徙其民五千戶於枹罕。魏遣使通好於宋。七月，西秦破黑水羌。八月，夏赫連勃勃死，子昌嗣，改元承光。十月，魏五道攻柔然。是年，倭王讚遣司馬曹達獻於宋。魏初造新字千餘。

426 年

丙寅 宋元嘉三年 魏始光三年 西秦建弘七年 北涼玄始十五年 北燕太平十八年 夏承光二年

正月，宋帝殺徐羨之、傅亮等；謝晦以清君側爲名，舉兵於江陵，二月，晦敗被殺。八月，宋遣使聘於魏。西秦乞伏熾磐攻沮渠蒙遜，夏赫連昌遣兵援之，拔西秦南安。吐谷渾別部二萬落反西秦，附於吐谷渾王慕璿。九月，魏攻夏。十一月，夏圍西秦枹罕，破數城，大殺掠。魏兵至夏統萬，掠萬餘家而回。十二月，魏兵入夏長安，氐、羌皆降。河西王沮渠蒙遜、仇池氏王楊玄附於魏。宋前吳郡太守徐佩之聚衆謀起事，發覺，被殺。是歲，魏罷納繭羅穀戶以屬郡縣。

427 年

丁卯 宋元嘉四年 魏始光四年 西秦建弘八年 北涼玄始十六年 北燕太平十九年 夏承光三年

二月，西秦武始、洮陽諸山羌起事。四月，魏遣使聘於宋。五月，魏大發兵攻夏，六月，拔統萬，赫連昌奔上邦。八月，西秦乞伏熾磐奉獻於魏。十一月，魏封仇池氏王楊玄爲南秦王。陶潛死。

428 年

戊辰 宋元嘉五年 魏始光五年 神䴥元年 西秦建弘九年 乞伏暮末永弘元年 北涼玄始十七年 承玄元年 北燕太平二十年 夏承光四年 赫連定勝光元年

二月，魏改元神䴥。夏赫連昌攻魏於安定，兵敗被擒；昌弟定奔平涼，稱皇帝，改元勝光。三月，魏攻赫連定，敗績，長安復入於夏。五月，西秦乞伏熾磐死，子暮末立，改元永弘。六月，沮渠蒙遜攻西秦無功，西秦與之約和；改元承玄。八月，柔然擾魏邊。十月，宋攻魏濟陽、陳留。魏定州丁零鮮于臺陽等二千餘家奔曲陽西山。十二月，沮渠蒙遜攻西秦。是歲，師子王剌利摩訶及天竺迦毗黎王遣使獻於宋。

429 年

己巳 宋元嘉六年 魏神䴥二年 西秦永弘二年 北涼承玄二年 北燕太平二十一年 夏勝光二年

正月，魏丁零鮮于臺陽等降。沮渠蒙遜拔西秦西平。四月，魏崔浩等撰國書三十卷成。六月，魏大破柔然，殺其大人數百，降者三十餘萬落，獲馬百餘萬匹，雜畜無算。七月，柔然紇升蓋可汗憤悒死，子敕連可汗立。西

秦敗河西吐谷渾來侵之兵。宋裴松之上三國志注。仇池氏王楊玄死，弟難當自稱秦州刺史、武都王。八月，魏襲高車降數十萬落，獲雜畜百餘萬。十月，魏徙柔然、高車降人於漠南濡源與五原之間，使之耕牧而收其貢賦。自是魏之馬牛羊及氈皮價落。十二月，沮渠蒙遜及吐谷渾慕璜皆遣使奉獻於宋。是歲，百濟遣使於宋。

430 年

庚午 宋元嘉七年 魏神䴥三年 西秦永弘三年 北涼承玄三年 北燕太平二十二年 夏勝光三年

春，倭國王遣使入貢於宋。三月，宋遣使於魏，告將收河南，隨謀進攻，魏發兵備之。魏徙敕勒三萬餘於河西，敕勒北奔，死者枕藉。夏，阿羅單王遣使獻方物於宋。四月，敕勒復有萬餘落北走，魏兵追殲之。六月，宋以仇池氏王楊難當爲秦州刺史、武都王。吐谷渾攻西秦，無功。秋，訶羅佗王遣使貢於宋。七月，魏棄虎牢等城以誘宋軍。林邑王范陽邁獻於宋。九月，北燕馮跋死，弟弘立爲天王，殺跋子幾盡。夏赫連定約宋攻魏，魏發兵擊之。十月，宋立錢署，鑄四銖錢。魏攻陷宋洛陽。西秦乞伏暮末舉國入魏，故地皆入於吐谷渾。十一月，宋遣檀道濟攻魏。魏兵大破夏赫連定，取安定、隴西，十二月，關中悉入於魏。

431 年

辛未 宋元嘉八年 魏神䴥四年 北涼承玄四年 義和元年 北燕馮弘太興元年 夏勝光四年

正月，北燕改元太興。宋復立珠崖郡。宋將檀道濟大破魏兵於壽張。夏赫連定擊降乞伏暮末，西秦亡。二月，宋將檀道濟以糧盡

退。六月，吐谷渾俘赫連定，夏亡。閏六月，柔然敕連可汗遣使於魏。八月，沮渠蒙遜遣子爲質於魏。吐谷渾王慕璿送赫連定於魏，魏封慕璿爲西秦王。九月，魏以沮渠蒙遜爲涼州牧、涼王。魏徵用各州名士。魏司徒崔浩大整流品，明辨姓族，得罪於家。十月，魏詔司徒崔浩改定律令。十一月，魏北部敕勒莫弗庫若干驅鹿數百萬頭詣魏，以備縱獵。是歲，北涼沮渠蒙遜改元義和。宋秘書監謝靈運造四部目錄。林邑范陽邁侵宋九德，宋交州兵擊卻之。

432 年

壬申 宋元嘉九年 魏延和元年 北涼義和二年 北燕太興二年

正月，魏改元延和。五月，宋遣使於魏。六月，吐谷渾遣使以擒赫連定告捷於宋，宋封其王慕璿爲隴西王。魏遣使聘於宋。七月，魏發幽州民及密雲丁零攻北燕，圍和龍。宋益州立官冶，禁私鑄；鐵器貴，流民許穆之因民怨，詐稱爲晉宗室司馬飛龍，結仇池氏起事，殺逐守令，未幾敗死。五城人帛氏奴、趙廣、巴西人唐頻等皆聚兵陷郡縣，蜀中僑舊俱反。九月，魏攻下北燕郡縣甚多，徙樂浪、帶方、玄菟等六郡民三萬家於幽州。趙廣等圍宋成都，擁道士庖平程道養，詐稱司馬飛龍，立爲蜀王，建元泰始。十二月，魏徵闕賓沙門曇無讖於北涼，沮渠蒙遜不遣。北燕馮弘子崇等降魏。

433 年

癸酉 宋元嘉十年 魏延和二年 北涼義和三年 沮渠牧犍永和元年 北燕太興三年 二月，魏以馮崇爲遼西王。魏遣使如宋，且爲太子求婚宋。發兵救成都。四月，北涼沮渠蒙遜死，子牧犍嗣，稱河西王，改元永

和。五月，林邑王范陽邁遣使獻於宋，求領交州，被拒。六月，闍婆、訶羅單國獻於宋。九月，成都圍解，程道養等遁入山谷，時出攻擾。魏以仇池氏王楊難當爲南秦王；十一月，難當攻佔宋漢中。十二月，魏遣使聘於宋。

434 年

甲戌 宋元嘉十一年 魏延和三年 北涼永和二年 北燕太興四年

正月，宋攻漢中，楊難當退。二月，魏與柔然和親。閏三月，宋收復漢中。北燕稱藩於魏。休屠胡金當川起事，魏擊之，四月，敗死。七月，魏擊稽胡白龍於西河，九月，破之，白龍死；十月，殺其餘衆數千人。是歲，林邑、扶南、訶羅單遣使獻於宋。

435 年

乙亥 宋元嘉十二年 魏太延元年 北涼永和三年 北燕太興五年

正月，北燕稱藩於宋，宋封爲燕王，稱之爲黃龍國。魏改元太延。三月，北燕獻於魏。四月，北燕請援於宋。五月，龜茲、疏勒、烏孫、悅般、渴槃陀、鄯善、焉耆、車師、粟特等國獻於魏，魏遣使者王恩生等二十人入西域，爲柔然所阻，折還。六月，高句麗王璉獻於魏。魏攻北燕，大掠而還。師子國獻於宋。七月，闍婆、娑達、扶南獻於宋。九月，蜀郡張尋起事。十一月，北燕馮弘遣使請迎於高句麗。宋丹陽尹蕭摹之請限制造塔寺及鑄銅佛像。魏滅吐沒骨。

436 年

丙子 宋元嘉十三年 魏太延二年 北涼永和四年 北燕太興六年 二月，北燕獻於魏。三月，宋檀道濟無罪被

殺。魏大舉攻北燕。仇池氏王楊難當自稱大秦王，建元建義。四月，高句麗兩遣兵迎北燕馮弘，五月，弘焚龍城東走；魏使人於高句麗索弘。六月，宋破程道養等於鄭口，帛氏奴降，道養遁。高句麗獻於宋。七月，魏以楊難當侵據上邽，遣兵攻之。八月，魏發兵通莎泉道。九月，楊難當退出上邽，魏兵罷。是歲，宋更鑄渾儀，以水轉之，昏明中星，與天相應。柔然擾魏邊。吐谷渾慕璜死，弟慕利延立。

437 年

丁丑 宋元嘉十四年 魏太延三年 北涼永和五年 北燕太興七年
三月，宋遣使於魏。四月，程道養爲部下所殺，餘黨降，益州平。五月，魏令吏民得告守令。七月，魏滅稽胡白龍餘黨。九月，魏封吐谷渾王慕利延爲西平王。十一月，魏遣使招誘西域烏孫、破落那、者舌等十六國，皆遣使奉獻。北涼沮渠牧犍獻於魏；又獻於宋，獻雜書及甲寅元曆，並求雜書。詢羅單國獻於宋。是歲，高句麗使朝於魏。

438 年

戊寅 宋元嘉十五年 魏太延四年 北涼永和六年 北燕太興八年
二月，吐谷渾獻於宋，宋封慕利延爲隴西王。三月，魏罷沙門年五十以下者俾從征役。北燕馮弘遣使請迎於宋，高句麗殺弘，北燕亡。宋使迎馮弘者擅殺高句麗將吏，高句麗執送於宋。四月，倭國王珍遣使獻於宋，以爲安東將軍。七月，魏大舉攻柔然，無功而還，人馬多死。是歲，宋立玄、史、文、儒四學。扶南、林邑獻於宋。

439 年

己卯 宋元嘉十六年 魏太延五年 北涼永和七年
三月，魏攻宋上洛。仇池氏楊保宗等奔魏，封武都王。六月，魏大發兵攻北涼。宋改封吐谷渾慕利延爲河南王。柔然擾魏，敗還。九月，魏兵至姑臧，沮渠牧犍降，北涼亡。支屬沮渠無諱等據地大擾。十月，魏徙沮渠牧犍宗族及吏民三萬戶於平城。禿髮保周率鮮卑據張掖。魏除田禁，以賦百姓。仇池氏王楊難當攻魏上邽，敗還。宋蜀郡趙廣等復謀起事，被殺。是歲，林邑、高句麗遣使獻於宋。

440 年

庚辰 宋元嘉十七年 魏太延六年 太平眞君元年
二月，魏遣使聘於宋。三月，沮渠無諱陷魏酒泉。六月，魏改元太平眞君。七月，禿髮保周爲魏兵所敗，自殺。八月，沮渠無諱降魏，涼州平。是歲，仇池氏王楊難當去大秦王號，復稱武都王。百濟國獻於宋。

441 年

辛巳 宋元嘉十八年 魏太平眞君二年
正月，魏以沮渠無諱爲酒泉王，沮渠萬年爲張掖王。四月，魏遣兵圍酒泉。八月，魏遣使聘於宋。十一月，魏拔酒泉，沮渠無諱遁保都善東城。仇池氏王楊難當侵擾宋蜀地。十二月，宋晉寧太守爨松子起事，未幾敗。天門蠻田向求等起事，破淩中，宋兵敗之。是歲，肅特、高麗、蘇靡黎、林邑等國獻於宋。

442 年

壬午 宋元嘉十九年 魏太平真君三年
正月，宋詔興國子學。魏帝始詣道壇受符籙，自是傳爲永制。四月，沮渠無諱據鄯善，鄯善王奔且末。李寶自伊吾據敦煌。五月，宋攻占仇池，楊難當奔魏，魏分道侵宋。九月，沮渠無諱屠高昌，闕爽奔柔然。無諱遣使於宋，拜涼州刺史、河西王。十月，柔然遣使於宋。十二月，宋修魯郡孔子廟、孔子墓及學舍。李寶稱藩於魏，拜沙州牧、敦煌公，四品以下聽承制假授。雍州蠻大動，宋將沈慶之擊之，殺虜萬餘人。是歲，婆黃國獻於宋。

443 年

癸未 宋元嘉二十年 魏太平真君四年
正月，宋軍屢敗於魏。二月，宋失仇池。三月，烏洛侯國遣使通於魏。四月，丘帥楊文德起兵圍仇池，自號秦、河、梁三州牧、仇池公；五月，魏師攻之，文德請援於宋，七月，宋拜文德北秦州刺史、武都王。九月，魏大發兵襲柔然，無功而還。十一月，宋救楊文德，敗。是歲，河西、高麗、百濟及倭國王濟並遣使獻於宋。

444 年

甲申 宋元嘉二十一年 魏太平真君五年
正月，魏以上谷苑囿太半給貧民耕種。魏太子晃課民稼穡，墾田大增。魏禁王公庶人私養沙門、巫覡。魏詔王公卿士子弟入太學，工商子弟傳世業，不得私立學校。六月，魏北部民五千餘落殺官北走，遣兵遮回，徙於冀、相、定三州爲營戶。吐谷渾王慕利延殺兄子緯世，緯世弟叱力延等奔魏。沮渠無諱死，弟安周嗣。秋，魏罷群祀。八月，魏

遣使聘於宋。九月，宋以沮渠安周爲涼州刺史、河西王。柔然敕連可汗死，子處羅可汗立。魏助叱力延擊吐谷渾，斬五千餘級，降萬三千餘落。是歲，李寶入朝於魏，被留。

445 年

乙酉 宋元嘉二十二年 魏太平真君六年
正月朔，宋頒行何承天所上元嘉新曆。魏遣使聘於宋。二月，魏分徙起事之胡人於各郡。四月，魏再攻吐谷渾，又發涼州兵擊鄯善。七月，宋將沈慶之、柳元景大破襄、沔諸蠻，獲十萬餘口，徙萬餘口於建康。八月，魏入鄯善，降其王。魏徙諸種雜民五千餘家於北邊。吐谷渾王慕利延爲魏所逼，西走，殺于闐王，據其地。九月，魏盧水胡蓋吳起兵杏城，稱天台王，通使於宋，關中大亂。十月，魏發兵及敕勒騎擊蓋吳。宋起胡熟廢田千頃。十一月，河東蜀人薛永宗襲聞喜以應蓋吳。魏掠宋淮、泗以北，徙青、徐民實河北。十二月，宋殺後漢書作者范曄。是歲，宋始備郊廟之樂。

446 年

丙戌 宋元嘉二十三年 魏太平真君七年
正月，薛永宗敗死，其族人薛安都奔宋。二月，魏大破蓋吳於杏城。蓋吳復求援於宋，宋以蓋吳爲雍州刺史、北地公，屯兵北境以爲聲援。宋交州刺史檀和之部將宗慤破林邑兵。魏帝用崔浩言，毀佛寺，阬沙門，焚經像。魏攻宋青、冀、兗三州，大殺掠。魏金城邊固、天水梁會等據上邽起事，氐、羌、屠各胡紛起應之，固尋敗死。五月，梁會兵潰。略陽王元達起事，據松多川，不久亦敗。蓋吳復振，自號秦地王。檀和之、宗慤等入林邑，其王范陽邁遁走。六月，魏發兵十萬人築塞圍，起上谷，西至河，廣縱千里。八

月，蓋吳敗死，餘黨悉散。魏安定盧水胡劉超等起事，尋敗死。宋揭陽民起事，史稱耕賊，攻建安郡，焚城府。九月，宋帝幸國子學，試諸生。是歲，吐谷渾王慕利延復還舊土。

447 年

丁亥 宋元嘉二十四年 魏太平眞君八年
正月，魏吐京胡及山胡曹僕渾等起事，未幾敗。三月，魏徙定州丁零三千家於平城。六月，宋以貨貴，製大錢，一當兩。十月，宋豫章胡誕世據城，殺太守，未幾敗死。十二月，氐王楊文德據葭蘆城，武都等五郡氐皆附之。是歲，何承天死。

448 年

戊子 宋元嘉二十五年 魏太平眞君九年
正月，氐王楊文德爲魏所破，奔宋漢中。二月，魏殺潞縣民二千餘家，徙離石民五千餘家於平城。五月，魏以韓拔爲鄯善王，賦其民如郡縣。宋罷當兩大錢。八月，悅般國約魏夾攻柔然。九月，魏破焉耆，其王奔茲龜。十二月，魏擊龜茲。魏攻柔然，無所得而還。

449 年

己丑 宋元嘉二十六年 魏太平眞君十年
正月，魏分道攻柔然，無功。二月，宋募民數千家實京口。五月，婆皇、婆達等國獻於宋。九月，魏再分道攻柔然，處羅可汗遠遁，喪人畜百餘萬，柔然大衰。宋西北諸蠻擾雍州，沈慶之等大破之。

450 年

庚寅 宋元嘉二十七年 魏太平眞君十一年

正月，沈慶之再破西北諸蠻，斬三千級，虜二萬八千口，降二萬五千戶，又圍大羊蠻降之，遷於建康爲營戶。二月，魏帝自將攻宋，河南諸郡多聞風潰。三月，宋以軍興，減內外官俸三分之一。四月，魏兵退。魏帝致書宋帝，聲言來秋取揚州。六月，魏殺司徒崔浩及浩宗族、姻戚。沮渠安周與柔然連兵攻占車師前部，其王車伊洛奔焉耆，請救於魏。吐谷渾王慕利延懼魏逼，表請於宋求保越嶲，宋許之，而不至。魏帝遣宋帝書，辭極輕侮。七月，宋分道攻魏，連下碣磬、樂安、長社。九月，魏帝自將禦宋。十一月，宋西路大破魏兵，以東路敗，退師。氐王楊文德以宋助復還故地。十二月，魏帝至瓜步，宋建康戒嚴。

451 年

辛卯 宋元嘉二十八年 魏太平眞君十二年
正平元年
正月，魏帝自瓜步北還，圍宋盱眙不克。三月，魏置宋降民五萬家於平城近畿。五月，宋青州民司馬順則起事，攻梁鄒，自稱齊王，沙門司馬百年應之，稱安定王。婆皇國獻於宋。六月，魏改元正平。魏更定律令。七月，宋進倭王濟號安東大將軍。司馬順則等敗死。九月，宋魏互遣使修聘。十二月，宋徙彭城流民於瓜步，江西流民於姑孰，合萬餘家。是歲，裴松之死。

452 年

壬辰 宋元嘉二十九年 魏正平二年（南安王余承平元年）高宗文成皇帝拓跋濬興安元年
正月，魏中山宋民五千餘家謀起事，皆被殺。二月，魏中常侍宗愛殺魏帝，立南安王余，改元承平。四月，訶羅單獻於宋。五月，宋

分道攻魏。九月，吐谷渾王慕利延死，兄子拾寅立，獻於宋、魏，宋封爲河南王，魏封爲西平王。十月，宋攻魏無功而還。魏宗愛殺其帝拓跋余。殿中尚書源賀等立皇孫濬，改元興安，是爲高宗文成皇帝，殺宗愛等，具五刑，夷三族。宋西陽五水蠻起事，自淮、汝至於江、沔。十一月，魏隴西屠各胡王景文起事，未幾敗降，三千餘家被徙趙、魏。十二月，魏弛佛教之禁。是歲，魏始廢景初曆，行玄始曆。

453 年

癸巳 宋元嘉三十年（元凶劭太初元年）

魏興安二年

正月，宋將蕭道成帥氐羌攻魏武都，無功。宋大發兵擊西陽蠻。二月，宋太子劉劭等殺其父自立，改元太初。宋武陵王劉駿起兵討劭，四方響應；四月，駿至建康新亭，即皇帝位，是爲世祖孝武皇帝；五月，駿入建康，殺劉劭等。九月，宋南海太守蕭簡據廣州叛，未幾敗死。十一月，高麗遣使獻於宋。是歲，曇無竭等自印度返揚州。

454 年

甲午 宋世祖孝武皇帝劉駿孝建元年 魏

興安三年 興光元年

正月，宋鑄孝建四銖錢。二月，宋江州刺史臧質等推南郡王義宣起兵，六月，皆敗死。七月，魏改元興光。十月，宋建孔子廟，制同諸侯。是歲，宋始課南徐州僑民租。

455 年

乙未 宋孝建二年 魏興光二年 太安元年

二月，婆皇國獻於宋。四月，吐谷渾遣使獻於宋。六月，魏改元太安。七月，槃槃

國獻於宋。八月，斤陀利國獻於宋。十月，宋貶損王侯車服器用制度。十一月，高麗國獻於宋。是歲，魏召僧曇曜爲僧統。林邑遣使獻於宋。

456 年

丙申 宋孝建三年 魏太安二年

二月，魏滅井陘山中丁零數千家。八月，魏破伊吾，大掠而還。

457 年

丁酉 宋大明元年 魏太安三年

正月，宋改元大明。二月，宋復親民官公田。魏授宋兗州。三月，宋立懷漢郡，以統梁州僚民。七月，宋土斷雍州諸僑郡縣，併三郡十六縣爲一郡。十月，宋以百濟王餘慶爲鎮東大將軍。

458 年

戊戌 宋大明二年 魏太安四年

正月，魏設酒禁，又置內外侯官以察百官，增律條。宋復郡縣舊秩並祿俸。六月，宋於吏部置二尚書以分其權。七月，宋南彭城民高閭、沙門曇標謀起事，被殺，因汰沙門。八月，吐谷渾獻於宋。十月，魏攻宋滑口戍，敗；十一月，魏侵擾宋青州，氐人輔國將軍焦度禦却之。魏攻柔然，降其數千落而還。是歲，林邑范陽邁已死，子神成在位，遣使獻於宋。

459 年

己亥 宋大明三年 魏太安五年

正月，婆皇國獻於宋。四月，宋竟陵王誕據廣陵抗命，遣兵擊之；七月，克廣陵，屠男口三千餘，女子充軍賞，誕被殺。十月，沮渠安周獻於宋。十一月，高麗獻於宋。肅慎

獻楷矢、石弩於宋。

460 年

庚子 宋大明四年 魏和平元年

正月，魏改元和平。 魏遣使聘於宋。 二月，魏擊河西胡降之。 三月，魏侵宋北陰平，敗退。 四月，宋以大疫下詔卹贍。 六月，魏分道擊吐谷渾，大掠而歸。 七月，宋遣使聘於魏。 八月，宕昌王獻於宋。 十月，宋擊江、沔諸蠻。 十一月，魏遣使聘於宋。 是歲，柔然攻高昌，殺沮渠安周，滅沮渠氏，以闕伯周爲高昌王。 倭國遣使奉獻於宋。

461 年

辛丑 宋大明五年 魏和平二年

正月，宋以宕昌王梁唐可爲河州刺史。 三月，宋遣使聘於魏。 魏發并、肆州民治河西獵道。 四月，宋海陵王休茂起兵，未幾敗死。 七月，高麗獻於宋。 十月，魏遣使聘於宋。 十二月，宋制民戶歲輸布四匹。 是歲，宋詔士族與工商雜戶爲婚者，皆補將吏，士族多避役逃亡爲亂。 魏詔祭百神，始復羣祠。

462 年

壬寅 宋大明六年 魏和平三年

正月，宋策秀才、孝廉於中堂。 二月，宋復百官祿。 三月，宋以倭世子興遣使奉獻，授官爵爲安東將軍倭國王。 六月，魏吐京胡、長蛇鎮氏前後起事，旋敗。 七月，宋制沙門致敬人主。 十月，魏遣使聘於宋。 宋范陽祖沖之造大明曆上之，未施行。

463 年

癸卯 宋大明七年 魏和平四年

六月，柔然、高麗遣使獻於宋。 七月，宋檢糾民之私占名山川爲田者。 十月，魏遣使聘於宋。 是歲，宋策高麗長壽王爲車騎大將軍、開府儀同三司。

464 年

甲辰 宋大明八年 魏和平五年

閏五月，宋孝武帝死，子子業嗣，是爲前廢帝。 七月，柔然處羅可汗死，子受羅部眞可汗立，改元永康，率衆擾魏，敗還。 十二月，楊難當卒。 是年，宋境凡有州二十二，郡二百七十四，縣一千二百九十九，戶九十四萬有奇。 宋東方諸郡連年旱饑，米一升錢數百，民餓死什六七。

〔日本〕遣使於“吳”。（按中國記載，此年無倭使來獻事。 據以後數年，數有遣使於“吳”且携吳織縫衣女工至之事，恐係私舉，未嘗通問於宋廷。）

465 年

乙巳 宋前廢帝劉子業永光元年 景和元年 宋太宗明皇帝劉彧泰始元年 魏和平六年

二月，宋鑄二銖錢。 五月，魏高宗文成皇帝死，子弘嗣，是爲顯祖獻文皇帝。 六月，魏開酒禁。 八月，宋尚書令柳元景謀立江夏王義恭，事洩，皆死。 宋帝改元景和。 九月，宋義陽王昶據徐州抗命，兵敗，叛奔魏，魏封爲丹陽王。 宋聽民鑄錢，於是錢質益劣，有鵝眼、縷環之目，物價踊貴，斗米萬錢。 十一月，宋寧朔將軍何邁謀立晉安王子助，事洩，被殺。 宋帝害太尉沈慶之。 宋晉安王子助起兵於江州。 宋湘東王彧主衣阮佃夫等殺宋帝，十二月，擁彧卽位，改元泰始，是爲太宗明皇帝。 罷二銖錢，禁鵝眼、縷環錢。 晉安王子助等拒新命。

466 年

丙午 宋泰始二年 魏顯祖獻文皇帝拓跋弘天安元年

正月，魏改元天安。宋晉安王子助即皇帝位於尋陽，改元義嘉；徐州刺史薛安都等紛起應之，四方貢計皆歸尋陽。二月，魏殺丞相乙渾，馮太后臨朝稱制。三月，宋斷新錢，專用古錢。五月，宋弋陽西山蠻田益之起兵圍義陽，以應建康。七月，氐帥楊僧嗣附於建康，拜北秦州刺史、武都王。八月，宋將沈攸之入尋陽，殺晉安王子助，大亂粗平。魏初立郡學，置博士、助教、生員。十月，宋盡殺孝武帝諸子。宋將薛安都等降於魏，魏遣兵助之。十二月，宋益州大亂，成都被圍逾月始解。是歲，魏使人諷高句麗送女備六宮。

467 年

丁未 宋泰始三年 魏天安二年 皇興元年

正月，宋將沈攸之等大爲魏軍及薛安都所敗，由是淮北及豫州淮西之地遂陷於魏。魏東平王道符據長安，未幾敗死。二月，魏攻宋汝陰不克。三月，魏攻宋青州，連下四戍。

七月，薛安都子令伯擾梁、雍，敗死。八月，魏鑄大佛於天宮寺，高四十三尺，用銅十萬斤，黃金六百斤。魏改元皇興。宋將沈攸之北攻魏，大敗，下邳等郡陷於魏。十一月，高麗、百濟獻於宋。十二月，魏攻宋汝陰，無功。

468 年

戊申 宋泰始四年 魏皇興二年

正月，魏攻宋武津、義陽，敗還。宋東徐州、東兗州、蘭陵、歷城守將皆降於魏。三

月，宋交州人李長仁據州起事，殺北來部曲，自稱刺史。宋晉康太守劉思道攻俚人失利，還殺廣州刺史，旋敗死。四月，宋減郡縣田租之半。柔然、吐谷渾奉獻於宋。宋敗魏兵於許昌。十月，宋發諸州兵擊魏。十一月，李長仁降。十二月，魏陷宋不其城。是歲，契丹遣使貢於魏。

469 年

己酉 宋泰始五年 魏皇興三年

正月，魏陷宋東陽，於是青、冀之地盡入於魏。二月，魏罷三等輸租之法及雜調十五。宋柳欣慰等謀立廬江王禕，事洩，欣慰等被殺，禕旋亦死。三月，吐谷渾獻於宋。魏攻宋汝陰，敗還。五月，魏徙青、齊民於平城，置平齊郡以處之。魏用沙門統曇曜言，以民及奴分別爲僧祇戶及佛圖戶。十一月，魏遣使於宋修好，自是信使歲通。十二月，宋以三峽蠻抄掠，於白帝置三巴校尉以鎮之。宋臨海人田流起事，稱東海王，掠海鹽，殺鄞令。是歲，高麗遣使貢於魏。百濟遣使奉表於魏，請兵伐高麗，魏不從，自此絕朝貢。

470 年

庚戌 宋泰始六年 魏皇興四年

四月，魏擊吐谷渾，拾寅敗走。九月，宋立總明觀，置祭酒一人，儒、玄、文、史學士各十人。魏帝自將分道擊柔然，大破之，斬五萬餘級，降萬餘。十一月，高麗獻於宋。是歲，田流敗滅。于闐爲柔然所攻，請救於魏，魏以道遠不發兵。

471 年

辛亥 宋泰始七年 魏皇興五年 高祖孝文皇帝拓跋宏延興元年

三月，魏遣使聘於宋。柔然獻於宋。魏簡西部敕勒爲殿中武士，四月，諸部敕勒皆起事。六月，柔然遣使獻於宋。八月，魏獻文帝傳位於子宏，改元延興，是爲高祖孝文皇帝。十月，百濟獻於宋。魏沃野、統萬敕勒起事，旋敗，二千餘落降，殘部走枹罕、金城，被殺及俘虜幾盡。宋攻魏，至蒙山，引還。是歲，魏青州封辯、齊州司馬小君前後起事，均敗死。

472 年

壬子 宋泰豫元年 魏延興二年
正月，宋改元泰豫。宋大陽蠻帥桓誕以沔北八萬餘落附魏，拜東荊州刺史、襄陽王，聽自選郡縣吏。二月，柔然擾魏，東部敕勒奔附之。三月，林邑獻於宋。四月，魏詔商工雜伎盡聽赴農，諸州課民益種菜果。宋明帝死，皇太子昱嗣。七月，柔然擾魏敦煌、晉昌，皆敗還。閏七月，宋荊州刺史荀盧，諸蠻羣起，西溪蠻掠抄至武陵下，宋兵擊敗之。十月，柔然攻魏五原。十一月，柔然、高麗獻於宋。十二月，魏侵宋義陽，敗退。是歲，魏有司奏諸祠祀千七十五所，歲用牲七萬五千五百。

473 年

癸丑 宋蒼梧王劉昱元徽元年 魏延興三年
正月，宋改元元徽。魏遣使聘於宋。魏詔守令勸農，令貧富通借牛隻；又定守令治盜升轉之法。三月，婆利國獻於宋。吐谷渾攻魏澆河。四月，魏以孔子後爲崇聖大夫，給十戶供洒掃。五月，吐谷渾獻於宋。七月，宋顧長康、何翌之表上所撰諫林十二卷。魏詔河南六州民，戶收絹一匹、綿一斤、租三十石。八月，宋王儉表上所撰七志三十卷。

吐谷渾王拾寅降魏，遣子入侍，自是歲獻於魏。九月，宋遣使聘於魏。十月，魏令州郡之民十丁取一，戶收租五十石，以備攻宋。氏帥楊文度自立爲武興王，降於魏，拜武興鎮將。十二月，吐谷渾獻於宋。柔然攻魏柔玄鎮，二部敕勒附之。是歲，魏州鎮十一水、旱，相州民餓死者甚衆。魏齊州人劉舉起事，稱皇帝，未幾敗死。

474 年

甲寅 宋元徽二年 魏延興四年
三月，魏遣使聘於宋。五月，宋桂陽王休範以清君側爲名起兵尋陽，建康大震；用右衛將軍蕭道成議，堅守以待。道成使越騎校尉張敬兒詐降，殺休範，破其餘黨。柔然遣使聘於宋。六月，宋以蕭道成爲中領軍，參決朝政。魏罷門、房同誅之律。七月，柔然攻魏敦煌。

475 年

乙卯 宋元徽三年 魏延興五年
三月，吐谷渾獻於宋。五月，魏遣使聘於宋。六月，魏初禁殺牛馬。十月，高麗獻於宋。

476 年

丙辰 宋元徽四年 魏延興六年 承明元年
六月，魏馮太后鳩太上皇，改元承明，以太皇太后復臨朝稱制。七月，宋建平王景素據京口起兵，旋敗死。

477 年

丁巳 宋元徽五年 宋順帝劉準昇明元年 魏太和元年
正月，魏改元太和。魏略陽民王元壽聚衆起

事，稱衝天王，旋敗。四月，宋阮佃夫等謀廢立，事洩，被殺。七月，蕭道成使人殺宋帝，貶爲蒼梧王；立安成王準，改元昇明，道成錄尚書事。八月，魏詔工商卑隸非有勳勞者敘官不得過本部丞。九月，魏更定律令。十月，氐帥楊文度陷魏仇池。十一月，倭國獻於宋。魏懷州民伊祁苟自稱堯後，聚衆起事於重山，未幾敗死。十二月，宋荊州刺史沈攸之起兵反蕭道成。宋司徒袁粲等據石頭城反蕭道成，敗死。魏攻斬楊文度，以氐人楊廣香爲陰平公，楊文弘爲武都王。

478 年

戊午 宋昇明二年 魏太和二年

正月，沈攸之敗死。二月，宋進蕭道成爲太尉、都督南徐等十六州諸軍事。三月，魏拜宕昌帥彌機爲河南公、宕昌王。四月，蕭道成殺南兖州刺史黃回。五月，倭國王武遣使獻於宋，拜安東大將軍。魏禁皇族、貴戚及士民與普通百姓爲婚。六月，宋拜氐帥楊文弘爲武都王。九月，宋以蕭道成假黃鉞、大都督中外諸軍事、太傅、揚州牧。柔然遣使於宋。十月，魏遣使聘於宋。十二月，高麗獻於宋。

479 年

己未 宋昇明三年 齊太祖高皇帝蕭道成
建元元年 魏太和三年

三月，宋以蕭道成爲相國，總百揆，封齊公，加九錫。四月，蕭道成進爵齊王。蕭道成稱皇帝，改元建元，是爲齊太祖高皇帝。以宋帝爲汝陰王，繼殺之，追諡順帝，宋亡。五月，齊改元嘉曆爲建元曆。魏罷候官。齊禁濫募部曲。七月，交州刺史李長仁死，弟叔獻代領州事，拒新刺史，齊卽以叔獻爲刺史。魏復盧縣主氐帥楊廣香附於齊，以爲沙

州刺史。十月，晉壽李烏奴引氐兵攻齊梁州，敗遁。十一月，魏奉宋降王劉昶分道攻齊。柔然應齊約，攻魏邊。契丹莫賀弗勿千率部萬餘口附魏，居白狼水東。是年，齊進倭王武爲鎮東大將軍。齊得竹簡科斗書。

480 年

庚申 齊建元二年 魏太和四年

正月，魏陷齊馬頭戍，又攻鍾離，敗還。荆、湘、雍、郢、司五州蠻大動，南襄城蠻攻潼陽，殺縣令；北上黃蠻攻汶陽，逐太守；齊兵擊破之。二月，魏攻齊壽陽，失利。齊檢定民籍。齊改三巴校尉爲巴州刺史，以鎮羣蠻。齊屢破魏城戍；三月，魏兵退。四月，齊拜高麗王高璉爲驃騎大將軍、樂浪公。五月，李烏奴擾齊梁州，敗保武興。八月，魏數道攻齊。九月，柔然遣使於齊，齊遣使報聘。閏九月，魏攻齊駒山，大敗。十月，齊以氐帥楊廣香爲西秦州刺史。淮北民紛起反魏。十一月，齊以氐王楊後起爲北秦州刺史、武都王。是歲，高麗使餘奴等赴齊報謝，魏截獲之於海上，遣使責之。

481 年

辛酉 齊建元三年 魏太和五年

正月，魏攻齊淮陽，大敗。二月，魏沙門法秀聚衆，謀起事於平城，事洩，死。齊大破魏於淮北。齊罷南蠻校尉官。四月，魏出兵鎮壓淮北民，掠三萬餘口歸平城，南逃者數千家。五月，鄧至羌帥像舒附於魏。七月，齊遣使於魏。柔然別部他稽帥衆降魏。九月，柔然遣使於齊，約共攻魏。十月，齊以吐谷渾王度易侯爲河南王。魏新律成。高車王可至羅殺高昌王闕首歸，立張明爲王；高昌人殺明，立馬儒。是歲，高麗使朝於齊。

482 年

壬戌 齊建元四年 魏太和六年

正月，齊置國子學生二百人。三月，齊高帝死，皇太子賁嗣，是爲世祖武皇帝。七月，魏發五萬人治靈丘道。九月，齊罷國子學。魏以氏王楊後起爲武都王。十一月，魏依古制祠七廟。

483 年

癸亥 齊世祖武皇帝蕭賾永明元年 魏太和七年

正月，齊改元永明。齊詔郡縣丞尉普復舊秩。二月，齊以氏帥楊昱爲沙州刺史、陰平王，宕昌帥梁彌機爲河涼二州刺史，鄧至羌帥像舒爲西涼州刺史。三月，齊詔郡縣長以滿三年爲限。七月，魏遣使聘於齊。十月，齊遣使聘於魏。十二月，魏始禁同姓爲婚。魏秦州刺史酷暴，州民紛起反抗，魏斬刺史以謝州民。是歲，齊省巴州。

484 年

甲子 齊永明二年 魏太和八年

五月，魏遣使聘於齊。六月，魏始班祿，增戶調帛三匹、穀二斛九斗、調外帛二匹，嚴贓污之罰。十月，高麗獻於齊、魏。齊襲滅益州大度獠。十一月，魏遣使聘於齊。是歲，百濟遣使於齊。林邑范文贊在此後十餘年中，數遣使獻於齊。扶南遣使獻於齊，並請助其攻林邑。

485 年

乙丑 齊永明三年 魏太和九年

正月，齊以交州刺史李叔獻斷割外國貢獻，發兵討之，叔獻還朝。魏焚圖讖、祕緯，私藏者死；又禁巫覡、卜筮之不經者。魏馮太后

作皇詔頒之。齊復立國學，釋奠孔子用上公禮。三月，魏令諸王入館受學。四月，齊省總明觀。六月，齊遣使詣吐谷渾，並送柔然使還。七月，魏以梁彌承爲宕昌王。十月，魏行均田，有桑田、露田之別。魏遣使聘於齊。十二月，柔然攻魏邊。魏梁州氏羌亂，旋定。齊富陽民唐寓之起事，陷富陽，衆至三萬，三吳大擾。是歲，柔然部眞可汗死，子伏名敦可汗立，改元太平。

486 年

丙寅 齊永明四年 魏太和十年

正月，魏帝朝會始服袞冕。柔然攻魏邊。唐之下錢唐，稱皇帝；又下東陽，殺太守，旋敗死。閏正月，齊、魏皆以氏帥楊集始爲武都王。二月，魏清戶籍，立鄉黨三長法。三月，柔然遣使於魏。柔然可汗追敕勒至西漠。四月，魏始制五等公服。齊湘州蠻起事，未幾平。九月，魏作明堂辟雍。十一月，魏定民官依戶給俸。十二月，柔然攻魏邊。是歲，魏改中書學曰國子學。魏整齊州郡，凡三十八州。

487 年

丁卯 齊永明五年 魏太和十一年

正月，魏定樂章，除非雅者。桓天生誘動司雍二州蠻，據南陽放城，引魏兵擾齊，大敗。胡丘生起兵懸瓠，附齊攻魏，敗奔齊。五月，桓天生復結魏擾齊，敗竄。八月，柔然攻魏邊，大敗。高車師阿伏至羅背柔然西走，至車師前部西北，自立，號候婁匐勒，號從弟窮奇曰候倍。十二月，魏重修國書，改編年爲紀、傳、表、志。

488 年

戊辰 齊永明六年 魏太和十二年

三月，魏襲齊角城戍，無功。四月，桓天生復引魏兵據齊隔城，大敗。齊攻魏泚陽，無功。十二月，柔然伊吾戍主高羔子附魏。是歲，魏攻百濟，敗還。

489 年

己巳 齊永明七年 魏太和十三年
八月，魏遣使聘於齊。十二月，齊遣使聘於魏。柔然別帥叱呂動降魏。

490 年

庚午 齊永明八年 魏太和十四年
正月，齊放魏俘二千餘人還。四月，地豆干擾魏邊。魏遣使聘於齊。五月，庫莫奚擾魏邊。八月，吐谷渾世子伏連籌殺齊使。十二月，齊以百濟王牟大爲鎮東大將軍。高車阿伏至羅等遣使如魏，請擊柔然。齊張欣泰陳二十條，言當廢毀寺塔。

491 年

辛未 齊永明九年 魏太和十五年
二月，齊遣使如魏弔其太后之喪。三月，魏遣使報謝於齊。五月，魏攻吐谷渾，拔其二戍，俘三千餘人。十一月，魏大定官品，考諸牧守。魏遣使聘於齊。是歲，齊新律成。林邑人范當根純遣使奉獻，齊以爲林邑王。高句麗王死，魏遣使弔贈予諡。

492 年

壬申 齊永明十年 魏太和十六年
正月，齊遣使聘於魏。魏罷租課（一作袒裸）。二月，魏改諡孔子爲文聖尼父。三月，魏封高麗王雲爲遼東公。四月，魏班新律令。七月，吐谷渾王伏連籌遣子入朝於魏，魏遣使封爲西海公。魏遣使聘於齊。八月，魏發兵分道擊柔然，大破之。柔然人

殺其伏名敦可汗，立庫者可汗，改元太安。魏行養三老五更禮。九月，氐王楊集始擾齊漢中，大敗，請降於魏，封漢中郡侯、武興王。十二月，齊遣使聘於魏。齊令沈約撰宋書。是歲，林邑故王范陽邁之孫范諸農敗范當根純，復國；齊拜爲林邑王。

493 年

癸酉 齊永明十一年 魏太和十七年
正月，魏遣使聘於齊。二月，魏帝初行耕藉禮。四月，宋光城蠻帥田益宗帥四千餘戶附魏。五月，襄陽蠻帥雷婆思等帥千餘戶附魏，遷沔北。六月，齊建康僧法智與徐州民周盤龍聚衆據州城起事，未幾敗死。七月，魏中外戒嚴，露布謂當攻齊，實將遷都。齊世祖武皇帝死，孫昭業嗣，後被廢，是爲鬱林王。九月，魏遣使聘於齊。鄧至王像舒遣子朝魏。魏遷都洛陽；十月，詔經營洛都，解嚴。

494 年

甲戌 齊鬱林王蕭昭業隆昌元年 齊海陵王蕭昭文延興元年 齊高宗明皇帝蕭鸞建武元年 魏太和十八年
正月，齊改元隆昌。二月，齊遣使聘於魏。六月，魏遣使聘於齊。七月，齊西昌侯蕭鸞殺齊帝，貶號鬱林王，立新安王昭文，改元延興，鸞錄尚書事，晉爵宣城郡公。九月，魏初行三載考績法，魏帝親臨朝堂黜陟百官。蕭鸞大殺齊諸王。十月，蕭鸞晉爵爲宣城王，旋廢齊帝爲海陵王，自爲皇帝，改元建武，是爲高宗明皇帝。魏禁荊、郢等州諸蠻擾齊。十二月，魏大舉攻齊。魏禁士民胡服。

495 年

乙亥 齊建武二年 魏太和十九年

正月，齊遣將拒魏。二月，魏圍齊義陽，不克；三月，魏師退。四月，魏別將圍齊南鄭，不克。魏帝如魯，親祠孔子，封孔子後爲崇聖侯。魏別將圍楮陽，不克。六月，魏禁鮮卑語於朝。魏求遺書。魏之代人南遷者皆著籍河南洛陽。魏改用長尺、大斗，依漢律曆志。七月，齊以氏帥楊馥之爲北秦州刺史、仇池公。八月，魏立國子、太學、四門小學於洛陽。九月，魏六宮百官遷於洛陽。是歲，魏行太和五銖錢。魏以光城蠻帥田益光爲南司州刺史，聽選令守。

496 年

丙子 齊建武三年 魏太和二十年

正月，齊以氏王楊崇祖爲沙州刺史、陰平王。魏定族姓，清流品。四月，魏授齊司州。八月，魏皇太子恂不樂南遷，謀北遁，被廢。十月，魏吐京胡起事，旋平。魏置常平倉。魏恒州刺史穆泰等以不樂南遷，謀起兵，事洩，被殺。是歲，高麗使朝於齊。

497 年

丁丑 齊建武四年 魏太和二十一年

八月，魏攻齊。武都氏內鬩，魏遣將擊定之。十一月，齊以氏帥楊靈珍爲北秦州刺史、仇池公、武都王。齊令結課田宅，詳減舊價。十二月，齊攻魏，大敗。是歲，高昌殺其王馬儒，立麴嘉爲王，附於柔然。

498 年

戊寅 齊建武五年 永泰元年 魏太和二十二年

正月，魏陷齊沔北諸郡。齊大殺高帝、武帝

子孫。三月，齊大破魏兵於渦陽。四月，齊改元永泰。齊大司馬王敬則起兵會稽，五月，敗死。七月，齊明帝死，皇太子寶卷嗣，後廢，稱東昏侯。高車人奉袁紇樹者爲主北走，魏發兵追擊之，大敗。九月，魏撤攻齊之兵以擊高車。十二月，高車相率降魏。林邑王范諸農入朝於齊，溺死，以其子范文款爲王。

499 年

己卯 齊東昏侯蕭寶卷永元元年 魏太和二十三年

正月，齊改元永元。齊發兵攻魏，欲收沔北諸郡。三月，魏大破齊兵。四月，魏孝文皇帝死，子恪嗣，是爲世宗宣武皇帝。八月，齊始安王遙光起事，敗死，齊帝因大殺大臣。九月，齊蜀人趙續伯等起兵，益州亂。十一月，齊太尉陳顯達舉兵尋陽，十二月，敗死。魏厘定官品。

500 年

庚辰 齊永元二年 魏世宗宣武帝景明元年

正月，魏改元景明。齊豫州刺史裴叔業降魏，齊發兵擊之。二月，巴西民雍道晞聚衆圍郡城，旋敗死。三月，魏大破齊兵於壽陽。齊平西將軍崔慧景起兵圍建康，四月，敗死。六月，齊大陽蠻田育丘等附魏。八月，魏大破齊兵於肥口，齊淮南多陷於魏。十月，齊害尚書令蕭懿。十一月，齊雍州刺史蕭衍起兵襄陽。十二月，齊西中郎長史蕭穎胄起兵江陵，奉南康王寶融爲主。是歲，氏王楊集始降魏。魏弛鹽池之禁。魏於洛陽龍門山造佛龕。祖冲之死，冲之精算學。

501 年

辛巳 齊永元三年 齊和帝蕭寶融中興元年 魏景明二年

正月，齊南康王寶融稱相國，三月即皇帝位於江陵，改元中興，是爲和帝。五月，魏咸陽王禧謀舉兵，事洩，死。六月，齊巴陵王昭胄謀自立，事洩，死。七月，雍州刺史張欣泰等謀立建康王寶寅，敗死。柔然攻魏邊。九月，魏發畿內民五萬築洛陽城坊，四旬而罷。蕭衍督師至建康，十月，圍宮城。十一月，魏東豫州刺史田益宗敗齊於赤亭。十二月，齊雍州刺史王珍國殺齊帝，迎蕭衍，以宣德太后令廢齊帝爲東昏侯，衍爲中書監、大司馬、錄尚書事。

502 年

壬午 齊中興二年 梁高祖武皇帝蕭衍天監元年 魏景明三年

正月，齊大司馬蕭衍都督中外諸軍事，加殊禮，旋爲相國，封梁公，加九錫。二月，蕭衍進爵梁王，大殺齊明帝子弟，迎和帝於江陵。四月，蕭衍稱皇帝，改元天監，是爲梁高祖武皇帝，以齊帝爲巴陵王，翌日殺之，齊亡。梁詔議贖刑條格。梁土斷南徐州諸郡縣。魏魯陽蠻魯北霽等起兵潁州、湖陽，魯北霽旋敗死。魏徙蠻萬餘戶於幽、并及六鎮，諸蠻尋皆南走，沿途被殺殆盡。閏四月，梁封宕昌帥梁彌邕爲宕昌王。五月，梁江州刺史陳伯之起兵，旋敗奔魏。六月，梁封氐帥楊紹先爲武都王。前益州刺史劉季連據成都反梁。八月，梁命刪定律令。林邑、千陀利獻於梁。十一月，魏洛陽宮室始成。十二月，梁攻淮南，無功。是歲，江東大旱，米斗五千，民多餓死。梁普進高句麗、百濟、宕昌、吐谷渾、倭國王官爵。

503 年

癸未 梁天監二年 魏景明四年

正月，魏梁州氐楊會起事。劉季連降，送建康。三月，魏取梁二戍。四月，梁班蔡法度所上新律、令、科。五月，魏大破楊會。七月，魏復鹽池之禁。扶南、龜茲、中天竺獻於梁。十月，魏攻梁，拔三城，圍義陽。十一月，魏立氐王世子楊紹先爲武興王。魏東荊州蠻樊素安、季安等起事。

504 年

甲申 梁天監三年 魏正始元年

正月，魏大破東荊州蠻樊季安等。魏改元正始。二月，梁攻魏於壽陽，大敗。三月，魏破梁援義陽之兵。五月，梁以扶南國王爲安南將軍。七月，魏擊虜東荊州蠻樊素安，諸蠻皆降。八月，梁義陽陷於魏。九月，梁以吐谷渾王伏連籌爲河南王。柔然攻魏，魏於北邊築九城。北天竺獻於梁。十一月，魏以地方學校大盛，修國學。梁除以金贖罪之科。十二月，魏修律令。是歲，高句麗遣使於魏。

505 年

乙酉 梁天監四年 魏正始二年

正月，梁置五經博士各一人，弟子員通明者除吏；又於州郡立學。梁漢中太守夏侯道遷殺氐王楊靈珍降魏。二月，魏以宕昌世子梁彌博爲宕昌王。梁交州刺史李凱據州起事，旋敗死。魏攻梁漢中諸城戍，氐帥楊集起等攻魏。四月，梁以行宕昌王梁彌博爲宕昌王。梁梁州十四郡皆陷於魏。梁益州民焦僧護起事，旋敗。六月，梁立孔子廟。梁攻魏小岷，大敗。七月，魏逼梁涪城。八月，魏攻梁雍州，大敗梁兵；雍州蠻帥沔東太守田青

喜降魏。九月，梁與魏戰於馬頭，大敗。十月，梁大舉擊魏，詔王公以下各上國租助軍。氏帥楊集起等立楊紹先爲皇帝。十一月，魏帥退離涪城，巴西復歸於梁。是歲，江淹死。

506 年

丙戌 梁天監五年 魏正始三年

正月，魏拔武興，虜楊紹先，仇池楊氏亡。魏秦州屠各胡王法智推呂苟兒爲主，建元建明；涇州民陳瞻自立爲王，建元聖明；皆聚衆攻擾。二月，梁魏戰於梁城，梁敗；梁圍魏淮陽。三月，梁敗魏於膠水。四月，魏罷鹽池之禁。魏大發兵拒梁。五月，梁克魏宿預、合肥等城。六月，魏敗王法智。七月，呂苟兒降，陳瞻亦敗死。鄧至國獻於梁。九月，梁大敗於洛口。十月，魏圍鍾離，梁發兵赴援。柔然庫者可汗死，子佗汗可汗立，請和於魏，被拒。十一月，獠王趙清荆引梁兵攻魏益州，敗還。扶南僧伽婆羅，亦名僧鎧，赴齊已數年，是歲，梁帝召之譯佛經。

507 年

丁亥 梁天監六年 魏正始四年

正月，魏攻梁鍾離。三月，梁大破魏兵於鍾離，魏軍死傷十餘萬，被俘五萬。六月，梁馮翊等七僞郡降魏。九月，魏開斜谷舊道以通梁、益。

508 年

戊子 梁天監七年 魏正始五年 永平元年

正月，梁定百官九品十八班之制；二月，又定將軍十品二十四班，不登十品者八班，施於外國者二十四班，凡一百九號。梁置州望、

郡宗、鄉豪各一人，專掌搜薦。五月，梁增置列卿爲十二。巴陵馬營蠻擾掠漸平。八月，魏京兆王愉據冀州，稱皇帝，改元建平；魏發兵及蠻兵擊之，逾月平。魏改元永平。九月，魏尚書令高肇害彭城王勰。魏柔然降戶被徙濟州者羣起攻掠。魏郢州司馬彭珍引梁兵攻義陽，十月，魏懸瓠軍主白旱生殺豫州刺史附於梁，於是郢豫二州亂，十二月，魏次第平之，梁兵敗還。蠻帥田益宗附於魏，太陽蠻降魏者萬餘戶，置郡十六。是歲，柔然又請和於魏，仍被拒。高車攻殺柔然佗汗可汗於蒲類海北，可汗子立爲豆羅伏跋豆伐可汗，改元建昌。是歲，任昉死。梁加高句麗王官爵。

509 年

己丑 梁天監八年 魏永平二年

三月，魏攻梁潺溝，大敗。羣蠻爲魏所迫，悉渡漢水降於梁。五月，梁詔試通經之士，不限門第授官。十一月，魏帝爲諸僧及朝臣講佛經；是時佛教大盛，至延昌年間，州郡共有一萬三千餘寺。

510 年

庚寅 梁天監九年 魏永平三年

正月，梁作緣淮塘。三月，梁帝親臨講肆於國子學，令皇太子及王侯之子並入學受業。于闐國獻於梁。四月，梁改用士流爲尚書都令史。六月，宣城郡吏吳承伯聚衆起事，殺太守，逾月敗死。十月，梁行祖冲之大明曆。是歲，魏鑄五銖錢。林邑范文贊子天凱遣使獻於梁，受封爲威南將軍、林邑王。後天凱死，子弼羣跋摩亦奉獻於梁。

511 年

辛卯 梁天監十年 魏永平四年

正月，魏汾州山胡劉龍駒攻擾夏州。三月，梁琅邪民王萬壽殺太守，據朐山降魏，魏發兵援之。四月，魏破劉龍駒。梁發兵攻朐山。五月，魏禁天文學。十二月，梁大破魏軍，取朐山。魏以品官爲河南六部尉，有勳品者爲里正。是歲，梁有州二十三，郡三百五十，縣千二十二。宕昌獻於梁。

512 年

壬辰 梁天監十一年 魏永平五年 延昌元年

三月，高麗獻於梁。四月，魏改元延昌。百濟、扶南、林邑獻於梁。九月，宕昌獻於梁。十一月，梁修五禮成。

513 年

癸巳 梁天監十二年 魏延昌二年
二月，梁鬱州民徐道角殺刺史附於魏，尋敗死。閏三月，沈約死。

514 年

甲午 梁天監十三年 魏延昌三年
二月，魏蠻帥田魯生等附於梁，取光城以南諸戍；三月，魏破魯生等，復取諸戍。十月，魏遣使慰諭柔然。魏大發兵攻梁益州。梁大發楊徐民作浮山堰。是歲，扶南獻於梁。

515 年

乙未 梁天監十四年 魏延昌四年
正月，魏世宗宣武皇帝死，子詡嗣，爲是肅宗孝明皇帝；召還攻梁益州之師。二月，魏殺司徒高肇。柔然遣使聘於魏。四月，魏梁州氐人起事，旋敗。六月，魏冀州沙門法慶聚衆，與渤海人李歸伯起事，法慶自稱大乘，以歸伯爲十住菩薩、平魔軍司、定漢王，所至毀寺、殺僧、焚經、燒像，九月，敗死。魏

胡太后臨朝稱制。十二月，魏葭萌民任令宗殺太守降於梁，漢人、獠人多應之。狼牙修國獻於梁。

516 年

丙申 梁天監十五年 魏肅宗孝明皇帝元詡熙平元年

正月，魏改元熙平。二月，魏攻拔梁硤石。四月，梁築淮堰成。高麗獻於梁。七月，魏攻梁，取東益州。九月，梁淮堰崩。十一月，阮宗孝掠交州，敗死。魏修伊闕，作石窟寺。是歲，柔然伏跋可汗大破高車，殺其王，漆其頭爲飲器。

517 年

丁酉 梁天監十六年 魏熙平二年

正月，魏大乘法慶餘黨復起，旋平。魏禁鷄眼、鑲鑿諸小錢。三月，吐谷渾獻於梁。四月，梁詔宗廟祭品以麵代牲。八月，扶南、婆利獻於梁。十月，魏詔代都土民未南遷者聽留居爲永業。十二月，柔然請和於魏，用敵國禮。

518 年

戊戌 梁天監十七年 魏熙平三年 神龜元年

正月，魏以氐帥楊定爲陰平王。魏秦州羌起事。二月，魏改元神龜。魏東益州氐起事。三月，魏南秦州氐起事。四月，千陀利獻於梁。七月，魏河州羌卻鐵忽起事，自稱水池王，八月敗降。魏補刻熹平石經。十月，魏遣宋雲與惠生赴西域求佛經。魏復鹽池之禁。是歲，扶南獻於梁。

519 年

己亥 梁天監十八年 魏神龜二年

二月，魏羽林虎賁士以不愜選格新法，羣起鼓噪，爲改，乃平。魏吏部尚書立選舉停年格。是歲，魏沙汰郎官。扶南獻於梁。僧慧皎著高僧傳。高句麗王死，子立，魏遣使弔贈。

520 年

庚子 梁普通元年 魏神龜三年 正光元年

正月，梁改元普通。扶南、高麗獻於梁。

二月，梁遣使冊高麗世子安爲高麗王，中途爲魏所執。三月，滑國獻於梁。四月，吐谷渾獻於梁。七月，魏侍中元叉殺清河王懌，幽胡太后。魏改元正光。魏中山王熙以討元叉等爲名，起兵方業，並見弒。柔然內鬩，伏跋可汗被殺，弟阿那瓌立，兵敗奔魏，魏封爲朔方公，蠕蠕王。阿那瓌從父兄彌偶可社句可汗自立。十二月，魏遣使聘於梁，兩國始通好。是歲，中國赴印度求經者宋雲與僧人惠生道經嚙噠國。此時嚙噠國勢鼎盛，宋書所記，可見其富強之一斑。

521 年

辛丑 梁普通二年 魏正光二年

正月，梁置孤獨園於建康，收養窮民。魏南秦氏起事。魏發兵送柔然可汗阿那瓌還國。五月，魏南荊州刺史蠻帥恆叔興降梁。六月，梁義州刺史蠻帥文僧明、邊城太守田守德降魏。七月，梁復取義州。柔然彌偶可社句可汗爲高車所破，請降於魏。其國人迎阿那瓌；十月，魏置阿那瓌於懷朔鎮北，置彌偶可社句於西海郡，以舊日內附之柔然民付阿那瓌。十一月，魏發兵擊東益州、南秦州氏，敗。是歲，百濟、新羅獻於梁，拜百濟王徐隆爲寧東大將軍。

522 年

壬寅 梁普通三年 魏正光三年

二月，宋雲、惠生等自西域乾羅國取佛經一百七十部回洛陽。高車帥伊荀奉獻於魏，拜鎮西將軍、西海郡公、高車王。八月，婆利、白題獻於梁。十一月，魏行正光曆。十二月，柔然彌偶可社句可汗附於嚙噠，魏擊擒之。是歲，梁人司馬達等至日本。

523 年

癸卯 梁普通四年 魏正光四年

二月，柔然俟匱伐朝於魏。四月，柔然阿那瓌擾魏，敗還。魏尚書令李崇請免六鎮府戶爲民，不報。魏懷荒、沃野等鎮兵民暴動，推破六韓拔陵爲首，建元眞王。龍門山佛龕部分完成，共用十八萬三千餘工。七月，魏詔年七十致仕者給半祿。十二月，梁鑄鐵錢。是歲，狼牙修國獻於梁。

524 年

甲辰 梁普通五年 魏正光五年

四月，魏高平鎮民赫連恩等推敕勒帥胡琛爲高平王，響應破六韓拔陵。五月，破六韓拔陵敗魏師於五原。六月，梁攻魏，半年中連克十餘城。魏夏、東夏、幽、涼等州大亂。魏秦州民薛珍等起事，推莫折大提爲首，稱秦王；南秦州民韓祖香等起應大提。大提尋病死，子念生稱皇帝，建元天建。七月，破六韓拔陵敗魏師於白道。魏涼州幢主于菩提等起事。八月，莫折念生敗魏師於隴口。東西部敕勒皆附於破六韓拔陵。魏改鎮爲州，諸鎮賈之非以罪配隸者皆免爲民。魏秀容乞伏莫于起事。魏南秀容牧子萬于乞眞起事，秀容帥爾朱榮擊平之。九月，吐谷渾王伏連籌擊殺于菩提。十月，魏營州民就德興等起

事，稱燕王。魏朔方胡圍夏州。十一月，莫折天生陷魏岐州。蜀人張映龍等攻魏雍州，旋敗死。十二月，魏汾州胡起事。魏南秦州諸氏稍降附於魏。是歲，梁冊百濟王官爵。

525 年

乙巳 梁普通六年 魏正光六年 孝昌元年

正月，魏徐州刺史元法僧稱皇帝，國號宋，建元天啓，旋爲魏師所迫，降於梁。魏岐州刺史崔延伯大破莫折天生於馬嵬、黑水。梁將裴邃大破魏師，斬首萬餘級，時梁已拔魏數城。三月，柔然阿那瓌自稱救連頭兵豆伐可汗，助魏擊破六韓拔陵。四月，魏殺尚書令元乂，胡太后復臨朝攝政。胡琛將万俟醜奴破魏兵於安定。五月，梁攻魏益州，大敗。梁修宿預堰。六月，梁豫章王綜奔魏，封高平郡公、丹陽王，更名贊。魏改元孝昌。西部鐵勒復降於魏。柔然阿那瓌敗破六韓拔陵，拔陵南走，部下降魏者二十餘萬人，魏徙之冀、定、瀛三州。八月，魏柔玄鎮民杜洛周起事於上谷，建元眞王。十月，吐谷渾助魏擊定涼州。魏西荆、西郢等州蠻紛起，大者萬家，小者千室，各稱王侯，引梁兵攻魏襄城、汝水等地邊戍。十二月，魏汾州稽胡劉蠡升稱皇帝。是歲，魏巴州獠大擾，旋定。

526 年

丙午 梁普通七年 魏孝昌二年

正月，魏安州石離等三戍兵響應杜洛周。魏五原降戶鮮于脩禮帥北鎮流民起事於定州左城，建元魯興。滑國獻於梁。二月，魏西部敕勒斛律洛陽起事於柔乾西，與費也頭牧子相結，旋皆爲爾朱榮所敗。吐谷渾獻於梁。三月，高麗獻於梁。四月，魏朔州民鮮于阿

胡等起事。鮮于脩禮敗魏師於五鹿。六月，魏絳郡蜀人陳雙熾起事，號始建王，旋降。林邑獻於梁。七月，魏師破杜洛周於栗園。鮮于阿胡擁朔州流民攻魏恒州。八月，鮮于脩禮爲部下元洪業所殺，葛榮又殺元洪業自立。魏將爾朱榮襲執肆州刺史。九月，葛榮稱皇帝，國號齊，建元廣安。就德興陷魏平州。破六韓拔陵殺胡琛，万俟醜奴盡併胡琛之衆。十一月，梁將夏侯亶拔魏壽陽，凡降城五十二，獲男女七萬五千口。杜洛周陷魏范陽。魏齊州平原民劉樹等起事，旋敗。魏預徵六年租調，罷百官所給酒肉，稅邸店，入市者人納一錢。

527 年

丁未 梁普通八年 大通元年 魏孝昌三年

正月，葛榮陷魏殷州，圍冀州。莫折念生陷魏岐州，北華、幽州皆應之，關中大擾；念生旋戰死，衆潰。梁攻魏東豫州及琅邪郡，下穆陵等三關。魏東清河郡山民羣起，旋降。二月，魏東郡民趙顯德殺太守，自號都督，旋敗死。三月，梁帝捨身同泰寺，改元大通。林邑、師子國獻於梁。魏齊州廣川民劉鈞自稱大行臺，清河民房項自稱大都督。四月，柔然獻於魏。五月，梁拔魏竹邑、蕭城。六月，劉鈞敗死。七月，魏陳郡民劉蕡、鄭辯起事於西華，改元天授，通款於梁，旋敗。魏樂安王鑒據鄴，附於葛榮；八月，魏破鄴，斬樂安王鑒。九月，魏秦州民杜粲、南秦州民辛琛自行州事。十月，梁拔魏廣陵，獲四萬餘口。梁拔魏渦陽，獲三萬餘口。魏尚書令蕭寶寅據關中，殺御史中尉鄧道元，自稱齊帝，建元隆緒；正平民薛鳳賢等據鹽池響應寶寅。十一月，葛榮陷冀州，十二月，大敗魏師。秦州民駱超殺杜粲，降於魏。高麗

獻於梁。

528 年

戊申 梁大通二年 魏武泰元年 敬宗孝莊皇帝元子攸建義元年 永安元年
正月，柔然遣使於梁。杜洛周陷魏定州、瀛州。魏改元武泰。蕭寶寅敗奔万俟醜奴。二月，魏李洪結諸蠻起事，旋敗。葛榮擊殺杜洛周。魏討虜大都督爾朱榮舉兵南下。魏胡太后殺魏明帝，立故臨洮王世子釗爲帝。三月。葛榮陷魏滄州，屠州民什八九。四月，爾朱榮立魏長樂王子攸爲帝，是爲敬宗孝莊皇帝，沉胡太后及幼帝釗於河，殺王公、官民二千餘人，改元建義。魏郢、北青、南荊州降於梁；北海王元顥等亦奔梁。魏詔柔然頭兵可汗上書不稱臣。五月，魏詔入粟賜爵秩。六月，魏高敖曹等集流民起兵河濟之間，旋敗。魏河間邢杲集流民十餘萬戶起於北海，稱漢王，建元天統。七月，魏光州民劉舉起兵濮陽，號皇武大將軍，旋敗死。万俟醜奴稱帝，劫波斯獻魏之師子，建元神獸。八月，魏蕃郡民續靈珍起兵附梁，旋敗死。九月，爾朱榮擊虜葛榮，平冀、定等五州。魏改元永安。十月，梁以魏北海王顥爲魏王，送之北還。十二月，葛榮餘部韓樓據幽州，魏北邊大擾。是歲，林邑國王獻於梁，受封爲綏南將軍、林邑王。

529 年

己酉 梁大通三年 中大通元年 魏永安二年
二月，梁更定二百四十號將軍爲四十四班。柔然遣使聘於梁。三月，梁以吐谷渾王阿羅眞爲寧西將軍。四月，魏北海王顥稱帝於睢陽，改元孝基。魏爾朱兆等擊虜邢杲。五月，魏北海王顥入洛陽，改元建武；魏帝奔河

北。六月，爾朱榮入洛陽，迎還魏帝，北海王顥走死。七月，魏聽民與官鑄永安五銖錢。魏東益州爲氐人、蜀人所陷。巴州刺史嚴始欣以巴州附於梁。九月，梁帝捨身於同泰寺。爾朱榮遣將擊虜韓樓，平幽州。万俟醜奴陷魏東秦州。十月，梁改元中大通。十一月，就德興降魏，營州平。十二月，梁兗州刺史張景邕等叛降魏。梁北兗州僧強聚衆起事，稱皇帝，土豪蔡伯龍起兵應之，陷北徐州，旋敗死。盤盤國獻於梁。

530 年

庚戌 梁中大通二年 魏永安三年（長廣王曄建明元年）
正月，魏擊斬嚴始欣。魏東徐州民呂文欣起事，殺刺史，旋敗死。四月，魏爾朱天光等擊虜万俟醜奴。梁以吐谷渾王佛輔爲西秦、河二州刺史。六月，梁以魏汝南王悅爲魏王，送之北還。万俟醜奴部將万俟道洛奔略陽帥王慶雲，慶雲稱帝於水洛城，七月，爾朱天光擊虜之，屠水洛。扶南、林邑獻於梁。八月，梁山民攻會稽。九月，魏帝殺爾朱榮。十月，爾朱兆等立魏長廣王元曄爲帝，改元建明。十二月，爾朱兆入洛陽，囚魏孝莊帝，旋殺之，大肆殺掠。魏河西紇豆陵步蕃敗爾朱兆於秀容，晉州刺史高歡擊斬步蕃。魏王悅改元更興，旋還梁。是歲，梁南北司州刺史陳慶之屢破魏兵，開田六千頃。

531 年

辛亥 梁中大通三年 魏節閔帝元恭普泰元年 廢帝元朗中興元年
二月，爾朱世隆等廢魏長廣王曄，立廣陵王恭爲帝，改元普泰，是爲節閔帝。魏清河崔祖螭聚七郡人圍東陽。魏幽、安、營、并四州行臺劉靈助起兵，稱燕王，未幾敗死。魏前

河內太守封隆之等據信都，尋附於高歡。四月，梁昭明太子蕭統死。五月，崔祖虡敗死。六月，魏高歡起兵信都，討爾朱氏。十月，高歡立勃海太守元朗為帝，改元中興。是歲，魏南兗州民王乞得劫刺史，降於梁。

532 年

壬子 梁中大通四年 魏普泰二年 中興二年 孝武帝元脩太昌元年 永熙元年 正月，梁送魏王悅還洛。高歡拔鄴。二月，梁以元法僧為東魏王，擬遣北還。閏三月，高歡大破爾朱天光等於鄴。四月，高歡前部至洛陽河橋，盡殺爾朱氏之黨。高歡廢元朗及節閔帝，立平陽王脩為帝，是為孝武皇帝，改元太昌。盤盤獻於梁。七月，高歡入晉陽，爾朱兆北走。魏夏州遷民郭遷據青州起事，尋敗奔梁。十一月，高麗獻於梁。十二月，魏改元永興，尋又改元永熙。是歲，魏冊高麗王官爵。

533 年

癸丑 梁中大通五年 魏永熙二年 正月，吐谷渾獻於梁。魏高歡大破爾朱兆，爾朱兆自殺。梁勞州刺史蠻帥曹鳳等附於魏。二月，高車阿至羅種十萬戶附於魏。四月，魏青州民耿翔聚眾起事，擾三齊，陷膠州，降於梁。五月，魏東徐州民王早等殺刺史，降於梁。八月，波斯遣使於梁。魏以賀拔岳都督雍、華等二十州諸軍事，以牽制高歡。九月，盤盤獻於梁。十二月，魏攻梁雍州，扇動諸蠻，拔四城，沔北蕩為丘墟。

534 年

甲寅 梁中大通六年 魏永熙三年 東魏孝靜帝元善見天平元年 正月，魏高歡擊虜河西流民帥紇豆陵伊利，遷

其部眾於河東。魏東梁州民夷起事，旋定。二月，魏賀拔岳為侯莫陳悅所殺，岳部擁宇文泰為帥。三月，梁以吐谷渾王可悉振為河南王。百濟獻於梁。四月，魏宇文泰大破侯莫陳悅，悅自殺。氏王楊紹先據武興，附於宇文泰。六月，高歡督師南下。七月，魏帝奔宇文泰，入長安。高歡入洛陽，大殺魏之大臣。林邑獻於梁。八月，梁以氏王楊紹先為秦、南秦二州刺史。十月，高歡立魏清河王世子善見為帝，改元天平，是為孝靜帝，旋遷於鄴，自是魏分東西。東魏始令常調租賦分別折絹羅粟以備國用。閏十二月，宇文泰酖殺魏孝武帝。東魏蠻帥樊五能破淅陽，附於西魏。

535 年

乙卯 梁大同元年 西魏文帝元寶炬大統元年 東魏天平二年 正月，梁改元大同。西魏宇文泰立南陽王寶炬為帝，是為文帝，改元大統。東魏高歡大破稽胡劉蠡升，蠡升旋為其部下所殺，胡漢五萬餘戶皆降。二月，高麗、丹丹獻於梁。三月，西魏定新制二十四條。滑國王安樂、薩丹王獻於梁。東魏前青州刺史侯淵起事廣川，旋敗死。四月，波斯國遣使於梁，梁攻東魏城父等城。七月，扶南獻於梁。梁圍西魏晉壽。東西魏高歡宇文泰互相聲討。八月，東魏發民七萬六千人作鄴宮。十一月，梁克西魏北梁州。梁以氏師陰平王楊法深為平北將軍。十二月，東魏官始量事給祿。是歲，梁鄱陽鮮于琛聚眾起事，建元上願，旋敗死。東魏以宗室女為公主妻柔然頭兵可汗。西魏與柔然約和。

536 年

丙辰 梁大同二年 西魏大統二年 東魏

天平三年

正月，東魏高歡襲拔西魏夏州，遷五千戶以歸。西魏靈州刺史曹泥附於東魏，高歡遣高車阿至羅騎迎之，拔五千戶以歸。三月，梁陶弘景死。九月，東魏命侯景攻梁。十月，梁大舉擊東魏，侯景敗走。十二月，梁與東魏和。東魏高歡督軍攻西魏。是歲，關中大飢，人相食。阮孝緒死。高麗遣使朝於東魏。

537 年

丁巳 梁大同三年 西魏大統三年 東魏
天平四年

正月，西魏宇文泰大破高歡軍，歡退。七月，東魏遣使聘於梁。八月，西魏宇文泰拔東魏恆農，河北城堡降附甚衆。九月，柔然攻東魏。閏九月，高歡自將擊西魏，十月，至沙苑，爲宇文泰所敗，喪甲士八萬。蒲坂民敬珍聚衆萬餘邀歡，斬獲甚衆，以河東六縣歸西魏。宇文泰別將陷東魏洛陽，河南諸郡多降。十一月，梁遣使聘於東魏。十二月，東魏河間邢磨納等起兵海隅，以應西魏。東魏濮陽民杜靈椿聚衆起事，尋敗。是歲，蕭子顯死。

538 年

戊午 梁大同四年 西魏大統四年 東魏
元象元年

正月，東魏改元元象。二月，東魏復河南四州。西魏以宗女爲公主妻柔然可汗弟塔寒，西魏帝又納阿那瓊女爲后。三月，吐谷渾、柔然遣使聘於梁。五月，東魏遣使聘於梁。七月，東魏圍洛陽，八月，西魏大破之。西魏關中大亂，逾月定。九月，東魏擊平邢磨納等。十月，梁遣使聘於東魏。十二月，梁皇侃上所撰禮記義疏。東魏以民多避

役出家，禁擅立佛寺。東魏改崔亮選舉依年勞之制。

539 年

己未 梁大同五年 西魏大統五年 東魏
元象二年 興和元年

八月，扶南國獻於梁。九月，東魏發民十萬城鄴，四十日罷。十月，東魏改元興和。十一月，東魏遣使聘於梁。東魏行興光曆。梁分州爲五等。

540 年

庚申 梁大同六年 西魏大統六年 東魏
興和二年

二月，西魏鑄五銖錢。五月，吐谷渾獻於梁。七月，東魏遣使聘於梁。八月，盤盤國獻於梁。是歲，吐谷渾可汗夸呂遣使聘於東魏。

541 年

辛酉 梁大同七年 西魏大統七年 東魏
興和三年

二月，梁以宕昌王梁彌定爲河、梁二州刺史。三月，宕昌、高麗、百濟、滑各獻於梁。西魏夏州刺史劉平伏據城自立，旋敗。五月，梁遣使聘於東魏。九月，柔然遣使聘於梁。西魏頒六條詔書於牧守令長。十月，東魏頒行新法令，號麟趾格。東魏發民五萬築漳濱堰，三十五日罷。十二月，東魏遣使聘於梁。梁交州豪李賁結連郡縣豪民起事，逐刺史。是歲，西魏增新法制十二條。東魏定調絹以四十尺爲匹。東魏豐收，穀斛九錢。梁詔以公田給貧民，不得假與豪家。百濟遣使如梁求毛詩博士、涅槃經義、工匠、畫師。

542 年

壬戌 梁大同八年 西魏大統八年 東魏興和四年

正月，梁安城民劉敬躬聚衆據郡起事，建元永漢，旋敗死。二月，西魏仿周典初置六軍。四月，東魏遣使聘於梁。十月，東魏高歡自將攻西魏玉壁，無功而還。十二月，東魏遣使聘於梁。梁遣將擊交州，李賁潰退。

543 年

癸亥 梁大同九年 西魏大統九年 東魏武定元年

正月，東魏改元武定。二月，梁詔江州民三十家出奴婢一戶配司州。東魏北豫州刺史高仲密降西魏。三月，高歡、宇文泰戰於洛陽，泰敗退關中。四月，林邑攻李賁，敗還。清水氏帥李鼠仁反西魏，尋降。西魏徙氐豪四千餘人並部落於華州。八月，東魏遣使聘於梁。十一月，東魏築長城於肆州北山，西自馬陵，東至土壇，四十日罷。是歲，扶南遣使獻於梁。

544 年

甲子 梁大同十年 西魏大統十年 東魏武定二年

正月，李賁稱帝，國號越，建元天德。五月，東魏遣使聘於梁。七月，西魏更度量衡制，又損益所頒律令三十六條爲五卷行之。十月，東魏遣使諸州括戶，得無籍者六十餘萬。十一月，東魏襲破汾州稽胡，俘萬餘戶配諸州。是歲，東魏命魏收修國史。

545 年

乙丑 梁大同十一年 西魏大統十一年 東魏武定三年

正月，東魏遣使聘於梁。東魏儀同爾朱文暢謀殺高歡，事洩，死。二月，東魏帝納吐谷渾可汗從妹。西魏遣使通於突厥。六月，西魏詔令皆仿大詔體。梁將陳霸先大破李賁。柔然可汗阿那瓌以女妻高歡。十月，東魏遣使聘於梁。是歲，皇侃死。

546 年

丙寅 梁大同十二年 中大同元年 西魏大統十二年 東魏武定四年

正月，李賁敗奔新昌獠洞中，梁復交州。二月，西魏涼州、瓜州亂，旋平。四月，梁改元中大同。七月，東魏遣使聘於梁。梁禁用破陌錢。八月，東魏遷洛陽石經五十二碑於鄴。九月，李賁復出，陳霸先再大破之，賁奔屈獠洞中。渴槃陀獻於梁。東魏高歡圍西魏玉壁，死傷七萬人，無功而退。

547 年

丁卯 梁中大同二年 太清元年 西魏大統十三年 東魏武定五年

正月，東魏高歡死。河南大行臺侯景降西魏，封上谷公；景又降梁，封河南王。三月，梁帝捨身於同泰寺。梁遣將援侯景。四月，梁改元太清。東魏遣使聘於梁。五月，西魏以援侯景爲名，出兵東下。八月，梁大舉擊東魏。東魏帝謀除大將軍高澄事洩，澄幽之，殺同謀者。十一月，東魏將慕容紹宗大敗梁兵。十二月，侯景請梁立元氏一人爲魏主，梁以元貞爲咸陽王，令北還，待渡江即位。慕容紹宗攻侯景於渦陽，大敗。

548 年

戊辰 梁太清二年 西魏大統十四年 東魏武定六年

正月，東魏大敗侯景，景奔壽陽，梁將之擊東

魏者皆潰退。二月，梁與東魏復通。三月，梁以高麗世子息爲高麗王、樂浪公。屈獠洞僚人殺李賁，賁兄天寶入九真，率殘部攻愛州，陳霸先擊平之。五月，梁遣使聘於東魏。八月，侯景反，據壽陽。十月，侯景圍建康，梁臨賀王正德附之。十一月，正德稱皇帝，改元正平。十二月，梁各方援軍屢敗於侯景。

549 年

己巳 梁太清三年，西魏大統十五年 東魏武定七年

二月，侯景僞請和，梁拜爲大丞相。三月，侯景破臺城。梁齊、冀、東徐、北齊等州皆陷於東魏。四月，東魏高澄爲相國，封齊王。五月，梁武帝死，皇太子綱嗣，是爲太宗簡文皇帝。梁免北人爲奴婢者以萬計。西魏詔太和中代人改漢姓者皆復舊。六月，東魏陷西魏長社。梁湘東王繹爲大都督中外諸軍事、假黃鉞、承制，嗣繹與河東王譽相攻。侯景殺臨賀王正德。七月，梁廣州刺史元景仲附侯景，陳霸先起兵攻之，景仲自殺。八月，東魏高澄爲下所殺。九月，梁岳陽王詵攻湘東王繹，敗還。詵尋附於西魏。十一月，百濟入貢於梁。十二月，陳霸先起兵討侯景。東魏陷梁司州，於是盡有淮南地。

550 年

庚午 梁太清四年 梁簡文帝蕭綱大寶元年 西魏大統十六年 東魏武定八年 齊顯祖文宣皇帝高洋天保元年

正月，梁改元大寶。東魏高洋爲丞相、齊郡王。梁邵陵王綸爲都督中外諸軍事、假黃鉞、承制。西魏陷梁安陸，盡有漢東之地。二月，梁湘東王繹送質西魏，請爲附庸。宕

昌羌內鬩，渭州民鄭五醜與羌帥傍乞鐵恩起事，西魏擊定之。四月，梁湘東王繹攻殺河東王譽，下令討侯景。五月，高洋稱皇帝，改元天保，是爲北齊顯祖文宣皇帝，以東魏帝爲中山王，尋殺之，東魏亡。齊復給百官祿。六月，西魏封梁岳陽王詵爲梁王。梁高州刺史李遷仕起事，高涼太守馮寶妻冼氏襲敗之。七月，梁益州沙門孫天英聚徒攻州城，敗死。八月，齊重定律令，又立九等戶法。九月，西魏攻齊。梁湘東王繹攻邵陵王綸，綸敗，請附於齊，齊封爲梁王。侯景爲相國，封漢王。十月，氏帥楊法琛據黎州，附於西魏。侯景自稱宇宙大將軍、都督六合諸軍事。十一月，西魏退師，洛陽以東皆入於齊。是歲，西魏作府兵。齊行天保曆。

551 年

辛未 梁太清五年 梁大寶二年 西魏大統十七年 齊天保二年

二月，西魏陷汝南，殺梁邵陵王綸。齊遣使聘於梁湘東王繹，繹遣使報聘。梁擊破氏帥楊法琛。三月，西魏文帝死，子欽嗣，是爲廢帝。齊以梁湘東王繹爲梁相國。四月，侯景督師西上取郢州。六月，侯景敗於巴陵，所取城戍皆失。突厥土門可汗破鐵勒，請婚於柔然被拒；又請婚於西魏，西魏以公主妻之。八月，侯景廢梁簡文帝爲晉安王，逾月殺之，又殺太子及諸王，立豫章王棟爲帝，改元天正。九月，盤盤獻於梁湘東王繹。十一月，侯景稱帝，國號漢，建元太始，廢棟爲淮陰王，幽之。

552 年

壬申 梁太清六年 梁大寶三年 梁世祖元皇帝蕭繹承聖元年 西魏廢帝元欽元年

齊天保三年

正月，齊破庫莫奚，俘四千人。突厥土門可汗大破柔然，阿那瓌自殺，其子菴羅辰等奔齊，柔然餘衆立鐵伐爲主。二月，梁湘東王繹大發兵討侯景。三月，大將王僧辯、陳霸先等破建康，侯景東走，尋爲部下所殺。四月，梁武陵王紀稱帝於成都，改元天正。五月，齊遣使聘於梁湘東王繹；繹以平侯景，遣使告於齊及西魏。齊攻梁秦郡，陳霸先大破之，斬萬餘級。西魏陷梁南鄭，獲二萬口而還，於是梁劍以北皆失。六月，齊遣使聘於梁。八月，西魏安康人黃衆寶起事，圍東梁州，明年二月復降。十月，齊於黃楸嶺起長城，北至社平戍，四百餘里，置三十六戍。十一月，梁湘東王繹稱帝於江陵，改元承聖，是爲世祖元皇帝。梁湘州長史陸納據長沙，攻衡州。梁武陵王紀自成都督師東下。

553 年

癸酉 梁承聖二年 西魏廢帝二年 齊天保四年

正月，山胡圍齊離石，旋退。齊鑄常平五銖錢。二月，陸納推營州刺史李洪雅爲主，號大將軍。柔然內哄，三易可汗。三月，突厥乙息記可汗獻馬於西魏。西魏攻梁益州。吐谷渾可汗夸呂通使於齊。六月，陸納降，湘州平。七月，梁武陵王紀敗死。八月，西魏陷益州。十月，齊大破契丹，虜十餘萬口，雜畜百萬。閏十月，梁大破齊於東關。十一月，柔然爲突厥所逼，舉國奔齊；齊以菴羅辰爲可汗，處之馬邑川。齊敗突厥。十二月，齊宿預民東方白額起事附於梁，江淮諸郡多響應。

554 年

甲戌 梁承聖三年 西魏廢帝三年 恭帝

元廓元年 齊天保五年

正月，齊破石樓山胡。梁陳霸先等圍齊廣陵、涇州。西魏作九命之典以敘官，改流外品爲九秩。西魏宇文泰廢其主欽，立齊王廓，是爲恭帝，去年號，稱元年。三月，西魏及齊皆遣使聘於梁。柔然可汗菴羅辰反齊，四月，齊大破之，虜三萬餘口。梁遣使聘於西魏。五月，西魏直州人樂熾、洋州人黃國起事，敗降，巴濮民夷皆降。蠻帥向五子王陷白帝城，尋敗。柔然擾西魏，敗走。六月，齊發兵援涇州，梁解圍走。柔然擾齊，敗，失名王數十。鄧至羌附於西魏。九月，西魏開通車路五百餘里以通漢中。十月，西魏大發兵攻梁，十一月入江陵，梁元帝降，旋被殺。十二月，西魏以荊州之地予梁王督，大掠江陵，虜數萬口爲奴婢，屠老弱。王僧辯、陳霸先等共奉梁晉安王方智爲太宰，承制，還建康。是歲，魏收表上魏書。梁元帝燒圖書十四萬卷。

555 年

乙亥 梁承聖四年 梁敬皇帝蕭方智紹泰元年 後梁中宗宣皇帝蕭詧大定元年 西魏恭帝二年 齊天保六年

正月，梁王督稱帝於江陵，改元大定，稱藩於西魏，史稱後梁，是爲中宗宣皇帝。齊立梁貞陽侯淵明爲帝，遣兵衛送。二月，梁晉安王方智即梁王位於建康。三月，西魏免梁俘爲奴婢者數千人。五月，王僧辯迎貞陽侯淵明入建康，即皇帝位，改元天成，以晉安王方智爲皇太子，稱藩於齊。六月，齊發民一百八十萬人築長城，自幽州夏口西至恒州，九百餘里。齊悉遣梁民南還。七月，齊擊柔然，俘二萬餘口。八月，齊令道士皆剃髮爲沙門。九月，陳霸先襲殺王僧辯，廢貞陽侯淵明，十月，立晉安王方智爲帝，改元紹泰，

仍稱藩於齊。霸先爲尚書令、都督中外諸軍事。梁震州刺史杜龕、吳郡太守王僧智等據地抗命。梁譙、秦二州刺史徐嗣徽附於齊，襲建康，據石頭。十一月，齊遣兵援嗣徽，十二月，陳霸先大破之，因約和。是歲，西魏諸王降爵爲公。突厥破柔然，又西敗嚙唃，東逐契丹，遂爲北方大國。

556 年

丙子 梁紹泰二年 太平元年 後梁大定二年 西魏恭帝三年 齊天保七年

正月，西魏仿周禮建六官，掌田里賦役鹽穀諸政令。杜龕敗死，王僧智等奔齊。二月，梁東揚州反陳霸先，尋敗。梁江州刺史侯瑱據州抗陳霸先。三月，梁詔雜用古今錢。齊破魯陽蠻。齊大發兵攻梁，五月至秣陵故治，六月至建康，陳霸先大破之，俘齊將帥四十六人。梁湘州刺史附於齊及西魏。齊發丁匠三十餘萬修宮殿。七月，侯瑱降。八月，西魏破陵州僚。九月，梁改元太平；陳霸先爲丞相、錄尚書事。突厥襲破吐谷渾，至青海。十月，齊發山東寡婦以配軍。西魏太師宇文泰死，子覺嗣，封周公，泰猶子護總軍國事。十一月，齊大併省州縣。十二月，齊自西河總秦戍築長城，東至於海，前後所築凡三千餘里，十里一戍，要害處置州鎮二十五。庚子晦，西魏恭帝禪位於宇文覺。

557 年

丁丑 梁太平二年 陳高祖武皇帝陳霸先永定元年 後梁大定三年 齊天保八年 周孝閔帝宇文覺元年 世宗明皇帝宇文毓元年 正月，西魏周公宇文覺稱天王，是爲孝閔帝；以西魏恭帝爲宋公，尋殺之，西魏亡。周除市門稅。吐谷渾掠周涼、河等州。二月，梁廣州刺史蕭勃起兵，四月被殺。四月，梁

鑄四柱錢，一當二十，旋改爲當十；禁細錢。齊請和於梁。五月，梁陳霸先遣將擊王琳，大敗。九月，梁進陳霸先爲相國，總百揆，封陳公。周晉公護廢天王覺爲略陽公，尋殺之；立寧都公毓爲天王，是爲世宗明皇帝。十月，陳霸先進爵陳王，尋稱皇帝，改元永定，是爲高祖武皇帝；以梁帝爲江陰王，尋殺之。十二月，陳遣使招降閩中土豪。齊於長城內築重城，自庫洛拔東至塢圻戍，凡四百餘里。

558 年

戊寅 陳永定二年 後梁大定四年 齊天保九年 周明帝二年

正月，王琳請援於齊，請納梁永嘉王莊主梁祀。三月，齊北豫州刺史司馬消難奔周。齊送梁永嘉王莊還爲帝，改元天啓；以王琳爲侍中、大將軍、中書監。五月，陳武帝捨身於大莊嚴寺。六月，齊置大都府，與尚書省分理衆務，開府置佐。八月，陳罷擊王琳之軍。是歲，陳高涼太守馮寶死，妻冼氏代掌諸事。後梁略取長沙、武陵等郡。陳詔擢用梁臣。

559 年

己卯 陳永定三年 後梁大定五年 齊天保十年 周武成元年

二月，齊取周文侯鎮，立戍。三月，吐谷渾擾周邊，周大破之，拔二城，立爲洮州。五月，齊大殺元氏。六月，陳武帝死，兄子臨川王蒨嗣，是爲世祖文皇帝。八月，周天王始稱皇帝，建元武成。十月，齊文宣皇帝死，皇太子殷嗣，是爲廢帝。十一月，王琳攻陳大雷戍。

560 年

庚辰 陳世祖文皇帝陳蒨天嘉元年 後梁大定六年 齊廢帝高殷乾明元年 肅宗孝昭皇帝高演皇建元年 周武成二年
正月，陳改元天嘉。齊改元乾明。二月，齊助王琳攻陳，至蕪湖，大敗；王琳及梁永嘉王莊皆奔齊。齊常山王演殺大臣，自爲大丞相，錄尚書事。三月，陳通好於周。四月，周晉公宇文護殺周明帝，立魯公邕，是爲高祖武皇帝。七月，陳令民不問僑舊，悉令著籍。八月，齊常山王演爲帝，改元皇建，是爲肅宗孝昭皇帝，以廢帝爲濟南王。周略取陳武陵，陳遣將迎擊之，十月，破周師於楊葉洲。十月，齊侵庫莫奚，大掠而還。是歲，齊修石髓等屯田，開督亢陂。齊授高句麗王官爵。

561 年

辛巳 陳天嘉二年 後梁大定七年 齊皇建二年 齊世祖武成皇帝高湛大寧元年 周高祖武皇帝宇文邕保定元年
正月，周改元保定。三月，周改八丁兵爲十二丁兵，率歲一月役。六月，周遣使聘於陳。七月，周鑄布泉，一當五，與五銖並行。十月，霍州西山蠻附於陳。十一月，齊孝昭帝死，弟長廣王湛嗣，改元太寧，是爲世祖成皇帝。周陳互遣使通聘。高句麗獻於陳。十二月，陳榷鹽酒。陳以潯州刺史留異抗徵，遣兵擊之。

562 年

壬午 陳天嘉三年 後梁大定八年 世宗孝明皇帝蕭鸞天保元年 齊大寧二年 河清元年 周保定二年
正月，周鑿河渠於蒲州，龍首渠於同州。閏

二月，陳以百濟王餘朗爲撫東大將軍，高句麗王高陽爲寧東將軍。陳江州刺史周迪起兵應留異。陳鑄五銖錢，一當鵝眼錢十。齊遣使聘於陳。後梁宣帝死，皇太子暉立，改元天保，是爲世宗孝明皇帝。三月，留異敗奔晉安。四月，齊改元河清。周始令受封爵者戶邑聽寄食他縣。八月，陳遣使聘於齊。十一月，齊遣使聘於陳。

563 年

癸未 陳天嘉四年 後梁天保二年 齊河清二年 周保定三年
正月，干陁利國獻於陳。周迪敗奔晉安。二月，周造大律十五篇。三月，齊築長城二百里，置十二戍。四月，周於太學行養老禮。六月，齊遣使聘於陳。九月，周迪復出攻擾，又敗遁。十月，周與突厥共攻齊。十二月，陳以晉安陳寶應抗命，遣兵擊之。

564 年

甲申 陳天嘉五年 後梁天保三年 齊河清三年 周保定四年
正月，齊敗周兵，突厥大掠而北。三月，齊頒新修律令，更定民受田輸租及徵調之制。四月，齊周各遣使聘於陳。八月，周與突厥攻齊，無功。九月，突厥入齊幽州，大掠而還。十月，周與突厥大舉攻齊。周迪復出攻擾，陷東興，殺刺史。陳擊虜陳寶應、留異，殺之。齊遣使聘於陳。十二月，齊大敗周兵於洛陽。是歲，齊山東大水，民多饑死。周滅宕昌，置宕州。新羅、高句麗使朝於齊。

565 年

乙酉 陳天嘉六年 後梁天保四年 齊河清四年 後主高緯天統元年 周保定五年

二月，周遣大臣如突厥，迎可汗女爲后。四月，齊武成帝禪位於皇太子緯，改元天統。周遣使聘於陳。五月，突厥遣使通於齊。六月，齊遣使聘於後梁。周迪敗死。是歲，齊授新羅王官爵。

566 年

丙戌 陳天嘉七年 天康元年 後梁天保五年 齊天統二年 周天和元年

正月，周改元天和。周遣使聘於陳。二月，陳改元天康。四月，陳文帝死，皇太子伯宗嗣，是爲廢帝。五月，吐谷渾別部附於周，以其地爲扶州。六月，齊遣使聘於陳。八月，周迫降信州蠻冉令賢、向五子王等。十一月，周遣使弔陳。是歲，齊始以士人爲縣令。周甄鸞上天和曆。新羅使朝於陳。

567 年

丁亥 陳廢帝陳伯宗光大元年 後梁天保六年 齊天統三年 周天和二年

正月，陳改元光大。四月，齊遣使聘於陳。五月，陳湘州刺史華皎附於後梁，潛結周師。九月，陳敗周師及華皎，皎奔後梁。十二月，陳以孔英哲爲奉聖亭侯，奉孔子祀。

568 年

戊子 陳光大二年 後梁天保七年 齊天統四年 周天和三年

正月，齊遣使聘於陳。三月，陳攻後梁江陵，敗還。七月，新羅獻於陳。八月，周齊通使修好。九月，林邑、狼牙修獻於陳。十一月，齊遣使聘於陳。陳安成王瑱廢陳帝爲臨海王。周遣使聘於齊。齊武成帝死。周梁州恒稜儼起事，旋定。

569 年

己丑 陳高宗宣皇帝陳顓太建元年 後梁天保八年 齊天統五年 周天和四年

正月，陳安成王瑱稱皇帝，改元太建，是爲高宗宣皇帝。周遣使弔於齊。二月，齊遣使聘於周。五月，齊遣使聘於陳。九月，陳左衛將軍歐陽紇據廣州起事。十二月，周圍齊宜陽。周齊互遣使通好。

570 年

庚寅 陳太建二年 後梁天保九年 齊武平元年 周天和五年

正月，齊改元武平。齊遣使聘於陳。齊破周圍宜陽之師。二月，歐陽紇敗死。五月，齊遣使弔陳太后喪。六月，新羅獻於陳。八月，陳攻後梁江陵，不利。十一月，高句麗獻於陳。十二月，周迫降越雋夷，置西寧州。齊攻周汾北地。是歲，齊授百濟王官爵。

571 年

辛卯 陳太建三年 後梁天保十年 齊武平二年 周天和六年

正月，齊遣使聘於陳。齊敗周於汾北。四月，齊遣使聘於陳。周取齊宜陽等九城。五月，周遣使聘於陳。新羅、丹丹、天竺、盤盤等國獻於陳。六月，齊取周汾州，又取周四戍。七月，齊琅邪王儼殺倖臣和士開；九月，齊帝殺儼。周齊互遣使通聘。十月，周遣使聘於陳。是歲，周以基、平、郢三州予後梁。

572 年

壬辰 陳太建四年 後梁天保十一年 齊武平三年 周天和七年 建德元年

正月，周分遣使聘於突厥及齊。三月，扶南、林邑獻於陳。周殺宇文護及其諸子，改

元建德。四月，周遣使聘於齊。六月，齊殺丞相斛律光。七月，陳遣使聘於周。八月，周遣使聘於陳。齊撰修文殿御覽成。十月，周免所虜江陵人充官口者爲民。周遣使聘於陳。是歲，突厥木杆可汗死，國內漸呈分裂之象。魏收死。百濟使朝於北齊。

573 年

癸巳 陳太建五年 後梁天保十二年 齊武平四年 周建德二年

正月，齊遣使聘於陳。二月，齊置文林館。周遣使聘於齊。三月，陳以吳明徹都督征討諸軍，大舉攻齊，連克數十城、戍，十月，下壽陽，至十二月，幾盡復江北及淮、泗諸地。

574 年

甲午 陳太建六年 後梁天保十三年 齊武平五年 周建德三年

二月，齊朔州行臺高思好以清君側爲名，舉兵，未幾敗死。四月，齊遣使弔周太后之喪。五月，周禁佛道二教，毀經像，勒僧道還俗。六月，周鑄五行大布錢，一當十，與布泉並行。七月，周衛王直率徒黨攻宮城，敗死。九月，周遣使聘於陳。

575 年

乙未 陳太建七年 後梁天保十四年 齊武平六年 周建德四年

三月，周遣使於齊以觀釁。七月，周大舉攻齊。八月，周遣使聘於陳。九月，周取齊三十餘城。閏九月，陳大敗齊於呂梁。齊始增關市諸稅，開酒禁。

576 年

丙申 陳太建八年 後梁天保十五年 齊武平七年 隆化元年 周建德五年

二月，周攻吐谷渾，無功而還。十月，周帝自將攻齊，取平陽；齊帝來救，大敗。十二月，齊改元隆化。齊安德王延宗稱帝於晉陽，改元德昌；周旋陷晉陽，俘延宗。是歲，齊董峻、鄭元偉等上甲寅元曆。

577 年

丁酉 陳太建九年 後梁天保十六年 齊承光元年 周建德五年

正月，齊帝傳位太子恒，自爲太上皇帝，改元承光。周廢布泉錢。周陷鄴，齊太上皇帝等奔青州，齊幼帝遣人持璽紱於瀛州禪位於任城王湝，尊太上皇帝爲無上皇，幼帝爲守國天王。周師追至青州，俘齊太上皇帝及幼帝等。二月，周陷齊瀛州，俘任城王湝。齊范陽王高紹義謀恢復，敗奔突厥，齊亡，凡州五十、郡一百六十二、縣三百八十、戶三百三萬二千五百，皆入於周。八月，陳頒新度量衡制。周免齊之隸戶爲民。十月，陳出兵爭徐、兗，敗周師於呂梁。稽胡立劉沒鐸爲聖武皇帝，建元石平；周擊破之。周免東土及江陵所掠爲奴婢者爲民。十一月，周初行刑書要制。十二月，周徙并州軍民四萬戶於關中。故齊營州刺史高寶寧擁高紹義爲皇帝，改元武平，突厥助之。是歲，高句麗使朝於周，受封冊。百濟使朝於陳及周。

578 年

戊戌 陳太建十年 後梁天保十七年 周建德七年 宣政元年

二月，陳將吳明徹等圍周彭城，大敗，明徹及將士三萬皆被俘。三月，周改元宣政。四月，突厥入周幽州，大殺掠。六月，周武帝死，皇太子贍嗣，是爲宣皇帝。閏六月，周幽州人盧昌期起事據范陽，迎齊范陽王紹義；昌期尋敗死。七月，新羅國奉獻於陳。十

一月，突厥入周酒泉，大殺掠。十二月，陳合州廬江蠻田伯興擾樅陽，尋敗。是歲，百濟使朝於周。

579 年

己亥 陳太建十一年 後梁天保十八年

周宣帝宇文贇大成元年 靜帝宇文闡大象元年

正月，周始服漢魏衣冠朝賀，改元大成。周以刑書要制太重，廢之，尋又頒刑經聖制，益嚴酷。二月，周以洛陽爲東京，發山東兵治宮室，常役者四萬人。周與突厥和親。周宣帝自稱天元皇帝，改元大象，傳位太子闡，是爲靜皇帝。五月，突厥掠周并州。六月，周發山東民修長城。七月，陳行大貨六銖錢。九月，周遣將攻陳淮南，仍遣使聘於陳。十月，周弛造佛及尊像之禁。十一月，周拔陳壽陽。周鑄永通萬國錢，一當千，與五行大布並行。十二月，周取陳北徐州，於是江北、淮南之地皆入於周。

580 年

庚子 陳太建十二年 後梁天保十九年

周大象二年

正月，周稅入市者人一錢。突厥遣使於周，迎千金公主。五月，周宣帝死，子靜帝宇文闡年幼，楊堅爲假黃鉞、左大丞相，百官總已以聽。六月，周復行佛道二教。周相州總管尉遲迥起兵討楊堅，七月，迥弟子青州總管尉遲勤、鄆州總管司馬消難皆應迥。周趙王招等謀殺楊堅，事敗死。周豫、荆、襄三州蠻起事。八月，司馬消難請援於陳，陳遣將助之。周益州總管王謙起兵反楊堅，沙州氐帥楊永安附之。鄆州巴蠻帥雒州等起事。尉遲迥及勤敗死，司馬消難奔陳。十月，王謙敗死。十一月，楊永安敗。十二月，

周詔諸改代姓者皆復舊。周楊堅爲相國總百揆，進爵爲隋王。堅大殺周室諸王。是歲，周有州二百一十一，郡五百八。

隋唐五代大事年表

581 年

辛丑 陳太建十三年 周大象三年 隋高祖文皇帝楊堅開皇元年 後梁天保二十年
二月，周相國隋王楊堅爲皇帝，改元開皇，是爲隋高祖文皇帝；以周靜帝爲介公，周亡。隋改官名；除周六官，依漢魏之舊。隋盡滅宇文之族。白狼國獻於隋。三月，隋以蘇威言減賦役。後梁遣使賀隋。四月，陳遣使聘於周，時周已亡，隋帝致之介公。隋放散樂，禁雜戲。隋發稽胡築長城，二旬而罷。五月，隋殺介公。八月，吐谷渾擾隋涼州，大敗，可汗夸呂遠遁。突厥阿波可汗遣使於隋。九月，陳攻隋江北，隋發兵南下。隋鑄五銖錢，悉禁古錢及私錢。突厥沙鉢略可汗遣使於隋。十月，隋頒新律。百濟獻於陳。十一月，隋遣使聘於陳。丹丹國獻於陳。十二月，高句麗獻於隋。隋詔任民出家，聽大造經像，於是民間佛書多於六經數十百倍。是歲，突厥四可汗分立。突厥沙鉢略可汗與故齊營州刺史高寶寧擾隋邊。文學家庾信死。高句麗、百濟使朝於隋，受封冊。

582 年

壬寅 陳太建十四年 隋開皇二年 後梁天保二十一年
正月，陳宣帝死，始興王叔陵謀殺皇太子叔寶，敗死，叔寶即位，史稱後主。陳請和於隋，隋師退。四月，隋破突厥於鷄頭山及河北山。五月，突厥大入長城，隋敗之於馬邑及可洛峽。六月，隋遣使弔於陳。隋作

新都於龍首山，名大興城。七月，陳帝設無疆大會，舍身。十一月，高句麗獻於隋。十二月，突厥入武威等郡大掠，六畜幾盡。隋罷江陵總管；後梁帝始得專制其國。

583 年

癸卯 陳後主陳叔寶至德元年 隋開皇三年 後梁天保二十二年
正月，陳改元至德。二月，陳遣使聘於隋。突厥擾隋北邊。三月，隋減丁役制，罷榷鹽酒。隋購求遺書。隋遷新都。四月，吐谷渾擾隋邊。隋大發兵分八道擊突厥，大破沙鉢略可汗，高寶寧走死契丹。突厥遣使於隋。隋遣使聘於陳。五月，高句麗獻於隋。六月，隋破吐谷渾。八月，隋再出兵擊突厥。靺鞨獻於隋。十一月，陳遣使聘於隋。隋罷郡爲州。十二月，頭和國獻於陳。隋遣使聘於陳。隋更定新律，凡十二卷，五百條。隋詔自衛汴至蒲陝，水次十三州，募丁運米，於衛、陝、華三州分置黎陽、常平、廣通倉，轉漕東方粟米以給長安。隋禁上元燃燈遊戲。是歲文學家徐陵死。東西突厥開始分裂。

584 年

甲辰 陳至德二年 隋開皇四年 後梁天保二十三年
正月，後梁帝朝於隋。隋頒甲子元曆。二月，突厥內鬩，其蘇尼部及達頭可汗降於隋。靺鞨獻於隋。四月，隋破吐谷渾，殺男女萬餘口。五月，契丹賀莫弗附於隋。六月，隋自大興城至潼關，鑿廣通渠三百餘里以通

運。七月，陳遣使聘於隋。九月，東突厥沙鉢略可汗請和親於隋。十一月，隋遣使聘於陳。盤盤、百濟獻於陳。陳增關市之徵，軍人士人皆令納稅。是歲，高句麗、百濟使朝於隋。

585 年

乙巳 陳至德三年 隋開皇五年 後梁天保二十四年
正月，隋頒行新修五禮。三月，陳豐州刺史章大賁舉兵攻建安，旋敗死。四月，契丹、多彌獻於隋。五月，隋置義倉。隋檢覈戶籍，得新附一百六十餘萬口，立輸籍法下諸州。後梁孝明帝死，太子琮嗣。隋遣使通於西突厥阿波可汗。七月，陳遣使聘於隋。突厥沙鉢略可汗稱藩於隋。九月，隋遣使聘於陳。陳攻隋和州，敗。十月，丹丹國獻於陳。十二月，高句麗獻方物於陳。是歲，後梁攻陳公安，不克。隋復置江陵總管。隋發丁三萬築長城，東至河，西至綏州，凡七百里。

586 年

丙午 陳至德四年 隋開皇六年 後梁肅宗廣運元年
正月，後梁改元廣運。黨項羌附於隋。隋頒曆於突厥；頒曆外夷始此。二月，隋發丁十五萬於朔方東築數十城。四月，隋遣使聘於陳。八月，隋遣使聘於陳。九月，百濟獻於陳。

587 年

丁未 陳禎明元年 隋開皇七年 後梁廣運二年
正月，陳改元禎明。隋令諸州歲貢士三人。二月，陳遣使聘於隋。隋發丁男十餘萬人築

長城，二旬而罷。四月，隋於揚州開山陽瀆以通運。突厥沙鉢略可汗死，弟莫何可汗立，旋擊擒阿波可汗。隋遣使聘於陳。八月，隋徵後梁帝入朝，九月，廢之，後梁亡；後梁安平王巖等驅男女十萬口奔陳。

588 年

戊申 陳禎明二年 隋開皇八年
正月，陳遣使聘於隋。陳侵隋峽州。三月，隋遣使聘於陳。六月，扶南獻於陳。十月，陳遣使聘於隋。十一月，隋大發兵，以晉王廣爲元帥攻陳。十二月，突厥莫何可汗死，兄子頡伽施多那都藍可汗立。

589 年

己酉 陳禎明三年 隋開皇九年
正月，隋師入建康，俘陳後主，陳亡。二月，隋置鄉正、里長治民。嶺南共奉高涼洗夫人爲主，號聖母，拒隋師。隋命陳後主與洗夫人書，始降。於是陳之州三十，郡一百，縣四百，皆入於隋。詔除毀兵杖。十二月，隋詔定雅樂。百濟使賀隋滅陳。

590 年

庚戌 隋開皇十年
五月，詔罷軍府，軍人並籍於州縣與民同。六月，詔民年五十免役收庸。十一月，江南等州豪民先後起事，攻陷州縣，陳之故境大亂；遣楊素等擊定之。番禺夷王仲宣起事，嶺南俚僚多應之，圍廣州。高涼洗夫人助裴矩等擊之，封洗夫人爲譙國夫人，開府置官屬。契丹獻於隋。

591 年

辛亥 隋開皇十一年
正月，高句麗遣使朝見。二月，吐谷渾遣使

奉獻。三月，遣使於吐谷渾。四月，突厥遣使朝見。五月，高句麗遣使奉獻。十二月，靺鞨遣使奉獻。是年，吐谷渾夸呂可汗卒，子世伏立。

592 年

壬子 隋開皇十二年

八月，詔死罪移大理復案，諸州不得專決。十二月，置左藏院以儲戶調餘帛。詔河北、河東田租三分減一，兵減半，功調全免。遣使均田。突厥遣使朝見。吐谷渾、靺鞨遣使奉獻。

593 年

癸丑 隋開皇十三年

正月，契丹、奚、霫、室韋並遣使奉獻。二月，作仁壽宮於岐州普閏縣，丁夫死者萬數。禁私藏緯候圖讖。五月，禁私撰國史。七月，詔議明堂制度，以議久不決，乃罷之。靺鞨遣使奉獻。許以公主妻突厥突利可汗以離間突厥各部之關係。修定雅樂，銷毀前代金石樂器以息異議。

594 年

甲寅 隋開皇十四年

四月，詔行新樂，禁民間流行音樂。六月，詔廢公廩錢制，公卿以下始給職田。關中大旱，民飢，八月，文帝帥民就食洛陽。十一月，詔州縣佐吏三年一代，不得重任。隋授新羅眞平王官爵。

595 年

乙卯 隋開皇十五年

正月，文帝東巡，祀天於泰山。二月，詔除關中緣邊外，禁私藏私造兵器。五月，吐谷渾遣使奉獻。六月，鑿底柱以暢河運。林

邑遣使奉獻。十二月，詔盜邊糧一升以上者斬，仍籍沒。詔文武官以四考受代。

596 年

丙辰 隋開皇十六年

六月，詔工商不得仕進。詔九品以上妻、五品以上妾，夫亡不得改嫁。八月，詔決死罪者三奏然後行刑。十一月，党項羌擾會州，旋平，自是朝貢不絕。以光化公主妻吐谷渾世伏可汗。

597 年

丁巳 隋開皇十七年

二月，南寧州夷帥爰翫抗命，遣兵擊降之，虜二萬餘口。桂州夷帥李光仕作亂，遣兵擊殺之；以夷越數反，令令狐熙爲桂州總管。四月，隋頒行張胄玄曆。五月，高句麗遣使奉獻。七月，桂州民李世賢起事，旋敗。以宗女妻突厥突利可汗；都藍可汗怨怒，漸擾邊鄙。高句麗王湯死，子元嗣，拜開府儀同三司、遼東公。吐谷渾內闕，國人殺世伏可汗，立伏允。

598 年

戊午 隋開皇十八年

正月，詔江南人有船三丈以上者盡括入官。二月，高句麗結靺鞨侵擾遼西，大發水陸兵分道擊之。四月，詔流畜貓鬼蠱毒厭魅野道之家於四裔。九月，擊高句麗之師無功而還。高句麗王元遣使謝罪。十二月，南寧夷帥爰翫復抗命。百濟遣使於隋，請助攻高句麗。

599 年

己未 隋開皇十九年

二月，隋伐突厥，突厥內闕，突利可汗奔隋，隋大破都藍及達頭可汗。十月，以突利可汗

爲啓民可汗，妻以宗女義成公主，處之朔州。突厥達頭可汗擾邊，大敗。十二月，突厥都藍可汗爲部人所殺，達頭自立爲步迦可汗，餘部多附啓民可汗。

600 年

庚申 隋開皇二十年

正月，高麗、契丹遣使奉獻。二月，熙州民李英林起事，旋敗。四月，遣將分道擊西突厥，大破之。十月，廢太子勇爲庶人，十一月，立晉王廣爲太子。十二月，禁毀佛道神像。是年，倭國使來。

601 年

辛酉 隋仁壽元年

正月，改元仁壽。突厥步迦可汗擾邊。五月，突厥九萬口降。六月，遣十六使巡省風俗。廢太學、四門及州縣學，只留國子生七十人；七月，改國子學爲太學。十一月，資州山僚亂，旋撫定之。潮、成等五州僚反，旋平。遣將助突厥啓民可汗擊步迦可汗。

602 年

壬戌 隋仁壽二年

三月，突厥步迦可汗敗逃磧北。八月，獨孤后死。閏十月，定五禮。十二月，交州俚帥李佛子起事，攻據龍編等城，旋擊降之。李佛子自起至降凡三十二年，越史稱之爲後李南帝。自李賁起事以至李佛子降隋，前後共六十二年。是歲，新羅使來朝。

603 年

癸亥 隋仁壽三年

九月，置常平官。是歲，文中子王通獻太平策，不報。突厥大亂，步迦可汗奔吐谷渾，

鐵勒、僕骨等十餘部皆降於啓民可汗。

604 年

甲子 隋仁壽四年

七月，文帝爲皇太子廣所害，廣卽位，是爲煬皇帝，殺故太子勇。八月，漢王諒起兵晉陽，遣楊素擊虜以歸，殺之。十月，除婦人及奴婢部曲之課，男子二十二歲成丁。十一月，煬帝如洛陽。發丁男數十萬掘堑，自龍門東接長平、汲郡，抵臨清關，渡河至浚儀、襄城，達於上洛，以置關防。是歲，以洛陽爲東京。新羅使朝於隋。

605 年

乙丑 隋煬帝楊廣大業元年

正月，改元大業；廢諸州總管府。遣將攻林邑，圖掠珍寶。三月，命楊素營建東京，役丁二百萬人，廢二崱道，開夔冊道；又營建顯仁宮，征奇花、異石、珍禽、奇獸實園苑。發民百餘萬開通濟渠；又發民十餘萬開邗溝；自長安至江都，置離宮四十餘所。四月，破林邑國都，其王梵志逃入海。五月，築西苑，周二百里，窮極壯麗。八月，煬帝赴江都，循水路，舳舻相接二百餘里。契丹擾營州，遣將與突厥連兵擊破之，俘男女四萬，盡殺男口。是歲，西突厥大亂，鐵勒各部羣起攻處羅可汗，立契茲帥歌楞爲莫何可汗，薛延陁俟斤字也咥爲小可汗；伊吾、高昌、焉耆皆附之。

606 年

丙寅 隋大業二年

正月，東京成。併省州縣。二月，定興儀衛制度，務爲華盛，役五十萬人，費巨億。四月，煬帝自江都還東京，普免今年租賦。

七月，詔百官不得計考增級。始建進士科。十月，詔重定律令。置洛口倉，容二千餘萬石。十二月，置回洛倉，容二百餘萬石。括州郡樂工、雜技爲樂戶，於是散樂大集東京。是歲，楊素死。

607 年

丁卯 隋大業三年

正月，突厥啓民可汗朝見。三月，遣使入海訪異俗，至流求國。四月，頒新律。改州爲郡；改度量衡依古式；更定官制。煬帝北巡。五月，發河北十餘郡丁男鑿太行山，達於并州。六月，煬帝入突厥境，奚、室韋等酋長皆來朝見。發榆林北境，東達於薊，開御道，長三千里，廣百步。吐谷渾、高昌遣使奉獻。七月，發丁男百餘萬築長城，西起榆林，東至紫河，二旬而畢，死者什五六。大臣高穎、賀若弼坐誹謗朝政被殺。八月，煬帝至金河，幸啓民可汗帳，還至太原，營晉陽宮。九月，煬帝還東京。使裴矩駐張掖，招誘西域。鐵勒擾敦煌，旋撫定之。是歲，隋令高句麗嬰陽王入朝，不從。百濟遣使於隋，請攻高句麗。日本遣小野妹子等來。赤土遣使獻金芙蓉冠、龍腦香於隋。

608 年

戊辰 隋大業四年

正月，發河北男女百餘萬鑿永濟渠。二月，遣使慰諭西突厥處羅可汗。三月，倭王多利思比孤遣使來，書辭不遜。四月，營汾陽營。百濟、赤土、迦羅舍國遣使奉獻；遣使於赤土。七月，發丁男二十萬築長城，自榆谷而東。吐谷渾可汗伏允爲鐵勒所敗，遣使請救；發兵往，伏允懼，奔雪山，其故地皆

空，因置郡縣鎮戍，徙輕罪徒居之。八月，煬帝祠恒山，西域十餘國皆來助祭。九月，征郡縣鷹師，至者萬餘人。十月，赤土王遣子隨使者入貢。封孔子後爲紹聖侯。遣將擊降伊吾，置戍。是歲，隋使裴世清與小野妹子偕至日本。小野妹子等再使隋，學生四人、僧八人從。

609 年

己巳 隋大業五年

正月，改東京爲東都。突厥啓民可汗朝見。均郡縣田。禁民間兵器，鐵叉、搭鉤、鑽刀之類皆禁之。三月，煬帝西巡。五月，遣將四道圍吐谷渾，降者男女十餘萬口，可汗伏允遠遁。六月，煬帝至張掖，高昌王麴伯雅及伊吾吐屯設等以得厚賂，相率朝見，以吐屯設所獻地爲西海、河源、鄯善、且末四郡，遣罪人戍之。命將鎮積石，開屯田，捍禦吐谷渾，以通西域之路。立吐谷渾可汗伏允質子順爲可汗。十一月，煬帝至東都。突厥啓民可汗死，子始畢可汗立。是歲，凡有郡一百九十，縣一千二百五十五，戶八百九十萬有奇，是爲隋極盛時代。日本小野妹子回，其學生、僧人等多留於中國，有至三十年之久者。

610 年

庚午 隋大業六年

正月，有數十人素冠綠衣，焚香持花，自稱彌勒佛，入自建國門，圖起事，皆被殺，連坐者千餘家。於東都盛陳百戲以誇示諸蕃酋長。倭國遣使奉獻。二月，奉使招徠求者殺其王，俘萬七千餘人回。以所征散樂配太常，置博士弟子以相傳授，樂工至三萬餘人。三月，煬帝至江都。六月，室韋、赤土遣使

奉獻。雁門尉文通聚眾起事，尋敗。十二月，穿江南河，自京口至餘杭八百餘里。朱崖王萬昌起事，旋敗。是歲，徵高句麗王入朝，不至，乃謀討之；課富人買馬，簡閱器仗。

611 年

辛未 隋大業七年

二月，征水陸兵擊高句麗。百濟遣使奉獻。四月，煬帝至臨朔宮，徵天下兵會涿郡。七月，山東河南大水，漂沒三十餘郡。十月，底柱崩，偃河逆流數十里。十二月，西突厥處羅可汗為射匱所攻，敗奔高昌，遂來朝。是歲，以擊高句麗，調兵征糧，舉國騷動，民不聊生，亂事紛起。鄒平民王薄據長白山，號知世郎，作“無向遼東浪死歌”以相號召。平原民劉霸道據豆子航，號阿舅。漳南民孫安祖據高鷄泊，號將軍。舊人高士達據清河，號東海公，以漳南竇建德為司兵。又有鄒人張金稱據河曲，河間格謙號燕王，勃海孫宣雅號齊王，東都法曹韋城翟讓與單雄信、徐世勣等據瓦崗，外黃王當仁、濟陽王伯當、雍丘李公逸、韋城周文舉以及不知名號者蜂起。新羅遣使於隋，請攻高句麗。

612 年

壬申 隋大業八年

正月，分西突厥處羅可汗之眾為三，分處於會寧、樓煩等地。擊高句麗大兵出動，左右各十二軍，凡一百十三萬三千八百人，號二百萬。三月，煬帝至遼水。七月，宇文述等軍大敗於薩水，喪三十萬人，資械不可勝計。煬帝詔班師，以所得高句麗地置遼東郡。九月，煬帝還至東都。十一月，以宗室女妻高昌王麴伯雅。

613 年

癸酉 隋大業九年

正月，再徵兵募民為驍果，置折衝等郎將以統之。命代王侑留守西京。平原民杜彥冰、王潤等破郡城，李德逸等附於阿舅。靈武白瑜娑規牧馬，連突厥，人稱之“奴賊”。二月，濟北韓進洛聚眾起事。三月，濟陰孟海公起事，據周橋。發丁男十萬城大興。煬帝赴遼東督師，再擊高句麗，命越王侗留守東都。北海郭方預聚眾起事，號盧公。四月，煬帝至遼東，遣兵趣平壤。五月，濟北甄寶車起事。六月，楚公楊玄感起兵黎陽，圍東都。煬帝班師。七月，詔所在發民城縣府驛。餘杭劉元進、梁郡韓相國皆起應楊玄感。八月，楊玄感敗死，韓相國散潰被殺；遣官窮治楊玄感黨與，死者三萬餘人。吳郡朱燮、晉陵管崇起事，號將軍。信安陳瑱起事，破郡城。九月，東海彭孝才、濟陰吳海流起事。蒼梧梁慧尚起事，攻城。東陽李三兒、向但子起事。十月，東郡呂明星起事，旋敗。劉元進與朱燮、管崇合，據吳郡稱帝。十二月，唐縣宋子賢自稱彌勒佛，謀起兵襲煬帝，事洩，被殺。扶風沙門向海明自稱彌勒佛，聚眾起兵，稱皇帝，建元白鳥，尋敗。韋丘杜伏威、臨濟輔公祐起事，併下邵苗海潮、海陵趙陳之眾，號將軍。

614 年

甲戌 隋大業十年

二月，再徵兵擊高句麗。扶風唐弼起事，立李弘芝為皇帝，號唐王。四月，彭城張大虎起事，旋敗。五月，延安劉迦論結稽胡起兵，稱皇王，建元大世，旋敗死。琅邪宋世謨陷郡城。六月，建安鄭文雅、林寶護等陷郡城。七月，煬帝至懷遠鎮，高句麗請降，

班師。曹國遣使奉獻。八月，邯鄲楊公卿率衆襲煬帝後隊。十月，煬帝還東都。十一月，長平司馬長安起兵，破郡城。離石胡劉苗王稱皇帝。汲郡王德仁起兵，據林慮山。十二月，彭孝才敗死。孟讓擾盱眙，尋爲王世充所破。齊郡左孝友據蹲狗山，尋爲張須陁所敗，出降。涿郡盧明月攻祝阿，爲張須陁部將羅士信、秦叔寶所破。是歲，日本遣犬上御田鍬等使隋。

615 年

乙亥 隋大業十一年

正月，突厥、契丹、新羅、靺鞨、吐火羅、龜茲等二十餘國並遣使朝見。齊郡顏宣政起事，旋敗。二月，北平楊仲緒攻郡城，敗死。詔郡、縣、驛、亭、村、塢皆築城。上谷人王須拔稱漫天王，國號燕，魏刀兒號歷山飛，衆各十餘萬，北結突厥，南寇燕趙。五月，司馬長安破西河郡。李淵爲山西河東撫慰大使，承制黜陟。李淵擊龍門毋端兒，破之。七月，淮南張起緒起事。八月，煬帝北巡，突厥始畢可汗圍之於雁門，九月始解圍去。十月，煬帝還東都。彭城魏驥驎起事，攻魯郡。盧明月攻陳、汝。東海李子通據海陵，稱將軍。十一月，王須拔破高陽。城父朱粲起事，攻荊西，自稱迦樓羅王。十二月，絳郡敬盤陀、柴保昌等攻汾水左右，李淵擊散之。是歲，日本犬上御田鍬等自隋回國。

616 年

丙子 隋大業十二年

正月，作毘陵宮，壯麗過於東都西苑。雁門翟松柏起事於靈丘。二月，眞臘遣使奉獻。東海盧公暹起事，保蒼山。三月，張金稱陷

平恩、武安、鉅鹿、清河等縣。四月，魏刀兒別將甄翟兒攻太原。七月，煬帝幸江都。馮翊孫畢起事，號總管。高涼通守洗瑤微起事，嶺南溪洞多應之。八月，恒山趙萬海攻高陽。九月，揚州沈克敵等攻江淮。安定荔非世雄殺臨涇令，號將軍。十月，李密投翟讓，破張須陁。十二月，鄱陽操師乞起事，號元興王，建元始興，陷豫章，旋敗死；部將林士弘代統其衆，稱皇帝，國號楚，建元太平，取九江、臨川、南康、宜春等郡。以李淵爲太原留守，破甄翟兒。張金稱、高士達敗死，竇建德統其殘部，號將軍。格謙敗死。勃海高開道統其殘部，攻掠燕地。涿郡虎賁郎將羅藝據郡，號幽州總管。突厥侵擾北邊，李淵拒却之。

617 年

丁丑 隋大業十三年 隋恭皇帝楊侑義寧元年

正月，杜伏威據歷陽，稱總管。竇建德據樂壽，稱長樂王，建元丁丑。魯郡徐圓朗陷東平。弘化劉企成起事。盧明月據淮北，號無上王，旋敗死。二月，朔方鷹揚郎將梁師都起事，附於突厥。上谷王子英破郡城。馬邑鷹揚校尉劉武周起事，附於突厥。李密、翟讓陷興洛倉，密號魏公，稱元年，江淮、河南多附之。三月，蒲城郭子和起事，附於突厥。劉武周稱皇帝，建元天興。梁師都稱梁帝，建元永隆。郭子和號永樂王，建元丑平。突厥以劉武周爲定楊可汗，梁師都爲大度毗伽可汗，郭子和爲平楊可汗，旋改子和爲屋利設。盧江張子路、李通德等起事，旋皆敗。四月，金城府校尉薛舉起事，號西秦霸王，旋稱帝，建元秦興。李密陷回洛東倉。汝陰房獻伯陷郡城。五月，李淵起兵於太原，卑辭求助於突厥。七月，武威

鷹揚府司馬李軌起事，號河西大涼王。九月，煬帝括江都室女、寡婦以配從兵。李密陷黎陽倉。十月，太原楊世洛起事。鄱陽董景珍起事，迎羅令蕭銑爲梁王，建元鳴鳳。濟北甄寶車起事，旋敗。十一月，李密殺翟讓。李淵入長安，立代王侑爲皇帝，改元義寧，遙尊煬帝爲太上皇，淵爲大丞相，進封唐王。是歲，眞臘遣使獻於隋。

618 年

戊寅 隋義寧二年 楊侗皇泰元年 唐高祖神堯皇帝李淵武德元年

三月，宇文化及等殺煬帝於江都，立秦王浩爲帝，化及爲大丞相，擁兵北上。吳興太守沈法興起兵討宇文化及，據丹陽，號江南道大總管，嗣稱大司馬、天門公。四月，稽胡掠富平、宜春，大敗，喪男女二萬口。蕭銑稱皇帝，九江以西抵三峽，漢水以南至交趾，皆附之。五月，唐王李淵稱皇帝，建元武德，以隋恭帝爲酈國公。罷郡爲州。王世充奉隋越王侗稱皇帝於東都，改元皇泰。唐命官修定律令，置國子學、太學、四門學生三百餘員，郡縣學亦置生員。六月，唐廢大業律令，頒新格。唐於邊要之州置總管府。宇文化及趣黎陽與李密相攻。李密降於隋皇泰帝。七月，唐兵攻薛舉，大敗。郭子和降於唐。八月，西秦武帝薛舉死，子仁果嗣。唐封李軌爲涼王。隋皇泰帝封杜伏威爲楚王。九月，李密爲王世充所敗，奔唐。宇文化及殺隋秦王浩，稱帝於魏縣，國號許，建元天泰。朱粲稱帝於冠軍，國號楚，建元昌達。行戊寅曆。十一月，涼王李軌稱皇帝，建元安樂。薛仁果敗降於唐。徐世勣降唐，賜姓李。唐頒五十三條格。竇建德改國號曰夏，改元五鳳。建德破斬魏刀兒。李密叛唐，被殺。羌豪旁企地降唐復反。

619 年

己卯 唐武德二年 隋皇泰二年

正月，唐兵圍宇文化及於聊城，不克。淮安土豪楊士林等敗朱粲，降於唐。二月，初定租庸調法，每丁租二石，絹二疋，綿三兩；唐宗姓未仕者免徭役，州置宗師一人管理之。吐谷渾可汗伏允受唐命擊涼帝李軌。閏二月，朱粲請降，唐命爲楚王。竇建德破聊城，擒宇文化及等殺之，奉表於隋，皇泰帝封爲夏王。王世充大將秦叔寶、程知節等降於唐。突厥始畢可汗死，弟處羅可汗立。三月，梁師都擾靈州，王世充擾穀州。王薄等降於唐。劉武周擾并州，王世充擾義洲。四月，劉武周引突厥兵陷榆次。朱粲烹唐使，奔王世充。王世充廢隋皇泰帝，幽之，自稱皇帝，建元開明，國號鄭。竇建德建天子旌旗，下書稱詔。劉武周圍并州。王世充陷伊州，五月，又陷義州，攻西濟州。唐使者安興貴執李軌，河西平；軌至長安，被殺。離石胡劉龍兒據地稱王，敗死，子季真等結劉武周陷石州，稱突利可汗。王世充殺裴仁基等，又殺隋皇泰帝，諡曰恭皇帝。六月，竇建德陷滄州。劉武周將宋金剛陷介州，大破唐兵。七月，唐置十二軍，分關中諸府隸之，督耕戰之務。徐圓朗降於唐。王世充大將羅士信等降於唐。王世充擾穀州，大敗。西突厥統葉護可汗、高昌王麴伯雅遣使於唐。八月，唐殺隋廢帝，亦諡爲恭皇帝。竇建德陷洛州。梁師都與突厥兵攻延州，潰退。九月，蕭銑擾峽州，大敗。竇建德陷相州。沈法興稱梁王，都毗陵，建元延康。江都陳稜爲李子通所攻，沈法興遣兵救之，大敗。李子通稱皇帝，國號吳，建元明政；丹陽帥樂伯通降之。杜伏威降於唐。宋金剛破唐援兵，逼并州，齊王李元吉

棄城遁歸長安。竇建德陷趙州。梁師都再攻延州，又敗。十月，幽州總管羅藝敗竇建德於衡水。集州僚起事，旋敗。宋金剛陷滄州，夏縣人呂崇茂聚衆稱魏王，應之；時蒲坂王行本亦與之相結，關中大震，命秦王李世民擊之。竇建德陷黎陽，徐圓朗等皆附之。汴、亳等州降於王世充。十一月，劉武周擾浩州。秦王世民屯柏壁，十二月，敗劉武周將尉遲敬德。是歲，高句麗遣使於唐。

620 年

庚辰 唐武德三年

正月，王行本敗降，被殺。孟津中澗帥李商胡襲竇建德部將破之，旋敗死。二月，劉武周陷長子、壺關。工部尚書獨孤懷恩謀反，伏誅。開州蠻冉肇則陷通州。突厥處羅可汗立楊政道爲隋王，居定襄。三月，劉武周擾浩州。劉季真降於唐，旋以謀叛，被殺。冉肇則擾信州，敗死。四月，秦王世民大破劉武周軍，尉遲敬德等降；劉武周走突厥，後爲突厥所殺。王世充兵大敗於西濟州，旋陷鄧州。五月，竇建德攻幽州，大敗。立老子廟。突厥遣使結王世充。六月，楊士林爲部下所殺，其地入於王世充。七月，秦王世民擊王世充。梁師都引突厥、稽胡兵入邊，敗還。八月，南寧西蠻蠻遣使貢於唐。九月，王世充州縣多降於唐。嵐州爲胡所陷。突厥兵大掠涼州。十月，高開道降於唐。竇建德再攻幽州，不克。十一月，突厥處羅可汗死，弟頡利可汗立。竇建德攻孟海公。十二月，瓜州刺史賀拔行威據州反唐。是年，沈法興爲李子通所敗，奔吳郡。杜伏威攻李子通，大敗之，子通棄江都，保京口，又襲沈法興，法興敗死。唐、新二州帥高法澄等附於林士弘，尋爲馮盎所破。閩賓（漕國）遣使入貢。

621 年

辛巳 唐武德四年

正月，稽胡帥劉企成擾邊。二月，李靖爲行軍總管，擊蕭銑。真鄉公李仲文以與僧志覺密謀反唐勾結突厥，被殺。竇建德俘孟海公。三月，以秣鞞帥突地稽爲燕州總管。稽胡降，六千餘人被誘殺，劉企成奔梁師都。突厥擾汾陰、石州。唐兵圍洛陽，城中乏食，死者什九。秦王世民大敗竇建德援王世充之兵。四月，突厥頡利可汗擾雁門、并州。五月，竇建德爲秦王世民所敗被俘，王世充降，唐兵入洛陽。突厥擾邊。六月，營州人石世則反，奉秣鞞帥突地稽爲主。海州帥臧君相降於唐。七月，高句麗王建武遣使入貢。大赦，百姓給復一年至二年。初行開元通寶錢，置錢監於洛、并、幽、益等州，嚴禁私鑄。竇建德部衆擁劉黑闥起事，據漳南。戴州刺史孟噉鬼謀反唐，爲其下所殺。八月，劉黑闥陷鄆縣，稱大將軍。突厥擾代州、崞縣。徐圓朗以兗州附於劉黑闥，附近諸州多應之。九月，文登帥淳于難來降。突厥分擾并州、原州。徐圓朗稱魯王。欽州帥汪華以五州來降。光州刺史盧祖尚來降。詔括天下戶口。放太常樂工爲民。靈州敗突厥兵。發巴蜀兵大舉擊蕭銑。劉黑闥大敗唐兵於饒陽。十月，以秦王世民爲天策上將軍，開府置官屬。劉黑闥陷瀛州；毛州民董燈明以刺史嚴急，殺之，附於劉黑闥。李靖等圍江陵，蕭銑降。十一月，杜伏威敗李子通，執之，送於長安；伏威又迫降汪華，於是盡有淮南、江東。劉企成部落皆降。劉黑闥陷定州。杞州人周文舉殺刺史，附於徐圓朗。高開道復稱燕王，與突厥及劉黑闥連和，恒、定、幽、易等州大受其害。十二月，劉黑闥陷冀州，又破唐兵於洛

州，繼陷相、黎、衛、邢、趙、魏諸州，北結突厥，勢大震。昆彌遣使附於唐。是歲，新羅遣使於唐；唐使至新羅，餽畫屏、錦綵。百濟遣使於唐。

622 年

壬午 唐武德五年

正月，劉黑闥稱漢東王，都洺州，建元天造。同安帥殷恭邃來降。濟州附徐圓朗，東鹽州附劉黑闥。秦王世民擊劉黑闥，屯洺上。嶺南帥楊世略以循、潮二州來降。羅藝敗劉黑闥於徐河。二月，豫章帥張善安以虔、吉等五州來降。劉黑闥陷洺水。延州道兵破梁師都。三月，遣使賂突厥頡利可汗。高開道、苑君璋結突厥擾雁門。秦王世民大破劉黑闥，劉黑闥奔突厥。高開道擾易州。四月，秦王世民擊徐圓朗。突厥頡利可汗與劉黑闥攻代州，殺總管。廣州帥鄧文進等來降。五月，瓜州土豪王幹來降。突厥擾忻州。六月，劉黑闥引突厥擾山東。吐谷渾擾洮、旭、疊三州。七月，杜伏威獻地入朝。遷州人鄧士政起事。馮盎帥所部來降，以其地分置八州，嶺南悉平。八月，吐谷渾擾岷州。突厥頡利可汗分擾并州、原州、廉州，大發兵禦之。吐谷渾擾洮州。九月，各路紛敗突厥兵。十月，齊王元吉擊劉黑闥無功，劉黑闥屢勝，幾盡復故地。契丹擾北平。林士弘衆潰，旋死。十一月，太子建成擊劉黑闥。靈州道兵破梁師都、突厥之兵。十二月，太子建成、齊王元吉合軍大敗劉黑闥。是歲，高句麗遣使於唐。唐放隋所俘高句麗人回，高句麗亦釋所俘華人。

623 年

癸未 唐武德六年

正月，劉黑闥爲部下所執，送太子建成軍，斬

之。羯州人王摩沙起事，稱元帥，建元進通。二月，徐圓朗敗死。林邑王梵志遣使入貢。廢十二軍。三月，高開道掠文安等縣。前洪州總管張善安起事，未幾陷孫州。四月，吐谷渾擾芳、洮、岷等州。鄜州道兵擊梁師都。南州刺史龐孝恭、南越州民甯道明、高州帥馮喧俱起事。五月，吐谷渾及党項擾河州。梁師都擾林州，苑君璋部擾代州，高開道引奚人擾幽州。棘鞬突地稽部徙昌平，敗高開道。六月，高滿政殺突厥戊卒，以馬邑來降。梁師都、苑君璋分引突厥兵擾匡州、馬邑。沙州人張護等起事，立竇伏明爲主。唐兵大敗吐谷渾。七月，高開道掠靈壽等縣。崗州刺史馮士翽據新會起事，未幾敗降。突厥擾原、朔、真等州，遣兵禦之。八月，輔公祐據丹陽，稱皇帝，國號宋，建元天明，後改乾德，與張善安相結；四道發兵擊之。吐谷渾來附。突厥擾原、渭等州。高開道引奚人擾幽州。九月，邛州僚起事。突厥擾幽州。竇伏明以沙州降。高昌王麴伯雅死，子文泰立。渝州人張大智起事，旋敗降。高開道引突厥擾幽州。突厥頡利可汗圍馬邑，高滿政爲部下所殺。十一月，置屯田於并州。十二月，李大亮誘執張善安。突厥擾定州。白簡、白狗羌並遣使入貢。是歲，日本留學於唐之僧惠齊等還。

624 年

甲申 唐武德七年

正月，置大中正各於各州，無品秩。鄒州人鄧同顯起事。以白狗等羌地置維、恭二州。二月，冊高句麗王建武爲遼東郡王，百濟王扶餘璋爲帶方郡王，新羅王金眞平爲樂浪郡王。始州僚起事。置州、縣、鄉學。改總管府爲都督府。高開道爲部下所攻，自殺。

洋、集二州僚陷陸州、晉城。三月，釐定官制。突厥擾原州。唐兵圍丹陽，輔公祐遁走，被執死，江南平。四月，頒新律令，定均田租庸調法。党項擾松州。萬州僚起事，旋平。五月，突厥擾朔州。羌與吐谷渾擾松州。破始州僚於萬山，俘二萬餘口。六月，瀧州、扶州僚起事，旋平。吐谷渾擾扶州。慶州都督楊文幹以太子建成煽結事泄，反，旋爲部下所殺。突厥擾代州。七月，苑君璋與突厥擾朔、并等州。突厥擾原、隋等州。吐谷渾擾岷州，又結党項擾松州。八月，突厥分擾原、忻、并、綏等州，頡利、突利二可汗連營南下；秦王世民禦之於幽州，與突利可汗結盟，遣人使於突厥。吐谷渾擾鄯州。九月，日南人姜子路起事，旋敗。突厥擾綏州，十月，又擾甘州。吐谷渾與羌擾疊州。是歲，以丁零地爲維、恭二州。高句麗遣使如唐，請頒曆；唐遣使冊封，並遣道士以天尊像及道法至。

625 年

乙酉 唐武德八年

正月，吐谷渾擾疊州。突厥、吐谷渾各請互市，許之，自是不乏耕牛。四月，党項擾渭州。西突厥統葉護可汗請婚，許之。復置十二軍，備擊突厥。涼州胡人陸伽陀引突厥襲都督府，敗遁。六月，突厥頡利可汗擾靈州，遣將禦之。七月，與突厥書改用詔敕，停用敵國禮。八月，突厥擾并、潞、沁、韓等州，頡利可汗大掠朔州，唐兵數不利。九月，令檢校權量。突厥擾幽州，大敗；別部分擾閬、鄯二州。十月，吐谷渾擾疊州。十一月，突厥擾彭州。吐谷渾擾岷州。眉州山僚起事。是歲，高句麗遣使如唐，求學佛法。新羅遣使如唐，訟高句麗梗貢道，數侵掠。

626 年

丙戌 唐武德九年

正月，更定雅樂。二月，突厥擾原州。三月，吐谷渾、党項擾岷州。壓毀眉州山僚。梁師都陷靜難鎮。突厥擾靈、涼二州。擊洪雅二州僚，俘五千口。四月，突厥大擾朔、原、涇等州，李靖禦退之。用傅奕言，沙汰僧、尼、道士、女冠，京師留三寺、二觀，諸州各留一所；旋止不行。突厥擾西會州。五月，慶州胡人成郎殺長史，附梁師都，旋敗死。党項擾廓州。突厥擾秦、蘭二州。嶺南越州人盧南起事。吐谷渾、党項擾河州。六月，玄武門之變，秦王世民殺太子建成、齊王元吉及其諸子；立世民爲皇太子。吐谷渾擾岷州。突厥擾隴、渭二州，旋敗於秦州。幽州大都督李瑗以與太子建成有關係，疑懼謀反，未成，被殺。七月，遣魏徵宣慰山東。八月，突厥、吐谷渾皆遣使請和。高祖自稱太上皇，傳位太子世民，是爲太宗。突厥頡利、突利二可汗至渭水便橋北，遣人入見；太宗詣渭上，責頡利負約；頡利請和，許之。九月，頡利獻羊、馬萬餘，不受。禁妄立妖祠及雜占之術。置弘文館，選人充學士。十月，立皇子承乾爲皇太子；定功臣實封之制。十二月，益州僚反。新羅、百濟、高句麗三國互構兵，遣使止之。三國遣使來謝。

627 年

丁亥 唐太宗李世民貞觀元年

正月，改元。制諫官隨宰相入閣議事。更定律令，寬絞刑五十條爲加役流。羅藝據涇州反，爲部下所殺。二月，大併省州縣，分全國爲十道。五月，苑君璋降。九月，嶺南酋帥馮盎、談殿等互相攻戰，遣使諭之；十

月，盜遣子入朝。十二月，利州都督李孝常等謀反，事泄，死。定四時選法，並分人於洛州聽選；又省併文武官六百四十三。西突厥統葉護可汗遣使迎公主，頡利可汗撓之。

628 年

戊子 唐貞觀二年

正月，吐谷渾擾岷州。三月，以關內旱饑赦天下。四月，突厥突利可汗因頡利可汗相攻，表請入朝。契丹首領來降。大發兵擊梁師都，敗其突厥援軍，梁師都為部下所殺；以其地為夏州。六月，祖孝孫奏上唐雅樂。九月，放宮女三千餘人。突厥擾邊。是歲，西突厥統葉護可汗為其伯父所殺，國人立統葉護之子為乙毗鉢羅肆葉護可汗，互相攻戰。遣使冊薛延陀俟斤夷男為真珠毗伽可汗。黑水靺鞨始附，以其地為燕州。

629 年

己丑 唐貞觀三年

八月，薛延陀毗伽可汗遣使入貢，突厥頡利可汗懼，請稱臣、尚主，不許，且命李靖等擊之。九月，突厥俟斤九人來降。拔野古、僕骨、同羅、奚皆來降。十一月，突厥擾河西。十二月，突厥突利可汗來朝。靺鞨遣使入貢。突厥郁設帥部來降。閏十二月，東謝、南謝首領來朝，以東謝為應州，南謝為莊州，隸黔州都督。絳柯、充州蠻入貢，以絳柯為絳州。党項首領細封步賴來降，以其地為軌州。是歲，中國人自塞外歸及四夷降附者一百二十餘萬口。名僧玄奘赴印度求經。

630 年

庚寅 唐貞觀四年

正月，李靖等敗突厥，頡利可汗退磧口；二月，又大破之於陰山，斬萬餘級，俘男女十餘萬口、雜畜數十萬，其大酋長皆降，頡利可汗奔蘇尼失，三月被俘，突厥亡，漠南之地遂空。四裔君長上太宗號為天可汗。四月，分突厥故地為十州，置都督府，命突利可汗等為都督，分統降衆；突厥人入居長安者近萬家。八月，定品官服色。奚、室韋等十餘部皆來降。九月，移思結部落於代州。開南蠻地置二州。禁笞背之刑。十二月，高昌王麴文泰來朝。是歲大稔，米斗三四錢；斷死刑才二十九人。西突厥內亂定，共推肆葉護為大可汗。伊吾內附，以其地為西伊州。杜如晦死。高句麗遣使如唐賀擒突厥頡利可汗，並上封域圖。日本遣犬上御田鍬等入唐，是為第一次遣唐使。

631 年

辛卯 唐貞觀五年

四月，斛薛部北走，靈州兵擊破之。五月，有司奏贖回沒入突厥者八萬口。十月，詔議封建。十一月，林邑、新羅遣使奉獻。倭國遣使入貢。是歲，開党項之地為十六州、四十七縣。康國求內附，不受。高州總管馮盎入朝。羅、賈二州僚起事，馮盎擊破之。

632 年

壬辰 唐貞觀六年

正月，靜州僚起事，旋敗。三月，吐谷渾擾蘭州。七月，焉耆王突騎支遣使入貢，高昌忌之，遣兵大掠焉耆。西突厥肆葉護可汗為部下所逐，走死康居，國人立奚利邲咄陸可汗，遣使來附。十一月，契苾首領何力來降，處其部衆於甘、涼之間。是歲，党項內附者三十萬口。唐使與遣唐使偕至日本。

633 年

癸巳 唐貞觀七年

三月，李淳風更造渾天、黃道儀成。五月，雅州僚起事，旋敗。八月，龔州僚起事。十二月，嘉、陵二州僚起事，旋敗。是歲，赦死囚三百九十人。

634 年

甲午 唐貞觀八年

正月，壓服龔州僚。以李靖等爲黜陟大使，分赴諸道。六月，遣段志玄等統邊兵及契苾、党項之衆二道擊吐谷渾，八月破之，追至去青海三十里，不及而還。十一月，吐蕃贊普棄宗弄讚遣使入貢，請婚。吐谷渾擾涼州。十二月，李靖爲大總管，督五總管兵擊吐谷渾。西突厥咄陸可汗死，弟沙鉢羅陁利失可汗立，分國中爲十部，號十姓部落。

635 年

乙未 唐貞觀九年

正月，党項降者皆附於吐谷渾。三月，洮州羌殺刺史，附於吐谷渾，旋平。四月，李靖等屢敗吐谷渾，五月，又追破之，其可汗伏允欲走于闐，爲部下所殺，國人立其子順爲主。靖奏平吐谷渾，詔復其國，以順爲越故呂烏甘豆可汗。太上皇死。七月，党項擾疊州，其首領拓跋赤辭以唐將侵掠，率部反擊，殺唐兵數萬。十月，西突厥處月部遣使入貢。十一月，吐谷渾甘豆可汗爲其下所殺，子諾曷鉢立，國中大亂；十二月，命侯君集援之。是歲，唐遣使至新羅冊封。

636 年

丙申 唐貞觀十年

正月，突厥殘部答布可汗社爾擊薛延陀，大敗，走保高昌，命處其部落於靈州之北。三月，以吐谷渾王諾曷鉢爲烏池也拔勒豆可汗。十二月，朱俱波、甘棠遣使入貢。是歲，更府兵制，改統軍爲折衝都尉，別將爲果毅都尉；凡置府六百三十四。聶斯託里派之基督教（景教），約在此時經波斯傳入中國。

637 年

丁酉 唐貞觀十一年

正月，房玄齡等更定律令成，除古死刑太半，變重爲輕者甚多。三月，房玄齡等上所定新禮。六月，詔諸王二十一人、功臣十四人所任刺史，令子孫世襲。十月，以武氏嬖女爲才人。是歲，姚思廉死。百濟遣使如唐，獻金甲、雕斧。唐回賜錦袍、彩帛。

638 年

戊戌 唐貞觀十二年

正月，高士廉等撰上氏族志，以崔氏爲第一；詔更刊定，以皇族爲首，外戚次之，崔氏爲第三，凡二百九十三姓，頒行之。二月，巫州僚起事，旋敗，被俘者三千餘口。七月，吐蕃贊普棄宗弄讚以唐拒請婚，起兵攻吐谷渾，破諸羌，進攻松州；遣侯君集等分道擊之。八月，霸州山僚起事，殺刺史。九月，吐蕃敗，謝罪，復請婚，許之。立薛延陀真珠可汗二子爲小可汗，以分其勢。十月，置屯營飛騎。巴州僚起事。鈞州僚起事，旋敗。十一月，明州僚起事，旋敗。十二月，大敗巴州僚，俘萬餘口。是歲，西突厥內亂，西部立乙毗咄陸可汗，與陁利失可汗分治。突厥處月、處密二部與高昌共侵焉耆，掠千五百人。是歲名書家虞世南死。波斯入貢。

639 年

己亥 唐貞觀十三年

二月，停諸王、功臣子孫世襲刺史之令。以高昌王麴文泰阻西域朝貢，掠伊吾、焉耆，遣使責之。三月，薛延陀可汗請擊高昌；遣使與謀進取。四月，突厥突利可汗之弟結社率陰結舊部謀亂，被殺。迫降巴、壁、洋、集四州僚人，虜六千餘口。六月，渝州人侯弘仁自牂柯關道經西趙出邕州以通交、桂，蠻、俚人降者二萬八千餘戶。七月，令突厥、諸胡安置諸州者皆還漠南舊地，拜李思摩爲俟利苾可汗以統之，並諭薛延陀不得逾漠侵陵。十二月，遣侯君集等擊高昌。是歲，凡有州府三百五十八，縣一千五百十一。西突厥咥利失可汗爲部下所逐，走死鐵汗，國人立其弟子爲乙毗沙鉢羅葉護可汗，與西部咄陸可汗分別建南庭、北庭，以伊列水爲界。是歲，百濟遣使獻金甲、雕斧。

640 年

庚子 唐貞觀十四年

二月，以國子監生徒多至八千餘人，高句麗等國且遣子弟來學，令孔穎達等撰定五經正義，以資講習。詔求近世名儒子孫。三月，破羅、賓諸州僚，俘七千餘口。流鬼國在秣羯北，向未通中國，至是遣使重三譯入貢。置寧朔大使以護突厥。八月，侯君集等至磧口，麴文泰憂懼死，子智盛立。智盛降，得二十二城，立西州，置安西都護府於交河城，並以西厥降地爲庭州。焉耆土地人民前爲高昌所掠奪者皆還之。十月，吐蕃贊普獻金寶請婚；以宗女文成公主妻之。十一月，詔李淳風考定戊寅曆。高句麗遣世子朝於唐。高句麗、新羅、百濟三國並遣子弟於唐，請入國子學。

641 年

辛丑 唐貞觀十五年

正月，文成公主歸於吐蕃，贊普喜，稍革舊俗，遣子弟至長安入國學。四月，呂才等上所刊定陰陽雜書。百濟王扶餘璋死，遣使册其子義慈爲王。七月，西突厥乙毗咄陸可汗使石國吐屯擊沙鉢羅葉護可汗，擒殺之。十一月，薛延陀眞珠可汗發諸部兵渡漠侵突厥，俟利苾可汗帥部退保朔州，遣使告急；遣將分道救之。十二月，大敗薛延陀，斬三千餘級，俘五萬餘人，潰至漠北者人畜凍死什八九。是歲，名書家歐陽詢死。唐使陳大德至高句麗，遍悉山川險易，歸報。

642 年

壬寅 唐貞觀十六年

正月，魏王泰上括地志。徙死罪者實西州；勅括浮游無籍者。七月，禁罰爲避賦役傷殘肢體者。九月，薛延陀眞珠可汗獻馬及貂皮以請婚。西突厥咄陸可汗滅吐火羅，拘留唐使，侵西域，擾伊州，又遣處月、處密部犯天山；安西都護郭孝恪擊走之，乘勝攻處月，收降處密而歸。咄陸可汗西擊康居，道破米國，賞罰不平，其下逐之，立乙毗射匱可汗，咄陸可汗奔吐火羅。十月，涼州契苾部奔附薛延陀，劫左領軍將軍契苾何力同往，何力不屈；因遣使許薛延陀婚，何力得還。高句麗東部大人泉蓋蘇文殺諸大人及王建武，立王族臧爲主，是爲寶藏王，蓋蘇文自專朝政。唐遣使來弔。百濟遣使如唐。中亞細亞昭武諸國，因畏阿拉伯人之逼脅，求唐保護，唐太宗以鞭長莫及，不許。自是常遣使來聘，獻獅子、金桃、銀桃等物。

643 年

癸卯 唐貞觀十七年

二月，圖功臣二十四人像於凌煙閣。三月，齊州都督齊王祐據州抗命，私署官職；詔發兵討之，未至，祐已爲部下所擒，事平。四月，太子承乾謀反事發，廢爲庶人，同謀者侯君集等皆棄市；立晉王治爲皇太子。六月，薛延陀眞珠可汗遣使納幣，駝、馬、牛、羊十萬餘，多道死；借口聘禮未備，停其婚。七月，房玄齡等上高祖與帝實錄。遣使冊封高句麗王臧。九月，新羅爲百濟、高句麗所攻乞援，遣使諭高句麗止兵。是歲，拂菻入貢。魏徵死。高句麗遣使如唐，求道教，唐遣道士，賜以道德經。

644 年

甲辰 唐貞觀十八年

七月，以高句麗不聽諭告，決意與兵擊之，令洪、饒、江三州造船以運軍米，並發幽、營二府兵及契丹、奚、靺鞨之衆先攻遼東以試之。九月，焉耆王突騎支附西突厥，安西都護郭孝恪擊之，俘突騎支，西突厥來救，亦敗走。孝恪去，焉耆立薛婆阿那支爲王。高句麗莫離支泉蓋蘇文貢白金，却之。十一月，親征高句麗，命張亮、李世勣統軍，分由海陸擊，並詔新羅、百濟、奚、契丹分道並舉。十二月，突厥餘部數爲薛延陀所攻，渡河，處之於勝、夏之間，召李思摩還朝爲右武衛將軍。百濟遣使如唐。

645 年

乙巳 唐貞觀十九年

正月，帝發洛陽。三月，至定州，詔皇太子監國。四月，李世勣等至玄菟，破高句麗兵於建安，尋拔蓋牟城，獲二萬餘口，以其地爲蓋州。五月，張亮等拔卑沙城，獲八千口，耀兵於鴨綠水。李世勣等進至遼東城，敗高

句麗救兵。帝至遼東，李世勣等拔其城，殺獲五萬口，以其地爲遼州。旋進至白巖，六月，城主開城降，獲萬餘口，以其地爲巖州。更進至安市，高句麗兵來救，大敗，死二萬餘，其帥以所部三萬六千餘人降。九月，薛延陀眞珠可汗死，子拔灼立爲頡利俱利薛沙多彌可汗。以遼左早寒，安市城卒不能下，詔班師，拔遼、蓋二州民凡七萬口入內地。十月，帝還至營州，祭戰亡士卒。十二月，薛延陀多彌可汗數擾河南，派兵分道禦之。停四時選，仍從舊制，十一月選至三月畢。是歲，裴行方擊茂州起事之羌，大破之。顏師古、岑文本死。新羅遣使如唐。林邑范氏系統絕。

646 年

丙午 唐貞觀二十年

正月，薛延陀多彌可汗擾夏州，大敗遁歸。遣二十二官以六條巡察四方。三月，帝還至長安。閏三月，罷遼州及巖州。五月，高句麗遣使謝罪。六月，西突厥射匱可汗遣使入貢，且請婚，許之，命割龜茲等五國爲聘禮。遣將分道擊薛延陀，多彌可汗驚遁，回紇殺之，遂據其地。薛延陀餘衆共立咄摩支伊特勿失可汗，尋去可汗之號，遣使奉表，猶持兩端。遣李世勣與敕勒九姓共圖之，李世勣至，虜三萬餘口，以咄摩支至長安。八月，敕勒諸部回紇、拔野古、同羅、僕骨、多濫葛、思結、阿跌、契苾、跌結、渾、斛薛等各遣使入貢，帝如靈州會其俟斤。

647 年

丁未 唐貞觀二十一年

正月，回紇、僕骨、多濫葛、拔野古、同羅、思結、渾、斛薛、跌結、阿跌、契苾、白霫首領皆來朝，尋以其地分別爲府州，命其首領爲

都督、刺史有差；惟回紇首領已自稱可汗，官號皆仿突厥。是歲，識匿、似沒、役槃、悉立、那揭、俱蘭、章求拔各部朝貢。三月，遣牛進達、李世勣等分由海陸擊高句麗。四月，置燕然都護府，統新立敕勒諸部府州。五月，李世勣等至高句麗境，無功而還。七月，牛進達由海道入高句麗境，拔石城。八月，骨利幹遣使入貢。命江南十二州造大船，欲復征高句麗。十月，奴刺部來降。十一月，突厥餘部乙注車鼻可汗遣使入貢。十二月，西趙首領趙磨來降。龜茲王伐疊死，弟訶黎布失畢立，侵漁鄰境；詔郭孝恪等擊之。高句麗王遣子謝罪。是歲，骨利幹入貢，唐以爲玄闕州。泥婆羅、摩揭陀、健達遣使入貢。

648 年

戊申 唐貞觀二十二年

正月，作帶範以示太子。遣薛萬徹等由海道擊高句麗。二月，結骨首領來朝，以其地爲堅昆都督府。四月，梁建方破松外蠻，內附者七十部、十萬餘戶，因通西洱道，降其諸部。契丹首領曲據來降，以其地爲玄州。西突厥葉護阿史那賀魯帥衆來降，處之於庭州。五月，王玄策以吐蕃、泥婆羅兵破擒中天竺帝那伏帝王阿羅那順，俘萬二千人。六月，以白霫部爲居延州。七月，令劍南道造大船。八月，令婺、洪等州造海船，備擊高句麗。命執失思力擊薛延陀餘部。九月，命阿史那社爾擊降處月、處密二部。雅、邛、眉三州僚以苦造船之役，羣起反抗；發兵擊之。十月，回紇內闕，殺其首領。阿史那社爾擊焉耆破之，殺其王薛婆阿那支，立先那準爲王，乘勝進擊龜茲。十一月，契丹帥窟哥、奚帥可度者率部來降，分以其地爲松漠府及饒樂府。置東夷校尉官於營州。十二

月，阿史那社爾拔龜茲，其王布失畢走保撥換城，旋被擒。閏十二月，西突厥授龜茲，襲殺安西都護郭孝恪，旋爲守兵擊退。阿史那社爾平龜茲，立葉護爲王。命阿史那賀魯擊西突厥之未服者。新羅相金春秋來朝。是歲，孔穎達、房玄齡、李百藥死。新羅遣使如唐，請伐百濟；又請改章服，從華制，唐帝許之。

649 年

己酉 唐貞觀二十三年

正月，徒莫祗等部來降，以其地置四州。遣高侃擊突厥車鼻可汗。拔悉密部來降，以其地置新黎州。四月，太宗死，太子治嗣，是爲高宗，長孫無忌、褚遂良受遺詔輔政，罷遼東之役。七月，于闐王伏闕信來朝。十月，以突厥諸部置十一州，分隸雲中、定襄二都督府。是歲，李靖死。新羅改冠服，仿華制。

650 年

庚戌 唐高宗李治永徽元年

正月，改元。五月，吐蕃贊普棄宗弄讚死，孫嗣，政事皆決於國相祿東贊。六月，高侃俘突厥車鼻可汗。八月，遣龜茲舊王布失畢歸國，復其位。九月，置狼山都督府，以統車鼻可汗殘部，且置單于、瀚海二都護府分護突厥之衆。十二月，瑤州僚起事，遣兵擊之。新羅遣使如唐，告破百濟；始用唐永徽年號。

651 年

辛亥 唐永徽二年

正月，西突厥阿史那賀魯擁衆西走，破乙毗射匱可汗，自號沙鉢羅可汗，西域諸國多附之。四月，焉耆王婆伽利死，遣舊王突騎支歸復其

位。七月，西突厥沙鉢羅可汗擾庭州；發兵及回紇騎擊之。八月，郎州白水蠻起事，攻麻州。閏九月，長孫無忌等上刪定律令。十一月，特浪、辟惠羌首領來降。賓州、義州蠻起事，旋敗。唐兵大破白水蠻，乘勝西進。十二月，西突厥處月部首領朱邪孤注殺唐使者，附於沙鉢羅可汗。是歲，新羅遣大巨子弟如唐備宿衛。百濟遣使如唐，唐帝諭與高句麗、新羅和解。

652 年

壬子 唐永徽三年

正月，吐谷渾、新羅、高句麗、百濟並遣使入貢。梁建方等大破處月，擒朱邪孤注。四月，趙孝祖擒殺大小勃弄首領，西南遂定。六月，置祁連州以處薛延陀餘衆。七月，立子忠爲皇太子。是歲，戶三百八十萬。

653 年

癸丑 唐永徽四年

二月，高陽公主及散騎常侍房遺愛等謀反，伏誅；遂殺荆王元景、吳王恪等。四月，林邑王諸葛地遣使入貢。十月，睦州女子陳碩真起事，稱文佳皇帝，陷睦州、桐廬、於潛；發兵擊之，十一月，碩真被俘死。是歲，西突厥乙毗咄陸可汗死，子真珠葉護立，擊沙鉢羅可汗破之。日本遣吉士長丹等入唐，凡一百二十一人，又有僧人、留學生等十四人。復遣高田根磨等入唐，亦一百二十人，又有僧人二，在經薩摩國時船破溺死。是爲第二次遣唐使。

654 年

甲寅 唐永徽五年

正月，特浪羌來降，以其地置劍州。三月，

以太宗才人武氏爲昭儀。四月，大食破波斯，殺其王伊嗣侯；王子卑路斯奔吐火羅，大食兵退，卑路斯還爲王。閏五月，以處月部爲金滿州。十月，雇雍州四萬一千人築長安外郭。是歲大稔，洛中米斗兩錢半、秔米斗十一錢。高句麗遣將與靺鞨攻契丹，敗於新城。日本遣高向玄理等入唐，是爲第三次遣唐使。

655 年

乙卯 唐永徽六年

正月，嵩州道兵破胡叢等蠻。二月，新羅爲高句麗、百濟、靺鞨所侵，遣使求救；遣程名振等擊高句麗。五月，敗高句麗兵於貴端水。遣程知節擊西突厥沙鉢羅可汗。八月始置員外同正官。九月，帝欲立武昭儀爲皇后，長孫無忌、褚遂良等力諫，不聽。十月，廢皇后王氏爲庶人，十一月，冊立武昭儀爲皇后，王后旋爲武后所害。遣使冊西突厥真珠葉護爲可汗，沙鉢羅可汗阻使者不得前；真珠葉護部落多爲沙鉢羅所併。

656 年

丙辰 唐顯慶元年

正月，以太子忠爲梁王，立武后子代王弘爲皇太子。改元。二月，贈武士彠司徒，賜爵周國公。四月，矩州蠻謝無靈起事，旋敗。七月，西洱等部首領來降。八月，程知節大破西突厥歌邏祿、突騎施等部，斬三萬級。龜茲王布失畢來朝。十一月，生羌首領浪我利波等來降，以其地爲二州。十二月，程知節前軍蘇定方大敗西突厥鼠尼施部，欲乘勝深入，知節不許，坐逗留免。是歲，新羅遣王子至唐。

657 年

丁丑 唐顯慶二年

正月，分歌邏祿部，置二都督府。閏正月，命蘇定方率師及回紇等兵擊西突厥沙鉢羅可汗。五月，帝始隔日視事。十二月，蘇定方等大破西突厥，沙鉢羅可汗奔石國，被擒。分其地爲二都護府，以阿史那彌射爲崑陵都護、與昔亡可汗，押五咄陸部；阿史那步真爲濛池都護、繼往絕可汗，押五弩失畢部。以洛陽爲東都。

658 年

戊午 唐顯慶三年

正月，長孫無忌等上所修新禮。龜茲將拒其王，派兵擊定之。龜茲王布失畢死，立其子素稽爲王，兼龜茲都督。五月，徙安西都護府於龜茲，以舊安西爲西州都督，鎮高昌故地。六月，程名振、薛仁貴等敗高句麗兵，拔赤烽嶺。八月，播羅哀僚來降。十月，吐蕃贊普來請婚。

659 年

己未 唐顯慶四年

三月，西突厥與昔亡可汗擊殺眞珠葉護。四月，許敬宗希武后旨，誣長孫無忌謀反，安置黔州，並削奪褚遂良等官爵。六月，改氏族志爲姓氏錄，升后族爲第一，餘悉以仕唐官品高下爲準。七月，許敬宗希武后旨，逼長孫無忌自縊，一時誅貶頗多，自是政歸武后。九月，以石、米、史、大安、小安、曹、拔汗那、怛怛、疏勒、朱駒半等國置州、縣、府百二十七。十月，令山東著姓崔、盧、李、鄭、王不得自爲婚姻。十一月，思結部結疏勒、朱俱波、謁般陀三國抗唐，破于闐；蘇定方擊降之。薛仁貴破高句麗兵於橫山。新

羅請兵於唐，以攻百濟。是歲，日本遣坂合部石布等入唐，一船遭風，五人生還；一船使者以日本援百濟，被扣於長安者十個月。是爲第四次遣唐使。

660 年

庚申 唐顯慶五年

三月，新羅以百濟侵擾，請救；遣蘇定方等擊之。四月，奚、契丹反唐，遣將擊降之，俘契丹首領阿卜固。七月，廢故太子梁王忠爲庶人，徙黔州。八月，吐蕃以吐谷渾附於唐，攻之。蘇定方等自海道至百濟，擊降之，以其地置五都督府，命各部首領爲都督、刺史。思結、拔野古、僕骨、同羅四部騷動，遣將擊定之。十月，帝苦風眩，政事委武后裁決。十二月，命契苾何力、蘇定方等分四道擊高句麗。

661 年

辛酉 唐顯慶六年 龍朔元年

正月，募河南北、淮南六十七州兵擊高句麗。二月，改元龍朔。三月，百濟僧道琛等迎立故王子豐於倭，圍唐守兵；遣劉仁軌會新羅兵擊之。四月，增擊高句麗之兵水陸凡三十五軍。六月，以吐火羅、闐賓、波斯等十六國置都督府八，隸安西都護府。七月，蘇定方圍平壤。九月，契苾何力大破高句麗兵於鴨綠江。十月，鐵勒、回紇、同羅、僕骨等部犯邊，命鄭仁泰、薛仁貴等擊之。是歲，波斯薩珊朝末王耶斯提澤德三世之子卑路斯來唐求救，助其恢復波斯，唐高宗以鞭長莫及，不許。唐封卑路斯爲左威衛將軍，後死於中國。

662 年

壬戌 唐龍朔二年

正月，立波斯都督卑路斯爲波斯王。二月，大改官名，三省爲三臺。龐孝泰與高句麗兵戰於蛇水上，兵敗死之；蘇定方圍平壤不下，解圍而還。三月，薛仁貴敗鐵勒於天山，追入磧北。鄭仁泰縱兵大掠，至仙萼，糧盡而還，人馬死者大半。詔以契苾何力爲鐵勒道安撫使，說降之。七月，劉仁軌等大破百濟，拔真岷等城；百濟遣使請援於倭及高句麗。十二月，蘇海政奉命擊龜茲，聽西突厥繼往絕可汗譖，誘殺興昔亡可汗，繼往絕尋卒，十姓無主，附於吐蕃。西突厥別部擾庭州，刺史來濟死之。

663 年

癸亥 唐龍朔三年

正月，發兵破鐵勒叛者。二月，徙燕然都護府於回紇，改名瀚海，徙故瀚海都護於雲中古城，改名雲中；以磧爲境，南屬雲中，北屬瀚海。四月，右相李義府以賣官聚斂，陰有異圖，下獄，除名，流嶺州。置雞林大都督府於新羅，以其王領之。五月，柳州蠻吳君解起事，發兵擊之。吐谷渾爲吐蕃所攻，可汗曷鉢奔涼州，請內徙；發兵屯涼、鄯備吐蕃，繼又發兵援吐谷渾。八月，罷三十六州造船之役。九月，劉仁軌等大破倭援百濟之兵於白江口。百濟王扶餘豐奔高句麗，王子忠勝等降，百濟盡平。仁軌屯田百濟，以圖高句麗。十二月，詔改來年元。西突厥弓月部攻于闐；發兵救之。是歲，大食破波斯、拂菻，侵婆羅門，吞滅諸胡。

664 年

甲子 唐麟德元年

正月，改雲中都護爲單于大都護。五月，於昆明之弄棟川置姚州都督府。十月，遣兵代戍熊津。十二月，殺宰相上官儀，賜廢太子

梁王忠死。自是政無大小皆歸武后，天下稱“二聖”。是歲，玄奘死。新羅初令女子效華裝。遣人至熊津學唐樂。劉仁軌遣郭務悰等至日本。

665 年

乙丑 唐麟德二年

正月，吐蕃請與吐谷渾和親及赤水地，拒之。閏三月，疏勒引吐蕃侵于闐；發兵救之。五月，撰麟德曆行之，以代戊寅曆。十月，武后以將行封禪禮，表請參與奠獻；詔禪社首以后爲亞獻。是歲，以比歲豐稔，斗米五錢，麥豆不列於市。是時，太僕有馬七十萬匹，分八坊、四十八監領之。日本遣守大石等送唐使郭務悰等回，因便入唐，是爲第五次遣唐使。

666 年

丙寅 唐乾封元年

正月，行封禪禮於泰山、社首，東自高句麗、新羅、倭，西至波斯、烏菟諸國皆來助祭。還至曲阜，祀孔子，尊爲太師。三月，至亳州，尊老子爲太上玄元皇帝。五月，鑄乾封元寶錢，一當十。高麗莫離支泉蓋蘇文死，子男生繼之，爲其弟男建所逐，遣使求救。六月，遣契苾何力、龐同善等擊高句麗。七月，以劉仁軌爲右相。九月，龐同善破高句麗兵，與泉男生合軍。十二月，遣李勣爲遼東大總管攻高句麗。是歲，令狐德棻死。

667 年

丁卯 唐乾封二年

正月，以乾封錢行，物價踊貴，罷之，復行開元通寶錢。二月，前於羌地所置諸州皆爲吐蕃所破，悉罷之。九月，李勣拔高句麗新城，又連下十六城。高句麗襲別軍，薛仁貴大

破之於金山，拔三城。是歲，海南僚陷瓊州。唐將劉仁願遣司馬法聰等送日本使回，日本因遣伊吉博德等送唐使，至百濟。是爲第六次遣唐使。

668 年

戊辰 唐乾封三年 總章元年

二月，薛仁貴拔高句麗扶餘城，扶餘川中四十餘城皆下；李勣又破高句麗兵於薩賀水，拔大行城。三月，改元總章。九月，李勣拔平壤，高句麗王臧降，俘泉男建及百濟王豐，高麗悉平。十二月，分高句麗五部、六十九萬餘戶爲九都督府、四十二州，置安東都護府於平壤，留兵二萬戍其地。

669 年

己巳 唐總章二年

四月，徙高句麗戶三萬八千二百於江、淮之南及山南、京西諸州，留其貧弱者守安東。八月，改瀚海都護府爲安北。是歲，裴行儉等定銓注法，後爲永制。李勣死。日本遣河內鯨等入唐，是爲第七次遣唐使。唐使郭務悰等二千餘人至日本。

670 年

庚午 唐總章三年 咸亨元年

三月，改元咸亨。敕突厥酋長子弟給事東宮。四月，以吐蕃陷西域十八州，又結于闐陷龜茲撥換城，罷龜茲、于闐、焉耆、疎勒四鎮；遣薛仁貴等擊吐蕃，且援送吐谷渾還故地。高句麗劍牟岑起事，遣高侃擊之。八月，薛仁貴等擊吐蕃，大敗於大非川，與吐蕃約和而還。十月，詔官名皆復舊。

671 年

辛未 唐咸亨二年

四月，以西突厥阿史那都支爲匭延都督，安集五咄陸。七月，高侃破高句麗餘衆於安市城，尋又敗之於泉山，俘新羅援兵二千。是歲，僧義淨如天竺求佛經。唐使郭務悰等六百人至日本。

672 年

壬申 唐咸亨三年

正月，姚州蠻起事，遣梁積壽擊之。昆明蠻十四姓、二萬三千戶來降，置三州。二月，徙吐谷渾於靈州，以其部落置安樂州，可汗諾曷鉢爲刺史；吐谷渾故地皆入於吐蕃。四月，吐蕃貢使來，遣使報聘。十二月，高侃破高句麗餘衆於白水山，又敗新羅援高句麗之師。

673 年

癸酉 唐咸亨四年

三月，詔改修國史。閏五月，燕山道總管棘靺人李謹行大破高句麗餘衆於靑蘆河，殘部皆奔新羅。十二月，弓月、疎勒二王來降。是歲，閻立本死。

674 年

甲戌 唐咸亨五年 上元元年

正月，以新羅王金法敏納高句麗逃人，據百濟故地，遣劉仁軌等擊之。八月，帝稱天皇，武后稱天后，改元上元。改品官至庶人章服制。十二月，于闐王尉遲伏闐雄、波斯王卑路斯來朝。以武后請，詔王公以下習老子，舉明經者加試老子，及父在爲母服齊衰三年。

675 年

乙亥 唐上元二年

正月，以于闐國爲毗沙都督府，其王爲都督。吐蕃遣使來請和，且與吐谷渾修好，拒之。

二月，劉仁軌大破新羅於七重城，新羅遣使入貢謝罪。三月，帝苦風眩，議使武后攝政，宰相郝處俊諫止之。武后引文學之士撰列女傳、臣軌、百僚新戒、樂書，凡千餘卷；且密令參決疏奏，以分宰相之權，時號北門學士。四月，皇太子弘死，人以爲武后所酖，追諡孝敬皇帝。六月，立雍王賢爲皇太子。是歲，王勃死。

676 年

丙子 唐上元三年 儀鳳元年

正月，納州僚起事，發黔州兵擊之。二月，徙安東都護府於遼東故城，華人任東官者皆罷之；又徙熊津都督府於建安故城；其百濟人先徙於徐、亮等州者皆還置於建安。三月，吐蕃擾鄯州等，遣十二總管督師擊之。八月，吐蕃擾疊州。行南選法，凡桂、廣、交、黔四府官銓選，遣京官往其地注擬。十一月，改元儀鳳。十二月，遣官爲大使，巡撫河北、河南、江南等道。

677 年

丁丑 唐儀鳳二年

二月，遣還故高句麗王高臧，以爲遼東州都督，封朝鮮王；高句麗人在內地者從之歸；又遣還故百濟王扶餘隆，以爲熊津都督，封帶方王；移安東都護府於新城以統之。高臧還至遼東謀叛，召還，散其衆於河南、隴右。高句麗人沒於新羅者多散入靺鞨、突厥。扶餘隆亦不敢歸，於是高氏、扶餘氏皆亡。五月，吐蕃擾扶州。十二月，大發兵擊吐蕃。

678 年

戊寅 唐儀鳳三年

正月，百官及四裔諸部族首領朝武后。遣官分往河南北募猛士。七月，李敬玄破吐蕃於

龍支。九月，李敬玄大敗於青海上，將士多爲吐蕃所虜。

679 年

己卯 唐儀鳳四年 調露元年

二月，吐蕃贊普死，子器弩悉弄立。六月，改元調露。西突厥阿史那都支結吐蕃侵安西，會波斯王卑路斯死，冊其質子泥涅師爲波斯王，遣裴行儉送之歸國，便圖都支。七月，行儉擒都支，遣波斯王自歸其國，留王方翼於安西，使築碎葉城。十月，單于大都護府突厥阿史德溫傳、奉職二部擁阿史那泥熱匄爲可汗起事，二十四州首領皆應之；遣蕭嗣業等擊之，大敗。突厥擾定州，遣將備之。突厥誘奚、契丹共擾營州，敗走。文成公主遣使來告喪，並爲贊普器弩悉弄請婚。十一月，遣裴行儉等擊突厥。

680 年

庚辰 唐調露二年 永隆元年

三月，裴行儉等大破突厥於黑山，俘奉職可汗，泥熱匄爲部下所殺，餘衆走保狼山。七月，吐蕃擾河源，守將黑齒常之擊却之。時吐蕃已陷茂州安戎城，西洱諸部落皆降之。於是吐蕃盡據諸羌地，東接涼、松、茂、嶲等州，西陷龜茲、疎勒四鎮，南接天竺，北抵突厥，聲勢甚盛。突厥殘衆圍雲州，敗遁。八月，廢太子賢爲庶人，立英王哲（本名顯）爲皇太子，改元永隆。

681 年

辛巳 唐永隆二年 開耀元年

正月，突厥殘部擾原、慶等州。突厥阿史那伏念自立爲可汗，結阿史德溫傳；遣裴行儉擊之，別將曹懷舜大敗，與伏念結盟而還。五月，黑齒常之破吐蕃於良非川。七月，夏州

羣牧使奏自調露元年九月以來喪馬十八萬匹，吏卒爲胡所殺者八百餘人。薛延陀達渾等五州來降。裴行儉擊降伏念，俘溫傳，盡平突厥殘部。十月，改元開耀。

682 年

壬午 唐開耀二年 永淳元年

二月，改元永淳。西突厥阿史那車薄帥十姓起事，四月，圍弓月城；王方翼破之於伊麗水，又破之於熱海，擒其首領三百餘人，事平。七月，吐蕃擾柘、松、翼等州。是歲，突厥阿史那骨篤祿、阿史德元珍等據黑沙城起事，擾并州，殺嵐州刺史；薛仁貴大破之，俘二萬餘人。裴行儉死。

683 年

癸未 唐永淳二年 弘道元年

二月，突厥擾定州、嬀州。三月，骨篤祿等圍單于都護府，遣將襲之。四月，綏州稽胡步落稽部白鐵余詐稱佛光見，聚衆據城平縣，自稱光明聖皇帝，大攻掠，程務挺、王方翼等擊平之。五月，骨篤祿擾蔚州，殺刺史，俘豐州都督。六月，突厥擾嵐州。十一月，遣程務挺等擊骨篤祿。十二月，改元弘道，高宗死，太子顯嗣，是爲中宗；遺詔大事取決武后。

684 年

甲申 唐中宗李顯嗣聖元年 睿宗李旦文明元年 光宅元年

正月，改元嗣聖。二月，武后廢帝爲廬陵王，立豫王旦爲皇帝，改元文明，政事一決於武后，皇帝居別殿，不得有所預。告密之端起。三月，逼廢太子賢自殺。四月，遷廬陵王於房州，又於均州。七月，廣州都督路元叔縱屬侵商胡，爲崑崙所殺。骨篤祿擾朔

州。九月，改元光宅，易旗幟及八品以下服色，改東都爲神都，又改官名。立武氏七廟。徐敬業等起兵揚州，移檄聲討武后，敬業自號匡復府上將，領揚州大都督；武后遣李孝逸等擊之。宰相裴炎忤武后，被誣謀反，下獄死。十一月，徐敬業兵敗，爲部下所殺，事平。十二月，誣單于道安撫大使程務挺與徐敬業通謀，殺之，流夏州都督王方翼於崖州。

685 年

乙酉 唐垂拱元年

正月，改元。二月，朝堂設登聞鼓及肺石，有撾鼓立石者，令御史受狀以聞。三月，遷廬陵王於房州。四月，骨篤祿擾代州，殺五千人。五月，令內外九品以上及百姓皆得自舉。六月，同羅、僕骨等部起事，尋敗散；令僑置安北都護府於同城以納降者。九月，廣州僚起事，旋敗。十一月，遣韋待價擊吐蕃。以突厥興昔亡可汗子元慶爲崑陵都護，襲可汗號，押五咄陸部。以僧懷義爲白馬寺主；懷義幸於武后，縱橫犯法，人莫敢言。

686 年

丙戌 唐垂拱二年

正月，武后歸政於睿宗，尋復稱制。三月，武后命鑄銅匱受密奏，告密之風大起。九月，命西突厥繼往絕可汗子斛瑟羅襲可汗號，押五弩失畢部。是歲，新羅遣使如唐，請禮典及詞章。唐以故高句麗王臧孫寶元爲朝鮮郡王；又以故百濟王義慈孫敏爲百濟王。

687 年

丁亥 唐垂拱三年

二月，骨篤祿等擾昌平，遣黑齒常之等擊之。七月，交趾都護劉延祐苛征，俚戶起事殺之，

旋平。骨篤祿等擾朔州，黑齒常之等大破之於黃花堆。九月，虢州人楊初成矯制募人迎廬陵王，事覺，死。十月，骨篤祿大敗追兵；制改其名爲“不卒祿”。十一月，罷御史監軍之制。是歲大饑，山東、關內尤甚。

688 年

戊子 唐垂拱四年

二月，太后毀乾元殿，作明堂。武承嗣僞以白石爲寶圖，稱得於洛水獻之，五月，武后加尊號爲聖母神皇，作神皇璽，稱寶圖爲天授聖圖，洛水爲永昌洛水，祭比四瀆，改嵩山爲神嶽。八月，博州刺史琅邪王冲起兵，凡七日而敗。豫州刺史越王貞亦起事，兵敗自殺。於是武后大殺唐宗室及與有連者。十二月，明堂成，號曰萬象神宮。

689 年

己丑 唐永昌元年 載初元年

二月，武后追尊其父爲太皇，母爲太后。五月，遣韋待價擊吐蕃。浪穹州蠻二十五部來降。遣僧懷義擊突厥，至紫河，不見敵，刻石紀功而還。七月，韋待價大敗於寅識迦河。九月，遣僧懷義擊骨篤祿。閏九月，周興等羅織故相魏玄同，賜死，內外大臣坐死及流貶者甚多。十一月，用周正，改此月爲載初元年正月，十二月爲臘月，明年正月爲一月。宗秦客改造天地等十二字以獻，頒行之，武后自名聖，改詔曰制。周興奏除唐宗室屬籍。

690 年

庚寅 唐載初元年 周聖神皇帝武曌天授元年

二月，武后親策貢士；殿試自此始。告密者紛紛，朝士人人自危，置制獄於麗景門，下獄

者非死不出，因呼曰“例竟門”。僧法明等撰大雲經上之，謂武后爲彌勒佛下生，當代唐爲主，制頒天下。八月，殺故太子賢二子，唐之宗王存者無幾。九月，侍御史傅游藝帥關中百姓九百人上表請改國號曰周，賜皇帝姓武氏；百官、百姓、四裔首領、沙門、道士合六萬人，俱上表如游藝所請。皇帝亦表請賜姓武氏。武后可其請，以唐爲周，改元天授，后稱聖神皇帝，以皇帝爲皇嗣，賜姓武氏，立武氏七廟，追尊周文王曰始祖文皇帝，封武氏多人爲王，天下武氏皆免課役。十月，西突厥繼往絕可汗斛瑟羅爲東突厥所侵，率餘衆六七萬人入居內地，改號竭忠事主可汗。

691 年

辛卯 周天授二年

四月，升釋教於道教之上。七月，徙關內數十萬戶實洛陽。九月，以狄仁傑爲相。遣使存撫諸道。

692 年

壬辰 周天授三年 如意元年 長壽元年
臘月，立故于闐王尉遲伏闍雄子瑕爲王。一月，武后引見存撫使所舉人，悉加擢用，由試鳳閣舍人至試校書郎有差；試官自此始。二月，吐蕃党項萬餘人來降，分置十州。四月，改元如意。五月，吐蕃首領曷蘇請降，事泄，爲國人所執，別部首領誦誦請降，置萊川州。七月，諸臣多言酷吏之害，自是制獄少衰，時唐宗室、貴戚及大臣被羅織死亡流徙者已數百家，刺史、郎將以下冤死者無數。九月，改元長壽。於并州置北都。十月，遣王孝傑等擊吐蕃，大破之，復四鎮，又置安西都護於龜茲。

693 年

癸巳 周長壽二年

正月，令宰相撰時政記，月送史館；時政記自此始。一月，罷舉人習老子，更習武后所撰臣軌。二月，大殺諸道流人。九月，武后加尊號曰金輪聖神皇帝。

694 年

甲午 周長壽三年 延載元年

正月，突厥可汗骨篤祿死，弟默啜立，臘月，擾靈州。室韋反唐，李多祚擊破之。二月，王孝傑大破吐蕃、突厥於冷泉。遣僧懷義擊默啜。五月，武后加尊號為越古金輪聖神皇帝，改元延載。六月，永昌蠻二十餘萬戶來降。十月，嶺南僚起事，遣張玄遇擊之。

695 年

乙未 周證聖元年 天冊萬歲元年

正月，武后加尊號為慈氏越古金輪聖神皇帝，改元證聖。明堂火。一月，遣王孝傑擊突厥。二月，武后去“慈氏越古”之號。誅僧懷義。四月，鑄天樞成，名曰“大周萬國頌德天樞”。七月，吐蕃擾臨洮，遣王孝傑擊之。九月，武后自號天冊金輪大聖皇帝，改元天冊萬歲。十月，默啜請降，封歸國公。

696 年

丙申 周天冊萬歲二年 萬歲登封元年
萬歲通天元年

臘月，武后封禪神嶽少室，普免一年租稅。改元萬歲登封。一月，遣婁師德擊吐蕃。三月，王孝傑、婁師德與吐蕃戰於素羅汗山，大敗。新明堂成，名曰通天宮，改元萬歲通天。五月，營州契丹李盡忠、孫萬榮等起事，陷州城，殺都督，盡忠自稱無上可汗；遣

曹仁師等擊之。自是營州都督徙治幽州漁陽。七月，改李盡忠為“李盡滅”，孫萬榮為“孫萬斬”。萬榮圍檀州，不克。八月，曹仁師等戰契丹於硤石谷，大敗，全軍幾盡。九月，發繫囚及土庶家奴驍勇者，官給其值以擊契丹，令山東近邊諸州置武騎團兵。突厥擾涼州，執都督。吐蕃遣使請和親，命郭元振征覘之。默啜請悉歸河西降戶，帥家擊契丹，授為遷善可汗。十月，李盡忠死，孫萬榮代領其衆。默啜襲虜萬榮妻子，進封頡利施大單于立功報國可汗。孫萬榮陷冀州，殺刺史，屠吏民數千人，又擾瀛州。

697 年

丁酉 周萬歲通天二年 神功元年

正月，默啜擾靈州。武懿宗治劉思禮謀反事，誣引朝士三十六家皆族滅，流竄者千餘人。張易之、張昌宗入侍武后。默啜擾勝州，敗遁。三月，王孝傑等擊契丹於東硤石谷，大敗，孝傑死之；契丹乘勝陷幽州。默啜求豐、勝、靈、夏、朔、代六州突厥降戶及單于都護府之地及穀帛緇鐵農具，皆允之。四月，鑄九鼎成。五月，大發兵擊契丹。六月，誅酷吏來俊臣，其肉盡為仇家所噉。契丹游兵屠趙州。默啜襲契丹新城，盡俘以歸。奚人叛孫萬榮相攻，唐兵乘之，萬榮大敗，逃至潞水東，為部下所殺；契丹餘衆及奚、霫皆降於突厥。七月，昆明來降。九月，改元神功。十月，始置員外官數千人。

698 年

戊戌 周聖曆元年

正月，改元聖曆。三月，召廬陵王還。六月，命武延秀入突厥，納默啜女。八月，延秀至黑沙，默啜拘之，不許婚，發兵擾媯、檀等州，陷定州、趙州，聲言將取河北；遣將擊

之，改默啜爲“斬啜”。九月，立盧陵王爲皇太子，命爲元帥擊突厥，狄仁傑副之。默啜盡殺所掠趙、定之人萬餘北歸。

699 年

己亥 周聖曆二年

臘月，賜太子姓武氏。河南北置武騎團，以備突厥。四月，吐蕃內闕，其相論欽陵自殺，大將贊婆、欽陵子弓仁以所統吐谷渾七千帳來降。七月，吐谷渾千四百帳來降。八月，突騎施烏質勒遣子來朝。是歲，默啜立其弟姪爲左右廂察，子匐俱爲拓西可汗。唐以故高句麗王臧孫德武爲安東都督。

700 年

庚子 周聖曆三年 久視元年

臘月，命西突厥竭忠事主可汗斛瑟羅鎮碎葉。三月，以吐谷渾青海王宣超爲烏地也拔勤忠可汗。五月，改元久視。武后去“天冊金輪大聖”之號。六月，命張易之等修三教珠英。契丹將李楷固、駱務整來降，使之擊平契丹餘黨。閏七月，吐蕃擾涼州，圍昌松，唐休璟大破之。九月，西突厥弩失畢部阿悉結薄露反唐，旋平。十月，復以正月爲十一月，一月爲正月。十二月，突厥掠隴右諸監馬萬餘匹。是歲，狄仁傑死。

701 年

辛丑 周大足元年 長安元年

正月，改元大足。八月，默啜擾邊。十月，改元長安。十一月，以郭元振爲涼州都督。元振到州，築要壘，開屯田，在邊十年。軍糧充足，殘羊被野。是歲，日本遣粟田真人等入唐，是爲第八次遣唐使。

702 年

壬寅 周長安二年

正月，初設武舉。突厥擾鹽州、夏州。三月，突厥破石嶺，擾并州；遣將拒之。七月，突厥擾代州。九月，突厥擾忻州。吐蕃遣使請和。十月，吐蕃擾茂州，敗還。十二月，置北庭都護府於庭州。

703 年

癸卯 周長安三年

四月，吐蕃獻馬求婚。閏四月，新羅王金理洪死，使冊其弟崇基爲王。六月，默啜請以女妻太子之子。七月，突騎施烏質勒與西突厥相攻，陷碎葉，可汗斛瑟羅歸朝不敢還。十一月，默啜遣使謝許婚。始安僚歐陽倩爲官吏侵陵起事，旋撫定之。是歲，分遣使者以六條察州、縣。吐蕃南部亂，贊普器弩悉弄擊之，死於軍中，諸子爭立，後以棄隸踏贊爲贊普。

704 年

甲辰 周長安四年

正月，以阿史那懷道爲西突厥十姓可汗。十二月，敕大足以來新置官並停。

705 年

乙巳 唐中宗神龍元年

正月，改元神龍。張柬之等擁太子顯，殺張易之、張昌宗等，武后尋傳位太子，上武后尊號曰則天大聖皇帝。二月，復唐國號，仍用神龍年號，以神都爲東都，北都爲并州。復立韋氏爲皇后。韋后與帝備嘗艱危，及帝復位，每臨朝，后卽施帷幔坐殿上，預聞政事。五月，張柬之等勸帝誅諸武，不聽，反親武三思，繼封柬之等爲王，罷知政事。韋后表請

百姓年二十三爲丁，五十九免役，從之。六月，命右僕射豆盧欽望有軍國重事可共平章。僕射本爲正相，後多兼門下、中書之職，欽望專爲僕射，不敢預政，故有是命；自是專拜僕射者不復爲宰相。十一月，帝加尊號曰應天皇帝，韋后曰順天皇后。武后死，遺制去帝號，稱則天大聖皇后。是歲，戶六百十五萬，口三千七百一十四萬有奇。

706 年

丙午 唐神龍二年

閏正月，太平等七公主皆開府，置官屬。二月，僧慧範等賜爵郡縣公，道士史崇恩等爲國子祭酒、同正。選官二十人爲十道巡察使，委之察吏、撫人、薦賢、直獄，二年一代。三月，大置員外官，凡二千餘人。五月，欽州蠻帥寧承基曾殺韋后兄弟四人，至是命廣州都督討之，殺其部衆殆盡。七月，立衛王重俊爲皇太子。武三思誣張柬之等五人謀大逆，皆流之惡地，柬之等二人尋死，三思矯制遣人殺餘三人。十二月，默啜擾鳴沙，大敗唐兵；尋擾原、會等州，掠牧馬萬餘而去。突騎施烏質勒死，以其子娑葛襲噶鹿州都督、懷德王。

707 年

丁未 唐神龍三年 景龍元年

三月，吐蕃遣使入貢；四月，以金城公主妻其贊普。六月，姚州蠻反唐，旋敗。七月，太子重俊矯制發兵殺武三思等，攻宮城，敗死。八月，帝加尊號曰應天神龍皇帝，韋后曰順天翊聖皇后。九月，改元景龍。十月，張仁愿大破突厥。

708 年

戊申 唐景龍二年

三月，張仁愿乘默啜擊突騎施，築三受降城於河上，自是減鎮兵數萬人，突厥不敢度山擾掠。四月，置修文館學士，以公卿善爲文者充其選。安樂公主等依勢賣官，墨敕斜封官凡數千人，率不由中書門下，東西京參選者歲數萬人。十一月，突騎施娑葛憤宰相宗楚客受賄相圖，自立爲可汗，殺唐使者，遣兵分四道入，陷安西。

709 年

己酉 唐景龍三年

七月，突騎施娑葛請降，拜欽化可汗，賜名守忠。十一月，河南巡察使請改食實封者收租之制，不從。時食實封者凡百四十餘家，應出封戶者凡五十四州，丁絹百二十餘萬匹，過於太府所徵。是歲，關中饑。

710 年

庚戌 唐景龍四年 少帝唐隆元年 睿宗李旦景雲元年

四月，定州人郎叟上書，言韋后、宗楚客將爲逆亂；殺之。五月，許州司兵參軍燕欽融上書，言韋后淫亂，宗楚客等圖危宗社；楚客矯制殺之，帝不悅，韋后等懼。六月，帝食餅中毒死。立溫王重茂爲皇太子，尋卽帝位，是爲少帝，改元唐隆；韋后臨朝攝政，南北軍諸要司皆命韋氏子弟。謀害相王旦，旦子臨淄王隆基結禁軍豪士起事，殺韋后及其徒黨，諸韋死者甚多，武氏宗屬亦流竄殆盡。尋迫少帝遜位，仍爲溫王，相王卽位，是爲睿宗，立隆基爲皇太子。七月，改元景雲。八月，譙王重福圖入洛陽起事，未成，自溺死。以萬騎補外官，更置飛騎。停先朝斜封官凡數千人。十月，以幽州鎮守經略節度大使薛訥爲左武衛大將軍兼幽州都督；節度使之名自訥

始。十二月，奚、霫入漁陽、雍奴，大掠而去。置河西節度支度營田等使，領七州，治涼州。姚州蠻苦官吏侵暴，引吐蕃殺官。吐蕃路請河西九曲地，與之。

711 年

辛亥 唐景雲二年

正月，突厥可汗默啜請和，許之。二月，斜封官停任者並量材敘用。以左右萬騎、左右羽林爲北門四軍。五月，遣使按察十道；嗣分山南爲東西道、隴右分置河西道。七月，減三受降城戍兵十萬人。十一月，令百姓二十五入軍，五十五免。十二月，以興昔亡可汗阿史那獻爲招慰十姓使。是歲，東突厥可汗默啜，虜西突厥可汗，滅其國。

712 年

壬子 唐太極元年 延和元年 玄宗李隆基先天元年

正月，改元。五月，益州僚起事。改元延和。六月，幽州大都督孫佺擬復營州，襲奚、契丹，敗於冷陁，奚俘之，獻於突厥，默啜殺之。八月，睿宗傳位太子隆基，自稱太上皇；隆基即位，是爲玄宗，改元先天。置渤海、恒陽、懷柔三軍，屯兵五萬。十月，西突厥處月別部沙陀首領朱邪氏遣使入貢。十一月，奚、契丹擾漁陽，大掠而去。

713 年

癸丑 唐先天二年 開元元年

正月，令衛士二十五入軍，五十免；羽林飛騎並以衛士簡補。二月，以秣鞞大祚榮所部爲忽汗州，以祚榮爲都督，封渤海郡王。祚榮居東牟山，自稱振國王。七月，太平公主結宰相等陰謀廢帝，帝與郭元振等先發，殺助逆者，賜公主死；以宦官高力士有功，破格命爲

右監門將軍、知內侍省事；宦官之盛自此始。八月，默啜求婚，許妻以南和縣主。九月，置右御史臺督諸州，罷諸道按察使。十一月，帝加尊號爲開元神武皇帝。十二月，改元開元。改官名，雍、洛二州皆爲府。吐蕃遣使請和。

714 年

甲寅 唐開元二年

正月，定內外官出入恆式：選京官有才識者除都督、刺史，有政迹者除京官，使出入常均，永爲恆式。罷太常掌俗樂，置左右教坊以司之；又選樂工教法典於梨園，選伎女置宜春院。中宗以來，富戶強丁多削髮避徭役，詔沙汰僧尼，還俗者萬二千人。并州長史、和戎、大武等軍節度大使薛訥請擊契丹，許之。二月，默啜遣子同俄特勤等攻北庭，都護郭虔瓘敗之，斬同俄。閏二月，徙安北大都護府於中受降城，置兵屯田。復置十道按察使。三月，西突厥十姓首領都擔起事，磧西節度使阿史那獻擊斬之，降其部落二萬餘帳。毀天樞。四月，默啜復遣使請婚，自稱“乾和永清大駙馬、天上得果報天男、突厥聖天骨咄祿可汗”。五月，罷員外、試、檢校官。吐蕃請正二國封疆，然後結盟；六月，吐蕃使其宰相獻盟書。七月，薛訥擊契丹，大敗於深水山峽中。八月，吐蕃擾臨洮軍，至渭源掠牧馬；遣薛訥等擊之。九月，敕諸州修常平倉法。突厥、葛邏祿等部詣涼州降。十月，薛訥等大破吐蕃於武街，殺獲萬人。突厥十姓胡祿屋等部詣北庭降。吐蕃請和，用敵國體，不許，自是連歲擾邊。十二月，沙陀首領來朝。置隴右節度大使，領鄯、秦、河、渭、蘭、臨、武、洮、岷、郭、疊、宕十二州。立次子郢王嗣謙爲皇太子。是歲，置幽州節度經略鎮守大使，領幽、易、平、

檀、媯、燕六州。突騎施可汗守忠弟遮弩誘突厥攻其兄，默啜擊虜守忠，並遮弩殺之。徙安東都護府於平州。小勃律王入朝，詔以其地爲綏遠軍。

715 年

乙卯 唐開元三年

二月，突厥跌跌都督思泰等帥衆來降，並前十姓降者萬餘帳，皆以河南地處之。三月，西突厥胡祿屋首領等來朝。默啜侵葛邏祿，胡祿屋、鼠尼施等部救之。七月，九姓思結都督等來降。西南夷擾邊，發巴梁等六州兵擊之。遣薛訥等擊突厥。十一月，命郭虔瓘兼安西大都護、四鎮經略大使，募兵萬人，赴安西。拔汗那爲吐蕃與大食所侵，其王奔安西求救；張孝嵩等發兵援之，大捷，康居等國皆遣使請降。十二月，突騎施可汗蘇祿遣使來朝，授金方道經略大使。

716 年

丙辰 唐開元四年

二月，吐蕃陷松州，旋爲州兵所敗。六月，睿宗死。默啜破拔曳固於獨樂水，歸途爲拔曳固敗兵所殺，於是拔曳固、同紇、同羅、霫、僕固五部來降。默啜子小可汗立，旋爲骨篤祿之子闕特勤所殺，立默棘連爲毗伽可汗。八月，契丹李失活、奚李大酺帥部來降；以失活爲松漠都督，其八部首領爲刺史，大酺爲饒樂都督。吐蕃請和，許之。十月，突厥跌跌等部降者多遁歸毗伽可汗，發兵追之，斬獲三千級。十二月，罷十道按察使。是歲，日本遣多治比縣守等入唐，同行者有吉備眞備等，共五百五十餘人。是爲第九次遣唐使。東突厥可汗默啜爲人襲殺後，西突厥別種騎突施族將軍蘇祿鳩集族人，自立

爲可汗，統一中亞細亞西部，國勢甚強。

717 年

丁巳 唐開元五年

三月，復置營州都督於柳城，兼平盧軍使。七月，隴右節度使郭知運大破吐蕃於九曲。突騎施引大食、吐蕃圍大石城，謀取四鎮；發三姓葛邏祿及十姓可汗阿史那獻兵擊之。置天兵軍使於太原北，鎮撫突厥降戶。以明堂爲乾元殿。九月，復舊官名，令史官隨宰相入侍，群臣對仗奏事。十二月，以東平王外孫楊氏爲永樂公主，妻契丹首領李失活。訪求逸書，編校於乾元殿。是歲，新羅王子守忠自唐携孔子及七十二弟子畫像回國，置於太學。

718 年

戊午 唐開元六年

正月，突厥毗伽可汗請和，許之。禁惡錢，重二銖四分以上乃得行，斂民間惡錢鎔之更鑄。二月，移蔚州橫野軍於山北，屯兵三萬爲九姓之援，以拔曳固等部首領爲討擊大使，皆受天兵軍節度。五月，以突騎施蘇祿爲金方道經略大使。契丹首領李失活死，弟婆固代之。八月，始加賦以給官俸。十一月，吐蕃請和，乞帝亦親署誓文，嗣又再請，帝不許。

719 年

己未 唐開元七年

二月，俱密、康、安三國爲大食所侵，遣使求援。三月，渤海王大祚榮死，子武藝嗣。十月，冊突騎施蘇祿爲忠順可汗。是歲，置劍南節度使，領益、彭等二十五州。

720 年

庚申 唐開元八年

正月，弛錢禁，惡錢復行。二月，敕減衛士應役年限。四月，以烏菴、骨咄、俱密三國不聽大食之誘，遣使賜之冊命。五月，復置十道按察使。六月，僕固都督勾磨及跌跌部落謀引突厥入掠朔方，大使王唆誘殺之於受降城，十一月，王唆結拔悉密等部襲突厥，拔悉密部盡爲突厥所虜。突厥因擾甘、涼等州，敗唐兵，掠契苾部而去。契丹牙將可突干殺其主李婆固及奚王李大酺，立鬱干爲主，遣使請罪；赦之，以鬱干爲松漠都督，李大酺弟魯蘇爲饒樂都督。

721 年

辛酉 唐開元九年

正月，改蒲州爲河中府，置中都。二月，突厥毗伽可汗請和，許之。遣使宇文融等勸農括逃戶，凡得戶八十餘萬，田稱之。四月，蘭池州胡康待賓誘諸降戶反唐，陷六胡州；遣王唆等擊之。六月，罷中都河中府復爲蒲州。七月，王唆等大破康待賓，擒斬之，殺胡萬五千人。時諸胡又結黨項謀攻銀城、連谷，張說擊破之；黨項倒戈攻胡；說奏置麟州以撫黨項餘衆。十一月，元行沖上羣書目錄，凡書四萬八千六百六十九卷。十二月，置朔方節度使，領單于都護府、夏、鹽等六州、定遠、豐安二軍、三受降城。造新曆及黃道遊儀。是歲，姚崇、劉知幾死。

422 年

壬戌 唐開元十年

正月，命收公廩錢，以稅充百官俸，又收職田，畝給粟二斗。五月，以餘姚縣主女慕容氏爲燕郡公主，妻契丹王鬱干。八月，安南梅叔焉等起事，遣驃騎將軍兼內侍楊思勗擊敗之。九月，左領軍兵曹權楚璧等謀亂，立其

兄子梁山爲光帝，擁數百人入宮，敗死。小勃律爲吐蕃所攻，求救於北庭節度使；發兵救之，大破吐蕃。康待賓餘黨康願子自稱可汗，張說擊擒之，因徙河曲六州胡五萬餘口於許、汝、唐、鄧、仙、豫等州。緣邊戍軍六十餘萬，張說奏減三分之一使還農。時府兵多逃亡，說請召募壯士充宿衛，許之。兵農之分自此始。十二月，以十姓可汗阿史那懷道女爲交河公主，嫁突騎施可汗蘇祿。

723 年

癸亥 唐開元十一年

正月，以并州爲太原府，置北都。二月，罷天兵、大武等軍，以大同軍爲太原以北節度使，領太原等十州。五月，置麗正書院，聚文學之士，或修書，或侍講。九月，吐谷渾去吐蕃，詣沙州降。十一月，選京兆、蒲、同、華、岐州府兵及白丁十二萬，謂之長從宿衛，一年兩番，州縣不得役使。是歲，改政事堂曰中書門下，列五房於後，分掌庶政。新羅遣使如唐獻美女，帝遣歸。

724 年

甲子 唐開元十二年

三月，命太史監於河南北平地測日晷及極星。五月，停諸道按察使。六月，遣勸農使宇文融巡行州縣，議賦役。七月，突厥毗伽可汗遣使請婚，拒之。溪州蠻覃行璋起事，遣兵擊敗之，殺三萬人。十月，謝驛國王遣使奏金城公主欲向之借兵拒吐蕃。是歲，契丹王李鬱干死，弟吐干嗣。尋吐干與可突干不相能，携公主來奔，可突干立李盡忠弟邵固爲主。是歲，新羅遣使來。

725 年

乙丑 唐開元十三年

二月，更長從宿衛士曰彊騎，分隸十二衛。
三月，禁錮酷吏來俊臣等子孫。 四月，更集仙殿爲集賢殿，置學士、直學士等員。 遣使於突厥，告以將行封禪；突厥遣使入貢，藉陪祠。 五月，劉定高以迷信聚衆，攻通洛門，敗死。 十月，作水運渾天儀及地平令儀成。 十一月，帝封泰山，禪社首。 十二月，以契丹王邵固爲靜折軍經略大使。 于闐王尉遲眺陰結突厥及諸國謀反唐，安西副大都護殺之，更爲立王。 是歲，青、齊斗米五錢，粟三錢。 垂拱後，馬耗太半，至是漸孳生至四十三萬匹。

726 年

丙寅 唐開元十四年

正月，命張說修五禮。 以帝從甥陳氏爲東華公主，妻契丹王李邵固；以成安公主女韋氏爲東光公主，妻奚王李魯蘇。 二月，邕州封陵僚梁大海等據賓、橫二州，遣內侍楊思勗擊之。 四月，分置北平、恒陽、唐興、高陽、橫海等軍於定、恒、莫、易、滄等州，以備突厥。 十月，黑水靺鞨遣使來朝，以其國爲黑水州。 十二月，楊思勗擒梁大海等三千餘人，殺萬人。 是歲，戶七百六萬九千五百六十五，口四千一百四十一萬九千七百一十二。 渤海王大武藝欲擊黑水靺鞨，其弟門藝諫不從，懼而來奔。 突騎施可汗蘇祿以都護無禮，怒掠四鎮，尋遣使入貢。 吐蕃擾大斗谷，掠甘州。

727 年

丁卯 唐開元十五年

正月，王君奐追破吐蕃於青海西，獲羊馬萬計。 二月，令括逃戶，後復有逃來者輸當年租庸，有征役先差。 五月，作十宅、瓦孫院。 九月，吐蕃陷瓜州，執刺史及王君奐之

父，進攻玉門軍常樂縣。 王君奐言回紇、契苾、思結、渾等四部居甘、涼者潛有叛計，於是流四部都督等於江南嶺外，以回紇伏帝難爲瀚海大都督。 突厥毗伽可汗遣使入貢，且獻吐蕃勾結之書；因許於西受降城互市，以帛易馬。 閏九月，吐蕃贊普與突騎施可汗圍安西，敗還。 回紇護輸襲殺王君奐。 十一月，瓜州刺史張守珪敗吐蕃於城下，升州爲都督府，即以守珪爲都督。 十二月，集隴右河西等道兵十五萬防吐蕃。 吐火羅王遣使至唐，請求援助以擺脫阿拉伯之統治。

728 年

戊辰 唐開元十六年

正月，安西兵敗吐蕃於曲子城。 春，隴州僚陳行範、馮璘、何遊魯起事，陷四十餘城，行範稱帝，遊魯稱定國大將軍，璘稱南越王；遣內侍楊思勗擊之。 二月，改彊騎爲左右羽林軍飛騎。 七月，吐蕃擾瓜州，張守珪敗之；尋河西、隴右軍大破吐蕃於渴波谷，拔大莫門城。 八月，張說上新修開元大衍曆。 吐蕃復來擾，河西兵又大破之。 十二月，立長征兵分番酬勳法：令兵分五番，歲遣一番還家，五年酬勳五轉。 是歲，令戶籍分九等，三歲一定。 楊思勗擒斬陳行範、馮璘、何遊魯，斬獲六萬級。 新羅遣王弟嗣宗入唐宿衛，並請遣子弟入國子學。

729 年

己巳 唐開元十七年

二月，嵩州兵破西南夷，拔昆明、鹽城，斬獲一萬人。 三月，張守珪等擊吐蕃，大破之；朔方兵拔石城堡，更名振武軍。 五月，復置十道及京都兩畿按察使。 八月，以盜鑄錢者多，禁私賣銅鉛錫及以銅爲器皿，採銅鉛錫

者，官爲市取。十一月，免百姓地稅之半。

730 年

庚午 唐開元十八年

三月，復給京官職田。四月，兼吏部尚書裴光庭奏改選法，無問能否，一循資格。五月，吐蕃遣使致書境上請和。契丹將可突干殺其王李邵固，並脅奚人附於突厥；奚王李魯蘇及東光、東華二公主皆來奔；六月，發十八總管兵擊之。可突干擾平盧軍，敗於捺祿山。十月，吐蕃贊普遣使入貢。護密王羅真檀來朝，留宿衛。是歲，斷死罪二十四人。張說死。新羅遣王族志滿入唐宿衛。

731 年

辛未 唐開元十九年

正月，宦官高力士譖死帝倖臣王毛仲，自是宦官勢益盛。吐蕃求毛詩、春秋、禮記，與之。三月，令兩京置太公廟，致祭如孔子禮。九月，吐蕃求於赤嶺互市。是歲，新羅遣使如唐。

732 年

壬申 唐開元二十年

正月，遣信安王禕等擊奚、契丹，三月，大破之，契丹可突干遠遁，奚首領李詩瑱高帥五千餘帳降，封歸義王，徙其部落於幽州。九月，張說等新修五禮成，上之，號曰開元禮。渤海王大武藝遣將擾登州，殺刺史；發兵擊之。是歲，以幽州節度使兼河北採訪處置使，增領衛莫等十六州及安東都護府。是歲，戶七百八十六萬一千二百三十六，口四千五百四十三萬一千二百六十五。日本遣多治比廣成等入唐，共五百九十餘人；僧榮叡等四人同行，其一艘漂流於崑崙，一艘沉沒。是爲第十次遣唐使。

733 年

癸酉 唐開元二十一年

正月，命大門藝擊大武藝，並使新羅夾攻，無功而還。二月，金城公主請立唐蕃界碑於赤嶺，許之。閏三月，幽州道副總管郭英傑與契丹、突厥戰於都山，死之。六月，令有才業操行者，吏部臨時擢用；惟有司仍踵裴光庭循資格法。時有官一萬七千六百八十員，吏五萬七千四百十六員。是歲，分全國爲十五道，各置採訪使，以六條察事；兩畿領以御史中丞，餘擇刺史領之。

734 年

甲戌 唐開元二十二年

四月，關內道採訪處置使，除朔方節度轄地外，增領涇、康等十二州。六月，幽州節度使張守珪大破契丹。七月，以裴耀卿爲江淮、河南轉運使，督運漕米，鑿漕渠十八里以避三門之險，三歲凡運米七百萬斛，省餼車錢三十萬緡。十二月，張守珪斬契丹王屈烈及可突干，餘衆皆降。突厥毗伽可汗被毒死，子伊然可汗立，尋死，弟登利可汗立，告喪於唐。禁京城丐，置病坊於諸寺以養之。新羅遣使如唐。

735 年

乙亥 唐開元二十三年

正月，封契丹降將李過折爲北平王、松漠都督。七月，諸公主實封皆加至千戶。十月，突騎施擾北庭及安西。是歲，契丹王李過折爲其臣涅禮所殺；以涅禮爲松漠都督。突厥侵奚、契丹，涅禮及奚王李歸國敗之。新羅遣使如唐，唐賜以涇江以南地。日本吉備眞備等自唐還。

736 年

丙子 唐開元二十四年

正月，敕逃戶聽盡今年自首，踰限者搜配諸軍。北庭都護破突騎施。三月，停考功員外郎知貢舉，委禮部侍郎司之。張守珪使平盧討擊使安祿山擊奚、契丹，敗還，守珪執安祿山送京師，張九齡請殺之，不從，竟赦之。五月，醴泉劉至誠以迷信聚衆起事，旋敗死。六月，初分日給百官俸錢。八月，張九齡上千秋金鑑錄。突騎施遣使請降，許之。十一月，張九齡爲李林甫所譖，罷政事，自是林甫用事。是歲，新羅遣使如唐謝賜地。唐僧傳華嚴宗入日本。

737 年

丁丑 唐開元二十五年

正月，置玄學博士，歲舉人依明經法。二月，令明經問大義、對時務策，進士試大經十帖。張守珪破契丹於捺祿山。勃律爲吐蕃所攻，來告急；帝令吐蕃罷兵，不從，因命河西兵擊吐蕃，戰於青海西，大破之，自是吐蕃復絕朝貢。四月，廢太子瑛爲庶人，尋賜死。五月，令募丁壯充邊軍，給田宅，予優恤。七月，大理奏今歲斷死刑五十八。九月，頒新修律令格式。行和籩法於東西畿，加時價什二三，自是關中蓄積足，不復因就糧往東都。是歲，初令租庸調租資課皆以土物輸京師。宋璟死。

738 年

戊寅 唐開元二十六年

正月，以邊地長征兵招募已足，令勿再遣鎮兵。令各州、縣、里皆置學。二月，令六州胡散隸諸州者聽還故土，於鹽、夏間置宥州

以處之。三月，吐蕃擾河西，敗還。唐兵拔吐蕃新城，置威武軍。六月，立忠王瑒爲皇太子。三道經略吐蕃，毀赤嶺界碑。突騎施莫賀達干襲殺其可汗蘇祿，別部首領都摩度立蘇祿子骨啜爲吐火仙可汗，據碎葉城，與莫賀達干相攻，且與據怛羅斯之黑姓可汗爾微特勤連兵拒唐。七月，鄯州裨將王忠嗣大敗吐蕃，置鎮西軍於鹽泉城。八月，渤海王大武藝死，子欽茂嗣。九月，劍南兵戰吐蕃於安戎城，大敗。南詔首領皮邏閣曾助唐破西洱河蠻，求合六詔爲一，許之，且冊爲雲南王，賜姓名蒙歸義，自後遂脅鄰部，破吐蕃，勢日盛，徙都太和城。是歲，分左右羽林置龍武軍，以萬騎營隸之。從潤州刺史齊澣之請，自京口埭至江穿伊婁河四十五里。

739 年

己卯 唐開元二十七年

正月，命選募關內、河東壯士三、五萬人詣隴右防遏，秋末無警聽還。四月，禁陰陽術數之書無干婚喪、卜擇者。八月，磧西節度使擒突騎施吐火仙可汗，又遣將與拔汗那王擒黑姓可汗，唐在西陲威勢復振。吐蕃擾白草、安人等軍，敗走。追諡孔子爲文宣王，弟子皆贈公侯伯。九月，處木昆、鼠尼施、弓月等部之隸突騎施者皆來降，請徙安西管內。日本遣唐使判官等遭風漂至崑崙，至是歲還。

740 年

庚辰 唐開元二十八年

三月，劍南兵拔安戎城。立阿史那懷道之子昕爲十姓可汗。六月，吐蕃攻安戎城。八月，幽州兵破奚、契丹。十月，吐蕃攻安戎城及維州；發關中驍騎救之，吐蕃退，改安戎曰平戎。十二月，以莫賀達干爲突騎施可

汗。金城公主死，吐蕃來告喪，且請和，不許。是歲，州三百二十一，縣千五百七十三，戶八百四十一萬二千八百七十一，口四千八百一十四萬三千六百九；兩京米斛直錢不滿二百。張九齡、孟浩然死。

741 年

辛巳 唐開元二十九年

正月，立賑饑法。六月，吐蕃四十萬入邊，至安人軍渾崖峰，騎將臧希液以五千人破之。七月，突厥內鬩，左殺攻殺登利可汗，立毗伽可汗子爲可汗，尋爲骨咄葉護所殺，更立其弟，旋又殺之，骨咄葉護自爲可汗。八月，以平盧兵馬使安祿山爲營州都督，充平盧軍使，兩蕃、渤海、黑水四府經略使。十月，分北庭、安西爲二節度。十二月，吐蕃屠達化縣，陷石堡城。

742 年

壬午 唐天寶元年

正月，改元。分平盧別爲節度，以安祿山爲節度使。是時有十節度以備邊：安西撫寧西域，治龜茲，兵二萬四千；北庭防制突騎施、堅昆，治北庭都護府，兵二萬；河西斷隔吐蕃、突厥，治涼州，兵七萬三千；朔方捍衛突厥，治靈州，兵六萬四千七百；河東與朔方犄角，治太原，兵五萬五千；范陽臨制奚、契丹，治幽州，兵九萬一千四百；平盧鎮撫室韋、靺鞨，治營州，兵三萬七千五百；隴右備禦吐蕃，治鄯州，兵七萬五千；劍南禦吐蕃、撫蠻獠，治益州，兵三萬九百；嶺南五府經略綏靜俚夷，治廣州，兵萬五千四百；凡鎮兵四十九萬，馬八萬。穿三門運渠通。二月，改宰相名，稱東都、北都皆爲京，州爲郡，刺史爲太守。三月，以韋堅爲江淮租庸轉運使。六月，十姓可汗阿史那昕爲莫賀達干所

殺，突騎施都摩度來降，命爲三姓葉護。八月，拔悉密、回紇、葛邏祿三部攻殺突厥骨咄葉護，突厥餘衆立烏蘇米施可汗，以其子爲西殺。拔悉密等攻之，烏蘇米施可汗遠遁，西殺等帥殘部千餘帳來降，突厥遂微。九月，護密王頡吉里伽來降。十二月，隴右、河西大破吐蕃於大嶺、漁海。是歲，縣一千五百二十八，鄉一萬六千八百二十九，戶八百五十二萬五千七百六十三，口四千八百九十萬九千八百。回紇葉護骨力裴羅遣使入貢，賜爵奉義王。

743 年

癸未 唐天寶二年

正月，安祿山入朝。四月，韋堅引淮水爲潭以聚江淮運船成，賜名廣運潭。隴右兵破吐蕃洪濟城。是歲，徙安東都護府於遼西故城。

744 年

甲申 唐天寶三載

正月，改年曰載。二月，吳令光等自海上掠台、明二州，旋敗。三月，以平盧節度使安祿山兼范陽節度使。五月，河西兵擊斬突騎施莫賀達干，立黑姓伊里底蜜施骨咄祿毗伽爲十姓可汗。八月，拔悉密擊斬突厥烏蘇米施可汗，突厥立其弟鶴隴白眉特勤爲白眉可汗。朔方節度使王忠嗣乘之，破其左廂十一部。未幾，回紇等部共攻殺拔悉密可汗，回紇骨力裴羅自立爲骨咄祿毗伽闕可汗，遣使來告，冊爲懷仁可汗。十二月，以宗女爲和義公主嫁寧遠奉化王阿悉爛達干。初令百姓十八爲中，二十三爲丁。

745 年

乙酉 唐天寶四載

正月，回紇懷仁可汗擊殺突厥白眉可汗，自是北邊稍安，回紇盡有突厥故地。懷仁可汗旋死，子葛勒可汗立。二月，以朔方節度使王忠嗣兼河東節度使。三月，以外孫獨孤氏爲靜樂公主，嫁契丹王李懷節甥楊氏爲宜芳公主，嫁奚王李延寵。七月，冊楊太眞爲貴妃。九月，奚、契丹以安祿山數來侵掠，各殺公主反抗。吐蕃敗隴右軍於石堡城。十月，遣官爲戶口色役使。

746 年

丙戌 唐天寶五載

正月，以王忠嗣爲河西、隴右、朔方、河東節度使。忠嗣數與吐蕃戰於青海、積石，皆大捷，又擊吐谷渾於墨離軍，虜其全部而歸。四月，封奚王娑固爲昭信王，契丹王楷洛爲恭仁王。十二月，宰相李林甫傾陷勝己者，數興大獄，皆令酷吏吉溫鞠之，前後死流者甚多。

747 年

丁亥 唐天寶六載

正月，令通一藝者皆詣京師，以廣求賢才；李林甫故難其試，無一人及第，於是李林甫表賀野無遺賢。四月，王忠嗣以功名日盛遭李林甫之忌，忠嗣言安祿山必反，忤林甫，林甫又因吐蕃戰事誣忠嗣有逆，遂貶漢陽太守。七月，小勃律王娶吐蕃王女，因附於吐蕃；安西副都護高仙芝擊破之，俘其王及吐蕃公主，置歸仁軍於其國。十二月，以仙芝爲安西四鎮節度使。

748 年

戊子 唐天寶七載

四月，知內侍省事高力士加驃騎大將軍。六月，賜安祿山鐵券。以楊釗判度支事。十

一月，楊妃三姊被封爲國夫人，恃寵納賄，門庭如市。十二月，隴右節度使哥舒翰築神威軍城於青海上，又築應龍城於青海中龍駒島，自是吐蕃不敢近青海。是歲，雲南王皮羅閣死，子閣羅鳳嗣。

749 年

己丑 唐天寶八載

三月，朔方節度於中受降城西北五百餘里木剌山築橫塞軍城。五月，府兵制大壞，停折衝府上下魚書。時驍騎亦窳腐，應募者多無賴子弟，未嘗習兵；於是精兵皆聚於西北二邊。閏六月，哥舒翰攻拔吐蕃石堡城，獲四百人，唐士卒死者數萬，以城爲神武軍。置保寧都護府於劍南西山索磨川。七月，以突騎施移撥爲十姓可汗。八月，護密王羅真檀來朝。十一月，吐火羅葉護失里怛伽羅以竭師附吐蕃阻糧道，請發安西兵擊之。

750 年

庚寅 唐天寶九載

二月，安西兵破竭師，虜其王勃特沒，立其兄素迦爲王。五月，封安祿山爲東平郡王。將帥封王自此始。七月，置廣文館於國子監，以教習進士者。八月，以安祿山兼河北道採訪處置使。十月，安祿山入朝，獻奚俘八千；前許安祿山於上谷置五爐鑄錢，因獻錢樣千緡。賜楊釗名國忠。十二月，關西遊弈軍攻吐蕃樹敦城。安西兵襲虜石國王及其部衆。是歲，雲南王閣羅鳳忿雲南太守張虔陀迫辱，起兵殺之，拔雲南郡，取夷州三十二。日本遣藤原清河等入唐，共二百二十餘人，是爲第十一次遣唐使。藤原清河留仕於唐。

751 年

辛卯 唐天寶十載

二月，命安祿山兼河東節度使。四月，劍南節度使鮮于仲通擊南詔閣羅鳳，大敗於瀘南，死者六萬人；於是大募兵圖再擊南詔，以應募者少，分道捕人送詣軍所。閣羅鳳敗唐兵後，臣於吐蕃。高仙芝擊大食於怛羅斯城，大敗，死者二萬餘人。八月，安祿山擊契丹，大敗，死者數萬。是歲，阿拉伯與石國人擊敗唐將高仙芝於怛羅斯城，唐軍被俘者兩萬人（阿拉伯方面記載謂殺五萬人，俘兩萬人；舊唐書載高仙芝全軍只三萬人）。其中有製紙工人，遂將中國製紙之法傳於撒馬爾干，從此撒馬爾干遂以造紙業稱著。至十世紀時，阿拉伯帝國境內遂普遍用紙，埃及紙草逐漸絕迹。

752 年

壬辰 唐天寶十一載

二月，以粟帛庫錢易惡錢；旋以商賈不便，稍弛其禁。三月，改吏兵刑部爲文武憲部。突厥降將阿布思爲安祿山所逼，率部大掠，走歸漠北。五月，京兆尹楊國忠加御史大夫、京畿關內採訪等使，領二十餘使，越半年，遂繼李林甫爲相。六月，吐蕃兵援南詔，劍南兵破之於雲南，克三城。九月，阿布思入邊擾掠。十二月，以平盧兵馬使史思明爲盧龍軍使。是歲，李林甫死。西曹王與安王遣使入唐，請擊黑衣大食，不許。

753 年

癸巳 唐天寶十二載

正月，楊國忠注選人於都堂，於是門下不復過官，侍郎但掌試判而已。五月，阿布思爲回紇所破，安祿山誘降其部衆。發嶺南五府兵擊南詔。八月，隴右節度使哥舒翰擊吐蕃，拔洪濟等城，悉收九曲部落；命之兼河西節度

使，封西平郡王。九月，以黑姓可汗登里伊羅蜜施爲突騎施可汗。阿布思遁至葛邏祿，被執，送於北庭都護。是歲，安西節度使封常清破大勃律。

754 年

甲午 唐天寶十三載

正月，安祿山入朝，太子及楊國忠皆言祿山必反，不聽。加祿山左僕射，並兼閑廐、隴右羣牧等使，兼知總監事，祿山選健馬數千匹，別飼之。四月，安祿山擊虜奚王李日越。六月，劍南留後李宓擊南詔，全軍皆沒，宓被擒；再發兵擊之，前後死者幾二十萬人。七月，於九曲地置洮陽、洮河二郡及神策軍。是歲，郡三百二十一，縣千五百三十八，鄉萬六千八百二十九，戶九百六十一萬九千一百五十四，口五千二百八十八萬四百八十八。僧鑑真至日本。

755 年

乙未 唐天寶十四載

正月，蘇毗王子悉諾邏去吐蕃來降，封懷義王，賜姓名李忠信。二月，安祿山請以蕃將三十二人代漢將，宰相韋見素極言不可，不聽，竟許之。四月，安祿山破奚、契丹。六月，召安祿山來京，辭疾不至。八月，免本年租庸。十一月，安祿山發所部兵及同羅、奚、契丹、室韋十五萬反於范陽，以討楊國忠爲名，河北郡縣多望風迎降。事聞，遣人分詣東京、河東募兵，令封常清禦之，置河南節度使，領陳留等十三郡，諸郡當衝途者置防禦使。又命高仙芝副榮王琬統諸軍東征，募兵於京畿十一萬，號天武軍。十二月，安祿山渡河，陳留降，又陷滎陽。封常清五戰五敗，遂陷東京，留守李憺、御史中丞盧弈等死之。安祿山遣將東略，東平太守嗣吳王祗、

濟南太守李隨、平原太守顏真卿等起兵拒之。封常清與高仙芝退潼關，旋皆被誅，以哥舒翰爲兵馬副元帥，討安祿山。朔方節度使郭子儀敗安祿山大同軍，乘勝拔靜邊軍、馬邑城。常山太守顏杲卿起兵殺安祿山將吏，河北十七郡皆應之，只六郡附祿山。是歲，吐蕃贊普乞黎蘇籠獵贊死，子娑悉籠獵贊立。

756 年

丙申 唐天寶十五載 肅宗李亨至德元年正月，安祿山稱皇帝，國號燕，建元聖武。濮陽客民尚衡起兵殺安祿山將吏。顏杲卿兵敗被執，死。命郭子儀進圍東京，以李光弼爲河東節度使規復河北。置南陽節度使，將嶺南、黔中子弟備安祿山。二月，李光弼屢敗安祿山將史思明於饒陽。真源令張巡起兵，屢敗安祿山將令狐潮於雍丘。顏真卿拔魏郡。北海太守賀蘭進明起兵拔信都。四月，郭子儀援李光弼，大敗史思明。時河北民所在屯結以與安祿山抗。潁川太守來瑱數敗安祿山兵。五月，安祿山遣將攻南陽。郭子儀、李光弼大敗史思明於嘉山後河北十餘郡。六月，哥舒翰與安祿山將崔乾祐戰於靈寶，大敗，死者什八九。乾祐陷潼關，哥舒翰爲部下迫降於祿山。帝聞潼關失，倉皇西走，至馬嵬驛，軍士殺楊國忠等，帝被迫縊殺楊貴妃。百姓請留太子，許之；遂至成都，太子北趨靈武。安祿山聞帝出走，遣將入長安。扶風民康景龍等聚衆殺安祿山宣慰使；陳倉令薛景仙殺安祿山守將，拔扶風。七月，太子卽位於靈武，尊帝爲上皇天帝，改元至德，是爲肅宗。置江南東道節度使，領襄陽等九郡；升五府經略使爲嶺南節度使，領南海等二十二郡；升五溪經略使爲黔中節度使，領黔中諸郡；分江南爲東西二道，東道領餘杭，西道領豫章諸郡。同羅、突厥之從安祿

山反屯長安者多來降。回紇可汗、吐蕃贊普皆遣使請助討安祿山。張巡大破安祿山將李庭望於雍丘。上皇以第五琦爲江淮租庸使。九月，以廣平王俶爲天下兵馬元帥。突厥阿史那從禮誘九姓六州胡圖攻朔方；遣郭子儀擊破之。南詔陷越嶲會同軍，驃國等皆降之。十月，以第五琦爲山南五道度支使。始榷鹽佐軍用。以宰相房瑄爲持節招討西京兼防禦蒲、潼兩關兵馬節度等使，擊安祿山，大敗於陳濤斜。令狐潮等攻雍丘，張巡擊敗之。十一月，史思明陷河間、景城等郡，攻平原，顏真卿敗走，於是河北諸郡多陷。十二月，回紇援兵至，與郭子儀軍合，大破同羅等胡於榆林河北，河曲皆平。永王璘領四道節度使鎮江陵，漸有反謀。置淮南節度使，領廣陵等十二郡，又置淮南西道節度使，領汝南等五郡，使與江東節度共防璘；璘旋反。安祿山遣將攻潁川幾一年，陷之，太守薛愿等死之。于闐王勝將兵五千入援。張巡棄雍丘守寧陵，與睢陽太守許遠會，大破安祿山之兵，斬首萬餘級。是歲，置北海節度使，領北海等四郡；上黨節度使，領上黨等三郡；興平節度使，領上洛等四郡。吐蕃陷威戎等七軍及石堡等三城。林邑改號曰環王。新羅遣使朝唐帝於蜀。

757 年

丁酉 唐至德二載

正月，安祿山爲其子慶緒所殺；慶緒卽位。劍南兵亂，旋定。河西兵馬使蓋庭倫與九姓商胡安門物等殺節度使反，旋平。史思明圍太原，李光弼數敗之。安慶緒遣尹子奇攻睢陽，張巡棄寧陵入睢陽，與太守許遠合禦退之。二月，郭子儀敗崔乾祐，定河東。帝至鳳翔，安西、北庭及拔汗那、大食諸國援兵亦至，安慶緒以史思明爲范陽節度使，史思

明漸不用命。永王璘敗死。郭子儀遣兵擊潼關，先小勝，後大敗。三月，尹子奇再攻睢陽，敗還。安慶緒兵攻河東，郭子儀擊走之。四月，命子儀爲天下兵馬副元帥，赴鳳翔，爲安慶緒兵所截，敗於長安西。五月，山南東道節度使魯炆守南陽一年，城中食盡，潰圍走。安慶緒復遣兵攻睢陽，又敗還。六月，南充土豪何滔起事，執本郡防禦使，旋平。七月，蜀郡兵亂，旋安。尹子奇兵圍睢陽，張巡求救於賀蘭進明，不應。閏八月，御史大夫崔光遠破安慶緒兵於駱谷。九月，回紇懷仁可汗遣子葉護等將兵至鳳翔，隨廣平王俶、郭子儀東進，與安慶緒兵戰於香積寺，大敗之，遂復長安。十月，吐蕃陷西平郡。睢陽陷，張巡、許遠被執，先後死。郭子儀等大敗安慶緒兵於陝川，安慶緒殺所獲唐將哥舒翰等三十餘人，倉皇走鄴，改爲安成府，改元天成。廣平王俶遂復東京，河南諸郡紛殺安慶緒將吏降。十一月，以回紇葉護爲忠義王，歲遺回紇絹二萬匹。十二月，上皇還長安。改郡爲州，以蜀郡爲南京，鳳翔爲西京，西京爲中京。史思明遣人請降，封歸義王、范陽節度使。派人詳理降安祿山諸巨獄，自棄市至流貶，分六等定罪。取元從子弟置左右神武軍，與左右羽林、左右龍武統稱北衙六軍。又擇善射者爲殿前射生手，分左右廂，號英武軍。升河中防禦使爲節度，領蒲等七州；分劍南爲東西川節度，東川領梓等十二州；又置荊澧節度，領荊、澧等五州；夔峽節度，領夔、峽等五州。更安西曰鎮西。是歲，吐蕃拔西平郡。

758 年

戊戌 唐至德三載 乾元元年

二月，改元乾元，普免一年租庸，復以載爲年。三月，北庭兵馬使王惟良謀亂，被殺。

五月，停採訪使，改黜陟使爲觀察使。六月，改行韓穎所造新曆。李光弼謀圖史思明，事泄，思明反。七月，從第五琦謀，鑄乾元重寶錢，一當十。冊回紇可汗曰英武或遠毗伽闕可汗，以皇女寧國公主妻之。八月，回紇遣兵助討安慶緒。党項首領拓跋戎德擾邠、寧二州，敗死。遣郭子儀等九節度使討安慶緒，以宦官魚朝恩爲觀軍容宣慰處置使以監護之；子儀等旋大破安慶緒，圍之。大食、波斯大掠廣州。十月，冊立皇太子俶，更名豫。十一月，史思明大發兵援安慶緒。十二月，置浙江西道節度使，領蘇、潤等十州；浙江東道節度使，領越、睦等八州。平盧節度王玄志死，裨將殺玄志子，推侯希逸爲平盧軍使，因命希逸爲節度副使。節度使由軍士廢立自此始。是歲，置振武軍節度使，領鎮北大都護及麟、勝二州；又置夾砮華及豫許汝二節度使；升安南經略使爲節度使，領交、陸等十一州。吐蕃陷河源軍。

759 年

己亥 唐乾元二年

正月，史思明自稱大聖燕王於魏州。三月，郭子儀等九節度之師六十萬戰史思明於相州，大潰。史思明殺安慶緒，留子朝義守相州，自還范陽。四月，澤潞兵破史思明兵於潞城東。置陳鄭亳節度使。史思明自稱皇帝，國號燕，建元順天，改范陽爲燕京，州爲郡。回紇毗伽闕可汗死，子登里可汗立。六月，分朔方置邠、寧等九州節度使。七月，以李光弼代郭子儀爲兵馬元帥，尋以越王係爲天下兵馬元帥，光弼副之。八月，襄州將康楚元等作亂，康楚元自稱南楚霸王；遣人諭解之，不聽。九月，楚元破荊州，澧、朗等州大擾，遣將討之。令絳州鑄乾元重寶大錢，加重輪，一當五十。史思明攻汴州下之，李光

弼棄東京，退守河陽，思明攻之屢敗，退走。邛、簡、嘉、眉、瀘、戎等州夷起事。十一月，康楚元被執，死，得其所掠租庸二百萬緡。乾元、重輪、開元錢三品並行，民爭盜鑄，物價騰踊，第五琦坐是貶。十二月，史思明兵攻陝州，敗。是歲，日本遣人迎遣唐使藤原清河，共九十九人。是爲第十二次遣唐使。

760 年

庚子 唐乾元三年 上元元年

正月，以于闐王勝之弟曜同四鎮節度副使，權知國事。分邠、寧等州節度爲鄜、坊、丹、延節度，亦稱渭北節度，以擊党項等羌。二月，李光弼敗史思明於沁水之上。三月，改蒲州爲河中府。四月，李光弼破史思明於河陽西渚。襄州將張維瑾等作亂，殺節度使，旋降。閏四月，改元上元。追諡太公望爲武成王。史思明入東京。以京兆尹劉晏爲戶部侍郎，充度支、鑄錢、鹽鐵等使。六月，西原蠻黃乾曜等起事，旋敗死。以私鑄錢者多，物價貴，令京畿開元錢與乾元小錢皆一當十，重輪錢當三十，諸州另行規定。時史思明鑄順天得一錢，一當開元錢百，物價尤貴。鳳翔兵破党項於普潤。平盧兵馬使田神功破史思明兵於鄭州。七月，令諸州重輪錢皆一當三十。神策軍地淪於吐蕃，其兵馬留陝平亂者後遂改爲禁軍。九月，改荊州爲江陵府，置南都，仍置永平軍團練兵以扼要衝。十月，置青、沂五州節度使。十一月，淮西監軍宦官邢延恩謀去節度副使劉展，劉展起兵，陷升、潤、蘇、常等州。李光弼拔懷州。史思明遣將徇淮西陳、許、兗、鄆、曹等州。十二月，党項大掠美原、同官。田神功擊劉展，大掠廣陵、楚川，殺商胡千數。是歲，吐蕃陷廓州。

761 年

辛丑 唐上元二年

正月，史思明改元應天。田神功等擊斬劉展，平盧兵大掠十餘日。荆南節度加領潭、岳、郴、永、邵、道、連、涪八州。二月，奴刺党項掠寶鷄，殺鳳州刺史。新羅王金疑入朝。魚朝恩迫李光弼攻洛陽，光弼等與史思明戰於邙山，大敗，河陽、懷州皆陷。三月，史思明爲其子史朝義所殺，朝義卽位，改元顯聖。四月，長塞鎮將朱融等謀立岐王珍，事泄，珍廢爲庶人，朱融等死貶有差。青、密、兗、鄆等兵破史朝義兵。梓州刺史段子璋反，自稱梁王，建元黃龍，以綿州爲龍安府，進陷劍州。五月，党項掠寶鷄。史朝義將令狐彰降，命爲滑衛六州節度使。平盧節度使侯希逸破史朝義兵。東西川兵破斬段子璋，事平。以李光弼爲河南副元師，都統河南等八道、行營節度，鎮臨淮。六月，青、密兵敗史朝義兵。党項掠好時。九月，去年號，但稱元年，以建子月爲歲首，月皆以所建爲數；停京兆、河南、太原、鳳翔四京及江陵南都之號。江淮大饑，人相食。建子月，神策軍攻史朝義，拔永寧等縣。建丑月，平盧節度使侯希逸破范陽，李懷仙引兵而南至兗州，會田神功等。是歲，日本遣仲石伴等入唐，並獻牛角七千八百只，因船壞未行。是爲第十三次遣唐使。

762 年

壬寅 唐代宗李豫寶應元年

建寅月，吐蕃遣使請和。李光弼拔許州。租庸使元載徵江淮各道八年逋貢租調，民苦暴政，多聚山澤反抗。建卯月，復以京兆爲上都，河南爲東都，鳳翔爲西都，江陵爲南都，

太原爲北都。 奴剌掠成固。 河東軍亂，殺節度使鄧景山，請以都知兵馬使辛雲京爲節度使，許之。 朔方諸道行營軍亂，殺都統李國貞。 鎮西、北庭行營軍亂，殺節度使荔非元禮。 以亂事疊起，封郭子儀汾陽王，知諸道節度行營，以鎮撫之。 建辰月，割山南東道節度所領商、金、均、房四州別置觀察使。 奴剌掠梁州。 党項掠奉天。 建巳月，玄宗死。 改元寶應，復以建寅月爲正月，月數皆如舊。 肅宗死，宦官李輔國殺皇后張氏等，引太子卽位，是爲代宗：尊李輔國爲尚父。 五月，郭子儀至軍，誅作亂者。 辛雲京亦誅亂軍數十人。 党項掠同官、華原。 以平盧節度使侯希逸爲平盧、淄、青等六州節度使。 令乾元大、小錢皆一當一，幣制漸定。 史朝義圍宋州數月，城幾陷；李光弼至軍，命兗鄆節度使田神功擊破之。 六月，解李輔國兵柄，以宦官程元振代之。 七月，劍南兵馬使徐知道反，發兵拒新節度使嚴武；知道旋爲其下所殺。 八月，桂州兵破西原蠻帥吳功曹。 台州人袁晁陷浙東諸州，建元寶勝，民苦賦斂者爭歸之；李光弼遣兵破晁於衢州。 同紇登里可汗率兵助討史朝義。 袁晁陷信州，十月，又陷溫州、明州。 以雍王适爲天下兵馬元帥，會諸道及同紇兵於陝州，以討史朝義，大破之，斬俘八萬，朝義遁。 同紇入東京，大殺掠，死者萬數；朔方、神策軍亦所至虜掠。 盜殺李輔國。 十一月，史朝義將薛嵩以相、衛、洺、邢四州，張忠志以趙、恒、深、定、易五州降，尋賜張忠志姓名爲李寶臣，以爲恒、趙等五州節度使。 以僕固懷恩爲河北副元帥，代郭子儀。 史朝義奔莫州，諸道兵圍之。 是歲，詩人李白死。 日本復遣中臣麿主等入唐，又因故未行。 是爲第十四次遣唐使。

763 年

癸卯 唐寶應二年 廣德元年

正月，劉晏相，兼度支等使。 史朝義自莫州突圍走，其部將田承嗣降，范陽李懷仙亦降，史朝義自縊死。 閏正月，以薛嵩爲相衛等六州節度使，田承嗣爲魏博等五州都防禦使，李懷仙爲幽州、盧龍節度使。 三月，襄州右兵馬使梁崇義等據州，卽命梁崇義爲山南東道節度留後。 四月，李光弼將俘袁晁，浙東平。 五月，分河北諸州：以幽、莫、嬀、檀、平、薊爲幽州管，恒、定、趙、深、易爲成德軍管，相、貝、邢、洺爲相州管，魏、博、德爲魏州管，滄、棣、冀、瀛爲青淄管，懷、衛、河陽爲澤潞管。 六月，以魏博都防禦使田承嗣爲節度使。 承嗣籍管內壯者皆爲兵，又選驍健者爲牙兵以之自衛。 七月，改元廣德。 冊同紇可汗爲英義建功毗伽可汗。 吐蕃入大震關，陷蘭、廓等九州，盡取河西、隴右地。 十月，吐蕃掠涇州，攻邠州、武功、奉天，命雍王适爲關內元帥，郭子儀爲副元帥以禦之，帝東走陝州。 吐蕃入長安，立廣武王承宏爲帝。 越十二日，郭子儀兵至，吐蕃遁去。 太常博士柳伋疏陳宦官程元振罪；十一月，削程元振官爵，逐之。 廣州市舶使宦官呂太乙作亂，旋平。 吐蕃攻鳳翔，鎮西節度兵經其地擊却之。 十二月，帝還長安。 以魚朝恩爲天下觀軍容宣慰處置使，總禁兵。 吐蕃陷松、維、保三州，於是劍南西山諸州皆入於吐蕃。

764 年

甲辰 唐廣德二年

正月，合劍南東西川爲一道。 立雍王适爲皇太子。 魏博節度使田承嗣奏名所管曰天雄軍，從之。 吐蕃之亂，長安逃卒及鄉曲少

年，羣入南山子午等谷，頻出鈔掠，遣兵擊之。僕固懷恩謀取太原，遣其子攻之，敗還，圍榆次。因命郭子儀爲關內河東副元帥、河中節度等使、朔方節度大使，以瓦解懷恩之勢。二月，懷恩走靈州，殺朔方將渾釋之而收其軍。子儀至汾州，懷恩之衆皆歸之。三月，以劉晏爲河南、江淮轉運使，開汴渠，均賦役，關中粟漸充。党項掠同州，郭子儀遣將大破之於澄城。五月，行五紀曆。罷歲貢孝弟力田及童子科。六月，郭子儀請罷安史之亂以來所置節度以省民力，並請自河中爲始，許之。解僕固懷恩河北副元帥、朔方節度使，餘官爵如故。七月，稅地頭青苗錢以給官俸。地頭錢畝二十五文，青苗錢畝十五文。八月，僕固懷恩引回紇、吐蕃兵入犯，遣郭子儀鎮奉天禦之。河中兵亂，旋定。九月，劍南節度使嚴武破吐蕃，拔當狗城，不久，又拔鹽川城。十月，僕固懷恩引回紇、吐蕃兵逼奉天，以郭子儀有備而退，攻邠州不克，北歸。吐蕃圍涼州；河西節度使楊志烈奔甘州，爲沙陀所殺。十一月，南山五谷首領高玉被俘，事定。是歲，令酤戶納月稅。戶二百九十餘萬，口一千六百九十餘萬。于闐王勝不歆歸國，封武都王。李光弼死。

765 年

乙巳 唐永泰元年

正月，以李抱眞爲澤潞節度副使。李抱眞籍管內民三丁選一，於農隙習武，免其租徭。二月，党項掠富平。三月，吐蕃請和。四月，命御史大夫王翊充諸道稅錢使。五月，畿內麥稔，第五琦請行什一稅法，百姓十畝收其一。平盧軍亂，逐節度使侯希逸，奉兵馬使李懷玉爲帥。七月，以鄭王邕爲平盧、淄青節度大使，懷玉知留後，賜名正己。九月，

僕固懷恩引回紇、吐蕃、吐谷渾、党項、奴刺分三道入邊；懷恩尋死，部下互鬪。吐蕃至奉天；命郭子儀等屯涇陽等處，下詔親征。

吐蕃攻醴泉、蒲，大掠男女數萬而去。十月，吐蕃退至邠州，復與回紇合兵至奉天，圍涇陽。郭子儀單騎說回紇擊吐蕃，回紇從之，合兵大破吐蕃於靈臺西原，斬殺萬計，得所掠男女四千人，旋又破之於涇州東。魚朝恩自將神策軍，擴充爲左右二廂。郭子儀諭降党項。回紇都督等入見，賜綵帛十萬匹，不足，分百官俸給之。閏十月，百官納職田充軍糧。劍南西山都知兵馬使崔旰殺節度使郭英乂；邛、瀘、劍三州起討旰，蜀中大亂。

766 年

丙午 唐永泰二年 大曆元年

正月，令復補國子學生，修國子監。命劉晏、第五琦分理全國財賦。二月，遣使通好吐蕃。命杜鴻漸爲山南西道、劍南東西川副元帥，以平蜀亂。五月，以涼州陷於吐蕃，徙河西節度使於沙州。八月，杜鴻漸至蜀，調停崔旰等，因命崔旰爲成都尹、西川行軍司馬。十一月，改元大曆。以民多流亡，停什一稅法。

767 年

丁未 唐大曆二年

正月，同華節度使周智光橫暴不法，殺監軍；命郭子儀討之，周智光旋爲部下所殺。淮西兵大掠潼關，至赤水。分劍南置東川觀察使，鎮遂州。四月，命宰相及魚朝恩盟吐蕃於興唐寺。六月，魚朝恩作章敬寺。七月，以崔旰爲西川節度使，杜濟爲東川節度使。九月，吐蕃擾靈州，旋敗走。山僚陷桂州，逐刺史。是歲，復以鎮西爲安西。新羅遣使如唐請冊命。

768 年

戊申 唐大曆三年

正月，帝幸章敬寺，度僧尼千人。二月，商州軍亂，殺防禦使，尋定。四月，山南西道節度使張獻誠病，舉從父弟獻恭自代，許之。六月，幽州兵馬使朱希彩等殺節度使李懷仙，朱希彩自稱留後。七月，崔旰入朝，賜名寧；瀘州刺史楊子琳突入成都，寧妾任氏擊走之。八月，吐蕃擾靈武，別將攻邠州，九月，皆敗走。十一月，以幽州節度留後朱希彩爲節度使。西川破吐蕃。平盧行軍司馬許杲大掠楚州，杲部將康自勸逐杲，循淮東走，爲淮南兵所殺。

769 年

己酉 唐大曆四年

二月，以好時、麟遊、普潤三縣隸神策軍。楊子琳殺涪州守捉使，入夔州，殺別駕；命爲峽州團練使。五月，冊僕固懷恩女爲崇徽公主，妻回紇可汗。九月，吐蕃擾靈州，又攻鳴沙，旋敗走。

770 年

庚戌 唐大曆五年

正月，羌首領白對蓬等來降。二月，誅魚朝恩。三月，置度支、轉運、常平、鹽鐵等使，委宰相領之。四月，湖南兵馬使臧玠殺觀察使。五月，令併地頭錢於青苗錢，畝三十五文。九月，吐蕃擾永壽。是歲，詩人杜甫死。

771 年

辛亥 唐大曆六年

三月，嶺南蠻首領梁崇牽自稱平南十道大都督，據容州，結西原蠻張侯、夏永等攻陷城

邑；容管經略使王翽等破之。番禺馮崇道及桂州將朱濟時皆起事，陷十餘州，翽等擊斬之。四月，吐蕃請和，遣使答之。

772 年

壬子 唐大曆七年

正月，回紇使者掠人子女，所司禁之，被毆；又以三百騎犯金光、朱雀門，諭止之；七月，又逐長安令，奪其馬。十月，盧龍節度使朱希彩爲部下所殺，擁經略副使朱泚爲留後，即命泚爲節度使。十二月，置永平軍於滑州。

773 年

癸丑 唐大曆八年

正月，昭義節度使薛嵩死，以其弟萼知留後。二月，永平節度使令狐彰死，遺命令其子歸東都，請朝命遣代。七月，回紇使者歸，載賜遺及互市馬價緡千餘車。八月，吐蕃擾靈武，踐禾稼而去。九月，循州刺史哥舒晃反，殺嶺南節度使呂崇賁；遣兵討之。十月，魏博節度使田承嗣求爲相；加同平章事。吐蕃擾邠、涇，郭子儀遣朔方兵馬使渾瑊擊之，初大敗於宜祿，涇原節度使馬璘亦敗於鹽倉；嗣瑊、璘復分別擊敗之。

774 年

甲寅 唐大曆九年

正月，汴宋節度使田神功死，以其弟神玉知留後。二月，徐州軍亂，逐刺史。五月，胡僧不空死，贈司空、肅國公，予諡。九月，回紇於長安白晝殺人，有司擒之，釋不問。

775 年

乙卯 唐大曆十年

正月，昭義兵馬使裴志清逐留後薛嵩，附田承嗣；承嗣襲昭義取之，繼復取洛、衛二州，拒

朝命。盧龍節度使朱泚請留長安，以其弟滔知盧龍留後。西川破吐蕃於西山。二月，河陽三城軍亂，逐其使常休明，擁兵馬使王惟恭爲帥，大掠數日。三月，陝州軍亂，逐兵馬使趙令珍，大掠庫物。四月，命河東等八道兵討田承嗣，混戰百餘日；八月，承嗣表請歸朝。九月，回紇白晝刺人於長安，有司繫之獄，其首領入獄刎去，釋不問。吐蕃擾臨涇、隴州，大掠而去；及擾涇州，敗於百里城。十月，成德軍節度使李寶臣與盧龍軍留後朱滔共攻滄州；寶臣爲田承嗣所給，襲滔，圖取幽州，未成。十一月，嶺南節度使路嗣恭擊斬哥舒晃，嶺南平。西原蠻帥覃問襲容州，被擒。十二月，回紇擾夏州，敗走。是歲，日本遣小野石根等入唐，中途船壞，石根溺死。是爲第十五次遣唐使。

776 年

丙辰 唐大曆十一年

正月，西川破吐蕃及突厥、吐谷渾、氐、羌二十萬。二月，赦田承嗣。增朔方兵備回紇。三月，河陽軍亂，逐監軍，大掠三日。五月，汴宋留後田神玉死，都虞候李靈曜作亂；詔以靈曜爲濮州刺史，不受，乃以爲留後。七月，田承嗣擾滑州。吐蕃擾石門，入長澤川。八月，發五道兵討李靈曜。靈曜屢敗，十月，田承嗣遣將救之，敗還。靈曜走韋城，被擒，死。十二月，涇原節度使馬璘死，以行軍司馬段秀實知節度事。昭義節度使李承昭病歿，以澤潞行軍司馬兼知留後。

777 年

丁巳 唐大曆十二年

三月，鳳翔、懷澤潞、秦隴節度使李抱玉死，以其弟李抱真領澤潞懷留後。以田承嗣反

復，命討之，田承嗣復謝罪，乃止。宰相元載貪橫，賜自盡，妻子皆死。四月，吐蕃擾黎、雅二州，西川兵破之。加京官俸，歲約十五萬六千餘緡。五月，除都團練使外悉罷諸州團練、守捉使；又定諸州兵數，召募者曰官健，差點者曰團結。重定節度使至主簿縣尉俸祿。六月，元載黨卓英倩杖死，其弟卓英璘據險作亂，發禁兵及金州兵平之。九月，吐蕃破方渠，擾坊州。十月，西川兵破吐蕃於望漢城。吐蕃擾鹽州、夏州、長武，郭子儀擊却之。十一月，山南西道兵破吐蕃於岷州。十二月，西州兵破吐蕃兵十餘萬。

778 年

戊午 唐大曆十三年

正月，回紇擾太原，節度兵迎擊大敗，死萬餘人，回紇大掠；二月，代州兵破走之。吐蕃擾靈州，毀三渠水口以弊屯田；四月，再來擾，朔方兵擊却之；七月，又擾鹽、慶二州，復爲朔方兵所敗；八月，又擾銀、麟二州，掠党項，又爲朔方兵逐走；九月，又逼涇州，郭子儀等共破之。是歲，財賦所入約一千二百萬緡，鹽利居大半。日本遣布勢清直等送唐使回。是爲第十六次遣唐使。

779 年

己未 唐大曆十四年

二月，魏博節度使田承嗣死，其侄悅爲留後。三月，淮西將李希烈等逐節度使李忠臣，希烈爲留後，旋立爲節度使。五月，代宗死，太子適卽位，是爲德宗。罷梨園使及樂工三百餘人，留者隸太常。以郭子儀領職多，分其權，尊爲尚父，以裨將李懷光、常謙光、渾瑊等爲節度使。以劉晏判度支。六月，禁宦官出使求賂遺，又奪宦官王駕鶴神策軍都知兵

馬使職。七月，罷客省。以回紇留京者及千，商胡倍之，多效華裝，開肆牟利；因禁回紇不得效華人服飾。罷榷酒。八月，遣使吐蕃，歸其俘五百。十月，南詔王閣羅鳳死，孫異牟尋立，與吐蕃連兵擾蜀；遣李晟等率禁軍及范陽、邠、隴諸道兵往，大破之，死者八九萬。異牟尋懼，築羊咀畔城徙居之。十二月，立宣王誦爲皇太子。以楊炎議，令財賦依舊制歸左藏，不貯內庫。湖南牙將王國良以冤憤據邵州，結西原蠻四出鈔掠；遣使招撫之。是歲，陸真臘副王婆彌朝於唐，獻馴象，唐賜婆彌名寶漢。

780 年

庚申 唐德宗李适建中元年

正月，改元。用宰相楊炎議，約丁產定等，作兩稅法，罷一切新舊徵科色目。罷轉運、租庸、青苗、鹽鐵等使皆歸戶部；尋復故。二月，命黜陟使分巡各道。以李懷光爲四鎮、北庭行營等節度使，鎮將劉文喜拒命，改任朱泚，亦不奉詔；四月，文喜據涇州求援於吐蕃，命朱泚等討之；五月，文喜爲部下所殺，事平。六月，築奉天城。回紇登里可汗欲犯唐邊，其相頓莫賀以諫不從，殺登里，自爲可汗，遣使請命，冊爲武義成功可汗。七月，王國良受撫，賜名惟新。前宰相劉晏理財有盛名，爲楊炎所譖，已貶忠州刺史，又誣以欲反，殺之。八月，振武留後張光晟殺回紇使者等九百餘人。十二月，吐蕃遣相入貢。是歲，稅戶三百八萬五千七十六籍，兵七十六萬八千餘人，稅錢一千八十九萬八千餘緡，穀二百一十五萬七千餘斛。

781 年

辛酉 唐建中二年

正月，成德節度使李寶臣死，其子惟岳自爲留後，請授旌節，不許；李惟岳結魏博田悅、淄青李正己圖反抗；因分永平軍所領宋、毫、潁三州別置節度使，名其軍曰宣武；又並懷、鄭、汝、陝及河陽三城爲一節度使，以備李正己等。二月，振武軍亂，殺節度使及監軍，旋定。三月，遣使於吐蕃。五月，以軍興，增商稅爲什一。田悅攻邢州、臨洺。六月，名潤州軍曰鎮海。山南東道節度使梁崇義拒徵，命淮西李希烈討之。以河陽、懷州置節度使。郭子儀死。七月，伊西、北庭節度使李元忠及四鎮留後郭昕遣使迂道回紇中來，時爲吐蕃隔絕已十餘年，封元忠、昕爲郡王。河東節度使馬燧等大破田悅於臨洺。八月，淄青節度使李正己死，子李納請襲，不許。梁崇義敗死，李希烈大掠襄州。十一月，宣武節度使劉洽等大破李納於徐州。十二月，吐蕃贊普請不以臣禮見處，及以賀蘭爲界，皆許之。是歲，楊炎被殺。

782 年

壬戌 唐建中三年

正月，馬燧等再大破田悅於衛州，斬二萬餘，俘三千，悅遁魏州。盧龍留後朱滔等大破李惟岳於束鹿，惟岳遁恒州；閏正月，李惟岳爲部將王武俊所殺，遣使請命。復榷酒，惟西京不榷。二月，分成德軍管地，以張孝忠爲易定滄三州節度使，旋賜軍名義武；王武俊爲恒冀都團練觀察使，康日知爲深趙都團練觀察使。王武俊以未得節度，朱滔以未並深州，皆反，與田悅合。滄州軍亂，殺刺史，旋定。四月，吐蕃歸俘掠兵民八百。以軍費不給，括富商錢，長安大擾。五月，增諸道稅錢什二，鹽斗增百錢。命李懷光討朱滔等。懷光與滔等戰，大敗，餘軍皆退屯相持。

七月，濱州司馬李孟秋反，自稱安南節度使，旋敗死。九月，吐蕃使來。江上不靖，三千餘人掠江南西道，旋定。十一月，朱滔等結盟稱王，滔爲盟主，王冀；田悅王魏，王武俊王趙，李納王齊，各置官仿唐朝。十二月，李希烈反，結李納、朱滔，自稱天下都元帥、建興王。是歲，新羅遣使來。

783 年

癸亥 唐建中四年

正月，隴右節度使張鎰與吐蕃尚結贊盟於清水。李希烈襲陷汝州。宰相盧杞惡顏真卿，請旨命宣慰希烈，爲希烈所留。遣左龍武大將軍哥舒曜討李希烈，二月，克汝州。繼以永平等軍都統李勉爲招討使，曜副之。五月，趙贊奏行間架稅、除陌錢，以贍軍。七月，遣禮部尚書李揆爲入蕃會盟使。九月，蔡軍與李希烈兵戰於瀘澗，大敗。十月，涇原兵被命東征，過長安，以食劣無賞譁變，奉朱泚爲主，帝出奔奉天。遣金吾將軍入京宣慰，爲泚所殺。泚謀稱帝，司農卿段秀實死之。鳳翔將李楚琳殺節度使張鎰等，自爲節度使，附於朱泚。泚於是稱皇帝，國號秦，建元應天；殺唐宗室七十七人，旋攻奉天。十一月，各道兵討朱泚，先後至長安，李懷光兵亦至奉天，泚乃奔回。劍南軍亂，旋定。十二月，李懷光表言宰相盧杞等罪，爲之貶降有差。朱滔結回紇爲朱泚聲援。李希烈陷汴州。淮南節度使陳少遊送款於李希烈，又結李納。

784 年

甲子 唐興元元年

正月，改元。詔除朱泚外，李希烈、田悅、王武俊、李納、朱滔皆赦其罪，諸將赴難者概加“奉天定難功臣”之號，停罷墊陌錢、間架

稅及竹木茶漆榷鐵之類。朱泚更國號曰漢，改元天皇，自號漢元天皇。王武俊、田悅、李納皆去王號，謝罪；惟李希烈反稱皇帝，國號大楚，建元武成，以汴州爲大梁府，四出攻掠。朱滔怒田悅，攻之，圍魏州，縱回紇大掠。以王武俊爲恒冀深趙節度使，李納爲平盧節度使。左右羽林、龍武、神武六軍各置統軍，以授勳臣。吐蕃請發兵助收復京城，遣使趣之。二月，李懷光以怨望反，與朱泚相結；帝走梁州。田緒殺田悅，遣使請命，四月，爲魏博節度使。李懷光走河中，沿途鈔掠。四月，吐蕃兵從渾瑊破朱泚兵於武亭川，大掠而去。涇原將殺節度使馮河清，以附朱泚。五月，王武俊與澤潞李抱真連兵救魏州，大敗朱滔於貝州，滔遁歸幽州。李晟等入長安，朱泚逃至彭原，爲其下所殺。六月，改梁州爲興元府。七月，帝還京。李懷光謝罪，原之，遣給事中孔巢父赴河中慰諭；巢父輕躁，爲軍士所殺，懷光因又抗命，遣渾瑊等討之。八月，李希烈殺顏真卿。十月，復以宦官竇文場等爲監神策軍兵馬使。十一月，宋亳節度使劉洽等攻汴州，李希烈奔蔡州。

785 年

乙丑 唐貞元元年

正月，改元。三月，李希烈陷鄧州。四月，李晟等屢破李懷光，逼河中。六月，朱滔死，諸將奉劉怱知幽州軍事；旋命爲盧龍節度使。陝虢將達奚抱暉殺節度使，求旌節，且陰通李懷光；李泌單騎撫定其軍，逐抱暉。八月，李懷光窮迫自縊死，部下斷其首出降，河中平。九月，劉怱死，以其子李濟權知節度事。十二月，戶部奏歲貢者凡百五十州。是歲，名書家僧懷素死。

786 年

丙寅 唐貞元二年

正月，罷水陸運使度支巡院、江淮轉運使，各道租賦委觀察使、刺史部送，令宰相分判尚書六曹。二月，李泌自集津至三門，鑿山開車道十八里，以避底柱之險。四月，淮西將陳仙奇毒殺李希烈；命爲淮西節度使。升橫海軍使爲節度使。七月，淮西將吳少誠殺陳仙奇，自爲留後。八月，吐蕃大掠涇、隴、邠、寧，詔兵屯咸陽以備之。九月，十六衛各置上將軍。改神策左右廂爲神策左右軍，殿前射生左右廂爲殿前左右射生軍，各置大將軍、將軍。十月，李晟等破吐蕃摧沙堡。十一月，吐蕃陷鹽州；十二月，又陷夏、銀、麟等州。遷河曲六州胡於雲、朔之間。以韓滉兼度支鹽鐵轉運等使。是歲，新羅遣使來。

787 年

丁卯 唐貞元三年

正月，淮西兵防秋京西者自鄜州叛歸，李泌等計截斬之殆盡。二月，遣使吐蕃。分浙江東、西道爲三，浙西治潤州，浙東治越州，宣歙池治宣州，各置觀察使。三月，再遣使吐蕃；四月，又遣使吐蕃商和盟；五月，以渾瑊爲與吐蕃會盟使。閏五月，大省州縣官員，以其祿贍軍；旋於次月復之。以襄、鄧、復、郢、安、隨、唐七州隸山南東道。渾瑊與吐蕃盟於平涼，吐蕃背信切盟，瑊遁歸。六月，吐蕃棄鹽、夏。七月，分振武軍之綏、銀二州，合夏州，置節度使。遣元友直爲河南、江淮南句勘兩稅錢帛使。檢括胡客留長安者四千，分隸神策軍，自散兵馬使至卒有差。用李泌策，令戍卒耕荒田，募人入粟

補邊地官，以紓防秋經費。八月，吐蕃遣使請和，拒之。九月，吐蕃大掠汧陽等縣，殺老弱，擄丁壯；又圍隴州，繼陷華亭。用李泌策，和回紇、南詔以抗吐蕃；以咸安公主妻回紇可汗，可汗上書稱兒、稱臣。吐蕃陷連雲堡，十月，擾豐義城、長武城，並城故原州而屯之。僧人李欽奴結北軍將士謀反，事洩，死八百餘人。是歲，豐收，米斗錢百五十，粟斗錢八十。韓滉死。

788 年

戊辰 唐貞元四年

正月，令兩稅等第三年一定。增京官俸。四月，更殿前左右射生軍爲神威軍，與左右羽林、龍武、神武、神策號曰十軍。福建軍亂，逐觀察使吳詵，擁大將郝誠益掌留務。南詔王異牟尋遣使入見。吐蕃挾所擄唐人大掠涇、邠、寧、慶、鄜等州。七月，邠寧軍亂，旋定。奚、室韋大掠振武軍。九月，吐蕃掠鄜、坊二州。十月，回紇絕吐蕃，請改稱“回鶻”，許之，加可汗號爲長壽天親可汗。吐蕃擾西川銅山等地，節度使韋皋遣將破之，十一月再大破之。以徐泗濠州置節度使，用護運道。橫海軍節度使程日華死，子懷直自知留後；旋命爲觀察使，並分置景州爲其支郡。

789 年

己巳 唐貞元五年

十月，韋皋遣將與兩林等部大破吐蕃於嶺州臺登谷，漸復吐蕃侵地。易定節度使張孝忠襲蔚州，大掠。瓊州自乾封中爲土人所陷，至是嶺南兵攻下之。十二月，回鶻天親可汗死；冊其子多邏斯爲忠貞毗伽可汗。吐蕃結葛邏祿、白服突厥攻北庭，回鶻兵破之。是

歲，李泌死。

790 年

庚午 唐貞元六年

三月，王武俊因李納奪其棣州，攻之。四月，回鶻忠貞可汗爲其弟所殺，部人殺其弟，立其子阿啜爲可汗。五月，王武俊因田緒助李納，奪緒四縣。北庭陷於吐蕃，回鶻兵敗，節度使楊襲古奔西州，沙陀首領朱邪盡忠降於吐蕃，由是安西遂絕音問。葛邏祿取回鶻之浮圖川，回鶻遷西北部落於南以避之。十二月，王武俊歸四縣於田緒，李納歸棣州於王武俊，事定。

791 年

辛未 唐貞元七年

二月，冊回鶻可汗爲奉誠可汗。以神策等軍侵暴百姓，陵忽府縣，嚴誡之。易定節度使張孝忠死，以其子定州刺史張昇雲爲留後，逾二年始命爲節度使。四月，安南土人首領杜英翰等以賦斂苛重起事，都護高正平以憂死，尋定。五月，置柔遠軍於安南。八月，吐蕃攻靈州，回鶻敗之，九月，遣使獻俘。

792 年

壬申 唐貞元八年

二月，南詔勿邵首領苴夢衡潛結吐蕃，章皐遣兵擒斬之，雲南之路始通。三月，山南東道軍亂，旋定。四月，宣武軍節度使劉玄佐死，軍亂，擁玄佐子士寧爲留後，遂命爲節度使。吐蕃擾靈州，毀營田。五月，平盧節度使李納死，其子師古知留後，旋命爲節度使。六月，吐蕃擾涇州，擄田卒。八月，章皐攻維州，敗吐蕃。九月，陸贄奏減江運米，令京兆邊鎮和糴。十一月，山南西道兵

敗吐蕃於芳州。王武俊發兵圖奪平盧之三汭城，李師古遣將拒之；遣人諷止。盧龍節度使劉濟擊其弟瀛州刺史瀧，破之。左神策監軍竇文場譜統將柏良器去之，自是宦官始專軍政。

793 年

癸酉 唐貞元九年

正月，初稅茶，估值取什一，歲入四十萬緡。二月，城鹽州以禦吐蕃。四月，王武俊襲取義武軍之義豐，又掠安喜、無極民萬餘，徙之德、棣。五月，章皐遣將拔吐蕃所侵堡寨五十餘。南詔王異牟尋遣使上表歸唐。七月，因裴延齡奏，置欠負耗贖染練庫。劍南西山諸羌女王湯立志等八部去吐蕃來附，處之維、保、霸州，授諸首領官。十二月，宣武軍都知兵馬使李萬榮逐節度使劉士寧，自爲留後；逾年，命爲節度使。

794 年

甲戌 唐貞元十年

正月，劍南西山羌夷二萬餘戶來降；加章皐押近界羌、蠻及西山八國使。南詔王異牟尋與唐使盟，絕吐蕃，繼破吐蕃神川，取十六城，降衆十餘萬，獻捷於唐。四月，黃洞蠻首領黃少卿攻陷欽州，尋又陷橫、尋、貴等州，攻邕州。六月，昭義節度使李抱真死，其子李絳請襲，不許；以軍將王虔休爲留後，嗣命爲節度使。遣使冊南詔王異牟尋。章皐破吐蕃於峨和城。七月，昭義軍將洺州刺史不服王虔休，請分磁、邢、洺三州別置節度，虔休攻之，逾年方定。

795 年

乙亥 唐貞元十一年

二月，渤海國王大欽茂死，國中幾經爭亂，嗣立欽茂少子嵩璘爲王，改元正曆；遣使冊之。四月，幽州兵破奚王噶邏等。回鶻奉誠可汗死，其相跌跌骨咄祿爲可汗，冒姓藥葛羅氏；五月，冊爲懷信可汗。七月，河東監軍王定遠恣橫，軍將譁噪，定遠墮城死。十月，橫海軍將程懷信逐節度使程懷直，以懷信爲留後。南詔取吐蕃昆明城，虜施、順二王。

796 年

丙子 唐貞元十二年

正月，普加節度使檢校官。三月，西南夷高萬唐等二萬餘口來降。四月，魏博節度使田緒死，幼子季安爲留後，尋命爲節度使。六月，以宦官竇文場等爲護軍中尉監北軍，於是宦官權勢益大。七月，宣武軍節度使李萬榮將死，子迺謀旌節，部將鄧惟恭與監軍執迺，擅軍事；朝命以董晉爲節度使，繫惟恭，捕斬其黨。是歲，裴延齡死。

797 年

丁丑 唐貞元十三年

正月，吐蕃遣使請和，不許。三月，築方渠、合道、木波三城戍，皆吐蕃要路。四月，吐蕃贊普乞立讚死，子足之煎立。六月，吐蕃擾嵩州，敗還。十月，淮西節度吳少誠擅開刁溝，止之。十二月，以宦者爲宮市使。

798 年

戊寅 唐貞元十四年

二月，號淮西軍曰彰義。閏五月，神策軍屯長武者作亂，旋定。八月，置左右神策統軍。九月，彰義軍節度使吳少誠叛，掠壽州霍山。十月，夏州兵破吐蕃於鹽州西北。明州將栗鏐殺刺史，結山越，掠浙東。

799 年

己卯 唐貞元十五年

二月，宣武軍節度使董晉死，以行軍司馬陸長源代之，軍亂，饑食長源等；監軍引宋州刺史劉逸準來乃定。旋以逸準爲節度使，改名全諒。二月，栗鏐敗死。三月，吳少誠襲唐州，掠千餘人；八月，又圍許州，掠西華；詔削少誠官爵，討之。宣武軍節度使劉全諒死，軍中推都知兵馬使韓弘爲留後，尋命爲節度使。十一月，山南東道等處兵壓破吳少誠。十二月，六州党項奔河西。吐蕃擊南詔及嵩州，無功而還。是歲，渾瑊死。

800 年

庚辰 唐貞元十六年

二月，以夏綏節度使韓全義爲招討使，節制諸道兵，討吳少誠。四月，黔州將傅近逐觀察使韋士宗。五月，徐泗濠節度使張建封死，軍亂，擁建封子愔爲留後，求旌節，不許；擊之，不勝；乃以愔爲徐州團練使，旋又命爲留後。七月，盧龍節度使劉濟以其弟源抗命，擊擒之。十月，韓全義屢敗，會吳少誠謝罪，乃罷兵，復少誠官爵。吐蕃大將馬定德率部落來降。

801 年

辛巳 唐貞元十七年

五月，邠寧慶節度使楊朝晟死，以李朝采代之，劉南金爲副；軍亂，殺南金，擁兵馬使高固爲主，卽命固知軍事，尋以爲節度使。成德節度使王武俊死，以其子士真爲節度使。七月，吐蕃掠鹽州、麟州。九月，韋臯破吐蕃於雅州，圍維州及昆明城。十月，鹽州刺史杜彥先爲吐蕃所逼，棄城走。

802 年

壬午 唐貞元十八年

正月，驃王遣子入貢，獻其樂。 韋臯大敗吐蕃於維州，俘其大相論莽熱。 十月，鄜坊軍亂，旋定。

803 年

癸未 唐貞元十九年

正月，賜安、黃軍名奉義。 安南牙將王季元逐觀察使，旋平。 四月，吐蕃遣使入貢。 六月，遣使於吐蕃。 閏十月，鹽州將李庭俊殺權知州事崔文先，饗食之；庭俊旋被殺，事平。 是歲，日本遣藤原葛野麿等入唐。 僧空海、最澄等同行。 是爲第十七次遣唐使。

804 年

甲申 唐貞元二十年

四月，賜陳、許軍名忠武。 六月，昭義節度使李長榮死，兵馬使盧從史自薦句當軍事，即命爲節度使。

805 年

乙酉 唐貞元二十一年 順宗李誦永貞元年

正月，德宗死；太子卽位，是爲順宗，時已病不能言，王叔文等居中用事。 二月，罷諸道進奉、宮市、五坊小兒，皆病民者；又罷鹽鐵使月進錢。 三月，賜徐州軍名武寧。 立廣陵王淳爲皇太子，更名純。 五月，王叔文思奪宦官兵權，奏以宿將范希朝爲左右神策京西諸城鎮行營節度使，韓泰爲行軍司馬專其事；軍爲宦官所持，希朝不能行其令，後數月，希朝還本任。 七月，橫海節度使程懷信

死，以其子執恭爲留後。 令太子句當軍國政事。 八月，帝自稱太上皇，改元永貞，貶王叔文等。 太子卽位，是爲憲宗。 西川節度使韋臯死，行軍司馬劉闢自爲留後，求旌節，不許；徵爲給事中，闢不受；尋命闢爲節度副使知節度事。 九月，始令史官撰日曆。 十一月，回鶻懷信可汗死，冊其子爲毗伽騰里可汗。 是歲，陸贄死。 日本僧最澄自唐回，天台宗傳入日本。

806 年

丙戌 唐憲宗李純元和元年

正月，改元。 順宗死。 劉闢反，陷梓州，命神策軍使高崇文等討之。 二月，奚王誨落入朝。 三月，夏綏留後楊惠琳拒新節度使，命討之，惠琳尋爲其下所殺。 四月，策試制舉之士。 以李巽爲度支鹽鐵轉運使。 閏六月，平盧節度使李師古死，幕僚奉其弟師道爲副使，尋命爲留後。 九月，高崇文入成都，擒劉闢，送京師，殺之。 十月，分西川資、簡、陵、榮、昌、瀘六州隸東川，以高崇文爲西川節度使，嚴礪爲東川節度使。 復以濠、泗二州隸武寧軍。 是歲，回鶻入貢，始以摩尼來。 日本僧空海自唐還，真言宗傳入日本。

807 年

丁亥 唐元和二年

二月，西原首領黃承慶等起事，邕州兵破擒之。 四月，右金吾大將軍范希朝爲朔方、靈、鹽節度使；自安史亂後，邊將率卽本軍中任命，至是始革其弊。 八月，盧龍劉濟、成德王士真、義武張茂昭（昇雲）互鬭，遣官爲宣慰使和解之。 十月，鎮海節度使李錡反，遣將討之；錡旋爲部下執送長安，殺之。 是歲，宰相李吉甫撰元和郡國計簿上之；計方

鎮四十八，州、府二百九十五，縣千四百五十三，戶二百四十四萬二百五十四，租稅總入三千五百一十五萬一千二百二十八貫石，除鳳翔等十五道不申戶口外，賦稅倚辦止於浙江等八道、四十九州、一百四十四萬戶，比天寶戶減四分之三；兵八十三萬餘人，比天寶增三分之一。

808 年

戊子 唐元和三年

三月，回鶻騰里可汗死。四月，策試賢良方正直言極諫科舉人，牛僧孺、皇甫湜、李宗閔等指陳時政闕失，直言無隱；宰相李吉甫惡之，泣訴於帝，爲之貶試官，僧孺等亦久不得調。於是遂種後日牛李黨爭之因。五月，冊回鶻新可汗爲毗伽保義可汗。六月，西原首領黃少卿降，以爲歸順州刺史。沙陀首領葛勒阿波及朱邪執宜爲吐蕃所逼，帥部詣靈州降，處之鹽州，置陰山府，以葛勒阿波爲都督，執宜爲兵馬使，自是靈、鹽出兵常用之。十二月，南詔王異牟尋死，子尋閣勸立。

809 年

己丑 唐元和四年

正月，渤海國王大嵩璘死，子元瑜立，改元永德。三月，成德軍節度使王士真死，子承宗自爲留後。五月，吐蕃請和，許之。六月，徙范希朝爲河東節度使，命沙陀隨之往，處於定襄。八月，王承宗獻德、棣二州於朝。九月，安南都護張舟奏破環王。以王承宗爲節度使，領恒、冀、深、趙四州；置保信軍，領德、棣二州，以薛昌朝爲節度使。承宗聽魏博田季安讒，執囚昌朝；遣使諭解之，承宗不聽。十月，遣宦官吐突承璀討之。吐蕃至拂梯泉、大石谷，掠回鶻貢使。十一月，彰義軍節度使吳少誠死，部將吳少陽殺少

誠子自爲留後，逾年以爲節度使。是歲，南詔王尋閣勸死，子勸龍晟立。

810 年

庚寅 唐元和五年

正月，劉濟助討王承宗，拔二縣。吐突承璀與王承宗戰，屢敗。四月，以昭義節度使盧從史暗結王承宗，計擒之。五月，吐蕃使來。奚擾靈州。七月，王承宗請罪，原之，復與以德、棣二州，兵罷。劉濟爲其子總毒死，總又殺其兄，自領軍務嗣節度。九月，吐突承璀以出兵無功，貶，越三年復爲神策中尉。十月，義武節度使張茂昭請舉族入朝，許之，徙茂昭鎮河中；以任迪簡代，軍亂，旋定。是歲，日本入唐僧靈仙奉唐帝勅譯經。

811 年

辛卯 唐元和六年

九月，用宰相李吉甫言省吏員，併州縣，減仕途，定俸給，計省併內外官八百八員，諸司流外一千七百六十九人。黔州觀察使竇鞏急，辰、淑二州蠻首領張伯靖等率衆起事，閏十二月攻播州、賓州。是歲，大稔，米斗有值二錢者。

812 年

壬辰 唐元和七年

七月，以遂王有爲皇太子，更名恒。八月，魏博節度使田季安死，其妻元氏立子懷諫爲副大使，知軍務；九月軍亂，擁步射都知兵馬使田興爲留後，興不從，請命於朝；十月，以興爲節度使，遣使宣慰，厚賞將士，六州百姓給復一年；興請有司注擬缺官，輸賦稅；明年，賜興名弘正。十一月，宰相李絳請於振武、天德二軍開置營田，上命度支盧坦經度，後四

年中，開田四千八百頃，收穀四千餘萬斛，歲省軍費二十餘萬緡。是歲，吐蕃掠涇州。杜佑死。

813 年

癸巳 唐元和八年

正月，渤海國王大元璦死，以其弟言義爲王，改元朱雀。七月，中受降城爲河所毀，鎮將請修復之，用李吉甫議罷修，移其軍於振武。廢並天威軍於神策軍。潯州蠻帥張伯靖降。九月，吐蕃作烏蘭橋成，朔方自是禦寇不暇。十月，回鶻度磧自柳谷擊吐蕃，振武節度使李進賢發兵備之，軍亂，屠進賢家，進賢逃而免，旋定。發鄭滑、魏博兩鎮兵擊黎陽古河十四里，以紓水患。

814 年

甲午 唐元和九年

五月，復置宥州，治經略軍，遣神策軍戍之。閏八月，彰義節度使吳少陽死，其子元濟匿喪自爲留後，四出焚掠。十月，党項擾振武。是歲，孟郊、李吉甫死。

815 年

乙未 唐元和十年

正月，發十六道兵討吳元濟，數月，互有勝負。王承宗、李師道表請赦元濟，不從。師道暗助元濟，遣人焚河陰轉運院軍儲；六月，又使人刺殺宰相武元衡。時疑王承宗所爲，詔責之，絕其朝貢；嗣知爲師道，未暇治之。九月，以韓弘爲淮西諸軍都統。十月，分山南東道爲襄復郢均房及唐隨鄧兩節度使。長行敕刪定爲三十卷，頒行之。十一月，王承宗縱兵四掠，幽州等軍擊之。吐蕃請互市，許之。

816 年

丙申 唐元和十一年

正月，發六道兵討王承宗。二月，吐蕃贊普死，新贊普可黎可足立。南詔王勸龍晟淫虐不道，爲其下所殺，立其弟勸利爲王。四月，宥州軍亂，逐刺史，旋平。十一月，黃洞蠻擾賓州，旋又攻巖州。是歲，置淮潁水運使，以饋淮西行營。渤海國王大言義死，弟明忠立，改元太始。李賀死。新羅饑民百餘入唐浙東求食。

817 年

丁酉 唐元和十二年

二月，置淮西行縣以撫民。五月，以諸道討王承宗久無功，暫罷河北行營。六月，吳元濟以勢日蹙，上表謝罪，詔許以不死；元濟爲部下所制，不得出。八月，討吳元濟幾三年，無功，宰相裴度請督師，許之，以爲淮西宣慰處置使，護諸將；度至軍，以郾城爲治所。十月，唐隨鄧節度使李愬入蔡州，擒吳元濟，淮西平。是歲，渤海國王大明忠死，從父仁秀立，改元建興。

818 年

戊戌 唐元和十三年

正月，李師道獻沂、密、海三州。二月，橫海節度使程權（執恭）請舉族入朝，許之。四月，王承宗介田弘正謝罪，獻德、棣二州；原之。七月，以李師道反復，發五道兵討之。十月，吐蕃擾河曲、夏州，靈武兵破吐蕃長樂州。以山人柳泌爲台州刺史，求長生藥。十二月，遣中使迎鳳翔法門寺佛指骨。

819 年

己亥 唐元和十四年

二月，李師道部將劉悟殺師道，事平，分平盧地爲鄆曹濮、淄青登萊、兗海沂密三道，各置節度使。四月，詔諸道節度、都團練、都防禦、經略等使所統支郡兵馬，並令刺史領之。七月，沂州卒王弁以兗海沂密觀察使王遂酷虐，殺之，自稱留後；嗣除弁開州刺史，於赴任途中執送長安，殺之。八月，吐蕃擾慶州。九月，兗海沂密觀察使曹華到任，詐殺鄆州降卒一千二百人。十月，安南牙將土人楊清以都護李象古苛暴，殺之；尋赦清以爲瓊州刺史，清不受。是歲，吐蕃、党項圍鹽州急，靈武牙將史奉敬率兵襲吐蕃後，大破之，圍解。是歲，柳宗元死。新羅應唐命，遣兵助討李師道。

820 年

庚子 唐元和十五年

正月，憲宗暴死。宦官梁守謙等共擁太子恒即位，是爲穆宗。二月，廢併邕管於容管。吐蕃擾靈武，又擾鹽州。三月，楊清殘虐，部下開城納新都護桂仲武，仲武殺清，事平。七月，賜鄆曹濮軍名平天軍。十月，成德軍節度使王承宗死，諸將立其弟承元，遣使請命。党項引吐蕃入邊，涇州告急，發神策軍，以宦官梁守謙統之赴援，無濟，邠寧兵至，吐蕃始退。吐蕃擾雅州。移王承元爲義成軍節度使，田弘正爲成德軍節度使，劉悟爲昭義節度使，李愬爲魏博節度使；成德諸將堅留承元，不可，乃行。十二月，吐蕃圍烏白池。容管大破黃少卿。

821 年

辛丑 唐穆宗李恒長慶元年

正月，改元。令河北諸道均定兩稅。二月，回鶻保義可汗死。三月，盧龍節度使劉

總請爲僧，徙爲天平節度使，以張弘靖代之；總削髮遁，死於定州。翰林學士李德裕惡中書舍人李宗閔譏其父吉甫，借貢舉事與元稹等傾之，自是朋黨相軋垂四十年。四月，冊回鶻新可汗爲毗伽崇德可汗。增茶稅，每百錢加五十。五月，以太和長公主嫁回鶻可汗。六月，吐蕃擾鹽州，擊却之。回鶻請安西、北庭出兵擊吐蕃。七月，盧龍軍亂，囚張弘靖，擁朱克融爲帥。成德軍亂，都知兵馬使王庭湊殺田弘正，自稱留後；命裴度護諸道兵討之。八月，瀛州軍亂，執觀察使盧士玫。九月，相州軍亂，殺刺史邢滄。吐蕃請盟，遣劉元鼎爲會盟使，越月盟成。以錢重物輕，民所輸三倍其初，令兩稅皆輸布絲纈；獨鹽、酒課仍用錢。十月，靈武兵破吐蕃於大石山。淄青將馬廷峯作亂，尋平。十二月，赦朱克融，以爲盧龍節度使。

822 年

壬寅 唐長慶二年

正月，魏博節度使田布爲先鋒兵馬使史憲誠所逼自殺，以憲誠爲節度使。二月，因諸軍久無功，以王庭湊爲成德節度使。自是河北又不受長安號令。昭義節度使劉悟嗾軍士作亂，殺磁州刺史張汝，囚監軍。三月，武寧節度副使王智興逐節度使崔羣，大掠，又襲濠州；以智興爲節度使。六月，吐蕃擾靈武、鹽州。復置邕管經略使。七月，宣武軍亂，節度使李愿遁，衆推都押牙李汭爲留後，請命，不許；征之，汭拒，其下殺之，事平。浙西將王國清作亂，旋平。十二月，立景王湛爲皇太子。是歲，初行宣明曆。

823 年

癸卯 唐長慶三年

四月，安南奏陸州僚攻掠州縣。五月，以

晉、慈二州爲保義軍，置節度使。七月，黃洞蠻掠邕州，破左江鎮，又破欽州千金鎮。南詔王勸利死，立其弟豐祐。十月，安南奏黃洞蠻鈔掠。

824 年

甲辰 唐長慶四年

正月，黃洞蠻掠欽州。穆宗死，太子湛卽位，是爲敬宗。四月，卜者蘇玄明與染坊人張韶結染工數百人入宮作亂，旋平。八月，安南奏黃洞蠻鈔掠。十一月，安南奏黃洞蠻與環王陷陸州。是歲，回鶻崇德可汗死，弟曷薩特勤立。韓愈死。

825 年

乙巳 唐敬宗李湛寶曆元年

正月，改元。三月，冊回鶻新可汗爲毗伽昭禮可汗。八月，昭義節度使劉悟死，十二月，以其子從諫爲留後，越四月乃命爲節度使。是歲，新羅遣使如唐，且遣子弟十二人入國學兼備宿衛。

826 年

丙午 唐寶曆二年

三月，橫海節度使李全略死，其子副使同捷自爲留後，賂鄰道助請眞除。五月，盧龍軍亂，殺節度使朱克融，立其少子延嗣主軍務；八月，都知兵馬使李載義殺延嗣，權知留後；十月，以載義爲節度使。十二月，宦官劉克明等殺帝，立絳王悟，宦官王守澄等殺克明等，擁皇弟江王涵卽位，是爲文宗，更名昂。放宮女三千餘人，省教坊、翰林總監冗食千二百餘員。

827 年

丁酉 唐寶曆三年 文宗李昂太和元年

二月，改元太和。五月，以烏重胤爲橫海節度使，徙前橫海副使李同捷爲兗海節度使；同捷不受詔，八月，發七道兵討之。王庭湊助李同捷爲亂。

828 年

戊申 唐太和二年

六月，峰州刺史王升朝反，安南都護兵討斬之。九月，以王庭湊助李同捷，命諸軍討之。安南軍亂，逐都護韓約。十二月，魏博將元志紹作亂，命討之。新羅以唐人往往掠沿海民爲奴婢，置濟海鎮，以張保皋爲大使以防之，保皋曾仕唐爲徐州將。

829 年

己酉 唐大和三年

正月，元志紹降。四月，李同捷請降，宣慰使柏耆取同捷詣長安，中道殺之，攘爲己功。六月，史憲誠請入朝，許之，以李聽爲魏博節度使；軍亂，殺憲誠，擁牙將何進滔知留後，拒聽；八月，以進滔爲魏博節度使。王庭湊介鄰道請服，赦之。徵李德裕入朝，將大用，會李宗閔以宦官之助拜相，出德裕爲義戎節度使。十一月，南詔入邊，陷嶺、戎二州，大敗西川兵於邛州，又陷之，十二月，更陷成都外郭，西川節度使杜元穎保牙城；南詔繼又入東川，節度使郭釗責其將嵯顛，始退，俘男女百工數萬以去。郭釗至成都，與南詔約和，嗣遣中使以國信賜嵯顛。

830 年

庚戌 唐大和四年

正月，李宗閔引牛僧孺爲相，二人合排李德裕之黨。二月，山南西道新軍受監軍楊叔元煽惑，殺節度使李絳。三月，以柳公綽爲河東節度使，柳公綽奏以沙陀首領朱邪執宜爲陰山

都督、代北行營招撫使，居雲朔塞下，以捍北邊。新山南西道節度溫造殺作亂新軍八百餘人，囚楊叔元，流之。四月，奚擾幽州，節度使李載義破之，擒其王茹羯。是歲，渤海國王大仁秀死，孫彝震立，改元咸和。

831 年

辛亥 唐大和五年

正月，賜滄、齊、德軍名義昌軍。盧龍將楊志誠作亂，逐節度使李載義；二月，以志誠爲留後，旋以爲節度使。三月，帝與宰相宋申錫謀誅宦官，京兆尹王璠泄其事。宦官王守澄等誣奏申錫謀立瑋王，欲殺之；羣臣力爭，降瑋王爲巢縣公，申錫爲開州司馬，坐死及流竄者數十百人。五月，西川節度使李德裕使人索南詔所擄百姓，得四千人而還。九月，吐蕃維州副使悉怛謀來降，李德裕遣兵據其城，請遣生羌攻吐蕃以雪耻，牛僧孺力梗之，且令執悉怛謀送還，吐蕃盡殺之，德裕怨僧孺益深。十月，南詔陷巂州三縣。是歲，元稹死。

832 年

壬子 唐太和六年

三月，回鶻昭禮可汗爲其下所殺，立其從子胡特勤。十月，立魯王永爲太子。十二月，牛僧孺罷；李德裕爲兵部尚書。

833 年

癸丑 唐太和七年

二月，加盧龍節度使楊志誠檢校吏部尚書。志誠望加僕射，既不得，怒，留官告使，讓官不受。李德裕拜相，漸排所惡者，出宰相李宗閔爲山南西道節度使。四月，冊回鶻新可汗爲毗伽彰信可汗。八月，用李德裕言，令進士試論議，停詩賦。加楊志誠檢校右僕射，

仍遣使慰諭之。

834 年

甲寅 唐太和八年

十月，盧龍軍亂，逐節度使楊志誠，擁兵馬使史元忠主留務；志誠奔長安，詔流之嶺南，道殺之；遂命元忠爲留後，後命爲節度使。宦官王守澄等惡李德裕，排去之，引李宗閔復入爲相；李德裕爲兵部尚書，宗閔出之爲鎮海軍節度使。德裕既去，令進士仍試詩賦。十一月，成德節度使王庭湊死，子元逵知留後。莫州軍亂，刺史不知所在。

835 年

乙卯 唐太和九年

正月，以王元逵爲成德節度使。三月，翰林侍講學士李訓、太僕卿鄭注得帝寵信，皆憾李德裕，使人誣德裕陰結瑋王，貶爲太子賓客，繼又以他事再貶袁州長史。五月，以宦官仇士良爲神策中尉。六月，鄭注慮李宗閔毀之，貶爲明州刺史；繼又以宗閔陰結宮妾，再貶處州長史，嗣更貶爲潮州司戶。時訓、注所惡朝士皆指爲德裕、宗閔之黨，貶逐多人。八月，增江淮、嶺南茶稅。九月，李訓、鄭注與帝謀除宦官，欲中外協勢以圖之，以注爲鳳翔節度使，又以虛名與王守澄而奪其權，因以守澄爲左右神策觀軍容使兼十二衛統軍，嗣拜李訓爲相，未幾酖殺守澄。用鄭注言榷茶。十一月，李訓等詐稱左金吾廳事後石榴有甘露降，請帝臨視，就圖殺宦官；事洩，宦官仇士良等族訓、注及宰相王涯等，前後死者數千人。自是宦官之權益大，宰相但奉行文書。十二月，罷榷茶。是歲，日本高岳親王入唐。

836 年

丙辰 唐開成元年

正月，改元。二月，昭義節度使劉從諫表問王涯等罪名，宦官微有忌憚。吐谷渾三千帳詣豐州降。是歲，日本遣藤原常嗣等入唐，共六百五十餘人，僧圓仁等十一人同行，以遭風一再折回，直至八三八年始成行。是為第十八次遣唐使。

837 年

丁巳 唐開成二年

六月，河陽節度使李泳貪暴，其下逐之，殺其二子。七月，振武所領党項、突厥紛起鈔掠。十月，國子監石經成。

838 年

戊午 唐開成三年

正月，宦官仇士良使人刺宰相李石未中，李石懼請辭，出為荊南節度使。三月，牂柯蠻擾涪州。九月，義武節度使張瑨死，遺囑其子元益歸朝。軍中欲奉元益為留後，殺異議者十餘人。逾月，元益始得行。十月，太子永死。是歲，吐蕃贊普彝泰死，弟達磨立，荒淫無道，吐蕃遂衰。

839 年

己未 唐開成四年

十月，立敬宗子陳王成美為皇太子。是歲，戶四百九十九萬六千七百五十二。回鶻內鬩，其相掘羅勿引沙陀兵攻彰信可汗，可汗自殺，國人立廬駁特勤為可汗。唐琵琶曲傳入日本。是歲，裴度死。

840 年

庚申 唐開成五年

正月，帝病亟，宦官仇士良等矯詔立潁王瀼為

皇太弟，廢太子成美仍為陳王。帝旋死，皇太弟殺陳王成美即位，是為武宗。八月，義武軍亂，旋定。九月，召李德裕為相。十月，回鶻內鬩，別將句錄莫賀引點戛斯攻殺廬駁可汗，諸部逃散；一支奔葛邏祿，一支奔吐蕃，一支奔安西，一支奔天德軍求內附。自是回鶻遂不振，戛斯興起。魏博節度使何進滔死，軍中立其子重順知留後，越半年命為節度使，改名弘敬。

841 年

辛酉 唐武宗李瀼會昌元年

二月，回鶻殘部立烏希特勤為烏介可汗，保錯子山。六月，命道士趙歸真等建道場於三殿，帝親受法籙。九月，盧龍軍將陳行泰殺節度使史元忠，自為留後；閏九月，牙將張絳殺行泰，自主軍務，雄武軍使張仲武擊破絳；十月，以仲武為留後，逾二月命為節度使。李德裕惡山南東道節度使牛勣，罷為太子太師。十一月，點戛斯自謂李陵之後，與唐同姓，破回鶻時得太和公主，遣使送歸。回鶻烏介可汗邀劫之至天德軍，求借一城以居。十二月，遣使賑之，並察虛實；拒借城事。是歲，日本僧惠萼、順昌等入唐；後惠萼隨唐商船回，順昌隨新羅人船回。

842 年

壬戌 唐會昌二年

二月，修河東烽壘及東、中二受降城以備回鶻。時回鶻分三枝：烏介可汗居大同軍北，那頡啜東走，啞沒斯居天德軍北。四月，啞沒斯來降，以其部為歸義軍，賜啞沒斯及其諸弟姓名為李思忠、思貞、思義、思禮。五月，那頡啜窺幽州，張仲武大破之，悉收降其衆七千帳。那頡啜尋為烏介可汗所殺。七月，嵐州人田滿川據城起事，河東節度使劉沔

擊平之。八月，烏介可汗入大同川大掠。九月，以劉沔爲振撫回鶻使，張仲武爲東面招撫回鶻使，李思忠爲西南面招討使。十月，黠戛斯遣人至天德詢送太和公主事。十二月，吐蕃使來告達磨贊普之喪，遣使弔祭。吐蕃旋大亂。是歲，劉禹錫死。

843 年

癸亥 唐會昌三年

正月，河東將石雄大破回鶻於殺胡山，降其部落二萬；烏介可汗走保黑車子族；迎太和公主回。二月，罷回鶻歸義軍，分隸諸道爲騎兵，嗣以不受命，皆殺之。回鶻降幽州者三萬餘皆散隸諸道。黠戛斯遣使來求冊命，遣使報之。四月，昭義節度使劉從諫死，從子稹請爲留後，不許。五月，李德裕謂賓客分司李宗閔交通劉從諫，命爲湖州刺史。命各道討劉稹。六月，黠戛斯使來，令速平回鶻乃行冊命。吐蕃相論恐熱擊其鄯州節度使尚婢婢，尚婢婢卑辭却之；九月，尚婢婢遣將擊論恐熱，大破之。十一月，以党項降戶隸於一使。安南軍亂，旋定。是歲，賈島死。

844 年

甲子 唐會昌四年

正月，河東都將楊弁作亂，結劉稹，逾月平。三月，黠戛斯使來請師期以擊回鶻。吐蕃相論恐熱擊尚婢婢，大敗。朝廷復議河湟四鎮十八州，以劉濠爲巡邊使。六月，減州縣佐官一千二百一十四員。削宦官仇士良爵，籍沒家貲。八月，昭義將郭誼等殺劉稹，降，事平。十月，李德裕借昭義事羅織東都留守牛僧孺、湖州刺史李宗閔罪，三貶之，僧孺爲循州長史，宗閔長流封州。

845 年

乙丑 唐會昌五年

正月，築望仙臺於南郊。四月，遣使冊黠戛斯阿熱可汗爲宗英雄武誠明可汗。七月，敕毀山野招提、蘭若，西都兩街各留二寺，寺僧三十人；東都留兩寺，各僧十人；節度觀察治所及同、華、商、汝四州各留一寺，僧十人、七人有差；餘僧尼及大秦、穆護、祆僧皆勒歸俗，寺非應留者毀撤，田產沒官，銅像、鐘磬以鑄錢。凡毀寺四千六百餘，僧尼歸俗二十六萬五百，大秦穆護、祆僧二千餘，毀招提、蘭若四萬餘，收田數千萬頃，奴婢十五萬人。昭義步騎二千人遣赴振武，憚遠戍，噪變，旋定。九月，置備邊庫。十二月，吐蕃論恐熱攻尚婢婢，又大敗。是歲，戶四百九十五萬五千一百五十一。

846 年

丙寅 唐會昌六年

正月，以党項鈔掠不已，遣將擊之。三月，帝病亟，宦官擁憲宗子光王怡爲皇太叔，更名忱。帝死，太叔卽位，是爲宣宗。四月，宰相李德裕罷，漸逐其黨。五月，令各道增置八寺，復度僧尼。七月，回鶻烏介可汗爲其下所殺，立其弟遏捻爲可汗。量移牛僧孺等於內地。是歲，李宗閔、白居易死。

847 年

丁卯 唐宣宗李忱大中元年

正月，改元。閏四月，令會昌五年所廢寺聽僧尼修復。五月，張仲武大破諸奚。吐蕃論恐熱結党項、回鶻擾河西，沙陀朱邪赤心擊走之。八月，突厥內屬者鈔掠，振武兵破之。是歲，會昌四年所減州縣官，內復增二百八十三員。

848 年

戊辰 唐大中二年

正月，回鶻遏捻可汗依室韋，張仲武令室韋獻之；遏捻可汗與妻九騎西奔，餘部附於室韋。黠戛斯破室韋，取回鶻殘部還。其別部龐勒先在安西者亦稱可汗，居甘州磧西，自是回鶻遂散。九月，貶李德裕爲崖州司戶，至是德裕已四貶。十二月，鳳翔軍破吐蕃，克清水。吐蕃論恐熱遣兵西略，爲尚婢婢所敗。

849 年

己巳 唐大中三年

二月，吐蕃秦、原、安樂等州來降。四月，盧龍節度使張仲武死，其子直方爲留後，逾月命爲節度使。五月，武寧軍亂，逐節度使李廓。七月，克復河湟，八月，改安樂州爲威州。十月，改備邊庫爲延資庫。十月，西川兵收復維州。閏十一月，盧龍軍亂，推牙將周緄爲留後，節度使張直方奔長安，尋命緄爲節度使。山南西道兵收復扶州。李德裕死於崖州，由是朋黨之爭漸平。

850 年

庚午 唐大中四年

八月，盧龍節度使周緄死，軍中推張允伸爲留後，尋命爲節度使。九月，吐蕃論恐熱敗尚婢婢兵，大焚掠河西八州。十一月，以党項鈔掠不已，再遣兵擊之。

851 年

辛未 唐大中五年

正月，沙州人張義潮逐吐蕃，攝州事，奉表來報，命爲沙州防禦使。以裴休爲鹽鐵轉運使。四月，党項粗定，詔綏撫之，靈、夏、邠、鄭四道百姓給復三年。五月，吐蕃論恐

熱窮蹙來朝，求爲河湟節度使，不許，放還，奔廓州。十月，令大縣遠於州者置一寺，鄉村不得更置佛舍。蓬、果諸州人苦苛政，假神道聚衆據鷄山，擾三川，尋敗散。張義潮略定瓜、伊、西、甘、肅、蘭、鄯、河、岷、廓十州，遣使入獻圖籍，於是吐蕃所侵河、湟之地盡復；十一月，置歸義軍於沙州，以義潮爲節度使、十一州觀察使；其判官曹義金爲長史。

852 年

壬申 唐大中六年

四月，衡州民鄧裴等起事，尋敗。八月，僚掠昌、資二州。十月，邠寧節度使畢誠招諭党項，降之。十二，復禁私度僧尼。

853 年

癸酉 唐大中七年

四月，定行刑折杖法。十二月，度支奏歲入租稅五百五十萬餘緡，榷酤八十二萬餘緡，鹽利二百七十八萬餘緡，共九百二十五萬餘緡。

854 年

甲戌 唐大中八年

十月，雪甘露之變王涯等冤。宰相令狐綯密陳黜宦官權之策，爲宦官所知，由是益惡朝士。

855 年

乙亥 唐大中九年

正月，成德節度使王元逵死，子紹鼎爲留後，旋命爲節度使。閏四月，令每縣據人貧富及役輕重作差科簿，每有役事據簿定差。七月，浙東軍亂，逐觀察使李訥。

856 年

丙子 唐大中十年

三月，詔招徠回鶻日勒可汗；十一月，可汗遣使入貢，冊爲毗伽懷建可汗。

857 年

丁丑 唐大中十一年

四月，以嶺南溪洞屢出鈔掠，遣使宣慰之。五月，容管軍亂，逐經略使王球。八月，成德節度使王紹鼎死，軍中奉其弟紹懿爲留後，嗣命爲節度使。十月，吐蕃酋長尙延心以河、渭二州內附。

858 年

戊寅 唐大中十二年

二月，渤海國王大彝震死，其弟虔晃嗣。四月，嶺南軍亂，囚節度使楊發，旋定。五月，湖南軍亂，逐觀察使韓儆，旋定。六月，江西軍亂，逐觀察使鄭憲，越半載平。蠻怨都護李涿貪暴，導南詔擾安南。七月，宣州軍亂，逐觀察使鄭薰，旋定。是歲，詩人李商隱死。

859 年

己卯 唐大中十三年

正月，分河東雲、蔚、朔三州隸大同軍。四月，武寧軍亂，逐節度使康季榮，旋定。六月，宣宗死；宦官王宗實等立鄆王溫爲皇太子，更名漣，旋即位，是爲懿宗。十二月，裘甫以百人起事，陷象山，逼剡，屢敗官軍；浙東觀察使派兵合臺州兵擊之。南詔王豐祐死，子驃信酋龍立，稱皇帝，國號大禮，建元建極，遣兵陷播州。

860 年

庚辰 唐大中十四年 懿宗李漣咸通元年

正月，裘甫敗浙東兵，陷剡縣，衆至數千；二月，又大敗浙東兵，衆至三萬，自稱天下

知兵馬使，建元羅平，鑄印曰天平；三月，又陷餘姚、慈溪、奉化、寧海；中原大震，遣前安南都護王式統忠武等道兵擊之。五月，蔡州縣稅外科率。六月，王式擒裘甫，七月破降甫殘部，浙東平。十月，安南都護李鄲收復播州。十一月，改元咸通。十二月，安南土人引南詔兵乘虛陷交趾。是歲，柳公權死。

861 年

辛巳 唐咸通二年

正月，發兵救安南。比兵至，都護李鄲已收復交趾。七月，南詔陷邕州，二十餘日乃去。

862 年

壬午 唐咸通三年

二月，南詔又擾安南，旋退。【四月，置戒壇，度僧尼。五月，分嶺南爲兩道，東道治廣州，西道治邕州，各置節度使。七月，徐州軍亂，逐節度使溫璋。以王式代璋，式至，殺驕悍者數千人。八月，嶺南西道節度使蔡京以殘虐爲軍士所逐。十一月，南詔擾安南，圍交趾。是歲，吐蕃噶末入貢。日本眞如法親王及從僧等乘唐商船入唐。

863 年

癸未 唐咸通四年

正月，南詔陷交趾，都護蔡襲死。南詔兩陷交趾，前後殺虜十五萬。二月，置天雄軍於秦州，以成、河、渭三州隸之。三月，歸義節度使張義潮逐吐蕃，復涼州。南蠻擾邕州。四月，徐州多人入州城殺官吏，旋定。五月，廢容管，隸嶺南西道。六月，廢安南都護府，置行交州於海門，旋又置安南都護於行交州。八月，黠戛斯遣使求經籍，且請討回鶻。十二月，南詔擾西川。

864 年

甲申 唐咸通五年

正月，西川破南詔兵。三月，嶺南西道節度康承訓擊南詔擾邕之師大敗，嗣小勝，捏報大捷。七月，兩林鬼主敗南詔擾西川之師。復置容管。以驍衛將軍高駘爲安南都護、經略招討使。

865 年

乙酉 唐咸通六年

五月，置鎮南軍於洪州，以應接嶺南軍事。南詔陷嵩州。九月，高駘大破峰州蠻。是歲，唐遣使至新羅冊封。日本僧宗叡等乘唐商船回。

866 年

丙戌 唐咸通七年

二月，張義潮奏逐吐蕃，克西州、北庭、輪臺、清鎮等城。三月，南詔使至成都，詔送詣長安。成德節度使王紹懿死，兄子景崇爲留後，尋命爲節度使。閏三月，吐蕃擾邠州。六月，魏博節度使何弘敬死，子全諲爲留後，尋以爲節度使。南詔大發兵援安南，高駘大破之。十月，吐蕃論恐熱被殺，其部衆奔秦州，悉遷之於嶺南，吐蕃自是大衰。高駘克交趾，南詔潰；十一月，置靜海軍於安南，以駘爲節度使。十二月，黠戛斯入貢。

867 年

丁亥 唐咸通八年

二月，張義潮入朝，命其族子張惟深知歸義軍事。高駘募工鑿安南至邕廣海路潛石。西川以六姓部落持兩端，擊破之。七月，懷州民以刺史劉仁規禁訴旱，逐之，久之乃定。

868 年

戊子 唐咸通九年

六月，置定邊軍節度使，以邛、眉、蜀、雅、嘉、黎、嵩七州隸之，以制南詔。七月，徐泗兵赴援安南駐桂州者，以六年不得代，怒殺都將，擁糧料判官龐勛爲主，北還，十月，陷宿州，助稱兵馬留後，繼入徐州，囚觀察使崔彥曾，表請旌節，一時歸附者甚多。十一月，發諸道兵及沙陀、吐谷渾、達靼、契苾諸部兵，遣康承訓等擊助。助分兵破魚臺，圍宋州、泗州，攻舒、廬，擾沂、海，陷滁州，掠和州，屢敗官兵。

869 年

己丑 唐咸通十年

四月，龐勛兵數敗於沙陀騎，乃殺崔彥曾等，稱天冊將軍以繫衆心。六月，陝州民以訴旱不爲觀察使崔堯所聽，逐之。八月，康承訓破徐州，大屠殺。龐勛率部西走，爲沙陀騎所逼，溺死。十月，助別將守濠州者始敗死，事定。以沙陀首領朱邪赤心有功，命爲大同軍節度使，賜姓名李國昌。十月，南詔大舉攻西川，十二月陷嘉、黎、雅等州。是歲，新羅遣使如唐。又遣學生三人入唐國學，賜買書銀三百兩。

870 年

庚寅 唐咸通十一年

正月，遣使通和於南詔。廢定邊軍。南詔圍成都，二月，以援軍至解圍去。四月，龐勛餘部攻鈔於兗、鄆、青、齊之間，遣使招諭之。五月，光州民逐刺史李弱翁。八月，魏博軍亂，殺節度使何全諲，擁韓君雄爲留後，逾半年以爲節度使，後賜名允中。十一月，以徐州爲感化軍，置節度使。十二月，

以李國昌爲振武節度使。

871 年

辛卯 唐咸通十二年

五月，帝幸安國寺，賜僧沈檀講座二，設萬人齋。

872 年

壬辰 唐咸通十三年

正月，盧龍節度使張允伸死，其子張簡會知留後；二月，平州刺史張公素帥兵奔允伸喪，簡會懼，奔長安；遂以公素爲留後，尋爲節度使。八月，歸義節度使張義潮死，長史曹義金代領軍府，尋命爲節度使。是後，回鶻陷甘州，聲問遂絕。十二月，以振武節度使李國昌恣橫專殺，徙爲大同軍防禦使，國昌不受。

873 年

癸巳 唐咸通十四年

三月，遣使迎佛骨，四月，至京師。五月，南詔擾西川、黔南。七月，帝病亟，宦官劉行深等立普王儼爲皇太子；帝死，太子卽位，是爲僖宗，改名儼。

874 年

甲午 唐咸通十五年 僖宗李儼乾符元年十一月，改元乾符。魏博節度使韓允中死，子韓簡爲留後，尋命爲節度使。南詔擾西川，十二月，陷黎州，焚掠新津而退。党項、回鶻擾天德軍。龐勛殘部掠感化軍境，命亮、鄆等道助擊之。商州民李叔汶等以刺史滅折羅錢毆之，官吏二人死，新刺史殺叔汶等三十餘人。回鶻爲吐谷渾及吐蕃唃廝囉所破，西走。是歲，以關東連年水旱，百姓流殍，所在起事，官軍多敗，濮州人王仙芝起事

於長垣。日本遣人入唐求香藥。

875 年

乙未 唐乾符二年

正月，用宦官田令孜言，籍長安東西市寶貨輸內庫。西川節度使高駢大破南詔於大渡河。四月，西川軍將作亂，旋定，高駢皆殺之。浙西將王郢等起事，陷蘇、常，掠二浙、福建。六月，王仙芝陷曹、濮，敗天平兵；冤句人黃巢起應之。盧龍軍亂，大將李茂勳逐節度使張公素，自爲留後，尋以爲節度使。十月，昭義軍亂，大將劉廣逐節度使高湜，自爲留後。十一月，回鶻還至羅川，遣使入貢。淮南等五道大亂，命擊撫之。十二月，王仙芝攻沂州。

876 年

丙申 唐乾符三年

正月，命福建、江西、湖南練士卒，全國鄉村置弓刀鼓板。賜亮、海軍號泰寧。三月，盧龍節度使李茂勳請致仕，以子可舉知留後，尋以爲節度使。四月，原州軍亂，逐刺史。密詔汴、徐、泗等州於管内巡突，衛綱船，五日一具上供錢米平安狀。七月，以高杰爲沿海水軍都知兵馬使，擊王郢。王仙芝敗於沂州，還陷陽翟等地，九月，陷汝州、陽武。命招諭王仙芝等。十一月，王仙芝陷郢、復二州。王郢請降。十二月，青、滄軍士戍安南者，還至桂州，逐觀察使李瓚。王仙芝等攻申、光、廬、壽等州至蘄州，刺史裴偃延仙芝、黃巢等入城，置酒，贈金帛，表請赦之，宰相王鐸亦爲之固請，因授仙芝爲左神策軍押牙。黃巢以官不及己，怒，仙芝遂不受命，大掠蘄州，分道而去。

877 年

丁酉 唐乾符四年

正月，王郢以所求不遂，復起事，二月，掠明州，陷台州；命二浙、福建出舟師擊之。王仙芝陷鄂州；黃巢陷郢州，殺節度使薛崇。南詔王酋龍死，諡景莊皇帝；子法立，改元貞明承智大同，國號鶴拓，亦號大封人；閏二月，遣使於嶺南西道請和，許之。王郢敗死。三月，黃巢陷沂州，四月，與尚讓合保查牙山。陝州軍亂，逐觀察使崔碣。柳彥璋掠江西，六月，陷江州，請降，許之；令赴京，不從，後敗死。七月，王仙芝、黃巢攻宋州，敗；八月，仙芝陷安州、隨州。鹽州軍亂，逐刺史王承顏，請以王宗誠爲刺史，不許，遣兵擊之，逾月定。十月，河中軍亂，逐節度使劉倖。黃巢攻斬、黃，敗。十一月，王仙芝遣尚君長請降，官軍劫之，以擒獲聞；十二月，君長被殺。黃巢陷匡城、濮州。

878 年

戊戌 唐乾符五年

正月，王仙芝陷荆南羅城；襄陽援兵以沙陀騎至，仙芝去，至申州，大敗，走黃梅，二月又敗，死。尚讓帥餘部歸黃巢於亳，推巢爲主，號衝天大將軍，建元王霸。巢數敗，請降，許之；令解甲，巢不從。雲州沙陀李盡忠等囚大同防禦使段文楚，迎李國昌之子克用，克用殺文楚，請救命，不許。三月，朗州、岳州亂，城皆陷。湖南將高傑逐觀察使崔瑾。王仙芝餘部王重隱陷洪州，入湖南，別將掠宣、潤、湖州。黃巢略宋、汴而南，陷虔、吉、饒、信等州。四月，詔貸商旅、富人錢穀以贍軍。南詔請和親。五月，沙陀李國昌反，陷遮虜軍。河東土團亂，殺軍將，旋

定。六月，以王仙芝餘部掠浙西，徙高駘爲鎮海節度使經營之。沙陀入忻州，八月，攻岢嵐軍。黃巢攻宣州、浙東，入福建。九月，昭義兵掠晉陽，坊民擊潰之。十月，發昭義、盧龍兩道及吐谷渾等部兵討李國昌父子。十一月，沙陀陷岢嵐軍，攻石州。十二月，李克用敗河東、昭義兵；昭義潰卒掠代州，民截殺之殆盡。是歲，王仙芝餘部攻二浙，杭州募鄉兵，以董昌等領之，號杭州八都。高安人鍾傳據撫州，嗣命爲刺史。新羅遣使如唐，以黃巢亂起，道阻，乃止。

879 年

己亥 唐乾符六年

正月，黃巢屢敗於高駘，部將多降，遂趨廣南。二月，嶺南西道使人赴南詔約和，南詔不肯奉表稱貢。河東軍亂，殺節度使崔季康。三月，天平節度使張勣死，牙將崔君裕自知軍事，旋被殺。五月，河東軍亂，焚掠二十餘日始定。六月，黃巢求爲節度使，不許，命爲府率；九月，命至，巢怒，陷廣州，殺節度使李迢。十月，巢棄廣州而北，陷潭州，逼荆南，官軍大焚掠江陵而遁。十一月，巢敗於荆門，攻歷鄂、饒等十五州。是歲，桂陽人陳彥謙起事，陷柳州。

880 年

庚子 唐廣明元年

正月，沙陀擾忻、代，二月，陷太谷，旋去。河東軍亂，殺節度使康傳珪；遣使慰定之。改楊子院爲發運使。三月，宦官田令孜之兄陳敬瑄以賭毬第一，命爲西川節度使。以高駘屢敗黃巢，命爲諸道行營都統。安南軍亂，節度使逃。四月，荆南戍將段彥謩殺安撫使宋浩。五月，軍將劉漢宏攻掠宋、亮，征兵討之。黃巢敗高駘之兵，勢復振，六

月，巢陷睦、婺、宣等州。蔚、朔等州招討都統李琢、盧龍節度使李可舉等討李克用，沙陀二千來降。劉漢宏掠申、光二州。許南詔和親、不稱臣。七月，黃巢渡江，高駢不敢阻，遣河南諸道兵防堵。劉漢宏降。李國昌、克用敗奔達靼。八月，忠武軍將周岌逐節度使薛能，自爲留後。九月，汝州兵自代州還，過東都，大焚掠。黃巢渡淮，禁所部虜掠；十月，陷申州，至潁、宋、徐、兗之地。澧州亂，殺刺史李詢。十一月，河中將王重榮作亂，大剽掠，命權知留後。黃巢至汝州，稱天補大將軍，牒諸軍勿逆戰，將問罪長安；旋入東都。急發神策軍守潼關，十二月，黃巢入潼關，下華州。長安大震，田令孜擁帝奔成都。巢隨入長安，稱皇帝，國號齊，改元金統。唐帝走興元。鳳翔節度使鄭畋盟將士，修守備，以抗黃巢。河中留後王重榮初降黃巢，繼又叛，與義武節度使王處存連兵抗巢，敗巢將朱溫。

881 年

辛丑 唐廣明二年 中和元年

正月，唐帝至成都。二月，命薩葛、吐谷渾諸部入援。三月，黃巢將朱溫下鄧州。命鄭畋爲京城四面諸軍行營都統；畋旋敗黃巢兵於龍尾陂。赦李克用，命帥達靼諸部入援。党項首領拓跋思恭糾合蕃漢與鄭畋兵合抗黃巢，因命權夏綏節度使。四月，黃巢以大兵四合，率部東行；嗣知官兵不整，復歸長安。五月，李克用至晉陽，大掠而歸，陷忻、代。忠武監軍楊復光敗朱溫，入鄧州。六月，黃巢將王播圍興平。七月，改元中和。西川將郭琪作亂，敗奔高駢。八月，武寧將時溥等逐節度使支詳，溥稱留後。賜蔡州軍號奉國軍，以刺史秦宗權爲防禦使。壽州王緒聚衆據本州，陷光州，自稱將軍，附於宗權，

爲光州刺史。南詔上表款附。杭州將董昌自爲都押牙，知州事。臨海杜雄陷台州。昭義將成麟殺節度使高潁，麟旋爲戍將孟方立所殺。永嘉朱褒陷溫州。十月，鳳翔將李昌言逼走節度使都統鄭畋，自爲留後，尋命爲節度使。天平節度使曹全政戰死，軍中立其兄子存實爲留後。遂昌盧約陷處州。十二月，江西將閔勗逐湖南觀察使李裕，自爲留後。賜夏州號定難軍。武陵蠻雷滿襲殺朗州刺史崔騫，卽命滿爲留後。陝西周岳襲逐衡州刺史徐顥，卽命岳爲刺史。石門蠻向瑒陷澧州，殺刺史呂自牧，自爲刺史。

882 年

壬寅 唐中和二年

正月，命宰相王鐸爲諸道行營都都統，以攻黃巢。二月，朱溫據同州。李克用掠蔚州。三月，邛州牙官阡能起事，羅渾擎、句胡僧、羅夫子、韓求等相繼響應，屢敗官軍。賜郾坊軍號保大。四月，關中農事俱廢，斗米錢三十緡，諸軍多掠人販鬻。王鐸以諸道兵逼長安。撫州刺史鍾傳逐江西觀察使高茂卿，據洪州，旋以傳爲觀察使。五月，高駢已失兵權，又失利權，實賦遂絕。黃巢攻興平。六月，荆南監軍朱敬攻殺節度使段彥謨。七月，南城人危全諷據撫州、信州。八月，浙東觀察使劉漢宏遣兵窺伺浙西，杭州刺史董昌遣將錢鏐擊敗之。魏博節度使韓簡攻據河陽。九月，朱溫叛黃巢降於王重榮，以爲同華節度使，繼賜名全忠。桂州軍亂，逐節度使張從訓。平盧將王敬武逐節度使安師儒，自爲留後，附於黃巢，尋又叛巢。十月，嵐州刺史湯羣叛附於李克用，旋被殺。蜀人韓秀昇、屈行從等起事，斷峽江路。韓簡攻郾州，天平節度使曹存實戰死，都將朱瑄却韓簡兵，命瑄知留後，尋爲節度使。十一

月，王鐸以墨敕招李克用，克用以沙陀騎來，旋以爲雁門節度使。黃巢華州軍亂，推王遇爲主，舉州降，以遇爲刺史。阢能等敗死。十二月，孟方立遷昭義軍於邢州，自稱留後。和州刺史秦彥襲逐宣州觀察使竇滂而代之。

883 年

癸卯 唐中和三年

正月，罷王鐸諸道行營都統職，以田令孜爲十軍兼十二衛觀軍容使。成德軍節度使王景崇死，其子鎔知留後，尋命爲節度使。二月，李克用大敗黃巢兵於梁田陂。魏博節度使韓簡爲部下所殺，擁樂行達爲留後，尋命爲節度使，賜名彥禎。三月，以朱全忠爲宣武節度使。韓秀昇等屢敗官軍，至是敗死。四月，李克用等入長安，大掠，黃巢東走。五月，賜延州號保塞軍。蔡州節度使秦宗權降於黃巢。六月，黃巢圍陳州，立宮室百司，營於州北。七月，加朱全忠東北面都招討使，以攻黃巢。以李克用爲河東節度使。八月，賜潭州號欽化軍。十月，李克用遣將攻取潞州。以宗女爲安化長公主，妻南詔王。十二月，興元軍亂，逐節度使牛勗，忠武軍將鹿晏弘遁至，因自稱留後。賜浙東號義勝軍。

884 年

甲辰 唐中和四年

二月，李克用攻黃巢。東川節度使楊師立以西川節度使陳敬瑄相逼甚，舉兵攻之。三月，武昌牙將杜洪逐岳州刺史而代之。四月，李克用至陳州，黃巢解圍；五月，巢趨汴州，朱全忠告急，李克用追巢，數破之，巢走兖州。朱全忠圖害李克用未成，自是結怨。六月，楊師立爲部下所殺。感化節度使時溥遣兵追黃巢，巢至泰山狼虎谷，爲其甥林言所

殺。七月，李克用表訟朱全忠，請命誅討；慰諭之，而未許其請。八月，李克用請割麟州屬河東，又請以其弟爲澤潞節度使，又請以雲、蔚屬河東，皆許之，仍封爲隴西郡王。十一月，鹿晏弘部將王建等奔赴田令孜，令孜遣兵攻晏弘，晏弘棄興元走據許州，因命爲節度使。十二月，以建州九龍軍帥陳巖爲福建觀察使。賜邠寧號靜難軍。是歲，餘杭鎮使陳晟逐睦州刺史，潁州將王敬義逐刺史，皆命爲刺史。秦宗權遣兵侵淮南，擾江南，陷襄、唐，攻東都，下汝、鄭，掠汴、宋，所至焚殺，以鹽屍爲糧。王鐸被殺。

885 年

乙巳 唐中和五年 光啓元年

正月，荆南亂，行軍司馬張瓌囚節度使陳儒，殺監軍朱敬玫；牙將成汭襲據歸州，自爲刺史。南康盧光稠陷虔州，自爲刺史。秦宗權將王緒帥部掠江、洪、虔三州，入汀、漳。三月，唐帝還長安，改元光啓。秦宗權稱皇帝。盧龍節度使李可舉、成德節度使王鐔連兵攻義武節度使王處存，李克用遣將救之，敗成德兵，盧龍兵初勝後敗。六月，盧龍將李全忠攻義武敗還，襲幽州，李可舉自焚死，李全忠自爲留後。秦宗權兵陷東都，焚掠而去。七月，滄州軍亂，逐節度使楊全孜，立牙將盧彥威爲留後。八月，王緒爲部下所囚，奉王潮爲主；泉州人以刺史貪暴，留潮主州事。十二月，田令孜惡河中節度使王重榮，徙之他鎮，重榮不從，令孜遣將攻之。重榮求援於李克用，克用與重榮合，敗令孜之兵，進逼長安；令孜脅帝出奔鳳翔，諸道兵入城，大焚掠。是歲，賜河中號護國軍。南詔王驃信法死，子舜化立，建元中興。新羅國人崔致遠年十二入唐求學，登第，任溧水縣尉，遷侍御史，爲高駢從事，掌書記，留唐幾

三十年，至是以唐帝詔回新羅。

886 年

丙午 唐光啓二年

正月，鎮海牙將張郁作亂，陷常州，尋敗逃。置威義軍於興、鳳二州。田令孜劫唐帝寶雞，又受兵逼入大散關，二月，遂至興元。三月，西川節度使陳敬瑄攻殺東川節度使高仁厚。四月，邠寧節度使朱玫奉襄王煨權監軍國事，還長安，自兼神策，十軍使，尋加侍中；六月，李克用等共討朱玫。衡州刺史周岳攻潭州，欽化節度使閔勗爲客將所殺，周岳入城；七月，改欽化爲武安軍，以周岳爲節度使。八月，盧龍節度使李全忠死，其子李匡威爲留後。十月，襄王煨卽皇帝位，改元建貞，遙尊帝爲太上元皇聖帝。感化軍牙將張雄等襲據蘇州，自爲刺史，號其軍曰天成。河陽節度使諸葛爽死，部下立其子仲方爲留後。十一月，董昌將錢鏐陷越州，節度使劉漢宏遁，旋被殺。朱全忠襲并義成軍，自是全忠有兩鎮。十二月，朱玫部將王行瑜殺朱玫；襄王煨奔河中，爲王重榮所殺。董昌徙越州，稱知浙東軍府事，以錢鏐爲杭州刺史；旋以昌爲浙東觀察使。是歲，天平軍將朱瑾襲據秦寧軍，逐節度使齊克讓，因命瑾爲節度使。安隆人周通攻鄂州，路審中遁，岳州刺史杜洪乘虛入鄂，因命爲留後，湘陰人鄧進思復乘虛陷岳州。

887 年

丁未 唐光啓三年

三月，鎮海軍亂，逐節度使周寶，擁薛朗爲留後。利州刺史王建襲據閬州，自稱防禦使。三月，唐帝還至鳳翔。四月，六合鎮將徐約攻逐蘇州刺史張雄。淮南亂，大將畢師鐸囚節度使高駢，迎宣州觀察使秦彥爲帥，彥尋殺

駢；五月，廬州刺史楊行密討畢師鐸，圍揚州。六月，天威軍將楊守立與鳳翔節度使李昌符互鬪，昌符燒行宮敗走隴州，逾月，爲部下所殺。河中牙將常行儒殺節度使王重榮，行儒尋爲新節度使王重盈所殺。亳州將謝殷逐刺史宋衮，旋爲朱全忠所襲斬。八月，朱全忠攻天平軍，謀奪據之。十月，楊行密入揚州，自稱淮南留後；畢師鐸等遁，爲孫儒所殺。揚州被圍幾半年，斗米錢五十緡，軍卒掠人賣於屠肆，死者大半。孫儒叛秦宗權，至高郵，屠之。十二月，饒州刺史陳儒陷衢州。上蔡馮敬章陷蘄州。錢鏐陷潤州，擒薛朗，旋殺之。

888 年

戊申 唐光啓四年 文德元年

正月，以朱全忠爲蔡州四面行營都統，討秦宗權。二月，唐帝還長安，改元文德。魏博節度使樂彥禎畏部下亂，爲僧；衆推都將趙文珣知留後，旋殺之；牙將羅弘信自薦，因立爲留後，嗣命爲節度使。河陽節度使李罕之專事剽掠，以人爲糧，東都留守張全義襲逐之。三月，僖宗病亟，宦官楊復恭立壽王傑爲皇太弟；僖宗死，太弟卽位，改名敏，後又改名暉，是爲昭宗。樂彥禎之子從訓請援於朱全忠，全忠遣將赴之；羅弘信旋殺彥禎、從訓與朱全忠和。李罕之請援於李克用，克用遣將赴之，共攻張全義於河陽。全義請援於朱全忠，全忠遣將却克用兵，遂兼有河陽。四月，孫儒襲陷揚州，自稱淮南節度使；楊行密奔廬州。歸州刺史成汭逐荆南節度使王建肇，自爲留後，尋命爲節度使。時江陵只餘十七戶。五月，秦宗權將趙德諲以山南東道附於朱全忠，全忠以爲己副，攻秦宗權，大破之，遂圍蔡州。六月，王建攻西川節度使陳敬瑄，綿竹等處土豪多附之，建表訟敬瑄罪，

內召之，敬瑄拒命。置佑國軍於河南府。
八月，楊行密取池州。十一月，朱全忠取宿州。十二月，蔡州將申叢執秦宗權降於朱全忠，於是全忠兼有淮西。以韋昭度爲行營招討使討陳敬瑄，分西川邛、蜀、黎、雅四州置永平軍，以王建爲節度使，充行營都指揮使。

889 年

己酉 唐昭宗李晔龍紀元年

三月，封朱全忠爲東平郡王。錢鏐取蘇州。四月，賜陝虢號義軍。六月，李克用攻孟方立，圍邢州；孟方立自殺，衆推其弟遷爲留後，求援於朱全忠，全忠遣將赴之。楊行密取宣州，因命爲宣歙觀察使。孫儒取廬州。十月，平盧節度使王敬武死，子師範爲留後。十一月，楊行密取常州，尋爲孫儒所奪，儒又取潤州。是歲，新羅遣崔承祐入唐國學，復登進士第。

890 年

庚戌 唐大順元年

正月，改元。李克用下邢州，孟遷降。
二月，楊行密襲取潤州。徐州帥時溥以朱全忠來侵，求援於李克用，克用遣將赴之。三月，賜宣歙號寧國軍，以楊行密爲節度使。
四月，宿州將張筠逐刺史，附於時溥，朱全忠帥兵擊之。五月，以朱全忠、李匡威等請，命宰相張濬爲河東行營都招討制置宣慰使，督諸道兵討李克用。李克用昭義軍亂，朱全忠遣河陽留後朱崇節入昭義權知留後，克用尋遣將圍之。六月，更義成軍曰宣義，以朱全忠兼領節度使。八月，新昭義節度使孫揆赴任，爲李克用養子李存孝所執，送克用，鋸殺之。楊行密取蘇州。九月，朱全忠攻昭義之師皆爲李存孝所敗，遁還。李匡威等攻蔚州、遮虜軍，皆爲李克用養子李嗣源等所敗，遁還。

十一月，李存孝屢破張濬，濬遁走，師喪殆盡。十二月，孫儒取蘇、潤。朱全忠以魏博羅弘信不允假道，攻之。是歲，置昇州於上元縣。

891 年

辛亥 唐大順二年

正月，羅弘信請和於朱全忠。貶張濬等，復李克用官爵。孫儒大舉攻楊行密，無功而還。三月，詔罷討陳敬瑄，復其官爵；王建不奉命，脅韋昭度使之去，自兼行營招討使，仍圍成都。四月，李克用圍雲州防禦使赫連鐸，七月，鐸遁。朱全忠與楊行密約攻孫儒，儒去揚州，驅丁壯婦女渡江，殺老弱以充食。八月，王建入成都，陳敬瑄迎之；建卽爲西川留後，尋以爲節度使，廢永平軍。十月，詔神策軍攻宦官楊復恭，復恭奔興元，依其假子山南西道節度使楊守亮等，舉兵相拒。李克用攻成德節度使王鎔，李匡威來救，克用大掠，還邢州。十二月，孫儒逼宣州。錢鏐取蘇州，以兵食助楊行密。楊守亮攻東川節度使顧彥暉，王建助彥暉却之。是歲，賜涇原號彰義軍，增領渭、武二州。福建觀察使陳巖死，妻弟范暉自爲留後。

892 年

壬子 唐景福元年

正月，鳳翔節度使李茂貞等請討楊復恭、楊守亮，未奉朝命卽進兵。王鎔等與李克用戰於堯山，大敗。楊守亮等攻王建，二月，大敗於梓州。朱全忠攻朱瑄，大敗。楊行密又取常、潤。三月，李克用等與王鎔戰於新市，大敗。置武勝軍於杭州，以錢鏐爲防禦使。時溥遣將攻楚州，敗。六月，孫儒敗死，部將劉建鋒、馬殷等走江西；楊行密歸揚州，旋爲淮南節度使。七月，李茂貞取興、

鳳、洋州，八月下興元，皆以子弟鎮之。李匡威等攻雲州，李克用大敗之。十月，李存孝叛李克用，據邢州，命爲邢洺磁節度使。十一月，時溥所領濠州、泗州皆降於朱全忠。朱全忠取濮州。十二月，行景福崇玄曆。

893 年

癸丑 唐景福二年

二月，李克用圍邢州。朱瑾救時溥，朱全忠大敗之。二月，盧龍節度使李匡威之弟匡籌自爲留後，匡威奔王鎔，尋被殺。四月，王建殺陳敬瑄、田令孜。朱全忠自將攻徐州，時溥自焚死，於是朱全忠又并一鎮。盧龍將劉仁恭攻李匡籌，敗奔李克用。五月，王潮陷福州，自稱留後，尋命爲觀察使，范暉走死。閏五月，以錢鏐爲蘇杭觀察使。七月，錢鏐發民夫二十萬及軍士築杭州羅城，周七十里。九月，以錢鏐爲鎮海節度使。以嗣覃王嗣周爲京西招討使，討李茂貞；茂貞與靜難節度使王行瑜連兵相拒，進至長安。帝爲殺宰相杜讓能等始已，且命茂貞爲鳳翔兼山南西道節度使，於是茂貞有十五州。十一月，王行瑜求爲尚書令，不許，命爲太師，賜號尚父。十二月，邵州刺史鄧處訥結朗州刺史雷滿攻陷潭州，殺武安節度使周岳，旋以處訥爲節度使。是歲，新羅遣使來，以道阻不行。

894 年

甲寅 唐乾寧元年

二月，朱全忠自將攻朱瑄，大敗之於魚山。三月，李克用下邢州，囚李存孝，車裂之。五月，劉建鋒等襲取潭州，殺武安節度使鄧處訥，自稱留後，嗣以爲節度使。王建取彭州。李克用遣兵援朱瑄。六月，李克用破吐谷渾部，殺赫連鐸。七月，李茂貞取閬州。八月，鎮國軍節度使韓建獲楊復恭，送

長安，殺之。十一月，楊行密令人運茶萬餘斤至汴貿易，朱全忠奪之。李克用大舉攻幽州，連拔武、新、媯等州，十二月入幽州；李匡籌遁滄州，爲義昌節度使盧彥威所殺。是歲，汀州黃連洞蠻圍州城，王潮遣將擊却之。日本遣營原道真等入唐，是爲第十九次遣唐使，嗣以聞唐土大亂，未行。

895 年

乙卯 唐乾寧二年

正月，護國軍節度使王重盈死，兄子珂知留後；重盈子珙等攻珂，珂求援於李克用。二月，義勝軍節度使董昌稱帝，國號大越羅平，建元順天；錢鏐以兵諫。李克用表劉仁恭爲盧龍軍留後。三月，楊行密取濠州，四月，又取壽州、漣水。五月，李茂貞、王行瑜、韓建等引兵至長安，殺前宰相韋昭度及宦官數人，並請分別安置王珂、王珙。六月，李克用以討李茂貞等爲名，大舉進兵，長安大亂；七月，帝出奔南山。克用至渭橋，奉表問起居；帝命克用爲行營都統，討王行瑜。九月，朱全忠自將攻朱瑄。董昌爲錢鏐所攻，求援於楊行密；行密攻蘇州、杭州以救之。十一月，朱全忠攻兗州，不克。義武節度使王處存死，子郛爲留後。十一月，李克用入邠州，王行瑜遁，爲部下所殺；進封克用爲晉王。湖南將蔣勗等結飛山、梅山蠻攻湘、潭，據邵州，逾年敗死。十二月，王建攻東川節度使顧彥暉。李克用遣兵援朱瑄、朱瑾。安州防禦使宣晟襲桂州，殺經略使周元靜。晟旋爲部將陳可璠所殺，奉大將劉士政知軍府事，旋命士政爲經略使。

896 年

丙辰唐乾寧三年

閏正月，羅弘信劫李克用援朱瑄之師，四月，

克用攻弘信，至魏州。滑州黃河漲，朱全忠命決爲二河，夾城而東，害益大。武安兵陳贍殺節度使劉建鋒，諸將殺贍，奉馬殷爲留後。楊行密援董昌攻錢鏐，鏐請援於朱全忠，全忠遣將赴之。五月，鏐圍越州，董昌去帝號，復稱節度使，旋爲鏐給出，殺之。荆南節度使成納取黔州。六月，朱全忠遣兵救羅弘信，李克用失利，退。七月，李茂貞攻長安，帝出奔，爲韓建強迫至華州；茂貞入長安，大焚掠。九月，升福建爲威武軍，以王潮爲節度使。十月，李茂貞上表請罪，獻助修宮室錢。更威勝軍爲鎮東軍，以錢鏐兼節度使。自是錢鏐遂有兩浙。李克用攻魏州，朱全忠來救，克用退。十一月，賜湖州軍號忠國，置節度使。十二月，封州刺史劉隱襲廣州，迎清海節度使薛王知柔。

897 年

丁巳 唐乾寧四年

正月，韓建圖行宮，脅帝罷諸王兵柄，繼幽諸王。立德王裕爲皇太子。朱全忠陷鄆州，節度使朱瑋被執死；二月，又陷兗州，節度使朱瑾奔楊行密。於是全忠又并二鎮。三月，王珙、王珂互攻，珙請援於朱全忠，珂請援於李克用。更感義軍曰昭武，治利州。四月，楊行密攻武昌節度使杜洪，洪請援於朱全忠。六月，置寧遠軍於容州。八月，李克用以劉仁恭叛己，自將擊之，敗還。韓建殺十一王，誣以謀反。九月，以李茂貞反復，削奪官爵，復姓名宋文通，討之。朱全忠大舉攻楊行密，大敗。十月，顧彥暉自殺，王建入梓州。於是建並有東西川。十二月，威武節度使王潮死，弟審知自稱留後，明年爲節度使。

898 年

戊午 唐乾寧五年 光化元年

正月，下詔罪己，復李茂貞官爵、姓名。二月，錢鏐徙鎮海軍於杭州。三月，朱全忠爲宣武、宣義、天平三鎮節度使。劉仁恭襲取滄州，義昌軍節度使盧彥威奔朱全忠。五月，朱全忠取李克用邢、洺、磁三州。馬殷取衡、永二州。八月，唐帝返長安，升華州爲興德府；改元光化。九月，魏博節度使羅弘信死，子紹威知留後，尋命爲節度使。十月，李克用謀復邢、洺、磁三州，遣將攻邢州，敗還。王珙攻王珂，李克用兵擊却之。十二月，昭義節度使薛志勤死，李罕之入據之；李克用攻罕之，罕之附於朱全忠。韶州刺史曾袞攻廣州，劉隱敗之。

899 年

己未 唐光化二年

正月，劉仁恭大發兵侵魏博，屠貝州，攻魏州；羅紹威請救於朱全忠；三月，朱全忠遣將赴之，劉仁恭大敗，遁還幽州。全忠乘勝侵河東，爲李克用所敗。五月，置武信軍於遂州，領遂、合等五州。李克用遣將攻李罕之，圍潞州，朱全忠遣將禦之。六月，保義軍亂，殺節度使王珙，推都將李璠爲留後。七月，海州附於楊行密。馬殷取道州。八月，李克用下潞州，以孟遷爲昭義留後。十一月，保義將朱友謙殺李璠，自稱留後，附於朱全忠。馬殷取郴州、連州，自是殷幾盡有湖南之地。

900 年

庚申 唐光化三年

四月，朱全忠大發兵攻劉仁恭，五月拔德州，圍滄州。邕州軍亂，逐節度使李鐵，鐵旋借兵定之。六月，劉仁恭救滄州，大敗；會久雨，朱全忠軍退。八月，李克用取洺州；九

月，朱全忠又攻奪之。升桂管爲靜江軍，以劉士政爲節度使。朱全忠攻鎮州，王鎔請和；全忠遂引軍攻劉仁恭，拔瀛州，十月又拔景州、莫州。馬殷攻桂州，劉士政降，於是殷并桂宜等五州。朱全忠遣將攻義武，拔祁州，攻定州；節度使王郜奔李克用，軍中推郜叔處直爲留後，與全忠和。由是河北多服於全忠。十一月，宦官劉季述囚帝，矯詔令太子嗣位，以帝爲太上皇。

901 年

辛酉 唐光化四年 天復元年

正月，帝復辟，殺劉季述等，廢太子爲陳王。封朱全忠東平王，李茂貞爲岐王。二月，朱全忠攻河中，護國軍節度使王珂降，於是朱全忠又并一鎮。三月，朱全忠大舉攻李克用，連下數州，逼晉陽。四月，改元天復。宰相崔胤謀誅宦官，雪甘露之變王涯等十七家冤。五月，朱全忠以久雨、卒病，解晉陽圍而還。朱全忠領宣武、宣義、天平、護國四鎮節度使。六月，道士杜從法聚昌、普、合三州民起事，尋敗。七月，崔胤密召朱全忠入長安。八月，楊行密遣將攻杭州，歷四月不克，退。十月，朱全忠大發兵西向，表請幸東都。十一月，長安大亂，宦官韓全誨等劫帝奔鳳翔李茂貞。全忠至華州，取之，繼入長安，尋徇下邠、寧。十二月，清海軍節度使徐彥若死，表薦劉隱櫓留後。鎮南節度使鍾傳攻撫州，刺史危全諷請和。武貞節度使雷滿死，子雷彥威自稱留後。

902 年

壬戌 唐天復二年

正月，李克用遣兵攻慈、隰以牽制朱全忠；二月，全忠遣將敗之。三月，圍晉陽，以疫退師。封楊行密吳王。四月，崔胤說朱全忠

攻鳳翔，迎帝。回鶻遣使入貢，請發兵赴難，止之。五月，封錢鏐爲越王。六月，朱全忠圍鳳翔。八月，杭州軍亂，引宣州兵來攻，錢鏐請援於楊行密。王建遣將攻李茂貞山南西道，拔興元等城。九月，李茂貞襲朱全忠，大潰。十一月，朱全忠取鄜、坊。十二月，錢鏐略宣州兵，杭州圍解。十二月，鳳翔被圍半年，食盡，市中賣人肉、犬肉，李茂貞致書朱全忠請和，許之。是歲，虔州刺史盧光稠取韶州，攻潮州，敗劉隱。

903 年

癸亥 唐天復三年

正月，平盧節度使王師範取兗州，朱全忠分兵擊之。李茂貞殺韓全誨等二十餘人以和於朱全忠。全忠擁帝還長安，大殺宦官，其宦官所領兩軍、八鎮悉屬六軍，以宰相崔胤判六軍十二衛事。二月，加朱全忠號“同天再造竭忠守正功臣”，進爵梁王。全忠以兵萬人及黨羽留長安，還鎮。三月，朱全忠攻王師範，圍青州。四月，楊行密將攻杜洪，洪請救於朱全忠，全忠遣將赴之，並約荆南節度使成汭等出兵。五月，汭以舟師東下，雷彥威等襲荆南，汭爲楊行密兵所敗，赴水死。八月，封王建爲蜀王。楊行密將田頌據宣州，安仁義據潤州，同舉兵叛，楊行密遣將討之。九月，王師範降於朱全忠。王建攻下夔、忠、萬、施四州。十月，山南東道節度使趙匡凝襲取荆南，以其弟匡明爲留後。十二月，田頌敗死。

904 年

甲子 唐天復四年 天祐元年

正月，朱全忠表請誅宰相崔胤，尋命人殺之，脅帝赴東都。三月，朱全忠判左右神策軍及六軍諸衛事，以長安爲佑國軍。帝密詔王

建、楊行密、李克用等圖謀匡復。 閏四月，改元天祐。 升陝州爲興唐府。 越王錢鏐更封吳王。 更命魏博曰天雄軍。 六月，李茂貞、王建等徵討朱全忠。 八月，朱全忠使人殺昭宗，立輝王祚爲皇太子，更名祝，尋卽位，是爲哀帝，尊何皇后爲皇太后。 十一月，朱全忠攻楊行密，大掠淮南，得牛給諸州民使歲輸租，曰租牛課，此後歷數十年牛死而租不除。 十二月，以劉隱爲清海軍節度使。

905 年

乙丑 唐哀帝李祝天祐二年

正月，楊行密拔潤州，殺安仁義。 二月，朱全忠殺昭宗九子。 楊行密將劉存拔鄂州，執節度使杜洪殺之。 五月，朱全忠大貶逐朝士，六月，殺三十餘人於白馬驛，投屍於黃河。 七月，天雄軍亂，尋定。 八月，朱全忠攻趙匡凝，連下唐、鄧等七州；九月，下襄陽，匡凝走依楊行密；全忠尋又陷荆南，於是又并二鎮。 十月，朱全忠爲諸道兵馬元帥。 改昭信軍爲戎昭軍，成德軍爲武順軍。 十一月，吳王楊行密死，子渥爲淮南節度使。 以朱全忠爲相國，進封魏王，加九錫，以宣武等二十道爲魏國，全忠不受。 十二月，朱全忠使人殺何太后。

906 年

丙寅 唐天祐三年

正月，朱全忠助羅紹威屠天雄牙兵八千家，各支郡紛起反抗，逾半年始定。 三月，楊渥拔岳州。 四月，鎮南軍節度使鍾傳死，子匡時爲留後。 五月，戎昭軍併於忠義軍，尋改忠義軍復爲山南東道。 楊渥遣兵攻鍾匡時；九月，拔洪州，俘匡時，渥遂有江西。 朱全忠自攻滄州。 靜難軍節度使楊崇本攻夏州。 劉仁恭發境內男子年十五至七十者救滄州，並

求救於李克用。 十月，克用攻潞州以牽制朱全忠，尋下之。 王建立行臺於成都，承制封拜。 朱全忠遣將救夏州，敗楊崇本，乘勝取鄜、延等五州。 閏十二月，廢鎮國軍、興德府，復爲華州。 朱全忠聞潞州失，解滄州圍而還。 新羅國人金文蔚前入唐、登第，官至工部員外郎，至是唐帝命充冊命使而還。

907 年

丁卯 唐天祐四年 梁太祖朱晃開平元年
正月，淮南將徐溫張顗殺楊渥親信十餘人，軍政悉歸其手，渥不能制。 四月，唐哀帝禪位於朱全忠，全忠卽位，國號梁，建元開平，更名晃，是爲梁太祖；改汴州曰開封府，爲東都，以故東都洛陽爲西都；廢故西京，改京兆府曰大安府，軍號佑國；封唐帝爲濟陰王，幽於曹州，明年遇害。 時惟河東、鳳翔、淮南稱天祐，西川稱天復年號，餘均稱臣於梁。 封馬殷爲楚王。 盧龍節度使劉仁恭爲其子守光所囚。 契丹主耶律阿保機侵雲州，李克用與之和，約共擊梁，阿保機歸而背盟；五月，遣使聘於梁，梁遣使報聘。 封吳王錢鏐爲吳越王，封劉隱大彭王。 楊渥遣將攻馬殷，六月，大敗，岳州復入於殷。 梁、晉大戰於澤、潞。 雷彥恭攻荆南，節度使高季昌敗之。 七月，劉守光請命於梁，授爲盧龍節度使。 九月，王建稱皇帝，國號蜀。 十月，高季昌攻雷彥恭，楊渥遣將救之，爲馬殷兵所敗。 十一月，義昌節度使劉守文以其弟守光囚父討之，請降於梁。 交州人曲顗據州稱節度使。

908 年

戊辰 梁開平二年 蜀太祖王建武成元年
正月，蜀帝王建建元武成。 二月，李克用死，子存勗嗣爲河東節度使、晉王；克用弟克

寧謀爲亂，被殺。三月，梁急攻潞州；四月，李存勖救之；五月，大破梁軍，州圍解。以許州忠武軍爲匡國軍，同州匡國軍爲忠武軍，陝州保義軍爲鎮國軍。淮南將徐溫等殺節度使楊渥，奉其弟隆演爲主。契丹主遣使於梁求冊命。馬殷遣將拔朗州，雷彥恭奔淮南，澧州亦降。蜀帝遣兵會李茂貞結李存勖攻梁，茂貞大敗，兵皆退。七月，馬殷聽民自採茶運售於河南北，歲貢二十五萬斤。八月，楊隆演遣將攻錢鏐，九月圍蘇州。晉將周德威等攻晉州，梁帝自將救之，德威等退。馬殷遣兵攻嶺南，取昭、賀等六州。十月，華原溫韜據雍州，發唐諸陵。梁以劉隱爲清海、靜海節度使，劉隱於是領交、廣二鎮。十一月，梁兵攻淮南，敗還。定難節度使李思諫死，子李彝昌爲留後。劉守文攻劉守光，敗還。

909 年

己巳 梁開平三年 蜀武成二年

正月，梁遷都洛陽，於東都置留守。梁初給百官全俸。三月，梁取鄆、坊、丹、延。四月，梁封劉隱南平王，王審知閩王。錢鏐大破楊隆演兵，蘇州圍解。淮南楊隆演初置選舉。五月，劉守文結契丹、吐谷渾攻劉守光，被俘於薊州；守光攻滄州，衆推守文子延祚爲主，拒守。六月，梁忠武節度使劉知俊附於李茂貞，兵敗，奔鳳翔。撫州刺史危全諷自稱鎮南節度使，攻洪州；淮南將周本救之。七月，梁封劉守光燕王。改佑國軍曰永平軍。襄州軍亂，附於蜀，房州亦附於蜀，尋皆敗。周本俘危全諷，淮南兵徇江西未服諸州皆下之，於是江西之地盡歸楊氏。十月，蜀行永昌曆。湖州附於淮南，錢鏐遣兵擊之。十一月，羅紹威病廢，以其子周翰爲天雄副使，知軍事。李茂貞使劉知俊攻靈

州，梁兵攻寧、慶等州以牽制之，知俊解靈州圍，還敗梁軍。是歲，羅隱死。

910 年

庚午 梁開平四年 蜀武成三年

正月，劉守光拔滄州，俘劉延祚。二月，岐王李茂貞封楊隆演嗣吳王。三月，夏州軍亂，殺定難軍節度使李彝昌，衆推彝昌族父仁福爲帥；四月，命仁福爲節度使。以晉、絳、沁三州爲定昌軍，置節度使。五月，天雄節度使羅紹威死，以其子周翰爲留後。六月，加楚王馬殷天策上將軍，殷置左右相。七月，岐王李茂貞結晉王李存勖攻夏州，李仁福告急於梁，遣兵救之，岐、晉兵皆退。八月，吳越王錢鏐築捍海塘，由是錢唐富庶。十月，梁發兵圍晉上黨。十一月，梁發兵圍王鎔，據深、冀。鎔請援於晉王李存勖，存勖援之，鎔因與梁絕，復稱唐天祐年號，改武順爲成德軍。十二月，梁再發兵攻王鎔。梁頒行新修律令格式。辰州蠻領宋鄴、淑州蠻首領潘金盛掠湘鄉、武岡，金盛旋敗死。寧遠節度使龐巨昭、高州防禦使劉昌魯附於馬殷。

911 年

辛未 梁開平五年 乾化元年 蜀永平元年

正月，蜀改元永平。晉王李存勖大破梁軍於高邑，梁將據深、冀者聞敗耗，悉驅二州壯丁爲奴婢，阮老弱以去。晉兵進攻邢州、魏州，連下數城，至黎陽，二月始退。梁蔡州軍亂，旋定。三月，南平王劉隱死，弟巖襲。岐王李茂貞侵蜀，蜀主王建遣兵禦之；茂貞又攻長安，梁發兵禦之。五月，梁改元乾化。六月，晉王李存勖等陽推劉守光爲尚父；梁授守光爲河北道採訪使。八月，守光

稱皇帝，國號燕，建元應天；卽位之日，契丹陷平州，旋去。十一月，岐王李茂貞侵蜀之兵大敗。燕主劉守光侵易、定，王處直告急於晉，遣兵救之。鎮南軍將黎球殺節度使盧延昌，球尋死，牙將李彥圖代之。以靜海留後曲承美爲節度使。劉巖取楚容管及高州。甘州回鶻遣使入貢。是歲，楚鑄天策錢，文曰天策府寶。蜀鑄永平元寶錢。

912 年

壬申 梁乾化二年 蜀永平二年

正月，晉將周德威救易、定，下燕數城，至幽州；燕主劉守光請援於梁。二月，辰州蠻宋鄴、昌師益降楚，楚王馬殷分別命爲辰、淑刺史。三月，梁帝自將攻王鎔，屠棗強；晉救兵至，梁兵疾遁。義昌軍將張萬進殺節度使劉繼威，自爲留後；尋改義昌爲順化軍，命萬進爲節度使。四月，維州羌胡董琢起事，旋敗。六月，梁武帝爲其子友珪所殺，友珪稱皇帝。許州軍亂，大將張厚殺節度使韓建。七月，宣義節度使楊師厚襲據魏州，命爲天雄軍節度。梁加吳越王錢鏐尚父。護國軍節度使朱友謙附於晉，梁遣兵擊之。九月，吳將徐溫等奉嗣吳王楊渥演爲太師、吳王。蜀改劍南東川曰武德軍。十月，晉王李存勗自將救朱友謙，大破梁兵。十一月，吳楚構兵。是歲，隰州附於晉。虔州防禦使李彥圖死，衆奉譚全播爲主；梁命全播爲百勝防禦使，虔、韶二州節度、開通使。蜀行正象曆。

913 年

癸酉 梁郢王朱友珪鳳曆元年 梁末帝朱瑱乾化三年 蜀永平三年

正月，梁改元鳳曆。二月，梁均王朱友貞結禁軍殺梁帝友珪；友貞卽位於開封，復稱乾化

三年，是爲梁末帝，更名鎰，又改曰瑱。朱友謙復歸於梁。三月，吳攻吳越，敗。四月，晉軍下燕、順、薊、檀、武、營、平州，圍幽州。五月，梁兵大掠趙、冀、貝、滄等州，攻王鎔於鎮州，旋退。七月，蜀太子王元膺舉兵殺大臣，敗死。八月，梁封荆南節度使高季昌渤海王。吳楚構兵。九月，吳越攻吳常州，大敗。十一月，晉王李存勗下幽州，俘劉仁恭，守光遁。十二月，梁兵侵吳，大敗。十二月，燕民擒劉守光獻之李存勗，存勗繫劉仁恭、守光至太原，明年殺之，自是晉全有盧龍之地。

914 年

甲戌 梁乾化四年 蜀永平四年

正月，高季昌攻蜀夔州，大敗。鎮定推晉王爲尚書令，始開府置行臺。四月，蜀徙鎮江軍於夔州。楚兵入吳黃州，大掠而去。七月，晉攻梁邢州，旋退。九月，梁武寧節度使王殷附於吳，遣兵攻之，殷敗死。十一月，南詔侵黎州，蜀兵連敗之於大渡河等地。十二月，蜀攻岐階州。

915 年

乙亥 梁乾化五年 貞明元年 蜀永平五年

正月，蜀主王建以黎、雅蠻王劉昌嗣、郝玄鑒、楊師泰等潛通南詔，殺之。三月，梁分天雄軍爲二鎮，置昭德軍於湘州，割澧、衛二州隸之，軍亂，劫節度使賀德倫附於晉；梁攻之，五月，晉王李存勗自將來援，入魏州，隨襲取德州，自是晉梁瀕河爭戰者八年。八月，蜀攻岐秦、鳳等州。吳以鎮海節度使徐溫爲管内水陸馬步諸軍都指揮使、兩浙都招討使，以昇、潤等六州爲巡屬，參決軍國庶務。十一月，梁改元貞明。岐王李茂貞領地多沒

於蜀；耀、鼎二州降於梁。十二月，蜀改明年元曰通正，置武興軍於鳳州，以文、興二州隸之。是歲，南平王劉巖求封南越王不遂，乃與梁絕。

916 年

丙子 梁貞明二年 蜀通正元年 契丹太祖耶律阿保機神冊元年

二月，梁晉大戰於魏州，梁兵大敗。梁兵襲晉太原，大敗。三月，晉取梁衛、磁二州，四月，又取洺州。梁禁軍亂，掠開封，攻宮城，旋定。六月，梁以吳越王錢鏐間道入貢，加鏐諸道兵馬元帥。吳潤州軍亂，旋定。八月，蜀攻岐，取數城。晉取梁相、邢二州。契丹主阿保機陷晉蔚州，侵雲州，旋退。九月，晉取梁滄州、貝州，於是晉幾全有河北。梁天平軍亂，殺節度使王檀，旋定。十一月，晉約吳攻梁，吳攻梁潁州，旋退。蜀改明年元曰天漢，國號大漢。十二月，楚王馬殷通好於晉。是歲，梁慶州附於岐，梁攻之，取岐寧、衍二州。閩王王審知鑄鉛錢。契丹主耶律阿保機稱皇帝，建元神冊，是爲太祖。

917 年

丁丑 梁貞明三年 蜀一漢天漢元年 越劉巖乾亨元年 契丹神冊二年

二月，晉威塞軍亂，殺防禦使李存矩，擁大將盧文進據新州，尋敗，文進奔契丹；三月，文進引契丹兵復據新州，晉兵攻之，大敗；契丹圍幽州，節度使周德威告急，四月，晉王李存勗遣李嗣源等救之。吳徐溫徙鎮昇州。七月，劉巖稱皇帝，國號大越，建元乾亨，以廣州爲興王府。八月，晉將李嗣源等大破契丹於幽州。契丹據平州，以盧文進爲節度

使，文進歲引契丹、奚騎入邊殺掠。十月，梁加吳越王錢鏐天下兵馬元帥。十二月，晉王李存勗渡河取梁楊劉城。漢改明年元曰光天。曲顥死，子承美嗣爲節度使。

918 年

戊寅 梁貞明四年 蜀光天元年 越一南漢乾亨二年 契丹神冊三年

正月，漢主王建仍改國號爲蜀。六月，蜀主王建死，子衍嗣。吳將朱瑾殺徐溫子知訓，溫養子知誥自潤州至廣陵平亂，遂留輔吳王；知誥錫丁口錢，納稅以穀帛。梁兵攻楊劉，晉王李存勗大敗之。八月，梁泰寧軍節度使張萬進附於晉，梁圍之一年，敗死。梅山蠻攻邵州，敗。十一月，越主劉巖改國號曰漢。吳攻虔州數月，至是下，俘譚全播。十二月，梁晉大戰於胡柳陂，梁敗，晉喪大將周德威。蜀改明年元曰乾德。是歲，高麗後百濟王甄萱遣使如吳越進馬，吳越遣使報聘。

919 年

己卯 梁貞明五年 蜀後主王衍乾德元年 南漢乾亨三年 契丹神冊四年 吳楊隆演武義元年

四月，吳王楊隆演稱吳國王，建元武義，以徐溫爲大丞相、都督中外諸軍事、諸道都統，封東海郡王。吳越大破吳兵於狼山江。五月，楚攻荆南，吳援之。六月，吳敗吳越兵於沙山；七月，吳越攻常州，吳又破之。高麗大封國王遣使貢於吳。八月，吳及吳越和。十一月，吳攻梁安州。十二月，晉拔梁漢陽。

920 年

庚辰 梁貞明六年 蜀乾德二年 南漢乾

亨四年 契丹神冊五年 吳武義二年
三月，漢主劉巖立學校，開貢舉，設銓選。
四月，護國軍節度使朱友謙取同州，梁攻之。
五月，吳國王楊隆演死，徐溫迎王弟溥立之。
八月，朱友謙求援於晉，晉兵赴之，大敗梁兵。
十二月，南漢通好於蜀。

921 年

辛巳 梁貞明七年 龍德元年 蜀乾德三年
南漢乾亨五年 契丹神冊六年 吳國王楊溥順義元年
二月，成德軍亂，殺節度使王鎔，擁張文禮爲留後，文禮北結契丹，南通於梁。吳改元順義。
四月，梁惠王友能據陳州反，逾二月降。
五月，梁改元龍德。
八月，晉王李存勖使成德將符習等討張文禮，圍鎮州；張文禮病死，子張處瑾悉力拒守。
十月，梁襲晉於德勝，大敗。
義武節度使王處直爲養子王都所囚，都自爲留後。
十二月，張文禮、王處直皆嘗乞師於契丹，阿保機因來攻幽州，陷涿州，侵定州；王都告急於晉，晉遣兵赴之。
辰、淑州蠻擾楚，旋敗。

922 年

壬午 梁龍德二年 蜀乾德四年 南漢乾亨六年 吳順義二年 契丹天贊元年
正月，晉李存勖救定州，大破契丹，阿保機走塞外。
二月，梁攻魏州，敗。
四月，晉攻鎮州，將李嗣昭戰死。
八月，梁取衛州，晉失軍儲三之一。
九月，晉兵拔鎮州，殺張處瑾等。
是歲，楚始取永、彬諸州民丁錢絹米麥。

923 年

癸未 梁龍德三年 唐莊宗李存勖同光元年 蜀乾德五年 南漢乾亨七年 吳順義三

年 契丹天贊二年

二月，晉王李存勖置百官。梁冊吳越王錢鏐爲吳越國王，鏐乃置百官。晉安義留後李繼韜附於梁。契丹擾幽州，至易、定而退。
四月，晉王李存勖稱皇帝，國號唐，改天祐二十年爲同光元年，是爲莊宗；以魏州爲興唐府東京，太原府爲西京，鎮州爲眞定府北都。時唐有十三節度、五十州。隨命李嗣源襲梁鄆州取之。
五月，梁將王彥章大敗唐兵於德勝，進取楊劉。彥章尋以中譏去。
八月，梁於滑州決河注曹、濮、鄆州以限唐兵。
十月，唐主李存勖自將襲梁，俘王彥章，趣開封。梁主令其下殺之，翌晨唐兵始至，梁亡。
十一月，廢北都復爲成德軍，以梁東京開封府爲宣武軍汴州，宋州宣武軍更名歸德軍，以永平軍大安府爲西京兆府。
十二月，唐帝遷都洛陽，稱洛都。廢梁所頒律令格式，仍依唐舊。

924 年

甲申 唐同光二年 蜀乾德六年 南漢乾亨八年 吳順義四年 契丹天贊三年
正月，契丹擾幽州。岐王李茂貞遣子入貢於唐，奉表稱臣，封秦王。唐復用宦官監軍。唐以鹽鐵、戶部、度支三司並隸租庸使。
二月，權安邑解縣鹽。令蔡州浚索水，通漕運。
三月，進封荆南節度使高季興（高季昌）南平王。契丹擾幽州。
四月，甘州回鶻權知可汗仁美遣使入貢，冊爲英義可汗。李茂貞死，子繼岌權知鳳翔軍府事。安義軍亂，逾月定。南漢侵閩，敗。
五月，契丹擾幽州。權知歸義留後曹義金遣使間道入貢，命爲節度使。
七月，命汴滑兵塞梁所決河，無功。契丹侵據營、平等州。
八月，以孔謙爲租庸使。契丹攻渤海，無功。
九月，契丹擾幽州，十月擾易、定，十一月擾蔚

州，十二月擾嵐州。甘州回鶻可汗仁美死，弟狄銀嗣，遣使入貢。

925 年

乙酉 唐同光三年 蜀咸康元年 南漢乾亨九年 白龍元年 吳順義五年 契丹天贊四年

正月，治酸棗遙隄以禦決河。契丹擾幽州，二月擾涿州，敗。三月，命宦官、伶人採擇民女三千人充後宮。以洛都爲東都，與唐府爲鄴都。九月，自七月初，雨七十五日方霽，百川皆溢。以皇子魏王繼岌爲都統，樞密使郭崇韜副之，大發兵攻蜀；十一月，蜀主王衍降。自出師至克蜀凡七十日，得節度十、州六十四、縣二百四十九。十二月，閩王王審知死，子延翰嗣。汀州民陳本圍汀州，旋敗死。以董璋爲東川節度使，孟知祥爲西川節度使。南漢主劉巖改元白龍，改名𢀛。長和（南詔）請婚於南漢，南漢以增城公主妻之。蜀人羣起反抗，郭崇韜命人分道攻之。是歲，新羅甄萱遣使稱藩於後唐，受冊封爲百濟王。

926 年

丙戌 唐同光四年 唐明宗李亶天成元年 南漢白龍二年 吳順義六年 契丹天贊五年 天顯元年 吳越寶正元年

正月，殺郭崇韜於成都，殺李繼麟（朱友謙）於東都。契丹遣使聘於唐。二月，魏博兵皇甫暉等殺指揮使楊仁晟等於貝州，擁趙在禮爲留後，據入鄴都，大掠；遣將討之，不克。李紹琛（康延孝）自稱西川節度使，由劍州圖入成都；遣兵討之。邢州兵趙太等據城，自稱留後，旋敗死。從馬直兵王溫等殺軍使，謀作亂，被殺。滄州軍亂，小校王景戡平之，自爲留後。命蕃漢馬步總管李嗣源討鄴

都亂軍。三月，李紹琛敗死。李嗣源至鄴都，部下亂，還趨汴州。命河南尹豫借夏秋稅以贍軍。殺故蜀主王衍一家。四月，從馬直指揮使郭從謙作亂，莊宗中流矢死。李嗣源至東都，稱監國，放宮女，除夏秋稅省耗，罷租庸使；罷諸道監軍宦官，命皆殺之；尋稱皇帝，改元天成，是爲明宗，尋改名亶。五月，以趙在禮爲義成軍節度使，在禮不受命。六月，汴州禁軍亂，大焚掠，尋定，殺爲亂者三千家。滑州軍亂，逐魏博戍兵，旋定。七月，契丹滅渤海，以其地爲東丹國，阿保機命長子突欲鎮之，號人皇王。阿保機尋死。置彰國軍於應州。八月，契丹擾幽州。九月，契丹遣使告哀於唐。十月，王延翰稱大閩國王，置百官。契丹盧龍節度使盧文進帥衆十餘萬、帳車八千奔唐。十二月，閩國王王延翰爲王延稟所殺，以王延鈞爲留後。是歲，吳越國王錢鏐建元寶正。高麗遣使如後唐。

927 年

丁亥 唐天成二年 南漢白龍三年 吳順義七年 乾貞元年 契丹太宗耶律德光天顯二年 吳越寶正二年

正月，命長吏每旬親慮繫囚。西川節度使孟知祥殺監軍李嚴。二月，南平王高季興襲涪州，據夔州，劫貢品；遣將討之，無功而還。三月，初置監牧以養馬。以趙在禮爲橫海節度使，命皇子從榮鎮鄴都，發鄴都兵戍盧臺軍。軍亂，殺副招討使烏震，亂兵旋被殲，家屬在鄴都者皆被殺，死者凡三千五百家、萬餘人。五月，以王延鈞爲威武節度使、琅邪王。六月，封楚王馬殷爲楚國王，殷於是置左右丞相等官。敗南平兵，復夔州。七月，以爲寧江軍，置節度使。九月，契丹請修好，遣使報之。十月，宣武節度使朱守

殷據汴州反，敗死。免三司通貢二百萬緡。吳大丞相徐溫死，養子知誥代輔政。十一月，吳國王楊溥稱皇帝，改元乾貞。契丹耶律阿保機次子德光即位，是爲太宗，仍稱天顯二年。是歲，蔚、代緣邊斗粟不過十錢。令每年二月俵散蠶鹽，夏稅限納錢。

928 年

戊子 唐天成三年 南漢白龍四年 大有元年 吳乾貞二年 契丹天顯三年 吳越寶正三年

正月，契丹陷平州。二月，吳使至唐，拒之，自是吳唐交絕。三月，楚攻荆南，逼江陵，高季興請和。楚攻南漢封州，大敗。南漢改元大有。甘州回鶻權知可汗仁裕遣使入貢，冊爲順化可汗。四月，吳攻楚岳州，大敗。四月，義武節度使王都謀反，遣將討之；五月，都引奚、契丹兵來，唐將王晏球大破之，契丹兵北遁者爲幽州兵所殲。吳與楚和。六月，高季興稱臣於吳，吳封爲秦王；楚兵擊之，季興請和。七月，聽民造麴，秋稅畝收五錢。契丹復援王都，王晏球再大破之。八月，契丹兵北遁，幽州兵民要擊之，俘其惕隱等六百五十人，殺傷無數，得脫者才數十人。契丹遣使入貢。契丹盧龍節度使張希崇殺契丹監者，奔於唐。九月，遣兵攻荆南。十月，慶州防禦使竇廷婉拒不受代，旋敗死。十二月，高季興死，子高從誨爲荆南節度使。閩王王延鈞度民二萬爲僧。

929 年

己丑 唐天成四年 南漢大有二年 吳乾貞三年 大和元年 契丹天顯四年 吳越寶正四年

二月，拔定州，王都自焚死，俘奚首領禿飯及契丹二千人。三月，橫山蠻攻邵州。四

月，楚用錫錢，百值銅錢一，多流入內地，禁之。令緣邊置場，市党項馬，不令党項以貢馬爲名入京。契丹援雲州；五月，再援雲州。六月，復以鄴都爲魏州。七月，荆南高從誨內附，命爲荆南節度使，罷攻荆南兵。十月，以閩、果二州置保寧軍。十一月，吳改元大和。

930 年

庚寅 唐天成五年 長興元年 南漢大有三年 吳大和二年 契丹天顯五年 吳越寶正五年

正月，西川節度使孟知祥、東川節度使董璋相結以抗命。二月，改元長興。三月，復改安義軍爲昭義軍。荆南高從誨告絕於吳。河中軍亂，逐其節度使李從珂，討平之。孟知祥強割雲安等十三鹽監隸西川。六月，命防禦、團練使、刺史、行軍司馬、節度副使皆由朝廷任命，節度使不得奏薦。董璋掠遂、閬鎮戍。以張延朗充三司使，三司使之名自此始。吳海州將王傳拯殺團練使陳宣，大焚掠，奔於唐。九月，孟知祥、董璋連兵反，石敬瑭等討之。南漢取交州，執靜海節度使曲承美；尋又入占城，大掠而歸。十一月，楚王馬殷死，子希聲嗣，去建國之制，復藩鎮之舊。契丹東丹王突欲越海自登州奔唐，明年，賜姓名東丹慕華，後又改賜姓名爲李贊華。

931 年

辛卯 唐長興二年 南漢大有四年 吳大和三年 契丹天顯六年 吳越寶正六年

二月，石敬瑭攻西川久無功，燒營退，孟知祥因遣兵徇下利、忠、萬、夔等州。四月，閩將王延稟襲福州，敗死。五月，罷稅畝麴錢，城中官麴減舊半價，鄉村聽民自造。閩

五月，以興兵攻川爲故樞密使安重誨罪，殺之，並使人慰諭西川。六月，令均田稅。十二月，初聽民自鑄農器並雜鐵器，田二畝，夏秋輸農具稅三錢。愛州將楊廷藝陷交州，南漢遣將攻之，敗死。

932 年

壬辰 唐長興三年 南漢大有五年 吳大和四年 契丹天顯七年 吳越寶正七年
正月，以党項屢掠貢使，遣將擊之，破十九族，俘七千二百。二月，令國子監校訂九經，雕印賣之。三月，吳越國王錢鏐死，子傳瓘嗣，改名元瓘，去國儀，用藩鎮法，除民田荒絕者租稅。契丹遣使聘於唐。四月，董璋攻孟知祥，大敗；璋歸梓州，爲部下所殺，於是孟知祥併有兩川。六月，閩王延鈞謀稱帝，與唐絕。七月，党項擾朔方，敗。楚馬希聲死，弟希範嗣。廢武興軍。九月，盧龍節度使趙德鈞爲防契丹鈔掠，先築良鄉、涿縣等城，至是城三河縣畢，契丹因南下被阻，遂常西掠雲州。十月，從孟知祥請兩川節度使、刺史以下官聽其署置。十一月，以石敬瑭爲北京留守、河東節度使兼大同等軍蕃漢馬步總管。蔚州刺史張彥超附於契丹。高麗遣使如後唐獻方物。

933 年

癸巳 唐長興四年 南漢大有六年 吳大和五年 契丹天顯八年 閩王璘龍啓元年
正月，王延鈞稱皇帝，國號閩，建元龍啓，更名璘。二月，涼州將吏耆老請以權知留後孫超爲節度使。超爲天平軍將，戍河西，爲吐蕃所隔絕。封孟知祥蜀王。夏州定難軍節度使李仁福死，子彝超爲留後；三月，徙彝超爲彰武留後；彝超拒命，唐軍攻夏州，不克，七月退師。彝超旋謝罪，以爲節度使。閩

建州土豪帥衆萬人奔吳。八月，以秦王從榮爲天下兵馬大元帥。十一月，置保順軍於洮州，領洮、鄯等州。唐明宗病亟，秦王從榮擬率兵入宮侍病被殺；不久，明宗死，十二月，子宋王從厚立，是爲閔帝。閩改福州爲長樂府。高麗始頒曆，行後唐年號。

934 年

甲午 唐閔帝李從厚應順元年 唐末帝李從珂清泰元年 南漢大有七年 吳大和六年 契丹天顯九年 閩龍啓二年 後蜀孟知祥明德元年
正月，改元。以高從誨爲南平王，馬希範爲楚王，錢元瓘爲吳越王。吳將擅攻閩，圍建州，旋退被殺。吳使求好於閩。閩正月，蜀王孟知祥稱皇帝，是爲後蜀高祖；四月，建元明德。二月，徙鳳翔節度使瀋王從珂爲河東節度使，從珂拒命，遣將討之，多叛。三月，從珂遂舉兵而來，閔帝奔衛州，死。四月，從珂至洛陽，卽皇帝位，改元清泰。後蜀取散關以南諸州。七月，以同鵠入貢者多爲河西蕃胡所虜，遣兵擊之。蜀以雅州爲永平軍，置節度使。後蜀主孟知祥死，子昶嗣。八月，免長興以前逋租三百三十八萬緡。九月，契丹擾雲州。十月，蜀源州將文景琛據城反，尋敗。是歲，秋冬旱，民多流亡。

935 年

乙未 唐清泰二年 南漢大有八年 吳大和七年 天祚元年 契丹天顯十年 閩王昶永和元年 後蜀孟昶明德二年
二月，定難軍節度使李彝超死，兄李彝殷權知軍府事，尋命爲節度使。五月，契丹擾新州、振武；六月，擾應州。石敬瑭以備契丹爲名，請借河東人菽粟，令鎮州輸絹，魏博

市糴，以儲軍儲，山東民不堪命。令竊盜不計贓多少，并縱火強盜並處死刑。九月，吳改元天祚。十月，閩福王繼鵬殺其主璘，自爲皇帝，更名昶，建元永和，稱臣於唐。吳封徐知誥齊王，以昇、潤等十州爲齊國。

936 年

丙申 唐清泰三年 晉高祖石敬瑭天福元年 南漢大有九年 吳天祚二年 契丹天顯十一年 閩永和二年 通文元年 後蜀明德三年

三月，閩改元通文。四月，南漢擾楚蒙、桂二州。五月，徙河東節度使石敬瑭爲天平節度使，敬瑭拒命，遣張敬達等討之。敬瑭請援於契丹，稱臣，賂以燕、雲諸州，改清泰三年仍稱長興七年。天雄軍亂，大將張令昭逐節度使劉延皓，嗣附於石敬瑭，尋敗死。八月，契丹攻應州。九月，契丹主耶律德光自將援石敬瑭；大敗唐兵於晉陽。十月，大括吏民馬，令七戶出一兵，謂之義軍，民間大擾。十一月，以盧龍節度使趙德鈞爲諸道行營都統，以禦契丹、攻石敬瑭；趙德鈞尋通於契丹，謀爲皇帝。吳以金陵爲西都。坊州刺史劉景巖殺彰武節度使楊漢章，卽命爲留後。契丹冊石敬瑭爲大晉皇帝，晉割幽、薊、瀛、莫、涿、檀、順、新、媯、儒、武、雲、應、寰、朔、蔚十六州與契丹，仍歲輸帛三十萬匹；建元天福。丹州軍逐刺史康承詢。楊光遠殺張敬達，降於契丹；契丹主與石敬瑭遂引軍而南，繫趙德鈞父子，送之契丹。唐末帝自焚死。十二月，曹州將石重立以刺史鄭阮貪暴，殺之。同州小校門鐸殺節度使楊漢賓，大焚掠。改興唐府曰廣晉府。安遠節度盧文進奔吳。

937 年

丁酉 晉天福二年 南漢大有十年 吳天祚三年 契丹天顯十二年 閩通文二年 後蜀明德四年 南唐前主李昇昇元元年

吳齊王徐知誥改金陵曰江寧府，建太廟、社稷，置左右丞相等官，改名誥。二月，大同節度判官與吳岳拒契丹命，越半年南歸；應州將郭崇威耻臣契丹，南歸。三月，交州將皎公羨殺節度使楊廷藝而代之。四月，遷都汴州。吳越王錢元瓘復建國，置丞相等官。五月，吳、契丹互遣使通聘。六月，天雄節度使范延光爲部下所逼反，遣楊光遠、張從賓等討之；從賓與延光合，入洛陽。閩主使人賣官，又命民隱軍者杖，隱口者死，逃亡者族，果菜雞豚皆有稅。七月，滑州亂，旋定。張從賓敗死。安遠將王暉殺節度使周瓌，大掠，旋敗死。十月，吳齊王徐誥稱皇帝於金陵，國號唐，建元昇元，是爲南唐前主，尊吳主楊溥爲高尚思玄弘古讓皇；遣使按行民田，以肥瘠定稅，凡調兵興役及他賦歛皆以稅錢爲率。閩主稱臣於晉。十一月，晉加吳越王錢元瓘爲天下兵馬副元帥，進封吳越國王。十二月，加楚王馬希範江南諸道都統。是歲，高麗遣使如後晉。

938 年

戊戌 晉天福三年 南漢大有十一年 契丹天顯十三年 會同元年 閩通文三年 後蜀廣政元年 南唐昇元二年

三月，以民多銷錢爲銅器，禁之。定諸道及各州奏薦將吏之限。六月，令民墾田及五頃以上三年外乃聽縣司徭役。七月，晉上尊號於契丹主及太后，契丹主止晉主稱臣，命稱兒皇帝。九月，范延光降，赦之，以爲天平節度使。十月，契丹冊晉主爲英武明義皇帝。晉建東京於汴州，升開封府；以東都爲西京，以西都爲晉昌軍。楊廷藝故將吳權攻殺皎公

羨，據交州，南漢遣將援公羨，大敗。河決鄆州。十一月，晉遣使冊閩主昶爲閩國王；昶因已稱帝，辭冊命。契丹改元會同。分天雄軍，建鄴都於廣晉府，以相、瀆、衛爲彰德軍，以貝、博、冀爲永清軍。聽公私鑄天福元寶銅錢，勿雜鉛鐵；仍禁私作銅器。甘州回鶻可汗仁裕遣使入貢。高麗行後晉年號。

939 年

己亥 晉天福四年 南漢大有十二年 契丹會同二年 閩通文四元 王曦永隆元年 後蜀廣政二年 南唐昇元三年

正月，朔方黨項攻掠不已，節度使馮暉抵任，厚遇其首領拓跋彥超，境內漸安。唐主復姓李，改名昇。三月，晉冊甘州回鶻可汗仁裕爲奉化可汗。四月，廢樞密院。五月，加楚王馬希範天策上將軍。七月，行新定編敕。禁私鑄錢。閩七月，閩軍亂，殺其主王昶；昶叔父延義立爲閩國王，改名曦，改元永隆，稱臣於晉。河決博州。八月，以吳越國王錢元瓘爲天下兵馬元帥。九月，溪州刺史彭士愁引蔣、錦諸州蠻攻掠辰、澧，楚王馬希範遣兵擊之。十一月，契丹使至晉，又如吳越。十二月，禁造佛寺。楚南漢互通聘。

940 年

庚子 晉天福五年 南漢大有十三年 契丹會同三年 閩永隆二年 後蜀廣政三年 南唐昇元四年

正月，彭士愁等敗，降於楚，楚王馬希範於溪州立銅柱標功。二月，閩主王曦與其弟延政相攻，王延政請救於吳越錢元瓘，遣兵赴之。四月，延政疊破曦兵，吳越兵至，遣之不去。延政乞師於曦，大敗吳越兵。安遠節度使李金全叛附於南唐，遣兵討之；六月，南唐兵援

金全，大敗。七月，閩主曦度民爲僧凡萬一千人。九月，罷翰林學士。十月，加吳越國王錢元瓘天下兵馬都元帥。十一月，冊王曦爲閩王。十二月，雁門以北吐谷渾部苦契丹貪虐，千餘帳奔於晉；契丹來責，命逐忻、代、并、鎮吐谷渾還故地。

941 年

辛丑 晉天福六年 南漢大有十四年 契丹會同四年 閩永隆三年 後蜀廣政四年 南唐昇元五年

正月，閩王延政以建州爲鎮武軍。二月，作浮橋於得勝口河上，是爲澶州河橋。涼州軍亂，留後李文謙自焚死。遼朔州節度副使趙崇逐節度使劉山，請歸晉。六月，成德節度使安重榮耻臣契丹，或殺其使，又掠幽州，表請攻契丹。閩主曦實官，欲仕州縣者輸百緡至千緡有差。七月，閩主王曦稱大閩皇。八月，吳越國王錢元瓘死，子弘佐嗣，免境內稅三年。河決滑州。十月，吐谷渾首領白承福降，河東節度使劉知遠處之太原、嵐、石之間。閩主曦稱皇帝，其弟延政自稱兵馬元帥。十一月，山南東道節度使安從進與成德軍節度使安重榮通謀先後反，十二月，遣將分討之。冊錢弘佐爲吳越國王。是年冬，南唐定田稅。高麗遣使如後晉。

942 年

壬寅 晉天福七年 南漢大有十五年 劉玢光天元年 契丹會同五年 閩永隆四年 後蜀廣政五年 南唐昇元六年

正月，安重榮敗死。改鎮州成德軍爲恒州順國軍，以杜重威爲節度使。彰武軍校賀行政結諸胡攻延州，旋敗。二月，涇州遣將陳延暉至涼州，將吏留爲節度使。四月，南漢主劉鋹死，子弘度嗣，改名玢，改元光天。六

月，晉高祖死，兄子重貴嗣，告哀契丹，稱孫不稱臣，契丹怒。七月，王延政圍汀州，閩主曦遣兵救之；延政攻汀州不克，還敗曦兵。南漢循州亂，首領張遇賢稱中天八國王，建元永樂，尋入循州，殺刺史，連陷數州縣。八月，晉兵拔襄州，安從進自焚死。閩鑄永隆通寶大鐵錢，一當鉛錢百。南唐頒昇元條。十一月，晉初收食鹽錢，戶一貫至二百爲五等，任人販鹽。至是以鹽價賤，乃重征鹽商，過者斤七錢，留賣者斤十錢；由是商絕，官復自賣。

943 年

癸卯 晉出帝石重貴天福八年 南漢光天二年 劉晟應乾元年 乾和元年 契丹會同六年 閩永隆五年 殷王延政天德元年 後蜀廣政六年 南唐昇元七年 中主李璟保大元年

二月，唐主昇死，子璟嗣，是爲中主，逾月，改元保大。閩王延政稱帝於建州，國號殷，改元天德，以將樂縣爲鏞州，延平鎮爲潭州，倍征田畝山澤以及魚鹽蔬果之稅。唐置定遠軍於濠州。三月，南漢晉王劉弘熙殺其主劉玢，稱皇帝，改元應乾，改名晟。四月，殷攻閩福州，敗。七月，以年饑國用乏，使括諸道民穀。張遇賢爲南漢兵所敗，北攻唐虔州。九月，晉殺契丹貿易者，囚契丹回圖使，既而釋之；契丹益怒，拘晉使者。十月，南唐遣將擊張遇賢，擒斬之。十一月，南漢改元乾和。十二月，寧州首領莫彥殊附於楚。是歲，春夏旱，秋冬水，蝗遍全國，民餓死者數十萬口，流亡不可勝數。楚賣官鬻爵，征歛橫暴，令常稅外，縣貢米自二千至七百斛有差。

944 年

甲辰 晉天福九年 開運元年 南漢乾和二年 契丹會同七年 閩永隆六年 殷天德二年 後蜀廣政七年 南唐保大二年

正月，契丹分道攻晉，東陷貝州、博州，前鋒至黎陽；西入雁門，攻太原。晉帝致書契丹修好，契丹主不許。殷鑄天德通寶大鐵錢，一當百。二月，平盧節度使楊光遠叛通契丹，契丹渡河以應之，大敗於馬家口。蜀攻階州，敗。三月，契丹分道北歸，所過焚掠。閩將朱文進殺其主王曦，自稱閩王，殷主王延政攻之不克；文進稱藩於晉。令籍鄉兵，七戶出兵械資一卒，凡得七萬餘人，號武定軍。四月，遣使分道括民財以濟國用，官吏因緣爲奸，民不堪命。五月，遣將討楊光遠，契丹救之，敗。六月，復置樞密院。河決滑州，浸汴、曹、單、濮、鄆五州，環梁山合於汶，大發丁夫塞之。府州刺史折從遠拒契丹命，以爲府州團練使。七月，改元開運。八月，以河東節度使劉知遠爲都統，備契丹。以澶、濮二州爲鎮寧軍，置節度使。南唐置定遠軍於濠州。九月，契丹擾遂城、樂壽。十月，閩泉州將留從效等殺刺史，漳、汀二州繼之，皆附於殷。十二月，以朱文進爲閩國王。楊光遠之子承勳劫光遠開城納官軍，光遠旋被殺。朱文進攻泉州，大敗。殷主王延政又攻福州，文進請援於吳越。唐將查文徽攻殷，大敗。閩十二月，朱文進爲其下所殺，福州入於殷。契丹復大舉攻晉。

945 年

乙巳 晉開運二年 南漢乾和三年 契丹會同八年 後蜀廣政八年 南唐保大三年 殷一閩天德三年

正月，契丹掠邢、洺、磁三州，入鄴都境，晉將力戰却之。改武定軍曰天威軍。殷主王

延政改國號曰閩，仍居建州。二月，晉大舉攻契丹。唐將查文徽再攻閩。三月，閩將李仁達等據福州，奉僧卓巖明爲帝，稱天福十年，稱藩於晉；閩主王延政遣兵討之。晉軍連下泰州、滿城；契丹兵至，晉軍退至陽城，反攻，大敗契丹。四月，復以鄴都爲天雄軍。五月，李仁達殺卓巖明，自稱威武留後，用保大年號，稱藩於南唐，改名弘義，亦貢於晉，且通好吳越。六月，晉遣使稱臣請和於契丹，未協。七月，南唐攻建州急，閩主王延政稱藩於吳越，請救。八月，南唐兵入建州，王延政降，汀泉漳等州皆附於南唐，南唐置永安軍於建州。九月，命括羅民粟以贍軍。置威信軍於曹州。十月，置鎮安軍於陳州。十一月，遣使冊王武爲高麗國王，使攻契丹。十二月，加吳越王錢弘佐東南面兵馬都元帥。

946 年

丙午 晉開運三年 南漢乾和四年 契丹會同九年 後蜀廣政九年 南唐保大四年
四月，靈州党項作亂。南唐威武節度使李弘義攻泉州，州將留從效廢刺史，破弘義兵，南唐命爲泉州刺史。六月，定州人孫方簡等，據狼山鈔掠，首亂於晉與契丹之間，至是引契丹侵晉。七月，河決楊劉，自朝城北流。八月，晉敗契丹於燕長城北。分處河東吐谷渾於河陽等地，其首領白承福爲劉知遠所害。南唐擬召李弘義入朝，弘義拒命，遣兵討之，爲弘義所敗。九月，弘義改名弘達，請命於晉，命知閩國事；尋又更名達，請援於吳越。契丹擾河東、定州，皆敗。加楚王馬希範爲諸道兵馬都元帥。河決澶州臨黃。十月，大發兵，遣天雄軍節度使杜重威等攻契丹。南唐漳州軍亂，留從效等平之。吳越遣兵入

福州助李達。十一月，契丹大舉攻晉。十二月，杜重威等降於契丹，契丹主遣降將張彥澤先取開封，晉帝降。

947 年

丁未 晉開運四年 漢高祖劉知遠天福十二年 南漢乾和五年 契丹會同十年 遼大同年 世宗耶律兀欲天祿元年 後蜀廣政十年 南唐保大五年

正月，契丹主耶律德光入開封，廢晉帝爲負義侯，安置黃龍府；廢東京，降開封府爲汴州。晉百官藩鎮皆降，獨彰義節度使史匡威拒命；雄武節度使何重進斬契丹使，以秦、階、成三州附蜀；河東節度使劉知遠則委蛇觀變。荆南高從誨貢於契丹，復潛通劉知遠勸進。南唐遣使賀契丹滅晉。契丹縱騎四出剽掠，又遣使諸州括錢帛，民不聊生，爭起抗拒，其在淮北者多請命於南唐。二月，契丹主耶律德光服漢衣冠，受百官賀，改國號爲遼，改元大同。劉知遠稱皇帝於太原，稱天福十二年，後改名昀，令所在誅契丹人。保義軍將趙暉等殺契丹將吏，潞陽民帥梁暉襲相州殺契丹人，晉州人殺契丹括錢帛使者，皆請命於劉知遠。澶州人王瓊圍契丹將，敗死。延州亂，逐節度使，奉錄事參軍高允爲留後。契丹將高彥珣殺契丹刺史，自領州事。各地人民羣起攻契丹，克宋、亳、密諸州，漢帝使人安集農民避契丹者。三月，契丹主北歸，盡載府庫之寶以行，復汴州爲宣武軍，命蕭翰爲節度使以鎮之。吳越援福州，南唐兵大敗退。泉州刺史留從效逐南唐戍將。四月，契丹屠相州，掠婦女，存者僅七百餘人。置永安軍於府州，以折從阮爲節度使。軍將武行德截契丹鎧仗，殺契丹監軍，據河陽，請命於劉知遠。嵩山民帥張遇擁朱乙爲皇帝，襲

鄆州，敗。伊闕民帥稱皇帝，攻洛陽，敗。鳳州防禦使石奉瑒舉州降蜀。契丹主耶律德光死於殺胡林。冀州民殺契丹刺史。趙延壽自稱權知南朝軍國事，圖帝中原，爲契丹永康王耶律兀欲所囚，兀欲稱皇帝，北歸。楚王馬希範死，弟希廣嗣。劉知遠遣兵收復澤州等處，契丹在河南者相繼北遁。蕭翰強以唐明宗子李從益知南朝軍國事，自率衆北走。從益稱梁王，知軍國事，奉表迎劉知遠；從益旋爲知遠所害。六月，劉知遠至汴州，仍以州爲東京、開封府，定國號曰漢，是爲後漢高祖。契丹主兀欲囚其祖母述律太后，改元天祿，自稱天授皇帝，是爲遼世宗。七月，封馬希廣爲楚王。閏七月，杜重威據鄴都，結契丹，抗移鎮之命，遣將討之。洺州防禦使薛懷讓殺契丹使者，以州歸於漢。以王章爲三司使，王章加田稅，每斛更輸二斗，謂之省耗；令錢入者以八十爲陌，出者七十七爲陌，謂之省陌；凡犯鹽、鑿、酒麴禁者，錮銖皆處死。八月，軍將何福進等起事攻恒州，契丹守將麻答北遁，因復恒州順國軍爲鎮州成德軍。以四方大亂，敕搶掠者不問贓多少皆處死。以契丹盡掠軍馬，詔買民馬於河南諸道。封錢弘俶爲吳越王。荆南高從誨侵襄州、郢州，皆敗，乃絕漢，附於南唐。九月，漢帝親征杜重威。十月，晉昌節度使趙匡贊以長安降蜀。十一月，杜重威降。十二月，蜀分道攻鳳翔，擾長安，鳳翔節度使侯益降之。吳越將胡進思廢其主錢弘俶，立其弟弘俶。甘州回鶻遣使入貢，爲党項所掠。

948 年

戊申 漢乾祐元年 南漢乾和六年 遼天祿二年 後蜀廣政十一年 南唐保大六年 正月，改元。二月，趙匡贊、侯益皆去蜀還

漢，蜀兵敗。漢高祖死；二月，姪承祐嗣，是爲隱帝，仍稱乾祐；三月，改廣晉府爲大名府，晉昌軍爲永興軍。契丹棄定州遁，孫方簡入據之，因命爲節度使。於是晉末陷契丹地皆復之。趙思綰據永興、李守貞據河中、王景崇據鳳翔，先後反，守貞爲主，稱秦王，結契丹；遣將討之。五月，河決滑州。八月，王景崇亦附於蜀。蜀改鳳翔爲岐陽軍，遣兵援之，敗還。封錢弘俶爲吳越國王。十月，荆南高從誨死，子保融嗣。十一月，李守貞求救於唐，唐遣兵赴之，敗還。十二月，南漢取楚昭州、賀州。

949 年

己酉 漢隱帝劉承祐乾祐二年 南漢乾和七年 遼天祿三年 後蜀廣政十二年 南唐保大七年

二月，淮北人多請命於南唐，南唐遣將洵海、泗，敗還。三月，楚敗蠻於風陽山。五月，趙思綰降，七月，被殺，李守貞自焚死。八月，楚王馬希廣、希萼兄弟交闕，希萼兵敗。十月，吳越募民墾荒田，不收稅。契丹擾河北，遣樞密使郭威禦之。南唐攻正陽，敗。十二月，王景崇自焚死。是歲，南唐置潯源軍於泉州，以留從效爲節度使。自是從效據漳、泉二州。

950 年

庚戌 漢乾祐三年 南漢乾和八年 遼天祿四年 後蜀廣政十三年 南唐保大八年 正月，使詣河中、鳳翔收葬遷骸，時有僧已聚骸骨二十萬。二月，南唐將查文徽襲福州，爲吳越兵所俘。四月，以樞密使郭威爲鄴都留守，以備契丹。五月，令防禦、團練使非軍期不得專奏，事皆先申觀察使以聞。六

月，河決鄭州。楚馬希萼結辰淑及海山蠻攻擾馬希廣，希廣兵屢敗。希萼稱藩於南唐，乞師攻希廣，南唐遣兵赴之。十一月，希萼悉兵攻長沙，自稱順天王。隱帝殺大臣楊邠、史弘肇、王章等，又遣人赴鄴都殺郭威；威引兵趨東京，隱帝親禦之，爲亂兵所殺，威入東京，立高祖姪武寧節度使劉贊爲皇帝，遣使迎之，太后臨朝。十二月，馬希萼陷潭州，殺楚王馬希廣，自稱楚王。契丹殺掠內丘、饒陽，太后遣郭威禦之。郭威至澶州，軍變，擁威爲皇帝，返東京。

951 年

辛亥 周太祖郭威廣順元年 南漢乾和九年 遼天祿五年 穆宗耶律明應曆元年 後蜀廣政十四年 南唐保大九年 北漢世祖劉崇乾祐四年

正月，郭威卽帝位，國號周，建元廣順，是爲後周太祖。令倉庫官吏不得收斗餘稱耗，罷進羨餘，犯竊盜者並依晉天福以前刑格科罪。契丹遣使請和。周帝殺劉贊，其父崇稱帝於太原，仍稱漢乾祐四年，是爲北漢世祖，遣使結契丹攻晉州，敗還。二月，契丹使來賀卽位，遣使報聘。馬希萼稱臣於南唐，南唐冊爲楚王。契丹遣使報聘北漢。三月，開與南唐商旅往來之禁。北漢主劉崇遣使契丹，自稱姪皇帝，請行冊禮。五月，後周使至契丹，被留。夏州定難軍節度使李彝殷附於北漢。六月，楚朗州將周行逢等逐武平節度使馬光惠，擁辰州刺史劉言爲留後，稱藩於周。契丹冊北漢劉崇爲大漢神武皇帝；崇更名旻；七月，旻遣使請兵於契丹以攻周。九月，契丹主兀欲議發兵，燕王述輅殺之於火神淀，自立爲皇帝，部衆旋殺述輅，奉耶律德光之子述律爲主，改元應曆，更名明，是爲穆宗。楚馬希崇囚楚王馬希萼於衡山，自稱留

後，衡山將士奉馬希萼爲衡山王，皆請援於南唐；南唐遣邊鎬將兵赴之，十月入潭州，馬希崇降，岳州尋亦爲南唐所取。南唐以邊鎬爲武安軍節度使，鎮湖南。十一月，南唐令馬希崇、希萼等舉族入朝，楚遂亡；其嶺南諸州皆入於南漢。契丹、北漢連兵攻晉州月餘，十二月，周救兵至，大敗之。南漢取郴州，敗南唐兵。

952 年

壬子 周廣順二年 南漢乾和十年 遼應曆二年 後蜀廣政十五年 南唐保大十年 北漢乾祐五年

正月，潭州軍孫朗等起事，敗奔朗州，說劉言逐南唐兵。泰寧節度使慕容彥超結南唐及北漢反，遣將討之，南唐赴援，敗。北漢攻府州，敗還。南唐開進士科，及第者三人；旋又罷貢舉。三月，改威勝軍曰武勝軍。四月，南唐攻南漢桂州，大敗。五月，周帝親征慕容彥超，拔兗州，彥超赴井死，官軍大掠，死近萬人。六月，周帝親祠孔子，訪孔子後爲曲阜令。後蜀大水。朔方節度使馮暉死，子繼業殺兄繼助，自爲留後。七月，後蜀梓州將王承丕作亂，旋敗死。令犯私鹽麴者以斤兩定刑，不得皆處死。九月，禁北邊吏民入契丹掠略。契丹擾冀州，掠丁壯。十月，朗州節度使劉言遣將攻潭州，邊鎬遁；又下岳州，於是盡復馬氏故地，惟郴、連入於南漢。契丹瀛、莫、幽州大水，民多流入周河北境，命賑恤之。立訴訟法。慶州党項野鷄族以不堪苛征，羣起反抗，逾二月，撫定之。十一月，制稅牛皮法，令民間所輸牛皮減舊額三之二，四十頃稅一皮，餘聽買賣，惟禁售於敵國。十二月，河決鄭州、滑州。湖南將王逵攻郴州，爲南漢兵所敗。麟州刺史楊重訓背北漢以州降於周。

953 年

癸丑 周廣順三年 南漢乾和十一年 遼應曆三年 後蜀廣政十六年 南唐保大十一年 北漢乾祐六年

正月，令罷營田務，以其民隸州縣，田廬、農器、耕牛並予見佃者爲永業，並除租牛課。

契丹掠定、鎮二州。三月，封養子柴榮爲晉王。党項殺牛族忿官軍掠略，羣起反抗。後蜀相母昭裔出私財興學，刻版印九經。唐長興三年所刻九經至是亦成。六月，契丹知盧臺軍事張藏英降周。湖南將王逵圖代劉言，於二月誘殺言將，至是自將襲取朗州，囚言，尋殺之。七月，南唐大旱，饑民多渡淮而北。九月，契丹擾樂壽。自青、徐以迄關中大水。十二月，北漢擾府州。南唐復行貢舉。道州盤客洞蠻首領盤崇自稱都統，攻掠郴、道等州。

954 年

甲寅 周世宗郭榮顯德元年 南漢乾和十二年 遼應曆四年 後蜀廣政十七年 南唐保大十二年 北漢乾祐七年

正月，改元。以晉王判內外兵馬事。罷鄴都。數年來河決靈河、魚池、酸棗、陽武、常樂驛、河陰、六明鎮、原武，凡八口，至是遣使塞之。周太祖死，柴榮嗣，是爲世宗，仍稱顯德。靜海節度使吳昌岌死，弟昌文立，始請命於南漢，南漢命爲節度使兼安南都護。二月，契丹、北漢連兵攻潞州，敗周兵；三月，周帝自將禦之，大敗之於高平，乘勝進圍太原；五月，並遣兵擊契丹兵於忻、代，以久雨班師。十月，汰侍衛親軍，募壯士充補，其尤精銳者別以爲殿前軍。十一月，以河自楊劉至博州連年東潰，滙爲大澤，又潰灌齊、棣諸州，害民頗劇，遣官堵塞，役

六萬人，三十日畢工。北漢主劉旻死，子承鈞嗣，契丹冊之爲帝，改名鈞，上書契丹稱男，契丹稱之爲兒皇帝。溱州蠻首領符彥通稱王數年，至是去王號，附於湖南王逵。是歲，湖南大饑，民食草木實。

955 年

乙卯 周顯德二年 南漢乾和十三年 遼應曆五年 後蜀廣政十八年 南唐保大十三年 北漢劉鈞乾祐八年

正月，令漕運斛給綱吏耗一斗。浚深、冀間胡盧河，於河旁李晏口築城，賜名靜安軍，以禦契丹。四月，展築東京城，於農隙興工。五月，廢無額寺院，禁私度僧尼。是歲寺院存者二千六百九十四，廢者三萬三百三十六；存僧四萬二千四百四十四、尼一萬八千七百五十六。九月，令立監採銅鑄錢，民間私有銅器、佛像悉輸官給直，隱匿者科罪有差。周取秦、階、成等州，後蜀兵敗遁。後蜀以用度不足，始鑄鐵錢，權鐵器。十一月，周兵取鳳州，俘後蜀將士五千。疏汴水。周攻南唐，十二月圍壽州，令吳越出兵擊唐。是歲，高麗遣使如後周。

956 年

丙辰 周顯德三年 南漢乾和十四年 遼應曆六年 後蜀廣政十九年 南唐保大十四年 北漢乾祐九年

正月，周帝親攻南唐，屢敗南唐兵，二月，取滁州。南唐主遣使請和，兄事周帝，歲輸貨幣；不答，進攻揚州。南唐主又遣使於周，稱臣奉貢。周旋取揚州。朗州王逵受周命攻南唐鄂州下之。逵部將潘叔嗣襲據朗州，逵攻之，敗死。叔嗣迎周行逢於潭州。自是行逢領有潭、朗兩節度巡屬。三月，南唐江北諸州多爲周據，南唐主又遣使請去帝號，割

淮北六州；周令其全割江北，南唐不從。吳越助周取南唐常州，旋爲南唐兵所敗。五月，周帝留兵圍壽州，歸東京。淮南民苦周兵掠略，羣起抗拒，屢敗周兵，周所得唐州縣多復歸於南唐。八月，周頒顯德欽天曆。十月，立二稅起徵限，令夏稅以六月、秋稅以十月起徵納，不得早徵。以殿前都虞侯趙匡胤屢建大功，擢爲定國軍節度使兼殿前都指揮使。十二月，南唐罷淮南營田害民者；遣使浮海乞兵於契丹。

957 年

丁巳 周顯德四年 南漢乾和十五年 遼應曆七年 後蜀廣政二十年 南唐保大十五年 北漢天會元年
正月，北漢主劉鈞改元天會。二月，命人討論古制，更造祭器、祭玉。周帝親攻壽州，大破南唐援軍。南唐清淮軍節度使劉仁贍病不知人，其監軍等開城降；改清淮軍爲忠正軍，以旌劉仁贍之節。四月，分南唐降卒爲六軍，號懷德軍。令疏汴水入五丈河，由是齊魯可舟達開封。令人詳定訓釋律令爲刑統，頒之。十月，設賢良方正直言極諫、經學優深可爲師法，詳閑吏理達於教化等科。十一月，周帝親攻南唐，下濠、泗等州。

958 年

戊午 周顯德五年 南漢乾和十六年 劉鋹大寶元年 遼應曆八年 後蜀廣政二十一年 南唐中興元年 交泰元年 北漢天會二年
正月，南唐改元中興。周鑿鶴水，引戰艦入江。拔唐靜海軍，始通吳越之路。克唐楚州。二月，北漢侵隰州，兵潰。三月，南唐改元交泰。周帝臨江誓戰，南唐主請和，許之。南唐主上表稱唐國主，獻江北地，歲十萬。於是周得江淮十四州、六十縣。浚

汴口，導河達於淮，於是江淮舟楫始直達東京。四月，契丹擾邊，遣將禦之，五月拔其束城。南唐主更名景，去帝號，稱國主；去年號，用周正朔。南唐國主以江南無鹽田，請海陵鹽監地；不許，年以鹽三十萬斛給貢之。六月，周兵擾北漢。七月，初行大周刑統。閏七月，留從效稱藩於周。八月，南漢主劉旼死，子鋹嗣，改元大寶。十月，周帝謀攻後蜀，荆南高保融書勸後蜀主臣周，後蜀拒之。遣人均定諸州田租，令諸縣並鄉村，以百戶爲團，團置耆長三人。十一月，命人編大周通禮、大周正樂。十二月，後蜀大發兵備周。令諸色課戶及俸戶並歸州縣，其幕職等官並支俸錢、米麥。

959 年

己未 周顯德六年 南漢大寶二年 遼應曆八年 後蜀廣政二十二年 北漢天會三年
正月，命王朴作律準，定大樂。二月，命人按視河隄，立斗門於汴口，發丁夫數萬浚汴水，導入蔡水，以通陳、潁之漕；又浚五丈渠，東經曹、濟、梁山泊以通青、鄆之漕。開封府舊田稅十萬二千餘頃，近按得羨田四萬二千餘頃。命減三萬八千頃；諸州行苗使所奏羨田準此以減。淮南饑。四月，自滄州治水道，補壞防，開游口，以通瀛、莫，備攻契丹。周帝親督兵北上，連下益津關、瓦橋關、莫州、瀛州、易州；以瓦橋關爲雄州，益津關爲霸州。帝旋以疾班師。北漢援周，敗。六月，河決原武，發二萬人塞之。以趙匡胤爲殿前都點檢。周世宗死，子宗訓嗣，是爲恭帝。七月，南唐鑄當十永通泉貨錢及當二唐國通寶錢；十月，廢永通泉貨錢。十一月，唐改洪州曰南昌府，建南都。十二月，契丹遣使聘於南唐，周將遣人刺殺契丹使，自是南唐與契丹絕。高麗遣使如後周。

宋元大事年表

960 年

庚申 宋太祖趙匡胤建隆元年 南漢大寶二年 遼應曆十年 後蜀廣政二十三年 北漢天會四年

正月，周殿前都點檢趙匡胤稱皇帝，國號宋，建元建隆，是爲宋太祖；廢周帝爲鄭王。初令澧河丁夫糴糧皆從官給。三月，南唐、吳越各遣使賀於宋。北漢侵宋河西，旋退。四月，遼侵宋棣州，敗還。宋昭義節度使李筠結北漢反；五月，宋帝自擊之；六月，李筠敗死。七月，遼政事令耶律壽遠等謀反，死。宋初以知州易藩鎮。宋整飭軍政，立更戍法，使將不得專兵。八月，宋作新權衡。荆南節度使南平王高保融死，弟保勗嗣。九月，宋焚擾北漢邊縣。宋淮南節度使李重進反，宋帝自擊之。吳越初榷酒酤。十月，河決棣州厭次、滑州靈河。遼趙王耶律喜隱謀反，被幽。宋擾北漢汾州，敗。十一月，李重進敗死。十二月，南唐清源節度使留從效稱藩於宋。宋鑄宋通元寶錢。是歲，後蜀陵井摧圯，氣上如烟，中人多死，自是煤鹽遂廢。宋置三館，有書萬餘卷，以秘書監掌其事。

961 年

辛酉 宋建隆二年 遼應曆十一年 南漢大寶三年 後蜀廣政二十四年 北漢天會五年

正月，宋遣官度諸州民田。宋浚蔡渠，後改名惠民河。宋修唐會要成。二月，南唐主李璟遷都南昌。宋濬五丈渠。三月，北漢

侵宋麟州，敗還。宋罷殿前都點檢官。宋令長吏課民種植。四月，宋始嚴懲賊吏。宋減私麴及私鹽罪。五月，宋三禮圖修成。宋汰內外老弱軍卒，置剩員以處退兵。遼行新曆。宋停調民應郵傳役，代以軍卒。六月，南唐主李璟死，子煜嗣，是爲後主。七月，宋罷宿將典禁兵。宋塞棣、滑二州決河成。八月，生女眞自海道貢馬於宋。宋修周世宗實錄成。宋初對南唐稱詔。遼解里降宋。十月，宋禁邊民侵盜遼人馬。十一月，宋敗北漢於汾西；十二月，又敗北漢軍。宋放免鎮州弓箭手。是歲，占城遣使獻犀角、象牙、龍腦香、藥、大食瓶於宋。

962 年

壬戌 宋建隆三年 遼應曆十二年 南漢大寶四年 後蜀廣政二十五年 北漢天會六年

正月，宋廣皇城。宋禁州縣役僑居民。二月，宋減竊盜刑。北漢擾宋潞、晉二州。三月，宋令諸州決刑死罪者，奏委刑部詳覆。女眞貢於宋。清源軍節度使留從效死，衙將陳洪進等推張漢思爲留後。四月，北漢擾宋麟州。四月，宋發潞州民修太行道。九月，宋禁舉人呼知舉官爲恩師、師門，及自稱門生。宋復置書判拔萃科。湖南武平節度使周行逢死，子保權領軍務，大將張文表不服，據潭州自稱留後，皆遣使告於宋。十一月，宋詔縣令考課以戶口增減爲黜陟。荆南節度使高保勗死，兄子繼冲嗣。十二月，宋減強盜刑。宋禁鎮將干涉民事。宋頒捕盜令。宋以河北、陝西、京東旱蝗，蠲其租。

1121/66E/10P

後蜀追督境內逋賦。是歲，高麗遣使如宋。
占城遣使獻象牙、乳香於宋。

963 年

癸亥 宋建隆四年 乾德元年 遼應曆十三年 南漢大寶五年 後蜀廣政二十六年 北漢天會七年

正月，宋發丁夫修河隄。宋遣兵假道荆南赴湖南。宋築益津關城，遼人擾之，不果築。湖南周保權部將擒張文表，繼遣兵拒宋。宋初命文臣知州事。二月，宋兵據江陵，高繼冲籍其三州、十七縣、十四萬二千三百戶歸於宋，荆南高氏亡；收其圖書以實三館。宋兵入湖南，俘周保權，得十四州、六十六縣、九萬七千二百八十八戶。宋命官詳定刑制。

三月，宋令州縣復置義倉。四月，禁涇、源、汾、慶等州補蕃人爲邊將。宋於諸州置通判，又命節鎮支郡皆直隸京師。宋頒建隆應天曆。清源軍將陳洪進廢留後張漢思，請命於南唐及宋。宋重鑿砥柱、三門。六月，宋初命京官知縣事。七月，宋修五代會要成。宋擾北漢。湖南故周氏將汪端攻朗州，逾月敗死。宋頒刑統。八月，宋以潘美守潭州，潘美數敗南漢侵擾之師。宋侵北漢，取樂平縣。女真貢馬於宋。宋齊州河決。九月，高麗王王昭遣使泛海貢於宋。

女真再貢馬於宋。宋禁公薦貢舉人。北漢結遼兵擾宋。十一月，宋改元乾德。十二月，宋禁道州調民取朱砂，除衡、岳二州稅外賦米，並禁發民開銅礦。宋擾北漢石州。

閏十二月，北漢擾宋府州。北漢取五臺山布施供國用，又置銀冶於團柏谷。是歲，宋詔定諸州貢舉條對經史之法。宋遣使至高麗冊封，遭風，溺死者九十人。

964 年

甲子 宋乾德二年 遼應曆十四年 南漢大寶六年 後蜀廣政二十七年 北漢天會八年

正月，宋復制舉賢良方正等科；詔著四時聽選式。宋改清源軍爲平海軍，以陳洪進爲節度使。二月，遼援北漢敗宋兵。宋發丁夫鑿渠，自長社引澠水合閼河。三月，南唐鑄鐵錢，物價日高。四月，宋置參知政事以副宰相。宋以瑤人首領秦再雄爲辰州刺史，以招徠諸谿洞。九月，宋潘美取郴州。後蜀結北漢圖宋，事洩。十一月，宋遣將攻後蜀，十二月，宋兵屢勝，至劍門，入利州。烏古及黃室韋部反遼。

965 年

乙丑 宋乾德三年 遼應曆十五年 南漢大寶七年 後蜀廣政二十八年 北漢天會九年

正月，遼擊烏古部。宋兵入成都，後蜀主孟昶降，得州四十六、縣二百四十、戶五十三萬四千二十九，後蜀亡；宋收其圖籍萬三千卷。三月，後蜀兵擁舊將全師雄反宋，號興國軍，師雄自稱興蜀大王，屢敗宋兵。宋收節度使權，置轉運使察州郡。大室韋反遼。五月，小黃室韋反遼。宋將殺後蜀降卒二萬七千餘人。六月，大室韋敗入敵烈部，尋皆降於遼。七月，蠻酋珍州刺史田景遷附於宋。烏古部掠遼上京北，至十月乃敗還。

966 年

丙寅 宋乾德四年 遼應曆十六年 南漢大寶八年 北漢天會十年

正月，遼擾宋易州。二月，宋擾北漢。三月，宋罷義倉。宋賜僧行動等一百五十七人各錢三萬，遊西域。四月，宋罷場院羨餘賞格，並嚴禁耗外加徵。六月，宋禁臣庶家私

養宦者。七月，宋禁將帥取精卒爲牙兵。西南夷首領董昌等附於宋。八月，河決滑州，宋發士卒丁夫數萬治之。閏八月，宋求遺書。河溢入南華縣。宋立縣令佐勸墾植賞格。十二月，全師雄病死，部衆散降，蜀地始定。靺鞨別種達勒達貢於宋。是歲，占城遣使貢於宋。

967 年

丁卯 宋乾德五年 遼應曆十七年 南漢大寶九年 北漢天會十一年

正月，宋以河屢決，定制歲以春季繕治，並詔孟州以下沿河州府長吏並兼河隄使。二月，遼擾宋益津關。四月，宋復開陵井，鹽產大旺。七月，宋停送諸州銅像輸京，並令勿毀，仍復崇奉。八月，宋河溢入衛州城。九月，宋定難節度使李彝興死，子光叡權知夏州事，尋命爲節度使。十二月，宋禁輕小惡錢及鐵鑪錢。是歲，占城遣使獻於宋。

968 年

戊辰 宋乾德六年 開寶元年 遼應曆十八年 南漢大寶十年 北漢天會十二年
三月，宋定制復試品官子弟應舉者。五月，宋令送上供錢帛、舟車並從官給，勿以擾民。宋以南唐饑，賙穀十萬斛。七月，北漢睿宗劉鈞死，養子繼恩嗣。八月，宋遣將攻北漢。九月，北漢帝劉繼恩爲其下所殺，弟繼元嗣，以宋兵入境，請救於遼，宋兵旋圍太原。十一月，宋改元開寶。遼援北漢兵至，宋兵退。十二月，遼太平王罽撒葛謀反，敗，貶。是歲，宋史館新定書目四卷。

969 年

己巳 宋開寶二年 遼應曆十九年 景宗耶律賢保寧元年 南漢大寶十一年 北漢天

會十三年

二月，宋帝親攻北漢。遼穆宗以酷虐爲其下所殺，世宗第二子耶律賢立，改元保寧，是爲遼景宗。三月，宋兵圍太原，遼遣將救北漢，宋將馬仁瑀入遼上谷、漁陽，大掠而還。四月，宋將何繼筠大敗遼兵於陽曲北。五月，遼侵宋定州，宋將韓重贇大敗之。閏五月，北漢宰相郭無爲謀降宋，被殺。宋徙太原民萬餘家於山東、河南，因久攻無功，遂班師。八月，宋靈武節度使馮繼業請內徙，從之，以段思恭代之。九月，宋初令民典買田土者輸錢印契。十月，宋罷鳳翔節度使王彥超等爲諸衛上將軍，自是諸藩鎮州府漸多代以文吏。遼舍利於魯等族降於宋。十一月，回鶻、于闐貢於宋。

970 年

庚午 宋開寶三年 遼保寧二年 南漢大寶十二年 北漢天會十四年

正月，遼還所留北漢使者。三月，宋初賜應進士諸科舉人十五舉以上者出身。四月，宋禁抑配兩稅科物。六月，宋汴水決寧陵縣。七月，宋減州縣官吏，增俸給。八月，南唐後主使勸南漢劉鋹附宋，劉鋹囚之。九月，宋遣兵攻南漢。宋詔修前代帝王陵墓。十一月，宋減桂陽監銀額三之一。遼擾宋定州。十二月，宋兵連下賀、連、昭、桂、韶等州。敵烈部反遼。是歲，宋周弼等掠亮州，旋敗。交州遣使如宋。占城遣使獻於宋。

971 年

辛未 宋開寶四年 遼保寧三年 南漢大寶十三年 北漢天會十五年

正月，宋禁諸道州縣差攝官。二月，遼擾宋易州。宋兵至廣州，南漢主劉鋹降，得州六

十、縣二百十四、戶十七萬二百六十三；南漢亡。三月，宋放免嶺南男女被賣爲奴婢者。六月，宋初置市舶司於廣州。回鶻貢於遼。宋援北漢。宋河決鄭州原武縣，汴水決宋州穀熟縣。七月，宋革南漢重斂苛政，民納租皆用官斗。宋復著內侍養子令。宋再援北漢。宋汴水決宋州宋城縣。十月，南漢故臣鄧存忠等以土人二萬攻邕州，旋敗。吐谷渾貢於遼。十一月，南唐改號江南。宋河決澶州，遣官督塞之。占城遣使獻於宋。

972 年

壬申 宋開寶五年 遼保寧四年 北漢天會十六年

正月，宋禁以鐵鑄塔像。北漢援宋。二月，宋於沿河十七州各置河堤判官一員。江南後主減損制度。閏二月，宋初行殿試。三月，宋禁嶺南縣吏豪民以代輸逋賦爲名質人妻子。四月，宋并省嶺南州縣。五月，宋廢南漢所置採珠之媚川都。宋河大決澶州濮陽縣，遣官塞之，且放宮人三百八十餘人。嗣河又決大名府朝城縣，河南北諸州皆大水。六月，河又決陽武縣，汴水決鄭州、宋州。因發諸州兵及丁夫凡五萬人塞決河，並詔求治河者。女真嘗掠宋人馬，至是遣使貢馬於宋，並謝罪，放還所掠。九月，宋禁私藏天文、圖讖、太乙、雷公、六壬、遁甲之書；十一月，又禁僧道私習天文地理。是歲，宋大饑。北漢始令民輸贍軍錢，減百官俸。高麗遣使如宋。占城國王遣使獻於宋。

973 年

癸酉 宋開寶六年 遼保寧五年 北漢天會十七年

正月，遼侵掠党項。宋渠州民李仙以迷信聚萬餘人，掠廣安軍，敗死。三月，宋帝親試

舉人於講武殿，由是殿試爲常式。宋禁銅錢出境。四月，宋整飭諸州舉人考試，嚴禁私薦。宋修開寶通禮成。宋重定神農本草成。五月，交州丁璉貢於宋，封交趾郡王。女真掠遼邊。六月，女真朝於遼。七月，宋罷諸州以牙校斷獄，更命士人爲司寇參軍以理刑罰。八月，宋罷成都府後蜀所立嫁裝稅。十二月，北漢將改元，請命於遼。女真貢馬於宋。是歲，占城遣使獻於宋。

974 年

甲戌 宋開寶七年 遼保寧六年 北漢廣運元年

正月，北漢改元廣運。四月，遼宋王耶律喜隱又謀亂，被廢。九月，宋諭江南國主李煜入朝，煜稱疾辭，宋遂遣將侵江南。十月，宋修五代史成。十一月，遼宋初議修和通聘。十二月，宋兵屢勝，渡江；江南去開寶年號，募兵抗宋。吳越國江南常州。北漢援宋。是歲，占城遣使獻於宋。

975 年

乙亥 宋開寶八年 遼保寧七年 北漢廣運二年

正月，宋兵圍金陵。二月，北漢貢於遼。江南試進士，錄三十人。自保大十年開貢舉，至是凡十七榜。三月，遼將獻党項俘。遼遣使聘於宋。五月，宋河決濮州郭龍邨；六月，又決頓丘。七月，遼黃龍府將燕頗反，遣兵討之。十月，江南遣使於宋求緩師，不許；繼再遣使貢銀、絹求緩師，仍不許。十一月，又遣使求緩師，依然不許。宋兵隨下金陵，李煜降，得州軍二十一、縣一百八、戶六十五萬五千六十五；江南亡。十二月，遼遣使賀宋正旦，宋遣使報之。是歲，宋遣使封丁璉爲交趾郡王。是後越南遣使如宋皆用璉

名。

976 年

丙子 宋開寶九年 宋太宗趙炅太平興國元年 遼保寧八年 北漢廣運三年
正月，宋試諸州所舉孝弟力田及有文、武、材、幹者，皆不合格，悉罷之，並治濫舉之罪。二月，吳越國王錢俶朝於宋；三月，遣還國。遼使人賑鰥寡孤獨及貧乏者。四月，宋將下江州，屠其城。宋遣使賀遼帝生辰。八月，宋遣兵攻北漢，圍太原。女真侵遼邊。九月，遼遣兵救北漢。女真掠遼邊。十月，宋太祖死，弟光義嗣，是為宋太宗，更名炅。十一月，宋詔轉運使察舉知州、通判及監場務官。遼遣使聘於宋。十二月，宋改元太平興國。宋始置三司副使。遼遣使聘於宋。遼復南京禮部貢院。宋罷攻北漢之兵。高麗人金行成入宋國子監，後仕宋為安州通判，卒於官。

977 年

丁丑 宋太平興國二年 遼保寧九年 北漢廣運四年
正月，女真貢於遼。宋大增考試取錄名額；是科進士始分等，並明經諸科及特奏名共取五百人，皆優與注官。二月，宋廢江南鐵錢，改鑄銅錢，禁民私採銅礦。占城遣使獻於宋。遼遣使賀宋。宋分西川為東西兩路，各置轉運使。三月，宋置榷場，售舶來香藥、寶貨以濟國用。宋籍藩鎮子弟補殿前承旨，令不得再補牙校。宋置威勝軍，許遼人互市。北漢乞糧於遼，遼予以二十萬斛。四月，宋葬太祖於永昌陵；遼遣使助葬。五月，宋遣使報謝於遼。七月，回鶻貢於遼。宋河決溫縣、滎澤，又決頓丘、白馬。八月，宋梅山峒首領苞漢陽等攻擾，潭州兵擊破

之。宋悉罷節度使所領支郡。九月，宋禁江南小錢，並定以七十七錢為一百。十月，遼遣使賀宋帝生辰。女真貢於遼。宋初榷酒酤。十一月，宋遣使賀遼正旦。宋定晉州鑿法，禁私煮私販。高麗王遣子貢於宋。遼遣使賀宋正旦。通遠軍界蕃族攻擾，詔撫定之。宋分左藏庫貨泉金帛為三庫。

978 年

戊寅 宋太平興國三年 遼保寧十年 北漢廣運五年
正月，北漢以宋邊州大治兵器，懼而請救於遼。宋浚汾河，又浚廣濟、惠民及蔡河、汴口，又治黃河堤。二月，宋建崇文院以儲圖書。宋罷昌州虛額鹽。回鶻貢於遼。三月，吳越王錢俶朝宋。四月，女真貢於遼。平海節度使陳洪進獻潭、泉二州於宋。共縣十、戶十五萬一千九百七十八。五月，錢俶獻地於宋，共州軍十四、縣八十六、戶五十五萬六千八百八；吳越亡。宋定難節度使李克勣死，子繼筠嗣。十月，遼遣使賀宋帝生辰。宋封孔子後文宣公，免其家租稅。十二月，遼遣使賀宋正旦。泉州民十餘萬攻州城，尋敗散。宋詔犯贓官永不敘用。

979 年

己卯 宋太平興國四年 遼保寧十一年 乾亨元年 北漢廣運六年
正月，宋遣使於高麗。宋遣將分路攻北漢。宋製新軍儀成。二月，遼遣兵援北漢。宋帝親督師，三月，敗遼援北漢之兵。四月，宋兵圍太原。五月，北漢主劉繼元降，得州軍十一、縣四十一、戶三萬五千二百二十；北漢亡。宋毀太原舊城，以榆次縣為并州，徙其富民於西京。六月，宋帝以滅北漢之兵攻遼，圍遼南京，附近諸州多降於宋。

七月，遼援軍至南京，大敗宋兵於高粱河，宋帝棄師遁歸。宋定難軍留後李繼筠死，弟繼捧嗣。九月，遼攻宋，大敗於滿城。十一月，遼改元乾亨。是歲，宋建太清樓藏御制及四部羣書。

980 年

庚辰 宋太平興國五年 遼乾亨二年
正月，宋開尉氏新河九十里。二月，宋定役法，上四等戶量輕重輪差，下四等戶免除。三月，遼將獻党項俘。宋將楊業敗遼於雁門。瓜沙歸義軍節度使曹元忠死，子延祿嗣，宋尋命爲節度使。四月，宋遣官使交州，時丁部領已死，子璿幼，大將黎桓專政。六月，遼宋王耶律喜隱又謀亂，被囚。七月，宋遣將攻交州黎桓。遼將再獻党項俘。九月，宋修太祖實錄成。十月，遼帝至南京督師侵宋，大敗宋於瓦橋關；宋師繼敗遼於關南，遼帝退。十二月，宋修沿遼界城池，開南河自雄州達莫州以通運。是歲，遼鑄乾寧錢。

981 年

辛巳 宋太平興國六年 遼乾亨三年
正月，宋易州破遼兵。宋於清苑界開徐河、鵝距河五十里入白河，開南漕運遂通。三月，宋兵破交州兵於白藤江口，尋以炎瘴班師。四月，放罷湖州織羅女工。五月，遼上京漢軍亂，事連廢宋王喜隱，逾年乃賜之死。九月，宋置差遣院考校京朝官勞績。宋易州破遼兵。是歲，薛居正死。

982 年

壬午 宋太平興國七年 遼乾亨四年
二月，宋又徙并州治於三交砦。四月，宋秦王趙廷美獲罪奪官，嗣又降爲公，安置房州，

牽連多人遭貶逐。遼三道侵宋，東路敗於滿城，五月又敗於唐興，中路敗於雁門，西路敗於新澤砦。宋定難留後李繼捧入朝，獻其世據四州地；六月，繼捧族弟繼遷奔地斤澤抗宋。宋置譯經院，令西僧譯佛經。八月，宋罷劍南榷沽，又罷川陝官織錦綺。九月，遼景宗死，子隆緒嗣，是爲聖宗，年幼，母蕭氏稱制。高麗貢於宋。宋定貢舉人連保同坐法。十月，宋河決武德縣。宋行吳昭素所進乾元曆。十二月，遼攻阻卜。宋遣使於高麗。閏十二月，宋豐州破遼兵。宋於諸州置農師。

983 年

癸未 宋太平興國八年 遼乾亨五年 契丹聖宗耶律隆緒統和元年

正月，遼將獻阻卜俘；党項擾遼邊。三月，遼葬景宗於乾陵。遼禁官吏軍民無故聚衆私語及冒禁夜行。三月，宋分三司爲鹽鐵、戶部、度支三部，部各置使。宋以虔、信、饒等州產銅、鐵、鉛、錫，命饒州永平監歲市以鑄錢五十萬貫。宋除福建諸州鹽禁。五月，宋河大決滑州韓邨，泛澶、濮、曹、濟諸州，流至彭城界入淮。黎桓自稱交州三使留後，遣使貢於宋。六月，遼更國號曰契丹，改元統和，遼帝號天輔皇帝，太后號承天皇太后。七月，契丹革漢人、契丹人互毆處刑不平之律。宋穀、洛、澶、潤諸水溢，溺死者萬計，羣縣幾盡。契丹將獻上党項俘；八月，更發兵攻党項之不服者。宋改江淮漕運雇船法。谿、錦、絳、富四州蠻附宋。九月，宋初置水陸發運使，命江淮部送上供錢帛，差牙吏押送，勿再點差民戶。十二月，宋滑州決河塞，未幾復決，發卒五萬治之。是歲，宋令選童子五十人就譯經院習梵學、梵字。日本僧裔然乘宋商船入宋。

984 年

甲申 宋太平興國九年 雍熙元年 契丹統和二年

正月，宋求遺書。二月，宋淮南開故沙河四十里，又於建安至淮滋中置二斗門以利漕運。三月，日本僧裔然至宋。宋滑州決河復塞。四月，契丹將獻女眞俘。五月，宋罷諸州農師。宋開江南鹽禁。八月，女眞八族附於契丹。九月，宋夏州兵攻李繼遷，獲其母妻。十一月，宋改元雍熙。十二月，宋廢嶺南採珠場。宋始鑄五使印。遼諭選授勿限本部。

985 年

乙酉 宋雍熙二年 契丹統和三年

二月，權交州留後黎桓貢於宋。李繼遷襲據銀州。三月，宋以江南饑，許民渡江自占。六月，宋復禁鹽、榷酤。銀、麟、夏三州蕃萬六千戶附於宋。八月，契丹攻女眞。閏九月，禁豳管殺人祭鬼及僧置妻妾。是歲，宋約高麗合攻契丹。

986 年

丙戌 宋雍熙三年 契丹統和四年

正年，契丹將獻俘女眞生口十餘萬、馬二十餘萬匹。宋遣曹彬、潘美等分東西道攻契丹。二月，李繼遷降於契丹，受命爲定難軍節度使。三月，宋兵東路越涿州，西路下寰、朔、應等州。四月，東路下蔚州，西路下雲州，各地漢民紛起反契丹，契丹援軍分道來禦。五月，曹彬等以炎暑退至岐溝，大爲契丹兵所敗，死者數萬。七月，宋安置山後降民七萬八千餘口於許、汝等州。契丹西路援軍敗潘美等軍，復取蔚、寰、朔、雲、應等州，宋將楊業敗死於朔州狼牙邨。十月，契

丹以雲、應等州土人羣起，遣官巡檢。宋授黎桓爲靜海軍節度使。十一月，宋徐鉉等上新定說文。契丹大舉攻宋。十二月，宋修文苑英華成。契丹兵大勝於君子館，宋兵死者數萬；又攻代州，敗還；又陷邢州、深州，大掠。契丹以宗女爲公主，妻李繼遷。是歲，高麗遣崔罕、王琳入宋國子監，後登寶貢科受秘書郎而還。日本僧裔然乘宋商船回。

987 年

丁亥 宋雍熙四年 契丹統和五年

正月，契丹兵擾東城、文安。宋暫罷廣南煮鹽。三月，李繼遷敗宋兵於王亭。五月，宋市馬於諸路。七月，宋置三班院以統供奉官、殿直及殿前承旨。十一月，宋始給百官實俸。

988 年

戊子 宋端拱元年 契丹統和六年

正月，改元端拱。五月，宋以李繼遷不肯降，乃復命李繼捧爲定難軍節度使，賜姓名趙保忠。七月，宋除西川鹽禁。九月，契丹攻宋，十月至定州；十一月，掠祁州，尋敗於唐河。是歲，契丹初置貢舉，及第者一人。

989 年

己丑 宋端拱二年 契丹統和七年

正月，契丹陷宋易州，遂據之。二月，宋作方田。三月，契丹開奇峰路通易州市。七月，契丹擾宋，敗於唐州、徐河。是歲，高麗遣使如宋。

990 年

庚寅 宋淳化元年 契丹統和八年

正月，宋改元淳化。二月，宋除江南、兩浙、嶺南漁禁。宋賜諸路印本九經。三

月，宋夏州兵敗李繼遷。五月，宋鑄淳化元寶錢。自後每改元必更鑄。契丹括民田。八月，宋禁川峽、嶺南、湖南殺人祀鬼。九月，北部女真附於契丹。十二月，契丹以李繼遷爲夏國王。

991 年

辛卯 宋淳化二年 契丹統和九年
正月，宋遣兵擊李繼遷。契丹大臣進實錄二十卷。契丹罷括田。三月，宋新定淳化編敕成。四月，宋罷端州貢硯。五月，宋置諸路提點刑獄。六月，宋汴水決浚儀縣。七月，契丹括戶口。李繼遷降於宋，授銀州觀察使，賜姓名趙保吉。十月，趙保忠降於契丹，封西平王，復姓名李繼捧。十二月，契丹以李繼遷受宋姓名官職，遣使招諭之。女真以契丹遏其朝宋之路，請宋發兵共擊之，未從其請，自是女真遂附於契丹。是歲，高麗逐鴨綠江外女真於白頭山外。

992 年

壬辰 宋淳化三年 契丹統和十年
二月，宋遣使按諸州民田。契丹掠靈州。三月，宋貢舉考校始用糊名之制。六月，宋初置常平倉。十月，宋立磨勘院以考課中外官。十二月，契丹侵高麗。宋分貨泉金帛爲六庫，送爲受給。占城僧人淨戒獻於宋。

993 年

癸巳 宋淳化四年 契丹統和十一年
正月，契丹與高麗和，取女真鴨綠江東地予高麗，俾通貢道。二月，宋廢沿江榷貨八務，聽商人買販。宋加高麗王官銜，又封黎桓爲交趾郡王。宋以江、淮、浙、陝連年旱災，民多流亡，遣八使巡撫之。宋分磨勘院爲審官院及考課院，分別考覈其明言及州縣事。

宋西川青城縣民王小波以均貧富相號召，聚衆起事，殺貪吏，攻城池。三月，宋置河北緣邊屯田使，大興雄、霸等州水利。宋令大理詳決案牘送審刑院，不必送刑部詳覆。五月，宋京西自長葛縣開河，導潁水分流合惠民河之役成。七月，契丹桑乾、羊河泛溢，南京大水。宋置諸路茶鹽制置使。宋河決澶州，泛入御河。宋併提點刑獄司於轉運司。宋劃全國爲十道，以左右計使分領之，以督賦稅。閏十月，又置三司總計使。李繼遷以宋禁鹽池相困，攻掠環州等地。十一月，宋以沿江、沿海不靖，影響漕運，命官爲管勾江淮、兩浙都大發運、擘劃茶鹽事，以經理之。十二月，王小波戰死，李順繼之，攻下蜀、邛、彭、漢等州。

994 年

甲午 宋淳化五年 契丹統和十二年
正月，契丹漸陰大水，沒三十餘邨，契丹帝命疏舊渠。李順破成都，稱蜀王，建元應運，宋遣兵攻之。宋遣兵攻李繼遷。二月，宋令轉運司輸轉租稅不得役民。三月，高麗始奉契丹正朔。宋兵入夏州，俘李繼捧，獲牛羊、鎧甲數十萬；李繼遷遠遁。四月，宋毀夏州城，遷其民於綏、銀等州。宋改京西榷酤法。五月，宋兵拔成都，俘李順；順部等又連下嘉、戎等八州，攻夔州，大敗，六月，又疊敗於廣安軍、合州、陵州。高麗遣使乞師於宋，請攻契丹，未許。自是高麗遂附於契丹。契丹頒大明曆。七月，李順餘部擾眉州。李繼遷獻馬謝罪於宋。八月，契丹太后命太妃領西北路兵馬，撫定西邊。宋刪定淳化編敕成。九月，宋京兆焦四等起事於陝，未幾降。宋罷諸州榷酤。宋請和於契丹，不許；又募人賂女真等部反契丹，亦不從。十一月，宋遣使詔諭李繼遷。契丹命

州縣貢明經、茂材異等。十二月，宋罷總計使。

995 年

乙未 宋至道元年 契丹統和十三年

正月，宋改元至道；遣官分赴陳、許、鄧、潁、蔡、宿、壽、亳等州經度水利屯田。契丹侵宋府州，大敗。二月，李順餘部皆敗散。宋令各州金穀、刑獄由通判、判官治理，節度使至刺史勿與其事。三月，李繼遷遣使貢於宋。四月，契丹侵宋雄州，敗。六月，宋重造州縣二稅版籍。宋遣使求遺書於江南。宋許民請佃曠土為永業。七月，契丹以兀惹等部侵鐵驪，遣將擊之。八月，宋禁邊民與蕃戎婚娶。祥柯等蠻貢於宋。李繼遷擾宋清遠軍。九月，契丹以南京太學生員漸多，賜莊田一區。十月，契丹令諸道置義倉。兀惹等部納款於契丹。十二月，鐵驪貢鷹馬於契丹。是歲，汴河運米五百八十萬石，幾倍舊數。

996 年

丙申 宋至道二年 契丹統和十四年

四月，宋以李繼遷劫餉，擊之。契丹鑿大安山取劉仁恭所藏錢，又鑄太平錢。五月，李繼遷圍宋靈州。宋以川中仍不靖，遣官為西川都提舉捉賊使以經理之；時李順餘部王鷓鴣稱邛南王，未幾敗散。六月，高麗遣使問契丹帝起居，是後歲以為常。七月，涼州隔絕蕃部，久絕於中原，至是請官於宋，因命丁惟清知西涼府。汴河決穀熟縣。閏八月，宋詔江、浙、福建民貢人錢沒入男女者還其家，敢匿者罪。九月，宋兵攻李繼遷，五路並進，略有小勝。宋河東、陝西地大震。十月，宋以池州錢監為永豐錢監，歲鑄錢數十萬緡。十一月，契丹禁非時畋獵，免妨農功。

十二月，宋有司請開鳳州銅礦、定州銀礦，不許。契丹減南京稅。契丹將誘殺阻卜部首領等六十人。是歲，李昉死。

997 年

丁酉 宋至道三年 契丹統和十五年

正月，契丹遣將攻河西党項。二月，契丹募民耕品部曠地，又徙梁門、遂城、泰州、北平民於北方；三月，又募民耕藥州荒地。契丹封李繼遷為西平王。河西党項附於契丹，由是契丹西路拓地益遠。宋太宗死，太子恒嗣，是為真宗。四月，宋進封黎桓為南平王。五月，宋罷江淮發運使。敵烈部殺契丹官遠走，契丹將追俘其人之半，便攻阻卜之未服者，後築三城於境，以控制西北部族。七月，契丹禁吐谷渾別部鬻馬於宋。八月，西川戍卒劉旰攻擾蜀、漢等州，十日，敗死。九月，契丹罷東邊戍卒。宋以孔延世為曲阜令，封文宣公。十月，宋葬太宗於永熙陵。契丹弛在京漁禁。李繼遷擾宋靈州。十一月，宋田錫上疏歷言兩月之間十餘州所奏劫掠之案。高麗王治死，從子調立，使告於宋，不得達；亦告於契丹。十二月，宋以李繼遷謝罪，因命為定難軍節度使，仍賜姓名趙保吉，以夏、綏、銀、宥、靜五州地予之。是歲，宋分全國為十五路。

998 年

戊戌 宋真宗趙恒咸平元年 契丹統和十六年

正月，改元咸平。三月，女真貢於契丹。四月，宋免諸州自五代以來百姓逋欠千餘萬，釋囚繫者三千餘人。契丹罷民輸官俸。五月，鐵驪貢於契丹。七月，宋命廣西諸州獎勵種麻織布。八月，宋修太宗實錄成。十

一月，西涼府河西軍將折逋游龍鉢朝於宋，獻馬二千餘匹。宋置估馬司以估蕃部馬，於河東、陝西、川峽皆置務，歲得五千餘匹，以布帛茶等物相易。十二月，宋新定編敕成。

999 年

己亥 宋咸平二年 契丹統和十七年
四月，宋權罷大通監鐵冶。宋遣官經度襄陽縣淳河、宜城縣蠻河及汝州汝河屯田水利。
六月，宋重修太祖實錄成。七月，宋初給外官職田。九月，契丹帝及太后大舉侵宋，宋保州將田紹斌等敗契丹前軍；十月，契丹攻遂城，守將楊延朗拒却之；十二月，宋帝至大名府禦契丹；契丹游騎至邢、洺。宋府州兵入遼境焚擾。

1000 年

庚申 宋咸平三年 契丹統和十八年
正月，宋益州戍卒亂，奉王均爲主；均建號大蜀，建元化順，攻陷漢州。契丹敗宋兵於瀛州，遂渡河掠淄、青而還。王均攻劍門不利，還成都，二月，均敗攻成都之兵。四月，宋免湖南地稅、屋稅及枯骨稅，又減茶斤之數。宋遣官經度饒、池、江、建等州鑄錢事。七月，宋改江南茶法。九月，宋置羣牧司以理馬政。成都破，王均突圍走富順，旋死。宋延州兵破蕃部十族，獲人畜二十萬。十一月，契丹以李繼遷子德明爲朔方節度使。十二月，宋罷京畿均田稅。是歲，宋詔籍河北丁壯，以軍法部勒。

1001 年

辛丑 宋咸平四年 契丹統和十九年
二月，宋詔舉賢良方正能直言極諫者。三月，宋分川、峽爲益、利、梓、夔四路。宋頒行儀天曆。四月，回鶻貢於宋，並請助攻

李繼遷。六月，宋汰冗吏，計省十九萬五千八百二人。宋賜諸州縣學校九經。九月，宋修續通典及校定周禮等正義成。宋籍陝西丁壯爲保毅軍。李繼遷陷宋清遠軍，繼圍靈州。十月，契丹侵宋。宋購逸書。十一月，宋兵大敗契丹兵於威勝軍，契丹退。十二月，宋遣兵援靈州。西涼府使至宋。

1002 年

壬寅 宋咸平五年 契丹統和二十年
正月，女真貢於契丹。宋環慶路兵襲焚蕃落二百餘帳。宋以施、黔、高、漢州蠻屢出攻掠，遣官經理之，贖還被掠萬餘人，與其首領定約立誓。二月，宋擴京城。女真朝於契丹。三月，李繼遷陷據靈州，以爲西平府。契丹侵宋，四月，擾梁門、泰州，旋退。五月，宋減河北冗官。宋選河南丁壯爲兵戍西北。六月，李繼遷圍麟州，敗遁。八月，沙州將曹宗壽殺其節度使曹延祿，遣使貢於宋，命爲歸義軍節度使。九月，宋於府州河上造橋以便餉饋。十一月，宋增陝西諸州酒課。十二月，宋遷麟州內屬人於樓煩。契丹奚王府獻七金山土河川地。是歲，宋京東西、淮南水。

1003 年

癸卯 宋咸平六年 契丹統和二十一年
二月，六谷羌酋潘羅支貢於宋，請助擊李繼遷。四月，女真貢於契丹。宋禁士庶家私隸僮僕。李繼遷擾宋洪德砦。契丹南侵，敗宋兵於望都，俘大將王繼忠。五月，李繼遷侵西涼府，大敗，因傷死，子德明嗣。六月，宋豐州蕃部攻李德明，敗之。隴山西蕃部貢馬於宋，並請助攻李德明。契丹遣使弔祭李繼遷。党項貢於契丹，阻卜諸部亦附契丹。八月，西蕃二十五族附宋。高麗王遣

使請宋出兵牽制契丹。宋命靜戎等軍並置方田，鑿河以遏契丹。十一月，契丹括南院部民。

1004 年

甲辰 宋景德元年 契丹統和二十二年正月，宋改元景德。二月，女真貢於契丹。宋京師及冀、益、黎、雅等州地震；四月，邢州又震；六月，瀛州又震。七月，契丹封李德明爲西平王。契丹時縱游騎擾宋深、祁等州。八月，阻卜朝於契丹。九月，契丹帝及太后大舉侵宋，掠威虜、順安等軍，前鋒小挫，別將侵宋岢嵐軍，大敗於草城川，死者萬餘。十月，宋將又破契丹兵於朔州界。契丹太后親攻瀛州不克，喪三萬餘。十一月，契丹敗宋兵於洺州。宋帝用寇準言，親禦契丹於澶州。契丹攻大名不克，旋陷德清軍，圍澶州，喪大將蕭撻覽。時宋與契丹已互遣使談和，十二月議成，宋歲以銀絹三十萬予契丹，是爲澶淵之盟。契丹太后賜倖臣大丞相韓德昌姓耶律。

1005 年

乙巳 宋景德二年 契丹統和二十三年正月，宋放河北丁壯歸農，省河北戍兵什五，緣邊戍兵三之一。二月，契丹置樞場於振武軍，以羊易南中絹。宋遣使賀契丹太后生辰，自是兩國互遣生辰使。四月，女真、回鶻貢於契丹。党項侵契丹。五月，宋國子監有書版十餘萬，經史皆具。宋於鎮戎軍募弓箭手，後緣邊各路多仿行之。高麗、阻卜遣使賀契丹，與宋和議。六月，達旦九部遣使於契丹，七月，党項貢於契丹。宋復詔舉賢良方正等六科。女真貢於契丹。九月，趙德明卽李德明，遣使貢於宋，時宋已賜之國姓。十月，宋及契丹互遣使賀來歲正旦，自

是以爲常。十二月，宋始命予致仕官半俸。

1006 年

丙午 宋景德三年 契丹統和二十四年正月，宋於諸州置常平倉。二月，宋命轉運使副及知州皆加勸農使銜。宋復置江淮發運使。五月，趙德明貢於宋。宋改解鹽法。八月，沙州敦煌王曹壽貢馬、玉於契丹。十月，趙德明進誓表於宋，命爲定難軍節度使，封西平王，賜銀絹錢茶六萬。是歲，宋定江淮運米歲以六百萬石爲額。宋是歲較咸平六年戶增五十五萬，餘賦增三百四十六萬餘。

1007 年

丁未 宋景德四年 契丹統和二十五年正月，契丹於奚王所獻七金山、土河地建中京。二月，宋罷西京榷酤。四月，宋令酒稅取中數爲額，後不得更議增課。五月，宋言祥瑞者大盛。宋初置雜賣場。閏五月，宋減罷夔、賀、劍、隴等六十六州歲貢物。七月，契丹使用李德明母喪（趙德明對契丹仍以李爲姓）。宋宜州軍亂，擁判官盧成均爲帥，號南平王，逾三月事定。黎龍廷遣使貢於宋，授以靜海軍節度使、交趾郡王，賜名至忠。宋命畫工分詣諸路圖上山川形勢以備發兵屯戍及移徙租賦檢閱。宋復置諸路提點刑獄。九月，宋命百官俸給實錢，願折支它物者聽。契丹將破阻卜。是歲，宋大稔。

1008 年

戊申 宋大中祥符元年 契丹統和二十六年正月，宋詐謂天書降，因改元大中祥符，且議封禪。趙德明侵擾回鶻，又截其貢物。十月，宋帝封泰山、禪社首；占城、大食諸國使皆獻方物助大禮。十一月，宋帝至曲阜，祠

孔子，加諡爲玄聖文宣王，後四年改爲至聖文宣王；又追封齊太公望爲昭烈武成王。是歲，宋京東西、河北、河東、江、淮、兩浙、荊湖、福建、廣南諸路大稔，米斗七錢。契丹攻甘州回鶻，降之。

1009 年

己酉 宋大中祥符二年 契丹統和二十七年

五月，宋封孔子弟子顏回等七十二人爲公侯。七月，契丹潢河諸水溢。宋減鄆延路駐泊兵。宋封配享孔子廟左丘明等伯爵。九月，宋築渠引金水河入京城役成。十月，宋治許州水患。十一月，宋陝西民流入鄭州者二千三百家。十二月，契丹承天太后死，以喪告於宋，遣使弔慰。自是凡帝及太后喪兩國互遣使弔慰以爲常。趙德明擾回鶻。是歲，宋京西、河東、江、淮、荊湖等路大稔，京師粟斗錢三十。越南黎氏又求於邕州互市，宋許開康州爲市場。

1010 年

庚戌 宋大中祥符三年 契丹統和二十八年

二月，交趾郡王黎至忠爲大將李公蘊所殺，公蘊自爲留後，遣使貢於宋，並請封。三月，宋以公蘊爲靜海軍節度使，封交趾郡王。高麗康肇殺其王。八月，契丹帝自將擊高麗。九月，契丹冊李德明爲夏國王。十月，女真進馬萬匹於契丹助攻高麗。高麗王詢遣使契丹請罷兵，不許。十一月，契丹渡鴨綠江，擒斬康肇；繼破開京，高麗王避兵走。十二月，宋修諸道圖經成，共千五百六十六卷。

1011 年

辛亥 宋大中祥符四年 契丹統和二十九年

正月，契丹帝自高麗班師。二月，宋帝祀汾陰后土；是役共用土木工三百九十萬。五月，宋命諸州置孔子廟。六月，契丹置阻卜諸部節度使。七月，宋除兩浙、福建、荊湖、廣南諸道五代以來所科之身丁錢。八月，宋河決通利軍。

1012 年

壬子 宋大中祥符五年 契丹統和三十年
開泰元年

正月，宋河決棣州。女真貢於契丹。四月，高麗王詢遣使於契丹請稱臣如舊，契丹命其王來朝。李德明貢馬於契丹。五月，宋就福建取占城稻種給江淮、兩浙三路種植之。七月，阻卜諸部起反契丹。八月，契丹以高麗王詢稱病不朝，取其六城。十一月，契丹改元開泰。

1013 年

癸丑 宋大中祥符六年 契丹開泰二年
正月，烏古敵烈部反契丹。宋禁宦官干預公事。二月，阻卜諸部復附契丹。六月，契丹遣使高麗索地。七月，烏古敵烈部復附契丹。契丹以將攻党項，告李德明使爲犄角。宋免諸路農器稅。契丹破阻卜。八月，宋修君臣事迹成，賜名冊府元龜。

1014 年

甲寅 宋大中祥符七年 契丹開泰三年
正月，契丹封阻卜部長爲王。女真及鐵驪貢於契丹。宋帝朝亳州太清宮，升應天府爲南京。二月，趙德明貢於宋。契丹使赴高麗

索地，被留。四月，烏古部反契丹。沙州曹宗壽死，子賢順爲留後，遣使請命於宋，命爲歸義軍節度使；賢順亦貢於契丹。八月，宋河決澶州。九月，敵烈部反契丹。契丹攻高麗。十一月，宋濱州河溢。十二月，高麗遣使貢於宋，且奏契丹事。是歲，有戶九百五萬五千七百二十九，二千一百九十七萬六千九百六十五。

1015 年

乙卯 宋大中祥符八年 契丹開泰四年
正月，淮浙饑。契丹攻敵烈部。契丹攻高麗，不利。二月，于闐國貢於契丹。西蕃唃廝囉貢馬，估值約七百六十萬，宋賜物值中金七千兩。四月，契丹攻高麗之師無功而還。契丹括曷蘇館部女真。契丹破敵烈部，又破阻卜。女真貢於契丹。契丹破烏古部。于厥部反契丹，未幾敗，契丹遷其民並敵烈部衆於廬朐河。五月，契丹復攻高麗。宋嚴禁以金飾服玩。閏五月，宋修后妃事迹成，賜名彤管懿範。九月，注辇國貢於宋。契丹取高麗二鎮。十一月，高麗與東女真貢於宋。十二月，宋以崇文院秘閣藏書遭大火，命官提舉鈔書。

1016 年

丙辰 宋大中祥符九年 契丹開泰五年
正月，契丹大破高麗於郭州西。二月，阻卜部長朝契丹。宋修兩朝國史成。五月，夏州蕃部擾宋慶州。九月，西蕃唃廝囉等擾宋秦州，大敗。是歲，宋京東西、河北諸路旱蝗，延及江、淮，霜降始盡。

1017 年

丁巳 宋天禧元年 契丹開泰六年
正月，改元天禧。二月，宋進封李公蘊爲南平王。四月，契丹禁命婦再醮。五月，契丹又發兵攻高麗，敗還。宋京畿、京東、陝西、江、淮、兩浙、荆湖等路百三十州軍蝗災。六月，契丹南京諸縣蝗。十二月，宋蠲逋欠九百四十三萬，釋萬五千五百人。是歲，宋諸路饑。

1018 年

戊午 宋天禧二年 契丹開泰七年
正月，宋荆湖大寒，永州大雪六日。三月，契丹破滅敵烈部之不服者。四月，吐蕃貢於契丹。九月，契丹括馬給東征軍。十月，契丹復攻高麗；十一月，契丹戰不利，大掠而還。十二月，高麗大敗契丹兵。

1019 年

己未 宋天禧三年 契丹開泰八年
正月，契丹封沙州曹賢順爲敦煌郡王。五月，契丹遷寧州渤海民於遼、土二河間。六月，宋河決滑州，泛濫、濮、鄆、徐、齊五州。十二月，高麗王詢請和於契丹，許之。是歲，契丹南京饑疫，民多流殍。高麗遣使賀宋正旦。

1020 年

庚申 宋天禧四年 契丹開泰九年
正月，宋開揚州古河以利漕運。宋改諸路提點刑獄爲勸農使副兼提點刑獄公事，凡農田事悉領之；嗣又改爲提點刑獄兼勸農使副。三月，宋分江南爲東西兩路。五月，高麗稱藩納貢於契丹。是歲，趙德明城懷遠鎮居之，號興州。

1021 年

辛酉 宋天禧五年 契丹開泰十年 太平元年

二月，大食請婚於契丹，以宗女爲公主妻之。四月，女眞三十部長請遣子入侍於契丹。七月，阻卜貢於契丹。九月，晦斯囉請降於宋。十月，敵烈部貢馬於契丹。十一月，契丹改元太平。十二月，契丹鑄太平元寶錢，與舊鑄統和元寶錢互用。

1022 年

壬戌 宋乾興元年 契丹太平二年

正月，宋改元乾興。二月，宋眞宗死，太子禎嗣，是爲仁宗，太后劉氏同聽政。三月，契丹地震，雲、應二州屋摧地陷，山崩泉涌。十月，宋葬眞宗於永定陵。十一月，吐蕃首領李立遵附於宋。

1023 年

癸亥 宋仁宗趙禎天聖元年 契丹太平三年

正月，宋改元天聖。宋以經費支絀，議減冗費。宋改茶法。三月，宋行崇天曆。五月，宋行陝西、河北入中筇糧見錢法。十一月，宋置益州交子務。

1024 年

甲子 宋天聖二年 契丹太平四年

三月，宋疏鑿陳、許等十州古溝洫。宋修眞宗實錄成。十月，宋始令詔書摹印頒行。十二月，宋以僧徒間或爲盜，禁不得剃度曾犯眞刑及文身者。

1025 年

乙丑 宋天聖三年 契丹太平五年

二月，契丹禁服用金飾。六月，宋環、原二州羌擾邊。八月，宋免萬州民納穀稅錢。

1026 年

丙寅 宋天聖四年 契丹太平六年

二月，契丹略女眞界，俘獲不可勝計。三月，阻卜擾契丹邊。五月，契丹攻甘州回鶻。閏五月，宋修復陝西永豐渠。六月，宋建、劍、邵武大水。宋罷永興、秦、坊州新酷務。八月，宋修泰州捍海堰。契丹攻甘州回鶻無功，師還，爲阻卜邀擊，大敗。九月，宋廢唐、襄營田務，以田與民。十一月，曷蘇館女眞朝契丹。

1027 年

丁卯 宋天聖五年 契丹太平七年

四月，宋校定醫書，摹印頒行。六月，契丹置冶採陰山金、銀，復求遼河北產金之所。契丹攻阻卜。七月，宋發丁夫士卒六萬塞滑州決河。九月，宋醫官院上所鑄銅人。十月，塞滑州決河成，時河決已九年。

1028 年

戊辰 宋天聖六年 契丹太平八年

正月，党項擾宋邊。四月，宋改諸路上供物料率法。五月，交趾李公蘊部下擾宋邊。宋罷溫、鼎、廣等州貢柑。六月，宋罷戎、瀘諸州穀稅錢。七月，宋江寧府、揚、眞、潤州江水溢。八月，宋河決澶州王楚婦。九月，阻卜諸部多降於契丹。十月，宋除福州民逋官莊錢。

1029 年

己巳 宋天聖七年 契丹太平九年

二月，宋復置制舉十科。三月，契丹饑民流入宋界，以唐、鄧閒田處之。四月，交趾李

公蘊死，子德政嗣，使告於宋，封交趾郡王。八月，宋罷外官職田。契丹東京舍利軍詳穆渤海大延琳殺留守，建號興遼，建元天慶，南北女真多應之；契丹遣將圍之。宋定文武官銓敘法。

1030 年

庚午 宋天聖八年 契丹太平十年
六月，宋新修國史成。八月，契丹兵破東京，擒大延琳。十月，宋改鹽法。十二月，趙德明獻馬於宋，請佛經一藏。是歲，高麗貢於宋。

1031 年

辛未 宋天聖九年 契丹太平十一年 興宗宗眞景福元年
正月，龜茲國、沙州貢於宋。二月，宋復外官職田。高麗赴宋之使回，其後絕，不通中國四十三年。五月，契丹諸河以大雨汎溢。六月，契丹聖宗死，太子宗眞嗣，是爲興宗，改元景福；太子母元妃自稱太后，攝國政。十一月，遼葬聖宗於慶陵。宋弛兩川礬禁。是歲，契丹以興公平主妻李德明子元昊，封爲夏國公。

1032 年

壬甲 宋天聖十年 明道元年 契丹景福二年 重熙元年
三月，詔任廣南者，勿過兩任。宋修三朝實訓成。三月，宋除婺、秀州身丁錢。七月，宋置諫院。十一月，宋改元明道；契丹改元重熙。趙德明死，子元昊嗣，宋使襲德明官爵。時元昊已取甘州，拔西涼府，圖反宋。契丹冊元昊爲夏國王。

1033 年

癸酉 宋明道二年 契丹重熙二年

正月，女直貢於契丹（女直卽女真，避契丹帝諱改）。三月，宋皇太后劉氏死，宋帝始親政。十月，宋改賦稅雜變之法。十二月，契丹禁夏國使沿途私市金鐵。宋改淮南鹽法。宋改明年元。

1034 年

甲戌 宋景祐元年 契丹重熙三年 趙元昊廣運元年

正月至五月，趙元昊擾宋府州。五月，契丹帝以太后陰謀廢立，遷之慶州，始親政。七月，趙元昊擾宋慶州。十月，宋罷淮南、江、浙、荆湖發運使。十二月，趙元昊貢馬於宋，求佛經一藏。是年，趙元昊自號嵬名吾祖，建元開運，旋改廣運，然尚未公然絕於宋。宋詔戍卒分隸諸將，大將不得遷置麾下。

1035 年

乙亥 宋景祐二年 契丹重熙四年 趙元昊廣運二年

五月，蠻擾宋廣南東西路邊州，未幾敗散。九月，宋修中書總例成。十二月，趙元昊攻唃廝囉，大敗；宋加唃廝囉保順軍留後。

1036 年

丙子 宋景祐三年 契丹重熙五年 趙元昊廣運三年 大慶元年

三月，宋又改茶法。宋給卿監及閣門使以上致仕官全俸。四月，契丹頒新定條制。六月，宋虔、吉州大水。七月，宋修景祐廣樂記成。十二月，契丹譯方脈書成。是歲，趙元昊制蕃書成，頒行之；又譯孝經、爾雅等書。時元昊已攻取回紇瓜、沙、蘭三州。改元大慶。

1037 年

丁丑 宋景祐四年 契丹重熙六年 趙元昊大慶二年

正月，宋以天禧三年以來三司經費不足，數假內藏庫錢，自明道二年至景祐三年，四歲之中，共假九百十七萬二千餘；至是詔戒三司不得復假貸。六月，宋頒行禮部韵略。十一月，阻卜貢於契丹。宋罷登萊買金場。十二月，河東地震，忻州人死者幾二萬，自是連年不止。是歲，趙元昊署置百官，分兵備契丹及作反宋準備。賈昌朝撰太常新禮及祀儀。

1038 年

戊寅 宋寶元元年 契丹重熙七年 夏趙元昊大慶三年 天授禮法延祚元年

正月，宋改元寶元。宋詔詳定禁書。趙元昊請遣人禮佛五臺山，宋許之。二月，高麗貢於契丹。宋安化蠻擾宜、融等州，遣兵攻之。三月，編資善堂書籍。李元昊貢於契丹。七月，阻卜部長朝契丹。八月，宋復淮南、江、浙、荆湖發運使。九月，趙元昊從父山遇以諫反宋不聽，懼而南奔，宋送還之，為元昊所殺。十月，宋戒百官朋黨。趙元昊稱皇帝，國號夏，改元天授禮法延祚，遣使告於宋，仍自稱臣。安化蠻降。十二月，宋禁絕與趙元昊互市，遣兵備之。宋進唃廝囉為保順軍節度使，歲給綾、絹、茶，欲使夾攻趙元昊。

1039 年

己卯 宋寶元二年 契丹重熙八年 夏天授禮法延祚二年

正月，契丹禁朔州售羊於宋。四月，宋封唃廝囉妻為夫人，二子俱授團練使。六月，宋

裁減浮費。宋削趙元昊官爵，奪國姓，並移文告知契丹。八月，宋益梓、利、夔四路大旱，民饑。十一月，宋整飾貢舉法。夏侵宋保安軍，小校狄青擊却之。

1040 年

庚辰 宋寶元三年 康定元年 契丹重熙九年 夏天授禮法延祚三年

正月，夏主元昊自將陷金明寨，侵延州，大破宋兵而還，宋大將劉平死之。二月，宋命唃廝囉攻夏。宋括市京畿、京東西、淮南諸路戰馬。宋改元康定。三月，宋籍河東鄉丁備邊；四月，又籍陝西強壯軍。宋據諸路牢城配軍壯者隸禁軍。五月，夏兵陷宋塞門寨，又陷安遠寨。六月，宋籍陝西、河北、河東、京東西等路民為弓手、強壯。八月，宋禁以金飾佛像。九月，夏兵擾宋三川寨，縱掠三日；宋兵攻夏白豹城，小勝。十一月，女直擾契丹邊。宋浙東軍士鄂鄰等以巡檢使苛虐殺之，擾湖南、福建、廣南，後逃入占城。十二月，宋括開封府、京東西、河東路驢五萬以供西師。

1041 年

辛巳 宋康定二年 慶曆元年 契丹重熙十年 夏天授禮法延祚四年

正月，李元昊偽遣使請和。二月，契丹許諸部節度得以部曲代為侍衛及祗候郎君。宋兵攻夏，大敗於好水川，大將任福等死之。宋於京東西等九路增募鄉兵。四月，契丹罷鴨綠江浮橋及漢兵屯戍。七月，李元昊攻宋府、麟二州，自後時來擾，互有勝負。八月，宋於河北置場，括市戰馬。宋罷貢舉人納公卷。李元昊陷宋豐州。十月，契丹以女直太師臺押為曷蘇館都大王。十一月，宋於江、饒、池三州鑄小鐵錢三百萬貫，以給西

師。回鶻貢於契丹。宋改元慶曆。十二月，宋新修崇文總目成。契丹諭諸軍會於南京，將以侵宋。是歲，宋司天監上崇天萬年曆。

1042 年

壬午 宋慶曆二年 契丹重熙十一年 夏天授禮法延祚五年

正月，宋改解鹽法。宋以京西閒田處降蕃。契丹以兵脅宋，遣使索地。二月，宋選河北強壯爲義勇軍，又選將備契丹。四月，宋遣使契丹議事。五月，宋建大名府爲北京。宋嚴禁以金爲服飾。六月，契丹禁售毡、銀於宋。九月，宋增歲幣銀絹各十萬與契丹以和。閏九月，宋攻夏，大敗，大將葛懷敏等死之，夏兵大掠而去。十月，宋括陝西弓手爲禁軍。十二月，宋置武學教授。契丹禁喪葬殺牛馬及藏珍寶。是歲，宋夏潛商和議。

1043 年

癸未 宋慶曆三年 契丹重熙十二年 夏天授禮法延祚六年

正月，契丹使諭夏與宋和。夏主李元昊遣使請和，自稱男，稱宋帝爲父；宋要以稱臣。二月，契丹禁南京漢民挾弓矢。夏貢馬於契丹。宋立四門學。五月，宋河東地震者再，忻州尤甚。宋沂州軍卒王倫起事，趨淮南，逾月敗死。六月，阻卜朝於契丹。七月，宋罷陝西營田。李元昊請契丹攻宋，被拒。八月，宋罷武學。阻卜貢於契丹。九月，宋用參知政事范仲淹議，革庶政。宋張海、郭遵山等活動於京西，入金州，劫庫兵，散錢帛與貧民，尋敗散。桂陽洞蠻擾湖南邊。十月，光化軍校邵興劫庫兵，掠居

民，與其衆趨蜀，尋敗死。宋遣官均亳、壽、汝、潁等州田，尋罷。契丹以夏侵党項，遣使責之。宋重定磨勘法。德興軍蕃部獻水洛城於宋。十一月，宋更定蔭子法。宋限職田。十二月，宋桂陽徭民擾邊。

1044 年

甲申 宋慶曆四年 契丹重熙十三年 夏天授禮法延祚七年

正月，西蕃磨毡角貢於宋。宋宜州蠻鄉貢進土區希範等起事，擁蒙廷爲皇帝，破環州。二月，宋令州縣皆立學；改貢舉法。高麗貢於契丹。宋修國朝會要成。四月，契丹所屬党項及山西部族附於夏，遣兵攻之，爲夏所敗；五月，契丹大發兵攻夏；六月，夏遣使乞援於阻卜被執，送於契丹。契丹以將攻夏告於宋。契丹命官編集上世以來事迹。高麗貢於契丹。七月，夷人擾宋三江砦，消井監。八月，宋保州軍亂，未幾定，誘坑士卒四百二十九人。夏遣使於契丹，被答。九月，契丹帝親攻夏，大敗。十月，宋與夏議成，夏主稱臣，稱夏國主；宋歲賜銀絹茶等二十萬。桂陽蠻降，宋官其首領三人。十一月，契丹改雲州爲西京。十二月，高麗貢於契丹。宋置榷場於保安、鎮戎軍以與夏互市。宋畢昇發明活字印刷術約在此數年間。

1045 年

乙酉 宋慶曆五年 契丹重熙十四年 夏天授禮法延祚八年

正月，夏請和於契丹，隨遣使貢鵲。二月，宋汰諸路羸兵。宋罷京朝官用保任敘遷法。宋復磨勘、蔭子舊法。夏遣使賀宋正旦，自是以爲常。三月，區希範等敗死。宋增貢舉解額，並行舊貢舉法。宋罷入粟補官。四月，夏遣使賀宋帝生辰，自是以爲常。高

麗貢於契丹。六月，宋減益、梓州上供絹及紅錦、鹿胎。阻卜朝於契丹。夏貢於契丹。宋荆南、岳州、廣州地震。十月，契丹使送所獲夏羊馬於宋。宋始頒曆於夏。十一月，回鶻貢於契丹。

1046 年

丙戌 宋慶曆六年 契丹重熙十五年 夏天授禮法延祚九年
正月，契丹禁以奴婢賣與漢人。二月，宋青州地震；三月，登州地震山崩，自是連歲震。高麗貢於契丹。五月，宋減邛州鹽額。宋京東人劉錫、劉汭等謀起事，死。十月，宋發兵擊湖南瑤。十一月，宋改河北鹽法。湖南瑤擾英、韶州。

1047 年

丁亥 宋慶曆七年 契丹重熙十六年 夏天授禮法延祚十年
四月，宋禁官吏收賦米加耗。六月，阻卜朝於契丹。十月，鐵驪仙門朝於契丹。十一月，宋貝州軍卒王則據城起事，自稱東平郡王，國號安陽，建元得聖。十二月，高麗貢於契丹。

1048 年

戊子 宋慶曆八年 契丹重熙十七年 夏天授禮法延祚十一年
正月，夏主囊霄爲其子寧令格所刺，傷死，遺腹子諒祚嗣。宋官軍破貝州，王則敗死。宋崇政殿親從官顏秀等入禁中作亂，卽夜敗死。四月，宋冊立夏國主諒祚。高麗貢於契丹。六月，宋河決澶州商胡埽。阻卜獻馬駝二萬於契丹。宋改河東等地錢法。七月，宋募河北饑民爲軍。九月，宋置永興監於韶州，鑄銅錢。十月，宋改河東、陝西鹽

法。十一月，契丹以將攻夏，括馬。十二月，宋改明年元。宋改河北沿邊入中鹽草法。是歲，宋河北、京東西大水。

1049 年

己丑 宋皇祐元年 契丹重熙十八年 夏毅宗諒祚延嗣寧國元年

正月，契丹以將攻夏告宋。宋河北疫，京東西以年饑不靖，遣禁軍往鎮之。二月，夷擾宋清井監。三月，高昌國貢於契丹。烏古附於契丹。宋以廣平牧監所占邢、洺、趙三州民田萬五千頃與民。五月，五國首領附於契丹。六月，契丹帝親督師攻夏。阻卜貢馬、駝、珍寶於契丹。夏使貢於契丹，被留。九月，廣源州蠻農智高據安德州，稱南天國，建元景瑞，擾宋邕州。契丹攻夏之師大敗；十月，別部攻夏涼州，亦無功。十一月，宋放陝西鄉兵歸農者三萬餘人，歲省錢二百四十五萬。是歲，夏改元延嗣寧國。

1050 年

庚寅 宋皇祐二年 契丹重熙十九年 夏天祐垂聖元年

正月，宋改河北、河東、陝西中鹽法。二月，夏兵攻契丹金肅城，大敗。三月，契丹敗夏兵於三角川，隨又遣兵入夏大掠。四月，沙州貢玉於宋。高麗貢於契丹。交趾攻儂智高。五月，契丹禁醫卜、屠販、奴隸、背父母及犯事逃亡者，不得應進士舉。六月，宋定選舉縣令法。九月，夏擾契丹邊，敗還。十月，夏請和於契丹；十二月，又請依舊稱臣。十一月，宋詔后妃之家毋得除二府職任。阻卜貢於契丹。是歲，夏改元天祐垂聖。

1051 年

辛卯 宋皇祐三年 契丹重熙二十年 夏天祐垂聖二年

正月，宋分淮南爲兩路。二月，契丹索党項逃戶於夏。宋改河北糧草入中法。吐蕃貢於契丹。儂智高獻象及金銀於宋，被却。五月，宋置河渠司，隸於三司。契丹安置所俘夏人於薊州。七月，宋太學生舊制二百人，今以百人爲限。宋修皇祐方域圖志成。宋減湖南郴、永、桂陽丁身米。八月，宋汴河絕流。九月，契丹更定條制。十一月，宋減漳、泉、興化丁米。是歲，宋京東、淮南、兩浙、荆湖、江南饑。

1052 年

壬辰 宋皇祐四年 契丹重熙二十一年 夏天祐重聖三年

三月，宋詔雜買務，凡宮禁所市物皆給實值。五月，儂智高以宋却其貢物，聚衆起事，破邕州，建大南國，號仁惠皇帝，改元啓曆；隨入橫、貴、翼、藤、梧、封、康、端等州，進圍廣州。六月，宋禁諸州里正、押司、隸事已代而令輸錢免役。七月，儂智高解廣州圍，歸途數敗宋兵；九月破昭州。宋以狄青爲宣撫使，擊儂智高。十月，儂智高入賓州，復入邕州。十一月，回鶻貢馬、豹於契丹。十二月，交趾請助攻儂智高，拒之。是歲，范仲淹死。

1053 年

癸巳 宋皇祐五年 契丹重熙二十二年 夏福聖承道元年

正月，宋兵大破儂智高於歸仁鋪，遂克邕州，智高走大理。四月，宋禁諸路轉運使抑勒民戶，多取羨餘。七月，阻卜獻馬、駝於契丹。閏七月，宋定內侍額。烏古貢於契丹。蕃部數擾宋邊，秦、鳳路兵破之。宋

改貢舉法。九月，夏進降表於契丹。十二月，宋禁轉運使進羨餘。宋以東京五州、四十二縣爲京畿，置轉運使。是歲，夏改元福聖承道。

1054 年

甲午 宋皇祐六年 至和元年 契丹重熙二十三年 夏福聖承道二年

正月，夏貢於契丹。四月，宋改元至和。高麗貢於契丹。五月，契丹命夏歲貢駝、馬。六月，吐蕃貢於契丹。十月，宋禁僱雇人與主人同居親爲婚。十一月，阻卜貢於契丹。十二月，融州大丘洞蠻附於宋。

1055 年

乙未 宋至和二年 契丹重熙二十四年 道宗洪基清寧元年 夏福聖承道三年

正月，蘇茂州蠻擾宋邕州。二月，宋募弓箭手屯田忻、代等州邊地，凡九千六百頃。三月，宋改封孔子後爲衍聖公。四月，宋罷諸路里正衙前。八月，契丹與宗死，子洪基嗣，改元清寧。十月，宋罷京畿轉運使等官。宋禮部上貢舉條制。下溪州蠻擾宋邊。十一月，宋於沿邊行見錢和糴法。交趾郡王李德政死，遣使來告；以其子日尊爲靜海節度使、交趾郡王。十二月，宋修六塔河。契丹立學養士，頒五經傳疏。是歲，晏殊死。

1056 年

丙男 宋至和三年 嘉祐元年 契丹清寧二年 夏福聖承道四年

四月，宋六塔河決。六月，阻卜、高麗貢於契丹。宋諸路水，河北尤甚。契丹南京蝗。九月，宋改元嘉祐。高麗命印九經、漢、晉、唐書、論語、孝、經、子史、文集、

醫、卜、地理、律、算等書賜諸學院。

1057 年

丁酉 宋嘉祐二年 契丹清寧三年 夏禪都元年

正月，五國貢於契丹。二月，夷人擾宋清井監。宋澧州羅城洞蠻擾掠。宋雄、朔州地震。四月，火洞蠻農宗旦擾宋邕州，尋降。五月，夏人擾宋邊，敗宋兵於斷道塢。七月，契丹南京大地震，死者萬餘人。八月，宋建廣惠倉。十一月，高麗貢於契丹。十二月，宋改貢舉法。契丹禁職官於部內假貨貿易。是歲，夏改元禪都。

1058 年

戊戌 宋嘉祐三年 契丹清寧四年 夏禪都二年

六月，宋邵州蠻擾掠。七月，宋廣濟河溢，原武河決。八月，宋下溪蠻降。九月，宋鑿桂州興安縣靈渠。宋除河北坊郭客戶乾食鹽錢。十一月，宋裁省冗費。宋罷三司領河渠司。閏十二月，宋定制科等第授官法。

1059 年

己亥 宋嘉祐四年 契丹清寧五年 夏禪都三年

二月，宋改茶法。交趾擾欽州。四月，宋詔諸路提點刑獄皆兼提舉河渠公事。八月，宋遣官分往諸路均田，僅行數州而止。十一月，契丹禁民私獵。

1060 年

庚子 宋嘉祐五年 契丹清寧六年 夏禪都四年

正月，宋鑿二股河，又浚五股河。二月，宋增江、浙、福建、川、廣諸州解額。三月，

宋詔流內銓注選歸明人；增廣南東、西路災瘡地官俸。五月，宋置寬卹民力司。六月，契丹於中京置國子監。七月，宋分京西爲南北二路。交趾與甲峒蠻合兵擾宋邕州。宋修新唐書成。宋唐、鄧二州大興水利，荒地數萬頃變爲肥田。宋求遺書。八月，宋改鹽馬法。十二月，蘇茂州蠻擾邕州。是歲，梅堯臣死。

1061 年

辛丑 宋嘉祐六年 契丹清寧七年 夏禪都五年

二月，宋詔良民子弟被誘入軍籍者，百日內許出籍。六月，宋詔搜訪遺書。七月，淮南、江、浙水。十一月，宋樞密院上所編機要文字一千一百六十一冊。十一月，宋許夏國用漢衣冠。十二月，宋復豐州。宋三館秘閣上所編校書九千四百五十卷。是歲，宋祁死。

1062 年

壬寅 宋嘉祐七年 契丹清寧八年 夏禪都六年

二月，宋更江西鹽法。宋汰揀陝西廂禁軍。四月，宋修嘉祐編敕成。四月，夏進馬於宋，求九經等書。六月，宋以夏舉措不循舊規，遣使詰責。八月，宋帝立從姪宗實爲皇子，賜名曙。夏國主諒祚攻西蕃董毡，敗。是歲，包拯死。

1063 年

癸卯 宋嘉祐八年 契丹清寧九年 夏拱化元年

正月，契丹禁民羈銅。三月，宋仁宗死，皇子曙嗣，是爲英宗；旋以病，皇太后曹氏權垂簾聽政。七月，契丹太叔耶律重元作亂敗

死，徒黨牽連死者甚多。十月，宋葬仁宗於永昭陵。是歲，夏改元拱化。

1064 年

甲辰 宋英宗趙曙治平元年 契丹清寧十年 夏拱化二年

二月，契丹禁南京民決水種稻。五月，宋皇太后曹氏撤簾，宋帝始獨親政。六月，宋增西蕃首領唃廝囉年賜；七月，又擢其子董氈官。是秋，夏頻擾宋秦鳳、涇原，殺掠以萬計；遣使詰責之。十月，契丹禁民間私印文字，有以書傳入宋者嚴懲。十一月，契丹定吏民衣服之制。宋籍陝西百姓爲義勇。契丹求書。契丹禁南京私自貨鐵及私造御用彩緞。宋陳邕州左右江四十五峒土丁爲軍。十二月，宋遣官團結蕃部丁壯。是歲，宋畿內、宋、亳、陳、許、汝、蔡、唐、潁、曹、濮、濟、單、濠、泗、廬、壽、楚、杭、宣、洪、鄂、施、渝、光化、高郵等州軍大水。契丹南京、西京大有年。

1065 年

乙巳 宋治平二年 契丹咸雍元年 夏拱化三年

正月，宋以夏侵掠，戒責之。宋於開封、京東西及淮南募兵。三月，宋行明天曆。五月，夏貢於契丹。宋樞密院進新編機要文字九百八十一冊。六月，宋頒行新編在京諸司庫務條式。九月，宋修太常因革禮成。

1066 年

丙午 宋治平三年 遼咸雍二年 夏拱化四年

正月，契丹改號曰遼。四月，司馬光奉詔編歷代君臣事迹，後賜名資治通鑑。六月，回鶻、阻卜貢於遼。九月，夏主諒祚擾宋大順

城，受傷而退；十月，宋遣使詰責之，且停歲賜，諒祚諉之邊吏。是歲，蘇洵死。

1067 年

丁未 宋治平四年 遼咸雍三年 夏拱化五年

正月，宋英宗死，太子項嗣，是爲神宗。閏三月，夏使獻方物於宋，且謝罪。六月，宋詔內外官吏言差役利害。七月，宋詔察富民與妃嬪家婚姻實緣得官者。八月，宋復與夏互市。九月，宋以王安石爲翰林學士。宋潮州地震；十月，漳、泉、建州、邵武軍地震。十月，宋詐誘夏將崑名山降，遂復綏州；夏殺保安軍宋將。宋置馬監於交城縣。夏貢回鶻僧及佛經於遼。十二月，夏毅宗諒祚死，子秉常嗣，太后梁氏攝政。是歲，遼南京旱蝗。

1068 年

戊申 宋神宗趙顥熙寧元年 遼咸雍四年 夏惠宗秉常乾道元年

正月，宋太學置外舍生百員。二月，遼募兵。三月，遼許南京民於軍行地外種稻。四月，宋帝召王安石越次入對。回鶻貢於遼。五月，宋國子監生以九百人爲額。宋募饑民補廂軍。六月，占城貢於宋。宋詔州縣興水利。宋河決恩、冀、深、灤四州。七月，宋京師河北地大震，人多壓死者，至冬未止。遼南京地震，大水。八月，宋復行崇天曆。十月，遼冊李秉常爲夏國王。十二月，宋復夏國歲賜。夏貢於遼。是歲，史學家劉敞死。宋詔自今試館職專策以經史；國子監取士專用經術。詔置庫書官。宋詔制置條例司講立役法。宋立歲輸內藏錢帛之額。

1069 年

己酉 宋熙寧二年 遼咸雍五年 夏乾道二年

二月，宋以王安石爲參知政事，設制置三司條例司，籌變法。宋冊李秉常爲夏國主。三月，宋詔內外官言財用利害。阻卜反遼。四月，宋改解鹽法。宋遣使者八人察諸路農田、水利、賦役。六月，吐蕃貢於遼。七月，宋行均輸法，命江淮六路發運使領均輸平準事。宋修仁宗、英宗實錄成。九月，交趾貢於宋。宋行青苗法，立常平給歛條規。十一月，宋頒農田水利敕。五國諸部反遼，旋降。閏十一月，宋調鐵、趙、洺、磁、相州兵夫六萬濬御河。宋差官提舉諸路常平、廣惠倉，兼農田水利差役事。宋置交子務於潞州。宋置崇文館校書。

1070 年

庚戌 宋熙寧三年 遼咸雍六年 夏天賜禮盛國慶元年

正月，宋戒飭散放青苗錢抑勒擾民。三月，宋立刑法科，以選詳刑官。四月，詔百官坐罪免杖黥，著爲令。五月，宋詔并邊州軍勿散青苗錢；又罷三司條例司歸中書。遼設賢良科。宋擾掠夏界堡市。七月，宋罷潞州交子務。宋詳定宗室襲封制度。八月，夏大舉擾宋大順城等地。十月，宋拒夏使。五國朝遼。十一月，夏又擾宋大順城。遼禁鬻鐵於回、阻卜。十二月，遼禁漢人捕獵。宋行保甲法。宋以王安石爲相。夏人擾宋鎮戎軍。宋頒免役法。交趾貢於宋。廣源下溪州蠻附於宋。是歲，夏改元天賜禮盛國慶。

1071 年

辛亥 宋熙寧四年 遼咸雍七年 夏天賜禮盛國慶二年

正月，宋擾夏邊。渝州夷人梁承秀等反宋，旋敗死。宋罷沿邊屯田，募民租佃，改田卒爲廂軍。宋立京東、河北盜賊重法。二月，宋改貢舉法，罷進士試詩賦及明經諸科，以經義、策論試進士。女直貢馬於遼。三月，夏陷宋撫寧諸城。宋慶州軍亂，尋定。宋置學官於諸路。四月，宋罷陝西交子法。遼禁布帛不中尺度者。五月，高麗貢於宋。六月，吐蕃貢於遼。七月，宋北京新隄決，淹數縣；兩浙水。八月，宋復春秋三傳明經。宋置洮河安撫司，經營河湟。宋河決澶州；九月，決鄆州。夏貢於宋。十月，宋罷差役，行募役；又立出官試律令法；又立太學生三舍法：外舍七百人，內舍二百人，上舍一百人。十一月，宋蠲欠貸米一百六十六百八千餘石、錢十一萬七千餘緡。十二月，宋省諸路廂軍。回鶻貢於遼。是歲，遼武安等州饑。宋詳定銓選之制。

1072 年

壬子 宋熙寧五年 遼咸雍八年 夏天賜禮盛國慶三年

正月，遼北邊部族亂，旋定。宋置京城邏卒，察謗議時政者。三月，交趾李日尊死，子乾德嗣；逾年，宋封爲交趾郡王。遼春、泰、寧江三州民三千餘人度爲僧尼。宋行市易法。四月，宋立禁軍校試法。宋括閒田。宋令河北民立弓箭社。宋浚二股河成。五月，宋行保馬法。六月，高麗貢於遼。宋北京夏津河溢。七月，宋立武學，員百人。八月，宋敗羌人。宋定方田均稅法。宋分淮南爲東西路。宋延州括地萬五

千九百餘頃。十月，回鶻貢於遼。宋以所收羌人地置熙河路。十一月，宋分陝西爲永興、秦鳳兩路。宋招降梅山蠻民萬四千餘戶、田二十六萬餘畝，立安化縣。十二月，宋太原置弓箭手。是歲，宋河北大蝗。歐陽修死。

1073 年

癸丑 宋熙寧六年 遼咸雍九年 夏天賜禮盛國慶四年

二月，夏援宋秦州。三月，宋置經義局，修詩、書、周禮三經義；令進士諸科並試明經注官。四月，宋置律學；又置疏濬黃河司。五月，湖北蠻以地附宋。宋禁私人水磑碾妨礮灌溉民田。瀘州夷人反宋。六月，宋頒勸課栽桑法。宋置軍器監。七月，宋令京西、淮南、兩浙、江西、荆湖等路置監，立額鑄錢。遼烏古敵烈部亂。宋分河北爲東西路。八月，宋復比閭族黨之法。九月，宋置兩浙和糴倉。宋收羌人所據河岷等州地。宋收免行錢。十月，宋取南江蠻地。宋行折二錢。宋於北京開直河。十二月，高麗、夏貢於遼。是歲，周敦頤死。

1074 年

甲寅 宋熙寧七年 遼咸雍十年 夏天賜禮盛國慶五年

正月，宋拓瀘州夷地二百四十里；烏蠻等降。二月，阻卜貢於遼。宋許售九經、子史與高麗。羌人鬼章圍河州，敗宋兵；三月，宋征岷州。宋征免役頭子錢，禁州縣以公家之費再圓融於民。遼遣使詰宋沿邊修建並河東侵界事。四月，宋暫罷方田。宋攻木征，降之。王安石罷相。六月，宋以沈括提舉司天監，製渾儀、浮漏成。七月，宋行手實法。九月，宋合浙東西爲一路。宋於諸路

行置將法。十一月，高麗貢於遼；十二月，又貢於宋。宋清井、長寧及武都夷附於宋。五國部反遼，爲生女真部烏古迺所敗。遼改明年元爲大康。

1075 年

乙卯 宋熙寧八年 遼大康元年 夏大安元年

正月，宋分京東爲東西二路。二月，宋於陝西錢監鑄折二錢。王安石復相。宋行戶馬法於河北。三月，宋立蕃學於河州。四月，廣源州蠻援宋岷州，歸化州蠻敗之。宋行奉元曆。宋詔西南五姓蠻五年一貢。六月，宋頒王安石三經新義，令應試者必宗其說。吐蕃貢於遼。七月，宋與遼河東分界事定，宋失地七百里。八月，宋減官戶役錢之半。九月，宋立武舉絕倫法。十月，宋罷手實法。十一月，交趾援宋，陷欽、廉二州。宋立陝西蕃丁法。是歲，夏改元大安。韓琦死。

1076 年

丙辰 宋熙寧九年 遼大康二年 夏大安二年

正月，交趾屠邕州，死者五萬八千餘人。下溪州蠻附於宋。二月，宋遣兵並詔占城、真臘合擊交趾。鬼章援宋邊，大敗；三月，又來援，仍敗。四月，宋復廣濟河漕。茂州夷援宋邊。靜州蠻附於宋。七月，朱崖軍黎人反宋。八月，宋禁北邊穀粟出界。九月，宋濬汴河。十月，王安石復罷相。十一月，鬼章援岷州。遼南京地大震。十二月，宋兵拔廣源州，繼敗交趾兵於富良江，李乾德請降。是役，宋兵戰及疫亡者二萬六千餘人。董氈反宋，旋敗降。

1077 年

丁巳 宋熙寧十年 遼大康三年 夏大安三年

二月，宋改解鹽法。 四月，于闐國貢於宋。 五月，宋改成都路茶法。 六月，注輦國貢於宋。 宋詔南京、鄆、兗等州及邢州鉅鹿、洺州鷄澤、平恩、肥鄉等縣盜賊並用重法。 遼帝以耶律乙辛之譖廢其太子。 宋籍邕州、欽州峒丁爲鄉兵。 宋於河北西路鑄折二銅錢，永興軍路鑄折二鐵錢。 七月，宋河溢於衛、懷，大決於澶州曹邨，東匯梁山泊；分二道，南入淮，北入海；淹四十五縣，田三十餘萬頃；濮、齊、鄆、徐四州尤甚；八月，河又決鄭州。 九月，宋立義倉。 宋詔諸路州縣修繕城隍。 十月，鬼章、董氈貢於宋。 十二月，宋改明年元。 占城獻方物於宋。 是歲，遼南京大有年。 宋理學家邵雍、張載死。 宋詔宦官李憲節制秦鳳熙河諸軍。

1078 年

戊午 宋元豐元年 遼大康四年 夏大安四年

正月，交趾貢於宋，並請還廣源等州。 二月，日本僧獻方物於宋。 三月，辰、沅徭民擾宋邊州。 五月，宋塞澶州曹邨決河成。新隄長一百十四里，凡用工百九十餘萬，材千二百八十九萬。 六月，阻卜貢馬於遼。 七月，遼諸路餽僧尼三十六萬人。 九月，交趾貢於宋，仍請還廣源等州，不許。 九月，五國貢於遼。 十月，宋兵破澶州夷。 于闐貢於宋。 十一月，回鶻貢於遼。 十二月，宋置大理寺獄。 是歲，劉恕死。

1079 年

己未 宋元豐二年 遼大康五年 夏大安

五年

正月。 立高麗交易法。 二月，宋瀘州夷擾邊。 三月，董氈貢於宋。 五月，順州蠻反宋，旋敗。 六月，阻卜貢於遼。 宋導洛通汴成。 七月，三佛齊、詹卑國貢於宋。 夏擾宋綏德城；八月又來擾。 宋修邵伯堰至眞州運河。 宋增太學生，外舍二千人，內舍三百人，上舍百人；並立考試升舍法。 九月，西南諸蕃貢於宋。 十月，夏貢於遼。 交趾歸所掠宋民，以廣源州還之。 遼改定王爵之制。 十一月，宋減廣南西路役錢。

1080 年

庚申 宋元豐三年 遼大康六年 夏大安六年

正月，高麗、于闐貢於宋。 三月，南丹州蠻貢於宋。 四月，宋瀘州夷擾戎州。 六月，女直貢於遼。 七月，宋河決澶州孫邨陳埽及大小吳埽。 九月，宋改散階官制。 宋定熙河路蕃弓箭手制度。 十月，宋修元豐郡縣志成。 是歲，宋以崇文院爲秘書省，經籍圖書以秘書郎主之。

1081 年

辛酉 宋元豐四年 遼大康七年 夏大安七年

正月，宋遣將經制澶州夷人。 宋進士加試律。 于闐貢於宋。 宋棄所侵交趾地。 五國、女直貢於遼。 二月，宋置鑄錢監於秦州。 三月，董氈貢於宋。 四月，河決澶州小吳埽，注御河。 五月，遼南京三縣蝗。 六月，宋河北蝗。 阻卜貢於遼。 宋以夏集兵於邊，命將備之。 七月，遂大舉攻夏。 八月，夏擾宋臨州堡，宋諭董氈合攻之。 交趾、佛泥貢於宋。 九月，宋復蘭州古城，蕃部皆降，且助攻夏。 宋修國朝會要成。 十

月，拂菻貢於宋。宋大敗夏兵於磨臍隘，遂進至靈州；十一月，以乏糧退，夏兵追之，大潰。

1082 年

壬戌 宋元豐五年 遼大康八年 夏大安八年

正月，鐵驢貢於遼。二月，宋頒三省、樞密、六曹條制。二月，宋經制瀘州夷事兵侵烏蠻，無功。宋以董氈助攻復，封王。三月，遼行新量制。四月，宋大改官制。五月，宋豐州軍亂，尋定。六月，宋修兩朝正史成。夏，阻卜貢於遼。宋北京內黃埽河溢。七月，宋決大吳埽堤以洩河水。遼南京水。八月，宋鄭州原武埽河溢，注梁山泊。九月，夏陷永樂城，宋兵大潰。安化蠻擾宋宜州。宋滄州南皮、永靜軍河溢。十月，宋自變法後，稅入增多，至是詔京東等十二路輸常平錢八百萬於元豐庫以備非常。十二月，宋原武決河塞。是歲，高麗王微死，子助嗣。

1083 年

癸亥 宋元豐六年 遼大康九年 夏大安九年

二月，夏擾宋蘭州，敗。三月，夏頻擾宋河東，皆失利。四月，遼大雪，馬死者什六七。五月，夏擾宋蘭州、麟州。閏六月，夏貢於宋，並請和，許之。宋汴水溢。阻卜貢於遼。七月，遼禁官吏於部內貸錢取息。九月，五國貢於遼。是歲，曾鞏死。

1084 年

甲子 宋元豐七年 遼大康十年 夏大安十年

正月，夏擾蘭州。四月，女直貢馬於遼。

夏擾宋延州。五月，阻卜貢於遼。六月，夏擾宋德順軍。遼禁毀銅錢爲器。七月，宋伊水、洛水溢；河決元城。九月，夏擾宋定西城；十月，又擾熙河。宋與交趾分畫疆界，以保樂六縣及三峒予交趾。十月，夏擾宋清邊砦。夏貢於宋。十二月，宋司馬光修資治通鑑成。是歲，宋河東饑，河北水。遼改明年元爲大安。

1085 年

乙丑 宋元豐八年 遼大安元年 夏大安十一年

正月，五國貢於遼。三月，宋神宗死，子煦嗣，是爲哲宗，太皇太后高氏權同聽政，不久遂漸改熙寧新法。四月，宋詔寬保甲、養馬。宋擾夏邊。五月，宋以司馬光爲門下侍郎。十月，宋罷義倉、方田。宋葬神宗於永裕陵。宋河決大名小張口；河北大水。十一月，遼修太祖以下七朝實錄成。遼冊封高麗王運。宋罷增置鑄錢監十四。十二月，宋開經筵講讀經史。是歲，程顥死。

1086 年

丙寅 宋哲宗趙煦元祐元年 遼大安二年 夏天安禮定元年

正月，五國貢於遼。二月，宋禁邊民與夏互市。宋議改役法。夏貢於宋。閏二月，宋以司馬光爲相。三月，女直貢馬於遼。四月，王安石死。五月，遼以責女直等國歲貢馬，並禁售馬與宋、夏，至是馬增至百餘萬匹。六月，阻卜貢於遼。七月，宋立十科取士法。夏國主李秉常死，子乾順嗣。宋復常平舊法，罷青苗錢。九月，司馬光死。十月，宋改封孔子後爲奉聖公。五國貢於遼。十一月，宋立經義、詞賦兩科，試進士。是歲，宋河北及楚、海諸州水。夏改

元天安禮定元年。 宋以三司所掌錢穀財用事悉歸戶部。

1087 年

丁卯 宋元祐二年 遼大康三年 夏天儀治平元年

正月，宋封李乾順爲夏國主。 二月，宋代州地震。 三月，高麗貢於遼；女直貢馬於遼。 四月，西蕃鬼章陷宋洮、河。 宋復置賢良方正等科。 五月，夏擾宋邊；七月，又擾鎮戎軍；八月，又擾邊。 宋復洮州，俘鬼章。 九月，夏又擾宋鎮戎軍。 十月，宋增置市舶司於泉州。 是歲，夏改元天儀治平。 宋秘書省別造補寫書目。

1088 年

戊辰 宋元祐三年 遼大安四年 夏天儀治平二年

正月，宋復置廣惠倉。 宋令廣南西路慰撫黎人。 五國貢於遼。 遼以上京、南京饑，許民自鬻。 三月，高麗貢於遼。 夏擾宋邊。 四月，宋令各路州縣條陳役法利害。 遼立入粟補官法。 六月，夏擾宋邊。 七月，遼冊李乾順爲夏國王。 八月，渠陽蠻起事，宋因罷渠陽軍。 九月，宋禁宗室聯姻內臣家。 是歲，宋史學家劉攽死。 宋定蕃國使至迓餽犒設及入貢貿易之制。

1089 年

己巳 宋元祐四年 遼大安五年 夏天儀治平三年

正月，宋戒邊將勿擾夏邊。 高麗貢於遼。 三月，遼命南京、中京精選舉人。 五月，回鶻貢馬於遼。 六月，夏貢於宋。 是歲，宋秘書省請以唐朝舊書別藏館閣。

1090 年

庚午 宋元祐五年 遼大安六年 夏天儀治平四年

二月，夏歸宋俘，宋還所侵夏地。 三月，女直貢於遼。 十月，宋命導河水入汴。 十一月，高麗貢於遼。 是歲，宋置校對黃本官員，詔定校讎之課。

1091 年

辛未 宋元祐六年 遼大安七年 夏天祐民安元年

四月，夏擾宋熙、河等三路。 六月，回鶻貢於遼。 八月，夏擾宋麟、府二州。 九月，日本貢於遼。 十一月，宋頒行元祐觀天曆。 是歲，夏改元天祐民安。

1092 年

壬申 宋元祐七年 遼大安八年 夏天祐民安二年

二月，宋令陝西、河東整飭邊防。 四月，宋立考察縣令課績法。 十月，夏擾宋環州。 阻卜反遼。 十一月，宋詔中大夫以上許占永業田。 宋以高麗獻書多異本，詔校正副寫藏太清樓天章閣。

1093 年

癸酉 宋元祐八年 遼大安九年 夏天祐民安三年

二月，高麗遣使於宋，請購書。 三月，遼攻阻卜失利。 四月，夏謝罪於宋。 七月，宋京東西、河北、淮南諸路水。 九月，宋太皇太后高氏死，宋帝始親政。 十月，阻卜大掠遼西部牧羣。 是歲，宋定官田不別召佃之例。

1094 年

甲戌 宋元祐九年 紹聖元年 遼大安十年 夏天祐民安三年

正月，夏貢於宋。四月，宋改元紹聖；於是漸復熙寧新法，召用新黨被貶諸人，責降元祐諸舊黨。宋罷校對黃本。宋詔役法一依元祐未改以前條例。閏十月，宋罷十科取士法。宋復置義倉。五月，宋罷進士習詩賦。敵烈部擾遼邊，尋定。六月，遼禁邊民與蕃部通婚。七月，阻卜擾遼。八月，宋罷賢良方正等科。宋罷廣惠倉。九月，遼大敗阻卜。十二月，宋嚴禁銅錢出界。宋漳河決，灌洺、磁等州。是歲，宋河北水；洛水爲災。遼改明年元爲壽昌。宋重修神宗實錄成。

1095 年

乙亥 宋紹聖二年 遼壽昌元年 夏天祐民安五年

正月，宋立宏詞科。二月，高麗貢於遼。四月，女直貢於遼。九月，遼以阻卜擾邊，命教漢軍炮弩。十二月，宋類定責降元祐臣僚。

1096 年

丙子 宋紹聖三年 遼壽昌二年 夏天祐民安六年

二月，夏擾宋邊；三月，再擾；八月，又擾。九月，遼徙烏古敵烈部於烏納水，以扼北邊。十月，夏擾宋廊延路，大殺掠。高麗貢於遼。十二月，置施州鑄錢廣積監。夏獻宋俘於遼。是歲，生女眞節度使盈哥與兄子阿骨打助遼殺逃人，遼進其官。宋頒常平免役令。

1097 年

丁丑 宋紹聖四年 遼壽昌三年 夏天祐民安七年

正月，宋頒內外學制。宋敗夏人於邊。宋禁錮元祐被貶諸人子弟。二月，阻卜請降於遼。夏擾宋綏德城。宋再貶元祐舊黨。三月，夏侵宋麟州，又擾葭蘆城；宋大敗夏兵於長波川。四月，宋兵入夏邊，破洪州，入鹽州；八月，宋復宥州。九月，五國貢於遼。是歲，宋兩浙旱，饑。播州土酋楊光榮等附於宋。

1098 年

戊寅 宋紹聖五年 元符元年 遼壽昌四年 夏天祐民安八年

正月，遼徙阻卜貧民於山前。二月，宋擾夏邊。六月，宋改元元符。十月，夏擾宋平夏城，大敗。是歲，范祖禹死。

1099 年

己卯 宋元符二年 遼壽昌五年 夏永安元年

二月，宋許高麗遣士入太學。夏遣使謝罪於宋，被拒；宋攻敗夏於神堆。三月，遼爲夏人遣使請和於宋。六月，五國朝於遼。阻卜貢於遼。宋河決內黃；河北水。七月，西蕃內闕，邈川首領瞎征附於宋，九月，宋遂於其地置湟、鄯二州。夏謝罪於宋，許之。十一月，宋聽民耕河北黃河退灘地，免三年租。是歲，夏改元永安。

1100 年

庚辰 宋元符三年 遼壽昌六年 夏永安二年

正月，宋哲宗死，弟佖嗣，是爲徽宗，皇太后

向氏權同聽政。於是漸收召責降元祐舊黨。
三月，宋新置湟、鄯州亂，乃以蕃部首領分知兩州。十月，五國朝於遼。宋罷平準務。

1101 年

辛巳 宋徽宗趙佶建中靖國元年 遼壽昌七年 天祚帝耶律延禧乾統元年 夏貞觀元年

正月，宋皇太后向氏死。遼道宗死，孫延禧嗣，是爲天祚帝，二月，改元乾統。七月，阻卜、鐵驪貢於遼。九月，宋詔各路州軍條陳遺利及裁損冗員浮費。十一月，宋改明年元爲崇寧。是歲，宋河東地震爲災，京畿蝗，兩浙、湖南、福建旱。宋以修宮觀，令蘇、湖二州採太湖石，是爲後日花石綱之先聲。宋設翰林圖畫院官職，行考試，羅致天下藝士。范純仁、蘇軾、秦觀、陳師道皆死於是年。

1102 年

壬午 宋崇寧元年 遼乾統二年 夏貞觀二年

正月，宋河東太原等處地震。五月，宋復貶奪元祐舊黨。六月，遼策試賢良方正。七月，宋焚元祐法令。宋置市舶司於杭、明二州。阻卜擾遼邊。八月，宋令州縣置安濟坊收養貧民。宋大興學校，減貢舉名額三分之一以予太學上舍出身者。九月，宋立元祐奸黨碑。十一月，遼民趙鍾格攻上京，尋敗。十二月，宋鑄當五錢。宋禁元祐學術。辰、沅州徭攻擾。是歲，宋京畿等四路蝗，江、浙、熙、河、漳、泉、潭、衡等地旱。遼將蕭海里叛入女直，遼兵攻之不克。阿古打攻殺海里以予遼，由是女直輕遼。

1103 年

癸未 宋崇寧二年 遼乾統三年 夏貞觀三年

正月，宋敗辰、沅徭，復誠徽二州。二月，宋安化蠻擾廣西。宋採木於湖南徭地以供在京營繕。宋令陝西鑄折十銅錢及夾錫錢。宋於荆湖等七路置茶場榷茶。四月，宋銷毀元祐舊黨人文字。六月，宋攻西蕃地，復湟州。九月，宋置醫學。十月，吐蕃貢於遼。是歲，宋諸路蝗。宋詔定鹽法及鈔法。謝良佐死。

1104 年

甲申 宋崇寧三年 遼乾統四年 夏貞觀四年

正月，宋鑄當十大錢。二月，宋詔坑冶金銀皆輸內藏。三月，宋置文繡院。四月，宋大舉經營河湟，盡復鄯鄯二州地，斥堠距青海約二百里。五月，改鄯州爲西寧州。六月，宋置書、畫、算三學，其取士法略如太學。宋重定元祐、元符黨籍，通三百九人，立碑朝堂。吐蕃貢於遼。十一月，宋罷貢舉，取士悉由學校。十二月，宋復改封孔子後爲衍聖公。宋經營廣西峒地。是歲，宋諸路蝗。

1105 年

乙酉 宋崇寧四年 遼乾統五年 夏貞觀五年

正月，宋立武學法。二月，宋頒方田法。宋令州縣仿尚書六部分六案。遼以宗女爲公主嫁夏國王李乾順。宋令陝西、河東、河北、京西錢監鑄當二夾錫鐵錢。三月，宋置青海馬監。宋復銀州，夏亦擾宋邊。四月，遼使至宋，爲夏請罷兵。夏擾宋邊。六月，宋罷陝西、河東民力役。十一，遼禁商賈之家應舉。高麗國王客死，子僕嗣。

宋置諸路提舉學事官。宋令荆湖南北、江南東西、兩浙路並鑄當五錢。是歲，宋置應奉局於蘇州，總花石綱事。宋始以內侍爲經略。宋置大晟府，禮樂始分爲二。黃庭堅死。

1106 年

丙戌 宋崇寧五年 遼乾統六年 夏貞觀六年

正月，宋罷鑄當十錢，改鑄小平錢。宋以星變，大赦元祐黨人，又權罷方田，又罷書、畫、算、醫四學。二月，遼遣大臣請宋歸所侵夏地；宋許歸崇寧所侵者。三月，宋罷諸州武學。五月，宋頒行紀元曆。宋盡復元豐選法。七月，宋詔改明年元。宋與夏和。阻卜貢於遼。十一月，宋立武士貢法。是歲，廣西黎峒酋領韋晏間附於宋。

1107 年

丁亥 宋大觀元年 遼乾統七年 夏貞觀七年

二月，宋復行方田。三月，宋立八行取土法。五月，安化蠻擾宋。六月，宋以黎人地置庭、孚二州。七月，宋括漏丁。十一月，宋侵奪南丹溪峒地置觀州，於是以旁近諸州特置黔南路。是歲，宋秦鳳路旱，京東西水。宋以涪州夷地置恭、承二州。程頤、米芾死。

1108 年

戊子 宋大觀二年 遼乾統八年 夏貞觀八年

正月，宋河東、河北地方亂。四月，遼封高麗王悞爲三韓國公。宋復洮州及積石軍。是歲，宋涪、渝等州招誘附近安化等溪峒納土，置軫、濠等州。

1109 年

己丑 宋大觀三年 遼乾統九年 夏貞觀九年

二月，宋以播州夷所納地置邊義軍。三月，宋立海商越界法。宋併黔南路入廣西路。四月，五國貢於遼。六月，宋以瀘州夷所納地置純、滋二州。九月，宋賜天下州學藏書閣名稽古。十二月，高麗貢於遼。宋罷東南諸路鑄夾錫錢。是歲，宋江、淮、荆、浙、福建大旱，秦、鳳、階、成等處饑。

1110 年

庚寅 宋大觀四年 遼乾統十年 夏貞觀十年

正月，宋令河東、河北、陝西諸錢監罷鑄當十錢。夏貢於宋。二月，宋修大觀禮書成。宋罷京西錢監。三月，宋募饑民補禁軍。四月，五國貢於遼。五月，宋罷宏詞科，改立詞學兼茂科。宋以廣西收納溪峒諸地，土人紛紛反抗，治言拓地諸人罪。六月，夏及阻卜貢於遼。七月，宋權罷方田。十一月，宋詔改明年元。是歲，遼大饑。宋頒吉禮及祭服制度。晁補之死。

1111 年

辛卯 宋致和元年 遼天慶元年 夏貞觀十一年

正月，宋毀東京祠廟一千三十八。三月，五國貢於遼。四月，宋令當十錢並作當三行使。十一月，烏古敵烈部反遼，尋定。十二月，遼東北路邊將以女直所爲叵測，請先發制之；不聽。是歲，宋以宦官童貫爲副使入遼，挾燕人馬植易名李良嗣者來。良嗣進結女真圖遼之策，宋帝納之，賜良嗣姓趙。

1112 年

壬辰 宋政和二年 遼天慶二年 夏貞觀十二年

正月，五國朝於遼。四月，宋復行方田。七月，宋訪遺書。九月，宋更定官制。女直首領阿古打起兵併吞鄰族事聞於遼，祇作常事，下邊州詰責。十一月，宋以方田擾民，罷之。是歲，高麗貢於宋。宋蔡京大變鹽法。張耒、蘇轍死。

1113 年

癸巳 宋政和三年 遼天慶三年 夏貞觀十三年

正月，宋修政和五禮新儀成。閏四月，遼民李洪以迷信聚眾謀起事，被殺。六月，夏貢於遼。十二月，宋求道教仙經。高麗貢於遼。女直阿古打立爲都勃極烈。宋詔田地十等之中再分上中下收稅。

1114 年

甲午 宋政和四年 遼天慶四年 夏雍寧元年

正月，宋置道階二十六等以敘道士。三月，令各路選道士十人送京講習。四月，宋令茶場月進五萬貫。九月，阿古打起兵反遼，破寧江州，遼遣兵擊之。十一月，阿古打大破遼兵於出河店，遼賓、咸、詳等州及鐵驢部皆降於女直。十二月，宋詔廣南市舶司歲貢眞珠、犀角、象牙。夏擾宋邊。

1115 年

乙未 宋政和五年 遼天慶五年 金太祖完顏旻收國元年 夏雍寧二年

正月，阿古打稱皇帝，名改旻，國號金，建元收國。瀘州夷以宋官苛擾，聯盟起事，屢敗

宋兵，蜀中大震。宋令各州置醫學，立貢額。遼帝親征金，大敗於達魯古。宋大敗夏於古骨龍。二月，遼饒州渤海人古欲起事，自稱大王，四月，古欲敗遼兵。六月，宋修大伾等三山黃河浮橋成。九月，金陷遼黃龍府。宋攻夏臧底河城，大敗。十月，宋攻瀘州夷大破之，拓地周二千餘里。夏貢於宋。十一月，高麗遣人入宋太學。十二月，金大破遼帝於護步答岡。遼將耶律章嘉努反，中京民侯概聚眾起事，嗣與章嘉努合。宋游酢死。

1116 年

丙申 宋政和六年 遼天慶六年 金收國二年 夏雍寧三年

正月，遼將渤海高永昌據東京，國號元，建元隆基，貴德州將耶律餘都附之。二月，宋廣京城。遼遣將討耶律章嘉努，大敗，四月，遼帝親擊定之。五月，宋廢夾錫錢。金取遼瀋州，破東京，殺高永昌，於是遼之東京州縣皆入於金。六月，遼大籍諸路兵。七月，遼春州渤海人起反遼，旋敗。八月，金陷遼保州。十月，烏古部反遼，旋降。十一月，夏屠宋靖夏城。是歲，茂州夷附於宋。占城貢於宋。

1117 年

丁酉 宋政和七年 遼天慶七年 金天輔元年 夏雍寧四年

正月，金陷遼春、泰等州。二月，大理貢於宋，封其王段和譽爲雲南節度使、大理國王。宋帝親策高麗進士，賜四人上舍及第。遼涑水民董龍兒聚眾萬餘起事，旋敗。四月，宋帝稱教主道君皇帝。五月，宋令諸路監司兼措置起運花石。金禁同姓爲婚。七月，宋熙河、環慶、涇原等路地震。宋令登州以市

馬爲名泛海至遼東，以覘遼金虛實。宋置提舉人船所，專一措置花石綱及諸路進奉事。

九月，遼置怨軍八營，以郭藥師等爲帥。十二月，金敗遼於蒺藜山，取顯州，於是乾、懿等七州皆降於金。是歲，宋大旱。宋更崇文總目之號爲秘書總目。宋始以內侍領樞密院。

1118 年

戊戌 宋政和八年 重和元年 遼天慶八年 金天輔二年 夏雍寧五年

正月，金帝遣使如遼求冊封，遼遣使如金議和。遼東路諸州大亂，掠人充食。二月，宋增諸路酒價。宋再以賣馬爲名遣人使女直。五月，宋帝手敕兩浙所增酒錢盡輸御前。遼諸路大亂，安生兒等聚衆二十萬於龍化州，尋敗死；餘衆與海北州雷石等合，旋降於金。八月，宋立道學升貢法。九月，宋於太學、辟雍置道經博士。金訪博學者掌詔令。十一月，宋改元重和。十二月，宋復置西京錢監。金遣使報聘於宋。是歲，宋江、淮、荆、浙大水。遼興中等路大饑，人相食。保太尉。

1119 年

己亥 宋重和二年 宣和元年 遼天慶九年 金天輔三年 夏元德元年

正月，宋改佛及僧尼之號。占城貢於宋，封其王楊蘭麻疊爲占城國王。二月，宋改元宣和。三月，遼冊金帝爲東懷國皇帝，金帝不受。宋攻夏，大敗；四月，宋又攻夏，小勝；五月，宋又敗夏於靈武。阻卜反遼。六月，宋遣伴金使回國者被留，半載乃放還。八月，金頒行新制女直字。是歲，宋東南諸路大水，淮東大旱，京西饑。

1120 年

庚子 宋宣和二年 遼天慶十年 金天輔四年 夏元德二年

正月，宋罷道學。宋遣使如金約夾攻遼。四月，宋江西、廣東兩界亂。遼金和議不成，金帝自將攻遼，五月，陷遼上京。八月，金遣使如宋報夾攻遼事。九月，宋遣使如金報聘。十一月，睦州青溪方臘以花石綱擾民，聚衆起事，號聖公，建元永樂，十二月下睦州、歙州、杭州，東南大震；宋命童貫攻之。眞臘貢於宋，封其王爲眞臘國王。

1121 年

辛丑 宋宣和三年 遼保大元年 金天輔五年 夏元德三年

正月，童貫代宋帝爲詔罪己，罷蘇杭造作局及花石綱。方臘下衢州。遼耶律餘覲奔金，金益知遼虛實。二月，宋罷州縣學三舍法及諸路提舉學事官。方臘下處州。宋江活動於河北、淮南，屢敗官軍，至是敗於海州，乃降。金使至宋。三月，方臘敗於杭州、睦州，四月，方臘敗，被俘，嗣解至東京，被殺。宋帝仍詔復花石綱。六月，宋河決恩州。七月，宋罷夔峽、廣西所置溪峒諸州。十二月，金大舉攻遼。是歲，宋諸路蝗。宋大改鹽法。

1122 年

壬寅 宋宣和四年 遼保大二 年 金天輔六年 夏元德四年

正月，金陷遼中京，遼帝奔西京。二月，金陷遼北安州。三月，金兵西進，遼帝西走。遼留守燕京大臣耶律大石等立耶律淳爲天錫皇帝，改元建福，請和於金，被拒，以免歲幣結好於宋，亦未成。宋括全國丁口錢二千六百

萬緡，以童貫爲河北河東宣撫使，備攻遼。遼天錫帝改怨軍爲常勝軍，又籍奚及諸部人爲瘦軍。四月，金陷遼西京，西路州縣部族多降金。宋訪遺書。五月，遼耶律大石等敗宋於白溝；宋帝聞兵敗，詔班師。六月，遼天錫帝死，妻蕭氏爲皇太后稱制，改元德興。金敗夏援遼之師。七月，敵烈部反遼。夏使如遼。宋帝以遼天錫帝死，復詔治兵攻遼。宋初創經制錢。八月，金帝自將追遼帝，大破之於石鞏驛。九月，宋褒恤王安石後。金使至宋。高麗王僕死，子楷嗣，宋遣使弔祭。遼易州、涿州降宋，奉聖、蔚州降金。十月，宋預以燕雲地分爲燕山府及雲中府路。遼太后蕭氏遣使奉表稱臣請和於宋，童貫拒之。宋攻遼入燕京，旋大潰，退保雄州。宋使至金。十一月，金使如宋，僅允以燕京六州地予宋。十二月，金帝自將陷燕京，遼太后蕭氏北走。黃龍府遼人反金，未幾敗。宋修長獄成，賜名萬歲山。是歲，宋有戶二千八十八萬二千三百五十八，口四千六百七十三萬四千七百八十四。陳瓘死。

1123 年

癸卯 宋宣和五年 遼保大三年 金天輔七年 金太宗完顏晟天會元年 夏元德五年 正月，遼奚王回離保（蕭幹）自立爲奚國皇帝，建元天復。金使如宋。二月，宋金議定交燕山條款，宋與金歲幣四十萬外，年輸燕山代稅錢一百萬緡。四月，金以燕山六州歸於宋。遼帝爲金兵所逼奔雲內，五月，入夏境，封夏國主爲皇帝，部下刼梁王走西北，立爲帝，改名神曆，不久死。張穀據平州反金，六月，請降於宋。八月，回離保敗死，奚人降金。金太祖死，弟吳乞買嗣，是爲金太宗，改名晟，九月，改元天會。十一月，

宋貶降各路轉運使送上供錢物不足者。金破平州，張穀奔燕山，金索之急，宋殺穀，函首送十二月，宋金互遣使賀正旦。金以武、朔二州歸宋。是歲，宋秦鳳路旱，河北、東京、淮南饑。

1124 年

甲辰 宋宣和六年 遼保大四年 金天會二年 夏元德六年 正月，宋置書藝所。金減東京田租、市租之半。夏稱藩於金，金予以陰山南吐祿泊以西地。金自上京至南京五十里置一驛。遼帝爲金逼，奔夾山。三月，宋京師、河東、陝西地震，蘭州尤甚。平州人起抗金，旋敗。四月，宋令西京、淮、浙、江、湖、四川、閩、廣措置調夫各數十萬，欲免調者每夫錢三十貫，抗者軍法從事。七月，遼耶律大石西走。遼帝出夾山反攻，大敗。夏侵宋武、朔二州，金侵宋蔚州。八月，宋誘遼帝南來，遼帝允而變計。十月，宋嚴禁收藏蘇軾、黃庭堅之文。是歲，宋京東、河北民以歲荒斂苛，紛起反抗，多者三十萬，少者二三萬，地方大亂。

1125 年

乙巳 宋宣和七年 遼保大五年 金天會三年 夏元德七年 西遼德宗耶律大石延慶元年 正月，遼天祚帝奔党項，二月，爲金所俘，封爲海濱王。遼亡。宋復置鑄錢監。三月，金始定制度。宋復州縣免行錢。七月，金禁百官宗室私役百姓，又禁買貧民爲奴。宋熙河、河東地震，蘭州尤甚，倉庫皆沒。九月，宋燕山府申報金大兵掠清化縣，宰相等匿不以聞。十二月，金大舉兩路侵宋，東路入宋燕山府，隨即南下；西路圍太原。

府，破信德府。宋徽宗稱教主道君太上皇帝，禪位太子桓，是爲欽宗。宋罷花石綱及內外製造局。是歲，耶律大石至起爾曼，稱天祐皇帝，改元延慶，是爲西遼德宗。宋始封內侍爲王，詔與內侍來往者罪。

1126 年

丙午 宋欽宗趙桓靖康元年 金天會四年
夏元德八年 西遼延慶二年

正月，金東路兵渡河攻東京，宋太上皇帝東走；宋帝亦欲出走，李綱諫止之。宋遣使議和，金索犒師金銀，割太原、中山、河間三鎮，以親王、宰相爲質；宋皆從之，命康王構、張邦昌往金營。宋罷諸州免行錢及他苛歛。宋太學生陳東等請誅梁師成，從之。

自是漸貶諫蔡京、王黼、朱勔、童貫等。二月，宋金戰東京城外，互有勝負。宋主和者以李綱主戰罷之；陳東等請復綱職，殺內侍數十人，從之。宋除元祐黨禁，漸廢崇寧以來措施。金以已得割三鎮詔書，因遣康王構等同，另以肅王樞爲質，遂退兵。金西路兵破宋隆德府。三月，宋貶主張和議諸人，詔三鎮固守。四月，宋太上皇帝回東京。夏破宋鎮威城，旋爲金所逐。六月，高麗稱藩於金。八月，宋救太原之軍皆敗，汾晉之民相率南奔。金以宋圖結遼降臣及西遼，又不履割三鎮之約，復備兵分兩路攻宋。宋福州軍亂，殺知州。九月，金圍宋太原年餘，至是始破。宋主和議者又得勢，貶逐李綱。夏陷宋西安州。十月，金兵南下，東路陷真定府，西路陷汾州、平陽府、澤州。十一月，夏陷宋懷德軍。宋集百官議和戰。宋康王構如金營議和，至磁州不得行，遂至相州。

金兩路兵皆渡河，西路入鄭州與東路會東京，自是頻攻諸門。閏十一月，宋命康王構爲兵馬大元帥，俾統援兵。金兵破東京，卽退，

許議和。宋帝至青城金營，十二月回宮，大括金帛予金。是歲，金始依漢制立官府。

1127 年

丁未 宋靖康二年 宋高宗趙構建炎元年
金天會五年 夏正德元年 西遼延慶三年
正月，高麗遣使賀金正旦，自是歲以爲常。

宋割河北、河東與金，兩河百姓不奉詔，紛起抗金。宋帝復至青城金營，遂被留。宋副元帥宗澤屢敗金於大名、開德。二月，金廢宋帝及太上皇帝爲庶人，於是太上皇帝及后妃諸王公主等皆被送詣金營。三月，金立張邦昌爲皇帝，國號楚，都金陵。四月，金兵退，俘宋帝、太上皇帝及六宮皇族北去。張邦昌迎宋元祐皇后孟氏入宮，請垂簾聽政，並奉迎康王。五月，宋康王構卽帝位於南京，改元建炎，是爲宋高宗；尋遣使於金通問。

宋遣使於高麗。宋以李綱爲相，貶主和諸大臣，張邦昌旋亦被貶。六月，義軍邵興破金兵於解州。宋詔河北、河東諸州固守，各令縣置射士，尋又置帥府於各路。宋罷各路職田。金幹離不死。七月，宋貶依附張邦昌者。八月，宋杭州軍亂。宋令河北立忠義巡社。李綱罷相。陳東、歐陽澈以直言被殺。金開貢舉，分南北榜，分取宋遼之士。九月，宋建州軍亂。宋始行當三錢於淮、浙、荆湖諸路。十月，宋禁內侍、統兵官相見。宋帝赴東南，十一月，至揚州。宋再遣使赴金通問。十二月，分立三道侵宋，東道攻山東，中道攻河南，西道攻陝西。是歲，宋各地大亂，紛紛戕官據城，河北、河東更羣起抗金。

1128 年

戊申 宋建炎二年 金天會六年 夏正德二年 西遼延慶四年

正月，宋詔凡后族毋任侍從官，著爲令。金侵宋京東西及陝西，自是疊陷州府，宋亦間有收復。宋安撫潰兵流民。二月，金圖攻宋東京，屢爲宗澤所敗。馬擴保慶源五馬山，奉信王榛以抗金，歸者雲集。事聞，宋以榛爲河外兵馬都元帥。宋募河南北、淮南民爲振華軍。三月，宋中山府被圍已三年，至是爲金所破。四月，韓世忠等襲金兵於河南府，還敗。五月，宋以詩賦、經義二科試進士。宋普增役錢。六月，金初命官修國史。宋於沿江練水軍。七月，宋東京留守宗澤屢請宋帝回京，不聽，憂憤死。金聞之，遂謀大舉南侵。燕山劉立芸聚衆抗金。八月，宋整頓茶鹽法。金封宋徽宗爲昏德公，欽宗爲重昏侯。九月，宋試進士於揚州。十月，馬擴爲金所破，信王榛不知所終。十一月，金破宋延安府，自是陝北諸州多淪於金。金屠濮州、開德府。宋東京留守杜充決黃河入清河以阻金兵。十二月，金破宋東平、北京，知濟南府劉豫降，金兵遂趨徐、泗以攻揚州。是年，西遼帝破喀什噶爾，降之。

1129 年

己酉 宋建炎三年 金天會七年 夏正德三年 西遼延慶五年

正月，占城、眞臘、閩婆等國獻於宋。宋將邵興敗金於潼關、虢州。金破徐、泗、楚州。二月，宋置江寧府權貨物都茶場。宋帝南奔杭州，金入揚州，焚之而去。三月，苗傅等逼宋帝禪位皇子寧，改元明受。宋兩浙和買紬絹改折納見錢，是爲東南折帛錢之始。山東大饑，人相食。四月，宋帝復辟，苗傅等尋敗死。宋併官署，減吏員。五月，宋帝至江寧，改爲建康府。遣洪皓等使金通問。六月，磁州守禦經年，至是始降

於金。七月，宋升杭州爲臨安府。宋以張浚宣撫川陝。八月，宋遣使於金軍前；閏八月，復遣使如金通問。九月，金復試遼及兩河進士於蔚州。十月，金大舉南侵，一枝趨江西，一枝趨兩浙。宋帝至臨安府，又赴越州。宋改四川酒法，又置錢引務於秦州。十一月，金兵渡江，連破撫州、建康；十二月，破臨安府、越州；宋帝如明州，旋入海。是歲，趙明誠死。

1130 年

庚戌 宋建炎四年 金天會八年 夏正德四年 西遼延慶六年 僞齊劉豫阜昌元年

正月，金破定海、明州，以舟師追宋帝，不及；宋帝至溫州。二月，金屠潭州。金焚明州、杭州，大掠而北，又焚平江。金陷東京。鼎州人鍾相，二十年來以神道聚衆，至是起事，據十九縣，稱楚王，建元天載。三月，金兵至鎮江，韓世忠遏之於江。信州貴溪王念經以神道聚衆起事，旋敗。四月，宋帝至越州。韓世忠敗於江上，金兵北走。五月，金禁私度僧尼。八月，金破承州，攻楚州，宋守將趙立死之。九月，金立劉豫爲皇帝於北京，國號齊，尋建元阜昌。張浚攻金，大敗於富平。金破楚州，秦檜自金營逃歸。十一月，金破泰、通等州。十二月，金大索境內南人賣於夏、蒙古、室韋、高麗。紅巾軍攻均州。是歲，宋重定祀典。

1131 年

辛亥 宋紹興元年 金天會九年 夏正德五年 西遼延慶七年 僞齊阜昌二年

正月，宋改元。二月，宋以秦檜參知政事。金連下熙河諸州，於是盡得關中南山以北地。金遣耶律餘覲攻西遼，無功。四月，張浚枉殺曲端。五月，吳玠敗金兵於和尚原。八

月，秦檜爲相。十月，吳玠再大破金兵於和尚原。十一月，金以陝西地賜劉豫。是歲，宋始置秘書省，再改定崇文總目。宋更定銓選之制，又募民入貲補官。

1132 年

壬子 宋紹興二年 金天會十年 夏正德六年 西遼延慶八年 僞齊阜昌三年
正月，宋復置賢良方正科。韓世忠破建州，福建民兵首領范汝爲敗死。宋帝回臨安。金均遼地土庶之賦。三月，宋封交趾李陽煥爲交趾郡王。宋將楊政敗金兵於方山原。四月，劉豫移都東京。閏四月，高麗貢於宋。曹成擾荆湖經年，至是岳飛大破之於岳州，後成降韓世忠。五月，宋令諸路上供絲帛並半折錢。宋將孔彥舟叛，降於劉豫。六月，金試進士，令勿取中原人。八月，秦檜罷相。九月，宋遣使如金通問。耶律餘覲謀反金，敗死，金因大殺契丹人。十月，宋置牧馬監於饒州。宋罷坑冶監官，以縣令其領事，饒、信二州銅場不廢。十一月，宋遣兵招捕楊太。時鍾相已死，太領其衆，據洞庭，明年稱大聖天王。十二月，川陝宣撫使張浚罷。是歲，宋命內外官並歸部注復文臣銓試。宋重購紀元曆，議制渾儀。

1133 年

癸丑 宋紹興三年 金天會十一年 夏正德七年 西遼延慶九年 僞齊阜昌四年
正月，金破金州，二月破饒風關，入興元府。宋置寶馬司於賓州。宋行營田法於各路。三月，宋游兵攻東京，爲金所敗。四月，金兵自興元府北還。五月，宋以與金議和，禁沿邊將士攻犯劉豫。六月，宋遣使赴金通問。七月，宋罷詞學兼茂科，改置博學宏詞科。八月，金令州縣官皆從朝廷選授。九

月，劉豫及金遣人結交趾及溪洞首領以圖宋。金徙女真人散居漢地。十月，大理請入貢且賣馬，宋却其貢，買其馬。劉豫兵陷宋鄧州，入隨、郢、唐州、襄陽。十一月，宋復行元祐十科舉士之制。十二月，金使至宋。金拔和尚原。宋定州縣圩田租額。

1134 年

甲寅 宋紹興四年 金天會十二年 夏正德八年 西遼延慶十年 僞齊阜昌五年
正月，宋遣使赴金通問。宋浚漕河。宋將關師古叛降劉豫。金攻宋仙人關，三月，吳玠敗之，隨復秦、鳳等州。五月，岳飛復郢、唐、隨州、襄陽，七日復歸州。宋建昌軍亂，殺知軍等，尋定。九月，宋遣使赴金通問。劉豫結金兵侵宋，十月，韓世忠軍連破之於大儀、承州。宋令浙江上供絲帛全折見錢。十一月，宋帝至平江府，下詔暴劉豫罪。金破滁州，韓世忠等軍皆退江南。十二月，岳飛軍敗金兵於廬州。金兵以食盡且金帝病，退。

1135 年

乙卯 宋紹興五年 金天會十三年 夏大德元年 西遼康國元年 僞齊阜昌六年
正月，金太宗死，諡班勃極烈亶嗣，是爲熙宗。二月，宋帝回臨安。吳玠軍克秦州。閏二月，宋令州縣就已刊書板刷印書籍。宋立總制司，增稅以給軍需。四月，宋詔福建、廣東沿海居民結社以備海盜。宋改役法。宋徽宗死於金。五月，宋遣使如金通問。六月，宋行常州布衣陳得一所造新曆，曰統元曆。岳飛破洞庭水寨，楊太敗死。八月，宋荆南行交子。九月，太原義民張橫敗金人於憲州，河北義民梁青破金人於平陽。十一月，金頒大明曆。宋權減行在百官俸。

是歲，西遼耶律大石改元康國。 宋定內侍選官及選擇縣令之格。 楊時死。 高麗遣使如宋。

1136 年

丙辰 宋紹興六年 金熙宗完顏亶天會十四年 夏大德二年 西遼康國二年 僞齊阜昌七年

正月，高麗、夏國、劉豫並遣使賀金帝生辰。 二月，宋改江淮營田爲屯田。 韓世忠攻淮南軍不克，民萬數從之南來。 四月，劉豫將陷唐州。 七月，劉光世軍克壽春府。 八月，宋預借江浙來年夏稅之半。 九月，劉豫分三路寇宋，十月，楊沂中敗之於藕塘，遂退。

1137 年

丁巳 宋紹興七年 金天會十五年 夏大德三年 西遼康國三年 僞齊阜昌八年

正月，宋初用大明曆。 三月，宋帝至建康。 四月，宋遣使如金。 五月，劉豫陷隨州。 八月，宋將鄭瓊叛降劉豫。 九月，交趾郡王李陽煥死，子天祚嗣。 十一月，宋置贍軍酒庫。 金廢劉豫。 豫積年聚斂，有錢九千八百餘萬緡，金一百二十餘萬兩，銀一千六十餘萬兩，絹二百餘萬匹，皆爲金有。 十二月，宋遣使如金請迎徽宗之喪。

1138 年

戊午 宋紹興八年 金天眷元年 夏大德四年 西遼康國四年

正月，金頒行女真小字。 二月，宋帝回臨安府。 三月，宋復相秦檜，自是專主和議。 宋封李天祚爲交趾郡王。 五月，金定以經義、詞賦兩科試進士。 六月，金使至宋。 金元帥府令公私債負不能償者沒其身及妻女爲

奴婢；百姓大憤，往往殺債主，聚衆反抗。

七月，宋遣使如金。 八月，金頒行官制；十月定封國制。 十一月，宋文武官吏紛紛反對和議，多遭貶逐。 十二月，金詔諭使至宋許和，宋遣使如金報謝。 烏蠻虛恨種攻宋嘉州。

1139 年

己未 宋紹興九年 金天眷二年 夏大德五年 西遼康國五年

正月，宋以金許和大赦，又以金許歸河南地奏告天地宗廟。 金以許宋和告諭河南軍民。 三月，宋金交割地界。 夏陷金府州。 六月，夏國主李乾順死，子仁孝嗣。 七月，金內閣，殺宋國王宗磐等；八月，又以魯王撻懶與宋交通主和，殺之。 是秋，河北以饑饉，又苦金苛政，義軍紛起，以太行山爲根據地。 是冬，海上義士張青攻遼東，中原人被掠居其地者紛起應之。 是歲，金除遼鐵禁，劉豫又不用宋之鐵錢，因之撻懶、蒙古遂得鐵以作軍器攻擾金邊，金遣將攻之，大敗。 宋名將吳玠死。

1140 年

庚申 宋紹興十年 金天眷三年 夏李仁孝大慶元年 西遼康國六年

正月，宋遣使如金迎徽宗之喪。 五月，金敗盟，復出兵取河南、陝西地，各城不戰而下。 六月，金兵攻順昌，爲劉錡所敗；攻石壁寨，爲吳玠軍所敗；攻京西，爲岳飛軍所敗；攻淮東，爲韓世忠軍所敗。 閏六月，岳飛軍破金兵於順昌府，克淮寧府，張俊軍克亳州，韓世忠軍克海州。 七月，岳飛軍克西京，又屢敗金兵於鄆城、小商橋、朱仙鎮。 宋帝聽秦檜議，詔岳飛班師，於是收復諸城皆失，惟數月中陝西仍時有小戰。 十二月，金徙女真、

奚、契丹人屯田於河南，與漢人雜處。宋李綱死。

1141 年

辛酉 宋紹興十一年 金皇統元年 夏大慶二年 西遼康國七年

正月，金宋交兵於淮南西部。金、夏開榷場互市。二月，宋大破金兵於柘皋。三月，金破濠州，焚掠而去。金帝親祠孔子。四月，宋罷韓世忠、張俊、岳飛兵柄，以爲樞密使、副。七月，萬俟卨劾岳飛；八月，罷飛樞密副使，飛部將張憲尋被誣下獄。九月，宋遣使如金議和。宋將吳玠大敗金兵於剡家灣，旋受詔班師。十月，岳飛被誣下獄。烏蠻盧恨種附於宋。韓世忠罷密樞使。十一月，宋金和議成，以淮爲界，歲幣銀絹各二十五萬，宋帝稱臣。十二月，岳飛被害於大理寺獄。金修國史成，凡三卷。宋立譏察海舶條法。

1142 年

壬戌 宋紹興十二年 金皇統二年 夏大慶三年 西遼康國八年

正月，金侵高麗。二月，宋進誓表於金。三月，金冊宋帝爲皇帝。夏國地震，逾月不止。五月，宋定與金互市榷場之法。七月，回鶻貢於金。八月，宋徽宗梓宮還臨安。十一月，張俊罷樞密使。十二月，宋太學生以三百人爲額。

1143 年

癸亥 宋紹興十三年 金皇統三年 夏大慶四年 西遼康國九年

四月，蒙古反金，金不能制。六月，金放宋前遣使洪皓等同回。五月，宋停給僧牒。六月，宋頒經界法。七月，宋求遺書。十二

月，金宋互遣使賀正旦，自是以爲常。是歲，金頒皇統新律。西遼耶律大石死，感天皇后蕭氏聽政。

1144 年

甲子 宋紹興十四年 金皇統四年 夏人慶元年 西遼感天皇后咸清元年

正月，宋前使者王倫以不受金官職，被殺。二月，宋復置教坊。回鶻貢於金。四月，宋初禁野史。五月，金宋互遣使賀生辰，自是以爲常。六月，宋浙江、福建路大水。十月，金河北地大震，陝西、蒲、解、汝、蔡諸地饑。是歲，西遼感天皇后改元咸清。金置東京。

1145 年

乙丑 宋紹興十五年 金皇統五年 夏人慶二年 西遼咸清二年

正月，宋遣官措置兩浙經界，查田均稅，又命僧道納免丁錢。二月，宋增太學生額七百人。五月，金頒行女眞小字。八月，宋復置提舉茶鹽常平公事於各路。九月，宋以管天下等掠廣東、江西、福建諸路之交，於鄰州募丁壯爲軍以攻之。宋人譚友諒詐稱使者誘大越沿邊溪峒，犯廣源州。宋廣西經略司牒請追捕；因遣兵執友諒黨於宋，友諒走脫爲宋誘獲。

1146 年

丙寅 宋紹興十六年 金皇統六年 夏人慶三年 西遼咸清三年

正月，宋太學外舍生以一千人爲額。金以邊地與夏。七月，宋立獻遺書及晉、唐眞迹賞格。八月，金請和於蒙古，蒙古不許。是歲，夏尊孔子爲文宣帝。

1147 年

丁卯 宋紹興十七年 金皇統七年 夏人慶四年 西遼咸清四年

三月，金歲遺牛羊米絹之屬與蒙古以和，蒙古酋長自稱祖元皇叔，建元天興。十二月，金帝選河南北女子四千餘人以充後宮。

1148 年

戊辰 宋紹興十八年 金皇統八年 夏人慶五年 西遼咸清五年

四月，金修遼史成。是歲，夏建內學，又修新律成。宋文學家葉夢得死。金兀朮死。

1149 年

己巳 宋紹興十九年 金皇統九年 金海陵煬王完顏亮天德元年 夏元盛元年 西遼咸清六年

八月，宋略改役法。十二月，金平章政事完顏亮殺金熙宗，自立為皇帝，是為海陵煬王，改元天德。

1150 年

庚午 宋紹興二十年 金天德二年 夏天盛二年 西遼咸清七年

正月，宋軍校施全謀刺秦檜未成，死之。四月，金帝大殺宗室及大臣。宋置力田科以墾兩淮閑田。宋沿海年來不靖，至是稍定。貴溪魔人起事，旋敗。九月，宋建州民張大一等因旱饑起事。是歲，金定職田之制。

1151 年

辛未 宋紹興二十一年 金天德二年 夏天盛三年 西遼仁宗耶律夷列紹興元年
正月，金置國子監。二月，宋令諸州置惠民局以合藥散。宋遣使如金請歸宗族。三

月，金廣燕京城。四月，金帝遷都燕京；閏四月，調諸路工匠修燕京宮室。五月，宋令國子監刻經史。是歲，西遼仁宗夷列改元紹興。宋韓世忠死。

1152 年

壬申 宋紹興二十二年 金天德三年 夏天盛四年 西遼紹興二年

四月，宋襄陽大水。六月，宋虔州軍亂，逾五月始定。十一月，金令烏古敵烈及蒲與兩路民採珠。

1153 年

癸酉 宋紹興二十三年 金天德四年 貞元元年 夏天盛五年 西遼紹興三年

三月，金改元貞元，定五京之號，又改考試、車服制度。六月，宋潼川路大水，涪江、沅江大漲。宋禁嶺南各路殺人祭鬼。

1154 年

甲戌 宋紹興二十四年 金貞元二年 夏天盛六年 西遼紹興四年

正月，宋初令諸州皆以中秋日試舉人，不得選日。三月，武岡徭首領楊再興為宋所俘。吉州胡邦寧攻掠郴、桂二州。五月，金始置交鈔庫；七月，又設鹽鈔香茶文引印造庫。丹州首領莫公晟等附於宋，因置羈縻州縣一百六十二。十一月，金初置惠民局。

1155 年

乙亥 宋紹興二十五年 金貞元三年 夏天盛七年 西遼紹興五年

四月，交趾貢於宋。八月，金增教坊人數。十月，宋相秦檜死。十一月，占城國王死，子嗣，遣使貢沈箋、烏里等香及犀角、象牙、翠羽、玳瑁於宋且求封。宋以秦檜死，令前

所勒停編管諸人任意居住。

1156 年

丙子 宋紹興二十六年 金貞元四年 正隆元年 夏元盛八年 西遼紹興六年
二月，金改元正隆。三月，自秦檜死，言者紛紛，至是宋帝下詔禁之。四月，宋定武學以八十人爲額，又置六科取士法。五月，金頒行正隆官制。六月，宋欽宗死於金。七月，三佛齊貢於宋。八月，交趾獻金器、明珠、沉香、翠羽、絹綾、馬、象於宋。九月，宋嚴銷金之禁。

1157 年

丁丑 宋紹興二十七年 金正隆二年 夏天盛九年 西遼紹興七年
正月，宋令國子監生及進士習詩賦者皆兼習經義。七月，宋戶部出緡錢下饒、贛、韶三州鑄錢。是歲，宋定紹興正祀錄，並復諸祀典。金改定親王以下封爵等第。

1158 年

戊寅 宋紹興二十八年 金正隆三年 夏天盛十年 西遼紹興八年
正月，宋禁強制平民爲軍。金帝謀南侵，責宋納叛亡，盛邊備以借口。七月，宋括民間銅器鑄錢。十二月，宋以金有敗盟意，令利州路團結義士。金大營汴京。是歲，夏始立通濟鑄錢監。

1159 年

己卯 宋紹興二十九年 金正隆四年 夏天盛十一年 西遼紹興九年
正月，金嚴越境之禁，宋禁海商往金。金令與宋互市榷場只留泗州一處。二月，金籍壯丁，造戰船；三月，又遣使詣諸路造兵器；八

月，又調民馬以備南侵。金境人民以不堪苛暴，紛起反抗，山東沂州、河北大名皆有數萬，契丹人亦出沒太行山，攻破數縣。宋文學家張九成死。

1160 年

庚辰 宋紹興三十年 金正隆五年 夏天盛十二年 西遼紹興十年
三月，金東海縣民張旺等起事，逾三月敗。十月，金遣官分赴河北、河東、山東、中都，鎮壓起義人民。宋行會子。是歲，宋詔承買荒田者免三年租。

1161 年

辛巳 宋紹興三十一年 金正隆六年 世宗完顏雍大定元年 夏天盛十三年 西遼紹興十一年
二月，宋改試進士法。金帝赴汴京，四月，遣使征諸路兵；五月遣使至宋，大相質責；宋於是始飭備邊。六月，宋詔淮南清野。契丹撒八等起事反金。七月，金遷都汴京，大括民間驃馬，又殺遼宋宗室子男百三十餘人。八月，忠義人魏勝克海洲。九月，金大舉侵宋，金帝督東路諸軍，連下數城；其西路數失利。宋復洮州、隴州、秦州、蘭州漢軍殺女真將反正。十月，宋暴金帝罪惡於軍民，並傳檄於契丹、夏、高麗、渤海、韃靼人。金人立東京留守褒爲皇帝，改元大定，是爲世宗；褒後改名雍。金帝渡淮，破滁、廬、和、揚等州，宋淮東西軍退江南。宋將李寶從海道敗金兵於膠西陳家島。十一月，宋虞允文等敗金兵於采石磯。宋兵復商、虢、華等州。金帝亮爲其下所殺，金遣人與宋議和。十二月，宋復蔡州、楚州、河南府、泗州。契丹耶律窩罕稱皇帝，建元天正，屢敗宋兵。是時金有戶三百餘萬。

1162 年

壬午 宋紹興三十二年 金大定二年 夏天盛十四年 西遼紹興十二年

正月，耿京起義抗金，據東平府，遣辛棄疾等請命於宋，宋命京爲天平節度使，知東平府。金遣使如宋。金行納粟補官法。宋復河州、積石軍，旋復失。二月，宋罷借兩浙、江、淮坊場淨利錢。金攻耶律窩罕，大敗。三月，宋復德順軍。宋遣使如金用敵國禮。夏擾宋邊。四月，金大敗耶律窩罕於長瀾等地。五月，宋敗金於海州。宋復熙州。六月，宋高宗自爲太上皇，太子睿即位，是爲孝宗。金以耶律窩罕聲勢益大，令居庸、古北口嚴譏察，屯兵於薊州等地以備之。宋幾耶律窩罕大爲金兵所敗，走奚部。七月，宋昭雪岳飛。八月，耶律窩罕攻古北口。金罷諸關征税。九月，耶律窩罕敗死。十一月，金遣將攻宋。宋詔改明年元。金定軍煮私鹽及盜官鹽之法。宋名將劉錡、史學家鄭樵死。

1163 年

癸未 宋孝宗趙昚隆興元年 金大定三年 夏天盛十五年 西遼紹興十三年

正月，吳玠奉詔班師，宋所復秦鳳等路諸州皆復歸於金。二月，宋逐附秦檜者。金東京僧法通以迷信聚衆起事，尋敗。三月，金索海、泗、唐、鄧、商之地，宋不與。金中都以南八路蝗。四月，宋用張浚議，出兵攻金，五月，敗金兵，復靈壁，尋又大敗金兵，復宿州，嗣以諸將不和，大潰於符離。八月，宋金復議和。是歲，宋兩浙旱蝗，江東大水。西遼仁宗死，承天皇后蕭氏聽政。宋理學家李侗死。

1164 年

甲申 宋隆興二年 金大定四年 夏天盛十六年 西遼承天皇后崇福元年

正月，宋廣西路亂，調兵攻之。宋嚴禁私鑄。福建諸州地震。五月，金攻滅耶律窩罕殘部。七月，宋兩浙、江東大水。十月，金以宋相湯思退主和，不修邊備，乘虛渡淮，十一月，連下楚、濠、滁等州；宋遣使如金請和。十二月，宋金和議成，金宋爲叔姪之國，歲貢改稱歲幣，銀絹各減五萬，疆界如紹興之舊。是歲，金大有年。金譯經史爲女真文。西遼承天皇后崇（一作天）福元年。宋張浚死。宋改交趾爲安南國。

1165 年

乙酉 宋乾道元年 金大定五年 夏天盛十七年 西遼崇福二年

正月，金於臨潢等地設邊堡。二月，金罷納粟補官令。三月，宋湖南亂，延及廣東，尋定。七月，宋鑄當二錢。十月，宋嚴私鹽之禁。金境紅巾軍踰淮鈔掠。

1166 年

丙戌 宋乾道二年 金大定六年 夏天盛十八年 西遼崇福三年

三月，宋罷和糴。四月，宋兩浙開平江、湖、秀園田。六月，宋罷兩浙路市舶司。八月，宋詔兩淮行鐵錢；銅錢毋過江北，明年罷。宋罷任子免試令。是歲，宋和州鑿千秋澗，泄麻、澧二湖水溉歷陽含山二縣田。

1167 年

丁亥 宋乾道三年 金大定七年 夏天盛十九年 西遼崇福四年

正月，宋整頓會子。閏七月，金遣將經略北

邊。宋改鹽法。十二月，宋置豐儲倉，增印會子。宋名將吳玠死。

1168 年

戊子 宋乾道四年 金大定八年 夏天盛二十年 西遼崇福五年
正月，宋籍荆南義勇。二月，宋改福建路鹽法。宋置和州鑄錢監。四月，金禁殺牛馬。宋禁販牛過淮。五月，宋初行社倉法。八月，宋行乾道曆。十二月，金招諭阻卜。

1169 年

己丑 宋乾道五年 金大定九年 夏天盛二十一年 西遼崇福六年
正月，金禁諸州和羅抑配百姓。宋措置兩淮屯田。二月，宋遣官措置沿海治安。六月，翼州人張和等謀反金，被殺。七月，金罷東北路採珠。九月，宋招歸正人墾淮西官田。十二月，金賑臨潢、河北、山東女真民。宋收換兩淮銅錢，令以鐵錢及會子行使。

1170 年

庚寅 宋乾道六年 金大定十年 夏乾祐元年 西遼崇福七年
正月，宋雅州沙平蠻擾邊。二月，宋均役、限田。五月，宋修四朝會要成。夏國相任得敬齋夏國主李仁宗上表於金，請割地封得敬為國王；金不許。宋遣使如金請陵寢地；金不許。宋罷沿江稅場多處，嚴禁苛征。六月，宋於蘄州黃州置監鑄鐵錢。八月，夏殺其國相任得敬。十一月，宋嚴禁載錢過界。十二月，宋於江州、臨江軍、撫州置監鑄鐵錢。是歲，宋兩浙、江東西、福建水旱。高麗王昖弟皓廢昖自立。

1171 年

辛卯 宋乾道七年 金大定十一年 夏乾祐二年 西遼崇福八年
二月，宋令寺觀勿免租稅。四月，歸德民臧安兒謀反金，被殺。七月，宋吳拱修復山河堰，濬大小渠六十五里成。宋免兩淮丁錢及兩浙丁鹽絹。九月，宋招百姓承佃湖北、京西營田、屯田。是歲，金河決王村，淹南京、孟、衛等州。宋文學家王十朋死。

1172 年

壬辰 宋乾道八年 金大定十二年 夏乾祐三年 西遼崇福九年
三月，金北京民曹貴等謀反金，被殺。四月，宋整頓諸路義倉。金西北路納哈七斤謀反金，被殺。五月，宋詔福建路行鹽鈔法。宋立宗室銓試法。七月，宋罷廬州屯田，招人佃種。金縣保安、蘭安與夏互市榷場。八月，宋禁州縣令保正充役。宋四川水。十月，金鄜州李方等謀反金，被殺。十一月，宋賣江、浙、福建、二廣、湖南官田與民。十二月，金許民免稅開採金銀坑冶。金於河陰等地增築河堤。

1173 年

癸巳 宋乾道九年 金大定十三年 夏乾祐四年 西遼崇福十年
正月，宋罷福建鹽鈔法。閏正月，金洛陽縣民起事殺縣令，逃入宋界。二月，青羌奴兒結擾宋邊，尋敗。三月，宋禁以銀絹售於金。宋遣官提點坑冶鑄錢。五月，金禁女真人毋得譯為漢姓。九月，宋修中興會要成。十一月，宋詔改明年元。十二月，宋改廣西鹽法。是歲，宋浙東、江西、淮西水旱。金廢置諸路鹽司鹽稅。

1174 年

甲午 宋淳熙元年 金大定十四年 夏乾祐五年 西遼崇福十一年

正月，宋以交趾李大祚爲安南國王。七月，宋江東修治陂塘成，凡二萬四千四百五十一所；灌田四萬四千二百四十二頃。十二月，宋罷鐵錢，改鑄銅錢。宋修吏部七司法。是歲，洪遵死。

1175 年

乙未 宋淳熙二年 金大定十五年 夏乾祐六年 西遼崇福十二年

正月，宋廢斬春等鑄錢監。四月，宋茶戶賴文政等起事於湖北，入湖南、江西，屢敗官軍，六月至廣東，至九月敗死。八月，宋改廣西鹽法。九月，高麗趙位寵以四十餘城叛附於金，金不受。宋淮南水旱。十二月，宋更定強盜賊法，比舊法重一倍。

1176 年

丙申 宋淳熙三年 金大定十六年 夏乾祐七年 西遼崇福十三年

四月，宋禁州縣征秋苗加耗不得逾三分。宋靖州徭擾掠，至八月方定。金京府設學。五月，金以女真文譯史記等書成。七月，宋禁浙西園田。九月，宋浙東等州水。十二月，黎州蠻擾宋邊。是歲，金河北、山東等七路旱蝗。

1177 年

丁酉 宋淳熙四年 金大定十七年 夏乾祐八年 西遼崇福十四年

正月，金徙耶律窩罕遺黨於遼東。宋頒淳熙曆。宋減兩稅輸納浮收；二月，又禁預征夏稅並禁官吏苛征。十一月，宋以兩淮歸正人

爲強勇軍。十二月，金禁渤海婚娶懷舊俗。宋改四川茶鹽酒法。

1178 年

戊戌 宋淳熙五年 金大定十八年 夏乾祐九年 西遼末主直魯古天禧元年

二月，宋禁州縣預借租稅，又改丁稅征收之弊。三月，宋定會子，以一千萬緡爲一界。六月，金西南、西北兩路飢。是歲，西遼承天皇后爲部下所殺，仁宗子直魯古嗣位，改元天禧。宋名將李顯忠死。

1179 年

己亥 宋淳熙六年 金大定十九年 夏乾祐十年 西遼天禧二年

正月，宋郴州民陳峒等攻掠道州、桂陽軍，逾二月敗死。二月，宋呂祖謙編宋文鑑成。六月，金更定條制。宋廣西民李援以迷信聚衆起事，破鬱林，圍化州，至十月敗死。宋於四川求遺書。七月，金密州民許通等謀反金，被殺。八月，金以宋大觀錢當五使用。金濟南民劉溪謀反金，被殺。十月，宋四川行當二錢。

1180 年

庚子 宋淳熙七年 金大定二十年 夏乾祐十一年 西遼天禧三年

正月，宋收京西民間銅錢，行使鐵錢及會子。四月，黎州五部蠻入境大掠；至十月始去。五月，宋申書坊擅刻書籍之禁。十一月，黎州軍亂，旋定。十二月，宋修四朝國史成。金河決衛州及津京東埽。是歲，宋江、浙、淮西、湖北旱。

1181 年

辛丑 宋淳熙八年 金大定二十一年 夏

乾祐十二年 西遼天禧四年

正月，金復置綏德軍樵場，與夏互市。金禁山東、大名猛安、謀克之民無故招人佃種。二月，宋黎州土丁張百祥等以不堪苛役起事，旋敗。宋禁浙西民置園田。三月，宋潮洲沈師攻擾汀、漳，至十二月敗死。四月，金增築臨潢等路邊堡。宋於郴州宜章、桂陽軍臨武縣立學，以教峒民子弟。七月，宋紹興、嚴、徽等處大水。

1182 年

壬寅 宋淳熙九年 金大定二十二年 夏

乾祐十三年 西遼天禧五年

三月，金申飭西北招討司猛安謀克戶習武備。八月宋淮東、浙西蝗。九月，宋淮南修復眞州陂塘。宋禁蕃舶販易金銀。

1183 年

癸卯 宋淳熙十年 金大定二十三年 夏

乾祐十四年 西遼天禧六年

正月，宋改鹽法。三月，姜太獠從海上掠泉州，敗死。四月，宋再禁浙西豪民園田。六月，宋禁道學。九月，金譯經所譯易、書等書成。宋禁內郡行鐵錢。十月，宋改廣東鹽法。是歲，宋和州重修千秋澗。李燾所纂續資治通鑑長編全書成，未幾死。

1184 年

甲辰 宋淳熙十一年 金大定二十四年

夏乾祐十五年 西遼天禧七年

正月，宋安化蠻首領蒙光漸擾宜州，被俘。三月，宋江東西水。六月，宋婺州修治陂塘八百三十七所，溉田二千餘頃。七月，宋改定刺配法。八月，宋重申占園田之禁。十二月，熊克纂九朝通略成。是歲，洪适死。

1185 年

乙巳 宋淳熙十二年 金大定二十五年

夏乾祐十六年 西遼天禧八年

正月，宋禁廣西私販交趾鹽。宋明州濟東錢湖，禁佃葑地。宋俘青羌奴兒結。二月，宋禁胡服。三月，宋整頓廣西身丁錢。四月，宋邊諜妄傳西遼假道夏以攻金。五月，宋浙西福建地震。七月，宋以豪民買撲稅場擾民，酌罷荆門、常德、復州等稅場。宋減兩浙版帳錢。是歲，王侑纂東都事略成。

1186 年

丙午 宋淳熙十三年 金大定二十六年

夏乾祐十七年 西遼天禧九年

五月，金盧溝決於上陽。七月，宋詔州縣並以見錢及會子中半收放。八月，金河決衛州。九月，宋求遺書。胡里改反金。十二月，宋改汀州鹽法。

1187 年

丁未 宋淳熙十四年 金大定二十七年

夏乾祐十八年 西遼天禧十年

二月，金於曲陽縣置監鑄錢。金令沿河府州縣官兼提舉或管勾河防事。十月，宋高宗死。十二月，金再申女真人用漢姓之禁，並禁不得學南人衣裝。是歲，金戶口六百七十萬九千。

1188 年

戊申 宋淳熙十五年 金大定二十八年

夏乾祐十九年 西遼天禧十一年

二月，宋禁淮東亭戶開墾鹽場地。四月，金增外任小官俸。金置女眞大學。是歲，金以鹽使司擾民，創設巡捕使。

1189 年

己酉 宋淳熙十六年 金大定二十九年

夏乾祐二十年 西遼天禧十二年

正月，金世宗死，皇太孫璟嗣，是爲章宗。
宋改廣西鹽法。二月，宋孝宗自稱太上皇，
太子惇卽位，是爲光宗。五月，宋常德、
辰、沅、靖等處大水。金河決曹州。閏五
月，宋澧州大水；六月，鎮江大水。金初置
提刑司。七月，金減民地稅什一，河東南北
路什二，下田什三，又命大州設學。十一
月，金命官再修遼史。

1190 年

庚戌 宋光宗趙惇紹熙元年 金章宗完顏

璟明昌元年 夏乾祐二十一年 西遼天禧十三年

正月，金禁自爲僧道者。三月，金設應制及
宏詞科。八月，金設常平倉。是歲，金戶
口六百九十三萬九千。

1191 年

辛亥 宋紹熙二年 金明昌二年 夏乾祐

二十二年 西遼天禧十四年

正月，宋命兩淮行義倉法。二月，宋行會元
曆。四月，金以百姓與屯田戶不睦，許互爲
婚姻。金令女眞字直譯爲漢字，罷寫契丹字
者。五月，宋潼川等十一州府大水。七月，
宋以會子百萬緡收兩淮私鑄鐵錢。宋興
州大水。八月，宋寬兩浙鐵禁。十一月，
金禁女眞人以姓氏譯爲漢字。夏官殺金邊
將，金索之急，夏乃殺其官。十二月，宋復
出會子百萬緡，收兩淮鐵錢。

1192 年

壬子 宋紹熙三年 金明昌三年 夏乾祐

二十三年 西遼天禧十五年

正月，宋以僧牒收淮東鐵錢。二月，宋申錢
銀過淮之禁。宋定以雜藝得官者不許蔭子。
五月，宋常德府、安豐軍大水。七月，宋刺
沿邊人爲諸州禁軍。宋瀘州軍亂，尋定。
十一月，金禁官吏、百姓姓名皆同於古帝王
者，又令避周公、孔子諱。是歲，金河北
諸路水。宋理學家陸九淵死。（十二月十四
日，已是公元一一九三年初。）

1193 年

癸丑 宋紹熙四年 金明昌四年 夏乾祐

二十四年 西遼天禧十六年

五月，宋攻江、浙、兩淮、荆湖水。七月，
宋絳州蠻攻擾。九月，夏國主李仁孝死，子
純祐嗣。是歲，金大有年。金令官外地悉
聽民耕，議行區田法。

1194 年

甲寅 宋紹熙五年 金明昌五年 夏李純

祐天慶元年 西遼天禧十七年

正月，金求遺書。三月，金初定鐵禁，又置
宏文院譯寫經書。五月，宋辰州僞擾邊。
六月，宋孝宗死。七月，宋光宗爲太上皇，
子擴卽位，是爲寧宗。八月，金河決陽武放
隄，由封丘注梁山泊，分奪南北清河入海。
十月，雅州蠻攻擾。

1195 年

乙卯 宋寧宗趙擴慶元元年 金明昌六年

夏天慶二年 西遼天禧十八年

正月，宋黎州蠻攻擾。二月，宋令兩淮民
墾荒田。宋右丞相趙汝愚罷，自是韓侂胄弄
權，數貶逐朝官；太學生楊宏中等六人疏論罷
趙汝愚事，皆送五百里外編管。五月，金命
官行省於臨潢，後又命官行省於撫州，皆以經

略北邊。由是北阻卜叛金，大肆攻擾。七月，宋攻擊道學者漸起。

1196 年

丙辰 宋慶元二年 金承安元年 夏天慶三年 西遼天禧十九年

正月，北邊廣吉剌部敗金兵。二月，金初造虎符發兵。四月，金初行區種法。五月，宋減諸路和市折帛錢三年。六月，金定僧、道、女冠剃度之制。七月，金大破阻卜。八月，宋禁道學，稱之爲僞學。十月，金命官行省於北京以經營阻卜事。契丹德壽據信州，建元身聖，尋敗死。宋宜州蠻攻擾，旋定。

1197 年

丁巳 宋慶元三年 金承安二年 夏天慶四年 西遼天禧二十年

三月，宋禁浙西園田。六月，宋申嚴私鑄銅器之禁。宋廣東大溪島民以不堪鹽法苛擾，入海起事，八月，官軍盡屠島民。九月，金募上京、東京、北京、西京、咸平、臨潢漢人爲兵。十二月，金鑄承安寶貨。宋置僞學籍，共五十九人。

1198 年

戊午 宋慶元四年 金承安三年 夏天慶五年 西遼天禧二十一年

正月，宋以兩浙、江、淮、荆湖、四川多苛征，申禁之。二月，金遣將攻阻卜。三月，金榷醋。金申敕諸路處理盜賊法。金於北邊穿濠塹，修長城以禦蒙古等部，西北、西南尋亦仿治之。五月，宋嚴申僞學之禁。十月，金定官民存留見錢之數，設回易務，擬行鈔法。

1199 年

己未 宋慶元五年 金承安四年 夏天慶六年 西遼天禧二十二年

二月，金西南部路築邊堡九百里成。金招民耕蒲河至長河一帶地。三月，宋四川行對銷錢引法。五月，宋頒統天曆。七月，宋禁高麗、日本商人傳易銅錢。十月，金令州縣設普濟院，每年十月至明年四月設粥以食貧民。十二月，宋稍弛僞學之禁。

1200 年

庚申 宋慶元六年 金承安五年 夏天慶七年 西遼天禧二十三年

正月，金定諸科進士取中額。九月，金括田於山東等路以益屯田。金西北路修長城成，凡用工七十五萬。十二月，宋遣官經畫增四川營田租，以營田戶反抗，即罷之。宋詔改明年元。是歲，宋理學家朱熹死。

1201 年

辛酉 宋嘉泰元年 金泰和元年 夏天慶八年 西遼天禧二十四年

正月，宋申嚴福建科鹽之禁。二月，宋訪明天文曆法之士。三月，宋臨安大火，焚五萬三千餘家。四月，宋龍州民李蒙大結蕃部攻擾。金許契丹人有軍功者賞例同女真人，仍許養馬爲吏。六月，金申禁猛安謀克戶毀樹木、鬻田地、惰於耕耨者。八月，金定戶絕田以二分之一付其女及女孫。九月，金更定贍學養士法。宋勒開浙西舊園田界石外之園田。十月，宋求遺書。十一月，宋除潭州民舊輸黃河鐵綱錢。十二月，金新修泰和律成。是歲，宋浙西、江東、兩淮、利州等路旱。

1202 年

壬戌 宋嘉泰二年 金泰和二年 夏天慶九年 西遼天禧二十五年
二月，宋弛偽學之禁。宋以商賈私販九朝通略等書於金，因禁坊間私史，其有干國體者皆令銷毀。六月，宋濬浙西運河。八月，宋修慶元條法事類成。閏十二月，金改交鈔法。是歲，洪邁死。

1203 年

癸亥 宋嘉泰三年 金泰和三年 夏天慶十年 西遼天禧二十六年
正月，宋龍州蕃部攻擾邊境。四月，宋以兩淮交子一百萬緡收民間鐵錢。七月，宋權罷同安等三監鑄錢。宋造戰艦。九月，宋禁坑冶司毀私錢爲銅。撒里部犯金邊。十月，宋龍州蕃部降。是歲，金定授鹽使司官。金更定武舉出職之制。

1204 年

甲子 宋嘉泰四年 金泰和四年 夏天慶十一年 西遼天禧二十七年
三月，宋臨安大火。四月，金定縣令以下考課法，增定關防奸細法。宋嚴科舉請托之禁。五月，金以旱行區種法。宋以將用兵於金，追封岳飛等以風勵諸將。八月，金以旱弛園場禁，縱民耕樵。十月，金定私鑄法。十二月，宋詔改明年元。宋禁州縣私籍沒民產。是歲，金地旱，河北、山東尤甚。宋兩浙旱，兩淮荆襄諸州荒歉。蒙古鐵木真攻乃蠻，殺其酋長太陽汗，又破蔑里乞部。

1205 年

乙丑 宋開禧元年 金泰和五年 夏天慶

十二年 西遼天禧二十八年

正月，宋置澈浦水軍。金調軍夫治漕渠。四月，宋邊兵數入金境騷擾，金移書於宋請約束。六月，宋詔諸軍密爲行軍之計，準備北伐。七月，宋以韓侂胄爲平章軍國事，位丞相上。十一月，金詔山東、陝西備宋。十二月，宋詔永除兩浙身丁錢。是歲，蒙古鐵木真侵夏，大掠。宋史學家袁樞死，樞作通鑑紀事本末，獨創一體。三朝北盟會編作者徐夢莘死。

1206 年

丙寅 宋開禧二年 金泰和六年 夏李安全應天元年 西遼天禧二十九年 蒙古成吉思汗元年
正月，宋嚴禁坑戶毀錢爲銅。宋嚴科舉迴避法。雅州蠻擾宋邊。夏李安全廢其主純佑自立。四月，宋下納粟補官之令。金發兵守要害，置行省於汴以備宋。宋兵分路攻金，取泗、虹等州縣。五月，宋下詔伐金，諸路多敗，惟畢再遇數有功。七月，金命官專修遼史，明年十二月成。十月，金大舉伐宋，十一月，入滁州，破西和；十二月，下安陸等縣，入成州，破眞州。宋將吳曦通款於金。是歲，蒙古鐵木真稱成吉思汗，是爲元太祖，復攻乃蠻，破之。金更定保伍法，又定諸州府物力差役式。

1207 年

丁卯 宋開禧三年 金泰和七年 夏應天二年 西遼天禧三十年 蒙古成吉思汗二年
正月，吳曦稱蜀王，建元，置百官，以階、成等州予金，逾月，楊巨源等殺曦，宋復取階、成等州。四月，宋金議和。六月，金以山東多盜，立殺捕賞官法。七月，宋大旱蝗，浙西尤甚。蒙古侵夏。十一月，宋殺韓侂

胄。十二月，宋改明年元。是歲辛亥疾死。

1208 年

戊辰 宋嘉定元年 金泰和八年 夏應天三年 西遼天禧三十一年 蒙古成吉思汗三年

三月，宋金和議成，改叔姪爲伯姪之國，增歲幣，函韓侂胄首以贖淮南地。宋臨安大火四日，燬民舍五萬餘家。五月，宋兩浙旱蝗；金旱蝗。九月，金遣官推排民戶物力。十一月，金章宗死，叔衛王永濟嗣位。十二月，宋四川行當五大錢。蒙古滅蔑里乞部。乃蠻屈出律汗奔西遼。是歲，金詔諸路按察司規劃水田。

1209 年

己巳 宋嘉定二年 金衛紹王永濟大安元年 夏應天四年 西遼天禧三十二年 蒙古成吉思汗四年

二月，黎州蠻擾宋邊寨。蒙古攻據夏河西地，圍夏都，夏主納女請和。畏吾兒附於蒙古。五月，宋旱蝗。金試宏詞科。八月，宋行鐵錢於沿江六州。十一月，金平陽地震，浮山縣尤甚。宋郴州黑風峒首領李元礪起事，攻掠江西、湖南、廣東，屢敗官軍。是歲，蒙古與金絕。

1210 年

庚午 宋嘉定三年 金大安二年 夏皇建元年 西遼天禧三十三年 蒙古成吉思汗五年

正月，宋以連年旱蝗，飢民羣起掠食，官吏名之爲盜，下詔招諭之，並戒官吏妥爲安撫。二月，黎州蠻擾宋邊。金地大震。五月，宋詔沿海捕海寇。六月，金地震，時經數月；又大旱。八月，夏侵金邊。蒙古襲殺

金邊將。十二月，李元礪攻掠經年，至是被執死。黎州蠻降。是歲，宋浙東西水。金大飢。宋陸游死。

1211 年

辛未 宋嘉定四年 金大安三年 夏李遵頊光定元年 西遼天禧三十四年 蒙古成吉思汗六年

正月，馬湖蠻擾宋邊。葛羅祿降於蒙古。二月，蒙古侵金邊。三月，宋臨安大火，焚民居二千餘家。金括民間馬。四月，宋禁兩浙、福建科折鹽酒。金以蒙古事，命將備邊。六月，宋遣使赴金賀生辰，金以有蒙古之難，不暇接待，宋使至涿州而還；金亦不暇遣使賀宋帝生辰。八月，夏李安全死，子遵頊立，改元光定。蒙古成吉思汗自將攻金。九月，馬湖蠻復擾宋邊。蒙古兵攻中都，尋退。蒙古用金降將郭寶玉言，頒條教五章。十一月，蒙古徇下金雲內等州縣，游騎掠及清、滄、忻、代。金益都楊安兒聚衆攻掠山東。夏擾金邠、岐。是歲，乃蠻屈出律汗廢西遼主直魯古自立；耶律氏自大石稱帝，至是七十八年而亡。

1212 年

壬申 宋嘉定五年 金崇慶元年 夏光定二年 蒙古成吉思汗七年

正月，宋於諸路行兩浙倍役法。蒙古下金山後諸州。三月，馬湖蠻降於宋。金大旱。五月，金簽陝西三萬人爲軍，更括陝西馬。金河東、陝西大饑。金泰安劉二祖起兵，攻掠淄、沂。六月，宋禁銅錢過江。九月，宋罷沿海諸州海船錢。十二月，蒙古襲破金東京。契丹人耶律留哥聚衆掠金韓州。

1213 年

癸酉 宋嘉定六年 金崇慶二年 至寧元年 宣宗完顏珣貞祐元年 夏光定三年 蒙古成吉思汗八年

春，耶律留哥自立爲遼王，改元元統。五月，金改元至寧。金陝西大旱。六月，宋遣使賀金帝生辰，未至而還。夏破金保安、慶陽。七月，蒙古成吉思汗自將攻金，拔涿、易等州。八月，金帝完顏永濟爲其下所殺，立昇王完顏珣，是爲宣宗，改元貞祐。十月，宋遣使賀金帝卽位及正旦，皆不得至而還。蒙古圍金中都。十一月，夏侵金會州。虛恨蠻擾宋邊。十二月，蒙古兵分道破金河東、河北、山東九十餘州，大肆殺掠。

1214 年

甲戌 宋嘉定七年 金貞祐二年 夏光定四年 蒙古成吉思汗九年

正月，宋將攻金秦州敗還。二月，青羌卜籠十二骨附於宋。三月，金遣使於宋，索二年歲幣。金以公主歸於成吉思汗及以金帛、馬匹與蒙古和，中都圍解。金許人納粟買官。五月，金遷都南京（開封）。金山東紅襖軍大起，楊安兒稱皇帝，建元天順，與濰州李全等攻山東諸州縣，金遣將擊之。七月，蒙古以金遷都，復圍中都。八月，金復遣使於宋索歲幣。十一月，蘭州譯人程陳僧反金，結夏爲援。十一月，宋遣使賀金正旦，太學生反對，不聽。十二月，楊安兒敗死。金遣將攻耶律留哥，大敗。留哥遂幾盡有遼東，都咸平，號中京。

1215 年

乙亥 宋嘉定八年 金貞祐三年 夏光定五年 蒙古成吉思汗十年

正月，夏侵金環州。金北京軍亂；二月，蒙古下北京。金令諸色人補官並依照女真人

例。五月，蒙古下金中都，焚宮室，掠妃嬪。七月，金改交鈔爲貞祐寶券。蒙古奇兵襲金南京，敗還。金請和，以不肯割地稱臣，未成。九月，宋申兩浙圍田之禁。紅襖軍破金深、祁等州縣。是秋，蒙古取金城邑凡八百六十二。十月，夏攻金保安、延安。金宣撫使蒲鮮萬奴據遼東，稱天王，國號大真，建元天泰。十一月，夏攻金綏德。耶律留哥入金東京，納款於蒙古。十二月，金徙朔州民於嵐、石等州。張致叛蒙古，據錦州，稱瀛王，建元興隆。是歲，宋兩浙、江東西路旱、蝗。

1216 年

丙子 宋嘉定九年 金貞祐四年 夏光定六年 蒙古成吉思汗十一年

二月，宋東西川地大震，持續至十月，馬湖山及黎山崩，江水不通。四月，金遣人行尚書省事於平陽以禦蒙古。金泰州趙用等假迷信聚衆起事，尋敗。五月，夏擾金邊。七月，金遣人行尚書省事於東平，以攻紅襖軍。八月，夏擾金邊。十月，蒲鮮萬奴降於蒙古，尋又叛，改號東夏。十一月，蒙古取潼關，入嵩、汝，次澗池，至平陽，爲金兵所敗，潼關復爲金有。蒙古攻張致殺之。是歲，金旱、蝗。蒙古四出擾金，金亦收復數十城。

1217 年

丁丑 宋嘉定十年 金貞祐五年 興定元年 夏光定七年 蒙古成吉思汗十二年

二月，金用貞祐通寶一當貞祐寶券十。四月，金侵宋。金山東紅襖軍又大盛。六月，宋下詔伐金。自是宋金連年構兵。宋招山東紅襖軍以困金，號爲忠義。八月，蒙古成吉思汗引軍攻夏，以金事付之木華黎。

九月，金改元興定。十二月，宋以軍興，募人納粟補官。金破宋天水軍。是歲，蒙古取金山東十餘州縣。

1218 年

戊寅 宋嘉定十一年 金興定二年 夏光定八年 蒙古成吉思汗十三年

正月，忠義軍首領李全附宋，以爲京東路總管。蒙古圍夏興州，夏主李遵頊命子居守，奔西涼。二月，金破宋阜郊堡。金攻宋棗陽軍，敗潰。七月，夏援金邊。李全破金密州及壽光等縣。是歲，蒙古攻金河東諸州。高麗稱臣奉貢於蒙古。

1219 年

己卯 宋嘉定十二年 金興定三年 夏光定九年 蒙古成吉思汗十四年

二月，金破宋興元、大安、洋州，旋敗。金兵圍宋棗陽。閏三月，宋興元軍士張福等起事，以紅巾爲號，是爲紅巾軍，連破數城，四川大震。金入宋淮南，至六合，建康大震，旋爲李全等所敗，遁還。五月，宋臣有爲和金之讖者，太學生羣起攻之。金深、冀三十餘州縣皆附於蒙古。六月，蒙古成吉思汗親攻西域，拔訛打刺城。七月，紅巾軍張福等敗死。金攻棗陽之軍大潰。李全入濟南。金益都張林附李全，以青、莒等十二州府歸於宋，授京東安撫使。是歲，雅州蠻擾宋邊。

1220 年

庚辰 宋嘉定十三年 金興定四年 夏光定十年 蒙古成吉思汗十五年

正月，宋攻金鄆、唐等州，金攻宋樊城。二月，金於河東、河北、山東置九公，劃地分守。三月，紅襖軍入宋海州。四月，宋招諭山東兩河豪傑反金。七月，金請和於蒙

古，被拒。八月，金長清令嚴實取恩、德等數州地附於宋。宋夏定議攻金，夏取金會州，李全攻金東平，九月，宋夏合兵攻金鞏州，不克。十一月，嚴實降於蒙古。是歲，蒙古取西域尋思干等城。遼王耶律留哥死，妻姚里氏領其衆。

1221 年

辛巳 宋嘉定十四年 金興定五年 夏光定十一年 蒙古成吉思汗十六年

二月，金大發兵攻宋，破黃州，攻漢陽。李全援金泗州。三月，金破宋蘄州，尋退。五月，金棄東平，蒙古據之，自是金不復能經營山東。六月，宋與蒙古互遣使通好。七月，金義勇軍反，據碭山，攻永城。十一月，蒙古攻金陝北。金募民興南陽水田。張林叛降蒙古。十二月，金陳、亳等州民羣起反抗。金造興定泉寶，一當興定通寶四百。是歲，蒙古下西域玉龍傑赤等十餘城。宋經學家黃榦死。

1222 年

壬午 宋嘉定十五年 金興定六年 元光元年 夏光定十二年 蒙古成吉思汗十七年
正月，宋撫諭山東、河北。金遣官墾京東西南三路水田。二月，金恒州軍變。金以宋紹歲幣，復遣兵南侵。四月，金置大司農司。金兵破宋廬州，旋大敗。五月，宋兵敗張林；李全據青州。七月，宋於江、淮、荆襄、四川條畫營田。八月，金改元元光。夏攻金德順。九月，宋忠義將領彭義斌復京東州縣。是歲蒙古攻金河東、陝西。蒙古成吉思汗攻西域，薄回回國。

1223 年

癸未 宋嘉定十六年 金元光二年 夏光

定十三年 李德旺乾定元年 蒙古成吉思汗十八年

正月，蒙古攻金鳳翔，不克。三月，張林復降宋。蒙古大將木華黎死。五月，金造元光重寶，繼又造元光珍貨，同銀行用。七月，夏攻金積石。八月，金邳州軍亂。十二月，金宣宗死，太子守緒嗣，是爲哀宗。蒙古攻夏，李遵頊傳國於子德旺，改元乾定。是歲，成吉思汗於征服中央亞細亞之花剌子模及其他諸國後，遣大將速不台繞裏海（寬甸吉斯海）征服亞美尼亞、格魯吉亞與阿塞爾拜疆，越過高加索山（太和嶺）進入南俄草原，與在基輔大公統率下之俄羅斯諸侯及波羅維茨人戰於卡爾卡河畔，俄羅斯諸侯大敗，但蒙古人旋退去。宋葉適死。經筵講讀官進朱熹資治通鑑綱目。

1224 年

甲申 宋嘉定十七年 金哀宗完顏守緒正大元年 夏乾定二年 蒙古成吉思汗十九年 六月，金使人至宋滁州請通好，又榜諭更不南侵。彭義斌經略河北，爲蒙古所敗。閏八月，宋寧宗死，養子昀嗣，是爲理宗。十月，金及夏和爲兄弟之國。十二月，宋定災異祥慶免官私房賃之例。是歲，成吉思汗至印度境，大掠而還。

1225 年

乙酉 宋理宗趙昀寶慶元年 金正大二年 夏乾定三年 蒙古成吉思汗二十年 二月，蒙古將武仙反於眞定，尋敗奔太行。宋楚州軍亂。五月，李全反攻彭義斌，大敗。六月，彭義斌攻東平，蒙古將嚴實與之和。七月，宋行大宋元寶錢。彭義斌攻蒙古軍，敗死，於是京東河北五十四城皆歸嚴實，仍附於蒙古。八月，金將田瑞反於鞏

州，尋敗死。十一月，蒙古使如高麗，中道被殺，自是兩國不通問。宋理學家楊簡死。宋定災異祥慶給賞軍戎緡錢例。

1226 年

丙戌 宋寶慶二年 金正大三年 夏乾定四年 李睨寶義元年 蒙古成吉思汗二十一年

正月，蒙古成吉思汗攻夏，六月，取甘、肅等州，七月，取西涼府。夏李德旺驚悸死，弟睨嗣，改元寶義。九月，蒙古攻李全，圍青州。十一月，宋楚州軍亂。蒙古攻夏靈州。

1227 年

丁亥 宋寶慶三年 金正大四年 夏寶義二年 蒙古成吉思汗二十二年

正月，蒙古成吉思汗攻金積石。三月，金征夏稅二倍。四月，蒙古破金洮河、西寧。五月，李全降於蒙古。閏五月，金復與蒙古議和。六月，宋楚州軍亂。夏主李睨降於蒙古，夏亡。七月，蒙古成吉思汗死，第四子拖雷監國。八月，宋楚州軍大亂，諸將多叛降於金。十月，李全入宋楚州，旋攻金盱眙。十一月，宋改明年元。十二月，蒙古兵入京兆，宋將葉洵州遁，金斂兵保潼關；蒙古兵破宋西和州。丘處機死。

1228 年

戊子 宋紹定元年 金正大五年 蒙古拖雷監國

正月，金遣使如蒙古弔慰。宋禁江淮私稅米船壅斷蘆蕩、沙產及山漆、魚池。七月，李全大治舟師於海州，宋射陽湖浮居數萬家，結水寨以自保。八月，宋禁諸州僚屬私役禁軍。是歲，宋江西、湖南、福建民多聚衆起

事。

1229 年

己丑 宋紹定二年 金正大六年 蒙古窩闊台汗元年

八月，宋禁州縣增收苗米多量斛面，又禁廣東、廣西、福建官吏額外配鹽於民。蒙古推成吉思汗第三子窩闊台汗為大汗，是為太宗。九月，蒙古却金賻，議南伐。十月，蒙古入金慶陽界，金請緩師被拒。十二月，金罷近京獵地百里，聽民耕種。是歲，蒙古始置倉廩，立驛傳，賦調漢民以戶，西域以丁。

1230 年

庚寅 宋紹定三年 金正大七年 蒙古窩闊台汗二年

正月，金將完顏彝統回紇、乃蠻、羌、渾所組成之忠孝軍，大破蒙古於大昌原。蒙古定諸路稅額。六月，宋戒飭諸州革賦稅、刑獄、差役、版籍四弊。蒙古破金京兆。七月，蒙古窩闊台汗自將攻金。十月，蒙古遣使於金令納歲幣講和，金帝拒之。十一月，李全圍宋揚州。蒙古始行鹽法，又立燕京等十路課稅所。蒙古攻潼關，不克。宋經學家蔡沈死。

1231 年

辛卯 宋紹定四年 金正大八年 蒙古窩闊台汗三年

正月，李全敗死。三月，宋福建擾攘經年，至是始漸定；衢州民汪徐等攻常山等縣，亦敗散。四月，蒙古破金鳳翔，金將完顏彝敗其別隊於倒回谷。五月，宋平李全殘部於淮安。六月，蒙古遣使假道於宋以攻金，中道被殺。七月，宋江西漸定。八月，蒙古以使臣被殺攻宋興元、沔州，破城砦百四十。

蒙古始立中書省，並立地方官，分理軍民財賦之制。蒙古以高麗前殺使者，遣兵攻之；高麗王噉降，蒙古置官監之而退。九月，宋臨安大火。蒙古破金河中。十二月，宋禁州縣科糶及多取斛面。蒙古破宋饒風關，趨金汴京。

1232 年

壬辰 宋紹定五年 金正大九年 開興元年 天興元年 蒙古窩闊台汗四年

正月，宋以忠順軍帥孟珙屯棗陽，珙開渠，溉田萬頃。蒙古大破金兵於鈞黃州榆店，金大將死亡殆盡。金改元開興。二月，金潼關降於蒙古。三月，蒙古攻金南京，不克，許和而退。金改元天興。四月，高麗殺蒙古所置官吏。六月，金徐州軍亂。七月，蒙古使至金被殺，自是和議遂絕。閏九月，金括汴京粟，百姓死亡相繼，至人相食。十月，金泗州軍亂。十一月，金盱眙軍降宋，改為招信軍。十二月，蒙古遣使於宋約夾攻金，宋遣使報聘。金帝東走，蒙古復圍南京。是歲，金文學家趙秉文死。

1233 年

癸巳 宋紹定六年 金天興二年 蒙古窩闊台汗五年

正月，金帝奔歸德，其大臣崔立擁梁王完顏從恪監國，以南京降於蒙古。二月，蒙古攻蒲鮮萬奴於遼東。四月，蒙古俘金后妃宗室，送之和林。金攻宋光化，孟珙敗之。五月，金襲敗蒙古於亳州。六月，蒙古破金洛陽。金帝如蔡州。七月，宋孟珙大破金於馬蹬山。八月，蒙古遣使如宋，約攻蔡州。九月，蒙古擒蒲鮮萬奴。金遣使乞糧，並乞和於宋，被拒。十月，蒙古及宋會師圍蔡

州。十一月，宋改明年元。是歲，宋史彌遠死。蒙古修孔子廟。蒙古建國子學於燕京。

1234 年

甲午 宋端平元年 金天興三年 蒙古窩闊台汗六年

正月，金帝傳位東面元帥完顏承麟，旋自縊死。城隨破，承麟戰死，金亡。五月，宋建陽民數千人起事，焚劫邵武、麻沙、長平，逾四月敗散。蒙古大會諸王百僚，定條令。六月，宋禁毀銅錢作器用並下海貿易。宋謀收復河南、三京地，出師赴汴，汴人殺崔立降。七月，宋兵入洛陽。八月，蒙古兵至洛陽，宋兵退，入洛之兵亦退。十二月，蒙古遣使責宋圖洛陽。宋申飭銓法十弊。

1235 年

乙未 宋端平二年 蒙古窩闊台汗七年

正月，宋遣使通好蒙古。二月，蒙古城和林。三月，宋以會子貶值，物價日高，以度牒、敕告等准價收買。六月，蒙古出兵侵宋，征西域，攻高麗。七月，蒙古侵宋唐州。八月，宋惠陽、建陽、京口等處軍亂，旋定。十月，蒙古破宋棗陽，掠郢州。十一月，安南貢方物於宋。十二月，蒙古破沔州，前鋒敗於大安。是歲，宋學者真德秀死。蒙古籍燕京等三十六路民戶八十七萬三千七百八十一，口四百七十五萬四千九百七十五。

1236 年

丙申 宋端平三年 蒙古窩闊台汗八年

正月，蒙古初行交鈔。三月，蒙古侵宋均、房等州；襄陽軍亂，降於蒙古。四月，宋帝

以開衅蒙古，下詔罪己。蒙古破宋隨、郢、荊門。蒙古括戶口屬之州縣，並定民戶公私賦稅絲米之額。六月，蒙古立編修所、經籍所，編集經史。八月，蒙古破宋德安。九月，蒙古破宋興元、大安。十月，蒙古破會州，金將郭蝦蟆死之。蒙古破宋文州。宋封陳日煚爲安南國王。蒙古破成都，旋退。十一月，蒙古入宋淮西，前鋒至合肥，攻真州不克。蒙古攻江陵，孟珙敗之。十二月，宋改明年元。

1237 年

丁酉 宋嘉熙元年 蒙古窩闊台汗九年

二月，蒙古統一符印及驛馬制度。三月，蒙古破欽察，俘其王八赤蠻，進攻斡羅斯。五月，臨安大火，燒民居甚多。八月，蒙古初考試儒生。十月，蒙古破宋光州，又攻壽春，擾黃州，圍安豐，皆不克。蒙古破夔州。宋學者魏了翁死。蒙古立隨車隨引載鹽之法。

1238 年

戊戌 宋嘉熙二年 蒙古窩闊台汗十年

二月，蒙古遣使於宋議歲幣，宋持和戰之議不決。四月，宋整頓鹽法，又拘催酒息租穀及沒官田米。九月，蒙古圍宋廬州，不克。十月，蒙古建書院於燕京。是歲，中央亞細亞之撒馬爾罕與布哈拉人民因不堪蒙古統治之暴政，又因本地封建主之壓迫，奮起反抗，旋敗。

1239 年

己亥 宋嘉熙三年 蒙古窩闊台汗十一年

正月，宋孟珙屢敗蒙古，復襄陽、光化等地。六月，蒙古攻宋重慶。七月，宋諸路旱蝗；蒙古山東諸路災。八月，宋浙江潮患。十

二月，宋復夔州。蒙古許回回奧都剌合蠻以銀二百二十萬兩換買諸路稅課。是歲，蒙古征服南俄平原。

1240 年

庚子 宋嘉熙四年 蒙古窩闊台汗十二年正月，宋兩浙饑，臨安尤甚，饑民掠人爲食。二月，蒙古擾宋萬州。四月，蒙古遣使至宋。六月，宋江、浙、福建旱蝗。十月，宋改明年元。十二月，蒙古以官物代民償畏吾兒人羊羔息，又放諸王大臣所俘男女爲民。是歲，蒙古軍在拔都與蒙哥統率下進攻基輔，大公邁克爾奔匈牙利。蒙古人遣人召降，基輔人殺之，遂圍城。城陷後，屠戮其中居民殆盡。蒙古人繼續西進，是年冬履冰渡維斯杜拉河，入波蘭，大掠桑多密爾，進抵克拉科後，止於喀爾巴阡山迤北之加里西亞平原。

1241 年

辛丑 宋淳祐元年 蒙古窩闊台汗十三年三月，蒙古置行省於燕京。八月，宋求遣書。九月，高麗屢敗於蒙古，請降，入貢，遣質子。十月，蒙古掠宋安豐。十一月，蒙古窩闊台汗死，其后乃馬真氏稱制。蒙古屠宋漢州，入成都。蒙古遣月里麻思至宋議和，宋人囚之長沙。是歲，蒙古大軍在歐洲分四路進攻，以拔都、海都、哈丹（後二者俱窩闊台子，蒙哥已東返）與速不台分統之。三月初發起攻擊，大敗波蘭與日耳曼聯軍於利格尼茲，大敗匈牙利王培羅於薩約河畔之摩海平原。是年秋進軍維也納，遠至那斯塔德。另一路沿提羅爾邊境進至亞德里亞海北端，與威尼斯相近處。此外波希米亞、塞爾維亞與達爾馬提亞等地之一部分俱遭蹂躪。

1242 年

壬寅 宋淳祐二年 蒙古乃馬真皇后稱制元年

正月，宋詔作新吏法。五月，蒙古破宋遂寧、瀘州。七月，宋江、浙、兩淮大水。蒙古攻宋揚、滁、和等州。十月，蒙古屠宋通州。十二月，蒙古攻宋叙州。宋以孟珙爲四川安撫大使，余玠爲四川安撫制置使，分別經營東西川，以禦蒙古。是歲，蒙古人在東歐一帶之勝利與殺戮，使全歐爲之震驚。是年二月，窩闊台逝世訊傳至軍中，蒙古人始撤退，沿途掃蕩保加利亞、瓦拉幾亞、摩爾達維亞，經黑海北岸退至伏爾加河下游，拔都建薩來爲都城，號欽察汗，後分數部，嫡長部落爲金帳汗。自此統治俄羅斯諸國達兩個半世紀之久。

1243 年

癸卯 宋淳祐三年 蒙古乃馬真皇后稱制二年

三月，蒙古破宋資州。八月，宋禁州縣社倉科配於民。是歲，余玠在蜀與蒙古大小三十六戰。宋史學家李心傳死。

1244 年

甲辰 宋淳祐四年 蒙古乃馬真皇后稱制三年

五月，宋淮東軍泛海擾蒙古膠、密。蒙古擾宋壽春。蒙古耶律楚材死。

1245 年

乙巳 宋淳祐五年 蒙古乃馬真皇后稱制四年

二月，蒙古擾宋，敗於五河。五月，宋大造輕捷戰船以固江防。七月，蒙古掠宋淮西，至揚州而去。宋詔嚴私販苛征之禁。

1246 年

丙午 宋淳祐六年 蒙古乃馬真皇后稱制五年 貴由汗元年
春，蒙古擾宋兩淮。七月，蒙古貴由汗立爲大汗，是爲定宗。十二月，亡金將土據太行山反抗蒙古者十餘年，至是始降。蒙古擾宋京湖、江、淮至黃州。宋名將孟珙死。是歲，小亞美尼亞王海敦之弟森巴德赴和林朝覲貴由汗。同年格魯吉亞王亦遣其弟二人入朝。

1247 年

丁未 宋淳祐七年 蒙古貴由汗二年
春，蒙古擾宋泗州。九月，蒙古以高麗不奉歲貢，攻之，自後凡八年，取十四城。十一月，蒙古嚴括人戶。

1248 年

戊申 宋淳祐八年 蒙古貴由汗三年
三月，蒙古貴由汗死，皇后海迷失稱制，立皇子失烈門，諸王多不服。

1249 年

己酉 宋淳祐九年 蒙古海迷失皇后稱制元年
正月，宋給官田五百畝，命臨安府創慈幼局。春，蒙古擾宋淮西。十月，宋嚴禁毀錢鑄器。

1250 年

庚戌 宋淳祐十年 蒙古海迷失皇后稱制二年
二月，宋詔沿海嚴查私運銅錢，並嚴禁偽造會子。

1251 年

辛亥 宋淳祐十一年 蒙古海迷失皇后稱制三年 蒙哥汗元年
六月，宋求遺書。蒙古諸王、大將共立拖雷子蒙哥爲大汗，是爲憲宗；窩闊台汗子孫皆不平。蒙哥汗以皇弟忽必烈總漠南軍事。是歲，宋兩廣、福建、江西、湖南大疫。

1252 年

壬子 宋淳祐十二年 蒙古蒙哥汗二年
正月，蒙古置經略司於汴。二月，蒙古擾宋隨、郢等州。四月，蒙古徙窩闊台汗子孫及諸王於各邊，賜海迷失皇后死，幽失烈門。五月，宋玉山饑民起事，六月，敗散。七月，宋兩浙、江東西、福建等路水。八月，宋行會天曆，詔改明年元。蒙古忽必烈至臨洮，爲攻蜀計。十月，蒙古擾宋嘉定。十一月，宋臨安大火。是歲，蒙古籍漢民戶。

1253 年

癸丑 宋寶祐元年 蒙古蒙哥汗三年
正月，蒙古擾宋萬州。蒙古大封同姓，各予分地。三月，蒙古擾宋海州。六月，蒙古命旭烈兀西征。八月，宋行皇宋元寶錢。九月，蒙古忽必烈分三道攻雲南，十月，降摩些，十一月，降白蠻，十二月，入大理。蒙古攻高麗，拔東州、春州等地。

1254 年

甲寅 宋寶祐二年 蒙古蒙哥汗四年
正月，蒙古城利、閬二州，且耕且戰，以經營四川。二月，蒙古擾宋合州。六月，宋浙西荻浦鹽民起事，逾三月敗散。七月，蒙古攻烏蠻，俘大理王段智興。十一月，蒙古城光化以經營荆襄。十二月，宋整飭賦籍，行

自實法，先試於兩浙、江南、湖南；逾三月，罷之。蒙古屯亳州以經營兩淮。

1255 年

乙卯 宋寶祐三年 蒙古蒙哥汗五年
二月，蒙古興學校於京兆。七月，蒙古自吐蕃擊降西南夷。蒙古定包銀之法。

1256 年

丙辰 宋寶祐四年 蒙古蒙哥汗六年
三月，蒙古續簽諸路漢軍。五月，宋結羅鬼以禦蒙古。六月，宋修浙江堤成。七月，蒙古擾宋叙州。十月，蒙古於漠南築城爲都，三年而成，賜名開平府。是歲，蒙古開通雲南與四川之路，會師侵宋。高麗及雲南諸國皆朝貢於蒙古。

1257 年

丁巳 宋寶祐五年 蒙古蒙哥汗七年
正月，宋禁民作白衣會。蒙古擾宋襄陽。閏四月，蒙古擾宋劍門。六月，蒙古置郡縣於雲南。十月，蒙古以安南囚其使，自雲南攻之，安南王陳日昪敗走海上，請降。是歲，元文學家元好問死。宋行推排法於諸路。

1258 年

戊午 宋寶祐六年 蒙古蒙哥汗八年
二月，蒙古大舉侵宋，蒙哥汗自攻蜀，忽必烈攻鄂，雲南之師自交廣北上。前鋒至蜀，宋西川州縣皆降。蒙古旭烈兀西征，平十餘國，至是獻捷。旭烈兀遂留西方，是爲伊兒汗國。安南王陳日昪傳位於光昺，遣使貢於蒙古。四月，蒙古擾宋海州、漣水。八月，宋申銅錢出海之禁，嚴查倭船。十一月，蒙古破宋海州、漣水。十二月，宋改明

年元。蒙哥汗歷下宋隆、雅等州。

1259 年

己未 宋開慶元年 蒙古蒙哥汗九年
正月，蒙古擾宋忠州，四川中部諸州多降。二月，蒙哥汗圍合州。六月，蒙哥敗宋援蜀軍於江。七月，蒙哥汗死於軍。八月，蒙古忽必烈督師至鄂州，九月，渡江圍之，別軍入臨江、瑞州。十一月，蒙古雲南軍入宋廣西，長驅至潭州。宋帥賈似道請劃江爲界，奉幣請和於蒙古，忽必烈許之，急遽北歸爭位。十二月，宋改明年元。蒙古攻潭州兵北還。

1260 年

庚申 宋景定元年 蒙古忽必烈汗中統元年
正月，宋遮殺蒙古渡江尾軍七百餘人。二月，蒙古侵江西軍北還。三月，賈似道匿請和納幣事，以大敗蒙古解鄂州圍上聞。蒙古忽必烈稱大汗於開平，是爲世祖。四月，蒙古釐定內外官制。蒙古皇弟阿里不哥稱大汗於和林。五月，蒙古初建元中統。蒙古立十路宣撫司。六月，蒙古擾淮安。七月，蒙古遣郝經使宋，被拘於真州。蒙古忽必烈汗自將討阿里不哥，內戰以起。九月，蒙古秦蜀行省軍敗阿里不哥黨於甘州。十月，蒙古初行中統寶鈔。十二月，蒙古以吐蕃僧八思巴爲國師，統釋教。蒙古定戶籍科差條例。是歲，旭烈兀部將怯的不花陷敘利亞之阿勒頗與大馬士革。是年秋與埃及蘇丹忽秃思及其大將突厥人拜伯爾斯戰於耶路撒冷北之迦利利平原，蒙古軍大敗。怯的不花被俘後，忽秃思下令殺之。同年蒙古大汗蒙哥逝世，訊傳至軍中，旭烈兀北上奔喪，無暇報復，此爲蒙古出師以來第一次大敗北。

1261 年

辛酉 宋景定二年 蒙古中統二年

二月，宋申偽造會子之禁。四月，蒙古聽軍中所俘儒士贖爲民。六月，宋賈似道行打算法於諸路以核軍費，大將獲罪者不少，瀘州將劉整叟以州叛降於蒙古。蒙古罷坑冶所役民夫及舞陽蠶戶、簾花戶還之州縣，出工局繡女任婚嫁。蒙古修沁河渠成。七月，蒙古設翰林國史院，並修遼金史。八月，蒙古遣官爲諸路勸農使，又頒量衡新制。九月，蒙古立諸路提舉學校官。蒙古置和糴所於開平。十一月，蒙古忽必烈汗自將大破阿里不哥。

1262 年

壬戌 宋景定三年 蒙古中統三年

正月，宋復瀘州。二月，蒙古始定中外官俸。蒙古將李璫殺蒙古戍兵，以海州、漣水等地降於宋，封齊郡王；璫攻據青、淄、濟南。五月，宋復蘄縣。蒙古眞定等地蝗。七月，李璫敗死。八月，蒙古以郭守敬提舉諸路河渠，自是大興水利。九月，蒙古破宋宿、斬二州。十月，宋歸化州土酋峇氏納土輸賦。十二月，蒙古立十路宣慰司。是歲，旭烈兀擬進攻埃及爲怯的不花復仇，金帳汗別里哥遣兵襲其後，旭烈兀大敗，蒙古在西方之兩大汗國自是內鬨不休。

1263 年

癸亥 宋景定四年 蒙古中統四年

二月，宋置官田所，括買公田。蒙古遣使責宋羈留郝經。蒙古置局於諸路，造軍器，嚴禁民間私藏私造，嗣弛邊城之禁。蒙古攻宋重慶。五月，蒙古初立樞密院，升開平府爲上都，立平準庫於燕京。九月，蒙古立漕運河渠司。是歲，蒙古河北、山東等地旱

蝗。

1264 年

甲子 宋景定五年 蒙古中統五年 至元元年

正月，蒙古立諸路平準庫。六月，宋衢州民詹沔起事，攻常山等地。宋攻蒙古於虎嘯山，敗。七月，蒙古阿里不哥等降。八月，蒙古立諸路行中書省，行新立條格，改燕京爲中都，改元至元。九月，宋行經界推排法於諸路，更造銀關一抵會子三。十月，高麗王朝於蒙古。宋理宗死，太子禪嗣，是爲度宗。十二月，蒙古廢諸將世襲之制。是歲，蒙古河北、山東等地大水。郭守敬於舊夏地修復渠堰，灌田九萬餘頃；又於西涼、瓜、沙等地開水田。旭烈兀卒，子阿八哈嗣位，西方基督教徒假蒙古人之手以消滅伊斯蘭教之望絕。

1265 年

乙丑 宋度宗趙禔咸淳元年 蒙古至元二年

正月，蒙古嚴禁販馬越界，又以河南北荒田分給蒙古軍耕種。二月，蒙古敗宋兵於釣魚山。蒙古定制各路以蒙古人充達魯花赤，漢人充總管，回回充同知。五月，蒙古省並州縣二百餘。八月，蒙古擾宋廬州、安慶。九月，宋兵攻蒙古於潼川，敗。是歲，宋定災異祥慶免征商稅、給賞宿衛之例。

1266 年

丙寅 宋咸淳二年 蒙古至元三年

正月，蒙古立制國用使司，以阿哈馬爲使，專事培尅。八月，蒙古令高麗導使者往日本。十月，蒙古破宋開州。十一月，蒙古禁天文、圖讖等書。十二月，蒙古修中都漕渠，

導盧溝水以運西山木石，又於平陽導汾水溉田千餘頃。

1267 年

丁卯 宋咸淳三年 蒙古至元四年
正月，蒙古禁僧官侵理民訟。 蒙古城中都。
八月，蒙古擾宋襄陽，掠生口五萬。 九月，安南貢於蒙古。 十月，宋復開州。 是歲，蒙古頒萬壽曆。 蒙古議選舉法，不果行。

1268 年

戊辰 宋咸淳四年 蒙古至元五年
三月，蒙古罷諸路女直、契丹、漢人爲達魯花赤者；其回回、畏吾兒、乃蠻、唐兀人仍舊。
五月，蒙古擾宋白馬等城砦。 六月，宋罷浙西公田莊，募民耕種，減租額什三。 七月，蒙古置御史台。 八月，蒙古圍襄陽。 九月，蒙古復命高麗導使者往日本。 十一月，宋襄陽軍攻蒙古諸寨，敗。 宋行義役法。 是歲，蒙古中都、南北京州郡大水。

1269 年

己巳 宋咸淳五年 蒙古至元六年
正月，宋揚州開河四十里以通運。 蒙古修朝儀。 蒙古擾宋復州、德安，掠萬人。 二月，蒙古頒行八思巴所創新字。 三月，蒙古圍宋樊城，宋軍拒戰，大敗。 六月，高麗王遣子朝蒙古。 七月，宋襲蒙古，圍襄陽，敗。 九月，高麗王植被廢，弟曄立；蒙古遣使詰問，十月，發兵問罪，十一月高麗王植復位，蒙古兵乃退。 安南貢於蒙古。 是歲，蒙古益都等地大水，河南北蝗。 蒙古始立常平法。 蒙古定達魯花赤及省部令譯史等出職銓注法。 宋文學家劉克莊死。

1270 年

庚午 宋咸淳六年 蒙古至元七年
正月，蒙古立尚書省，罷制國用使司。 宋頒成天曆。 二月，蒙古立司農司，尋改大司農，設四道巡行勸農司。 宋襄陽軍出攻蒙古，敗。 蒙古遣兵入高麗，立行省，設達魯花赤監其國。 三月，蒙古改行中書省爲行尚書省。 五月，宋四川軍與蒙古軍戰於嘉定、重慶，皆敗。 六月，蒙古禁民秋掠宋境。 十二月，蒙古遣使於日本。 金齒、驃國附於蒙古。 是歲，宋浙西水。 蒙古山東飢，河南北旱。

1271 年

辛未 宋咸淳七年 蒙古（元）至元八年
二月，蒙古發中都等地民築宮城。 四月，蒙古遣兵攻高麗之不服者。 五月，蒙古分圍襄陽之兵以攻四川宋地。 蒙古分大理國三十七部爲三路。 六月，宋兵救襄陽，爲蒙古所敗。 七月，宋襄陽軍攻蒙古營，敗。 九月，宋由海道攻蒙古膠州，敗。 十一月，蒙古改國號爲元。

1272 年

壬申 宋咸淳八年 元至元九年
正月，元罷尚書省，行尚書省仍改爲行中書省。 元赴日本使者遣人與日本二十六人至中都。 元改中都爲大都。 四月，元擾宋漣水。 五月，宋將張貴、張順援襄陽，入重圍，得達，後皆戰死。 十一月，高麗抗元者敗奔耽羅，元遣兵攻之。 十二月，宋攻元於成都，毀其大城。

1273 年

癸酉 宋咸淳九年 元至元十年
正月，元破樊城，宋將范天順、牛富戰死；二月，宋將呂文煥以襄陽叛降於元。 六月，元

兵入耽羅，派兵鎮之。十月，元擊降建都蠻。是歲，元境或水或蝗。元立京師醫藥院，禁陰陽圖讖等書。

1274 年

甲戌 宋咸淳十年 元至元十一年
正月，元簽軍十萬，二月，造戰船八百；六月，命伯顏帥以伐宋。七月，宋度宗死，子昀嗣，是為恭帝，太皇太后謝氏垂簾聽政。九月，元兵自襄陽分道東下，過郢州，宋將張世傑力戰；元兵舍郢而前，十月，屠沙洋，破新城，宋將邊居誼戰死；十一月，下復州；十二月陷陽邏堡，宋將王達等戰死；復回軍下漢陽、鄂州。宋稅貴戚、僧道田以供軍需。是歲，元地九路蟲災。元劉秉忠死。元遣官至高麗督造戰艦，命發兵助攻日本，至壹岐島，敗日守軍而還。

1275 年

乙亥 宋恭帝趙昀德祐元年 元至元十二年
正月，宋黃蘗以下沿江諸州軍多望風納款於元。元遣使赴宋。二月，元遣使於日本。宋賈似道督師於池州，使人請和於元被拒，尋大潰，奔揚州，遂罷職。元兵徇江西。宋文天祥率師北上抗元。宋放元使郝經歸。三月，元兵入宋建康，平江、滁州、廣德皆降於元。元使赴宋，至獨松關，一被殺，一傷死。元兵徇荆湖。宋罷公田給原主，令率租戶為兵。四月，元兵攻揚州，李庭芝固守。七月，宋舟師與元戰於焦山，大敗。宋貶賈似道，安置循州，為押者殺於潭州。九月，元增稅課，榷鐵器，禁私造銅器。十月，元兵攻宋潭州，李芾固守。元大兵分道由建康趨臨安。宋元兵大戰於常州。十一

月，常州破，元屠其民。元令高麗改官制與元相類者。十二月，宋遣使於元軍前請和被拒；繼復使人以稱姪、稱姪孫納幣請和，復被拒。

1276 年

丙子 宋德祐二年 端宗趙昀景炎元年 元至元十三年
正月，元兵破潭州，李芾等死之，宋湖南州府多降。宋以益王昀判福州，廣王昀判泉州，以圖興復。元前鋒至臨安，宋帝奉表請降，遣右丞相文天祥等詣元軍，天祥被留，尋脫歸。元鑿濟州漕渠。二月，宋益、廣二王南走，元遣兵追之。三月，元以宋帝、太后等北行。閏三月，宋陸秀夫等於溫州奉益王為天下兵馬都元帥；五月，益王即帝位於福州，改元景炎，是為端宗；以廣王昀為衛王。七月，文天祥奉命經略江西。宋李庭芝等南奔至泰州，被俘不屈死。元改楊村漕渠，八月，又穿武清漕渠。九月，元兵分道經略閩、廣，十一月，元兵入福建，宋帝由海道南走泉州，又走潮州。十二月，元兵破興化，宋知軍陳文龍被執，不食死。宋將張瑄復漳、浚二州，屢敗元兵，為宋拒守。元兵破靜江，宋守臣馬瑩等死之；尋徇下潯、容等州。宋帝至惠州，奉表請降。

1277 年

丁丑 宋景炎二年 元至元十四年
正月，元以天師張宗演領江西諸路道教。二月，元以番僧楊璉真加為江南總攝掌釋教。四月，元置榷場於碭門、黎州與吐蕃貿易。文天祥至江西，連復數州縣。淮人張德興等起兵抗元，用宋景炎年號，攻下黃州、壽昌，逾四月敗死。五月，元河南、山東水旱。七月，元諸王昔里吉叛附海都汗，逾月敗死。

八月，文天祥敗走循州。九月，元遣兵海陸追宋帝。播州土酋降元。十一月，宋帝走香山，居於民宅；十二月，又走井澳謝女峽。是歲，元以緬甸不朝，且擾永昌，遣兵攻之。

1278 年

戊寅 宋景炎三年 宋帝昀祥興元年 元至元十五年

正月，元兵破重慶，俘宋將趙珙，於是紹慶等州府皆降。三月，宋帝至碙州，四月死，衛王昀立，五月，改元祥興，六月，移駐新會海中厓山。元將張弘範請攻厓山，許之。七月，湖南張烈良等起兵抗元，應者紛紛，尋皆敗死。閏十一月，羅鬼等降於元。十二月，文天祥兵敗被俘。

1279 年

己卯 宋祥興二年 元至元十六年

正月，宋合州降於元。元將張弘範攻厓山，二月，宋兵大潰，陸秀夫負宋帝蹈海死，大將張世傑溺死，宋亡。三月，從郭守敬言，遣監候官四出測晷度。四月，大都等十六路蝗。五月，南安人李梓發據城抗元經年，至是城破，舉家自焚，縣人從死者甚衆。西南八番降元。

1280 年

庚辰 元至元十七年

正月，括江淮銅及銅錢銅器。命泉州行省攻山寨未服者。放荆南、江西、廣西被俘爲奴者三萬一千餘人爲民。二月，命雲南軍擊緬甸。三月，劍南等路民紛起反抗，江西亦不靖，遣官撫定之。六月，頒鈔法於江南，廢宋銅錢。八月，占城、馬八兒入貢。遣兵與高麗征日本，以颶風船壞無功。漳州陳吊眼、頭陀軍首領黃華聚衆反，遣兵攻之，華

降。十月，遣人求黃河源。十一月，頒郭守敬等所製授時曆。是歲，理學家姚樞、竇默死。

1281 年

辛巳 元至元十八年

正月，遣兵與高麗共攻日本。邵武民高日新起兵反抗，尋敗。二月，發肅州軍民鑿渠溉田。五月，嚴禁買賣人口。七月，遣兵往占城。八月，攻日本軍遭風，十餘萬人只三人生還。閏八月，括江南戶口稅課。十月，募民屯田淮西。以安南王陳日烜反抗，立其叔遣愛爲王，衛之入國。立行省於占城，備船發兵以經略海外。陳吊眼敗死。十二月，開河於膠、萊以通海運。許衡死。

1282 年

壬午 元至元十九年

二月，遣兵攻緬甸。申嚴漢人藏軍器之禁。三月，千戶王著殺阿合馬。四月，刊行蒙古畏吾兒字所書通鑑。五月，阿合馬奸賊事大白，戮其屍，誅其徒黨，罷其濫設官府一百七十一所。以占城執使者，發兵攻之。八月，江南水。九月，俱藍入貢。定雲南賦稅用金貝，並括雲南所產金。十月，由大都至瓜州置漕運司二。十二月，殺宋丞相文天祥。浚濟州河。是歲，太平、宣城、徽州民紛起反抗，尋敗死。河北、山東旱。置留守司。規措諸路鹽法。置內藏三庫，以宦者董其事。

1283 年

癸未 元至元二十年

正月，命備軍儲、習水戰以攻日本，嗣不果行。三月，新會林桂方等起事，國號羅平，建元延康，尋敗死。四月，申嚴酒及私鹽之

禁。六月，以攻日本，征調煩苛，民大騷動。命四川軍攻思播以南溪峒。申嚴私易金銀之禁。八月，濟州新開河成。九月，象山海賊尤宗祖等九千餘人降，海道遂安。十月，黃華降而又反，稱宋祥興五年，攻崇安等縣，尋敗死。十二月，定質子令，凡大官子弟皆遣赴京師。是歲，立海運萬戶府二。詳定官吏銓選之制。湖南、北民多起反抗，喬大使爲之首，大使被擒，遂漸散。

1284 年

甲申 元至元二十一年

正月，攻緬軍擊降建都王烏蒙等十二部。遣使宣諭日本，使者爲從人所殺。二月，賓州民黃大成等起事，梧、韶、衡、漳諸州民相繼而起。四月，攻緬軍敗，發思播峒丁援之。五月，敕宣命劄付皆用蒙古書。任丘縣民李移住謀起事，未成，死。括私藏天文、圖讖、太乙、雷公式、七曜曆、推背圖、苗太監曆，禁私習及收匿。六月，遣人分道測晷影、日月交食。增官吏俸。七月，再遣兵假道安南攻占城。十月，立常平倉。十二月，令江南豪民僧道首實所侵官田。開神山河。集諸路醫士增修本草。攻占城軍入安南，敗其拒戰之兵。

1285 年

乙酉 元至元二十二年

正月，發軍浚武清漕渠。立市舶都轉運司及諸路常平鹽鐵坑冶都轉運司。增軍屯田芍陂。括京師荒田，令衛士屯種。西川趙和尚詐稱宋王子，真定民劉驢兒自以有異相，皆謀起事，不成，死。二月，增濟州漕船役。發軍穿河西務河。潮、惠二州民郭逢貴等百五十餘寨抵抗經年，至是敗散。罷膠萊運河。立規措所以攬財利。五月，入安南軍

還，被截多死。六月，命女真、水達達造船備攻日本。七月，增兵攻安南。八月，改酒酤鈔法。真臘貢藥材、鱷皮。十月，斂軍儲，理船舶，又黥囚徒，招私鹽販習海道者爲水工，備攻日本；嗣不果行。十一月，命四川軍攻思播南蠻僚。

1286 年

丙戌 元至元二十三年

正月，禁携金、銀、銅錢出海。二月，禁漢民持鐵尺、手鋤及杖之藏刃者。令湖廣等行省造船發兵備攻安南。封陳益稷爲安南國王。三月，遣人求江南人材。六月，頒大司農司所定農桑輯要於諸路。括諸路馬，色目人三取二，漢民悉入官。七月，增淮南屯田兵，歲收穀數十萬斛。八月，永康民陳選四等謀起事，未成，死。九月，馬八兒等十國入貢。十月，河決開封等地十五處，調民夫二十餘萬築隄。

1287 年

丁亥 元至元二十四年

正月，浚河西務漕渠。大發水陸軍攻安南。二月，復立尚書省，仍改行中書省爲行尚書省。三月，更造至元鈔，一抵中統鈔五。開汶泗水以通京師運道。開封河溢。四月，宗王納顏反，六月，敗死；七月，其餘黨掠咸平，旋敗散。九月，安南貢方物。十一月，以十年來江南盜賊紛擾，立限責州縣招捕之。婺州柳分司、處州詹老鶴、溫州林雄、徽州汪千十及廣東鄧太獠、劉太獠等攻擾經年，至是相繼敗死。十二月，攻安南之軍至交趾城，其王陳日烜走入海。胡三省死。

1288 年

戊子 元至元二十五年

正月，賀州民七百餘人攻封州，循州民萬餘攻梅州，尋敗散。宗王海都擾北邊。募民耕江南曠土。三月，泉州民二千人攻長泰，汀、贛畚民千餘攻龍溪，尋敗散。攻安南軍還，多被截殺。四月，渾河決，江、淮饑，浙西水。安南貢方物。宗王火魯火孫反。廣東民董賢舉、循州民鍾明亮皆稱大老，湖南民詹一仔聚眾四望山經年，至是敗死。五月，宗王闊闊帶反，旋被執。六月，處州民柳世英攻青田等縣，旋敗散。七月，以南安等路連歲不靖，免其逋賦。十月，大同民李伯祥等謀起事，未成，死。海都擾北邊。免儒戶雜徭。十一月，禁有分地者私役民爲柴米戶及賦外雜徭。柳州民黃德清、潮州民蔡猛以反抗死。遣使諭安南王陳日烜入朝。馬八兒等國入貢。十二月，海都擾北邊。湖頭民張治田等攻泉州。是歲，汴梁路河決二十二處。

1289 年

己丑 元至元二十六年

正月，合丹擾邊。鍾明亮掠贛州，寧遠畚民丘大老掠長泰，尋敗散。二月，浚滄州禦河。台州楊鎮龍據玉山，稱大興國，建元安定，眾十餘萬，攻東陽等縣，浙東大震。三月，渾天儀成。四月，禁江南民挾弓矢。安南入貢。遣工開高麗銀礦。置木棉都提舉司，又於浙東、江東、江西、湖廣、福建置提舉司，歲課棉布十萬匹。徙乃顏人戶於江南，充水軍。前宋江西招諭使謝枋得數拒徵，至是被迫至大都，不食死。五月，浚河西務至通州漕渠。鍾明亮降。青山苗降。六月，開安山渠成，賜名會通河，凡二百五十里，役工二百五十餘萬。西南夷中下爛土等處洞長降。七月，海都擾北邊。九月，置高麗儒學提舉司。十月，丘應祥、董賢舉等

被俘。鍾明亮復攻梅州，江羅等攻漳州，韶、雄等二十餘處皆應之。婺州民葉萬五攻武義。楊鎮龍敗死。贛州胡海等攻掠經年，至是降。緬甸貢方物。十一月，漳州民陳機察等攻龍岩，尋與丘大老、張順等降。建寧黃福、陸廣等謀起事，未成，死。十二月，括馬。廣東閩太獠、蕭太獠、曾太獠、陳太獠、嚴太獠曾紛起攻掠，至是皆敗。

1290 年

庚寅 元至元二十七年

正月，立興文署，掌經籍版。安南入貢。命高麗發耽羅戍兵討合丹。二月，鍾明亮再降。江西民華大老、黃大老等攻樂昌等縣，尋敗散。三月，建昌民丘元等攻南豐等縣，尋敗死。楊鎮龍餘部攻浙東。太平縣民葉大五等起事，尋敗死。河北十七府州蝗。合丹擾海陽，五月，又擾開元。鍾明亮又攻贛州。立銀場官於雲南。徽州民胡發等起事，尋敗死。婺州處州民呂重二、楊元六等、泉州民陳七師等起事，尋敗死。六月，太康河溢。杭州民唐珍等起事，尋敗死。七月，貴州苗攻順元，殺官吏。建平民王靜照、蕪湖民徐汝安等起事，尋敗死。八月，地震，武平地陷，死七千餘人。九月，禁漢人田獵。十月，江陰等路大水，民流者四十餘萬戶。十一月，河決祥符，淹陳、許二州；易水溢，淹雄、霸等州。十二月，括民間兵器。仙游民朱三十五等攻青山，尋敗死。青田民劉甲乙等攻溫州。湖廣兵破鍾太獠及江西龍泉諸攻掠者。

1291 年

辛卯 元至元二十八年

正月，罷江淮漕運併於海運。免江淮十三年逋貢租三百餘萬石及絲鈔等。右丞相桑哥

罷，尋籍沒誅之，並罷其苛政。二月，禁江淮豪民掛名府縣吏藉圖免差賦。五月，楊璉真伽下獄籍沒。罷江南六提舉司歲輸棉布。罷尚書省入中書省，諸行尚書省仍爲行中書省。頒至元新格。六月，益江淮兵，擊郴州等四路盜賊。八月，安南貢方物。遣使詔諭瑠球，未得達而還。保定等三路大水。十月，以米二十萬斛賑高麗饑。遣使安南，征其主入朝。嚴益都等六路畋獵之禁。十一月，立都漕運萬戶府二，以督海運。十二月，八番洞二百五十寨貢方物。是歲，共有寺宇四萬二千三百一十八，僧尼二十一萬三千一百四十八。

1292 年

壬辰 元至元二十九年

正月，禁携金銀入海。二月，柔州苗、羅甸國、古州等峒民十二萬九千餘戶來附。遣兵攻爪哇。六月，聽僧食鹽不輸稅。湖州等七路大水，免田租一百二十五萬七千八百餘石。上思州首領黃勝許結安南攻擾，尋敗奔安南。八月，浚通州至大都漕河。遣兵攻八百媳婦國。九月，再遣使諭安南王入朝。徙瓜、沙民於甘州。寧夏土田向半植紅花，詔盡種穀、麥。諸王明理鐵木耳附海都反，遣兵討平之。十二月，汀、漳民歐狗攻掠經年，至是爲部下縛獻，被殺。辰州蠻攻擾。海南黎人攻擾。

1293 年

癸巳 元至元三十年

正月，揚州屯田四萬餘頃，官種外，聽民耕墾。二月，置高麗沿海水驛。申嚴江南兵器之禁。三月，括馬匹牧海都五部，屯兵守之。四月，上海、澈浦、慶元、廣東等市舶司，准泉州抽分法，三十取一。攻爪哇軍敗

葛郎國，以爪哇王金字表及方物還。五月，浙西大水。征僧寺之邸店稅。七月，通州至大都漕河成，賜名通惠河，凡役工二百八十五萬。十月，禁江南州、縣略買良家子女。

1294 年

甲午 元至元三十一年

正月，元世祖死；四月，太孫鐵木耳即位於上都，是爲成宗。八月，浚太湖、澱山湖成，撥軍士守巡。十月，緬甸貢象。黔中苗時出攻擾，遣兵擊之。是歲，滅宋之伯顏死。

1295 年

乙未 元成宗鐵木耳元貞元年

二月，緬國入貢。三月，安南獻方物。四月，設各路陰陽教授。五月，升江南諸大縣爲州。七月，令江南地稅輸鈔。九月，爪哇獻方物。十一月，括江浙隱漏官田。是歲，宋遺民謝翱死。

1296 年

丙申 元元貞二年

正月，上思州黃勝許攻掠城砦，敗走安南。二月，自六盤山至黃河置軍屯田。五月，征民間馬牛羊，百取一。土番攻階州。七月，廣西民陳飛等攻昭、梧等州。尋敗散。八月，禁携金銀入海，諸使外國者不得營商賈事。九月，元江土民擾邊，尋敗。雲南擊降奇藍。十月，贛州民劉六十起事，建立名號，尋敗死。是歲，大都等路水，太原等路旱。宋學者王應麟死。

1297 年

丁酉 元元貞三年 大德元年

二月，封緬首領爲國王。改元大德。五月，河決汴梁。黃勝許請降。六月，歷陽

江水溢，沒萬餘家。七月，河決杞縣。八月，八百媳婦國反抗，遣兵攻之。十月，爪哇遣使奉表請降。破海都兵，入八鄰地。十一月，禁豪民、僧道、諸王、駙馬擅據礦炭山場。是歲，各路多水旱災。

1298 年

戊戌 元大德二年

正月，禁諸王、公主、駙馬受人獻公私田地。四月，江浙、兩淮、山東、河北蝗。七月，汴梁等處水。九月，安南、爪哇、金齒貢方物。十二月，括諸路馬。定諸稅三十取一。是歲，宗王篤哇等擾北邊。

1299 年

己亥 元大德三年

正月，置各路惠民局，擇良醫主之。三月，遣僧使日本。五月，罷江南釋教總統。六月，禁海商以人馬、兵仗貿易於外國。七月，江南諸寺佃戶五十餘萬，詔清釐之。十一月，浚太湖、滌山湖。十二月，荊湖等地無公田處，皆皆責民出公田租，至是免之。

1300 年

庚子 元大德四年

正月，復淮東漕渠。二月，於烏蒙等地置州縣。六月，以緬內亂，殺其王，責問之。十二月，遣兵攻入八百媳婦國。

1301 年

辛丑 元大德五年

正月，罷征東行省，撤監高麗國之官。五月，雲南土官宋隆濟起事，六月，圍征八百媳婦軍；八月，金齒邀擊攻八百媳婦軍；遣兵攻之。海都擾北邊敗還，旋死。十一月，羅鬼起事，烏蒙諸部應之。僇人三十六峒降。

是歲，大興、平梁、淮西等地水。

1302 年

壬寅 元大德六年

正月，築渾河堤。命官清釐江南影占稅民田土。征八百媳婦軍爲宋隆濟遮殺殆盡。二月，大發兵攻八番。四月，修盧溝隄。十一月，羅鬼大敗。十二月，衡州民袁舜一等攻郴州，旋敗。是歲，上都、保定、福州、湖州、建康等路饑。

1303 年

癸卯 元大德七年

三月，遣使宣撫諸道，劾罷臧污官吏一萬八千四百七十三人，平冤獄五千一百七十一件。三月，大元一統志成。四月，羅鬼降，宋隆濟敗逃。五月，濬滎河。閏五月，命僧與民均當差役。六月，屯田甘州。七月，北邊諸叛王相繼降。八月，地震，斷續者數月，太原、平陽壓死者不可勝計。

1304 年

甲辰 元大德八年

三月，征民間羊及百至三十者取其一。四月，命僧道爲商者輸稅。五月，濬松江、吳江。開尉等處河溢。十月，安南入貢。十二月，定蒙古、色目、漢人國子生員額。

1305 年

乙巳 元大德九年

二月，免道士賦稅。四月，地震，大同路壓死二千餘人。八月，歸德、陳州河溢。十月，括兩淮豪民所占地，令輸稅。

1306 年

丙午 元大德十年

正月，濬吳松、揚州、真州漕河。罷江南白雲宗都僧錄司。發河南民十萬築河堤。四月，羅雄等處蠻攻擾，旋敗散。五月，復置征東行省以監高麗。八月，地震開成路，壓死五千餘人。十月，安南貢方物。十二月，瓊州臨高黎人起事，尋敗散。

1307 年

丁未 元大德十一年

正月，元成宗死；二月，兄子愛育黎拔力八達至大都監國，迎其兄海山；五月，海山即位，是爲武宗。六月，遣使求經籍。七月，江、浙、湖廣、江西、河南、兩淮、山東饑。八月，命印孝經賜諸王。

1308 年

戊申 元武宗海山至大元年

正月，紹興、建康等六路饑戶四十六萬餘，戶月以米六斗賑之。二月，立鷹坊爲仁虞院，秩正一品，右左丞相並爲仁虞院使。發軍士修五臺山佛寺。紹興等府大疫。五月，禁白蓮社，毀其祠宇，以其人還隸民籍。六月，隴西、雲南地大震。六月，江淮饑，益都大水，人相食，濟寧、泰安水。十一月，以國用不足，沙汰宣徽等院人數。

1309 年

己酉 元至大二年

四月，撥漢軍屯墾直沽田十萬頃。益都等路蝗。六月，課僧道賦稅。七月，河決歸德、封丘。八月，復置尚書省，改行中書省爲行尚書省。九月，行至大銀鈔，一兩準金一錢、銀一兩、至元鈔五貫。初鑄錢，於大都立資國院，山東等地立泉貨監六，產銅地立提舉司十九。文曰至大通寶者，一文準銀鈔一厘；文曰大元通寶者，一準至大通寶十。

十月，以江南富豪佃戶有至萬家，收糧歲至五萬石者，令石輸二升於官。弛酒禁，置酒課提舉司。十一月，八百媳婦國及大小徹里擾邊，遣兵攻之，敗還。十二月，禁漢人執弓矢、兵仗。

1310 年

庚戌 元至大三年

正月，省中書官吏。重定課稅法。二月，浚會通河。六月，立上都、中都銀課提舉司。海都子察八兒來朝，以海都叛後積其分地五戶絲折爲幣帛總賜之。荆門大水山崩，壞官舍民居二萬餘間，死者二千餘人。河南及循州皆大水，漂沒廬舍。十月，釐訂海運都漕萬戶府制度。

1311 年

辛亥 元至大四年

正月，元武宗死，弟愛育黎拔力八達嗣，是爲仁宗。罷尚書省，諸行尚書省仍爲行中書省。二月，追還所授白雲宗總攝所詔書銀印，其僧本皆有髮，勒還民籍。罷福建繡匠、河南魚課兩提舉司。罷僧官，僧人訴訟悉歸有司。罷仁虞院。三月，禁民間製箔銷金、織金。四月，罷至大銀鈔、銅錢。五月，遣兵攻八百媳婦國。七月，增國子生額。禁醫人非選試合格者勿行醫。九月，江陵路大水。十二月，遣官諭安南。

1312 年

壬子 元仁宗愛育黎拔力八達皇慶元年

二月，八百媳婦國獻方物。九月，罷攻八百媳婦國及大小徹里。瓊州黎人起事，遣官撫之。十一月，占城獻方物，緬國使來朝。

1313 年

癸丑 元皇慶二年

二月，以各寺修佛事日用羊九千餘頭，命易以蔬食。 二月，外任官無公田者，以鈔給之。 四月，安南貢方物。 六月，河決陳、亳、睢州及陳留縣。 十月，命漢人、南人、高麗人宿衛者勿給弓矢。 詔行科舉。 十二月，放免廣東採珠烏鰲戶。

1314 年

甲寅 元延祐元年

正月，命各行省訪求遺逸。 三月，眞定等路饑。 暹羅、馬八兒入貢。 四月，立回回國子監。 七月，渾河決。 十一月，檢覈浙西、江東、江西田稅。 十二月，禁諸王、駙馬、權豪增價買鹽。 浚揚州淮安運河。 清釐諸衛屯田。 詔定官民車服之制。

1315 年

乙卯 元延祐二年

正月，禁民煉鐵。 浚鄴州漕河。 二月，辰沅峒蠻攻擾。 三月，初行科舉，蒙古、色目人爲右榜，漢人、南人爲左榜。 四月，命諸王分地達魯花赤以流官充，置副達魯花赤，由其王派充。 江西遭括田之擾最甚，贛州民蔡五九等起事，攻城戕官。 成紀縣山移，陷沒民居。 六月，河決鄭州。 七月，大都水，鄴州等地尤甚。 八月，蔡五九破寧化，稱王。 印農桑輯要萬部，頒之有司。 更定國子學貢試經書之法。 九月，蔡五九敗死。 十月，授白雲宗主沈明仁司空。

1316 年

丙辰 元延祐三年

四月，以河南流民渡江攻擾；賑之。 橫州徭攻擾。 五月，置遼陽金銀鐵冶提舉司。 六月，融、賓、柳州攻徭掠。 河決汴梁。 十

月，置鐵冶提舉司於五臺。 封武宗子和實拉爲周王，遣鎮雲南，行至中途，被擁至金山，西北諸王多來相附。 名天文、曆算、水利工程家郭守敬死。

1317 年

丁巳 元延祐四年

二月，命各縣置義倉。 五月，黃州、高郵、眞州、建寧流民所至攻擾，命撫遣之。 七月，成紀山崩，壞廬舍，壓死居民。 十一月，浚揚州運河。 十二月，立廣州採金銀珠子都提舉司。 饒州等路大饑。

1318 年

戊午 元延祐五年

正月，安南入貢。 塞杞縣決河。 二月，以金三千兩寫金字佛經；三月，又給金九百兩。 時內廷佛事歲費麵四十萬餘斤，油七萬九千斤，酥蜜五萬餘斤。 六月，西番攻擾。 七月，寧遠縣山崩；八月，伏羌、成紀縣山崩。 十月，零都縣民劉景周以征括田新租，聚衆反抗；命免征新租，招諭之。 十一月，增江西茶課。

1319 年

己未 元延祐六年

正月，暹羅貢方物。 南恩、新州徭攻擾。 二月，永昌蒲蠻等攻擾。 五月，揚州大火，燬公私廬社二萬三千餘區。 七月，緬國使來朝。 來安路土酋岑世興反，遣使招諭。 八月，伏羌山崩。 閏八月，浚會通河。 九月，浚鎮江練湖。 十月，以白雲宗主沈明仁強奪民田二萬頃，愚惑十萬人，奪官嚴鞫。 十一月，木邦路土酋帶邦攻擾。

1320 年

庚申 元延祐七年

正月，元仁宗死，太子碩德八剌嗣，是爲英宗。二月，籍江南冒爲白雲僧者爲民。括民間繁官山場、河泊、窯冶、廬舍。三月，爪哇入貢。四月，罷回回國子學。紹慶路蠻攻擾。六月，罷廣東採珠提舉司。整屋僧圓明稱皇帝，謀起事，敗死。七月，榮澤、開封河決。九月，澧州蠻攻擾。遣使於占城、眞臘，索馴象。西陽蠻攻擾。十二月，播州蠻人內附。上思州瑯結安南攻擾。是歲，滹沱河決，渾河溢，成紀山崩，河南饑。

1321 年

辛酉 元英宗碩德八剌至治元年

二月，調軍修上都華嚴寺，釋源宗主僧法洪授司徒。二月，疏小直沽白河。遣咒師往牙濟、班十，二國取佛經。五月，遷武宗子圖帖睦兒於海南。六月，渾河溢。七月，潞縣榆垓水決，滹沱河及巨馬河溢。邵陽道士劉志先謀起事，遣官捕之。八月，成紀縣山崩。九月，安陸漢水溢。嶺北災，蒙古人多鬻子女於回回、漢人爲奴婢，命官與贖還。十一月，疏玉泉河。帝師往西番受戒，賜金銀五千四百兩，帛萬疋，鈔五十萬貫。冶銅五十萬鑄壽安山寺佛像。

1322 年

壬戌 元至治二年

正月，禁漢人執兵器出獵及習武藝。儀封河溢。三月，河南、陝西旱。禁以金銀、絲綿、子女入海。五月，奉符、臨邑二縣民謀起事，未成，其首領王驢兒被殺。閏五月，禁白蓮佛事。沅陵縣蠻攻擾。六月，辰州江水溢。八月，寧遠民符翼軫起事，尋敗死。十一月，括江南僧有妻者爲民。十二

月，南康、建昌大水、山崩。來安土酋岑世興、葛蠻酋龍仁貴、柔遠土酋把者等攻擾。

1323 年

癸亥 元至治三年

正月，思明州民起事，尋敗散。罷上都等十州府金銀冶，聽民採煉，輸官什三。靜江、邕州、柳州僚人攻擾。泉州民留應總起事。二月，頒大元通制。西番攻掠。四月，浚金水河。行助役法。七月，招諭廣西左右兩江土酋黃勝許、岑世興。八月，御史大夫鐵失等害英宗，奉晉王也孫鐵木耳嗣位，是爲泰定帝。十月，殺鐵失等。八番、順元等路徭民攻擾。十一月，新會縣民汜長弟起事，旋敗死。十二月，浚鎮江漕河及練湖。雲南花脚蠻攻擾。

1324 年

甲子 元泰定帝也孫鐵木耳泰定元年

三月，橫州徭攻永淳縣。五月，循州徭攻長樂縣。賓州民方二攻擾，尋敗死。六月，遣使取女子於高麗。黃勝許、岑世興請降。雲南大理路你囊攻擾。大同渾源水、眞定滹沱河、陝西渭水、黑水、渠州江水皆溢。七月，思州、西陽等州土酋攻擾。放廣州、福建採珠蠻戶爲民。朝邑、濮陽、楚丘等地河、固安清河、任縣沙河、洺河、定州唐河皆溢，廬州等十一郡水。慶遠瑤酋降。八月，成紀山崩。九月，奉元、延安等路水。十月，徹里蠻攻擾，尋降。安南遣使入貢。浚眞州、吳江諸河。肇慶瑤酋降。十二月，雲南瑤攻擾。夔路九洞蠻攻擾。是歲，貫雲石死。

1325 年

乙丑 元泰定二年

正月，以江南民貧僧富，命寺觀田非宋舊制及特賜者與民均役。廣西山僚攻擾。閏正月，罷永興銀場，聽民開採，以什二輸官。階州土番攻擾。雄州等地大雨，河溢。二月，頒道經。平伐苗降。爪哇貢方物。廣西瑤陷柳城縣。三月，修曹州河及清河、浚河隄。安南貢方物。五月，浙西江湖溢，大都水，汴梁路河溢，江陵路江溢。六月，靜江、柳州、潯州瑤攻擾。息州民郭菩薩等言彌勒佛當有天下，下獄死。浚吳、松二江。潼川綿江、中江、冀寧汾水溢。七月，播州蠻等攻擾。廣西諸瑤攻擾。申嚴漢人藏兵器之禁。八月，白夷攻雲龍州。衛輝河溢。九月，分十八道，遣使宣撫。以民饑，募民入粟拜官。禁饑民結扁擔社。浚河間陳玉帶河。開元路三河皆溢。十月，來安州土酋攻上林州；十一月，又結八番攻擾。常德路水。十二月，禁私藏圖讖。行區田法於內地，頒救荒活民書於州縣。

1326 年

丙寅 元泰定三年

正月，播州蠻黎平愛等降。元江路土酋普雙攻擾。以山東、湖廣官田給民耕墾，人三頃。緬國以內亂，遣使乞援。安南阮叩擾思明路。二月，全茗州瑤酋許文傑攻茗盈州，殺官。爪哇貢方物。歸德河決。三月，八番巖霞峒蠻降。泉州民阮鳳子攻陷城邑。畿內、河北、山東饑。四月，米峒蠻等攻長陽縣。修夏津等處河隄。五月，八百媳婦國遣使來朝。岑世興等攻擾。永明縣五峒瑤降。六月，黎平愛等復結謝烏窮攻擾，黎平愛尋降，謝烏窮仍抵拒。道州瑤攻擾。大昌屯河決。七月，紹慶蠻冉世昌等攻擾。河決陽武縣。大同渾源河溢，檀、等州河決。八月，寧遠州蠻刁用攻擾。

順

九月，汾州汾水溢。汴梁河溢。十一月，廣西透江瑤、扶靈等峒蠻攻擾。播州蠻酋宋王保等降。是歲，大寧路大水。

1327 年

丁卯 元泰定四年

正月，浚會通河，築潯州護倉隄。二月，八百媳婦國貢方物。三月，渾河決。四月，道州瑤攻擾。高州瑤攻電白，湖廣瑤攻義寧。五月，占城入貢。睢州河溢。六月，汴梁河決。廣西花脚蠻攻擾。七月，雲州黑水溢。八月，滹沱河溢。湖廣苗、田州瑤攻擾。扶溝等處河溢。通渭及天全道山崩，鳳翔至江陵五路地震。九月，禁僧道買民田。廣西左右江瑤攻擾。十一月，開南州土官攻擾。十一月，平樂等地瑤攻擾。雲南蒲蠻降。十二月，以郡縣不靖，定捕盜令。

1328 年

戊辰 元泰定五年 致和元年 天順帝天順元年 文宗天曆元年

正月，占城貢方物，且言爲安南所侵，詔諭解之。禁僧道匿商稅。靜江瑤攻靈川等縣。罷河南鐵冶提舉司。二月，牙郎貢方物。改元致和。四月，欽州瑤黃焱攻擾。五月，護流民還鄉，其聚至千人者杖。八百媳婦國獻方物。普寧縣僧陳慶安建號改元。大理怒江甸土官攻樂辰等寨。安南及八峒蠻獻方物。燕南、山東、河南等路饑。七月，泰定帝死於上都，內亂起。八月，僉樞密院事燕鐵木兒謀立武宗子周王和世琜，以路遠先迎周王弟懷王圖帖睦爾。九月，上都諸王大臣立泰定帝子阿速吉八爲皇帝，改元天順，發兵攻大都，遼王脫脫以遼東兵、靖安王闊不花等以陝西兵助之。懷王至大都即位，

改元天曆，是爲文宗。上都、大都兵戰於大都附近逾月，十月，上都兵敗，大都兵追至上都，天順帝不知所終，而闊不花兵已入河南。十一月，四川行省平章囊加臺又舉兵反抗，稱鎮西王，擾攘半年始定。是次內亂，兵災波及者四行省，其征調所及者尚不在內。陝西自泰定二年至是歲又久旱，因之大饑，民相食。

1329 年

己巳 元明宗和世琜 文宗天曆二年
正月，周王卽位於和寧之北，以文宗爲皇太子。以鷹鵠等費歲耗萬三千餘錠，佛事歲費金銀七千餘兩、鈔五萬六千餘錠、帛三萬四千餘匹，詔簡汰之。二月，八百媳婦等國貢方物。三月，雲南諸王答失不花等反。四月，浚擲州漕河。陝西饑民百二十三萬四千餘口，流民數十萬；河南府路饑，人相食；江浙饑民六十餘萬戶，大都等路饑民六十七萬六千餘戶；命賑之。占城貢羅香木、象、豹、白狼。六月，河南諸路流民十餘萬，益都等地饑民三萬餘戶，命賑之。八月，明宗暴死，文宗復卽位。浚通惠河。九月，修經世大典。十月，改訂內外官遷調制。十一月，廣源瑤攻擾。是歲，賦入金三百二十七錠，銀千一百六十九錠，鈔九百二十九萬七千八百錠，帛四十萬七千五百匹，絲八十八萬四千四百五十斤，綿七萬六百四十五公斤，糧千九十六萬五十三石。賑饑民歲用鈔百三十四萬九千六百餘錠，糧二十五萬一千七百餘石。

1330 年

庚午 元天曆三年 至順元年
正月，雲南諸王禿堅等反。衡陽瑤攻湘鄉州，高州瑤攻石康縣。二月，命富民輸粟補官。禿堅自稱雲南王，攻掠仁德、馬龍、晉

寧等地。泰安等地饑民九萬餘戶，命賑之。三月，乖西斛蠻擾邊。諸王也孫台部鈔掠天山縣。賑安慶等九路、沂莒等三十州縣饑民，其中興等州饑戶至三十餘萬；四月，又賑汴梁等處饑民六十七萬六千戶、一百零一萬二千餘口；又賑晉寧等五路饑民。括益都、般陽、寧海閒田十六萬餘頃，賜大承天護聖寺。烏蒙、羅羅俱附於禿堅等。五月，改元至順。羅羅、烏蠻攻建昌縣。七月，廣西瑤攻修仁等縣。江南大水，江、浙、湖廣尤甚。八月，命興舉蒙古字學。九月，罷入粟補官例。十月，廣西瑤攻橫州。十一月，羅羅斯攻建昌。

1331 年

辛未 元至順二年
正月，討雲南之兵大勝，諸土人皆降。五月，經世大典成。六月，雲南又亂。七月，海南黎人以建寺被擾，起而反抗。廣西瑤事定。八月，江浙水，壞田四十八萬八千餘頃。九月，海南民王周結黎人攻擾。是歲，桂陽民張思進等以受巡檢司迫害起事，尋撫定之。立廣教總管府以掌僧尼之政。

1332 年

壬申 元至順三年
正月，廣西羅偉里人馬武冲等攻陷那馬達等地。萬安黎人攻臨水縣。夔州土酋攻施州。二月，羅羅等攻會川。四月，命以國字譯貞觀政要，鈐板模印，以賜百官。五月，汴梁等地河溢，滹沱河決。七月，發兵攻海南黎人。八月，文宗死；十月，明宗第二子鄜王懿憐真班立，是爲寧宗。十二月，寧宗死。迎明宗長子妥懽貼睦爾。

1333 年

癸酉 元至順四年 順帝妥懽帖睦爾元統元年

二月，妥懽帖睦爾至大都，以權臣燕鐵木兒忌之，未得立；比燕鐵木兒死，六月乃即位。京畿、關中、河南大水，兩淮旱，民大饑。九月，免儒人役。十月，改元元統。十一月，江西、湖廣、江浙、河南復立司榷茶。十二月，廣西瑤陷道州。

1334 年

甲戌 元元統二年

二月，廣西瑤殺官。三月，廣西慶遠府瑤攻全州。益都、真定民起事，遣兵攻之。四月，立鹽局於京師，官自賣鹽。五月，江浙饑民五十九萬餘戶，賑之。六月，大寧等路大饑。九月，瑤陷賀州。十月，立湖廣黎兵屯田萬戶府。

1335 年

乙亥 元元統三年 至元元年

二月，革冗官。三月，禁往高麗取女子爲媵妾。五月，占城獻方物，且言安南阻其貢道；遣使諭安南。八月，廣西瑤攻擾。十一月，罷科舉。改元至元。立常平倉。十二月，西番起事。山東民陳馬騾、新李等起事，尋敗。是歲，江西大水。

1336 年

丙子 元至元二年

五月，黃河復於故道。是歲江浙旱，大饑。

1337 年

丁丑 元至元三年

正月，增城縣民朱光卿等起事，稱大金國，建元赤符。二月，陳州民棒胡（胡閏兒）以拜李老君、彌勒佛聚衆起事於信陽，破鹿邑。

江浙饑民四十萬戶，賑之。立船戶提舉司十處，提領二十處，掌船戶科差。廣西瑤攻擾。復立採珠提舉司。四月，禁漢人、南人、高麗人持兵器、養馬。大足縣民韓法師等起事，稱南朝趙王。歸善縣民聶秀卿奉戴甲爲定光佛，起事。命省院至路府幕官之長並用蒙古、色目人，禁漢人、南人學蒙古、色目文字。五月，西番起事，殺王子黨兀班。六月，京畿、河南北大水。七月，朱光卿等敗死。八月，京畿民羣起攻擾。弛高麗人持兵器養馬之禁，尋又開鄰生番處漢人持兵器之禁。九月，立皮貨所於寧夏。是歲，右丞相伯顏請殺張、王、李、趙、劉五姓漢人，不從。

1338 年

戊寅 元至元四年

四月，棒胡敗死。六月，袁州民周子旺起事，稱周王，尋敗死。南勝縣民李志甫等起事，攻漳州，犯龍溪，敗四省兵。十一月，四川散毛峒蠻攻擾。十二月，立邦牙等處宣慰司。

1339 年

己卯 元至元五年

四月，申漢人、南人、高麗人持兵器之禁。十一月，河南省掾范孟端殺平章等官起事，尋敗死。是歲，濮州、交城、興和、長汀、宣興、瀋陽、遼陽、衡州、膠、密、莒、濰等處先後饑。

1340 年

庚辰 元至元六年

二月，罷各處船戶提舉、廣東採珠提舉司。罷通州河西務等處抽分。三月，漳州民軍李志甫爲州人所害，其衆尋皆敗散。五月，

禁民間藏兵器。是歲，邳州、福寧、京畿五州、益都、般陽、濟南、東平等處先後饑。

1341 年

辛巳 元至正元年

正月，改元。四月，道州民蔣丙等起事，破江華，犯明遠。五月，以崇文監屬國史院。六月，改奎章閣爲宣文閣。十一月，瑤人攻湖廣邊，尋敗。十二月，道州民何仁甫等起事，與蔣丙合，瑤人乘之亦起。是歲，濱洲、河間、莫、滄、晉、涿等處饑，兩浙水。山東、燕南饑民羣起，大小三百餘處。

1342 年

壬午 元至正二年

正月，開金口，引渾河水至通州，役民十萬，既成而不能用。七月，慶遠土民莫八等起事，陷南丹等處，尋敗。佛郎國貢馬。是歲，順寧、廣平、彰德、衛輝、大同、冀寧等處饑，大同至人相食。

1343 年

癸未 元至正三年

二月，遼陽吾者野人反抗。三月，命修遼、金、宋三史。五月，河決白茅口。八月，四川上蓬瑣吃人攻擾。山東民攻兗州。九月，道州、賀州瑤人首領唐大二等被俘，蔣丙稱順天王，破連、桂二州。是歲，立常平倉，罷配民間食鹽。寶慶、興國、河南等處饑。

1344 年

甲申 元至正四年

正月，河決曹州，又決汴梁。五月，又決白茅金隄。七月，益都鹽民郭火你赤起事，八月，入陵川、壺關，攻廣平而還。十一

月，令民入粟補官。十二月，瑤人攻靖州、潯州。是歲，鞏昌、山東、河南、保定、慶元、撫州等處饑。揭傒斯死。

1345 年

乙酉 元至正五年

七月，河決濟陰。十月，遣官宣撫巡行各路。遼、金、宋三史成。十一月，至正條格成。是歲，京畿、鞏昌、興國、汴梁、濟南、邳州、瑞州等處饑，徐州、東平等路尤甚，人相食。

1346 年

丙戌 元至正六年

三月，京畿、山東民紛紛起事。四月，遼陽吾者野人及水達達以不堪煩擾，起而反抗。五月，象州民起事。六月，汀州連城縣民羅天麟、陳積萬等起事。雲南死可伐、散毛峒軍全在等起事，招降之。十月，思靖瑤攻武岡，尋敗。閏十月，靖州瑤陷黔陽。羅天麟等爲部下所害，其衆敗散。十二月，以河南、山東大亂，遣兵攻之。

1347 年

丁亥 元至正七年

二月，河南、山東亂事蔓延至徐州等處。瑤人吳天保攻沅州，陷武岡。四月，通州民紛起。河東大旱，民多饑死。六月，彰德大饑，民相食。七月，吳天保陷淑浦、辰溪，九月又陷武岡，攻寶慶。八憐內哈刺那海、禿魯和伯民起，斷嶺北道。集慶路亂，尋定。十月，亦憐只答兒反。西番民起，凡二百餘所，陷哈刺火州。十一月，沿江亂。撥山東十六萬二千餘頃地屬大承天護聖寺。吳天保攻沅州敗，復陷武岡、靖州。湖廣苗瑤紛起，遣兵攻之。

1348 年

戊子 元至正八年

正月，河決濟寧。三月，遼東鎖火奴自稱金後，起事，尋敗死。遼陽兀顏撥魯歡亦稱金後，起事，尋亦敗死。土番起事。福建亂。吳天保攻沅州。四月，以河間等路連年荒歉，戶口消耗，減鹽額。遼陽董哈刺起事，尋敗死。寧海、沐陽等處民起事。十月，廣西瑤攻道州。十一月，吳天保攻全州。臺州黃巖民方國珍聚眾起事，攻掠海上。是歲，廣西、山東、寶慶大水，四川旱。虞集死。

1349 年

己丑 元至正九年

正月，廣西瑤陷道州。二月，發軍民二萬浚壩河。三月，黃河北潰。吳天保復攻沅州。五月，撥民修金隄。白茅河東注，漸成巨浸。蜀江、江漢大溢。十二月，吳天保陷辰州。是歲，冀寧平遙民曹七七起事，旋敗散。以沅、靖、柳、桂等路瑤人等紛紛起事，於其地置三分省以經理之。膠州、陽城大饑，膠州至人相食。

1350 年

庚寅 元至正十年

十月，改鈔法，以中統交鈔一貫省權銅錢一千文，準至元寶鈔二貫；仍鑄至正通寶錢，與歷代錢並用。於南陽、大名、東平、濟南、徐州等地置兵馬指揮司，以制上馬賊。十二月，方國珍攻溫州。

1351 年

辛卯 元至正十一年

四月，用賈魯言，開黃河故道，設總治河防

使，發十三路兵民十七萬，至七月成，凡二百八十里。五月，潁州民劉福通等擁白蓮會首領韓山童起事，山童旋被俘死。福通等拔潁州，其眾以紅巾為號，燒香聚眾，因有紅軍或香軍之號。六月，福通等破羅山等地。濬通州至直沽運河。七月，招降方國珍。廣西大水。八月，蕭縣民李二（芝麻李）燒香聚眾起事，拔徐州。羅田民徐壽輝等起事，亦燒香聚眾，以紅巾為號。九月，劉福通拔汝寧、光、息等府州，眾至十餘萬。徐壽輝拔蘄水及黃州。十月，壽輝以蘄水為都，稱皇帝，國號天完，建元治平。十一月，黃河堤成，遣散修堤軍民。江西鄧南二燒香聚眾起事，攻瑞州，敗死。是歲，江、浙、江西、福州等地民眾羣起，攻城奪地。

1352 年

壬辰 元至正十二年

正月，竹山民孟海馬等起事，拔襄陽等地。徐壽輝遣將下漢陽、武昌、興國、安陸、河陽、中興；二月，下江州、袁州。定遠民郭子興等起事，據濠州，自稱節制元帥。鄒平縣民馬子昭起事，尋敗死。房州民攻拔歸州。鄧州民王權等攻拔澧州。括河南、陝西、遼陽三省及腹里漢人馬，大發蒙古、色目軍，經理各地亂事。三月，徐壽輝部拔饒、徽、信州。行納粟補官令。立銅冶場於饒州等處。方國珍復入海攻掠。隴西地大饑百餘日。閏三月，鍾離人朱元璋從郭子興於濠州。四月，臨川民鄧忠等下建昌。宜黃民塗佑與邵武民應必達等下邵武，尋皆敗死，其別部王善等下福寧。永懷民下桂陽。李太素等下歸峽，尋敗死。詔州縣修城、築隄。五月，以河南諸處民軍多用宋故號，禁錮宋恭帝子和尚趙完普及親屬於沙州。六月，紅巾周伯顏下道州。七月，徐壽輝部將

下杭州，尋失之，繼大爲元將董搏霄所敗，失所下徽州等城。八月，方國珍攻台州，無功。日本以高麗民過海鈔掠白之高麗國王，遣兵捕之。元右丞相脫脫督師募丁等，青衣黃帽，號黃軍，攻屠徐州，李二敗死。徐壽輝部將下湖、常等州。九月，元將桑節攻奪徐壽輝部所據江州等地，節尋敗死。十月，壽輝部又下江陰，十一月攻安慶。十二月，沈丘人察罕帖木兒與羅山人李思齊皆聚衆起與民軍爲敵。是歲，斬、黃大旱，人相食。

1353 年

癸巳 元至正十三年

正月，以江南漕運不至，遣官經理京畿數百里間官地及屯田墾植，招南方能種水田者爲農師。方國珍又降。四月，永昌愚魯罷等攻掠。五月，徐壽輝失饒、信等地。泰州民張士誠等起事，據州城，下高郵，自稱誠王，明年，建元天祐。六年，吾者野人降。七月，徐壽輝失武昌、蘄州等地。七月，朱元璋下滁州。是秋，大旱。十月，方國珍復據海道。十二年，元兵拔蕪水，徐壽輝遁入黃梅山中。是冬，李二殘部彭早住自稱魯淮王，趙君用稱永義王。是歲，江西民帥王善下福州，尋被俘死。大同路大疫，死亡過半。泉州大饑，死亡枕籍。

1354 年

甲午 元至正十四年

二月，遣官和糴於浙西。三月，和買馬於北邊。是春，大雨八十餘日。四月，江西、湖廣大饑、疫癘。發陝西軍民赴河南，令自備鞍馬，沿邊匠雜等戶亦在遣中。五月，南陽等處土人自相聯結，號毛葫蘆，因募之從軍，號毛葫蘆義兵，立萬戶府以統之。募回

回、朮忽赴京師從軍。朱元璋下全椒。六月，張士誠攻揚州。彭早住等下盱眙、泗州。十一月，右丞相脫脫大敗張士誠於高郵；嗣以師久無功，被劾奪職。十二月，瑤自耒陽攻衡州。是歲，令減民間私租十分之三。京師大饑疫，民有父子相食者。詔義兵立功者權授軍職。元帝於內苑造龍舟，恣爲淫樂。吳鎮死。

1355 年

乙未 元至正十五年

正月，徐壽輝部復下沔陽。朱元璋下和州。二月，劉福通等迎韓山童之子林兒爲皇帝，號小明王，國號宋，建元龍鳳，都亳州。於淮東立義兵萬戶府，富民自集丁壯，五千者爲萬戶，五百者爲千戶，一百者爲百戶。五月，徐壽輝部復破中興路。朱元璋附於韓林兒。六月，朱元璋渡江取太平。七月，徐壽輝部又下武昌等地。八月，雲南死可伐降。朱元璋部取溧水、溧陽，九月，攻集慶不利。十二月，元軍攻亳州，韓林兒走安豐。是歲，紅巾軍四出游擊，南入許、鄧，北攻懷州，數爲察罕帖木兒所敗。淮西張明瑩等聚衆，以青巾爲號，名青軍，攻六合、天長，至揚州，降於元。

1356 年

丙申 元至正十六年

正月，張士誠渡江下常熟。徐壽輝移都漢陽。二月，張士誠下平江，據之，改爲隆平府，稱周王，設省院等官府，更取松江、湖、常。禁銷毀販賣銅錢。三月，朱元璋取集慶，改爲應天府，尋進下鎮江。徐壽輝部取常德。方國珍又降。五月，徐壽輝部取澧州。六月，朱元璋部取廣德。七月，朱元璋稱吳國公。八月，徐壽輝部取衡州。河

決，山東大水。張士誠、朱元璋互攻鎮江、常州。九月，汝穎民軍李武等陷潼關、陝、虢，尋爲察罕帖木兒所敗。十月，趙君用下淮安。十一月，劉福通遣兵分略河南、山東、河北，嗣元兵大敗福通於太康。十二月，徐壽輝部取岳州。

1357 年

丁酉 元至正十七年

二月，劉福通兵取膠州。徐壽輝部取峽州。李武等破商州，趨長安爲察罕帖木兒、李思齊所敗。三月，朱元璋部取常州。劉福通兵取萊、濱、益都等地，四月又取莒州。朱元璋部取寧國，五月取泰興，六月取江陰。劉福通攻汴梁，分道趨上都、大都、關中。七月，朱元璋部取徽州。八月，劉福通部攻大名、衛輝。張士誠屢敗於朱元璋，請降於元。十月，朱元璋部取揚州。時城中經青軍屠食，居行僅存十八家。察罕帖木兒大敗關中諸民軍。十二月，徐壽輝部將明玉珍取重慶。是歲，河南大饑。歐陽玄死。

1358 年

戊戌 元至正十八年

正月，徐壽輝部將陳友諒等取安慶。朱元璋部取婺源。二月，劉福通兵取青、滄、濟南，三月，取般陽，旋北攻薊州、瀋州，敗而南。朱元璋部取建德。察罕帖木兒大敗河東各地民軍。四月，徐壽輝部取龍興、瑞州，別部取池州，因與朱元璋交惡。五月，劉福通下汴梁，迎韓林兒居之，以爲都，其部將取晉寧。徐壽輝部取吉安、撫州。七月，江南平章周全以懷慶路附於劉福通，盡驅其民入汴。八月，徐壽輝部取建昌，九月，取贛州。劉福通部攻保定、大同、興和塞外諸地。朱元璋部取蘭溪，奪張士誠宜興。

十一月，徐壽輝部陷汀州。紅巾軍別部取順德。十二月，劉福通兵焚上都，東略遼陽。朱元璋取婺州。是歲，河南北、山東流民多避之大都，大饑，值大疫，死亡枕籍。倭人擾沿海諸地，自是頻來鈔掠。名畫家黃公望死。

1359 年

己亥 元至正十九年

正月，朱元璋部取諸暨，方國珍附之。劉福通部取遼陽。三月，定科舉流寓人名額。四月，朱元璋部復池州。五月，山東、河東、河南、關中蝗，大饑。六月，徐壽輝部取信州。八月，朱元璋部取無爲。察罕帖木兒破汴梁，劉福通擁韓林兒走安豐。九月，朱元璋部取衡州。十月，京師門築壘城，造吊橋。十一月，朱元璋部取處州。十二月，徐壽輝部將陳友諒自稱漢王，居壽輝於江州。

1360 年

庚子 元至正二十年

正月，張士誠部破濠、泗、徐、邳等州。二月，陳友諒攻邵武等地，福建大亂。三月，紅巾軍陷保定。朱元璋徵劉基等至。五月，陳友諒部破辰州。閏五月，陳友諒破太平，嗣殺徐壽輝，自爲皇帝，國號漢，建元大義，督攻金陵，大潰。朱元璋部隨復太平，取安慶。友諒走江州，朱元璋別部亦取信州。朱元璋置儒學提舉。八月，紅巾軍下孟州、趙州，攻真定，十二月，取廣平。是歲，劉福通部入高麗被賺，死者甚多，餘衆奔還，降於元。宗王阿魯輝帖木兒據木兒古徹兀，破元兵，明年秋，敗死。

1361 年

辛丑 元至正二十一年

二月，朱元璋立鹽法、茶法，又置寶源局，鑄大中通寶錢，以四百爲一貫，四貫爲一兩，四文爲一錢。五月，明玉珍破嘉定等路。李武等降於李思齊。七月，陳友諒復取安慶。八月，朱元璋大舉攻陳友諒，復取安慶，大破之於江州，陳友諒走武昌，朱元璋於是遣將徇江西諸地。察罕帖木兒攻下山東諸州縣，紅巾軍勢大蹙。是歲，京師大饑。

1362 年

壬寅 元至正二十二年

二月，金華州苗軍殺朱元璋所署將吏，尋皆敗。三月，明玉珍稱皇帝，國號夏，建元天統，嗣遣兵攻雲南，敗。四月，大興工修大都宮闕。五月，明玉珍部攻龍州、興元、鞏昌。六月，察罕帖木兒攻益都，爲降人刺死，養子王保保（擴廓帖木兒）代統其衆。九月，王保保大破劉福通於火星埠，旋遣使於朱元璋。是歲，元帝信讒，廢高麗舊王，另立新王，遣兵送之，大爲高麗兵所敗。

1363 年

癸卯 元至正二十三年

正月，朱元璋遣使於王保保。二月，張士誠遣將攻安豐，三月破之，殺劉福通。朱元璋至安豐，破張士誠兵，以韓林兒歸，居之滁州。閏三月，朱元璋改稅法，二十取一。四月，陳友諒擬復失地，大舉攻江西諸州縣，圍南昌。七月，朱元璋自將救南昌，大破陳友諒於康郎山。八月，陳友諒中流矢死，其子理奔還武昌嗣位，改元德壽。九月，朱元璋自將攻陳理於武昌，圍之。張士誠降元，求王爵不得，乃自稱吳王；前曾數以糧饋大都，至是不與。

1364 年

甲辰 元至正二十四年

正月，朱元璋稱吳王，置百官，仍用韓林兒龍鳳年號。二月，朱元璋下武昌，陳理降。四月，朱元璋令商稅三十取一；於江西置寶泉局，鑄大中通錢五等。七月，朱元璋部取廬州。李羅帖木兒與察罕帖木兒數構兵，察罕帖木兒死，其養子王保保仍挾前隙，至是交兵於大都。皇太子愛猷識理達臘奔王保保，李羅帖木兒入大都爲右丞相。是冬，張士誠發兵民十萬浚白茆港。朱元璋部取中興、歸、峽、潭、衡等路。

1365 年

乙巳 元至正二十五年

二月，福建平章陳友定攻處州，敗還。朱元璋部追之入浦城，遂次第攻取福建。六月，思南土官田仁智等附於朱元璋。朱元璋令民依田畝多少栽桑、麻、木棉。李羅帖木兒遣兵攻上都之附皇太子者。七月，思州土官田仁厚附於朱元璋。李羅帖木兒被殺，皇太子還大都。九月，朱元璋置國子監。明玉珍與朱元璋通好。十月，朱元璋命將攻張士誠所據諸地。封王保保爲河南王，畀以經營川、蜀、江、淮之任。是歲，朱元璋部取寶慶、襄陽等路，旁近州縣多降；又取張士誠泰州等地。畫家柯九思死。

1366 年

丙午 元至正二十六年

正月，增河南、山東、陝西、河東等地舉額。二月，美容土官田光寶附於朱元璋。明玉珍死，子明昇嗣，改元開熙。三月，王保保與李思齊交惡。八月，朱元璋以張士誠所據淮東諸州已下，遂大舉攻張士誠，取湖州等地；

十一月，進圍蘇州。十二月，朱元璋命人迎韓林元於滁州，至瓜步，韓林兒被沉於江。

1367 年

丁未 元至正二十七年

正月，朱元璋始稱吳元年。王保保與李思齊等構兵，詔和解之，不聽。三月，朱元璋設文武科取士。八月，立大撫軍院，命皇太子愛猷識理達臘總天下兵馬，命王保保、李思齊分任經理江、淮、川、蜀之責。朱元璋以方國珍持兩端，遣兵攻之，下臺、溫等州。九月，朱元璋部破蘇州，俘張士誠，士誠自殺。罷王保保軍職。朱元璋遣徐達等北取中原，傳檄遠近。十一月，朱元璋部取慶元，方國珍入海島。徐達下沂、滕、益都。朱元璋頒戊申大統曆。十二月，朱元璋命修律令成。徐達徇下山東州縣。方國珍降於朱元璋。朱元璋以陳友定殺招諭使者，遣將海陸分道攻之，旋破福州。

明史大事年表

1368 年

戊申 明太祖高皇帝朱元璋洪武元年 元至正二十八年
正月，朱元璋稱皇帝，國號明，建元洪武，是爲明太祖高皇帝。明遣官覈浙西田，定稅額。明兵破延平，陳友諒自殺。明定衛所制。二月，王保保拒罷軍權，元命李思齊等討之。明兵浮海攻廣東。明編定役法。四月，明略定廣東、河南。六月，明略定廣西。閏七月，元罷大撫軍院，復王保保職，命與李思齊分禦明兵。明將徐達等徇下河北諸地，敗元兵於河西務，至通州。元帝北走開平。八月，明兵入大都，尋改爲北平府。自是元之中心勢力退至漠南。十一月，明詔征賢才。十二月，明兵敗王保保，入太原，遂略定山西。是歲，方國珍入朝於明。

1369 年

己酉 明洪武二年
正月，明兵取大同。倭與張士誠等餘黨結，潁來擾亂；明帝遣使諭日本國王良懷，無效，至是鈔掠山東沿海州縣。二月，詔修元史。元兵攻通州，敗走。三月，明兵略陝西，敗元將李思齊，入西安，尋下鳳翔等地；四月，至臨洮，李思齊降；五月，攻廣陽等地。六月，安南國王陳日烓遣使貢於明，受封爵，明兵下開平，元帝北走。七月，明攻開平之兵調赴陝西，統將常遇春死。八月，元兵攻大同，敗走。明定內侍官制，並著令內侍不得知書識字。高麗國王王顥遣使貢於明，受封爵。元兵攻鳳翔，敗走。明修禮書。

九月，明以臨淮爲中都。十月，明使人喻明昇降；明昇不聽。明詔府州縣皆立學。十一月，廣西左右江土酋黃氏、岑氏皆附於明。十二月，占城國王阿答阿者遣使貢於明，受封爵；時占城與安南構兵，諭之和解。元將王保保攻蘭州，明兵拒却之。

1370 年

庚戌 明洪武三年

正月，大發兵分道攻元將王保保及元帝。二月，詔諸縣富民來京，召見遣還。下雲、朔等州。三月，倭擾登萊。四月，大破王保保，俘王公將校一千八百餘人，士卒八萬，馬一萬五千餘匹，王保保走和林。元順帝死於應昌，子愛猷識理達臘嗣，是爲昭宗，改元宣光。安南國王陳日烓死，兄子日恆嗣，遣使請封。五月，略定興元等地。置司農司，以興農桑。詔定科舉法，應試文仿宋經義，其後格律漸嚴，謂之八股，通稱制義；並頒科舉詔於高麗、安南、占城。兵入應昌，元昭宗北走，俘元皇孫買的里八剌及后妃諸王、官吏數百，追至北慶州而還。河州以西朵甘、烏斯藏皆來附。六月，以平元詔諭高麗、安南、占城。倭擾山東、浙江、福建。定中鹽法。元宗室匿苛嵐山中者，出擾武州，敗。七月，明昇遣將擾興元，敗還。八月，初開鄉試科。九月，修禮書成，賜名大明集禮。是秋，青州民孫古朴起事，破莒州，殺官吏；尋敗死。十月，湖廣慈利蠻起事，遣將擊之。明帝致元帝書。十一月，大封功臣。十二月，賜勳臣田。是年，占城、爪哇及西洋瑣里等國皆遣使入貢。

楊維禎死。

1371 年

辛亥 明洪武四年

正月，遣湯和、傅友德等分道攻明昇。二月，初開會試科。三月，初行殿試，先曾詔高麗、安南、占城人皆得預鄉會試，至是賜高麗人金濤進士。移山後民萬七千戶，六月，又移三萬五千八百戶於北平衛府。倭擾溫州。湯和下重慶，明昇降；七月，傅友德下成都；八月，川地略定。高州海寇入州城，殺官吏，逾年始敗。九月，州縣設糧長，督其鄉賦稅，以田多者爲之。十一月，邊兵襲俘元惠王等於開平等地，追至漠北。是歲，安南、高麗、淳泥、暹羅、三佛齊等國皆遣使來貢，日本王良懷亦遣使獻方物，惟倭之擾亂如故，遣將練兵海上以備之。

1372 年

壬子 明洪武五年

正月，元梁王把剌剌瓦爾密據雲南，不服；遣使說諭之。徙陳理、明昇於高麗。遣將分道攻王保保於漠北；又遣將分攻湖南、廣西峒蠻。二月，安南陳叔明殺其王日烜，自立，遣使入貢。置茶司馬，以川陝茶易西番馬。三月，高麗王請遣子弟入國子學。四月，澧州散毛等三十六峒蠻皆降。五月，東路大軍攻王保保於漠北，敗績。詔遭亂爲奴者復爲民，禁閩、粵豪家閹人爲火者。西路大軍敗元兵於永昌等地；六月，又進至亦集乃等地，於是甘肅略定。定宦官女職之制，申定宦官禁令。靖州、古州等地二百二十三峒蠻皆降。倭擾溫州，敗。東路偏師與元兵戰於阿魯渾河，初大敗，後勝。戒飭功臣驕縱；又禁公侯私役軍人。山東、陝西饑，賑之。七月，東路偏師與元兵戰於斷頭山，敗績。

八月，五谿蠻起兵反抗，尋敗。元兵入雲內州。九月，倭擾福寧。樊鳳、安田等峒蠻皆降。十二月，明帝復致書元帝。於北平、山東、山西、河南，造戰車，訓車戰。烏斯藏王入貢，授以元故官。令占城、琉球、高麗等國三年一貢。

1373 年

癸丑 明洪武六年

二月，暫罷科舉，別令察舉賢才。設六科給事中。以元將王保保等擾邊，遣將攻之。四月，詔舉聰明正直、賢良方正、孝弟力田、及儒士、孝廉、秀才、人才、資民。五月，修祖訓錄成。六月，前軍敗元兵於雁門，戒勿出塞窮追；八月，再敗元兵於答刺海口。九月，定季報、歲報之式，令府州縣遵行之。定散官資階。十月，置內正司，專糾宦官。十一月，元將王保保擾大同，敗走。閏十一月，修大明律成，頒行之。十二月，遣赴雲南使者爲元梁王所殺。限州、縣寺觀及僧道，禁女子年四十以下者爲尼。是年京師城成，周九十六里，外城周一百八十里。

1374 年

甲寅 明洪武七年

正月，汰河南、山東、北平府州縣官。整飭河南、山東、北平屯田。置水軍四衛，並罷市舶司，嚴海禁以防倭。代州邊兵出塞敗元兵，稍有俘獲。三月，蘭州八里麻民郭買的誘番兵鈔掠，尋爲其兄弟所殺，事定。四月，邊兵攻興和，敗元兵。永、道等州蠻起事，尋敗。五月，減蘇州、松江、嘉興、湖州極重田租之半。修皇明寶訓。六月，倭擾膠東。北平、山東、山西、河南蝗，蠲田租。七月，邊兵攻大寧，敗元兵。水軍敗倭於珍珠洋。日本遣使貢方物，以無表文，

却之，仍命中書省移文詰責。八月，遣元降王招諭雲南梁王。邊兵敗元兵於豐州。九月，遣元皇孫買的里八剌北還，仍致書元主。十月，琉球、三佛齊入貢。十一月，元兵擾遼陽。高麗國王王顥爲其下所殺，立嗣子禡。西番撒里畏兀兒及阿難功德國入貢；於畏兀兒地置二衛，封其王爲安定王。是歲，方國珍死。倪瓚死。

1375 年

乙卯 明洪武八年

正月，令鄉里立社學。河決開封大黃隄，發民夫三萬塞之。修洪武聖政記成。二月，申明馬政，禁將士私用戰馬。三月，置寶鈔提舉司，行鈔法。鈔一貫準錢千文、銀一兩，四貫準黃金一兩，禁以金銀交易；罷寶源、寶錢局；越二年復設寶泉局鑄錢。殺功臣廖永忠。選國子生三百六十六人分爲北方州縣學官。修洪武正韻成。四月，劉基死。五月，遣宦者賁綾絹及茶市馬於河州，是爲中官出使之始。六月，貴州蠻僚連結起事，尋敗。八月，元將王保保死。九月，再遣使諭元雲南梁王。十月，舉富民行端達時務者。開封等府水，免其租。定都指揮使司制。十二月，元兵擾遼東，大敗。蘇州等地水，賑之。

1376 年

丙辰 明洪武九年

正月，以元兵侵擾，命將備邊於延安。三月，免山西、陝西、河南、福建、江西、浙江、湖廣租賦。六月，改行中書省爲承宣布政使司，罷行省官，置布政使、參政等官。七月，免蘇州等四府因水災田租二十九萬九千餘石。元將伯顏帖木兒犯邊，敗，其下縛之以降。八月，西番朵兒只巴擾罕東，敗走。

十一月，徙山西、眞定民無產者田鳳陽。平遙訓導葉伯巨上書言用刑太繁，分封太多；下獄瘐死。十二月，畿內、浙江、湖北水，賑之。元時，官府於文書有先署印，而後書者，謂之空印，洪武建元以來，相沿未改，至是，空印獄起，官吏下獄者數百人。

1377 年

丁巳 明洪武十年

正月，定奏對式。二月，免現任官繇役。四月，以吐蕃梗烏斯藏貢道，遣兵攻之，追至崑崙山，留兵置戍而還。太平等府水，賑之。五月，黃州等五府州水，賑之。六月，詔臣民言事者實封達御前。七月，置通政使司以受內外章奏，於早朝彙達御前。遣監察御史巡按州縣。九月，紹興等府水，賑之。十月，賜百官公田。十一月，免河南、陝西、廣東、湖廣被災田租。四川威茂土司董貼里起事，尋敗。是歲，高麗使五至，以前王顥不以病死，拒其貢，仍遣使覘之。自洪武八年營宮殿，至是成。

1378 年

戊午 明洪武十一年

二月，汶川土司阻道，四川兵破之。茂州土司降，置衛留兵守之。三月，命奏事毋入白中書省。四月，元昭宗死，子脫古思帖木兒汗嗣。元兵擾邊。五月，蘇州等府水，賑之。六月，五開蠻吳面兒起事，遣兵攻之，命太監觀軍，是爲宦官預兵事之始。七月，蘇州等四府海盜。十月，河決蘭陽。西番擾邊，遣兵攻之。十一月，吳面兒敗。十二月，遣僧求佛經於西域，凡三年而還。彭亨、百花等國來貢。

1379 年

己未 明洪武十二年

正月，洮州十九族番酋起事，遣兵攻之。松州蠻起事，旋敗；於其地置衛。二月，洮州番敗，於其地置衛。六月，遣將攻大寧，克之。四川眉縣民彭普貴以燒香聚衆，攻擾十四州縣，遣兵攻之，七月，彭普貴敗潰。攻洮州番之兵大破西蕃，俘三萬口，獲雜畜二十餘萬。貶右丞相汪廣洋，尋賜死。高麗貢黃金百斤，銀萬兩，却之。

1380 年

庚申 明洪武十三年

正月，左丞相胡惟庸以謀反死，株連者萬五千餘人。罷中書省；改大都督府爲中、左、右、前、後、五軍都督府；廢丞相，並詔以後「嗣君毋得議置丞相；臣下苟以此請者，置之重典」。定南北更調用人之法；其以罪降謫者，不分南北，悉於廣東、廣西等地用之。

二月，詔舉聰明正直、孝弟力田、賢良方正、文學、術數之士。三月，減蘇州、松江、嘉興、湖州賦額，舊畝科七斗五升至四斗四升者減什二，四斗三升至三斗六升者止征三斗五升。元將數擾邊，遣將越漠擊擒之。五月，西安邊將襲俘元嗣王亦憐真等。罷御史大夫官，置左右丞。六月，置諫院。修臣戒錄成，頒之。八月，州縣學師生日給廩膳。十一月，元兵擾永平。十二月，陽山歸善蠻起事，遣將攻之。遣宦官及國子生與部委官覈稅額，並罷各地抽分竹木場。日本使來，但持其將軍書，却之。

1381 年

辛酉 明洪武十四年

正月，以元殘兵屢擾邊，遣將擊之。命新授官各舉所知；時罷科舉，專用辟薦，凡中外官下至倉庫雜流，亦令推舉文學才幹之士。定

賦役籍，造黃冊，編里甲，查田畝；並令十年一改定。三月，頒五經、四書於北方學校。四月，改國子學爲國子監。大兵出邊至臚朐河，頗俘元官吏士卒而還。五月，五谿蠻起事，旋散；四川峒蠻又起，遣將破之。七月，以所舉賢良方正、聰明正直、孝弟力田之士四人爲布政司參政、參議。八月，陽春蠻起事，旋敗散。河決祥符、原武、中牟。九月，以元梁王據雲南，再殺使者，遣將分道攻之。置四輔官。十月，浙東民葉丁香等據山起事，旋敗散。免應天等七府縣田租。工部尚書薛祥坐罪杖死。十一月，廣東海寇攻掠，遣兵破之，俘其首領鍾平王等。十二月，罷翰林學士承旨等官，改置學士，命考覈諸司章奏。大軍東路攻雲南者自貴州長驅直入，元梁王自殺，並會西路之師合破拒戰蠻兵。以安南侵廣西境，却其貢。是歲，宋濂死。

1382 年

壬戌 明洪武十五年

正月，六軍下雲南諸州郡。二月，以河南河決，賑之。閏二月，大軍取大理，俘土酋段明等。段氏據大理數百年，至是絕。三月，河決朝邑。更定雲南區劃，共府五十二，州六十三，縣五十四。四月，徙元梁王等家屬於耽羅。詔州縣通祀孔子。洪武六年限僧道令漸弛，至是度僧尼踰萬，多爲不法，大理寺卿李仕魯言之，摔死殿下。置錦衣衛，掌侍衛、緝捕，專司詔獄。五月，廣平府吏王允道以請置鐵冶於磁州，被流海外，於是各處鐵冶多停；嗣雖漸復，然產額減少。六月，烏撒諸蠻起事，遣將攻之。七月，諸蠻大敗，於是置衛所，開驛道於貴州、雲南。七月，河決滎澤、陽武。罷四輔官。八月，復科舉，三年一行。定試秀才之制；以

秀才曾泰爲吏部尚書。 譯回回曆書。 九月，諸蠻攻雲南城，大敗，死六萬餘。 十月，罷御史臺，置都察院，分監察御史爲浙江等道。 籍廣東贛戶萬人爲水軍。 十一月，置殿閣大學士。 修治國子監舊藏書板。 是歲，定府州縣錢糧冊勘合之制。

1383 年

癸亥 明洪武十六年

二月，初令府州縣學歲貢生員，試一等者入國子監，二等送中都，不中者遣還，並罰教官。 三月，命西平侯沐英鎮雲南。 姚安土司自久起事，六月，敗遁；後復攻品甸，沐英破之。 九月，江西永新龍泉山民起事，其首領稱順天王，尋敗散。 是年夏，倭擾浙東等地。 賜琉球等四十九國勘合。

1384 年

甲子 明洪武十七年

正月，更定都察院官制。 三月，重定科舉取士制，鄉試以八月，會試以二月，各三場。 五月，涼州兵攻西番之反抗者，俘元官吏及人口萬八千。 七月，禁宦官預外事，並禁諸司與內官監文移往來。 八月，河決開封，橫流數千里，又決杞縣入巴河。 平緬土司思倫發獻方物，命爲平緬軍民宣慰使。 九月，以河南、北平大水，賑之。 閏十月，選儒士爲監察御史。 是年，命雲南以金、銀、貝、布、漆、丹砂、水銀代秋租。 倭寇浙東諸郡。 是歲，高麗貢馬二千匹，以代輸金。

1385 年

乙丑 明洪武十八年

三月，以重開會試，命釐定翰林院官制及新進士授職制。 戶部侍郎郭桓以贓死，事連各省官吏數萬人，多冤枉者。 四月，思州蠻起

事，遣兵攻之。 六月，定府州縣官三年一朝之制。 七月，以高麗王王禡屢請罪，乃賜封冊。 五開蠻起事，擾古州；遣將攻之，九月，獲其酋吳面兒，俘斬四萬人。 十月，頒大誥。 築觀星臺於雞鳴山。 十二月，平緬思倫發掠景東。 是歲，思州蠻潰散，留兵戍其地。 徐達、王蒙死。

1386 年

丙寅 明洪武十九年

二月，賑河南水災。 雲南臻峒、西浦等蠻及平越衛民麻哈等起事，遣將攻之。 四月，贖河南饑民所賣子女。 五月，福建僧彭玉琳作白蓮會，自號彌勒佛祖師，新淦民楊文等擁玉琳稱晉王，建元天定，謀起事未成，皆死。 六月，命有司存問高年貧民，月給米、肉、酒，又賜高年富民爵爲里士、社士、鄉士。 十月，胡惟庸黨林賢通倭事，至是發覺，族誅。 十一月，日本入貢，却之。 十二月，作大誥三篇示天下。

1387 年

丁卯 明洪武二十年

正月，大發兵攻元殘軍之屯金山者。 以錦衣衛非法凌虐犯人，焚其刑具，命繫囚仍付刑部審理。 二月，前鋒軍破元兵於慶州。 於浙江沿海增設衛所五十九；四月，於福建沿海築十六城，以備倭。 五月，大軍越金山，至女直苦屯，元兵四萬餘皆降。 九月，城大寧，置都司，尋改爲北平行都司。 以元帝脫古思帖木兒屢擾邊，遣將攻之。 十二月，賑濟南府饑民凡六萬三千八百萬餘戶；又賑登、萊二府饑。 是歲，命國子生分行州縣，查糧定區，編爲魚麟圖冊。 廣租賦折色之法。

1388 年

戊辰 明洪武二十一年

正月，思倫發侵馬龍等地，雲南鎮兵敗之：三月，又大敗之。策試進士，始命立題名碑於國子監，復定一甲進士授官制，並遣新進士行監察御史事巡州縣。四月，大軍至捕魚兒海，俘元皇子地保奴及妃嬪、公主百二十餘、官屬三千、男女七萬，雜畜十五萬。元脫吉思帖木兒汗與數十騎北遁。六月，東川蠻起事，遣將攻之。地保奴出怨言，安置琉球。八月，徙澤路民無業者墾河南、北田。九月，越州土司阿資起事，遣將攻之。覈衛所屯田，歲得糧五百餘萬石。十月，東川蠻敗散。高麗王王禕遣使來告請遜位於其子昌，實則爲大將李成桂所囚。十二月，安南黎季犛殺其國王陳煒。是歲，元脫吉思帖木兒汗爲部下所殺，恩克卓哩克圖汗立。

1389 年

己巳 明洪武二十二年

正月，越州土司阿資敗降，以其地置二衛。二月，湖廣安福所千戶夏德忠結九溪峒蠻攻掠，尋敗死。四月，徙江南民田淮南。徙元降王於耽羅。賑九江等十七府州貧民鈔二百六十餘萬錠。五月，於兀良哈置泰寧、朵顏、福餘三衛，以元將吏降者爲指揮使同知等官。十一月，思倫發降。十二月，倭寇浙江寧海，犯廣東海濱。

1390 年

庚午 明洪武二十三年

正月，以元殘兵擾邊，命晉王樞、燕王棣帥師攻之。貴州蠻起事，遣將攻之。贛州民結湖廣蠻起事，尋敗散。二月，施州蠻起事，遣將攻之。河決歸德，發十衛士卒與民共塞之。三月，燕王棣受元將乃兒不花等降，自是元降軍先後至北平者皆歸燕王棣調用，燕兵

因之益強。定朝臣衣服及士子巾服之制。

四月，吉安侯陸仲亨坐胡惟庸黨下獄，逾月，皆被殺。閏四月，施州蠻敗散。五月，韓國公李善長以交通胡惟庸，賜死，家口坐死者七十餘。六月，都勻散毛蠻又起事，尋敗。七月，河決開封、西華諸縣，漂沒萬五千七百餘戶。崇明海溢，決堤二萬三千餘丈，發民二十五萬築之。八月，禁吏卒科舉。賜河南、北平、山東水災。十月，賑湖廣饑。十二月，命死罪輸粟北邊自贖。罷織文綺緞匹。

1391 年

辛未 明洪武二十四年

二月，賑山東被水民萬五千餘戶。四月，賑河南水災州縣。元遼王降而又變，燕王棣出塞攻之。河決原武，入淮，又漫衍於曹州鄆城，運河淤塞。賑北平水災州縣。六月，更定輿服器用制度。七月，徙九布政司富民萬四千三百餘戶實京師。八月，以哈密邀殺西域貢使，遣兵破之，俘元王、公及部屬三千餘。九月，遣使諭西域。倭擾雷州。十一月，五開蠻起事，遣將攻之。賑河南水災。十二月，越州土司阿資又起事，遣將攻之。鑄渾天儀。是歲，州縣黃冊成，計戶一千零六十八萬四千四百三十五，丁五千六百七十七萬四千五百六十一。以占城大臣闍勝自立，遣使來貢，却之。

1392 年

壬申 明洪武二十五年

正月，河決陽武，泛陳州等十一州縣。越州土司阿資又降。都勻九名、九姓蠻及畢節衛蠻起事，尋敗散。更定府州縣歲貢生員之額。二月，五開蠻敗散。遣宦官往河北以茶市番馬。四月，罕東番降。建昌衛指揮

使元降將月魯帖木兒結西番攻掠，遣將討之。五月，北平、陝西饑，賑之。七月，月魯帖木兒大敗，走柏興州。八月，江夏侯周德興以子犯法，坐死。籍太原、平陽民爲軍。靖寧侯葉昇坐胡惟庸黨，死。十一月，月魯帖木兒被擒，死。是歲，高麗李成桂廢其王王瑤自立。成桂遣使請封，並改國號爲朝鮮。元恩克卓哩克圖汗爲部下所殺，額勒伯克汗立。

1393 年

癸酉 明洪武二十六年

二月，命晉王綢統河南、山西軍出塞。涼國公藍玉坐謀反死，列侯以下連坐者萬五千餘人。三月，命燕王棣、晉王綢總制北平、山西軍事，大者方奏聞。九月，以胡惟庸、藍玉二大獄殺戮過當，詔赦餘黨。開贛脂河以通浙運。十月，授國子生劉政等六十四人爲布政、按察使及參政、參議。是歲，朝鮮王李成桂進馬九千八百餘匹；酬以紵絲、棉布一萬九千七百餘匹。安南黎季犛殺王奪位事覺，却其貢。覈全國土田凡八百五十萬七千六百二十三頃。共有都司十七、留守司一、內外衛三百二十九、守禦千戶所六十五。

1394 年

甲戌 明洪武二十七年

二月，倭擾浙東。八月，遣國子監生分行四方，督修水利。階、文二州軍亂，越五月始定。九月，修寰宇通志書成。十月，倭擾金州。十一月，潁國公傅友德坐事賜死。越州土司阿資又起事，遣兵攻之。十二月，定遠侯王弼坐事賜死。修書傳會選成。朝鮮遣王子入貢。安南黎季犛再遣使入貢，仍却之。

1395 年

乙亥 明洪武二十八年

正月，洮州番起事，遣兵攻之。越州土司阿資敗死，與之連結起事者廣南土司儂佑貞、寧遠土司刀拜爛亦皆敗降。二月，宋國公馮勝坐事賜死。六月，命土司立儒學。奉議蠻起事，八月，遣兵攻之。九月，頒皇明祖訓。十一月，奉議蠻敗散。十二月，命勿稅河南、山東桑棗及新墾之田。遣使諭安南輸米助廣西軍。是歲，開塘堰四萬九百八十七處，河四千一百六十二處，陂渠、隄岸五千四十八處，水利大興。校正經書刻板給天下學校。

1396 年

丙子 明洪武二十九年

二月，郴州等處蠻起事，尋敗。濬常州犇牛等壩，以通浙運。三月，燕王棣巡邊，敗韃靼兵於徹徹兒、烏良哈等地。十二月，定六部諸司皆加清吏二字。定沿海捕倭賞格。

1397 年

丁丑 明洪武三十年

正月，置行太僕寺於山西、北平、陝西、甘肅、遼東以司馬政。以長興侯耿秉文爲征西將軍，武定侯郭英副之，備西北邊。時元功宿將存者僅此二人。沔縣民高福興等起事，至九月敗死。二月，水西蠻起事，至四月敗散。三月，古林蠻林寬起事，屢敗官兵。始命舉人署教諭、訓導等官。四月，燕王棣督築大同城。五月，頒大明律誥。六月，以會試所取皆南人，考官貶殺有差；復親策諸貢士，取者皆北人。八月，河決開封。平緬土司思倫發爲部長刀幹孟所逐，走雲南；十一月，遣兵擊刀幹孟。是歲，以民間重錢輕

鈔，物價翔湧，申用銀之禁。又許逋租以米、絹、棉布、苧布、棉花、金、銀折納。

1398 年

戊寅 明洪武三十一年

二月，古州蠻敗散。倭擾山東、浙江。五月，刀幹孟大敗，請降，不許。閏五月，明太祖死，太孫朱允炆嗣位，是爲惠帝。六月，命省并州縣，革冗員。命兵部尚書齊泰、太常卿兼翰林院學士黃子澄同參軍國事，定議削藩。戶部侍郎卓敬請徙封燕王棣於南昌，不報。七月，周王橐爲其次子所告謀不軌，廢爲庶人，安置蒙化；事連燕、齊、湘三王。八月，命興州、營州、開平諸衛軍全家在伍者免一人；其他衛所，單丁者放爲民。西平侯沐春鎮雲南七年，大修屯政；闢田三十餘萬畝、鑿鐵池河灌宜良田數萬畝，民復業者五千餘戶。十一月，以工部侍郎張昺爲北平布政使，與都指揮使謝貴等同察燕王。十二月，刀幹孟敗死，思倫發始還平緬。

1399 年

己卯 明惠帝朱允炆建文元年

二月，命諸王不得節制文武吏士。更定官制。三月，命都督宋忠帥兵三萬屯開平，都督耿璫、徐凱練兵於山海關、臨清，以備燕。遣二十四使充採訪使分行四方。四月，湘王柏自焚死；齊王榑、代王桂廢爲庶人。六月，岷王楹廢爲庶人，安置漳州。逮燕府官校殺之；燕王稱病佯狂。七月，燕王誘殺張昺、謝貴，以誅齊泰、黃子澄爲名，起兵反，號「靖難」。事聞，命耿炳文等帥師討之，軍於真定。八月，炳文大敗於滹沱河。以曹國公李景隆代炳文爲大將軍督師，九月，軍於河間。十月，燕王至大寧，誘拘寧王權併其兵。李景隆圍北平，十一月，大潰，退屯德

州。燕王上書自訟，不報。是歲，安南黎季犛殺其王陳日焜。元額勒伯克汗爲部下所殺，坤帖木兒汗立。

1400 年

庚辰 明建文二年

正月，均江浙田賦，令畝不得過一斗。二月，韃靼可汗遣使於燕王，請助兵。燕王攻大同，李景隆來援，無功而退。四月，李景隆與燕師戰於河間，初勝，後大敗，又退屯德州。五月，燕師入德州，景隆奔濟南；燕師攻濟南，景隆南走；山東參政鐵鉉與都督盛庸乘城拒守。六月，遣使赦燕王罪諭罷兵；燕王不聽。八月，燕王攻濟南久不下，撤兵北還，盛庸等乘之復德州。九月，以盛庸爲平燕將軍，代李景隆。十月，燕師破滄州；十一月，南略地至東平；十二月，盛庸等大敗之於東昌。

1401 年

辛巳 明建文三年

正月，燕王還北平；二月，復出兵南下；三月，盛庸與戰於夾河，大敗，退屯德州。閏三月，燕師敗都督平安兵於藁城，乘勝掠德州、廣平至大名。四月，再遣使赴燕，令罷兵歸藩；燕王不聽。七月，燕師掠彰德。平安乘虛攻北平，燕師回救，九月，平安敗屯真定。十二月，燕王復南下。太祖實錄成。以燕師南下，命駙馬都尉梅殷鎮淮安以遏之。太祖實錄成。詔禁內臣出使侵陵吏民。是歲，倭擾浙江。

1402 年

壬午 明建文四年（洪武三十五年）

正月，燕師前鋒至徐州；三月，趨宿州，敗平於汴河；四月，初敗於齊眉山，繼勝於靈

壁，俘平安等；五月，下泗州、盱眙，趨揚州六合。以燕師抵江邊，征兵入衛，又遣慶成郡主詣燕王請割地以和，燕王不許。六月，燕師渡江。前後遣李景隆、谷王穗詣燕王請和，燕王不許。十三日，李景隆開門納燕師，宮中火起，惠帝不知所終。十七日，燕王即皇帝位，是為明成祖文皇帝。復周王、齊王爵。殺齊泰、黃子澄、方孝孺，皆夷其族，其坐孝孺死者八百餘人。嗣又殺卓敬、練子寧。七月，詔自六月以後，革建文之號，仍稱洪武三十五年。改建文時所改官制。殺不附者暴詔等，自是鐵鉉、景清皆以次被殺，死者甚多。九月，大封功臣。徙山西民無田者實北平。十月，重修太祖實錄。命將士放還所掠民間子女。是歲，元鬼力赤殺坤帖木兒汗，改號韃靼。

1403 年

癸未 明成祖文皇帝朱棣永樂元年

正月，以北平為北京；二月，設留守司、行府、行部、國子監於北京。遣監察御史巡按地方，自是為永制。致書韃靼可汗鬼力赤，以通好。遣宦官侯顯使西域，徵番僧；自是宦官出使者先後接踵。三月，移大寧都司於保安，棄泰寧、福餘、朵顏三衛地；並移營州等衛於內地。賑直隸、北京、山東、河南饑。韃靼擾遼東。四月，安南黎蒼遣官奉貢，自署權理安南國事，並請封，使人廉訪之。遣人巡浙西治水患，乃濬吳淞諸埔。永新起事，尋敗。申金銀交易之禁。五月，免未墾荒田額稅。山東、河南蝗。六月，重修太祖實錄成。七月，復致書鬼力赤。八月，發流罪以下墾北京田。徙蘇州等十府、浙江等九省富民實北京。九月，命寶源局鑄農器給山東被兵貧民。遣宦官馬彬、李興等使爪哇、蘇門答刺、暹羅等國。

十月，日本源道義遣使表貢方物；賜以冠服、金印及錦綺等物。遣宦官尹慶使滿剌加、柯枝等國。慶遠、柳州等地蠻起事，十一月，敗散。閏十一月，冊封黎蒼為安南國王。十二月，始由衛河運糧輸北京。是歲，命宦官出鎮方面。朝鮮王李芳遠遣使入貢，請冠服、書籍；許之。哈密遣使朝貢。

1404 年

甲申 明永樂二年

正月，定屯田賞罰例。三月，始選新進士為翰林院庶吉士。四月，封琉球山南尚應祖為山南王。五月，命將統水軍於沿海捕倭。賑松江等四府水災。哈密復來貢且請封；封其王安克帖木兒為忠順王。選會試下第貢士六十人肄業國子監。七月，賑江西、湖廣災。八月，安南故王子陳天平自老撾來奔，始知黎氏父子奪位真相，遣使詰之。九月，徙山西民萬戶實北京。十月，河決，壞開封城。長興侯耿炳文諸子皆以忠於惠帝死，至是嗾人奏炳文不道，藉其家，炳文自殺。十二月，曹國公李景隆坐罪籍沒，削勳爵錮之。是歲，日本遣使來；以對馬、壹岐海寇掠中國沿海，諭令治之。

1405 年

乙酉 明永樂三年

正月，韃靼索和爾等部人來附。二月，哈密安克帖木兒為鬼力赤毒死，其兄子脫脫繼之，仍封忠順王。四月，除直隸及浙江等六省戶絕田三萬五千餘頃租。或言惠帝亡在海外者，六月，遣宦官鄭和使西洋諸國以訪之，且借以示威異域。遣宦官山壽帥兵出雲州巡邊，是為宦官典兵之始。七月，安南黎蒼遣使謝罪，且請迎陳天平回。九月，徙山西民萬戶實北京。十月，駙馬都尉梅殷忠於惠

帝，使人擠之墮水死，又殺擠殷之人。十一月，庶吉士章朴以私藏方孝孺詩文，被殺。八百大甸阻孟定等部道，十二月，擊降之。是歲，日本復遣使來，並送所俘對馬、臺岐海寇；賜其王九章冕服及錢鈔錦綺。命宦官領福建、浙江、廣東市舶司。

1406 年

丙戌 明永樂四年

正月，遣安南故王子陳天平歸，並封黎蒼爲順化郡公，以所屬州爲食邑。遣使日本，封其山爲壽安鎮國山。二月，南陽民起事，尋敗。三月，於開原、廣寧設三馬市，以與海西女真及朵顏等三衛互市，嗣只存開原南關一市。以安南黎蒼襲殺陳天平，議發兵擊之。六月，大古剌、小古剌等部朝貢，於雲南設宣撫使司及長官司以統之。七月，大發兵擊安南黎蒼。嚴禁誹謗。閏七月，詔以明年五月建北京宮殿，遣人採木於四川、湖廣、江西、浙江、山西等處。九月，賑蘇州等六府流民復業者十二萬餘戶。設苑馬寺於北京、遼東、平涼、甘肅。十月，倭擾沙門，海運軍遇之，追至朝鮮境，大有所獲。大軍入安南，十一月，下其東西都。是歲，琉球中山王遣人入國學。

1407 年

丁亥 明永樂五年

正月，大軍敗安南兵於木丸江。三月，封西番僧哈玄麻爲大寶法王。大軍敗安南兵於富良江。五月，安南黎季犛父子兵敗被俘，送京師。六月，以安南地爲交趾布政使司，置都指揮使、布政使、按察使等官及衛所；命訪交趾人才禮送京師。柳州等地土司起事，逾四月敗。七月，河溢河南。九月，鄭和自西洋還。十月，授交趾明經甘潤祖等爲諒江

等處同知。鄭和還，不得惠帝踪跡；十一月，遣給事中胡濙以訪仙人張邈還爲名，徧行郡邑以尋惠帝。修永樂大典成，凡二萬二千九百三十七卷。十二月，朝鮮貢馬三千匹。設四夷館，選國子監生習譯。是歲，滿剌加遣使入貢，封其酋長爲國王。王冕死。

1408 年

戊子 明永樂六年

正月，朝鮮世子李禔來朝。韃靼知院阿魯台殺鬼力赤，立元裔本雅失里爲可汗。事聞，三月，遣本雅失里書。四月，雲南初行鄉試。八月，安南陳氏王子頤起兵反抗，建國號大越，建元興慶，是爲簡定帝，交趾各地紛起響應；遣兵攻之。淳泥國王麻那惹加那率妻子來朝，逾兩月死；封其子暹旺爲國王。九月，鄭和再奉使西洋。十二月，大軍與安南簡定兵戰於生厥江，敗績。遣水軍沿海捕倭。

1409 年

己丑 明永樂七年

正月，申嚴茶禁，增設洮州、甘肅茶馬司。二月，成祖北行，太子留京師監國。發浙江等七省軍四萬七千人入交趾助攻簡定。三月，成祖至北京。水軍大破倭於海中，追至金州白山島。四月，海寇擾欽州，敗去。五月，封瓦拉部酋馬哈木爲順寧王，太平爲賢義王；把圖孛羅爲安樂王。六月，遣使諭韃靼本雅失里，被殺。七月，大發兵擊本雅失里；八月，全軍覆沒於瀘胸河，五將軍皆死。安南人推簡定爲上皇，別立陳季擴爲帝，建元重光；大軍與戰於咸子關及太平海口，皆大敗之。九月，元王公之居亦集路者來附。十一月，大軍俘簡定。

1410 年

庚寅 明永樂八年

正月，大軍破安南陳季擴別部於安老縣。二月，成祖親督師北行，五月，敗本雅失里於斡難河上，本雅失里西走，阿魯台東奔。回回哈刺馬牙殺都指揮使，據肅州，旋敗死。陳季擴以屢敗，請降。六月，成祖追阿魯台過闊深海子，疊敗之於靜虜鎮、回曲津，遂班師。七月，至北京。八月，河溢，壞開封城。長沙民李法良起事，尋敗。十月，倭擾福建。成祖自北京南還，十一月至京師。十二月，阿魯台遣使貢馬。以陳季擴爲交趾右布政使，季擴不受，尋又起事。阿魯台之子失捏干擾寧夏黃河東岸。是歲，復命官出監軍，自是以爲常。

1411 年

辛卯 明永樂九年

正月，命張輔等攻交趾。遣兵捕海盜。二月，倭陷廣東昌化。發山東、徐州、應天、鎮江民三十萬濬會通河，以通南漕，二百日成，於是漸罷海運。五月，倭掠浙江盤石衛。時以倭屢擾沿海，遣官告諭日本，其將軍源義持尋捕海寇以獻，惟海警仍不絕。六月，鄭和自西洋回，俘錫蘭王亞烈苦奈兒以獻，後放之還。七月，張輔等敗交趾兵於月常江。自三月發民十萬濬黃河故道，至是成。九月，命凡屯軍因公妨農務者，免徵子粒，並著爲令。十月，封哈密兔力帖木兒爲忠義王。詔重修太祖實錄。十一月，張輔敗交趾兵於生厥江。自海門至鹽城，因海溢堤圯，發卒四十萬築之。十二月，以兀良哈三衛陰附韃靼，切責之，令以馬贖罪。阿魯台請和，不許。是歲，浙江、湖廣、河南、順天、揚州水。河南、陝西疫。

1412 年

壬辰 明永樂十年

正月，平陽等處民饑，賑之，並逮治山西布政司及州縣官不奏聞者。四月，遣官督治衛河。六月，詔凡府州縣官及朝使目見民難不言者，皆逮治。七月，禁宦官干預有司政事。八月，張輔等敗交趾於神投海口，進軍乂安，陷清化、濱州。命自宣化之長安嶺，西至洗馬林皆築石爲牆，以固邊防。工部都水主事蘭芳以創堤埽新法防黃河水患，超陞本部侍郎。十一月，復命鄭和使西洋。十二月，以營北京宮殿，命官入蜀採木。定武官陞授試職之制。

1413 年

癸巳 明永樂十一年

正月，詔凡朝覲官匿境內災不報者，罪之。前大理寺丞王高、劉端以曾縱方孝孺之子，事覺被殺。倭掠昌國衛。詔有建文諸臣姻黨。二月，始設貴州布政使，舊日土司田氏兩宣慰使至是並廢。命北京民戶養官馬，以丁爲差；後推行之山東、河南，漸爲民累。四月，成祖至北京，皇太子於南京監國。五月，定死罪納贖例；流徒以下亦許納贖，無力者發天壽山種樹。七月，封韃靼知院阿魯台爲和寧王。八月，思州、靖州苗起事，旋敗。十一月，以瓦剌擾邊，調各路兵集北京，將親督以禦之。十二月，張輔等敗交趾兵於愛子江。是歲，韃靼本雅失里爲瓦剌所殺，立答里巴爲可汗。占城遣使貢。

1414 年

甲午 明永樂十二年

正月，發山東、山西、河南及鳳陽、淮安、徐、邳民十五萬運糧赴宣府。三月，成祖親督馬步五十餘萬攻瓦剌。張輔俘交趾陳季擴

於老撾。六月，成祖大敗瓦剌於忽蘭忽失溫，追至圖拉河，班師，八月，至北京。九月，榜葛剌國獻麒麟。十二月，免蘇、松、杭、嘉、湖五府水災田租四十七萬九千餘石。命胡廣等修五經、四書、性理大全。

1415 年

乙未 明永樂十三年

正月，瓦剌遣使來謝罪。二月，遣官巡視山西、山東、大同、陝西、甘肅、遼東軍屯。初試進士於北京。張輔等自交趾班師還。釋工作囚徒四千九百餘人。三月，廣西蠻起事，旋敗。五月，鑿清江浦渠及呂梁洪等處，又開泰州白塔河，築高郵湖堤，暢利漕運；又定支運法，命沿運河各地運軍遞交遞運，歲可運至五百萬石。六月，北京、河南、山東水。七月，鄭和自西洋還，俘蘇門答刺王弟以獻。蜀山都掌蠻起事，旋敗。十月，陳誠使西域還。陳誠歷十七國，偕其使臣來，並纂西域記獻之。十一月，麻林國獻麒麟。十二月，免順天、鳳陽、浙江、湖廣、河南、山東水旱田租。

1416 年

丙申 明永樂十四年

正月，賑北京、河南、山東饑，凡發粟百三十七萬石。山東廣靈民劉子進自云有異術，聚眾起事，旋敗死。三月，阿魯台敗瓦剌，遣使獻俘。四月，宥齊泰、黃子澄等遠親未發覺者。六月，遣將備倭於山東。七月，遣官捕北京、河南、山東蝗。河決開封，由渦河入淮。九月，初命御史巡鹽。十月，成祖至鳳陽。十一月，廷議遷都北京。徙山東、山西、湖廣流民於保安州。十二月，鄭和復使西洋。倭陷崇明。翰林儒士纂歷代名臣奏議成。

1417 年

丁酉 明永樂十五年

正月，倭掠寇江金鄉、平陽等衛。三月，交趾始貢土至京師。有雜犯死罪以下囚，命輸作北京。四月，頒五經、四書、性理大全於兩京六部、國子監及各府州縣學。五月，成祖至北京。閏五月，交趾民以宦官採辦騷擾，羣起反抗。六月，宦官張謙使西洋還。敗倭於金鄉衛，俘數十人，赦令還國。七月，瓦剌順寧王馬哈木死。九月，修曲阜孔廟成。

1418 年

戊戌 明永樂十六年

正月，交趾俄樂縣土官巡檢黎利起事，稱平定王，交趾鎮將發兵敗之。倭陷松門衛。二月，交趾義安知府潘僚、安老塗山寺僧范玉等十餘處紛紛起事，范玉自稱羅平王，建元永寧，交趾鎮兵疲於攻防。三月，以官軍多征調外出，漕糧支運法不能行，改行民運。四月，日本遣使來。五月，重修太祖實錄成，又修太祖實訓亦成。十二月，申嚴官吏犯賊禁。陝西旱，賑饑民九萬八千餘戶。是歲，命瓦剌馬哈木之子脫歡襲封順寧王。

1419 年

己亥 明永樂十七年

五月，交趾黎利敗走老撾。六月，遼東兵大破倭於金州衛之望海碕，斬千餘級，俘數百。七月，鄭和使西洋還，凡歷十九國，皆先後遣使來獻。十二月，遣官覈實交趾戶口，賦，察軍民利病。是歲，姚廣孝（僧道衍）死。

1420 年

庚子 明永樂十八年

正月，黎利敗於磊江。擢布衣馬麟等十三人爲布政使、參政、參議。二月，山東浦臺縣民林三妻唐賽兒自稱佛母，據益部卸石棚寨起事，攻安丘、莒縣、即墨、諸城等處，旋敗，唐賽兒走。五月，遣將助交趾鎮將以攻黎利等。七月，以唐賽兒敗走，不知所之，慮其潛蹤尼庵道院，詔盡逮山東、北京尼及各地出家婦女，先後凡幾萬人。八月，置東廠於北京東安門北，以內監掌之，司緝訪事。九月，定自明年正月起，改京師爲南京；北京爲京師，去行在之稱。遣宦官侯顯使西域。顯凡五出使，與鄭和相亞。十月，黎利敗走老撾。十一月，宣布定都北京。十二月，京郊、廟、宮殿成。

1421 年

辛丑 明永樂十九年

正月，以定都北京，宮廟告成，大赦。命鄭和復使西洋。二月，遣將巡海捕倭。阿魯台貢使至邊邀扈行旅，因擬擊之。三月，遣官二十六人分巡全國，問軍民疾苦，奏黜不肖官吏。五月，命交趾仿內地衛所例分軍屯田，以供糧餉。六月，番僧大寶法王來朝。九月，以老撾匿黎利，拘其頭目，詰責之。十月，阿魯台擾邊。十一月，遣官分往山東、山西、河南、順天及應天五府，滁、和、徐三州督造糧軍，發丁輓運，集於宣府，以備擊阿魯台。是歲，瓦剌賢義王太平，安樂王把都孛羅來朝。

1422 年

壬寅 明永樂二十年

二月，發備擊阿魯台軍需給養，凡用驢三十四

萬，車十七萬七千餘輛，民夫二十三萬五千餘，糧三十七萬石。三月，阿魯台侵興和，成祖督師擊之。四月，倭掠浙江象山。七月，成祖至沙磧原，阿魯台棄輜重馬畜於庫楞海北走，遂班師。以兀良哈等三衛暗通阿魯台，便道擊潰之。以南京、北京、山東、河南霖雨傷稼，免糧芻六十一萬餘。八月，鄭和自西洋還。十月，分遣宦官、朝士八十人覈各地倉儲。

1423 年

癸卯 明永樂二十一年

正月，交趾黎利敗於車來縣。二月，柳州蠻起事，旋敗。四月，瓦剌脫歡敗阿魯台。七月，成祖復親擊阿魯台。朝鮮王李祹獻馬萬匹。九月，成祖至西陽河，以阿魯台遠遁，遂班師。十月，蒙古王子也先土千來降，封忠勇王，賜姓名金忠。

1424 年

甲辰 明永樂二十二年

正月，以阿魯台又侵大同、開平，征山西、山東、河南、陝西、遼東等地兵集北京及宣府。復命鄭和使西洋。四月，成祖親擊阿魯台。五月，免湖廣、河南等地水災田租。浙、閩、麗水、政和二縣民周叔光、王均亮等據山掠略，遣使招撫，旋散。六月，成祖至祥雲屯，以阿魯台遠走，班師。七月，成祖死於榆木川。八月，皇太子高熾即位，是爲仁宗昭皇帝。罷西洋寶船、迤西市馬及雲南、交趾採辦。復置三公及三孤官。廣西平樂潯州蠻起事，旋敗。九月，黎利敗都指揮方政於茶籠州，又攻清化，都指揮陳忠敗死；時遣官招撫，黎利陽聽命而反抗如故。始設南京守備。命畿內民所養官馬分與諸衛，以寬民力。十月，革南、北京行用庫；罷金銀交易

之禁，收民間鈔入官。增京官及軍士月廩。十一月，詔建文諸臣家在教坊司、錦衣衛、浣衣局及功臣家爲奴者悉有爲民，還其田土。阿魯台貢馬。遣官諭兀良哈。遣御史十四人分巡各地。禁官吏擅役屯田軍士。十二月，詔建文諸臣外親全家戍邊者留一人在戍所，餘悉放還。以西域貢使多商人假托，嗜利騷擾，禁約之。進大學士楊榮爲工部尚書，自後閣職漸崇。是歲，丁鶴年死。

1425 年

乙巳 仁宗昭皇帝朱高熾洪熙元年
二月，頒將軍印於諸邊將。鄭和於去年還自西洋，至是命守備南京。南京地連月屢震，凡十六次。三月，遣將助鎮交趾。詔北京復稱行在。賑河南四州二十三縣饑。五月，仁宗死；六月，皇太子瞻基卽位，是爲宣宗章皇帝。召還宦官在外採辦者。八月，安定曲先番酋殺遣赴烏斯藏使者，遣兵擊破之。十一月，黎利攻下茶籠州。是歲，更定科舉法，定各地取士額。

1426 年

丙午 明宣宗章皇帝朱瞻基宣德元年
正月，赦死罪以下、令運糧宣府以自贖。遣官清理軍伍，自後以爲常。二月，除開荒田通稅。三月，交趾鎮兵攻黎利，敗績。四月，遣將助交趾鎮將。制外戚事鑑及歷代臣鑑書成。五月，以交趾民起事者益多，官兵屢敗，詔不究黎利既往之事。時已計劃撤銷交趾布政使司，利仍反抗。七月，以山東旱，免夏稅。罷湖廣採木。變通薊州軍戶畜馬之制，令馬多無暇牧養者分給馬少之衛。江水連月大漲，黃、汝二水溢，被災者數十州縣。始立內書堂教習。自是宦官始通文墨，漸至有秉筆太監代批本章。八月，漢王朱高

煦據樂安反，宣宗親擊之；高煦降，廢爲庶人，旋殺之。十一月，黎利大敗交趾鎮兵於應平，遣將分道赴援。

1427 年

丁未 明宣德二年

正月，申明屯田法，命御史以時巡察。二月，交趾鎮兵敗黎利。四月，黎利攻下昌化、諒江；七月，利又陷隘留關。四川松潘蠻起事，逾半年敗。韃靼擾邊，敗之。定軍民入米贖罪法。八月，免兩京、山西、河南水旱被災者稅糧。九月，遣援交趾攻黎利之軍大敗於倒馬坡。十月，與黎利和，撤交趾布政司官吏回，令立陳氏後。交趾自設官以來二十餘年，前後用兵數千萬，餽餉至百餘萬，官吏軍民還者八萬六千餘人，其陷沒及死者不可勝計。十二月，陝西旱饑，賑之。是年，南京地震，凡十一次。

1428 年

戊申 明宣德三年

三月，阿魯台遣使獻馬。時瓦剌漸強，阿魯台東走兀良哈駐牧。閏四月，山西平陽屬八州三十三縣旱災，免稅糧。五月，黎利遣使言，陳氏絕嗣，利爲國人所推，權理軍國事；遣官諭仍訪陳氏後。北京順德等三府以旱災，免夏稅。黎利送還所俘官吏百五十七人。六月，陝西西安三府以旱免稅糧。八月，宣宗巡邊；九月，至喜峰口外遇兀良哈犯邊，大敗之；旋回京。十月，命宦官鎮守大同。十二月，廣西兵破忻城蠻。是歲，命哈密故忠義王弟脫歡帖木耳襲封。

1429 年

己酉 明宣德四年

三月，黎利再表言陳氏無嗣，仍命訪求。四

月，廣西兵破潯、柳二州蠻。命工部尚書黃福經略漕運，時濟寧以北，運河淤淺，用十二萬人半月濬通之。六月，詔文官犯贓者不許贖。韃靼侵開平，掠赤城。初設鈔關，始收船稅，命御史及戶部主事監收。九月，免南、北國子監生年五十以上無成及老疾者二百五十三人爲民，並令學校生員兼習書、算。十二月，罷宦官於松花江造船。是歲，南京地震七次。免兩畿稅糧十七萬餘石。

1430 年

庚戌 明宣德五年

正月，太宗、仁宗實錄、寶訓成。三月，黎利復表言陳氏無嗣；仍令訪之。免山西平陽十九州縣去年旱災田租。四月，發軍民三萬六千人築赤城等五堡。修預備倉，出官錢收糴以備凶荒。以郎官況鍾等九人知繁劇之府。六月，遣官捕永平、河間等府蝗。還開平衛於獨石口，於是棄地三百里，失險要，邊防益緊。以曲先衛邀劫往來貢使，遣將擊之，越半年事定。復命鄭和使西洋。和前後七使西洋，凡歷三十餘國，所取無名寶物不可勝計，而耗費亦不貲。八月，命戶部尚書黃福總理淮北、河南、山東屯田。九月，命侍郎于謙等巡兩京、山東、山西、河南、江西、浙江、湖廣等處，是爲各地專設巡撫之始。十月，阿魯台犯遼東。十一月，廣西兵破慶遠蠻。是歲，南京地震四次。築浙江海隄。

1431 年

辛亥 明宣德六年

正月，前以修宮殿，命湖廣採大木，至是以旱災，罷之。二月，以寧夏、甘肅等衛官霸占肥地，屯軍饑困，遣官清釐之。濬封丘金龍口引河水達徐州，以便漕運；又濬祥符抵儀封

淤河四百五十里。三月，初命吏部考察布政及按察二司。四月，以大同等衛官軍侵奪民地，遣官清釐之。溧陽民錢成托神道聚衆謀起事，被捕殺。六月，遣使命黎利權署安南國事。渾河決，順天、保定、真定、河間等府大水，河決開封，淹八縣。七月，遣使諭兀良哈三衛。十月，松潘蠻前起事，至是敗。十一月，復支運法；又命官軍兌運民糧，定加耗之制，以路遠近爲差，每石湖廣加八斗，浙江、江西七斗，江以南六斗，江北五斗，其民運至淮安交割者加四斗。十二月，宦官袁琦等以貪縱，磔斬有差。

1432 年

壬子 明宣德七年

正月，賜司禮太監金瑛、范洪免死詔，時袁琦等雖誅，但宦官之寵任如故。三月，黎利遣使奉獻。四月，山西旱，免逋賦二百四十萬石餘。募商輸糧於邊而酬以鹽引，是爲中鹽法。六月，罷遣宦官入番市馬。九月，濬蘇州四府太湖等六湖。十月，八百大甸宣慰司遣使入貢。是歲，減蘇州官田租七十二萬餘石。

1433 年

癸丑 明宣德八年

春，以兩京、河南、山東、山西旱災，賑之。四月，命有司各舉賢良方正一人。五月，貴州兵破烏羅蠻。廣西兵破宜山蠻。四川亂，旋定。兩京、山東、河南、山西仍旱，再賑之。日本遣使來獻。江西潁江八府大水。八月，黎利遣使奉獻。閏八月，西域獻麒麟。九月，阿魯台部將侵涼州。日本復來獻；實則冒充，其人常以船載兵器，伺便則上岸劫掠，不得便則稱貢使，後更爲沿海之患。始命選近三科進士進文淵閣，遣官教

習。是歲，天方默德那國始遣使來。

1434 年

甲寅 明宣德九年

三月，交趾諒山府土官阮世寧等帥部來歸，徙居廣西龍州等處。廣西兵破思恩蠻。四月，安南黎麟遣使來告其父利之喪；麟一名龍，對國人用之。七月，兩京、山西、山東、河南蝗蝻生，遣官督捕。八月，瓦剌脫歡以攻殺阿魯台來告。九月，宣宗巡邊，逾月，至洗馬林回。阿魯台之子阿卜只俺請降。四月，兵破松潘蠻。罷陝西市馬。以兩京、浙江、湖廣、江西饑，賑之。初命御史巡倉。

1435 年

乙卯 明宣德十年

正月，宣宗死，太子朱祁鎮即位，是為英宗睿皇帝，時方九歲。罷十三布政司鎮守宦官，惟南京守備、諸邊鎮守及徐州臨清收糧、淮浙巡鹽者如故。三月，放教坊司樂工三千八百餘人。江西樂安曾子良等據大盤山起事，旋敗死。四月，畿南、山東、河南蝗，遣官督捕。八月，減光祿寺膳夫四千七百餘人。九月，以宦官王振為司禮監。王振招權納賄，為明代宦官亂政之始。十月，諭韃靼阿台朵兒只伯等。令衛所立學。十二月，阿台等侵涼州鎮番，敗走。是歲，廣西兵破大藤峽蠻。

1436 年

丙辰 明英宗睿皇帝朱祁鎮正統元年

正月，罷銅仁金場。發禁軍三萬屯種於北京附近。三月，定經筵之制，每月三次；五月至七月、十月至十二月以寒暑停。減蘇松等處糧。四月，河北旱蝗，遣官捕之。五

月，阿台朵兒只伯掠肅州。始設提督學校官。六月，徙甘、涼寄居回回五百戶於江南，又徙在京降人於河間、德州。閏六月，罷陝西織造駝駝。順天等六府大水。七月，訪周敦頤等後嗣，免其徭役。南京、陝西、湖廣、廣東大水。八月，遣將擊阿台等。始定歲賦折銀入內承運庫。九月，遣大臣偕宦官督理兩淮、長蘆、浙江鹽課。遣使封黎麟為安南國王。十二月，宦官王振慫恿英宗下兵部尚書王驥於獄，自是振遂漸弄權。廣西蒙顥等十六洞前起事，至是敗。是歲，罷多處坑冶，停諸處採買及造下西洋船。遣宣德八年來京之古里等十一國貢使回。安南遣使求封，又遣使歲貢。

1437 年

丁巳 明正統二年

三月，遣官撫輯大名及河南、陝西流民。四月，命兵部尚書王驥、刑部尚書魏源分別經理甘肅、大同邊務。陝西平涼六府旱災。六月，河南、江北諸府州自四月至五月，以河淮泛溢成災，遣官賑之。

1438 年

戊午 明正統三年

三月，北京地震。四月，王驥督兵大破阿台等於刁力溝等處。設大同馬市。宣宗實錄成。六月，麓川宣慰使思任發起事，遣將擊之。八月，陝西饑。令雜犯死罪以下輸銀送邊易米以贖罪。九月，免南北京及湖廣逋賦六十四萬石。十一月，以修宮殿、官署，大征工匠，逃者六千餘，逮捕四千餘，皆令桎梏赴工。定入國子監事例。瓦剌酋長脫歡立元後脫脫不花為主，自為丞相，專國事。是歲，安南遣使歲貢。

1439 年

己未 明正統四年

正月，雲南兵擊思任發，敗績。二月，貴州計沙苗前起事，至是敗。三月，增南京及外官俸。四月，倭大掠臺州等處。五月，以思任發擾景東等處，再遣兵擊之。河南北大水，京師大雨，壞官民舍三千三百餘區。七月，免南、北京、山東、河南、江西被災處稅糧。滹沱等河水決堤。八月，增設沿海防倭官。白溝、渾河溢，蘇州等三府大水。九月，宣大鎮兵破兀良哈於三岔河。十月，增選海運船。十二月，松潘祈命番起事，踰四月敗。是歲，瓦剌酋官脫歡死，子也先嗣，稱太師、淮王。

1440 年

庚申 明正統五年

三月，大修北京宮殿，役工匠官軍七萬餘人。思任發請降。六月，南、北京、山東、河南、浙江、江西大水，陝西涼平等府、山西蔚州等處皆大雨。宦官王振度僧道前後凡二萬二千三百餘人。十月，蘭州等處地屢震，壞城堡廬舍。十一月，僧人楊行祥以冒充建文帝，下獄死。師宗蠻前起事，至是敗。十二月，免南京等處被災區稅糧。

1441 年

辛酉 明正統六年

正月，以兵部尚書王驥總監軍務，宦官曹吉祥監軍，發兵十五萬擊麓川思任發。七月，浙江、湖廣饑，賑之。十一月，以宮殿成，大赦，並去北京行在之稱。免河南、山東等處被災稅糧四十四萬餘石。閏十一月，瓦剌也先入貢。十二月，王驥等攻下麓川，思任發走孟養。

1442 年

壬戌 明正統七年

四月，南、北京、山東、河南、山西、陝西旱蝗，遣官捕之，又免被災區稅糧。五月，倭掠浙東。七月，賑陝西饑，贖民所賣子女。八月，復命王驥擊思任發之子思機發。九月，置太倉銀庫。十月，兀良哈掠廣寧前屯。是冬，以僉都御史王翱提督遼東軍務，以防兀良哈等部侵擾。

1443 年

癸亥 明正統八年

八月，倭掠浙東。是冬，王驥以大軍脅緬甸送思任發，緬甸不予。

1444 年

甲子 明正統十年

正月，發兵四道擊兀良哈，皆有小勝，遂二月，班師。二月，王驥俘思機發妻子，以其地立隴川宣慰司。新建太學成。四月，賑沙州及赤斤蒙古饑。六月，賑湖廣、貴州蠻饑。七月，處州葉宗留及陳瑩胡等聚衆數千開福安礦，殺福建緝捕官。免河南等處去年災區糧三十萬餘石。閏七月，復開福建、浙江銀場，以定額過多，官吏侵擾，礦民紛起反抗。北京、南京等處十餘府大水，河南山水，淹四府。八月，免陝西災區稅糧四十八萬餘石，贖民間所賣子女。十月，兀良哈貢馬謝罪。

1445 年

乙丑 明正統十年

二月，兀良哈再貢馬，謝侵擾之罪。三月，麓川思機發遣使入謝。四月，以連年水旱，命所在賑流民。遣御史提督浙江、福建銀

場。七月，山西、陝西饑民二十餘萬就食河南，開倉減糶以賑之。八月，湖廣旱，蘇、松等十四州府水，免災區稅糧。十二月，緬甸獻思任發。是歲，瓦剌也先侵哈密，又破兀良哈三衛，遠脅朝鮮，謀大舉入犯。

1446 年

丙寅 明正統十一年

三月，銀場開後，人民不堪苛累，紛起抗官，時稱之爲礦賊，遣御史緝捕。四月，倭掠海寧、乍浦。七月，復設稅課司，增市廛稅鈔。九月，廣西化州瑤起事。是冬，也先攻兀良哈，乞糧於大同，不許。

1447 年

丁卯 明正統十二年

三月，免杭州等三府被災秋糧五十一萬餘石。始命府州縣學考取附學生員。遷沙州衛蒙古民二百餘戶於山東、清平、博平分三屯。四月，免蘇州等四府被災糧九十八萬餘石。七月，命諸邊練軍防瓦剌。十月，礦民葉宗留起事，稱大王，攻政和等處。

1448 年

戊辰 明正統十三年

二月，王振重修慶壽寺，役軍民萬餘人，費錢數十萬。三月，命王驥擊麓川思機發。四月，南、北京、山東、河南、湖廣旱蝗，陝西、江西、浙江水；免浙江、江西、湖廣秋糧一百五十五萬餘石。江西民鄧茂七抗佃糧起事於福建寧化，號剗平王，人民之苦富民魚肉者紛起從之，尤溪爐主蔣福成亦聚萬餘人響應，至是圍延平；遣將攻之。五月，以鈔法不通，禁用銅錢。七月，河決大名之開州、長垣，淹三百餘里；又決新鄉八柳樹口，漫曹濮，絕運河；又決蒙澤，沒原武、奪渦淮，淹

二千餘里。葉宗留大敗官軍於處州，十一月，又大敗官軍於玉山，遂入江西。十二月，廣東瑤趙普旺起事，旋敗。鄧茂七攻泉州、建寧等地，疊敗官軍。

1449 年

己巳 明正統十四年

二月，鄧茂七敗死，部下擁其兒子伯孫繼續反抗。王驥破思機發於金沙江。大發兵擊葉宗留等。三月，鄧茂七部將林子得敗死。四月，湖廣、貴州苗民大起事。葉宗留爲陳鑑胡所殺，陳鑑胡建國號太平，建元泰定，自稱大王，旋降。五月，鄧茂七部下之在沙縣等地者敗散，鄧伯孫被俘，死。是夏，兀良哈擾邊，敗於箭谿山。七月，瓦剌也先入犯，英宗親禦之，以弟郕王祁鈺留守，八月，英宗至大同，還至懷來縣土木堡，也先兵至，被俘，文武官扈從者多死。敗耗至京，郕王監國，九月，遂卽帝位，尊英宗爲太上皇。廣東南海民黃蕭養起事攻廣州，稱東陽王。貴州鎮民苗金臺稱順天王，攻平越等地。減浙江、福建銀課，旋封閉銀場。十月，也先大舉入犯，攻北京，旋退。十二月，命王驥經理貴州，攻苗。

1450 年

庚午 明代宗景帝朱祁鈺景泰元年

正月，以邊事需餉，始定納粟入國子監及給冠帶之制，官吏以罪廢者，納粟得復職。閏二月，也先擾寧夏、大同，三月，又擾朔州、寧夏、慶陽，又分道掠陽和、大同、偏頭關；四月，又擾大同、雁門，五月，至太原，旋退。黃蕭養敗死。貴州苗大敗。也先擾宣府。處州民陶得二等又起事，敗官軍。六月，也先擾大同、宣府。七月，貴州苗首領王阿同等敗死。遣使於也先，迎太上皇，八月，至

北京，居南宮。先是，永樂時蒙古降者多居近畿，每暗通也先，至是兵部尚書于謙借貴州等地用兵之機，選其精騎以從，繼更遣其妻子以往，於是也先無內應。是冬，湖廣苗攻長沙、寶慶等地，皆敗。

1451 年

辛未 明景泰二年

二月，宦官興安以皇后命度僧道五萬餘人。四月，貴州苗首領韋同烈等兵敗，被俘。瓦剌擾宣府。七月，貴州永寧等處苗起事。是秋，浙閩葉宗留等殘部皆散，於其活動中心析置四縣，置戍兵。也先殺韃靼可汗脫脫不花。

1452 年

壬申 明景泰三年

三月，湖廣巴馬苗敗。五月，沙灣河堤成。六月，罷巡撫官。河復決沙灣。八月，賑南京、河南、山東等處流民。閏九月，復開處州銀場。福建民又紛紛起事。貴州白石崖苗敗。十一月，安輯北京及山東、山西流民。十二月，始於京師立團營，以于謙總其事。是歲，淮北大水，民多饑死。

1453 年

癸酉 明景泰四年

正月，河復決於沙灣之南。二月，湖廣五開等苗皆敗散。三月，開建寧銀場。山東、河南饑民二百餘萬，賑之。宦官興安建大隆福寺，費數十萬。四月，復塞沙灣決河。命生員納米賑淮、徐饑，許入國子監；時軍民亦許納粟入監，謂之俊秀，或曰例監。五月，徐州等地大水。河又決沙灣北岸，掣運河水入鹽河。八月，瓦剌也先自立為可汗；十月，遣使來，自稱大元田盛大可汗。十二

月，瓦剌擾遼東。是歲，倭人假入貢為名，掠臨清，又爭賜物多少。

1454 年

甲戌 明景泰五年

正月，罷建寧銀場。以淮南北、山東、河南軍民饑，遣使撫輯。二月，定會試南北取士額。三月，廣東龍水瑤起事，旋敗。緬甸執送思機發，殺之。放遣國子監生千餘人。四月，四川草塘苗起事，旋敗。七月，南京水。八月，減南、北京課鈔。九月，免蘇州等七府漕糧二百餘萬石。福建官臺山民起事。十一月，罷蘇、松、常、鎮四府織造採辦。是歲，也先為其下所殺，瓦剌漸衰，韃靼復振。

1455 年

乙亥 明景泰六年

四月，韃靼小王子麻兒可兒獻馬駝。五月，北京旱蝗，淮南北大旱。六月，河決開封。七月，塞沙灣決口成。八月，濬北京城河。九月，賑蘇州等府饑民，凡百餘萬石。以官犯蒙能逃入苗中，自稱蒙王，號召苗民起攻銅鼓等地，遣兵擊之。是歲，南京、山東、山西、河南、陝西、江西、湖廣三十三府、十五州衛旱。

1456 年

丙子 明景泰七年

四月，麓川思卜發貢象馬。修寰宇通志成。六月，河決開封。七月，南北京、山東、河南，以連月雨，大水。十二月，蒙能陣亡，苗大敗。賑北京、山東、河南水災區。是歲，湖廣、浙江及南京、江西十七府旱。以水旱，免各地稅糧二百四十餘萬石。

1457 年

丁丑 明景泰八年 英宗天順元年

正月，徐有貞、石亨等擁英宗復辟，改元天順，殺于謙等；二月，廢景帝爲郕王，尋死。廣西潯州蠻前起事於大藤峽，至是敗散。湖廣苗大敗。四月，蒙能殘部敗散。韃靼李來擾寧夏。十一月，廣西田州苗起事。十二月，李來又擾甘、涼。

1458 年

戊寅 明天順二年

二月，開雲南、福建、浙江銀場，又於雲南等處遣宦官收買金、寶。李來擾涼州。四月，復設巡撫官。八月，李來擾鎮番。修一統志。九月，遣官捕江淮鹽盜。十一月，免山東濟南等四府災區糧五十一萬餘石。李來擾延綏。

1459 年

己卯 明天順三年

正月，李來擾安邊營，大敗。兩廣民及瑤起事。二月，遣御史偕宦官採珠於雷州、廉州。四月，廣東瀧水瑤敗。貴州東苗前起事，至是敗。廣西民紛紛起事，遣將攻之。

1460 年

庚辰 明天順四年

二月，廣西僮起事，破梧州。陝西慶陽大隕石，人死傷以萬計。四月，遣宦官督浙江、雲南、福建、四川銀課，總十八萬餘兩。五月，罷宦官督蘇、杭織造。六月，淮水以連月雨，漲決。遣官督捕逃亡工匠凡三萬八千餘人。命蘇、杭等府織染局增造綵緞七千匹。八月，李來等分道入犯，掠忻、代諸州，九月，又犯大同右衛。是歲，朝鮮與毛

憐衛仇殺，遣官和解之。

1461 年

辛巳 明天順五年

二月，免山東災區稅糧二十四萬餘石。李來犯莊浪。大發兵攻大藤峽瑤。三月，免蘇州等四府災區稅糧五十三萬餘石。三月，城步瑤、僮敗。四月，李來犯平虜城，以其屢擾掠，遣將擊之。五月，李來犯宣府。免河南災區稅糧二十六萬餘石。六月，李來犯河西。七月，太監曹吉祥反，族誅之。免南京等府災區稅糧五十九萬餘石。八月，李來犯涼州。十月，以用兵於西邊，令河南、山西、陝西民納馬者予官銜。與李來和。是歲，松潘番起事。

1462 年

壬午 明天順六年

正月，李來遣使入貢。二月，遣使封黎灝爲安南國王。四月，免河南開封等五府災區糧二十八萬餘石。兩廣兵大破大藤峽瑤。六月，湖廣兵破江華等地瑤。七月，淮安海盜，鹽丁溺死千餘人。九月，擴展錦衣衛獄。十月，李來犯寧夏，敗走。

1463 年

癸未 明天順七年

正月，湖廣洪江苗起事，踰半年敗。三月，停各處銀場。福建上杭民李宗政起事，旋敗。四月，復遣宦官督蘇、杭織造。七月，免陝西災區糧九十一萬石。九月，遣將攻廣西瑤。十月，陝西饑，出粟一百八十餘萬石賑之。十一月，瑤入梧州城，掠庫、放囚。是冬，赤谿諸洞苗敗散。以項忠巡撫陝西。項忠開龍首渠，疏鄭、白二渠，溉涇陽等五縣田七萬餘頃。

1464 年

甲申 明天順八年

正月，英宗死，遣詔罷宮人殉葬。太子見深卽位，是爲憲宗純皇帝。二月，舊制，授官必由內閣、吏部，至是始由宦官傳旨直接授官，謂之「內批」。三月，毀錦衣衛新獄。四月，發內帑七十六萬餘兩犒邊軍。十月，立武舉法。以沒收曹吉祥田爲宮中莊田，是爲皇莊之始。是歲，四川趙鐸起事，稱王，攻安岳等處，逾半年敗死。理學家薛瑄死。

1465 年

乙酉 明憲宗純皇帝朱見深成化元年

正月，以廣東瑤勢力至江西、湖廣，遣將攻之。哈密等國貢馬。爲籌兩廣餉，開納粟例。二月，孛來與兀良哈侵遼東。廣西瑤入廣東，攻新會。三月，四川山都掌蠻起事。劉通起事於鄖陽，稱漢王，建元德勝，攻襄陽等處。七月，南、北京、湖廣、浙江、河南饑，賑之。韃靼毛里孩犯榆林；八月，犯延綏；十月，又犯延綏。十二月，瑤大敗於大藤峽。是歲，令申嚴洪武、永樂、正統歷年法令。安南遣使歲貢。

1466 年

丙戌 明成化二年

正月，更定團營制。二月，韃靼犯保德。三月，劉通大敗於南漳。靖州等地苗紛紛起事。閏三月，江淮大旱，人相食。劉通敗，被俘死。四月，倭掠浙東。六月，毛里孩犯延綏。劉通殘部石和尚攻巫山等縣。七月，毛里孩犯固原；八月，犯寧夏。築陝西延綏至甘肅一帶墩堡、濠牆，以防韃靼。十月，石和尚敗，被俘死。十二月，毛里孩犯延綏。廣西廖婆保等起事，攻潯、賓等

州。

1467 年

丁亥 明成化三年

正月，韃靼內闕，孛來爲毛里孩所殺；遣將擊之，以毛里孩請和而止。二月，靖州苗敗散。三月，毛里孩犯大同。復開浙江、福建、四川、雲南銀場。四月，四川自去年六月至此時，地震凡三百七十五次。六月，遣兵擊山都掌蠻。八月，英宗實錄成。是歲，揚州鹽寇起事。廣西民黃公漢等起事，攻思恩、潯州等地。

1468 年

戊子 明成化四年

三月，以湖廣去年旱，免荊州等十四府及武昌等二十三衛糧一百七萬餘石，三月，因番僧、公主、親王請田多至四千餘頃，奪民生計，詔中外豪強不得擅請田；惟不久卽成具文。加番僧封號爲大國師、國師；時道徒加號真人、高士者亦多。山都掌蠻敗散。六月，以江西旱，免秋糧二百八十八萬餘石。開城土官滿俊起事，越五月敗死。十一月，毛里孩犯遼東；十二月，犯延綏。是歲，日本以寧波民流落日本者充使來貢。遣使冊封朝鮮國王李暉。安南侵廣西憑祥。罷九江、蘇州、杭州鈔關。

1469 年

己丑 明成化五年

六月，河決開封杏花營。給事中李森以皇親請地六百頃，乳母請地三百頃，上疏諫，下獄。十一月，毛里孩糾兀良哈三部犯延綏。是歲，吐魯番來貢。吳與弼死。

1470 年

庚寅 明成化六年

正月，大同兵疊敗毛里孩。三月，免湖廣、山東、蘇州等地糧九十餘萬石。五月，北京、山東、河南三省大旱，陝西、四川、山西、兩廣亦饑，先後賑之。延綏兵破據河套之韃靼。六月，順天等府大水。七月，延綏、大同兵前後破河套韃靼。十月，以旱災免河南、山東軍民稅糧八十四萬餘石。十一月，劉通部下李胡子號召荆襄流民起事，稱太平王。韃靼犯安邊營。

1471 年

辛卯 明成化七年

二月，復設九江、蘇州、杭州鈔關。三月，於蕪湖、沙市、杭州抽分竹木，為宮中營繕之用。敗韃靼入犯之師於懷遠等堡。發倉粟八十萬石，平糶以濟京師飢饉。七月，招荆襄流民復業者九十三萬餘人。八月，振山東七府、浙江四府水災。九月，定漕糧長運法。十一月，李胡子等敗，被俘死。是歲，安南黎灝滅占城，虜其王。

1472 年

壬辰 明成化八年

正月，韃靼侵延綏、固原、平涼。四川榮縣民起事，攻城開獄，又攻犍為，不久敗散。二月，以大發兵攻韃靼於河套，河南、山西預征明年賦。三月，以久旱，運河水涸。六月，韃靼侵平涼、鞏昌、臨洮，大殺掠，七月，又侵慶陽。七月，蘇州等三府、杭州等五府大水，溺死者二萬八千四百六十餘人。修隆善寺成，工匠三十八人授官。八月，韃靼侵寧夏、慶陽、固原。九月，遣使於安南，令復占城國，安南不納使者。十月，敗韃靼於韋州。十二月，以旱災免順德等府秋糧九萬七千餘石。是歲，京畿改設二巡撫。

定運糧京師以四百萬石為額。是冬，土魯番酋長阿力襲據哈密。

1473 年

癸巳 明成化九年

正月，敗韃靼於漫天嶺。免湖廣武昌等府被災秋糧三十二萬餘石。三月，減雲南銀課之半。振京畿、山東饑。四月，兀良哈等三衛攻擾遼東，敗還。以山東饑，全免今年稅糧。遣使諭土魯番退出哈密。六月，振山西饑，免陝西災區夏稅。七月，敗韃靼於榆林澗。八月，乘韃靼精銳犯秦州，安定等處，襲其老弱於紅鹽池，大勝。十一月，朵顏等三衛結韃靼，屢擾遼東，遣兵敗之於麥州。十二月，以京畿、山東、河南水旱為災，免征民間馬課。是冬，以土魯番不聽退出哈密之命，令赤斤等部合討之。

1474 年

甲午 明成化十年

正月，初設延綏、寧夏、甘肅三邊總制，以禦韃靼。二月，免南畿、湖廣被災秋糧。五月，申藏妖書之禁。免山西、陝西被災府縣稅糧一百二十七萬石。閏六月，築邊城起紫城砦至花馬池戍，共一千七百七十里。七月，免江西被災府縣秋糧八十六萬餘石。八月，韃靼侵宣府，未幾退。九月，免蘇州等府秋糧四十三萬餘石。詔侯伯及駙馬年少者入國子監。十月，攻土魯番之師無功而還。十一月，免河南災區稅糧三十四萬餘石。韃靼又侵宣府，禦敗之。十二月，以湖廣採金歲役民夫五十五萬，所得僅三十餘兩，命罷之。

1475 年

乙未 明成化十一年

正月，以哈密失國，命其酋長罕慎權統流移之民，給以衣糧、穀種。二月，禁聽訟用夾棍等酷刑。停閉宜陽銀冶。韃靼擾邊，敗還。宋元通鑑綱目成。五月，免湘廣及江南、福建災區稅糧。七月，朵顏等三衛請開馬市，不許。八月，浚通惠河。韃靼遣使貢馬，時諸酋長互相攻殺，勢少衰。福建大疫，延及江西，死者無算。十二月，浙江景寧等處礦工起事，旋敗。

1476 年

丙申 明成化十二年

正月，韃靼擾宣府。三月，靖州苗起事，旋敗。五月，荆襄流民又起事，旋予以適當之安插，遂定。六月，通惠河浚成。八月，復許土魯番通貢。九月，令太監汪直刺事。播州苗內鬩已年餘，至是定。十二月，開設鄖陽府治，置行都司，命官爲巡撫，以鎮壓流民。是歲，定踏勘被災田畝之例。

1477 年

丁酉 明成化十三年

正月，以浙江水災，免稅糧四十一萬餘石。置西廠，以宦官汪直領之，勢出東廠上，自是屢興大獄，中外騷然。閏二月，免山東災區稅糧四十一萬餘石。三月，免河南災區稅糧三十九萬餘石。以西廠濫刑，諭法司慎勘獄，惟西廠刺捕之妄如故。四月，甘肅、寧夏、山東等處地震。五月，以西廠橫暴，刑獄冤濫過甚，用大臣商輅等言，罷之；六月，復置，商輅因請致仕。八月，以應天、山東等地水災，遣使振之。免江西災區秋糧。十月，以哈密爲土魯番所據，命於苦峪築城，以安插其民。十一月，四川松潘土民起事，遣兵攻之。十二月，免南京災區夏稅糧五十餘萬石。

1478 年

戊戌 明成化十四年

三月，免浙江災區秋糧。罷四川烏撒衛銀場。應朵顏三衛請，復開遼東馬市。以浙江飢，罷採花木之役。福建上杭民曾宗、鄧嵩等起事，旋敗。四月，免南京、山東災區秋糧。五月，汪直請武舉依文舉鄉會試例，旋議行之。六月，命汪直巡遼東邊。四川松潘等地起事土民敗。七月，北京、山東大水，遣官振之。八月，江西大水。免湖廣災區秋糧十六萬石餘。十二月，免北京災區秋糧二十餘萬石。是歲，土魯番酋長阿力死，子阿黑麻嗣，遣使來貢。

1479 年

己亥 明成化十五年

正月，振山東飢，並免災區秋糧。修開國功臣墓。二月，免湖廣災區秋糧。免廣東廣州等五府逋賦。四月，免南京災區秋糧四十餘萬石。六月，免湖廣、河南災區稅糧七十六萬餘石。七月，命汪直巡大同邊。九月，四川播州苗民起事。閏十月，汪直等以兵出遼東塞，焚殺，遂激諸部報復。十二月，免四川災區稅糧。是冬，安南兵入雲南蒙自界，旋退。

1480 年

庚子 明成化十六年

正月，韃靼侵延綏。免南京災區稅糧。遼東塞外各部入雲陽等堡大殺掠，以報去冬汪直等之侵劫。二月，免湖廣災區稅糧七十五萬餘石。襲敗韃靼於威寧海子。五月，免河南災區秋糧三十五萬餘石。六月，禁豪強侵占民田。七月，倭擾福建。十二月，韃靼侵大同，以報威寧海子之怨。潯州等四府民

起事，田州土官黃明亦起。

1481 年

辛丑 明成化十七年

二月，南京、河南地震。遣官分查各布政司庫藏。免山西、浙江災區稅糧九十五萬餘石。韃靼擾邊，追敗之於黑石崖。撤馬爾罕貢獅，遣內官迎之於嘉峪關。定五年大審之制，以丙及辛年行之。四月，韃靼侵宣府。六月，雨雪。七月，免南京災區秋糧。十月，賑河南飢，免湖廣災區田租十之六。十一月，取太倉銀三分之一入內庫以供內府之用。安南據占城，侵老撾，遣使諭之。是年，東國輿地勝覽成。

1482 年

壬寅 明成化十八年

三月，以淮揚巡撫張瑄等請，以糧八萬石振淮揚及蘇州等郡飢，又免秋糧六十餘萬石，全活二百餘萬口。罷西廠。四月，哈密酋長罕慎攻復故地，逐土魯番戍兵。免山西災區夏稅糧五十四萬餘石。五月，免山東災區稅糧。六月，韃靼犯延綏，大敗。八月，免河南災區稅糧。衛、漳、漳汭河溢，漕河決口八十餘處，河南霖雨三月，漂損廬舍三十一萬四千餘間，淹死軍民萬一千八百餘人。十月，取太倉銀四十萬兩入內庫。十一月，免北京、陝西、遼西被災區秋糧。

1483 年

癸卯 明成化十九年

三年，免湖廣災區之秋糧。四月，免河南災區之秋糧。六月，廣西平樂等處瑤民起事攻城，旋敗散。七月，小王子犯大同，官兵敗，八月遂犯宣府，敗還。汪直貶黜。

1484 年

甲辰 明成化二十年

正月，北京東至遼東，北至宣府、大同一地震。宦官尚銘以擅權求賄，貶逐籍沒。小王子擾大同。六月，設雲南孟密安撫司。免陝西災區稅糧六十餘萬石。九月，陝西、山西旱飢，人相食，遣使振之。十月，罷雲南元江等處銀冶。十一月，封罕慎為哈密國王。十二月，免山西、河南災區稅糧三十八萬餘石。胡居仁死。

1485 年

乙巳 明成化二十一年

正月，遣官振陝西、山西、河南飢民，山西全活者三十餘萬人，流民還者十四萬戶。以災變求直言；言者多請罷修佛寺，遠方士妖僧，及免遣擾民之傳奉官。二月，免陝西災區夏稅。三月，開納粟例以振河南飢。四月，轉漕米四十萬石振陝西飢。免南京、山東災區稅糧五十七萬餘石。六月，令武臣納粟襲軍職。十月，免山東、山西、陝西、河南、四川災區稅糧二百五十五萬餘石。

1486 年

丙午 明成化二十二年

正月，韃靼擾臨洮。免河南災區秋糧。二月，免南京六府及湖廣災區秋糧。三月，小王子擾開原。清畿內勦威莊田。六月，免南京、陝西災區稅糧。七月，小王子擾甘州。十一月，占城王古來為安南所逼來奔。十二月，免江西、陝西災區稅糧。

1487 年

丁未 明成化二十三年

正月，免陝西、湖廣災區稅糧。遣官發兵送

占城王古來歸國。三月，免山東災區稅糧。四月，免浙江災區秋糧。五月，朵顏等三衛爲韃靼所逼，款塞請避，令在近邊地駐牧。六月，免陝西、南京災區秋糧。八月，憲宗死，太子祐樞卽位，是爲孝宗敬皇帝。九月，貶逐憲宗諸佞倖。十月，汰傳奉官等二千餘人，又逐僧道及西番法王國師等一千四百餘人。十一月，丘濬進大學衍義補。十二月，免江西、湖廣災區稅糧。是歲，鬱林陸川民黃公定等起事，旋敗。

1488 年

戊申 明孝宗敬皇帝朱祐樞弘治元年二月，以哈密王罕慎告瓦剌犯邊之訊，得以爲備，封之爲忠順王。三月，小王子擾蘭州，敗還。四月，以天暑錄囚，後歲以爲常。五月，嘉興百戶陳輔以罪革斥，因聚衆作亂，旋敗死。六月，小王子遣使通貢，自稱大元汗。清理淮浙鹽法。七月，減浙江溫、處等地銀課萬餘兩。八月，小王子擾山丹、永昌，自是屢以入貢爲名，沿邊攻掠，且漸往來於河套。減雲南銀課二萬兩。十月，湖廣、四川飢，振之。十一月，僧繼曉在憲宗時，淫恣橫暴，憲宗死，被逐，至是殺之。免河南災區秋糧。土魯番酋長阿里麻襲殺哈密忠順王罕慎，復據哈密，遣使來貢。是歲，罷行人巡茶。

1489 年

己酉 明弘治二年正月，收已死宦官賜田給百姓。二月，四川大飢。有野王剛者聚衆已五年，至是更進入湖廣、陝西交界諸郡，旋敗。三月，免陝西災區秋糧三分之二。韃靼擾宣府。閉會川衛銀礦。四月，復減浙江銀課。五月，河決開封府境六處，南流淹歸德、徐州入淮，北

流經曹州入運河，發夫五萬治之。京畿水，振之。八月，四川流民復業者，免雜役三年。孟密侵木邦土司，諭令和好。十月，罷浦城銀冶。是歲，撒馬兒罕復貢獅子，土魯番亦假道滿剌加浮海貢獅子。

1490 年

庚戌 明弘治三年

正月，發米三十萬石賑京南飢。二月，免河南災區秋糧。三月，命各州縣備倉儲，以里數多少爲差。四月，韃靼擾宣府。六月，韃靼別部伯顏蒙可貢馬。閏九月，禁宗室勳戚奏請田土及受人投獻。是歲，廣西恩城州土司侵田州土司互鬭，遣兵擊定之。

1491 年

辛亥 明弘治四年

八月，以水災，停浙江織造一年。憲宗實錄成。六月，河決開封。十二月，土魯番還所據哈密諸地。

1492 年

壬子 明弘治五年

二月，封陝巴爲忠順王，主哈密國事。減陝西織造絨氈之半。三月，古田僮人韋朝威起事，烹食典史。五月，求遺書，分儲於內閣及兩京國子監。六月，免南京去年災區稅糧。七月，以山東旱，南京、浙江水，振之。河決數道入運河，奪汝入海，征夫十五萬治之。八月，停南京、蘇州、浙江額外織造。十月，貴州都勻苗也富架等起事。更中鹽法。十一月，閉浙江溫、處等州銀冶。停納粟例。

1493 年

癸丑 明弘治六年

四月，土魯番以哈密掠其牛馬，襲執忠順王陝巴，復據其地。五月，小王子擾寧夏。閏五月，免南京災區秋糧一百八十餘萬石，並以蘇州等四府漕糧三十萬石振之。六月，北京大旱蝗。古田僅敗散。八月，免兩京及山西、河南遼東等地災區稅糧；山東大飢，發銀五十餘萬兩、米二百餘萬石振之，凡活飢民二百六十餘萬。九月，免陝西災區夏稅。十月，以災，停甘肅織造絨氈。十一月，振京師流民。十二月，以災復開納銀納米事例。

1494 年

甲寅 明弘治七年

二月，河決張秋。貴州都勻苗也富架等敗散，因設都勻府及獨山、麻哈二縣。六月，築高郵湖隄成，賜名康濟。七月，命官經理三吳水利。十月，立僉民壯法，富民不願者納銀於官，官自募之。十二月，塞張秋決河成。小王子擾甘涼諸地。是歲，免北京、河南、湖廣、陝西、山西災區夏稅。

1495 年

乙卯 明弘治八年

正月，韃靼北部酋長亦卜剌因入居河套與小王子及火篩等聯和，勢又強，於是西擾甘肅，東犯宣府，是年且三入遼東。二月，塞黃陵岡等處決河成，河自金明昌中分二道入海，北流雖微而未絕，至是始合一由南河。三月，免湖廣災區稅糧。四月，三吳水利修成，凡修濬及築鬥門隄岸一百三十五所，役夫二十餘萬。五月，免蘇州等府災區秋糧，又發米五十六萬餘石振飢民，全活者一百二十餘萬人。定國子監生撥歷事期。七月，廣西平樂瑤民起事。八月，以福建上杭民起事，勢力及於鄰境，遣官總制江西、湖廣、福建軍務以鎮壓

之。以馬湖土司殘虐，改為流官。十一月，免京畿災區稅糧。以土魯番酋長馬黑麻侵據哈密，稱可汗，且擾沙州，發兵擊之，十二月，克哈密，乃還。韃靼西北別部諸酋長請入貢並互市，却其貢。

1496 年

丙辰 明弘治九年

正月，哈密以土魯番又來攻擾，復東走肅州，令安置於瓜、沙等州耕牧。二月，免河南災區稅糧。六月，免江西災區稅糧五十萬餘石。七月，小王子犯大同、宣府。八月，免湖廣災區秋糧。九月，以外城因爭私利互鬥，命禁勢豪侵奪民利。十二月，刑部吏徐珪以東廠枉法橫行，上書請革之；不從，且革珪為民。

1497 年

丁巳 明弘治十年

三月，命官修大明會典。五月，小王子犯潮河川、大同。九月，山東濟南等五府大水，振之。十一月，土魯番乞歸忠順王陝巴於哈密，且請通貢。四川水，振之。免南京、山西、陝西災區稅糧。是歲，始設南贛巡撫，嗣兼提督軍務。

1498 年

戊午 明弘治十一年

二月，小王子遣使求貢。五月，小王子犯肅州。六月，河決歸德。七月，襲小王子於賀蘭山後，敗之。韃靼別部侵遼東。十二月，禁中外靡奢。免南京、山西、陝西、廣東災區稅糧。

1499 年

己未 明弘治十二年

正月，遼東鎮將誘殺朵顏三衛人三百餘人，以捷聞；事露，遣官往覈。二月，免山東災區夏稅。四月，免湖廣、江西稅糧。五月，免南京災區稅糧。八月，復免南京、河南災區夏稅。九月，普安土司內閔，因起事，女酋長米魯自號無敵天王；發兵擊之。小王子入居河套。十月，命採珠於廉州。田州與恩州土司互閔。

1500 年

庚申 明弘治十三年

正月，禁民間收買軍器。二月，免山西被災區稅糧。更定刑部條例。嚴旌舉連坐法。四月，火篩犯大同，得勝回；五月，又來，縱掠而去。六月，免江西災區秋糧。十一月，小王子諸部擾大同。十二月，火篩犯大同，深入百餘里。是歲，陳獻章死。

1501 年

辛酉 明弘治十四年

正月，陝西延安等處地震連日，壓死人畜甚衆。二月，罷陝西織造中官。四月，小王子等部連兵大舉犯邊，延綏、寧夏皆遭蹂躪。五月，免陝西災區稅糧。孟養、孟密土司構兵累年，至是始諭定之。六月，貴州官兵攻米魯，大敗。七月，泰寧衛人犯遼東。雙韃韃於河套，無所遇，以捷聞。閏七月，小王子擾寧夏大殺掠。八月，火篩犯固原、寧夏。免河南被災區稅糧。十一月，振兩京、山東、河南災區飢民。十二月，遼東大飢，振之。免北京、山東、山西、湖廣、江西災區稅糧。是歲，定番僧市茶之例。

1502 年

壬戌 明弘治十五年

正月，江西新昌民王武等起事，尋以王武背

叛，皆敗。二月，免河南災區稅糧。三月，罷饒州督造瓷器中官。五月，免湖廣災區秋糧。七月，普安女酋長米魯敗死。九月，放減內府所畜鳥獸。十一月，瓊州黎人符南蛇等以不堪官府賊虐，起事。罷廣東採珠中官。十二月，大明會典修成。免南京稅糧三十餘萬石。設總制府於固原，以防火篩。

1503 年

癸亥 明弘治十六年

正月，孟養土司入貢，並歸侵木邦土司地。三月，免山西災區稅糧。六月，復遣中官督蘇杭織造，以言者力爭，只減原額三分之一。七月，瓊州黎人符南蛇敗死。南海等縣民古三仔等起事，尋敗。九月，振兩京、浙江、山東、河南、湖廣災區飢民，又減杭州等郡稅糧，活飢民一百六十萬人。清理鹽法。十一月，免南京災區秋糧。十二月，免淮揚、浙江所辦物料。

1504 年

甲子 明弘治十七年

二月，申讞緯妖書之禁。免浙江災區稅糧。土魯番酋長阿黑麻死，諸子爭位互閔。四月，免山東災區稅糧。五月，罷南京、蘇州、杭州織造中官。六月，以朵顏等衛結韃韃侵擾不已，召閣臣議邊事；七月，遣官經理邊塞。八月，免南京災區夏稅。十一月，罷雲南銀場。十二月，申閉糴之禁。免湖廣災區秋糧。是歲，全國戶一千五十萬八千九百三十五，口六千一百萬五千八百三十五。以思恩土官岑濬屢侵田州土官岑猛，且掠近縣，遣兵擊之。

1505 年

乙丑 明弘治十八年

正月，小王子圍靈州，掠韋州、環縣，陷清水營。四月，覈實荆襄流民二十三萬五千餘戶，七十三萬餘口。五月，孝宗死，太子厚照嗣，是爲武宗毅皇帝。小王子犯宣府，八月，轉掠大同。宦官劉瑾等始用事。十月，小王子犯固原。十二月，韃靼數萬毀邊牆入固原等處。是歲，思恩州土司岑濬敗死。哈密忠順王陝巴死，子拜牙襲。

1506 年

丙寅 明武宗毅皇帝朱厚照正德元年

正月，以楊一清總制陝西、延綏、寧夏、甘肅等處邊務；一清請修築邊牆，從之。二月，羣臣以宦官主管畿輔皇莊擾民，請召還之，不從。五月，減蘇州、杭州上供錦綺三分之一。六月，以劉瑾提督十二團營。免陝西災區稅糧。八月，命宦官往南京督織綵緞，科道官諫止，不從。十月，大學士劉健等以劉瑾恣橫枉法，請誅之，不從，反擢劉瑾掌司禮監，於是劉健等致仕去，劉瑾乃肆與朝官爲難，杖貶日多。是歲，議准徵收夏稅、秋糧之限。

1507 年

丁卯 明正德二年

三月，楊一清以忤劉瑾去官，其主持修邊牆事亦停。劉瑾以忤己者劉健等五十三人爲奸黨，榜之朝堂。七月，修歷代通鑑纂要成。免河南、山西災區夏稅。八月，作豹房，成後，武宗遂常處其中，恣爲淫樂。十月，免山東災區夏稅。十一月，田州土官岑猛前以事被徙，至是以納賄於劉瑾得還。十二月，開浙江、福建、四川銀礦；時浙江礦脈已絕，令每年輸銀二萬兩。

1508 年

戊辰 明正德三年

四月，以餉不足，令軍、民納銀授武職。七月，廣西柳州僮人起事抗官已久，至是敗散。八月，劉瑾立內廠，其殘暴更甚於東、西二廠。山東曹州民趙實等起事。十月，振湖廣、河南飢。十一月，振鳳陽等處飢。

1509 年

己巳 明正德四年

正月，遣官盤查各省錢糧。三月，振浙江飢。孝宗實錄成。六月，免蘇州等府災區稅糧。江西樂平民汪澄二、汪浩八等起事，俘知縣，東鄉等地紛起響應。七月，四川民劉烈等起事，攻漢中等地。八月，遣官清理屯田，所至騷擾苛刻。九月，以自春季以來，兩廣、江西、湖南、四川、陝西等省民變紛起，諸處領袖多有稱王者，科道官聯銜奏明，請設法遏止。閏九月，小王子擾延綏。十月，督漕官以自弘治七年以來，黃河數次北徙，影響運道，請加修治。十一月，韃靼擾花馬池。是歲，沈周死。

1510 年

庚午 明正德五年

二月，以宦官張永總神機營。三月，免湖廣、河南、山東、貴州、浙江、江西、陝西、山西、四川、廣西及兩京災區逋賦。四月，安化王朱賓鐸以討劉瑾爲名，據寧夏舉兵反，起楊一清統兵討之，楊一清未至而朱賓鐸敗。四川流民入陝西、湖廣大擾，六月，勢益大，分四十八總管，首領爲藍廷瑞、鄢本恕、廖惠等。武宗自稱大慶法王西天覺道圓明自在大定慧佛。七月，湖廣民楊清等稱天王、將軍，來往洞庭，至是敗。八月，免福建銀課

一年。張永密奏劉瑾大逆諸事，遂繫劉瑾於獄，旋凌遲處死，籍劉瑾家得金銀累數百萬兩；自劉瑾敗，其黨誅貶貽盡。九月，免山東災區稅糧。太平等府大水，溺死二萬三千餘人。河沖黃陵岡入賈魯河，汎溢及於豐、沛。十月，霸州文安縣民劉六、劉七等起事。免浙江災區夏稅。十二月，藍廷瑞等破江津。發太倉銀三十萬兩入內庫。

1511 年

辛未 明正德六年

正月，藍廷瑞別部大敗於瀘州，其本部入營山。二月，播州土司楊友與弟互鬪，因起兵。停江西征派物料及燒造瓷器。汪澄二等破安仁。三月，劉六等入山東、河南，攻下十餘縣。小王子掠沿邊諸地。四月，鳳陽巡撫以部內民衆紛紛起事，乞處置兵食。五月，藍廷瑞等破梓潼。河南民之起事者入湖廣、江西。四川松潘復亂。六月，山西民李華等起事，與劉六等相呼應。藍廷瑞別部入貴州。霸州民楊虎等攻河南、山西，回文安，逼劉六等自湖廣、江西還，遂與之合。江西華林山民陳福一等破瑞州。七月，劉六等攻文安，京師戒嚴。江西民之起事者破臨江。八月，藍廷瑞、鄢本恕等敗死。九月，劉六等攻滄州，不克，南走。藍廷瑞殘部破陝西略陽等地。廣東民之起事者入江西，破永豐等地。四川民方四等攻江津。十月，劉六等攻濟寧、曹州。小王子擾山丹、甘州。方四等破綦江。十一月，振南北京、河南、山東災。十二月，小王子擾宣府。藍廷瑞殘部麻六兒等由陝西回攻四川。是歲，劉六等破山東、河南百餘城。

1512 年

壬申 明正德七年

正月，霸州、大城等處亂，京師戒嚴。兵部奏立擒滅劉六等賞格。二月，河南民劉惠、趙鏐等連破州縣。山東民之起事者攻萊州。方四等攻川南。三月，劉惠等大勝於河南府。四月，振北京、山東飢。五月，劉六等被迫去山東北走，旋又南入邳州。江西南部民之起事者，至是多敗散。劉六敗死。閏五月，楊虎死，其妻總統所部破灘縣。方四敗死。劉惠、趙鏐等敗死。六月，方四餘部入陝西。劉七等自武昌東進，攻九江等地以達鎮江。七月，藍廷瑞殘部入川東。八月，王浩八等敗降。劉七敗死，部衆幾盡。九月，江西民起事者，敗散大半。十月，免河南、江西、浙江災區稅糧。十二月，廖麻子等破綿竹等縣。免南京、山東、山西、陝西稅糧。

1513 年

癸酉 明正德八年

正月，王浩八、胡浩三等復起事。小王子擾大同。以旱，免陝西、南京等處災區稅糧。二月，四川廖麻子等復起事。四月，鎮寧苗起事數年，至是敗散。王浩八等擾婺源等縣。廖麻子敗死。五月，小王子又擾大同。六月，河決黃陵岡。王浩八敗死。七月，廖麻子餘部喻老人等攻通、巴、利等州。八月，小王子擾萬全衛。王浩八餘部劉昌三敗死。艾茹七等起事於東鄉、萬年。土魯番復據哈密。九月，胡浩三敗死。十月，艾茹七等敗死。新淦民張元二等起事。十一月，免浙江災區秋糧十八萬石。

1514 年

甲戌 明正德九年

正月，南京十三道御史聯名請裁抑寧王宸濠；不服。二月，武宗爲微行。以小王子屢侵

擾，諸番部多避寓甘肅城郊，因增設總制陝西、延綏、甘肅、寧夏等處軍務大員以防護之。喻老人等敗死。臨川陳九等敗死。五月，振北京順天等府飢。六月，開雲南大理等處銀礦，以太監督之。七月，小王子擾大同、宣府；八月，越邊至白羊口、寧武關等處，九月，掠蔚州等處。鎮守陝西太監廖堂進上用鋪花毡幄一百六十二間。十一月，小王子擾花馬池，掠牧馬。十二月，以乾清等宮災，重建需費多，加天下田賦。

1515 年

乙亥 明正德十年

正月，免南京被災府、縣去年秋糧。二月，韃靼擾延綏。禮部尚書劉春，以各地鎮守太監病民，請罷之，不報。四月，兀良哈朵顏衛酋長花當等擾薊州，入馬蘭峪，六月，退。七月，江西民徐九齡等起事數年，至是敗死。韃靼擾瓦亭等處；八月，小王子擾固原；九月，侵隴州。廣東府江民王公珣等起事。十月，以水災免蘇州，十一月，免杭、湖、臺等府稅糧。遣太監劉允往烏思藏招活佛。十二月，以旱，免廬州等四府秋糧。韃靼北部自洮、岷入松潘，番酋與之合，西川大震，旋退。

1516 年

丙子 明正德十一年

二月，言官以佞倖毀西安門外民房造皇店、酒肆，建義子府，請禁之；不報。復舊制，遣官分往各省錄囚。四月，振河南，五月，振陝西饑。土魯番退出哈密，至九月又據之。錄自宮男子三千四百六十人充海戶，時未錄者尚數千人。六月，遣太監往蘇、杭督織紗羅一萬六千七百匹；工部以連年荒亂，請減其數，不從。七月，用太監言，征泰山香錢。

河南巡撫李充以鎮守太監假進貢古銅器、密變盆等爲名，肆意科斂，又有拜見銀、須知銀等勒索名目，請止之；詔雖從之，而騷擾如故。小王子擾薊州，八月，犯宣府。免北京、山西，九月，免陝西、山東，十月，免河南、福建，十一月，免湖廣、山西，十二月，免南京等地災區稅糧有差。小王子別部擾偏關。

1517 年

丁丑 明正德十二年

正月，土魯番侵肅州。二月，增設陝西織造。四月，土魯番敗於瓜州，退走。五月，詹師富據大帽山已十餘年，至是爲南贛巡撫王守仁所破。八月，大庚陳日能據山崗十餘年，至是爲王守仁所破。湖廣武昌等十府水災，賑之。武宗微行出居庸關，九月，至宣府，自稱「總督軍務、威武大將軍、總兵官」，命戶部發銀一百萬兩輸宣府備賞勞，旋許減半，十月，至順聖川，遣將敗小王子入犯之衆，因至大同。謝志山等據橫水已十餘年，至是爲王守仁所破。十一月，王公珣等據府江已三年，至是爲兩廣總督陳金所破。武宗回至宣府，卽於其地度歲，大肆淫樂。

1518 年

戊寅 明正德十三年

正月，佛郎機來貢。北京順天等八府去年水災，遣官賑之。武宗還自宣府，旋復往。以淮揚等府大水，留運糧、腳價銀、鹽價銀以賑之；又賑山東水災。池仲容據涇頭已十餘年，至是爲王守仁所破。二月，武宗以太皇太后喪，自宣府還。四月，武宗如昌平祭陵，因如密雲，五月，至喜峰口，欲招朵顏三衛不果，始還。七月，武宗自稱朱壽，詔將巡邊，旋出居庸，駐宣府。江西不安者十餘年，至是王守仁以平定入告。九月，武宗至

大同，巡偏頭關，所掠至女子恣淫樂，旋自封鎮國公。江西鉛山民李鎮等起事，旋敗。十月，武宗至榆林，十一月，至綏德，十二月，又往榆林，旋如石州，至太原，遂於其地度歲。江西南昌等七府以水災，山東濟南等六府、應天等五府以災免稅糧。是歲，欽天監請修曆法。

1519 年

己卯 明正德十四年

正月，武宗自太原至宣府，二月，還京；旋自加太師，稱將南巡，諫者百餘人，不聽，並多杖貶。五月，詔山東等五省流民歸業者，官給廬舍、糧食、牛、種，並免稅五年。六月，寧王宸濠反，攻下南康、八江等地，南贛巡撫王守仁起兵討之，七月，宸濠兵敗被俘。武帝親征宸濠南下，至涿州而王守仁捷奏至，武宗途中恣爲淫樂，十二月，始至南京。土魯番請通貢，許之。是歲，淮揚大饑，人相食。

1520 年

庚辰 明正德十五年

正月，以去年淮揚大饑，免諸災區稅糧，又免湖廣武昌等十五府災區稅糧。三月，先是以猪晉同國姓，禁宰殺，至是，禮官奏定制，祭陵必以猪，請弛禁，從之。四月，賑淮揚饑。五月，以水旱災免南京寧國等四府稅糧。江西大水。七月，小王子犯大同、宣府。八月，免江西稅糧。閏八月，武宗命於廣場釋宸濠等，伐鼓鳴金而擒之，示爲己所俘，迫行獻俘禮畢，始北返。九月，以水災，免北京順天等四府夏稅；又以旱災，免陝西鞏昌等府衛夏稅。十月，武宗至通州，治宸濠反獄，逮繫多人，十二月，殺宸濠等，始回京。免四川保寧等府、陝西西安府、山西

行都司、大同諸衛被災稅糧。是歲，四川芒部隴氏內鬩，所部樊人阿又礪等乘機起事，旋敗。

1521 年

辛巳 明正德十六年

正月，以旱災，免淮揚、陝西西寧等地稅糧。二月，雲南彌勒州苗人阿勿等數擾居民，至是敗死。韃靼犯威遠等堡。三月，武宗死於豹房，無子，乃迎與獻世子厚熹於安陸。罷武宗荒淫諸政，減漕糧一百五十三萬二千餘石。捕佞倖江彬，旋殺之，籍其家，得金七十櫃，銀二千二百櫃，珍寶不可勝計。四月，厚熹至京即位，改明年爲嘉靖元年，是爲世宗肅皇帝。詔議皇帝本生父興獻王祐杬尊崇典禮，於是大禮議起。五月，罷雲南大理銀礦。逮捕武宗時之諸佞倖，殺錢寧。六月，革錦衣衛冒濫軍校三萬餘人。停陝西織造絨服。七月，小王子犯莊浪。革錦衣衛及監、局、寺、廠、司、庫旗校軍士匠役投充新設者凡十四萬八千餘人。寧津民起事，攻德平。九月，免山東、山西災區稅糧。追尊興獻王爲興獻帝。十一月，賑江西災。罷廣西貢香。是歲，何景明死。

1522 年

壬午 明世宗肅皇帝朱厚熹嘉靖元年

正月，甘州軍亂，殺巡撫許銘。三月，廣西荔浦民起事，攻桂林等處，至十月敗。六月，禁內官弟姪勿得官錦衣衛世襲。七月，免江西去年被災區稅糧。南京、江西、浙江、湖廣、四川旱；南京、鳳陽、揚州、廬州、淮安大風雨，淹沒屋舍人畜無算。十月，賑南京、湖廣、江西、廣西災。免山西災區稅糧。十一月，山東青州礦丁王堂等起事，攻萊蕪、泰安等地，西至金鄉、魚臺，入

河南。十二月，賑陝西、山東被兵諸地災。是冬，以畿輔莊田病民，遣官會勘。

1523 年

癸未 明嘉靖二年

正月，山東民起事者大破官軍於歸德，逾月乃敗。小王子犯沙河堡。二月，賊遼東旱災。三月，鞏鉅別部酋長俺答擾大同。四月，兩京、山東、河南、湖廣、江西大旱，殍殣滿道。廣西思州土官岑猛攻泗城州土舍岑援，二人互訐。世宗始建醮於宮中，道士勢漸盛，大臣諫，不聽。五月，小王子擾密雲。六月，以災傷，免去年天下稅糧之半。日本貢使二批前後至寧波，因爭真偽，互鬥。八月，小王子擾遼東。九月，復遣官清查畿輔莊田。十月，免北京、大名、山東各府衛，十一月，免南京災區稅糧。賑河南饑。十二月，遣內織染局官提督織造於蘇杭等五府。是歲，唐寅死。

1524 年

甲申 明嘉靖三年

正月，南京、北京、陝西、河南、山東等處地震。南京大饑。朵顏酋長花當犯邊。三月，廣東新寧等處民蔡猛三等攻擾數年，至是敗死。以淮揚大饑，人相食，賑之。六月，北京順天等府、南京、徐州等府蝗。八月，大同軍亂，殺巡撫張文錦等。九月，土魯番擾肅州，敗還。十月，應天巡撫吳廷舉以內官監監收漕運，於正糧一石，加費二石，請申禁之；詔準故事，每石加耗一斗。以言者請寬追征正德元年以來逋賦期限，從之。十一月，言者以前所裁革錦衣官校、勇士、匠役十餘萬，歲省漕米一百五十萬石，今貢緣求復者日衆，請止之；不從。十二月，遼東民陸雄等起事。大同亂軍平。

1525 年

乙酉 明嘉靖四年

正月，鞏鉅別部擾甘肅。六月，武宗實錄成。七月，言者以織染局、內官監軍匠已及萬餘人，耗費過大，請禁濫收新匠；從之。八月，天方國貢使至。免順天等府災區稅糧。廣西田州土官岑猛反抗巡撫征調，又數侵擾鄰近土司，派兵攻之。九月，免鳳陽等府災區稅糧。土魯番復擾肅州。十一月，免杭州等府災區稅糧。浙江市舶提舉司太監賴恩請兼提督海道，以便遇警得調軍隊；從之。十二月，賑遼東饑。

1526 年

丙戌 明嘉靖五年

二月，以龍虎山道士邵元節爲真人，賜銀印。改兩淮鹽法。京師及保定等府大饑，死者衆，遣官賑之。三月，遣太監督辦陝西織造。以守令調動太頻，政多苟且，定久任法；九年考滿乃遷。鞏鉅北部亦卜剌犯洮州。四月，四川芒部內亂定。五月，廣東瑤民攻肇慶等地。六月，恭穆獻皇帝實錄成。七月，李福達之獄起。八月，賑湖廣饑。減值征收宗室祿米。南京、浙江災，賑之。免廬州等府災區稅糧。是冬，遣御史督治黃河。是歲，祝允明死。

1527 年

丁亥 明嘉靖六年

正月，岑猛敗死，改田州爲流官。二月，小王子犯宣府。遼東大饑，賑之。三月，小王子又犯宣府。岑猛餘部復起，入田州。鞏鉅擾神木等地。四月，遣太監督南京織造。免廣西災區稅糧。五月，以王守仁總制兩廣、江西、湖廣軍務，督師攻田州。六

月，四川芒部沙保等起事。 黃河溢，入運河。 八月，小王子犯寧夏。 湖廣大水，賑之。 九月，以江西水，河南、山西旱，山東、兩京亦告災，分別免稅糧。 李福達獄具，株連甚衆；命以此案原委輯欽明大獄錄。 濬通州運河及通惠河。 十二月，命議整頓鹽法、錢法。 雲南土舍安銓以怨改流，起事。

1528 年

戊子 明嘉靖七年

正月，初考覈巡撫官。 二月，興築定邊營至橫城堡邊牆。 王守仁招降岑猛餘部，田州事定。 芒部沙保敗。 山西潞城民陳卿等起事，據青羊山。 三月，增修大明會典。 雲南武定府土舍鳳朝文、尋甸土舍安銓先後起事，合攻雲南府。 小王子犯山西。 芒部沙保子普奴糾烏撒諸部復起，攻畢節。 六月，明倫大典成。 置田寧府流官以轄田州諸土司。 濬通惠河成，自此漕運直達京師。 免河間等六府災區稅糧。 鳳朝文、安銓先後敗死。 韃靼犯大同。 斷藤峽八寨土司攻擾鄰境州縣者數十年，至是爲王守仁所破。 九月，賑浙江災區。 十月，小王子犯宣府，別部擾莊浪。 陳卿等敗降。 十一月，免大名等府、寧夏、河南開封府災區秋糧。 王守仁卒。 守仁創良知之說，爲當代唯心論理學大師，世稱爲陽明學。 十二月，小王子犯大同。 許土魯番通貢，遂置哈密存亡不問。

1529 年

己丑 明嘉靖八年

正月，山西旱，賑之。 二月，湖廣災，賑之。 三月，河南大饑，賑之。 五月，免順天等府災區稅糧。 八月，詔廣東採珠。 九月，免北京、南京、河南災區稅糧；江西、湖廣饑，賑之。 韃靼犯寧夏、靈州，敗還，至

是，因明兵巡邊，更避往北方。 十月，除外戚封爵世襲之制。 以旱蝗，免山東秋糧及順天等府夏稅。 十一月，免浙江災區稅糧。 十二月，免山西、南京災區秋糧。

1530 年

庚寅 明嘉靖九年

正月，賑山西饑。 二月，賑京師饑。 三月，延綏大饑，賑之。 四月，改芒部流官爲土官。 六月，數年來修治黃河隄，成數處，至是又決於曹縣。 八月，免應天等府災區稅糧。 九月，免南京災區秋糧。 十二月，免湖廣災區秋糧。

1531 年

辛卯 明嘉靖十年

三月，韃靼犯甘肅、大同。 罷四川鎮守太監。 閏六月，免山東災區稅糧。 罷鎮守浙江、兩廣、湖廣、福建及獨石、萬全、永寧等處太監。 陝西西安等府大旱，賑之，並免被災州、縣夏稅。 七月，揚州等處旱蝗，免稅糧。 八月，山西太原等府旱，免稅糧。 十月，韃靼犯大同，擾應、朔等州。 十一月，免陝西災區秋糧。 是冬，滹沱河決。

1532 年

壬辰 明嘉靖十一年

正月，免四川災區稅糧。 河間等府饑，賑之。 二月，湖廣武昌等府旱，免稅糧。 三月，小王子犯延綏。 六月，免順天等府災區秋糧，並賑之。 七月，免應天等府災區夏稅。 八月，河決魯臺。 九月，陝西饑，賑之。 是月，免廬州等府災區稅糧。 十月，免山東、山西災區一百八十四州、縣稅糧。 十二月，免真定等府區災稅糧。

1533 年

癸巳 明嘉靖十二年

正月，免浙江、河南災區稅糧。二月，雲南饑，賑之。韃靼濟農（吉囊）犯延綏，擾宣府。九月，廣東巢民起事已數年，至是敗滅。十月，大同兵變，殺總兵官。十一月，遼東饑，賑之。十二月，濟農犯寧夏。

1534 年

甲午 明嘉靖十三年

正月，小王子犯大同，叛軍應之，多方攻城，不能下；二月，叛軍敗，小王子乃退。三月，濟農犯響水波羅堡；八月，又犯固原。十一月，免南京災區稅糧。

1535 年

乙未 明嘉靖十四年

正月，罷督理倉場太監。三月，遼東軍以巡撫呂經嚴刻，譁變，囚呂經，尋撫定之；四月，呂經還京，廣寧軍又囚之，而撫順軍以備禦指揮劉雄培克，亦起而囚之。六月，濟農犯大同。七月，廣寧變軍敗。九月，免大同等府災區稅糧。十二月，廣西田州土目盧蘇與歸順州土官岑瓚聯合起事。

1536 年

丙申 明嘉靖十五年

二月，湖廣災，賑之。四月，濟農犯涼州。五月，免順天等府災區稅糧。拆宮中元時所建佛殿，焚佛牙、佛骨，毀金銀佛像一百六十九座，函物凡萬三千餘斤。六月，整飭茶馬法。秋，濟農犯延綏，冬，又犯大同。十一月，設宣大總督。以道士邵元節爲禮部尚書。

1537 年

丁酉 明嘉靖十六年

二月，安南遣使告莫登庸奪國之難。三月，韃靼犯甘州。四月，遣官赴雲、貴、兩廣調度軍食，以備助安南擊莫氏。罷各處私創書院。六月，濟農擾宣府。七月，免太平等府災區稅糧。八月，湖廣大水，遣官賑之；又賑順天等府水災。濟農犯大同。九月，免江西災區稅糧，十月，免山東災區稅糧。田州土目盧蘇降。

1538 年

戊戌 明嘉靖十七年

三月，命仇鸞、毛伯溫等統兵助安南擊莫登庸；旋罷兵。朵顏等三衛犯大滑堡。四月，復命太監分往鎮守雲南、兩廣、四川、福建、湖廣、江西、浙江、大同，兼理礦課。韃靼犯大同，六月，又犯宣府。七月，開雲南大理等府、河南宜陽等縣銀礦。八月，濟農犯河西。九月，免順天等府災區秋糧。十一月，賑湖廣武昌災，免江西災區稅糧。

1539 年

己亥 明嘉靖十八年

正月，開黃河支流以減水患。二月，遼東饑，賑之。安南莫登瀛乞降，並獻土地戶口。四月，免湖廣災區稅糧。五月，韃靼犯遼東。閏七月，遼東軍亂，旋定。免河南、陝西災區稅糧，並賑河南饑。韃靼犯宣府、榆林。十一月，免江西、山西稅糧，十二月，免浙江災區稅糧。

1540 年

庚子 明嘉靖十九年

正月，濟農犯大同。二月，河南、湖廣饑，

賑之。罷武科鄉試。三月，濟農犯延綏。六月，以十年來江、海不靖，船多豐劫，置鎮守江淮總兵官，督兵鎮壓。瓦剌請附。工部尚書蔣瑤以年來大興土木，已耗銀六百三十四萬餘兩，請暫停各衙門工程，不許。七月，濟農犯萬全，大敗。江西水災，賑之。八月，韃靼犯平涼、岢嵐、石州。世宗好神仙術，欲令太子監國，專事修道，太僕卿楊最力諫，杖死，自是監國議雖罷，但禱祠日亟，無敢諫者。江西景德鎮陶工萬餘人以大水饑饉，羣起掠食。九月，濟農犯固原，大敗；其子小十王陣亡。以道士陶仲文爲少保、禮部尚書。是歲，王艮死。

1541 年

辛丑 明嘉靖二十年

正月，免南京災區稅糧。韃靼海西部長卜兒孩獻金牌、馬匹。是春，濟農犯蘭州及鎮朔堡。四月，安南莫登庸請降，改安南國爲安南都統使司，以登庸爲都統使，改其十三道爲宣撫司。五月，以黃河決野鷄岡，由渦入淮，運河淤塞，遣官治之。朵顏等三衛犯開原。遼東饑，賑之。六月，朵顏等三衛又犯太康堡。山西饑，賑之。七月，俺答及阿不孩遣使求入貢，不許。免山東、河南、陝西災區稅糧，又賑山東饑。八月，俺答、阿不孩、濟農等分道犯山西諸處，逾月乃退。十一月，免四川災區稅糧。

1542 年

壬寅 明嘉靖二十一年

正月，吏部尚書許讚以軍需匱乏，請發內帑，借百官俸，並解山東、河南各贓罰以濟軍需；除不允發內帑外，餘皆報可。改鹽法。四月，順天等府饑，賑之。思恩九姓土民盧同等以不堪九司頭目之暴，起事已三年，至是回

敗死。五月，廣東瓊州黎人起事已數年，至是敗。六月，俺答以復求入貢使者被殺，遂進擾山西，攻太原，南入潞安，七月乃退；八月，又犯朔州。嚴嵩入閣預機務。九月，開黃河支流三口工成。十月，宮人楊金英等謀害世宗，未成；自是世宗移居西苑，不復還宮。是歲，免陝西、福建災區稅糧。

1543 年

癸卯 明嘉靖二十二年

正月，貴州銅仁平頭苗人酋長龍子賢，鎮寧苗人酋長龍桑科等起事，攻麻陽等處。是春，俺答犯延綏。時濟農已死，子狼台吉等分領其衆，勢稍衰。安南都統使莫福海遣使來貢。六月，韃靼犯湯站堡。七月，免陝西災區稅糧。八月，韃靼犯延綏。九月，免湖州、應天等府災區稅糧。十月，免眞定、開封等府災區稅糧。朵顏等三衛犯昌平。十二月，龍子賢等敗。是歲，魏校死。

1544 年

甲辰 明嘉靖二十三年

正月，俺答犯黃崖口，二月，又犯大水谷，三月，又犯龍門所。五月，以建州女眞犯鴉鵲關，褒贈死事者。六月，免鳳陽府稅糧。七月，免福州等府災區稅糧。俺答犯大同。九月，免浙江、北京災區稅糧。湖廣旱，賑之。十月，免河南災區稅糧。小王子犯萬全，毀邊牆；又掠蔚州，至完縣；京師戒嚴，十一月乃解嚴。十二月，江西饑，賑之。是歲，日本來貢，以無表文，却之。其人利互市，留海濱不去與奸民結，於是漸有倭患。

1545 年

乙巳 明嘉靖二十四年

二月，順天等府饑，賑之。詔有司招流民復

業，給牛具、種子；墾荒田者，免賦十年。三月，保定、應天等府饑，賑之。五月，免濟南等府災區稅糧。八月，建州女真犯遼東松子嶺。韃靼犯大同。九月，以南京、江西、湖廣、河南旱，令稅糧改征折色。十一月，韃靼犯榆林。是歲，河決入鳳陽。

1546 年

丙午 明嘉靖二十五年

二月，修大同東路陽和口至宣府西路西陽河邊牆。三月，四川白草番起事，攻下平番堡。應天府旱，賑之。五月，俺答復遣使請貢，使者又被殺。七月，免河南災區夏稅。俺答犯宣府、慶陽等處。九月，免鳳陽等府災區稅糧。韃靼犯寧夏，十月，攻清平堡。是歲，土魯番內鬨，其酋馬黑麻請入貢；許之。

1547 年

丁未 明嘉靖二十六年

正月，於偏關開營田一千九百餘頃。二月，修大同西路、宣府東路邊牆。三月，四川白草番敗。四月，俺答復求入貢，時以方將收復河套，不許。五月，三邊總督曾銑襲韃靼於河套，小勝。六月，免鳳陽等府災區稅糧。小王子欲犯遼東，俺答密以來告借求通貢；不報。七月，河決曹縣，漂沒屋舍，人死甚衆。沿海倭寇漸熾，以浙江巡撫兼巡福建。八月，免陝西災區稅糧。九月，免南京、徐沛等州縣及江西撫州等府災區稅糧。十一月，日本使至，以非貢期，且人船逾額，勒之回。十二月，倭寇犯寧波、台州，大肆殺掠。是歲，羅欽順死。

1548 年

戊申 明嘉靖二十七年

正月，陝西饑，賑之。把都兒犯廣寧。三月，嚴嵩議殺三邊總督曾銑，下前大學士夏言於獄。五月，韃靼犯宣府。六月，以苗聯合起事，置湖廣、貴州、四川三省總督以鎮壓之。日本貢使以船百餘艘、人六百餘至浙江，詔許五十人晉京。七月，改巡撫浙閩爲巡視。八月，俺答犯大同，九月，犯宣府，官軍大敗。免淮揚等府及陝西災區稅糧。十月，嚴嵩議殺夏言。俺答犯隆慶。十一月，免山東災區稅糧。十二月，密雲縣進沙金五十兩，詔令各官司多方採獻。

1549 年

己酉 明嘉靖二十八年

正月，韃靼犯永昌。二月，陝西饑，賑之；免鞏昌等州、府稅糧。俺答犯宣府，至永寧，尋大爲官兵所敗。巡視浙閩朱執，年來整頓海防，已具規模；卽平復鼎山通番之賊，又大破爲倭作僞之盜，三月，又殺勾結佛郎機行劫詔安之奸民。時諸賊盜、奸民多與土豪有連，於是勢家多切齒於執，造爲蜚語；四月，詔朱執罷職聽勘。俺答犯永昌。六月，日本圖復求貢，許之。七月，免河南、陝西災區夏稅。浙江海盜汪直等與倭寇相結，大掠沿海，自是終嘉靖之世無寧歲。時邊費既繁，土木、禱祠之費亦有加無已，帑藏匱竭，至變賣寺產，收贖軍罪，更大括逋賦，致百姓怨嗟，海內已呈不安之象。八月，因詔戶部覈天下出納之數；戶部以歲入二百餘萬兩，歲出三百四十萬餘兩，不敷過巨，請立法撙節。俺答犯大同，官軍敗績；九月，又以別部犯榆林，俺答則自攻大同。朵顏等三衛結韃靼犯遼東。十月，免順天等府災區稅糧。十一月，免湖廣災區秋糧。

1550 年

庚戌 明嘉靖二十九年

三月，貴州苗酋長龍許保襲印江縣。瓊州五指諸山黎人數攻崖州諸處，至是敗；因置將於儋崖以鎮壓之。四月，河決入淮。五月，重修大明會典成。六月，免北京、山東災區夏稅。俺答犯大同。閏五月，免山西、河南災區夏稅。六月，免南京、北京災區夏稅。七月，逮巡視浙閩朱執，朱執自殺，遂罷巡視之官；於是海疆益不治。免陝西災區夏稅。八月，俺答犯宣府，擾薊鎮，入掠密雲、懷柔，至通州；京師戒嚴，檄諸鎮兵入援。俺答旋圍北京八日始飽掠而退。九月，罷正德時京師團營，復三大舊營。免山西災區稅糧。十月，免北京、南京、河南災區秋糧。十一月，免浙江、四川災區稅糧。是歲，元江土舍那鑑起事，殺雲南左布政使徐樹。

1551 年

辛亥 明嘉靖三十年

正月，錦衣衛經歷沈鍊以劾嚴嵩十大罪，被杖，貶佃於保安州。三月，俺答遣子脫脫至宣府、大同貢馬，求開馬市；許之。四月，貴州銅仁苗酋龍許保等破思州。保定等府饑，賑之。六月，白蓮教徒蕭芹等勾結俺答事覺，捕之，不得。龍許保等爲部下所縛以降。九月，免南京、江西、湖廣災區稅糧。十月，朵顏酋長哈舟兒被俘死。免北京、山東、山西災區稅糧。十一月，俺答請以牛羊易穀豆，不許，因縱部下入邊掠擄；十二月，又犯張家堡等地。是歲，以京師及邊防共費五百九十五萬，因議於南京、浙江增賦一百二十萬。

1552 年

壬子 明嘉靖三十一年

正月，俺答犯大同。戶工二部奏：自前年十月至是一年餘，所入正稅、加賦五百餘萬，外項搜括四百餘萬，計九百九十餘萬；所出用於邊事者共八百餘萬。二月，宣、大二鎮大饑，人相食，賑之。俺答犯宏賜堡等處，並請開市；詔斬其使，罷大同馬市。三月，命仇鸞巡邊，四月，鸞出塞，大敗。韃靼犯遼東。倭寇浙江，大掠舟山、象山，流劫溫、台、寧、紹間。五月，韃靼犯陝西紅城等堡。倭寇陷黃巖，縱掠七日。六月，免南京災區夏稅。七月，免陝西災區夏稅。以倭寇肆擾，復置浙閩巡視官。韃靼犯薊州。八月，仇鸞死，嚴嵩發其通敵納賄事，詔戮鸞屍，傳首九邊。俺答犯大同，九月，大掠朔、應等州，分兵犯三關、寧夏。免北京災區夏稅，河南災區秋糧。河決徐州房村集，運河淤塞五十餘里，遣官治之。罷各邊馬市。免山西、南京災區稅糧，仍振鳳陽等府。宣大兵出塞追韃靼，大敗。十月，南京御史王宗茂劾嚴嵩八大罪，被貶爲縣丞。小王子犯遼東。免北京、江西災區稅糧。

1553 年

癸丑 明嘉靖三十二年

正月，兵部員外郎楊繼盛以劾嚴嵩十大罪、五奸，下獄。二月，倭寇溫州。韃靼犯宣府。河復決於徐州。三月，山東、陝西饑，振之。韃靼犯延綏。雲貴巡按御史趙錦以劾嚴嵩，褫職。俺答犯宣府。閏三月，築京師外城，至十月成。海賊汪直勾倭寇掠江、浙沿海，倭破浙江昌國衛；四月，掠太倉、乍浦、平湖、海鹽、海寧，破上海，擾江陰；五月，攻海鹽，又入上海、乍浦。俺答擾遼東，別部攻甘肅、大同，七月，遂分道大舉入犯。河南柘城民師尚詔起事，入歸德，破鹿邑等縣。固原兵將敗俺答之衆於廣

昌三家村。八月，俺答分兵犯蔚州、代州；小王子犯昌府，入擾赤城。免山東災區稅糧。廣西平樂瑯、僮起抗流官已數年，至是敗。九月，俺答犯大同，擾神池。師尚詔敗於五河，又敗於蒙城等處，逾月被俘死，衆遂潰散。免南京、河南災區稅糧。十月，河南、山東饑，振之。官軍擊南沙屯倭，大敗。免北京、浙江災區秋糧；仍振保定等府饑。十一月，鑄洪武至正德九號錢，每號百萬錠，嘉靖錢千萬錠，錠五千文，與舊錢兼用，並令上錢七文、劣錢二十一文，各當銀一分。倭屯崇明者，掠常熟、上海、嘉定。十二月，以蘇州等府遭倭寇禍，停征嘉靖二十七年至三十一年通賦。是歲，雲南元江土舍那鑑自殺，其衆降。

1554 年

甲寅 明嘉靖三十三年

正月，倭屯南沙，被圍五月，至是逸出，掠蘇州，二月，攻松江。三月，以應天巡撫兼提督軍務，負剿倭寇之責。更定錢法，嘉靖錢七文，洪武等號錢十文，前代錢三十文皆當銀一分，其惡小錢停止使用。倭寇敗於松江，一枝北掠通泰等州，至山東界。一枝擾普陀，犯嘉興，陷嘉善，掠海寧，又犯崇明。俺答犯宣府。五月，倭寇自崇明掠蘇州、崑山。爲統籌剿倭，置總督大臣，督理南京、浙江、山東、兩廣、福建等處軍務，便宜從事，命張經爲之。六月，俺答犯大同。倭寇掠嘉興；七月，擾嘉善，八月，攻嘉定。俺答犯宣府，九月，擾平虜，至山西，又犯朔河川，掠古北口。免山東、湖廣災區稅糧。倭犯海門。十月，俺答犯薊鎮。十一月，倭寇二萬餘據柘林、川沙窪，分出攻掠嘉興、湖州，十二月，劫秀水、歸安、嘉善。

1555 年

乙卯 明嘉靖三十四年

正月，倭寇犯乍浦、海寧，陷崇德，攻德清。二月，以張經辦理倭事無效，又命趙文華區處防倭。以淮徐災重，詔折征漕糧什三，每石銀六錢。俺答犯宣府、薊鎮。三月，倭敗於南沙。四月，廣西狼兵至，戰倭於漕涇，不利，倭益猖獗，四出縱掠，北犯淮揚諸府，敗於沙河，乃東擾通州海門，又分攻常熟、江陰。俺答犯宣府。五月，張經督師大破倭於王江涇。倭又流劫崑山、蘇州，出入太湖，旋爲俞大猷等所敗。張經爲趙文華所劾，下獄。倭犯常熟。六月，倭另枝犯浙東。倭擾江陰，俞大猷敗之。山西礦工宋愛等起事，攻北直隸定州等處。七月，倭六、七十人自杭州而西，掠歙縣、績溪、旌德、涇縣，陷南陵，又西犯南京；八月，劫溧陽、宜興，至潞墅關，被殲。九月，趙文華攻倭於陶宅，敗績。免淮揚等府州災區及山東蝗災等處秋糧。倭敗於臺州。俺答犯大同、宣府，入懷來、保安，又分兵擾山西。十月，減免山西災區稅糧。殺張經、楊繼盛。倭劫寧波、紹興、臺州，至十二月，被殲。十一月，倭劫福建莆田、興化，犯溫州平陽縣；又一枝犯舟山。閏十一月，官軍敗倭於周浦，倭奔上海浦東。官軍攻平陽及嘉定之倭皆敗。免順天府災區稅糧。十二月，陝西饑，振之。開四川、山東銀礦。山西、陝西、河南地大震，官吏軍民死者八十三餘萬人。倭屯松江新場，官軍攻之，敗績。俺答犯神木。

1556 年

丙辰 明嘉靖三十五年

正月，擾福建之倭一支入浙江，被殲。官軍

擊新場倭，敗績。二月，以地震，振山西平陽、陝西延安等府，並免秋糧。二月，命胡宗憲總督南直隸、浙、閩軍務，責以剿倭。三月，福建之倭劫古田。四月，以地震，振陝西；災重者免夏稅。倭自浙海上陸陷慈谿；又一支犯鎮江，西至無爲州。又一支趨杭州，敗於崇德。又一支攻溫州。五月，以地震，免山西去年秋糧。遣官採銀礦於薊州玉旺峪；六月，又遣官赴河南採銀；自是礦使四出，大爲民患。俞大猷敗倭於黃浦。浙江之倭陷仙居，趨臺州，大敗。俺答犯宣府。倭一支犯丹陽。七月，胡宗憲誘勾倭之奸民徐海使內哄，官軍乘之敗倭於乍浦。八月，徐海等敗死，自是兩浙倭勢漸弱。九月，免山東災區逋賦及江北諸被倭害者稅糧，又免南京、湖廣、江西及順天等災區稅糧。俺答犯遼東，十月，又犯大同。免浙江被寇、福建災區稅糧。倭犯福寧州。十一月，韃靼犯遼東。廣東陳以明入瑤峒，號承天霸王，數年來攻高要等處，至是敗死。十二月，韃靼犯陝西環慶等處。

1557 年

丁巳 明嘉靖三十六年

二月，俺答犯大同；三月，別部老把都兒犯永平；濟農亦犯大同。四月，倭犯如皋，劫海門，攻通州、泰興，五月，轉掠揚、徐，北入山東，西擾天長、盱眙、泗州，還入高郵、寶應，攻淮安。六月，徐州界之倭敗於安東。俺答犯宣府。罷陝西採礦。七月，詔順天府採辦珍珠四十萬餘顆，廣東九十萬餘顆。八月，從胡宗憲請，令日本獻寇華倭渠及中國奸民，方許通貢。韃靼犯義州。九月，嚴嵩黨徒構殺沈鍊。免山西災區稅糧。俺答子辛愛犯大同右衛及應、朔二州。十月，免北京災區秋糧。十一月，免山東災區稅糧。

胡宗憲誘海賊汪直降，汪直旋被殺，其黨遂流入閩廣界。十二月，免浙江災區稅糧。馬祖師以幻術聚衆，謀起兵於湖州，事洩，死。是歲，葡萄牙竊據澳門。

1558 年

戊午 明嘉靖三十七年

正月，罷河南採礦。辛愛圍大同右衛數月，至是復分兵犯宣府、薊州。三月，遼東饑，振之。辛愛犯永寧川。給事中吳時來等以劾嚴嵩，遣戍烟瘴。倭犯臺州、溫州；四月，掠福州、興化、泉州。大同右衛被圍凡六月，至是解。五月，倭攻惠安，尋下海走，官軍追擊敗之。六月，浙江之倭犯樂清、永嘉，福建之倭犯興化、漳州、泉州，陷福清、詔安。八月，濟農犯永昌、涼州、甘州。韃靼犯宣府。十月，辛愛犯遼東。韃靼土蠻部犯界嶺口。十一月，陝西邊外番民攻莊西等處。俞大猷逐倭出浙江界。免湖廣災區稅糧。

1559 年

己未 明嘉靖三十八年

正月，韃靼犯山丹。二月，辛愛與把老都兒入潘家口，三月，掠薊州。倭犯象山，敗於馬岡；又犯崇明；四月，掠江北，犯通州，敗於三沙，又大敗於如皋，退據廟灣以抗官軍。山西太原所募壯勇以參將嚴厲，殺之，大掠而北，遁入韃靼。福建之倭分擾同安等縣，攻福寧、破福安；五月，圍福州，幾一月乃去，陷永福。擾江北之倭敗遁。六月，辛愛犯大同，掠宣府。七月，福建之倭入溫州界，掠平陽、泰順等縣。倭自崇明又犯江北，掠海門等處，八月，被殲於白駒場。以遼東連年饑饉，至有父食死子者，發銀糴粟振之。俺答犯土木；九月，又犯宣府。免河南災區

稅糧。十月，免南京、浙江災區稅糧。蘇州所招防倭義兵以巡撫翁大立嚴厲，譁噪逐之，敗入太湖。行海運轉粟入遼東。是歲，文徵明、楊慎死。

1560 年

庚申 明嘉靖三十九年

正月，俺答犯宣府。江南散遣所募禦倭水兵無所歸，相聚攻掠，至是入泰興，劫官庫。

二月，南京所募禦倭之振武營軍以爭糧餉譁變，殺督儲侍郎黃懋官，旋撫定之。倭寇掠潮州。三月，遣官總理淮、浙、長蘆、河東鹽政，增鹽課一百餘萬，所至騷擾。官軍出口敗韃靼於灰河。韃靼旋東犯遼東，陷廣寧。

五月，四川東川土目阿堂結烏撒土官囚其土司，於是鄰近諸土官羣起攻阿堂，聚兵互攻。山西三關軍民饑，振之。六月，老把都兒犯薊西。大同官軍襲韃靼於豐州，獲勝。八月，福建所募禦倭廣兵以犒賞薄，譁變，破泰寧，入江西。九月，俺答犯山西朔州，掠五臺、崞縣，濟農亦犯西米脂。免湖廣災區稅糧，十月，免陝西及北京災區稅糧。十二月，土蠻犯遼東。是歲，福建大埔客民、南灣水民、尤溪山民、龍岩礦工及南靖、永定等處流民，紛起攻擾。唐順之死。

1561 年

辛酉 明嘉靖四十年

正月，濟農犯山西。順天等府饑，振之；二月，又振山東濟南等府；三月，又振京師饑。廣東惠、潮等府山民黃啓薦等攻海豐等縣。四月，山西饑，振之。五月，東川土目阿堂爲部下所殺，各土司互閱事定。閏五月，江西流民攻泰和，大敗官軍。四川容山土舍張問、韓甸等結合川貴苗民起事，入湖廣界。六月，山西、陝西等處地震，壓死軍民無算。

七月，振遼東饑。江西流民破玉山、永豐。俺答犯宣府，九月，攻居庸關。廣東三饒山民張璉等襲入福建南靖縣。廣東山民自江西入福建，破崇安，至浙江攻龍泉縣。蘇州等七府大水，振之，並免本年秋糧。免北京災區稅糧。十月，閩、廣流民攻邵武，入江西犯鉛山、貴溪，破宜黃。海盜破福建寧德縣。十一月，濟農犯寧夏。十二月，老把都兒犯遼東。免湖廣災區稅糧。

1562 年

壬戌 明嘉靖四十一年

二月，屯福建同安之倭破永寧衛，指揮、千戶多降。三月，容山土舍韓甸等敗死。增設甘肅茶馬司。四月，土蠻犯遼東，五月，又兩次來犯。廣東三饒首領張璉等敗死。嚴嵩及其子嚴世蕃之奸暴露，嚴嵩罷官，嚴世蕃下獄。八月，重錄永樂大典。九月，以河南北、山東西豐收，發銀糴穀以實倉儲。十月，廣東程鄉民梁寧、林朝義、徐東洲等攻擾江西有年，至是爲俞大猷所破，徐東洲等被俘。免江西災區稅糧。十一月，詔求方書，以祈長生。韃靼犯寧夏。罷所增兩淮鹽課。倭陷興化府。以倭勢猖獗，福建遭蹂躪幾徧，乃命俞大猷、戚繼光爲正副總兵官以剿辦之。免陝西災區稅糧。延綏官兵出邊襲韃靼於半坡山，獲勝。

1563 年

癸亥 明嘉靖四十二年

正月，倭掠潮、惠二府之黃崗、大澳。俺答犯宣府，掠隆慶、永寧；二月，又犯遼東，至遼陽。福建興化之倭陷平海衛。免湖廣災區稅糧，仍振之。三月，雲南武定土司內哄。四月，倭掠福清，俞大猷等殲之；俞大猷尋與戚繼光合破平海之倭，收復興化，斬二

千餘級，爲剿倭以來之空前大捷。八月，俺答屯遼東塞外，總兵官楊照出擊之，中伏死。九月，復令崇文門宣課司征商稅收錢。和平民李文彪起事。十月，烏斯藏闡化等王入貢請封。辛愛及老把都兒犯薊州，掠三河、順義而去。十二月，增修北京外城。是歲，理學家聶豹死。

1564 年

甲子 明嘉靖四十三年

正月，土蠻犯遼東。二月，韓王府宗室百餘人至陝西會城索積欠歲祿。福建興化倭殘部攻仙游，大爲戚繼光所破，餘寇遁出海。閏二月，免江西災區稅糧。韃靼犯遼東。福建汀漳流民破漳平。三月，廣東潮州倭爲俞大猷所破。四月，免北京災區稅糧。五月，廣東進珠二千兩，尚以爲少。六月，俞大猷大破倭於惠州海豐，擒斬千餘，並破降與倭勾結之大盜吳平等，其藍松三等昔之攻掠程鄉等地者，於七月亦被擒。七月，順天府尹劉畿以所屬正賦不過十萬餘，而餘外加編乃至十一萬餘，力言提編之弊。九月，命兩廣將嘉靖四十年至四十二年原派蘇州軍餉十八萬兩，留本省備用。十月，韃靼犯陝西。十一月，以錢法日壞，私鑄盛行，詔嚴加訪治。十二月，廣東勾倭盜首程鄉丘萬里被擒。南韶山民馬五等起事。韃靼犯山西。是歲，羅洪先死。

1565 年

乙丑 明嘉靖四十四年

正月，大學士徐階請將景王所占陂田數萬頃還之民。二月，命湖廣衡州、江西吉安行廣鹽。頒宗藩條例於諸王。三月，嚴世蕃伏誅，籍其家，得金三萬餘兩，銀三百餘萬兩，他珍寶所值亦數百萬。土蠻犯遼東。四

月，俺答犯肅州。吳平降俞大猷後，復造船行劫，入福建，爲戚繼光所破。倭犯福寧，爲戚繼光所敗。五月，韃靼犯延綏。七月，河決沛縣，運河淤二百餘里。八月，籍嚴嵩家，不及二百萬兩，以一半濟邊用，一半入內庫。吳平又犯福建。俺答子黃台吉犯宣府。九月，韃靼犯延綏。改鹽法。十一月，命潘季馴總理河道。十二月，四川大足白蓮教首領蔡伯貫起事，國號大唐，攻破七州縣。

1566 年

丙寅 明嘉靖四十五年

正月，蔡伯貫兵敗被俘，死。二月，修承天大志成。浙江開化、江西德興礦工起事，入婺源，焚縣治。廣東山民李亞元等攻河源等縣，旋爲俞大猷所破，死。三月，俺答犯宣府；四月，犯遼東。吳平大敗於萬橋山，不知所終。五月，俺答部掠河東鹽場。六月，河決沛縣。七月，辛愛犯萬全，大敗；又犯延安。八月，南贛巡撫吳百朋以江西、廣東毗連各府民首領李珍、謝允樟、賴清規等十餘年來活動旁近州縣，請定會攻之術。十月，俺答犯固原，又犯偏頭關；閏十月，又犯大同。雲南武定土司復內鬩。浙江、江西礦工攻玉山等縣，爲官軍所滅。十二月，世宗死，子載堉嗣，是爲穆宗莊皇帝，改明年爲隆慶元年。下方士王金等於獄，釋前建言得罪諸臣。

1567 年

丁卯 明穆宗莊皇帝朱載堉隆慶元年

正月，贈卹前朝建言已死諸臣。增設江浙漕御史。二月，韃靼犯廣寧。三月，土蠻犯遼東。四月，重錄永樂大典成。五月，黃河決口工成，開新河去舊河三十里。俺答

犯大同，六月，又犯朔州。山東、河南大水，新河復決。戶部尚書葛守禮論一條鞭法及一串鈴法之弊。七月，免應天加征織造銀。遣官安輯山、河東南災區流民，免租五年，革一切科差。九月，俺答犯大同、朔州，南至汾州，破石州，掠孝義等縣。朵顏等三衛結土蠻犯薊鎮，掠昌黎等縣。十月，寧夏官兵出塞襲河套韃靼，獲勝。是歲，吳平殘部曾一本等攻擾廣東海上。

1568 年

戊辰 明隆慶二年

正月，韃靼犯靖虜城；二月，犯柴溝堡。三月，陝西、山西、湖廣、河南、北京、遼東、山東前後地震、山崩。五月，命戚繼光總理薊州、保定、昌平三鎮練兵事。六月，曾一本攻廣州，七月，犯廉州。八月，大學士張居正條上覈名實、飭武備等六事。九月，遣官總理九邊屯鹽，改訂鹽法。十月，南京州縣水旱爲災，北京、河南亦告災，皆免秋糧。十一月，宣府官兵襲俺答於塞外，獲勝。免江西災區稅糧。曾一本犯福建。十二月，限勸戚莊田，自百頃至七十頃。先是，嘉靖中行計畝征銀之法，號一條鞭，至是江西始請正式施行，令戶部詳議。詔購寶珠，羣臣諫，不聽。

1569 年

己巳 明隆慶三年

正月，俺答犯大同。改總理練兵事戚繼光爲總兵官，鎮守薊州、永平、山海關等處。二月，免陝西災區秋糧。罷太監閱視京營。三月，曾一本破碣石衛。四月，濟農西掠，官軍乘虛襲河套，獲勝。遼陽官軍襲俺答別部於夾河山城，逐走之。五月，曾一本大敗於平山。閏六月，北京、南京、山東、浙

江大水。七月，河決沛縣，遣使振災區。

八月，曾一本敗於萊蕪澳，被俘死。振南京、浙江、山東災。九月，俺答犯大同，掠渾源等縣。淮水溢。十二月，命東廠、錦衣衛偵伺部院事。免北京、南京、山東、浙江、河南、湖廣災區稅糧。設廣西巡撫。是歲，陝西民起事。

1570 年

庚午 明隆慶四年

正月，倭掠廣海衛。以王崇古總督宣大；崇古前總督三邊，已立威名，至是，又招徠番漢陷北軍民及西番、瓦剌，一歲中逾二千人。二月，更京營制，以文臣爲總理，以侯、伯充各營總兵官。是春，應天巡撫海瑞疏吳松江，開白茆河五千餘丈，役夫百六十四萬。瑞爲政以摧豪強、抑兼并爲主，農民喜之而爲勢家所惡，未能久於其位。四月，俺答犯大同、宣府、山西。鄖陽民起事與陝南民合，至是攻四川境。七月，免四川災區稅糧。八月，俺答及子辛愛分道入犯，九月攻大同、錦州。陝西水災，免稅糧，並振之。河決邳州。免北京、湖廣災區稅糧。十月，俺答孫把漢那吉以俺答奪其妻三娘子，怒而來降，授以官；俺答聞之，十一月，遣使請封貢，許之，惟要以獻作僥之奸民趙全等；十二月，俺答執送趙全至，誅之，遣把漢那吉還。

1571 年

辛未 明隆慶五年

三月，封俺答爲順義王，名其所居曰歸化城。四月，授俺答子弟及各部酋長以都督同知至指揮使等官有差。河又決邳州。五月，廣西古田八寨僮人抵拒經年，至是爲俞大猷所破。土蠻犯遼東，大爲總兵官李成梁所敗。六月，河套濟農亦請封貢，許之，授爲都督同

知。俺答貢馬並執趙全餘黨十三人來獻。是夏，詔江西燒造瓷器十二萬餘件，陝西織造羊絨三萬二千二百餘匹，凡費一百數十萬兩，言官諫，不聽。七月，許倉、驛雜職官於本土。八月，許河套互市；九月，開三鎮貢市。是秋，建薊鎮敵臺成。十月，河南、山東大水。十二月，詔雲南採辦珠寶。是歲，歸有光死。

1572 年

壬申 明隆慶六年

二月，倭犯廣東，掠化州、吳川等州縣。惠、潮間山賊藍一清、賴元爵、黃民太、卓子望、曾仕龍，與倭呼應，四出鈔掠；遣兵討之。三月，土蠻犯清河等堡，敗遁。復行海運。五月，穆宗死；六月，子翊鈞嗣，是為神宗顯皇帝，改明年為萬曆元年。七月，通漕運於密雲。十一月，徐邳河工成。十二月，首輔張居正進帝鑒圖說。

1573 年

癸酉 明神宗顯皇帝朱翊鈞萬曆元年

正月，王大臣之獄起，司禮太監馮保欲因以陷故輔高拱，未果，大臣被殺。二月，廣西府江瑤人數年來，攻擊荔浦、永安等州縣，殺官吏，至是破敗。是春，朵顏部長董狐狸犯喜峰口，為戚繼光所敗，乃請入貢。四月，潮惠勾倭之山賊卓子望等皆平。柳州懷遠瑤人數攻附近縣邑，至是破敗。七月，河決徐州。八月，罷海運。湖廣荊州等府水，山東濟南旱，振之。四川都掌土酋阿大等據九絲山，稱王，攻擊鄰近縣邑，至是破敗。十一月，立章奏考成法。十二月，遼東旱，發銀振軍士。朵顏董狐狸之弟長禿犯邊，戚繼光破擒之，董狐狸叩關請罪；令放還所擄漢民，釋長禿，許通貢如故。是冬，建州女真

酋長王杲犯邊。

1574 年

甲戌 明萬曆二年

二月，振四川為都掌土酋所擾諸州縣。三月，潮洲林道乾之黨諸良寶既降復犯陽江，至是大為官軍所破。四月，詔內外官行久任法。八月，山西災，振之。是秋，河海並溢，淮徐大水，振之。十月，建州王杲大舉犯遼東，為李成梁所破，杲為土酋王臺所執以獻，斬之。是歲，倭犯浙江寧、紹、臺、溫四府，又陷廣東銅鼓衛，為總兵官張元勳所破。是歲，柯維騏死。

1575 年

乙亥 明萬曆三年

正月，遼東築六邊堡成，斥地七八百里。二月，始設起居注官。是春，土蠻犯邊，李成梁敗之。五月，淮陽大水。六月，浙江杭州等四府因海潮沸溢，淹沒人畜，毀損戰船無數；蘇州等府亦大水。八月，河決高郵、碭山。振淮揚水災。是冬，泰寧部長炒花結土蠻黑石炭、黃臺吉、卜言臺周、煖兔、拱兔等犯邊，李成梁大破之。

1576 年

丙子 明萬曆四年

正月，遼東巡按御史以忤張居正杖貶。二月，允督漕吳桂芳請，開草灣河以利漕運。三月，戚繼光修三屯營成。泰寧部長炒花犯古北口。土蠻黑石炭謀犯邊，李成梁破走之；五月，又謀犯邊，復為李成梁所敗。六月，遣太監督蘇杭織造。詔修會典。七月，蠲天下歷年逋賦有差，明年漕糧折收什三。遣官修江浙水利。草灣河工成，長一萬一千一百餘丈，塞決口二十二，役夫四萬四

千。八月，河決沛縣。

1577 年

丁丑 明萬曆五年

正月，淮安、鳳陽二府民以水災，過半逃亡，命力行營田。二月，廣西饑，振之。五月，廣東羅旁瑤人常攻鄰邑，至是破敗。八月，河復決沛縣。九月，張居正父喪，謀留位，糾劾之者多杖貶。十二月，罷蘇杭織造，尋復之。是年，入四百三十五萬餘兩，出三百四十九萬四千餘兩。

1578 年

戊寅 明萬曆六年

正月，泰寧部長速把亥結土蠻犯邊，李成梁破之於劈山；二月，又破之於長定堡。免山東兗州等府逋賦。四月，免湖廣逋賦。是夏，復命潘季馴總理河漕，季馴條上六議，從之。七月，詔江北民無田者，官給田五十畝、牛一頭，開墾三年後起科。詔選內監三千五百七十名應用，言者諫，不聽。九月，詔蘇州等府墾荒，六年後起科。十二月，炒花等復結土蠻擾兔、拱兔、大小委正等犯遼東，李成梁大破之。詔清丈天下田畝，限三年竣事。是歲，戶一千六十二萬一千四百六十六、口六千六十九萬二千八百五十六。歲入三百五十五萬餘兩，出三百八十八萬八千餘兩。

1579 年

己卯 明萬曆七年

正月，張居正惡書院，請廢之，凡毀六十四處。二月，遣官閱邊防及各省違法科斂。三月，免淮、揚等府歷年逋賦。詔征光祿寺銀十萬兩。五月，蘇、松大水，言者請停蘇杭織造，後允減半。六月，賑北京、南京、

山東、陝西勸戚田賦，有踰額及隱占者按治。

七月，振蘇松饑；旋罷蘇杭織造。八月，以河患，免泗州等地田租。詔減征派，共減銀一百三十萬餘兩。十月，土蠻犯遼東，李成梁出塞大破之。是冬，修河工成，凡築堤三百餘里，又五萬六千餘丈，費銀五十六萬餘兩。

1580 年

庚辰 明萬曆八年

三月，遼東土酋王兀堂犯邊，李成梁大敗之。四月，以兩淮災，振恤鹽場竈戶及州縣饑民。閏四月，廣西十寨僮人年來攻城殺官，至是破敗。六月，南京各府大水。俞大猷死。是秋，王兀堂犯寬甸。十月，汰內外冗官。蘇州等府災，振之。十一月，勘實天下田數七百一萬三千九百七十六頃。是歲，安南莫茂洽遣使歲貢。

1581 年

辛巳 明萬曆九年

正月，土蠻犯錦州，掠松山、杏山；繼又與黑石炭等部謀入廣寧，李成梁出塞大破之。二月，張居正進列朝實訓、實錄。四月，振山西災區。四月，以淮安等府大饑，振之。黑石炭犯遼陽，官軍追之，大敗。五月，以互市以來，馬匹日增，詔盡賣民間種馬。是夏，戶部尚書張學顏上會計錄。八月，遼東雹災，揚州狂風暴雨，淹沒人畜屋舍無數。十月，土蠻犯廣寧，攻義州。十月，振真定等府災。是歲，張居正請盡覈天下徭賦及諸司冒濫冗費，豪猾以是怨之。

1582 年

壬午 明萬曆十年

正月，淮揚海溢，浸鹽場三十，淹死二千六百

餘人。二月，俺答死，優賻之，其妻子進馬謝。免天下積年逋賦，凡一百餘萬兩。三月，杭州兵以爭餉譁變。泰寧部長速把亥等犯義州，敗死。倭掠溫州。四月，寧夏靈州土軍馬景等殺其參將，景等旋亦被殺。杭州民以行保甲苛擾，起而反抗，旋敗；其爭餉之變兵亦敗。順天等八府三年來皆歉收，振之。六月，振太原等府饑。張居正死。十月，蘇州等府大水，壞房舍千萬，淹沒田十萬餘頃，死者二萬人；振之，並免稅糧。十二月，謫太監馮保，籍沒金銀百餘萬兩。馮保與張居正相結，至是追劾居正者遂起。戚繼光以張居正等倚任之，在薊鎮十六年，邊防修舉，至是改命鎮廣東。是歲，王杲子阿臺犯沈陽，李成梁追之，進圍古埒城，阿臺被殺，建州女真酋長努爾哈赤之父祖往援阿臺，亦被害。是役，蘇克素護河酋長尼堪外蘭實通於李成梁，故成梁得成大功。

1583 年

癸未 明萬曆十一年

正月，緬甸酋長莽應里爲漢奸岳鳳所誘，犯雲南，陷順寧。閏二月，封俺答子乞慶哈（卽黃臺吉）爲順義王。三月，追奪張居正官。振延安等府災。四月，承天等府大雨，江溢，漂沒民居人畜無數。廣東羅定兵以長官苛虐譁變，旋敗。六月，振承天等府災。八月，免山西災區稅糧。十月，振河南、湖廣災。十一月，免蘇州等府災區稅糧。是歲五月，努爾哈赤以父祖之死由於尼堪外蘭，舉兵攻之；尼堪外蘭敗奔甲板城；八月，又移鄂勒琿城。

1584 年

甲申 明萬曆十二年

二月，免淮揚等府災區稅糧。釋建文諸臣外

親謫戍者後裔，於是得還鄉者三千餘人。三月，江西景德鎮燒造內用瓷器至隆慶時年已達十餘萬件，至是命減之。四月，籍張居正家，盡搜其諸子兄弟所藏，得金一萬兩，銀十餘萬兩。緬甸既陷順寧，隴川諸地土司多附之，至是大爲劉綎、鄧子龍所破，岳鳳亦降，因進攻緬甸，於破降沿路土司後，九月薄阿瓦，莽應里弟猛勾降。十月，免湖廣、山東災區稅糧。十一月，以推日食，回回曆優於大統曆，因並二曆，以備考驗。十二月，罷開銀礦。是歲，努爾哈赤攻併棟鄂部之翁鄂洛城。安南莫茂治遣使歲貢。

1585 年

乙酉 明萬曆十三年

正月，四川建武所兵變，傷總兵官，逾五月，敗。三月，神宗常集宦官三千人，授甲操於宮中，號曰「內操」，至是以大臣力諫，罷之。泰寧部長把都兒與炒花等入邊掠沈陽，李成梁追擊大破之。減杭州織造及尚衣監料銀。尚寶少卿徐貞明嘗著潞水客談，論興京畿水利事，至是被命督治京畿水田。六月，四川松潘等地番人攻鄰近城堡，遣兵擊之。十月，泰寧部犯蒲河，西部以兒鄧亦謀犯遼沈，李成梁遣將擊敗之。十二月，汰惜薪司內官，減四川採木三之一。是歲，順義王乞慶哈死。緬甸酋長莽應里又犯雲南，敗歸，復來犯，又敗。是歲，努爾哈赤攻併渾河部之界藩、棟嘉、薩爾潞城。

1586 年

丙戌 明萬曆十四年

二月，嚴外官餽遺之禁。三月，徐貞明自督治水田，不及一年，已墾闢三萬九千餘畝，又將大行疏濬諸河，以勦戚、宦官之占田者爭言不便，遂罷之。四月，土蠻結泰寧部突至遼

陽，李成梁大破之於可母林。五月，戶部尚書畢繼以錦衣旗校至萬七千餘人，內府諸監局匠役數亦逾萬，冗食太多，請加裁汰，又言宮內浪費諸事，爲近倖所撓，因致仕歸。六月，四川松潘番人爲官兵所破。山西民起事。北京、河南、陝西、廣西、廣東等地饑，振之。七月，振江西災。河南淇縣民王安等攻犯鄰邑，旋敗。九月，又振河南、山東、北京、陝西、遼東、淮、鳳災。是歲，努爾哈赤攻併蘇克素護河之瓜爾佳城、渾河部之貝琿城、哲陳部之托摩和城，繼乃進攻尼堪外蘭，明人執送之，遂殺尼堪外蘭，與明和，通貢受封。

1587 年

丁亥 明萬曆十五年

正月，發內帑振山西、陝西、河南、山東諸宗室。三月，封俺答孫擧力克爲順義王；其妻三娘子卽俺答所奪之外孫女而爲婦者，歷配三王，主兵柄，因封爲忠順夫人。五月，京師大雨，房屋倒塌，官民壓溺死者無數。七月，河決開封。江南水，江北蝗，山西、陝西、河南、山東旱，蠲振有差。九月，海瑞死於南京右都御史任，人民因其抑豪強，爲之罷市致哀。十一月，鄖陽兵因巡撫李材優待生徒，苦役士卒，因譁變。是歲，努爾哈赤攻哲陳部。

1588 年

戊子 明萬曆十六年

三月，詔改正景帝實錄。山西、陝西、河南、南京、浙江大饑、疫，人死無數。四月，大名、開封等府水旱相仍，振之。五月，四川建昌番酋長安守等結邛部黑骨夷起事已數年，至是破敗。六月，停蘇杭織造。蘇州等府大旱，太湖涸。七月，免山東災區

夏稅。八月，取太倉銀二十萬兩充閱陵賞費。九月，青海部長犯西寧。十一月，甘肅兵變。是歲，梅堂起事於蘄州，旋敗死，其黨劉汝國避至太湖縣。蘇完、董鄂二部皆附於努爾哈赤。

1589 年

己丑 明萬曆十七年

正月，劉汝國起事於太湖，稱順天安民王，攻宿松等地；二月，敗死。三月，免陞授官面謝。自是神宗視朝遂稀。永昌衛兵變。土蠻犯義州。四月，始興僉李國朗起事，攻南雄，旋敗死。南京、浙江、江西、湖廣大旱。順義王擧力克西徙青海，河套之卜失菟遂出沒塞下。六月，浙江大風海溢，沿海諸府壞公私舍宇，碎官民船甚多，人畜死者亦衆。六月，河決夏縣。九月，土蠻犯遼東，敗李成梁兵。十月，黃河決口工成。是歲，努爾哈赤攻下兆佳城。

1590 年

庚寅 明萬曆十八年

正月，以大理評事雒于仁諫疏指陳闕失，不欲外人得知，留中不發，自是章奏留中遂爲成例。二月，停日講，自後講筵遂永罷。土蠻卜言臺岡、黃臺吉等深入遼沈，李成梁敗，反以勝告。三月，直隸、山東、河南毗連諸府，狂風晝晦，拔木傷稼，壞官私廬舍，壓死人畜甚多。四月，振湖廣飢。六月，免順天等府災區夏稅。更定宗藩事例，聽無爵者自便。青海部長火落赤犯舊洮州；七月，再犯河州。八月，以順義王擧力克在青海，諸部挾以爲重，數犯邊，詔暫停貢市以促其東歸。十二月，河套卜失菟犯永昌，欲入青海，爲總督鄭洛所敗。是歲，王世貞死。

1591 年

辛卯 明萬曆十九年

正月，緬甸酋長莽應里犯永昌、騰越，敗還。二月，順義王撻力克及忠順夫人三娘子令部下還所掠洮河人口，謝罪請歸，於是火落赤等皆遠徙。五月，四川四哨番起事，旋敗。七月，寧波等府海盜，大火，蠲振有差。八月，河南飢，振之。是秋，湖淮並溢，泗州大水，山陽河決。十月，京營武弁譁辱工部尚書曾同亨，置不問。十一月，遼東總兵官李成梁以欺罔罷任。十二月，定外戚莊田之制。十二月，延綏官兵詐敗河套之衆，殺其部長土昧明安，於是邊衅又起。是歲，努爾哈赤略長白山、鴨綠江一帶地，葉赫使人索地，努爾哈赤不許。王宗沐死。

1592 年

壬辰 明萬曆二十年

二月，寧夏致仕副總兵官哱拜反，與韃靼相結。四月，順義王撻力克執火落赤以獻，因還所俘二年市賞。五月，日本豐臣秀吉犯朝鮮，逼王京；朝鮮王李昫奔平壤，又走義州，求援。七月，日本兵入朝鮮王京大掠，北逼平壤，敗明兵。韃靼河套部長卜失菟等犯定邊以聲援哱拜，爲官軍擊退。九月，官軍破寧夏，殺哱拜，事平。十月，眞定等府災，蠲振有差。大發兵援朝鮮，以李如松爲防海禦倭總兵官。振浙江、河南諸府災。

1593 年

癸巳 明萬曆二十一年

正月，李如松援朝鮮之師復平壤、開城，進攻王京，敗績。二月，李如松焚日本軍糧儲；四月，日本兵以乏食，棄王京而退，五月，據釜山，於是封貢之議行。河決單縣。六

月，令各省每歲夏月錄囚，減輕繫。七月，以進行日本封貢事，撤李如松大軍還。八月，江北大水，振之。九月，朝鮮王李昫表謝援救復國。十月，振湖廣水災，並免稅糧。十一月，河南、浙江水旱災，蠲振有差。十二月，振山東饑。是歲，河南葉縣礦工二千餘人攻文馬二峒。葉赫等扈倫四部擾努爾哈赤境，敗還，嗣又結蒙古科爾沁等部，號爲九國攻努爾哈赤，大敗。李時珍、徐渭死。

1594 年

甲午 明萬曆二十二年

二月，振河南、山東、河北。三月，詔修國史。七月，河套部長卜失菟犯延綏，八月，入固原，爲總兵官麻貴所破。以孫丕揚爲吏部尚書。丕揚患太監請托，創爲掣簽法，是爲銓法一大變革。十月，以播州宣慰使楊應龍抗拒，發兵攻之。日本議和使小西飛至北京。泰寧部長炒花犯遼東，大敗。是歲，蒙古科爾沁部、喀爾喀五部，通好於努爾哈赤。

1595 年

乙未 明萬曆二十三年

正月，遣使封豐臣秀吉爲日本王。許宗室子弟就試入仕，惟不得爲京朝官。五月，楊應龍聽命，革職，以其子朝棟理宣慰司事。九月，青海部長永邵卜犯甘肅，大爲參將達雲所敗；嗣又結火落赤犯西寧。詔以建文朝事附國史太祖本紀，復其年號。淮水溢，於是導淮分黃議起。十一月，振湖廣災。是歲，努爾哈赤略地輝發。潘季馴、董嗣成死。

1596 年

丙申 明萬曆二十四年

二月，河套卜失菟又謀犯邊，延綏總兵官麻貴等，出塞大破之。火落赤犯洮河，總兵官劉綎大破之。五月，河套部犯甘肅，總兵官楊藩大破之。六月，振福建福州等府饑。七月，以東西用兵，營建宮室，經費支絀，於是遣官開礦於畿輔、河南、山東、山西、陝西、浙江，領以太監，恣橫騷擾，大爲民病。楊應龍復起攻鄰近衛所、土司。九月，封使至日本，豐臣秀吉怒朝鮮王子不偕來以謝，於是再擬侵朝鮮。河套部犯寧夏，總兵官李如柏敗之。是秋，河決單縣。杭州等府大水，振之。十月，始命太監徵稅於通州並徵天津店租，於是稅使繼礦使四出，民益不堪。是歲，明遣官及朝鮮官使於努爾哈赤。

1597 年

丁酉 明萬曆二十五年

正月，朝鮮以日本留兵釜山，復求援助；二月，復議征日援朝，以麻貴爲備倭總兵官；三月，命楊鎬經略朝鮮軍務。四月，河決黃壩口。五月，麻貴進兵援朝鮮。六月，日本兵船數千泊釜山，逼梁山、熊川。七月，楊應龍攻江津、南川。八月，日本破閑山、南原，進逼王京。遼東、京畿、山西、山東皆地震。九月，日本兵至漢江，楊鎬責其動兵，日本兵乃退屯井邑待議。十月，以莫氏襄，授黎惟潭爲安南都統使。十一月，泰寧部長炒花結土蠻犯遼東，大掠沈陽。十二月，援朝軍與日本兵大戰於蔚山。是歲，葉赫等扈倫四部使來修好。

1598 年

戊戌 明萬曆二十六年

正月，援朝鮮攻蔚山之兵，以楊鎬先奔，全軍大潰，喪失輜重無數，而鎬反以獲勝入告。二月，益募水兵赴朝鮮與日本相持。三月，

土蠻犯遼東，總兵官李如松敗死。六月，命太監採珠於廣東。七月，遣太監鬻兩淮沒官餘鹽。以聞豐臣秀吉死，促援朝鮮諸將進兵。九月，免浙江災區田租。援朝鮮之兵與日本兵戰於蔚山諸處，互有勝負；十月，又戰，敗於新寨；十一月，日本兵退，援朝鮮兵追之，大將鄧子龍等戰死；十二月，殲日本匿乙山崖之殘兵。是冬，總督三邊李汝襲河套韃靼，大破之於松山。努爾哈赤遣子褚英等略安緒拉庫路。

1599 年

己亥 明萬曆二十七年

正月，遣太監分樁京口、儀徵稅。二月，遣太監樁浙江稅，又遣太監採珠廣州，各兼復設之浙江、廣東市舶司事。又命太監分別開採雲南礦，徵荊州、山東店稅，及蘇、杭、河南、山西、四川、陝西等處稅課。又命太監督理江西瓷廠。輔臣以稅使紛出，歲須八百萬金，得不償失，徒殃民歛怨，請盡撤之，不報，後乃并諸稅於礦使。貴州兵攻楊應龍，敗績。三月，遣太監徵稅於密雲、臨清、東昌。四月，御午門受倭俘，磔平秀政、平正成於市。太監馬堂徵稅臨清，科及米豆，民怨沸騰，聚三四千人逐堂，殺惡役三十七人；詔逮首事者，株連甚衆。閏四月，緝援朝東征加派田賦。詔取太倉銀二千四百萬兩爲冊立分封諸費，庫存無幾，乃遣太監嚴核天下積儲。六月，遣太監開礦廣東，兼領稅務。楊應龍陷碭江，大殺掠。八月，遣太監兼徵河東鹽稅。九月，土蠻犯錦、義二州。十月，以播州用兵，加四川、湖廣田賦。貴州宣慰使安疆臣請助擊楊應龍，許之，且允歸楊應龍所侵安氏水西之地。命太監徵收廣東土物。十一月，振河南、畿輔災。十二月，太監陳奉徵稅苛虐，爲求金寶，發墓剖棺，至

是，武昌、漢陽民羣起反抗，奉被毆傷，奉遣人焚民居，殺死甚多。是歲，東海渥集部之虎爾哈魯長朝努爾哈赤。努爾哈赤命取蒙古字製國語，並令開金銀礦。努爾哈赤以哈達反復，滅之。努爾哈赤以來歸者衆，命每三百人爲一牛衆。

1600 年

庚子 明萬曆二十八年

正月，楊應龍破龍泉土司。二月，遣太監徵鳳陽、安慶、徽、廬、常、鎮稅；又稅沿江田；又開彰德、衛輝、懷慶等處礦。攻楊應龍之師數道分進，總兵官劉綎連下三峒；三月，總兵官童元鎮敗於烏江；四月，劉綎再奪數關，相持月餘。六月，楊應龍自縊死，俘其家屬部下百餘人。除京師牙稅。八月，罷戍朝鮮陸兵，留水兵八千。是秋，炒花犯遼東。十月，貴州皮林苗人吳國佐起事，自稱天皇上將，年來攻擾七十餘屯堡；至是遣兵擊之。開採雲南阿瓦孟密寶井。是歲，各省多告災，又苦礦稅，兵民多不聊生。浙江入趙一平至徐州，自稱宋後，謀起事，發覺死。鳳陽巡撫李三才等力陳礦稅之害，皆不報，而一時地方官以忤稅使得罪者前後相繼。英國東印度公司成立，享有對印度貿易之專利。

1601 年

辛丑 明萬曆二十九年

正月，以播州楊應龍敗亡，免四川、貴州、湖廣、雲南加派田租逋賦。吳國佐敗死。二月，大西洋利瑪竇至北京。三月，武昌民再起，陳奉逃避，殺惡役十六人；四月，陳奉懼，請還京，許之。分播州置遵義、平越二府。楊氏自唐以來，據有播州，傳二十九世，八百餘年，至應龍而亡。六月，蘇州民

變，殺織造太監參隨六人。吏部尚書李戴以京畿、山東、河南、山西大旱，民不聊生，極言礦稅之害；不報。振順天等府饑。八月，復命李成梁鎮遼東。九月，河決開封、歸德。十二月，朵顏部長長昂，以入犯屢敗，乃與董狐狸納降，請復馬市；許之。

1602 年

壬寅 明萬曆三十年

正月，免湖廣災區改折緩徵錢糧。二月，神宗暴病，諭輔臣沈一貫撤礦稅諸太監、停織造、江西燒造，及病愈而悔，命追同前詔，太監王義方力諫不聽，沈一貫不敢堅持，於是稅使肆虐如故。振福建災區。閏二月，停河套諸部貢市已十餘年，至是濟農等謝罪納款，遂復貢市。三月，雲南騰越民以稅使肆虐激變。時廣東、廣西皆以礦稅，民變繼起，言者因請罷礦使，不報。四月，振順天等府饑。七月，以邊餉缺乏，命嚴催逋賦。緬甸以稅使貪暴爲詞，犯騰越。十月，振南京災區。十二月，時十三處巡按御史缺其九，輔臣請填補之；不報。是歲，兩京缺尚書三、侍郎十、科道九十四，各省缺巡撫三、布按監司六十六、知府二十五；言者請簡補，不報。

1603 年

癸卯 明萬曆三十一年

正月，以九邊軍額八十六萬餘，將弁多以空名支餉，因詔戶、兵二部核軍實。三月，輔臣以年來章疏多留中，致政務稽遲，請盡速批發；不報。播州楊應龍餘部起事，旋敗。六月，泰安大水，溺死八百餘人。河決蘇家莊。七月，京畿雨雹成災。九月，江北民以水災政虐，多起而反抗，河南睢州楊思敬亦起事，旋皆敗。十一月，「妖書」事起，

下「妖人」噉生光於獄，明年四月磔之。是歲，努爾哈赤自呼蘭哈達移居赫圖阿喇。

1604 年

甲辰 明萬曆三十二年

是春，開洳河以通運道。七月，北京大雨兩月，永平亦大水，溺死人畜無數。八月，大小羣臣公疏請修舉時政，輔臣極言礦稅之害，不省。開洳河分水工成，不久，黃河又決蘇家莊。九月，武昌楚府宗人以輔臣沈一貫受賄庇護楚王華奎，巡撫趙可懷措置失當，羣起毆殺之。振順天等府饑。是歲，努爾哈赤略地葉赫。

1605 年

乙巳 明萬曆三十三年

正月，松山部銀定歹成犯鎮番，大敗。七月，復五路台吉貢市。十月，濬朱旺口。十一月，免淮、揚等府災區田租。十二月，罷礦稅。自萬曆二十五年以來，諸太監進礦銀幾三百萬兩，金、珠、寶玩、貂皮、名馬不計其數；至是命稅務歸有司，歲以所入之半輸內府，然太監並未撤回，其虐如故。免河南災區田租。罷廣東珠池、雲南礦井。是歲，蒙古喀爾喀巴約特部獻馬於努爾哈赤。

1606 年

丙午 明萬曆三十四年

三月，雲南稅使太監楊榮肆為殘虐，前後杖斃數千人，番漢居民屢起焚稅廠，殺委官，至是，指揮使賀世勳率冤民萬餘人殺榮及其徒黨二百餘人，賀世勳等下獄死。振真定等府災。新添苗自去冬數攻鄰土，至是春敗潰。四月，朱旺口河工成，約百七十里，凡役夫五十萬。河套韃靼犯延綏，敗走。六月，緬甸陷木邦。順天等處大蝗。十一月，朵顏

結韃靼諸部台吉迫山海關，守兵拒却之。十二月，鳳陽人劉天緒以在南京傳法術謀起事，發覺被殺。棄寬甸等六堡。是歲，蒙古五部喀爾喀上汗號於努爾哈赤。

1607 年

丁未 明萬曆三十五年

二月，安南民武德成犯雲南，守兵拒却之。三月，銀定歹成犯涼州，大敗。順義王墻力克死，忠順夫人三娘子統所部。六月，湖廣黃州等府、南畿寧國等府、浙江嚴州等處大水，漂沒人畜無數。閏六月，復朵顏及河套諸部貢市。七月，京師大水，發銀十萬振之。十月，山東旱饑，振濟、蠲免有差。十二月，金沙江土目鄭舉以不堪武定知府陳典貪虐，結鄰近諸土司起事，破武定、元謀、羅次、祿豐、嵩明諸縣，官吏多死。安南民犯欽州。是歲，東海瓦爾喀部附於努爾哈赤，舉部內徙，烏喇來爭，努爾哈赤大破之。又命將略地渥集部。努爾哈赤以輝發背約，滅之。

1608 年

戊申 明萬曆三十六年

正月，戶部請振南畿、山東、河南災，不報。六月，南畿大水，南京科道請振，不報。錦州松山兵以稅使太監高淮苛虐，譁變，淮遁而免。七月，郴州礦工起事。振南畿等地災。鄭舉等兵敗被俘死。是秋，東部宰桑犯開原。十二月，再振南畿，並免稅糧。朵顏犯薊州，兵部請借內庫礦稅銀餉軍，不許，命支太僕寺馬價。是歲，努爾哈赤遣子褚英等略地烏喇，烏喇懼，來修好。渥集部呼爾哈路犯寧古塔，敗歸。努爾哈赤與明遼東副將及撫順所備禦盟，立碑於沿邊。

1609 年

己酉 明萬曆三十七年

二月，吏、禮二部侍郎、署尚書相繼死，於是二部長貳遂無一人。三月，河套部拱菟以無端被襲，遂犯大勝堡。四月，倭寇溫州。五月，福建大水，建寧等府死者殆十萬入。六月，甘肅地震，軍民者死八百餘人，邊牆毀塌八百餘里。八月，山西、宣府饑，江西大水，山東濟南等府蝗，湖廣、四川、河南、陝西、貴州大風爲災。十二月，詔以諸省稅三之一振災。徐州人起事，殺如皋知縣。是歲，努爾哈赤請於明，令朝鮮歸其境內女真人，又遣將取渥集部之瑚葉路。

1610 年

庚戌 明萬曆三十八年

四月，振京畿、山東、山西、河南、陝西、四川饑。五月，河南人陳自管等起事，旋敗。十一月壬寅朔，日食，欽天監所推分秒圓虧不確，禮官因請召通曆法者與監官考正曆法，於是李之藻等參用利瑪竇、龐迪義、熊三拔所傳西洋曆法據以修曆；西法入中國自此始。以軍餉匱乏，諭廷臣陳足用長策；時內府所入礦稅甚多，神宗視爲私物，不肯移作國用。自嘉靖、隆慶以來，廷臣交攻，漸成朋黨。時顧憲成講學東林書院，偶評時政，忌者遂名爲東林黨。其在朝者又有宣黨、崑黨，臺諫中分齊、楚、浙三黨，多排東林。是歲，努爾哈赤遣將略渥集部之那木都祿等部。

1611 年

辛亥 明萬曆三十九年

二月，河套韃靼犯甘州。五月，御史徐兆魁劾東林講學諸人，首詆顧憲成。廣東、廣西大水。六月，河決徐州，南北畿及湖廣大水。撫按官請罷榷稅，不省。輔臣葉向高以部院臺省官缺入太多，南京九卿僅存其二，

方面大吏亦多定額，而神宗置之不理，力言之，不報。八月，河南大水，巡按請蠲通賦振饑民，不報。是歲，努爾哈赤遣將取渥集部之烏爾古、辰木倫二路，又破虎爾哈路。

1612 年

壬子 明萬曆四十年

正月，兵部請考選軍政，不報。四月，時臺省空虛，神宗二十餘年來，未一接見大臣，致諸務廢墮，南京各道御史聯銜以爲言，不報。五月，顧憲成死，攻者猶不已。河套韃靼犯保寧，延綏兵敗之。七月，各省鄉試考官至是月杪始發表，因之應天、浙江、江西、湖廣、陝西皆延期十日至二十日。是歲，日本釋中山王尚寧歸琉球，寧遣使來告。建昌囉囉起事，遣劉綎等攻之。努爾哈赤以烏喇反復，親攻之，約和而還。

1613 年

癸丑 明萬曆四十一年

正月，朝鮮以日本數遣使要挾桐嶺，兵端漸露，請選將派兵相助；恐派兵餉難給，命朝鮮自行練兵。三月，以倭寇出沒閩浙，沿海應駐兵防備，因加淮揚等府田賦。四月，炒花等犯遼東。五月，戒廷臣朋黨。六月，卜失菟婚於忠順夫人三娘子，因封爲順義王；三娘子不久死，卜失菟勢遂衰。炒花犯大寧，求賞，許之而去。通惠河決。復開廣東珠池，言者諫，不報。八月，山東、湖廣、廣西大水。九月，遼東大水。十二月，韃靼犯寧遠。是歲，努爾哈赤以烏喇又背盟，滅之。葉赫懼，訴且請助於明，明使來諭，努爾哈赤遂以書敍始末送之明將。

1614 年

甲寅 明萬曆四十二年

正月，建昌囉囉敗。三月，皇子福王常洵之

國洛陽，賜莊田二萬頃，河南田不足，以山東、湖廣田益之，又予以所沒張居正田產及江都至太平沿江荻洲雜稅並四川鹽井榷茶銀，又淮鹽千三百引設店洛陽以銷售。五月，福建稅使太監高來苛暴激起民變，來麾兵殺人放火，言者劾奏，不省。是歲，浙江、江西、兩廣、福建大水，河決靈壁。是歲，蒙古扎魯特、科爾沁，前後以女妻努爾哈赤諸子。努爾哈赤遣將取渥集部之雅攬、西臨二路。

1615 年

乙卯 明萬曆四十三年

正月，徐州決河工成。五月，男子張差持挺入皇太子所居慈寧宮，傷內監一人，被執下法司訊問，事連鄭貴妃，嗣殺張差，含混了事，是為「梃擊案」。六月，免游墅、燕湖關稅三分之一。七月，京畿旱饑，振之。閏八月，山東旱，湖廣水、旱，振之。河套部長吉能結諸部犯延綏。十一月，以旱饑，京畿田糧皆折徵銀。十二月，山東旱蝗，再振之，並免稅糧。是歲，努爾哈赤始建佛寺及玉皇廟。明將使人爭地，努爾哈赤拒之。努爾哈赤命各牛求於曠土屯田。初編民為牛求，嗣以歸附者多，乃擴編為四固山（旗），至是又編為八固山，並設聽訟大臣五、扎爾固齊十。

1616 年

丙辰 明萬曆四十四年 後金太祖高皇帝
愛新覺羅氏努爾哈赤天命元年

正月，以山東大饑，致母食死兒，夫食死妻，再振之。二月，振河南、淮徐饑。三月，以貴州苗人紛起反抗，巡撫張鶴鳴請增兵加餉。四月，河南饑民紛紛起事，旋皆敗。山東蝗。五月，河決徐州。六月，河套韃靼犯延綏。河決開封。七月，河套韃靼犯高家堡，總兵官杜文煥大破之。應天、江

西、廣東水，河南旱蝗，陝西旱。九月，山東饑民紛紛起事，其首領周堯德稱平師王。

九月，括內府銀三十萬，戶、兵、工三部銀八十萬，益九邊餉。是歲正月朔，努爾哈赤稱尊號，國號金，建元天命，金後改為清，是為清太祖高皇帝。六月，金遣將捕明入越界者，殺五十餘人。七月，金遣將攻東海薩哈連部，招降其各部首領。

1617 年

丁巳 明萬曆四十五年 後金天命二年

正月，韃靼東部宰桑犯開原。山東饑民首領周堯德等敗死。三月，江西水。七月，貴州苗人起事者潰敗。九月，河套韃靼犯葭州、神木。是歲，南北京、山東、河南、陝西、湖廣、福建、廣東前後告災請振，皆不報。金收降東海沿邊散處諸部。湯顯祖死。

1618 年

戊午 明萬曆四十六年 後金天命三年

二月，振廣東饑。三月，振陝西饑。四月，金帝以七大恨告天，起兵反明，取撫順。插漢部虎墩菟乘機索賞，西部滿旦掠薊州。閏四月，命楊鎬經略遼東。五月，金陷撫安等十一堡。貴州苗人起事，為巡撫張鶴鳴所破。六月，炒花犯遼東。以遼餉不足，開俊秀監生捐例，裁衙役工食錢之半。七月，金陷清河等堡，遼東屏障皆失。八月，開海運通遼東餉。乃蠻等七部降。九月，以遼餉絀，有司請發各省稅銀；不報；旋詔加全國田賦，每畝三釐五毫。遼東總兵官李如柏遣兵殺掠金農人，金來報復，且致書挑戰，並令輸金帛以和。十月，東海虎爾哈部降於金。十二月，以加賦，禁徵耗羨。河套部長猛克什力降。楊鎬遣使如金。

1619 年

己未 明萬曆四十七年 後金天命四年
正月，金帝攻葉赫，取屯寨二十餘。時援遼之師大集，趣楊鎬進兵，會葉赫告急，二月，鎬遂分四道攻金。設戶部侍郎一人駐天津督遼餉。三月，楊鎬所督西路兵與金兵戰於薩爾滸，大敗，總兵官杜松等死之；北路兵大敗於尚間崖、飛芬山，監軍潘宗顏等死之；東路兵大敗於阿布達里岡，總兵官劉綎等死之；其徵來相助之朝鮮兵大潰，都元帥姜弘立等降。福建漳州民李新起事，建元洪武，與袁八老等攻鄰邑，旋敗死。六月，金陷開原，總兵官馬林死之。改命熊廷弼經略遼東。七月，金陷鐵嶺。百官伏文華門請閱視增兵發餉章奏，立賜批行；不報。八月，山東蝗。楊鎬下獄論死。金滅葉赫。至是扈倫四部皆亡。九月，百官再伏文華門請臨朝聽政，太監諭退之。徵四川、湖廣土司兵援遼。十月，察哈爾林丹汗致書金帝，辭極傲謾。十二月，再加賦，畝三釐五毫，以補遼餉。

1620 年

庚申 明萬曆四十八年 明光宗貞皇帝朱常洛泰昌元年 後金天命五年
正月，金兵侵朝鮮，朝鮮請援。金帝使人遺書林丹汗，被殺。三月，再加賦，畝二釐以補遼餉。通前二次加派共九釐，增收五百二十萬兩。四月，徵石砬女土司秦良玉援遼。禁白蓮、無為諸教。五月，金略花嶺，七月，又略王大入屯。神宗死，皇太子常洛以遺詔罷礦稅、權稅及稅監，發內庫銀二百萬兩充邊賞。八月，常洛即位，是為光宗貞皇帝，詔改明年元為泰昌（光宗在位僅一月即死，後遂以萬曆四十八年八月以後為泰昌元年）。遼東旱，令官民輸糧銀，以多少定升絀。金略蒲河、懿路，敗沈陽兵。光宗病，服李可灼所進紅丸藥，九月朔，死，於是

廷臣大譁，是為「紅丸案」。光宗選侍李氏居乾清宮，廷臣逼之移熾鸞宮，是為「移宮案」。皇長子朱由校即位，是為熹宗哲皇帝，詔明年改元為天啓。十月，改命袁應泰經略遼東。發內庫銀一百八十萬兩充邊賞。十一月，免畿輔加派一年。是歲，焦竑死。

1621 年

辛酉 明熹宗朱由校天啓元年 後金天命六年

正月，再發內庫銀五十萬兩充邊賞。賜乳母客氏田二十頃為坎塋香火費。二月，言者請究「梃擊」、「紅丸」、「移宮」三案。除齊泰、黃子澄親屬戍籍。三月，杭州大火，焚六千餘家。金陷沈陽、遼陽，總兵官賀世賢、石柱土司秦邦屏等死之，經略袁應泰自殺，巡按張銓被俘不屈，亦自殺，文武兵民死者甚多，遼民紛走山東，或赴皮島依毛文龍。四月，募兵於通州、天津、宣府、大同、陝西、河南、山西、浙江。五月，貴州紅苗起事已久，至是敗。固原、寧夏兵援遼者先後潰於臨洺、三河。六月，復命熊廷弼經略遼東，廷弼建三方布置策，屯馬步於廣寧，置水師於天津、登萊。七月，免織造三之一。八月，毛文龍取金所據之鎮江城。杭州又大火，焚萬餘家。九月，永寧土司奢崇明起事，據重慶，破瀘州、遵義，十月，建號大梁，設丞相以下官；秦良玉統兵擊之。河決靈壁。發內庫銀二百萬兩充餉。金兵攻毛文龍於鎮江城。十一月，喀爾喀部台吉古爾布什莽古勒附於金。十二月，援遼浙江兵潰於玉田。

1622 年

壬戌 明天啓二年 後金天命七年

正月，金陷西平堡，敗援軍，進攻廣寧，巡撫

王化貞、經略熊廷弼退守山海關。金兵入廣寧又陷義州，前鋒至中左所，旋退走，蒙古喀喇沁諸部據之。河套諸部犯延綏。奢崇明圍成都百餘日，至是以內變起，解圍走瀘州。二月，水西土目安邦彥起應奢崇明，號羅甸大王，陷畢節，圍貴陽。免天下帶徵錢糧二年及京畿加派。下王化貞、熊廷弼於獄。蒙古兀魯特部附於金。三月，命湖廣、雲南、廣西軍援貴州。金帝命皇子八人俱爲和碩貝勒，共議國政。五月，追復張居正官，恤方孝孺後。山東白蓮教首領徐鴻儒起事於鉅野，號中興福烈帝，稱大成興勝元年，用紅巾爲幟，破鄆城。官軍敗奢崇明，復重慶瀘州。六月，徐鴻儒破滕縣。七月，奢崇明又陷遵義。徐鴻儒攻曲阜。武邑于弘志起應徐鴻儒，敗死。八月，命孫承宗督師經略薊遼，復進守寧遠。九月，設州縣兵，按畝供餉。陝西平涼等處地震。初行武舉殿試。十月，徐鴻儒敗死。十二月，安邦彥解貴陽圍。

1623 年

癸未 明天啓三年 後金天命八年
正月，安邦彥敗援貴州官兵。荷蘭據澎湖、臺灣，嗣被逐出澎湖，而據臺灣如故。喀爾喀部台吉拉巴什希布附於金。二月，遣太監爲較事，刺邊情。御史周宗建疏詆司禮秉筆太監魏忠賢，於是黨禍萌。四月，貴州官軍敗安邦彥。金擊斬札魯特部貝勒昂安。五月，河決睢陽。四川官軍及秦良玉大破奢崇明，崇明走依安邦彥。七月，安南犯廣西。光宗實錄成。閏十月，貴州巡撫王三善大破安邦彥。十一月，喀喇沁部邀賞，殺戍將。十二月，始命朝鮮王李倧暫統國事。命魏忠賢總督東廠。

1624 年

甲子 明天啓四年 後金天命九年
正月，長興縣民吳野樵入署殺官放囚，當日敗死。貴州巡撫王三善攻安邦彥，遇伏死，副總兵官秦民屏以下四十餘人皆戰歿。二月，金與科爾沁盟。三月，杭州兵變。四月，封李倧爲朝鮮國王。五月，福寧兵變。毛文龍遣將襲金輝發城，敗還。六月，左副都御史楊漣劾魏忠賢二十四罪，熹宗慰忠賢而斥漣，於是臺諫黃尊素、李應昇、魏大中相繼論列，且及客氏，而南北臺省官攻忠賢之疏紛至，國子祭酒蔡毅中又率監生千餘人請究忠賢罪狀；忠賢雖怒，尚未敢遽興大獄，僅傳旨切責。工部郎中萬燝劾魏忠賢，廷杖死。七月，河決徐州。山東饑，振之。八月，金襲毛文龍於鎮江城，焚島中積聚。十月，吏部尚書趙南星、左都御史高攀龍以忤魏忠賢，罷歸。十一月，吏部侍郎陳于廷、左副都御史楊漣、左僉都御史左光斗皆以忤魏忠賢，削職爲民。十二月，兩當民變殺縣官。

1625 年

乙丑 明天啓五年 後金天命十年
正月，金破旅順城，旋退。二月，翰林院檢討丁乾學等八人以譏魏忠賢，削職爲民。三月，金初都遼陽，稱東京，至是遷都瀋陽，後名盛京。四月，重修光宗實錄。金攻掠瓦爾喀部。五月，楊所修請以三案編次成書，從之。行宗室限祿法。六月，下楊漣、左光斗、魏大中、袁化中、周朝瑞、顧大章於獄，誣以受楊鎬、熊廷弼賄，漣等尋皆死。八月，毀天下東林講學書院。殺熊廷弼，傳首九邊。寧遠兵襲金耀州，敗還。金攻掠虎爾哈及卦勒察部。海州張屯寨漢人聯合毛文龍反金，敗。九月，賜魏忠賢「顧命元臣」印。十月，孫承宗以忤魏忠賢，罷職；高第代爲經略；撤承宗所設要塞。中書舍人

吳懷賢以忤魏忠賢，下獄、死。十一月，揚州知府劉鐸以譏魏忠賢，下獄、死。科爾沁部以林丹汗來侵，請援於金，金帝親往救之，林丹汗解圍走。十二月，榜示東林黨人姓名。是歲，金以遼陽等處漢人潛謀反抗，殺其爲首者，分其餘爲各官奴。

1626 年

丙寅 明天啓六年 後金天命十一年
正月，命撰三朝要典，六月成。金帝親攻寧遠，袁崇煥力禦退之，經略高第以擁兵不救，免職，王之臣代之。二月，以袁崇煥爲僉都御史，專理軍務，旋授遼東巡撫。前應天巡撫周起元及高攀龍、周順昌、繆昌期、李應昇、周宗建、黃尊素等以忤魏忠賢逮繫，高攀龍聞訊投池死。蘇州以緹騎捕周順昌，民變；後諸人皆死於獄。三月，各邊鎮設監軍太監。安邦彥犯貴州，總理軍務魯欽敗死。四月，命南京搜括各府庫銀解充殿工及兵餉。海盜結紅毛番（荷蘭）作亂，討平之。金帝以喀爾喀背盟，親攻之，前鋒至西拉木倫河而還。五月，北京王恭廠火藥局災，軍民死者無數。毛文龍攻金鞍山等地。六月，北京、宣大、山東、河南地震。河決廣武。閏六月，始建魏忠賢生祠。北京大水；江北、山東旱蝗。八月，陝西民以不堪虐政，紛起反抗，攻入四川。金帝努爾哈赤死，第八子皇太極嗣，是爲太宗文皇帝，九月卽位，改明年元爲天聰。是秋，河決淮安，江北大水。河南蝗。十月，進魏忠賢爵上公，賜莊田一千頃。金以札魯特部背盟，遣兵破之。袁崇煥遣李喇嘛等弔賀於金，金答以書。十二月，潯州民胡扶紀等起事，殺兵官。金禁售武器與蒙古。

1627 年

丁卯 明天啓七年 後金（清）太宗文皇

帝皇太極天聰元年

正月，金遣使致書袁崇煥言修好事，所欲甚奢，崇煥回書責之。金以朝鮮助明，遣將攻之，連下諸城，二月，朝鮮王李倬奔江華島，遣使約和，許之，三月，訂盟班師，留兵守義州。召王之臣還，罷經略，命袁崇煥便宜行事。崇煥乃議興屯田，盡復高第所棄要塞。陝西澄城民以歲饒而征糧不已，怒殺知縣。四月，金帝致書袁崇煥，辭多恫嚇。前刑部侍郎以忤魏忠賢，下獄瘐死。五月，金帝自將攻寧遠、圍錦州，袁崇煥力禦之。六月，金師退，損失甚重。七月，魏忠賢使人劾罷袁崇煥，仍以王之臣經理遼事。海盜擾廣東。浙江大水。朝鮮使請於金撤留守之兵，並免送逃人，金乃以義州還朝鮮。八月，熹宗死，弟信王由檢嗣，是爲思宗莊烈皇帝，明年改元爲崇禎。金禁濫宰牛馬騾驢。十一月，安置魏忠賢於鳳陽，尋命逮治，忠賢聞之，自縊死。罷各邊鎮守太監。免天啓被難諸人贓，釋其家屬。朝鮮遣使於金，謝還義州。金諭米穀，復書婉拒；金帝怒，十二月，使人責朝鮮背盟。誅客氏及魏忠賢姪良卿，其家屬無少長皆斬，又下助魏忠賢爲虐諸人於獄，命毀各地魏忠賢生祠。

1628 年

戊辰 明思宗莊烈皇帝朱由檢崇禎元年
後金天聰二年

正月，發內庫銀三十萬兩給宣大、東江。磔魏忠賢屍。金帝致書總兵官祖大壽，言通好事。朝鮮獻米二千石於金。二月，金帝以察哈爾多羅特部殺使者，親擊破之，俘一萬二千餘人。三月，贈恤天啓被難諸人。四月，以袁崇煥爲兵部尚書，督師薊遼。五月，毀三朝要典。裁各部添注官。禁有司私派。察哈爾諸部犯宣大。金遣將略明

邊，並致書與明將言修好事。六月，命朱爰元總川廣雲貴兵擊安邦彥。七月，杭州等三府大風雨，漂沒數萬人。鄭芝龍縱橫海上，屢敗官軍，至是降。寧遠兵以欠餉譁變。八月，朝鮮獻秋季方物於金。九月，金帝親攻察哈爾，大掠而還。廣寧塞外炒花、煙兔、貴英及蘇州塞外喀喇沁等三十六部，歲有撫賞，是秋盡革之；時諸部饑，請粟復不得，遂固其附金之心。十一月，陝西以連歲荒歉，官吏苛虐，饑民紛紛起事，白水王二倡導於先，府谷王嘉胤、宣川王左掛、安寨高迎祥、漢南王大梁先後響應；迎祥稱闖王，大梁稱大梁王。十二月，固原兵變，取州庫銀，多與亂軍合。

1629 年

己巳 明崇禎二年 後金天聰三年

正月，王大梁入略陽，敗官兵。詔定魏忠賢逆案。金主初立，三大貝勒分月輪理政事，至是罷之。二月，驛卒裁，無所得食，多入亂軍。金攻毛文龍於鐵山。三月，薊州兵變，尋定。以楊鶴為三邊總督，攻亂軍。四月，王左掛等攻耀州，為督糧道洪承疇所敗。金立文館，命官分掌翻譯漢字書籍及記注。閏四月，王二先已敗死，至是王大梁亦戰死。五月，議改曆法，徐光啓、李之藻等主持之，徵西人龍華民等參預其事，採取西法。六月，袁崇煥殺毛文龍。七月，金遣兵攻瓦爾喀部。八月，朱爰元攻水西，安邦彥、奢崇明皆敗死，餘衆降。九月，殺楊鎬。金初考試儒生，凡明生員之為奴者皆拔出之，參與考試，取二百人。十月，金帝親統兵分三道攻明，破遼化等城；十一月，圍北京，袁崇煥率師入援。十二月，思宗中金反間計，下崇煥於獄。金帝聲言議和而分兵南陷良鄉、固安。山西援兵潰於良鄉。

1630 年

庚午 明崇禎三年 後金天聰四年

正月，金兵陷遼安、遼化、灤州、永平等地。金帝令喀喇沁部上奏思宗謂仍欲修好。王左掛攻宜川、韓城，為參政洪承疇所敗。王嘉胤攻延安、慶陽。時延綏、甘肅入衛之兵，或潰、或變，投亂軍者甚多。二月，金帝留兵守灤州、永平、遼化、遼安四城，自統大兵班師。三月，陝北亂軍入山西，四月攻趙城等縣。五月，金留灤州等四城兵撤走。六月，王嘉胤破府谷，米脂張獻忠應之，號八大王，命洪承疇巡撫延綏，專司平亂。八月，誤信金反間計殺袁崇煥。十月，洪承疇敗王嘉胤、張獻忠，殺王左掛；嘉胤旋再振，十一月，敗山西官兵，入河曲。十二月，增田賦，畝三釐，增收百六十五萬，合舊所增九厘，共增收六百八十餘萬兩。

1631 年

辛未 明崇禎四年 後金天聰五年

正月，陝北民軍首領神一元陷保安，結河套蒙古兵敗官軍，旋敗死，第一魁領其衆。振延綏饑。金初造紅衣大炮。金謂朝鮮背盟，却其獻物，並遣使責朝鮮王。二月，神一魁陷合水，圍慶陽，旋敗降。三月，皮島參將劉興治殺副將叛，旋為參將沈世魁所殺；興治兄弟反復於明金之間，至是金殺其家屬。四月，王嘉胤敗於河曲。不沾泥敗於葭州，旋降於洪承疇。五月，滿天星破中部，旋為洪承疇所敗。金翅鴉敗於宣川，降。金遣兵徇南海島。金遣使責朝鮮，其王李倬拒不見。六月，王嘉胤敗死於陽城，部下推王自用為帥，號紫金梁，結高迎祥、張獻忠等三十六家會於山西，米脂李自成亦參與策劃。金定功臣襲職法。七月，金定官制，設六部。

八月，金帝親攻大凌城，圍之。九月，以洪承疇總督三邊軍務。復遣太監監邊鎮，又命太監總理戶、工二部錢糧。十月，大凌城守將祖大壽殺副總兵官何可綱降於金，金旋縱之歸錦州；太僕少卿張春被俘，不屈死。十一月，羅汝才、張獻忠初偽降於洪承疇，至是復起，入山西。閏十一月，登州游擊孔有德率兵援遼，至吳橋叛變，還兵沿途大掠；十二月，敗濟南官兵，趨登萊。金禁私造廟宇，禁爲喇嘛。官兵攻山西、陝北亂軍，殺掃地王、神一魁等。

1632 年

壬申 明崇禎五年 後金天聰六年

正月，孔有德至登州，耿仲明開城納之。金責朝鮮貢不及額。二月，亂軍破鄆州，三月，破華亭。金定儀仗制度。金命達海增改十二字頭加以圈點。四月，金帝親攻察哈爾。孔有德圍萊州，敗來援官軍。六月，河決孟津口。金帝至歸化城，以林丹汗已遁，循明宣大邊東歸，致書明守將言修好事。七月，命太監提督京營戎政。八月，孔有德敗於沙河，解萊州圍，奔登州，官軍圍之。洪承疇等連敗亂軍於平涼、甘泉、銅川橋、延水關等地，混天猴、可天飛、獨行狼等皆死。九月，海盜劉香乘荷蘭人擾福建，攻閩、廣、浙沿海地。是秋，紫金梁、高迎祥、羅汝才、張獻忠合兵，連破山西州縣，入河南，破修武、圍懷慶，敗還山西。十月，金帝遣喇嘛致書寧遠，仍云修好。十二月，金以朝鮮貢不及額，却物，逐使。

1633 年

癸酉 明崇禎六年 後金天聰七年

正月，總兵官曹文詔屢敗亂軍，受命節制山陝；文詔入山西，敗亂軍於孟縣等地，混世王

等皆死。朝鮮致書於金，解釋方物減額事，金復書仍責之；二月，兩國復通書辯詰。亂軍自山西入畿南，攻順德、真定，爲大名副使盧象昇所敗，走河南。官軍克登州，孔有德、耿仲明挈家口渡海欲奔旅順，被阻，屯雙島，請降於金。三月，亂軍來往於山西、河南交界諸地，數爲曹文詔、左良玉所敗，然其勢未衰。四月，金命朝鮮資助孔有德等，派兵迎之。時朝鮮助明截堵孔有德，見金兵至，乃退。五月，遼太監監曹文詔等軍。河套諸部犯寧夏。六月，時全國通賦一千七百餘萬兩，命官督征。金致書朝鮮，責其助明，又遣兵攻旅順口，遂月拔之，總兵官黃龍自殺。七月，曹文詔敗亂軍於懷慶等地，滾地龍等死；御史劉令譽與文詔有隙，誣劾罷之。八月，金兵略山海關。九月，亂軍敗於平山，一盞燈被俘。十月，金使人宣布法令於外藩諸國。廣鹿島副將尚可喜約降於金。十一月，高迎祥、李自成、張獻忠、羅汝才等破蘄池，十二月，下宜陽，攻盧氏，入內鄉，遂入湖廣。是歲，徐光啓死。

1634 年

甲戌 明崇禎七年 後金天聰八年

正月，以陳奇瑜總督河南、山西、陝西、四川、湖廣五省軍務，司擊亂軍事。金漢軍官民訴差徭繁重，金主諭之，婉而厲。高迎祥等破房縣、保康，遂入四川，二月，攻夔州，破大寧，爲秦良玉等所扼，分走湖廣、陝南。金定喪葬法。三月，山西、陝西旱，大饑，人相食，振之。金使人往朝鮮互市。金命孔有德、耿仲明、尚可喜旗用白鑲皂，以別於八旗。四月，亂軍出入湖廣、陝西、河南交界諸地。金改漢世職官名爲國語。金試滿、蒙、漢軍舉人，取十六名。五月，金小改兵制。金主自將攻明。六月，河決沛

縣。高迎祥等爲陳奇瑜、盧象昇、洪承疇等所敗，損失慘重，避入興安之車箱峽。金帝頒軍律於蒙古，其前鋒入得勝堡，掠大同。

七月，金帝入上方堡，趨朔州、陷保安等處。李自成定計僞降，陳奇瑜許之，亂軍遂出車箱峽，八月，破永壽等縣。金兵略代州，前鋒及五臺。金帝至大同，代王太妃請和，因致書言願修好惡，閏八月，遂班師。亂軍破隆德、澄城等地；李自成圍隴州，兩月始退。山西亂軍幾全部爲曹文詔所破。九月，以亂軍皆在陝西，命各省兵會攻；十月，湖廣兵殲於雒南。朝鮮致書於金，金復書責其傲慢。十一月，下陳奇瑜於獄。十二月，高迎祥等入河南，集宛洛間，別部趨江北，破英山。金遣兵攻黑龍江未服之地及瓦爾喀。時於草已傳入金，嘗禁之，而諸貝勒大臣吸食自若，金帝切責之。

1635 年

乙亥 明崇禎八年 後金天聰九年

正月，高迎祥等破上蔡、固始、滎陽。聞洪承疇督師東下，十三家會滎陽商應敵術，用李自成策，分路發展以疲官軍。於是自成與張獻忠東破霍丘、潁州、鳳陽，焚皇陵；以徐州兵至，自成西走；獻忠南攻廬州、舒城、巢縣、無爲，二月，破潛山、太湖、宿松，分兵破羅田、徐州、虞城、商丘等地。金重編蒙古諸旗。金遣兵招收林丹汗子。三月，張獻忠等以洪承疇來，西入陝西，與李自成等合。四月，鄭芝龍破劉香，香勢蹙自焚死，海氛稍靖。四川兵變於樊城。金兵攻黑龍江虎爾哈及東海瓦爾喀。五月，金兵略寧遠等地。亂軍攻薊州、薄西安，入鄆縣，連爲洪承疇等所敗，走圍平涼等處，六月，官軍追之，大敗於亂馬川，曹文詔旋亦敗死於真寧；七月，官軍再敗於古函谷。於是亂軍大枝又

入河南，惟高迎祥、李自成留陝西，八月，自成破咸陽、永壽。命盧象昇總理直隸、河南、山東、湖廣、四川軍務，與洪承疇分掌攻亂軍事。金兵自平魯衛入略代州、忻州，至惇縣而回。九月，高迎祥、李自成為洪承疇所敗，走河南與張獻忠合；他枝亂軍入潁州，敗歸信陽，攻密縣，十月，又入蘄黃、英山一帶，與高迎祥等會攻陝州。金帝致書喜峰等口守將恫嚇。十一月，高迎祥等破陝州，旋敗於嵩縣、汝州，走光山，十二月，破之，東徇江北。喀爾喀等五部蒙古貢駝、馬、貂皮於金。

1636 年

丙子 明崇禎九年 後金天聰十年 清崇德元年

正月，亂軍攻六合、滁州，不利，北破蕭縣，西趨登封，二月，南走裕州，敗於七頂山，遂入光化。寧夏兵變，殺巡撫。山西大饑，人相食。金帝以將稱尊號，告於朝鮮；不理。金定帽頂制。三月，金改文館爲內國史、內秘書、內弘文三院。金禁喇嘛轉輪結旛以惑人。張獻忠等自光化入襄陽，高迎祥、李自成入陝南；四月，自成趨延綏，謀山西，被阻。金帝祭告天地，受尊號，改國號爲大清，改元崇德，追上祖宗廟諱，率遼漢制。五月，李自成敗追兵於安定。清設都察院，旋遣兵攻明。六月，亂軍自襄陽入河南，敗於淅川。清兵入喜峰口。七月，連陷昌平、安州等十六城，逾月退走。高迎祥爲陝西巡撫孫傳庭所敗，被俘磔死，部下奉李自成為闖王。八月，唐王朱聿鍵聞清兵入犯，起兵勤王；詔勒歸，廢爲庶人。十月，張獻忠破襄陽。詔開銀、鐵、銅、鉛諸礦。清遣官編定察哈爾、科爾沁戶口，並頒法令、讞庶獄。朝鮮獻米於清，却之。十一月，

錫山東五年以前通賊。清太祖武皇帝實錄成。清以將攻朝鮮，征兵外藩，頒行軍律，並傳檄朝鮮。十二月，李自成攻階州等城，爲洪承疇所敗，走慶陽一帶。張獻忠等東趨蕪黃，分攻江北，時混天星活動於商雒，過天星出入於汧隴，獨行狼來往陝南，蠟子塊發展至河西，與番民相結。清帝親攻朝鮮，拔安州等城，前鋒入漢京，朝鮮王李倭避走南漢山城。是歲，董其昌死。

1637 年

丁丑 明崇禎十年 清崇德二年

正月，張獻忠等攻安慶、桐城，別部攻滁州。清兵入江華，俘朝鮮王後宮，朝鮮王請降，稱臣上表，年貢一次，有金、銀、皮革、紙張、茶、木、席、布、紬、苧等物，共二十一種；二月，清帝班師。張獻忠入潛山，爲史可法等所敗，走天堂寨，而別部於三月大破官兵於鄆家店。楊嗣昌爲兵部尚書，建策以四正、六隅之法以困亂軍，並議增兵加餉，皆得允。四月，清兵取皮島，總兵官沈世魁等死之。閏四月，張獻忠入湖廣，別部或留江北，或走河南。清令富民運米振東京貧民。五月，李自成等爲孫傳庭所敗，走秦州。朝鮮王遣使如清，請贖被俘親屬。是夏，兩畿、山西、江西大旱，浙江大饑，至父子兄弟夫妻相食。七月，山東、河南蝗。清遣兵攻瓦爾喀。分漢軍爲二旗。八月，以儀真等縣爲亂軍所破，發禁旅赴援。九月，洪承疇數敗亂軍，李自成南走，破寧羌，十月，分道入川，破昭化、劍州等三十餘城，攻成都，不克而去。清頒滿、蒙、漢字曆。清使封李倭爲朝鮮國王，賜玉紐金印；倭尋遣使請歸其世子，不許。十二月，洪承疇入援四川。是冬，周遇吉、黃得功等連敗亂軍於鄭州、密縣。闖塌天與張獻忠不和，遂萌叛志。

1638 年

戊寅 明崇禎十一年 清崇德三年

正月，闖塌天降總理軍務熊文燦於隨州。洪承疇敗李自成於梓潼，自成走洮州。開福建海禁，通市佐餉。二月，清帝親攻喀爾喀。東江總兵官沈志祥叛降於清。三月，曹變蛟敗李自成於洮州，自成走岷州。左良玉敗張獻忠於南陽，他枝亂軍又連敗於舞陽、光山、固始，獻忠走穀城，四月，僞降於熊文燦。清帝班師。五月，清修盛京至遼河大路。六月，北京民廠災，死傷萬餘人。兩畿、山東、河南大旱蝗。清改蒙古衙門爲理藩院。七月，南京復社人黃宗義等作留都防亂揭，攻擊阮大鍼。清更定六部、理藩、都察二院官制。八月，孫傳庭大破羅汝才等於靈寶，汝才等走襄陽。清遣將攻明，九月，分道入塞，前鋒抵牛欄山。山西、陝西旱，饑。自夏至秋，李自成等疊爲孫傳庭、曹變蛟、左光先等敗於陝西，過天星等皆降，惟自成東走，十月，又爲洪承疇拒於潼關，大敗，入商雒山中。清兵會於通州，十一月趨涿州，分擾易州、雄縣，破高陽，前大學士孫承宗死之。子孫戰死者十七人。時清帝亦親略山海關，以牽制明師。羅汝才僞降於熊文燦。十二月，清兵犯鉅鹿，宣大總督盧象昇力戰死之，徵洪承疇入衛京師，時清兵已破四十餘城，入山東。是歲，江北亂軍於英山、六合連敗於史可法，而陝西、河南、湖廣諸亂軍，或敗或降，勢大衰。

1639 年

己卯 明崇禎十二年 清崇德四年

正月，清兵連下臨邑等縣，破濟南，俘德王朱由樞等，官民死者無數。以洪承疇爲薊遼總督。二月，清帝親攻明，犯松山、杏山，不

能克，三月，遂退，入明侵擾之師亦還，凡破城六十餘，俘四十萬餘人，掠得金四千餘兩，銀九十七萬餘兩。四月，左良玉等破亂軍於南陽等地。五月，張獻忠、羅汝才復起，破房縣、保康。六月，抽練各鎮精兵，加征練餉。自萬曆以來數次增餉，至是已至一千六百七十萬兩。北畿、山東、河南、山西旱，蝗。清分漢軍爲四旗。七月，張獻忠大敗左良玉於羅猴山。清帝使人致書於明，仍言修好事。八月，周遇吉等敗亂軍於浙川。清遣兵攻庫爾喀部。九月，下熊文燦於獄，命楊嗣昌督師，以攻亂軍。清遣將略錦州、寧遠。十月，頒保民四事全書。清遣喇嘛致書於圖伯特汗（西藏）。十二月，清遣官查視朝鮮王李倬所勒「紀恩碑」。是歲，陳繼儒死。

1640 年

庚辰 明崇禎十三年 清崇德五年

二月，左良玉等大破張獻忠於瑯琊山，獻忠走與歸山中，部下多降。清遣兵攻兀札刺部。三月，罷各鎮監軍太監。清兵略廣寧。清攻虎爾哈、索倫等部者先後告捷。清命朝鮮發兵及米赴大小凌河。四月，清帝視師義州。五月，羅汝才攻夔州，爲秦良玉等所却。清兵攻杏山，敗祖大壽、吳三桂之師；又攻錦州，旋引還。六月，秦良玉等敗羅汝才於馬家寨等處，汝才走大寧。時楊嗣昌欲逐亂軍皆入川，遂調川兵精銳隸己麾下。七月，孫應元破羅汝才於興山，汝才走巫山與張獻忠合。清遣兵攻索倫部。是月，清兵在錦州一帶數與明兵戰。八月，江北亂軍破麻城、黃梅。張獻忠敗孫應元於夔州，九月，又敗官軍於觀音巖，進破大昌，入開縣，攻綏州。李自成前自商雒山中走依張獻忠，覺獻忠惡，避之巴西魚腹山中，楊嗣昌招之降，

不肯，至是走河南。十月，清遣使責朝鮮國王李倬欺罔。十一月，清滅朝鮮貢米十之九。十二月，嚴禁抄傳軍機密報。張獻忠攻什邡，破榮昌，拔瀘州。李自成至河南，饑民紛紛歸附，勢復振，遂攻宜陽，破永寧、寶豐、密縣，李信、牛金星從之爲之策畫。增天下關稅。是歲，兩畿、山東、河南、山西、陝西大饑，人相食。河南登封民李際遇起事，破澠池。徐宏祖死。

1641 年

辛巳 明崇禎十四年 清崇德六年

正月，張獻忠破巴州，敗官軍於開縣，入湖廣，攻荊門。李自成破洛陽，殺福王朱常洵，發王府金振饑民；王子朱由崧奔懷慶。二月，張獻忠破襄陽，殺襄王朱翊銘，得楊嗣昌所儲軍餉兵器無數；張獻忠旋又破當陽、荊縣、光州。李自成攻開封，不克。清申烟禁。三月，楊嗣昌懼罪自殺。張獻忠攻應城，破隨州。洪承疇會八鎮兵十三萬於寧遠以禦清兵。時清兵已分番攻錦州數月，且征朝鮮兵相助，屢獲小勝。五月，李自成攻南陽，張獻忠破泌陽。六月，兩畿、山東、河南、浙江、湖廣旱、蝗，饑民紛紛起事。七月，羅汝才與張獻忠不和，依李自成於內鄉，合攻鄧州，不利；張獻忠攻鄖陽，不克。清增兵攻錦州，八月，陷錦州外城；清帝親來，駐松山、杏山之間，敗洪承疇之師。張獻忠攻信陽，左良玉大破之，獻忠走依李自成，自成欲殺之，羅汝才陰縱獻忠，乃與左金王等合，勢稍振。九月，李自成大破官兵於孟家莊，俘陝西總督傅宗龍，殺之，尋破項城、葉縣，十一月，破南陽，殺唐王朱聿鎮，總兵官猛如虎戰死，又破鄧州，十二月，東破許州等十餘城，圍開封，不克。清帝於九月回，惟清兵仍屯錦州一帶，時有小戰。

1642 年

壬午 明崇禎十五年 清崇德七年

正月，李自成破襄城等處，圍左良玉於鄖城。免十二年以前逋賦。山東李青山據梁山泊，攔截漕運已年餘，至是敗死。二月，李自成大破官兵於襄城，殺三邊總督汪喬年，旋又破陳州、睢州、歸德。松山副將夏成德開城納清兵，薊遼總督洪承疇被俘投降，巡撫丘民仰、總兵官曹變蛟等死之；三月，錦州守將祖大壽亦降。是春，張獻忠已破亳州等地，遂攻含山、和州。四月，李自成復圍開封。兵部尚書陳新甲請與清和，思宗許遣人使於清，令密之，輔臣謝陞泄其事，獲罪削職。清兵破塔山、杏山。五月，張獻忠破廬州。清禁善友教，殺教首李國梁等。清迎明兵部所遣議和入馬紹愉等至濟陽，六月遣還，致書明帝，約以平等相交，及歲幣疆界事。清分漢軍爲八旗。李自成仍圍開封，山西、寧武兵赴援者皆潰；左良玉等四鎮兵會於朱仙鎮，七月，亦潰。八月，安慶兵變。九月，李自成決黃河灌開封，城圯，溺死無數，自成無所獲，遂西走。黃得功敗張獻忠於潛山，獻忠走太湖，破之。十月，李自成大破三邊總督孫傳庭於邲縣（柿園之敗），復破南陽、扶溝。圖伯特部達賴喇嘛遣使至清，清帝優禮備至。清以朝鮮拒擒送明人之至皮島者，厲責之，令獻主謀宰相崔鳴吉等，至是定其罪，又監禁與明人貿易者。十一月，援汴總兵官劉超據永城反，官兵圍之。清兵分道入塞，破薊州，趨真定、河間，閏十一月，入山東，破臨清諸州縣。李自成破汝寧，俘崇王朱由棖；十二月，破襄陽，入荊州。清兵破亳州，略海州、贛榆、沐陽、豐、沛。是歲，改孔廟配享之先儒左丘明、周敦頤、邵雍、張載、程顥、程頤、朱熹等爲先賢。

1643 年

癸未 明崇禎十六年 清崇德八年

正月，李自成破承天，稱奉天倡義大將軍，於是改襄陽曰襄京，承天曰揚武州，謀以荆襄爲根本，設官定爵。張獻忠破蘄州。三月，李自成殺羅汝才，並其軍。張獻忠破黃州。湖南數年來，民軍前仆後起，至是北方亂軍又至，破澧州、武岡。左良玉兵變，自武昌東走九江，去蕪湖四十里而泊，尋撫定之。清使貢朝鮮助明。是春，清兵自山東攻掠後入直隸，破順德，至懷柔，敗明八鎮兵遂出塞。計此次入犯，蹂躪八十八城，俘三十六萬九千餘人，獲金萬二千二百餘兩，銀二百二十萬五千餘兩，牛馬等五十五萬餘頭，珍寶、緞匹等八萬餘。四月，劉超敗死。五月，張獻忠破漢陽、武昌，沈楚王朱華奎於江，散楚府金振饑民，遂稱西王，改武昌爲天授府，設官，開科取士。六月，免被兵州縣三餉及常賦二年。七月，自二月至是，京師大疫，死者無數。張獻忠懼李自成相逼，棄武昌趨湖南，八月，破岳州、長沙、衡州。清太宗死，子福臨嗣，是爲世祖章皇帝，睿親王多爾袞、鄭親王濟爾哈朗輔政，改明年元爲順治。九月，張獻忠破寶慶、永州。李自成用顧君恩策，回軍趨陝西，大敗督師孫傳庭於襄城。清兵略寧遠。清減朝鮮歲貢品物及贈餽使臣銀布，並釋所囚朝鮮人。十月，李自成破潼關，孫傳庭戰死，自成旋破西安，改曰長安，號西京。張獻忠破常德，入江西，破吉安，十一月，還破岳州，爲左良玉所敗。李自成破延安，改爲天保府，又連下渭北諸地，北至榆林，西至隴右，十二月，遣前鋒東入山西，西破甘肅。張獻忠破建昌、撫州。是歲，浙江東陽諸生許都被迫於喪中起事，號白頭兵，破東陽等地，旋被誘殺，惟白頭兵則日益多。

清史大事年表

1644 年

甲申 明崇禎十七年 清世祖章皇帝福臨
順治元年

正月朔，李自成稱王於西安，國號大順，建元永昌，置大學士、尚書等官，復五等爵，定軍制軍律，檄告遠近。張獻忠入四川，破夔州。清遣兵攻庫爾喀。清遣使迎達賴喇嘛，並致書青海順賈汗。二月，李自成自將入山西，連破蒲、汾，下太原，俘晉王朱求桂，進破代州，總兵官周遇吉力戰死；時別部已分下懷慶、彰德、真定。三月，自成至大同，守將姜瓖降；至宣府，守將王承胤降；至居庸關，守將唐通降，遂入北京。十九日，思宗自縊死。清刪譯遼金元三史成。四月，清睿親王多爾袞欲乘明亂入關侵略，督師趨廣寧，適吳三桂請兵書來，遂至山海關，敗李自成於一片石，乘勝西進。自成敗還北京，即皇帝位，翌日即撤兵回陝。五月朔，多爾袞入北京。同日，明福王朱由崧由馬士英等擁至南京謁陵，越二日稱監國，又十一日乃即皇帝位，改明年元為弘光，是為安宗簡皇帝。命大學士史可法督師於揚州。清遣兵追李自成，勝於望都、真定；六月，遣兵略山東、山西。多爾袞等定議建都北京。明賜建文諸臣及武、熹兩朝忠諫諸臣諡。張獻忠破涪州、重慶。鎮江兵變。七月，清命湯若望等修訂曆法。多爾袞致書史可法勸降，可法回書不屈。明遣左懋第通好於清。李自成至西安，遣兵略保寧，張獻忠拒却之。八月，獻忠破成都，分兵下崇慶等州邑。李自成兵攻府谷，迫大同，為清兵所敗。弘光

帝選淑女，民間騷然。明許重生納銀免府州縣試，直赴院試。清以自關東薶來之人每借售人參為名擾害地方，嚴禁之。九月，明將高傑、黃得功關於儀真，史可法和解之。可法請鮑為進取計，馬士英不發。清世祖自瀋陽如北京，十月朔，祭告天地，即皇帝位，隨頒時憲曆，免明加派三餉及他項差徭，加多爾袞為叔父攝政王，濟爾哈朗為信義輔政叔王；定宗室王公俸，命豫親王多鐸略江南、英親王阿濟格攻李自成。張獻忠破邳州等地。弘光帝遣太監督催浙江錢糧。十一月，清廷武貢生。山西、河北、山東民前後起事抗清。清遣朝鮮世子澈回國，再減貢品。清兵下邳州、宿遷，史可法告急，馬士英不信。張獻忠稱大西國王，建元大順，改成都為西京，設丞相等官，遣兵徇川中。明征酒稅。十二月，清稽查近京無主莊田分與諸王將士，於是圈地之事起，漢民喪失田廬者甚多。清兵下河南府。是歲，清行鹽七十一萬九千五百五十引，收鹽課銀十五萬八千七百七十三兩，鑄順治通寶錢七千一百六十六萬三千九百。

1645 年

乙酉 清順治二年 明安宗簡皇帝朱由崧
弘光元年 明紹宗襄皇帝朱聿鍵隆武元年
正月，清命各省地方官開具無主荒地實數，尋免山東荒地稅糧。清禁旗人私收投充漢人冒占田宅；尋以莊頭橫行，嚴禁之。明總兵官許定國殺高傑，叛降於清。清兵破潼關入西安，李自成走襄陽，二月，又走承天。清於大同、密雲鑄錢充軍餉。三月，清令各府州縣選生員送國子監。清兵下歸德。明僞太

子獄起。明將左良玉以討馬士英爲名，自武昌引兵東下，至九江病死，其子孟庚後降於清。明四川反抗張獻忠者紛起。四月，清定鄉試法，尋舉行武鄉試。清兵下泗州，明將劉澤清以淮安降，遂破揚州，大殺十日，史可法死之。五月，清兵入南京，明將黃得功兵敗自殺，弘光帝走蕪湖，被俘，明年死。六月，清兵入杭州，明潞王朱常淦降。又分兵徇江西，降將金聲桓入南昌。清下令漢人薙髮，違者嚴處。閏六月，明黃道周、鄭芝龍等奉唐王朱聿鍵監國於福州，旋即帝位，建元隆武，是爲紹宗襄皇帝；改福州爲天興府。大行拜封，賜芝龍子森國姓，名成功。同時，張國維、張煌言等亦奉魯王朱以海監國於紹興。左懋第去年奉使於清被留，至是不屈，死。清兵連下蘇、常、嘉興，惟江陰典史閻應元堅拒不降。李自成乘左良玉東下，入武昌，改江夏爲瑞符，至是爲清軍所迫，南走通山九宮山，死；其姪過改名錦，奉自成妻高氏降於明總督何騰蛟。清命洪承疇總督軍務，經營江南各省。清除割脚筋法，頒科場事宜，並禁明宗室考舉貢生員，有官者解任。回國、天方國貢於清。七月，清兵破嘉定、崑山。清兵下袁州、吉安，破建昌。河決兗州西。清定歲給明宗室銀地。八月，清兵破松江、金山，攻圍兩月之江陰亦陷，閻應元等死之。明隆武帝令預征田賦一年。明魯王之兵謀自富陽渡錢塘，爲清兵所却。明靖江王朱亨嘉於前月據桂林，稱監國，至是被執送福州，死。清免河南荒地額賦。九月，明新昌王據雲臺山抗清，敗死。清以河間、深州、遵化無主地及明勳戚莊田大部給旗人耕種。十月，朝鮮解白米五萬餘石於清。明魯王兵攻杭州，不克。十一月，清遣兵攻李自成餘部及張獻忠，時明大學士王應熊與獻忠戰於蜀中，奉書降於清。十二

月，明隆武帝兵攻江西及徽州皆失利，大學士黃道周被俘不屈，死。明雲南土司沙定洲起事，入昆明，破大理，黔國公沐天波遁。是歲，清行鹽一百七十一萬六千餘引，收鹽課銀五十六萬三千餘兩，鑄錢四萬四千三百七十五萬一千餘。

1646 年

丙戌 清順治三年 明隆武二年（唐王朱聿鍵紹武元年）

正月，明將賀珍等攻西安，大敗。明瑞昌王朱渲渤攻江寧，敗死。清命肅親王豪格攻四川。明督師何騰蛟謀攻清，諸將皆觀望，獨李自成姪赤心（錦）應之，與清兵戰於岳州而敗。清於湖廣鑄錢。清定俸制。安南、日本獻於明。二月，清於延綏鑄錢。清遣貝勒博洛攻浙閩。明隆武帝出駐延平，三月，封鄭芝龍子成功忠孝伯，掛招討大將軍印。清譯洪武實訓成。清始舉行會試、殿試，改明新進士授官法。是春，明將楊展等奪取川南諸州縣，聲討張獻忠，獻忠擊之於彭山，敗還。四月，清兵破吉安、廣信，圍贛州。清罷織造太監。清削奪明故鄉官、生監名義，令納稅應差。清令清查錢糧數目，編造賦役全書。清定錢七百文折銀一兩。五月，清博洛兵破嚴州。清以蘇尼特部騰吉思率部奔喀爾喀，遣兵追擊，遂月，大破之。清豪格兵破漢中。清收舊錢，只許崇禎錢通行。吐魯番國貢於清。琉球貢於明。明廷試貢生。明荆王等十一王已降於清，至是誣以謀叛，皆殺之。六月，清博洛兵破紹興，魯王走舟山。清嚴禁白蓮、大成、混元、無爲諸教。清令地方官查送明宗藩散居者。明開科取士，中者稱爲萃士。七月，清博洛兵破衢、溫、臺州。清定地方官入覲

考察之期。清革鑾儀衛緝訪人役。張獻忠棄成都走西充，楊展追至漢州，不及而還。

八月，清博洛兵破建寧，明隆武帝走汀州，清兵追俘之，後死於福州。清命孔有德、耿仲明、尚可喜等從滿兵攻湖廣、兩廣。達賴喇嘛、顧實汗貢於清。九月，清博洛兵入泉州，鄭芝龍叛明降，其子成功諫不聽，去之。十月，清兵圍贛州半年，至是破，督師楊廷麟等死之。明丁魁楚、瞿式耜等奉桂王朱由榔監國於肇慶。十一月，明蘇觀生等立唐王朱聿鍵於廣州，改元紹武；未幾，桂王亦稱帝，改明年元爲永曆，於是兩方治兵相攻。明魯王自舟山至廈門，旋走長垣。清豪格兵入南部縣，十二月，進至西充，張獻忠拒戰敗死，其部將李定國、孫可望、白文選等走川南，清兵追之，破重慶。鄭成功起兵南澳，仍用隆武年號。清博洛兵連下潮、惠，破廣州，紹武帝自殺，蘇觀生等死之，明永曆帝奔梧州。是歲，清行鹽三百三十二萬八千餘引，收鹽課銀一百五十一萬八千餘兩，鑄錢六萬二千四百八十二萬三千九百餘。

1647 年

丁亥 清順治四年 明桂王朱由榔永曆元年

正月，清禁鹽丁投充王府。赤斤蒙古及哈密畏兀國奉貢請封於清。清兵破肇慶、梧州，明永曆帝走桂林，又走全州。孫可望等入貴州，破遵義，旋破貴陽。明魯王誓師於長垣，二月，攻漳州，不利，走入海。三月，清令在內三品，在外二品以上官送子弟一人入朝侍衛。大清律成。以漢人投充滿洲者多橫行鄉里，令永禁投充。以圈地擾民，致京畿不靖，永禁圈撥。達賴、班禪獻方物於清。清兵攻桂林，不克，明永曆帝又走武

岡。清兵破長沙。明兵攻廣州，不克。

孫可望等入雲南，破沙定洲，與沐天波合。

清兵破興化、入福州。四月，明李赤心攻汀州，爲清兵所敗，走入川。清松江提督吳北勝降於明魯王，旋敗，株連明義士甚多。五月，清兵破衡州。清於廣東、河南鑄錢。

六月，明魯王攻漳州，不克。安南、琉球貢於明之使留閩，爲清兵所執，至是遣還，並詔諭其國王。清免山東去年荒地額賦。七月，清進多鐸爲輔政叔德豫親王。禁使用制錢不許以一當二。清收明勳戚田地之得自賞賜及私占者入官。明收復梧州等地。明魯王親攻福州，不利。

八月，清禁澳門佛郎西人至省城貿易。清鑄錢於湖廣。清兵破武岡，明永曆帝走靖州。鄭成功攻泉州，不克。

九月，清兵破高原、清遠。明魯王收復連江、羅源。十月，清改銀一兩折錢一千。清於江西鑄錢。明永曆帝走柳州，以部下互鬪，又走象州。清兵破辰州、黔陽。

明魯王兵收復福寧。十一月，清裁山東明季添設牙、雜稅。清兵破沅州。十二月，清定官民服飾制。明永曆帝返桂林。清起浙東山寨之獄。是歲，清行鹽三百七十七萬四千餘引，收鹽課銀六百七十六萬五千餘兩，鑄錢十三萬三千三百三十八萬四千餘。

1648 年

戊子 清順治五年 明永曆二年

正月，清減朝鮮接待使臣儀物及餽遺。明魯王兵收復興化。金聲桓初降於清，至是反正，受命於永曆帝。明宗室朱容藩稱監國於夔州，於是奉永曆帝者多起而聲討之。二月，明永曆帝以部下互鬪，奔南寧。清兵破全州。三月，清定官吏及生監優免丁糧期例。清兵入順慶。清兵再破興化，時魯王冬復諸邑又多失去。清兵攻桂林，不克。

安南貢於明。明開選於南寧以集資。回人米喇印奉明延長王朱識鐸起兵於蘭州，旋敗。四月，清命吳三桂移鎮漢中。李成棟先降於清，至是據廣東反正，受命於永曆帝。清兵破九江、饒州。閏四月，清命一切債負，月息不得過三分，及息上增息。清禁王府及旗官家人赴外省貿易。五月，清兵圍金聲桓於南昌；時清兵退出全州及湘南，於是各地紛紛反正。清遣使存問班禪、達賴。鄭成功收復同安。六月，明永曆帝至潯州，七月，至梧州，遂赴肇慶。清設漢尚書及漢左都御史。八月，清以各處不靖，禁民間養馬及收藏兵器，其習武舉者，只許有一馬、一弓、九箭。清令京城漢族官民，除投充入外，盡徙南城，給房價銀間四兩，其吏役值宿衙門者不遷。清聽滿漢通婚。明討殺朱容藩。清兵破同安。鄭成功通表於永曆帝。九月，清修明史，缺天啓、崇禎記述，令內外將各該年有干文移送內院。清遣鄭親王濟爾哈朗攻湖廣李赤心等。十月，清宣府赤城兵變。明李成棟攻贛州，大敗。明李赤心等棄夔州走湖南。明洪雅兵互闕。十一月，江西明兵援南昌者皆敗。李赤心攻長沙，不克。十二月，大同總兵官姜瓖前降於清，至是反正。是歲，清行鹽三百七十八萬九千餘引，收鹽課銀一百八十五萬餘兩，鑄錢十四萬四千九百四十九萬餘。

1649 年

己丑 清順治六年 明永曆三年

正月，清以山西亂軍紛起，遼郡王尼堪攻之。清以五年來，時有「洗民」訛言，致各地不靖，下詔開諭，並令除弊安民。清於福建鑄錢。清兵圍南昌經年，至是破，金聲桓死之。清兵破湘潭，何騰蛟死之。清兵破階州。二月，清免直隸六年以前荒田稅糧，及

四川鹽課。清兵取撫州、建昌，李成棟兵潰，溺死。清兵取長沙。清攝攝政王多爾袞督兵攻大同。三月，清改訂民間私藏兵器之禁。清兵破衡州、寶慶，李赤心走廣西。是春，皖西一帶亂軍多為清兵所破。四月，清於浙江、山東鑄錢。孫可望自入雲南，即稱國主，鑄與朝通寶錢，遣李定國滅沙定洲，至是遣使於永曆帝，請封為王；不許，封為景國公，賜名朝宗。五月，清禁滿兵騷擾漢民。清封孔有德、耿仲明、尚可喜為定南、靖南、平南王，時吳三桂已封平西王；命孔有德駐廣西，耿仲明、尚可喜駐廣東。六月，清禁諸王及滿大臣干預各衙門政事。清免江西前二年通賦。七月，明永曆帝封鄭成功為延平公。八月，達賴貢於清。清以直、魯、豫之交，亂軍出沒，設總督以鎮之。四川明將帥互相火併，大將楊展被害。清兵入大同，姜瓖為部下所殺。九月，清舉行武會試，並定賜武進士賜銀物例。十月，明魯王至舟山，遠近明臣奔赴者甚多，十一月，乃遣馮京第等乞師於日本。十二月，明永曆帝開科取士。是歲，山東、山西、陝西、甘肅各省亂軍多為清兵所敗。

1650 年

庚寅 清順治七年 明永曆四年

正月，朝鮮使至清，以日本蓄意侵陵，請許於東萊設防。清兵破南雄入韶州，永曆帝走梧州。二月，清兵圍廣州，分兵破惠州。清各路兵分破武岡、寧都及鳳陽亂軍。四月，明甘肅回民義軍米喇印敗死。清兵破郴州。明考選朝官。五月，永曆帝遣將救廣州，諸將不和，中途互闕而回；時清兵方議退，聞之，仍圍攻不已。六月，烏斯藏圖化王貢於清。鄭成功圍潮洲，逾月退。七月，清多爾袞擬建避暑地於塞北，加派各省錢糧二百餘

萬兩。八月，清令無運糧各衛所屯田，比照民田，一體科征。鄭成功取金門、廈門。九月，清兵破灌陽、全州。孫可望以求封王不遂，怒。至是入貴州，遣將攻四川，連下遵義、黎、雅諸州。十一月，清免陝西、甘肅去年災區額賦。清兵破廣州。清兵破桂林，明督師瞿式耜、總督張同敞被俘，不屈死。永曆帝走南寧。十二月，清攝政王多爾袞死。鄭成功遣兵援廣東。是歲，清行鹽三百三十八萬餘引，收鹽課銀一百七十七萬四千餘兩，鑄錢十六萬八千二百四十二餘萬。

1651 年

辛巳 清順治八年 明永曆五年

正月，清停陝西織造及買辦皮張，並停臨清燒造宮殿用磚。二月，清兵徇下肇慶。孫可望遣將至南寧，殺大學士嚴起恒等，脅封為秦王，永曆帝被迫許之。清兵攻廈門。清停塞外築城避暑之役，其加派錢糧歸作下屆正額。蘇克薩哈等告發攝政王多爾袞不法事，旋追奪所得封典。清免山西荒地稅糧。清禁莊頭人等把持官府，陵辱長吏，又令將圈占民地之作畋獵用者交還原主。閏二月，清詔飭吏治，懲貪污。清停圈涿州等十三州縣地。清兵下梧州、柳州；三月，下高州。清遣官招達賴喇嘛。清令旗人參與考試。四月，鄭成功部將施琅叛降於清。五月，鄭成功攻南溪，不克。七月，嚴禁旗下投充漢人生事害民。清兵攻舟山，明魯王兵攻吳淞。八月，清定鄉會試滿、蒙、漢軍取中額。清停四川貢易柄，湖廣貢魚鮓。九月，清兵破舟山，明大學士張肯堂等死之，魯王走閩。清命吳三桂攻四川。清兵入潯州，十月，明永曆帝自南寧出走。鄭成功復漳浦，使人通好於日本。孫可望兵破嘉定。清兵下順州。十一月，鄭成功敗清兵於小盈

嶺。十二月，清兵下賓州、南寧，明永曆帝走安隆。是歲，清人丁戶口一千零六十三萬三千三百餘，地二百九十萬八千五百八十四頃餘，征銀二千一百一十萬餘兩，米麥豆五百七十三萬九千四百餘萬石，草四百七十四萬三千餘束。

1652 年

壬辰 清順治九年 明永曆六年

正月，清改訂宗室王公封爵制。鄭成功收復海澄。明魯王走廈門依鄭成功。二月，清兵入嘉定府。清兵取欽州。三月，清嚴禁「人販子」。清會試初分滿蒙榜及漢軍漢人榜。孫可望遣李定國取桂林，劉文秀取成都，定國旋下沅州等地。清兵取重慶。鄭成功敗清兵於江東橋。四月，清以錢糧不敷，裁減內外官及吏役。清兵取叙州。五月，李定國收復靖州。鄭成功圍漳州。六月，時李定國軍勢甚盛，清兵退守湘潭告急，諭令固守。七月，遣敬謹親王尼堪率兵援之。欽天監正湯若望進渾天、地平儀器。天全等土司降於清。李定國收復寶慶、全州、桂林，清定南王孔有德自殺；定國旋又收復柳州等地。劉文秀收復叙州、重慶。八月，直隸、山東、河南、山西、江南北、湖廣、浙江旱。九月，清以寧古塔章京遣兵與羅刹（俄羅斯）戰敗於黑龍江，殺之。十月，劉文秀入川，清兵自成都退守保寧，文秀攻之，大敗。鄭成功解漳州圍，退屯海澄，清使人招之，成功不聽。十一月，李定國收復衡州，白文選收復辰州，清兵旋復取衡州，尼堪追李定國，陣亡。十二月，達賴喇嘛至北京朝見。是歲，清人丁戶口一千四百四十八萬餘，地四百零三萬三千九百二十五頃餘，征銀二千一百二十六萬餘兩，米麥豆五百六十二萬八千餘石，草五百二十一萬六千餘束，行

鹽三百七十四萬餘引，收鹽課銀二百一十二萬二千餘兩，鑄錢二十萬九千七百六十三萬餘。

1653 年

癸巳 清順治十年 明永曆七年
二月，清兵取永州，李定國走龍虎關。達賴喇嘛辭歸。三月，孫可望以李定國不馴，率兵擊之，至寶慶，爲清兵所敗，走還貴州，李定國走廣西。明魯王去監國之號。四月，清免湖南六年至九年逋賦。清革冒濫生員，嚴科歲考。清潮州守將郝尚文反正，逾五月敗死。五月，清免山東六十九州縣前二年水災額賦。清命洪承疇經略湖廣、廣東、廣西、雲南、貴州軍務。六月，清於江南、宣府、臨清、蘇州、密雲設鑪三百零四座鑄錢。閏六月，琉球世子尚質貢於清。李定國攻肇慶，不克；七月，攻化州、桂林等地，退駐柳州。清嚴立錢法，每錢重一錢二分五厘，千文折銀一兩，禁私鑄及官鑪夾帶私鑄。十月，朱由極自稱明光宗第三子，陰圖起事，發覺，被殺。十一月，清再招鄭成功。十二月，明魯王部下張名振、張煌言入長江，敗清兵於崇明。

1654 年

甲午 順治十一年 明永曆八年
正月，明張名振、張煌言率師至瓜洲、儀真，抵江寧近郊，乃退，尋派兵船經山東登萊至朝鮮而還。鄭成功攻崇明，不利。明魯王遷於南澳。二月，明開科取中四十人。李定國收復高州。清封鄭成功爲海澄公，其父芝龍以書諭之，成功不受。三月，孫可望脅永曆帝殺大學士吳貞毓等十八人。時滿、漢大臣矛盾甚深，大學士陳名夏被劾，絞死。四月，李定國收復雷、廉數縣。六月，河決大王廟。清令宗室子弟停習漢字書。李定國

攻梧州，不克。七月，清再招鄭成功；仍不聽。八月，明樂安王朱議潮前降清，至是謂其謀反，被殺。九月，清申嚴隱匿逃人之禁。十月，李定國收復高明，攻新會，尚可喜等飛章告急。十一月，清令於明年舉行編審入丁。十二月，清免河南三十六縣水災額賦。清遣將擊羅利於黑龍江。鄭成功收復漳州。是歲，清入丁戶口一千四百零五萬七千餘，地三百八十九萬六千九百餘頃，征銀二千一百六十八萬五千餘兩，米麥豆五百七十七萬五千餘石，草五百一十六萬四千餘束，行鹽三百九十八萬六千八百餘引，收鹽課銀二百一十八萬六千餘兩，鑄錢二十四萬八千八百五十四萬餘。侯方域死。

1655 年

乙未 清順治十二年 明永曆九年
正月，免直隸、山東等處水災額賦。鄭成功置官屬，有二館、二司、二局，及吏、戶、禮、兵、刑、工六官；又收復仙游。二月，李定國解新會圍，敗走南寧，舊所收復諸地皆失。清以歲饑，振八旗窮丁。三月，清吏科副理事官彭長庚等上書頌多爾袞之功，請復爵號，被流寧古塔。四月，清禁舉子隱匿年歲。五月，清使人諭喀爾喀諸部。孫可望遣劉文秀攻常德，大敗。鄭成功收復舟山。清立內十三衙門鐵牌，嚴禁宦官干政。鄭成功收復揭陽、普寧。十一月，喀爾喀各部定貢例，歲進白駝一、白馬八，謂之「九白」；清回賜銀幣數亦定。十二月，頒大清滿字律。俄羅斯察罕汗使者於是歲獻方物。是歲，清入丁戶口一千四百零三萬三千餘，地三百八十七萬七千七百餘頃，征銀二千二百萬五千餘兩，米麥豆五百七十六萬八千餘石，草四百六十二萬九千餘束，行鹽四百零九萬八千餘引，收鹽課銀二百二十三萬一千餘兩，鑄錢二

十四萬一千三百八十七萬八千餘。

1656 年

丙申 清順治十三年 明永曆十年

正月，清命編通鑑全書、孝義衍義。 清免江西八年逋賦。 孫可望遣兵攻李定國，定國敗之，因自南寧趨安隆與白文選共奉永曆帝赴雲南。 清兵敗鄭成功部於揭陽。 二月，清停福建鑄錢。 三月，明永曆帝至雲南，改爲滇都。 四月，清兵攻金門、廈門，不克。 閏五月，廣西土司多附於清。 六月，鄭成功部將黃梧叛降於清。 荷蘭獻於清。 七月，清兵再破舟山。 鄭成功收復閩安，攻福州，不克。 九月，清兵取辰州。 十月，明慶州巡撫鄧希明等叛降於清。 十一月，清禁白蓮、聞香等教。 十二月，鄭成功攻羅源等地，清再招之。 俄羅斯察罕汗使者是歲再獻方物，以不如禮，却之。 是歲，清人丁戶口一千五百四十一萬二千餘，地四百七十八萬一千餘頃，征銀二千二百零八萬九千餘兩，米麥豆五百八十一萬二千餘石，草四百六十七萬餘束，行鹽四百四十六萬餘引，收鹽課銀二百三十九萬五千九百餘兩，鑄錢二十六萬四百八十七萬餘。

1657 年

丁酉 清順治十四年 明永曆十一年

正月，清禁投拜門生。 清以滿人流於文弱，限制其生童考試，並禁代充兵役。 鄭成功攻溫州。 三月，清詔求遺書。 四月，清流鄭芝龍於寧古塔。 七月，鄭成功攻興化，下臺州，清兵取閩安，成功退廈門。 八月，孫可望反，九月，舉兵犯滇都，李定國等敗之於曲靖。 明削孫可望官爵，十月，可望降清，封爲義王。 十二月，清命吳三桂等攻雲南。 岷歲，人丁戶口一千八百六十一萬餘，地四百

九十六萬餘頃，征銀二千四百三十六萬六千餘兩，米麥豆五百八十三萬五千餘石，草二百二十三萬二千餘束，行鹽四百七十五萬餘引。

1658 年

戊戌 清順治十五年 明永曆十二年

正月，明封鄭成功爲延平郡王，賜尚方劍，便宜行事。 清兵取橫州。 三月，清兵取合州、重慶。 四月，清定去年南、北闡科場舞弊諸人罪。 清兵取貴陽、開州。 六月，取邊義。 七月，清改定滿、漢官品，改內三院爲內閣。 明張煌言、鄭成功會師擬入長江，下浙東數城，遭風，退屯舟山。 明永曆帝以李定國爲招討大將軍，賜黃鉞。 八月，明兵攻重慶，不克。 九月，鄭成功收復象山。 十月，清命信郡王鐸尼由貴州會吳三桂攻雲南。 十二月，清兵取安隆、曲靖，永曆帝出走永昌。 是歲，清人丁戶口一千八百六十三萬餘，地四百九十八萬餘頃，征銀二千四百五十八萬餘兩，米麥豆六百零一萬餘石，草二百二十四萬餘束，行鹽四百七十七萬餘引，收課銀二百五十一萬餘兩，鑄錢一萬四千一十七萬餘。

1659 年

己亥 清順治十六年 明永曆十三年

正月，清兵入明滇都，隨西進。 二月，入永昌，永曆帝走騰越。 明、清兵大戰於滄江西磨盤山，明兵敗。 清兵以損折多，遂回師，時永曆帝已走緬甸。 三月，清命吳三桂鎮雲南。 李定國屯猛緬，白文選屯木邦，文選迎永曆帝於緬京，不得；帝亦擬使人召文選，未行。 閏三月，清申嚴誣告之禁。 明黔國公沐天波謀奉永曆帝出緬甸，不果，明臣入緬甸求永曆帝者，被殺多人，有逃入暹羅者。 五月，明永曆帝爲緬人移於者梗。 鄭成功、

張煌言大舉入長江，取崇明，六月，疊破清兵，克瓜洲、鎮江，至南京近郊，六合、滁州、天長皆反正，遂下江南、北二十九城。

七月，清殺明宗室朱義盛等。鄭成功攻南京，大敗，退入海，所收諸城復失。張煌言被截於蕪湖，清招之，不從，間關走天臺，與成功會。八月，清兵略定四川。九月，鄭成功還攻崇明，不克。十月，鄭成功至廈門，使人赴緬甸告敗於永曆帝。李定國移駐孟艮。清兵攻沅江，逾月始破，明土知府那嵩死之。十二月，白文選移駐猛垩。是歲，人丁戶口一千九百萬八千九百餘，地五百一十四萬餘頃，征銀二千五百五十八萬餘兩，米麥豆六百二十萬餘石，草二百二十六萬餘束，行鹽四百六十五萬九千餘引，收課銀二百六十六萬餘兩，鑄錢一萬九千一百八十五萬餘。

1660 年

庚子 清順治十七年 明永曆十四年
正月，清禁官吏私交、私宴、慶賀、餽送。清禁士人結社訂盟。四月，吳三桂請進兵攻永曆帝。五月，清兵攻廈門，鄭成功禦却之。俄羅斯察罕汗使者來獻方物於清，以表文不如式，諭而遣之。以明沐天波莊田賜吳三桂部兵。七月，寧古塔總管巴海奏破羅利於費牙喀西部。白文選迎永曆帝於阿瓦，不得。八月，清雅州守將郝承裔反正，逾八月敗死。九月，安南國王黎維祺奉表貢方物。十月，清罷朝鮮貢鷹。十一月，免江西四十六州縣去年旱災額賦。是歲，清人丁戶口一九千百零八萬餘，地五百一十九萬餘頃，征銀二千五百六十六萬餘兩，米麥豆六百零一萬餘石，草二百二十六萬餘束，行鹽四百一十萬餘引，收課銀二百七十一萬餘兩，鑄錢二萬八千零三十九萬餘。

1661 年

辛丑 清順治十八年 明永曆十五年

正月，清世祖死，子玄燁嗣，是為聖祖仁皇帝，索尼、鰲拜、蘇克薩哈等輔政，改明年元為康熙。二月，清以宦官貪恣，裁十三衙門。清免河南、直隸災區額賦。李定國、白文選迎明永曆帝不得，與緬甸戰，進駐大金沙江；嗣圖渡江，為緬甸所截，移駐亦渺賴山。三月，鄭成功入臺灣，逐荷蘭人，駐赤嵌城，清慮沿海民與成功交通，遷同安等縣八十八萬人於內地。五月，清封安南都統使莫敬耀為歸化將軍，以其子元清為都統使，元清隨遣使貢獻。六月，清罷進士觀政例。七月，緬甸殺明永曆帝從官四十餘人。八月，清依明季加派例，畝加征一分，限各省於三個月內征解。清鑄康熙通寶錢。李定國等再攻緬甸迎永曆帝，不克。十月，清殺鄭芝龍。清免山東臨街房屋征銀。山東民于七起事。吳三桂等攻緬甸，脅送永曆帝，白文選敗降。十二月，清兵入緬甸，永曆帝及其眷屬被拘送於吳三桂。明自太祖開國至思宗共二百七十七年，至永曆帝共二百九十四年而亡。是歲，清人丁戶口一千九百一十三萬餘，地五百二十六萬餘頃，征銀二千五百七十二萬餘兩，米麥豆六百一十餘萬石，草二百二十六萬餘束，行鹽四百一十二萬餘引，收鹽課銀二百七十二萬餘兩，鑄錢二萬九千一百五十八萬餘。

1662 年

壬寅 清聖祖仁皇帝玄燁康熙元年

二月，鄭成功部將陳霸叛降於清。吳三桂奏俘明永曆帝及官員、兵丁四千三百餘名，命禮部擇吉告廟。四月，吳三桂害明永曆帝及其太子，后妃公主皆送北京。明石泉王朱聿鉉

起兵攻叙州等地，敗死。五月，于七敗死。鄭成功死，子鄭經嗣主臺灣。六月，李定國會乞兵於暹羅、車里，事未成而永曆帝被害，至是悲憤而死。十一月，明魯王死於臺灣。是歲，人丁戶口一千九百二十餘萬，地五百三十一萬餘頃，征銀二千五百七十六萬餘兩，米豆麥六百一十二萬餘石，草二百二十六萬餘束，行鹽四百二十萬餘引，收課銀二百七十三萬餘，鑄錢二萬九千七百八十九萬餘。

1663 年

癸卯 清康熙二年

二月，淮南鈕思塘等抗清二十年，至是敗死。三月，明臣袁宗第等據昌寧抗清，至是敗潰。荷蘭船至福建求助攻臺灣，並求貿易，許之。四月，免浙江、江西、河南、陝西去年災區額賦及山東、福建災區逋賦。五月，遷山東各島民於內地。准吳三桂請，鑄錢於雲南。六月，以李定國之子嗣興率官弁兵千餘人投降，授以都統品級。八月，改鄉會試八股文爲策論表判。鄭經部下鄭繼緒叛降於清。九月，廣東奏擊滅活動島上之趙劈石等。十月，鄭經部下何義等叛降於清。福建奏擊滅活動於延平等處之王鐵佛等。鄭經兵攻海澄，不克。賑八旗被水屯戶。清兵及荷蘭船攻占廈門、金門，鄭經走臺灣。十一月，令外國貢使所携貨物，崇文門關止記冊報部，不必收稅。十二月，尚可喜奏擊潰蠻民將軍周玉等。是月，明末義軍郝搖旗等十三家，據鄂西、川東與明東安王朱盛抗清二十年，至是敗潰皆死。

1664 年

甲辰 清康熙三年

正月，免江西南昌等府浮糧。裁會試副榜。二月，廣東奏肅清南澳等處。禁督撫私設賞

功將材，傳宣、聽用等材官。免江南、閩廣等災區額賦。四月，遣使祭安南國王黎維祺。五月，申禁州、縣私派。耿繼茂奏肅清福建各島。六月，禁民間私市馬匹。免順治元年至十五年各省逋賦，銀二千七百萬餘兩，米七百萬餘石。賜荷蘭王緞匹、銀兩。吳三桂奏敗水西等地苗民。七月，福建安輯投誠事務官奏自康熙元年至三年共收降官三千九百餘員、兵四萬九百餘名，歸農官民六萬四千餘名、眷屬人役六萬三千餘口。禁外國餽遺邊地督撫。明兵部尚書張煌言被俘不屈死。定科場內外簾處分例。以施琅爲靖海將軍，攻臺灣。九月，廣西奏俘恭城瑤民首領黃天貴等。十月，荷蘭船至閩安，候助攻臺灣。十一月，免江南、湖廣、浙江、陝西水災區額賦。是歲，錢謙益死。

1665 年

乙巳 清康熙四年

正月，令稅課照定額征收，停盜額加級紀錄之例。二月，廣東奏肅清碣石衛，首領蘇利等降。吳三桂奏肅清水西，俘首領安坤等。暹羅遣使入貢。三月，免順治十八年以前逋賦。令夏稅、秋糧每兩年預征。從禮部右侍郎黃機奏，鄉、會試仍考經義。四月，以擇日謬誤，殺欽天監官數人，湯若望等免責。五月，吳三桂等於水西地方設三府，從之。六月，吳三桂奏進東土酋王耀祖於四月據新興建號大慶，攻破易門等地，現已肅清。七月，禁私採人參。八月，尚可喜奏蠻民譚琳高等據東涌島，現已擊破。令送明天啓崇禎間事跡，備修明史。九月，禁鈔關額外苛索。十月，鄭經部將朱英叛降於清。十二月，禁督撫收受州、縣餽遺。令明宗室改易姓名隱匿者，皆復舊回籍。是歲，前後免直隸、河南、陝西、江南、江西、浙江、湖南、

廣西等地災區額賦。

1666 年

丙午 清康熙五年

二月，從禮部奏，令安南繳送所受明永曆帝敕印，否則絕其貢使。四月，圈換正白、鑲黃兩旗分地。五月，令安南解送海寇黃明標等。以安南繳送所受明永曆帝敕印，遣使冊封黎維禔爲安南國王。六月，免江寧未完黃快丁銀。七月，嚴禁廣東官兵殺良民以冒功、濫派民夫折征銀兩。鄭經部將李順叛降於清。八月，吳三桂奏於滇東土司地設一府一州，從之。十一月，免浙江、湖廣、江西災區額賦。十二月，大學士蘇納海、總督朱昌祚、巡撫王登聯等以鑲黃、正白兩旗圈換土地事件驚拜，皆被殺。

1667 年

丁未 清康熙六年

二月，吳三桂奏俘烏撒女土司隴氏。沈天甫等撰詩二卷，詭稱陳濟生所編，用之訛詐，事發，皆死。從刑部奏，凡以「通海」、「逆書」、「于七黨」、「迷人」誣陷人者，皆反坐。五月，荷蘭噶嚨吧王遣使奉獻。令雲貴兩省文官，皆由吏部題授。六月，定夏稅於五月、六月，秋糧於九月、十月交納。七月，禁王公百官家人恃勢貿易，違者責罰。是月，聖祖始親政。河決桃源。輔政大臣蘇克薩哈以忤驚拜，被殺。九月，修世祖實錄。免浙江、福建災區額賦。十一月，免直隸、江西災區額賦。十二月，免湖廣、陝西、山東災區額賦。荷蘭入貢。

1668 年

戊申 清康熙七年

二月，訪求通天文占候者。三月，禁大臣使

人往外省索財物、通關節、干預地方事。廢叩關之例，有冤抑者向登聞鼓院告理。定外國非貢期不許貿易。免江南、陝西、甘肅災區額賦，其遭疾疫之地，並免丁銀。定巡視鹽政不專差御史。裁各省書吏三千八百四十九名，共留二萬六千五百八十六名。以安南都統使莫元清被逼奔雲南，遣使諭安南國王黎維禔罷兵並將高平還與莫氏。五月，淮安南請，定六年兩貢。六月，嚴禁賭博。七月，還奉天唐官屯等處圈地於民。命鄉、會試復用八股文。九月，命蘇州開鑪一百座鑄錢。定一甲武進士授官例。十一月，暹羅遣使入貢。免直隸、江南、河南、湖廣、浙江水災額賦。十二月，治理曆法南懷仁劾欽天監副吳明烜造曆謬誤，命官同審測之。

1669 年

己酉 清康熙八年

三月，以南懷仁推曆準確，授爲欽天監副。五月，驚拜革職拘禁，旋昭雪蘇克薩哈等。六月，禁王公大臣家下商人赴各省貿易。安南國王黎維禔奏還將高平交還莫元清。八月，禁止各省建立天主教堂傳教。十一月，免直隸、江南、山西、河南、湖廣災區額賦。

1670 年

庚戌 清康熙九年

正月，初，所收明代宗藩自置田地由民佃種者既納正賦，復征租銀，至是免納租銀。閏二月，免山東沂州等處起存銀二十二萬餘兩。三月，增滿洲兵餉。四月，河決歸仁堤。六月，西洋國王阿豐肅遣使來奉獻。淮揚大水，振之。免直隸水災區額賦。八月，免江南、湖廣、河南水旱災區額賦。九月，嚴禁內、外官餽遺。十月，鄭經部將林伯馨等叛降於清。免山東災區額賦。十一月，免

淮陽等額賦及通欠漕糧。

1671 年

辛亥 清康熙十年

正月，以蒙古蘇尼特等部牛羊倒斃殆盡，振之。以滿洲官員兵丁已通漢語，罷內外各衙門通事。頒品級考。二月，命撰孝經衍義。免直隸、江西、浙江荒地賦及浙江加增屯餉。四月，命截漕糧等十萬石振淮揚饑。命修太祖、太宗聖訓。六月，以馬、牛、羊賜蒙古蘇尼特等部災民。四川奏地廣人稀，請開招民之例，凡舉貢生監招民及數者賞給職銜。七月，國子監請令學道舉送文行兼優者入太學，更請鄉試依舊錄取副榜充貢。九月，聖祖如盛京，逾月回。十月，鄭經部將柯喬棟叛降於清。河決桃源。免湖廣、山東、陝西水旱災區額賦。十二月，免直隸、江南、河南災區額賦。是歲，罷民間養馬之禁。吳偉業死。

1672 年

壬子 清康熙十一年

正月，厄魯特噶爾丹請遣使進貢，從之。暹羅遣使進貢並貿易。五月，雲貴奏凱里等土司起事，已發兵擊俘其首領阿福等。六月，除貴州山場小稅。閏七月，先是，自順治十六年因用兵，稅糧以四斛作一石征收，至是命從明年起依舊改為兩斛。命陝西富平、蒲城二縣糧米永行改折。九月，免江西荒疫之區逋賦，並招民耕墾。十月，停長蘆等處巡鹽御史，鹽法歸巡撫兼管。十一月，免直隸、江南、湖廣、河南、山西災區賦。是歲，入丁戶口一千九百四十三萬餘，地五百四十九萬餘頃，征銀二千六百零五萬餘兩，米麥豆六百二十九萬餘石，草二百二十九萬餘束，行鹽四百三十二萬餘引，征課銀二百七十五萬餘兩，

鑄錢二萬九千八百六十五萬餘。陸世儀、周亮工死。

1673 年

癸丑 清康熙十二年

二月，暹羅遣使入貢，並請給銀印。三月，平南王尚可喜請歸老遼東，許之，並令其子尚之信與之俱離廣東，於是撤藩事起。四月，以江南蘇州等六府連年荒歉，免明年地丁錢糧。安南都統使莫元清請諭安南國王退回保樂等地，不允。封暹羅國王，賜誥命銀印，令貢使齎回。五月，吐魯番國貢方物。六月，禁八旗包衣佐領下奴僕隨主殉葬。七月，平西王吳三桂、靖南王耿精忠先後撤藩，皆許之，八月，並遣官料理吳三桂遷移事務。淮揚大水。十一月，令荒地開墾後，十年起科。免直隸、江南、浙江水旱災區額賦。吳三桂舉兵於雲南，稱天下都招討兵馬大元帥，以明年為周王元年，殺巡撫等官，貴州提督李本深應之。十二月，令各省官吏不得私稅市貨。命停撤平南、靖南二藩。楊起隆詐稱朱三太子謀於京中起事，發覺，被捕者數百，起隆逃。吳三桂兵入湖南，破沅州。禁民間養馬。是歲，人丁戶口一千九百三十九萬餘，地五百四十萬餘頃，征銀二千五百零六萬餘兩，米麥豆六百二十四萬餘石，草二百二十九萬餘束，行鹽四百四百四萬餘引，征課銀二百七十九萬餘兩，鑄錢二萬九千三百四十七萬餘。歸莊死。

1674 年

甲寅 清康熙十三年

正月，命順承郡王勒爾錦等督師分道擊吳三桂，並調各地駐防旗營分途防堵。安南國王嗣黎維禔奏其兄維禔病故，權管國事，並進貢，且請令莫元清交還高平。四川巡撫羅森

等降於吳三桂。二月，以造儀象成，加欽天監副南懷仁以太常寺卿銜。吳三桂兵取常德、澧州、長沙、岳州。廣西將軍孫延齡附於吳三桂。三月，吳三桂兵攻彝陵，不克。襄陽總兵官楊來嘉據穀城附吳三桂。耿精忠起兵福建，應吳三桂，隨以漳泉與鄭經，請援。吳三桂兵入陽平關，旋敗退。四月，尚可喜上表示忠，並請以子之孝襲平南王，從之。殺吳三桂子額駙吳應熊於京師。吳三桂兵自宜都再攻彝陵，不克。以河北鎮總兵蔡祿通於楊來嘉，殺之。潮州總兵官劉進忠附於鄭經。安西將軍赫業破吳三桂兵於七盤山、朝天關。五月，耿精忠兵攻開化，不克，惟東路則下平陽圍瑞安。六月，廣信、溫州等地皆附於耿精忠，耿精忠攻建昌、常山等地，不克。命康親王傑書統浙江諸軍，擊耿精忠。山陽高家堰石工板工成。七月，尚可喜奏收復程鄉等縣。耿精忠兵攻金華，不克。江西南瑞總兵官楊富潛通耿精忠，發覺被殺。耿精忠兵攻寧都，不克。嘉興、湖州民朱二鬚子等起事，旋敗死。孫延齡兵破梧州，旋失。吳三桂兵攻廣元，不克。八月，耿精忠兵敗於金華、衢州、紹興、撫州等處。兩河隄工成。象山等縣民紛起。免直隸、山東旱災區額賦。九月，耿精忠兵破徽州、祁門，旋失。吳三桂兵入江西，攻袁州。楊來嘉攻南漳，大敗。大冶民黃金龍等起事，旋敗。吳三桂兵再攻廣元，復不克。耿精忠兵破黃岩。耿精忠兵攻江寧，敗退。廣西提督馬雄等附於吳三桂。十月，耿精忠兵攻遂安、贛州、衢州，皆無功，惟攻湖口，破之。十一月，耿精忠兵敗於南康、寧州等處。吳三桂兵敗於袁州，旋破安福，不久又失。免江西、山東、河南水旱災區額賦。十二月，朝鮮使告國王李裋喪。耿精忠兵敗於金華、衢州等處。平涼提督王

輔臣於寧羌響應吳三桂，殺經略莫洛。孫延齡兵攻懷集、欽州。是歲，入丁戶口一千七百二十四萬餘，地五百三十萬餘頃，征銀二千四百二十一萬餘兩，米豆麥五百五十三萬餘石，草二百二十九萬餘束，行鹽四百零六萬餘引，收課銀二百四十八萬餘兩，鑄錢二萬九千三百四十七萬。張履祥死。

1675 年

乙卯 清康熙十四年

正月，耿精忠兵攻遂安、饒州等處，無功。進封尚可喜為平南親王。遣使冊封李焯為朝鮮國王。興安兵以總兵官王懷忠嚴刻，殺之，旋定。二月，王輔臣下蘭州、平涼等處，占領陝、甘多城。耿精忠兵敗於仙居。三月，王輔臣兵敗於邠州、涇州。耿精忠兵敗於撫州、衢州，別軍破祁門。察哈爾布爾尼起事，遣信郡王鄂扎等擊之；四月，布爾尼大敗於達祿，旋戰死。安親王岳樂奏招撫江西等處兵五萬餘人。耿精忠兵攻處州等處，無功，別部兵又敗於東鄉等處。王輔臣兵敗於臨洮等處。吳三桂兵出川援王輔臣於秦州，旋敗退。五月，耿精忠兵敗於建昌等地。王輔臣兵敗於洮州、河州等處。鄭經取汀州。閏五月，耿精忠兵破饒州，旋失；攻處州，不克，別部又敗於武寧等處，廣信亦失。王輔臣失花馬池、秦州等地，蘭州亦被圍。吳三桂兵攻廣東北部，土民紛起。六月，王輔臣失綏德、蘭州、鞏昌、延安、定邊等處。七月，興安兵變，附於吳三桂。岳樂奏招降江西兵民六萬餘人。高州總兵官附於孫延齡。八月，耿精忠失黃岩。陝西奏招降王輔臣部下二萬餘人，王輔臣被圍於平涼。九月，耿精忠失樂清等處。王輔臣兵勝於固原。十月，吳三桂兵敗於興山。耿精忠失溫州。鄭經失永定。十一月，孫延

齡兵攻梧州，雷、廉多應之。鄭經兵破漳州，殺海澄公黃芳度。十二月，浙江奏招降溫、臺兵民十一萬餘人。岳樂奏招降江西弁兵四千餘人。寧夏兵變，殺提督陳福。耿精忠兵敗於上高、東鄉等處。是歲，入丁戶口一千六百零七萬餘，地五百零七萬餘頃，征銀二千零六十三萬餘兩，米麥豆五百二十八萬餘石，草二百二十五萬餘束，行鹽三百七十五萬餘引，收鹽課銀二百二十九萬餘兩，鑄錢二萬九千三百四十七萬餘。孫奇逢死。

1676 年

丙辰 清康熙十五年

正月，遂安縣等處耿精忠部下五千餘人降於清。二月，尚可喜奏西路退至肇慶，東路退至惠州。命圖海節制陝西軍馬擊王輔臣。鄂爾多斯蒙古入邊攻掠。吳三桂兵破吉安。岳樂下萍鄉，進攻長沙。尚之信附於吳三桂，幽其父可喜。三月，浙江奏復開化，招降兵民一萬餘人。勒爾錦攻吳三桂軍於太平街，敗退。湖廣奏敗吳三桂兵於九里岡等處。四月，王輔臣兵破通渭，尋失。五月，簡親王喇布奏招降江西官弁、兵民二萬餘人。耿精忠失萬載縣。康親王傑書奏敗耿精忠兵於溫溪等處。俄羅斯察罕汗遣使獻方物。六月，南安附於吳三桂。王輔臣降於清。耿精忠因鄭經攻擾，撤建昌屯兵。吳三桂兵敗於秦州樂門。七月，浙江奏復象山。喇布奏復金谿。圖海奏復禮縣，招降官弁、兵丁四萬九千餘人。八月，浙江奏復江山、常山，入福建境，下浦城。吳三桂失階州。九月，江西奏復瀘溪等處。傑書奏復建陽、建寧。耿精忠殺福建總督范承謨。十月，耿精忠降於清。勒爾勒奏復郎西縣。暫停旗下人考試生員、舉人、進士。浙江奏浙南諸地皆降。十一月，朝鮮以明人記其國

事有誤，聞正修明史，遣使來奏，諭「應以無庸議」，並遣人往查違禁購書之人。江西奏招降官弁、兵丁五千餘人。鄭經兵攻福州，大敗。尚之信兵攻南康，敗退。鄭經兵攻廣昌。十二月，傑書奏廣信守將降。鄭經兵取邵武，攻延平，大敗；邵武隨失。江西奏招降官弁、兵丁六千餘人。是歲，入丁戶口一千六百零三萬餘，地四百八十六萬餘頃，征銀二千零二十一萬餘兩，米麥豆五百零三萬餘石，草二百二十五萬餘束，行鹽三百五十六萬餘引，收鹽課銀二百二十五萬餘兩，鑄錢二萬三千一百三十六萬餘。孫承澤死。

1677 年

丁巳 清康熙十六年

正月，加重略誘、買賣婦女之罰，不論所誘爲良爲賤，已賣未賣，爲首者絞。穆占出兵會攻長沙，吳三桂撤諸路外援之兵回。傑書奏連敗鄭經之兵，復汀州、興化等十二城。江西奏復新城、會昌。二月，傑書奏復泉州，鄭經棄漳州走廈門。至是福建皆歸於清。吳三桂部將關世榮、鄭經部將賴鼎球降於清。三月，尚之信、劉進等請降於清。江西奏復吉安，招降南豐。命翰林官進呈詩文書法。四月，圖海奏招降韓城。吳三桂退駐衡州。喇布奏復南安。五月，江西奏復崇仁等縣。莽依圖節制攻廣東各軍，是月入韶州。六月，祖澤清降於清。江西招降官弁、兵丁三萬八千餘人。七月，河道總督靳輔條列修理黃河事宜。鄭經部將劉國軒棄惠州。明宗室朱統錫破貴溪等處。吳三桂兵攻韶州等處。八月，廣西奏復梧州等地。鄭經部下陳俞侯等降清。九月，福建奏敗鄭經兵。江西招降官弁、兵丁一萬餘人。福建招降官弁、兵丁一萬九千餘人。十月，朱統錫敗死。厄魯特人爲噶爾丹所破，奔甘肅塞內。

以攻取廣西事告安南國王。江西招降官弁、兵丁一萬五千餘人。廣西奏復潯州。吳三桂兵破桂林，殺孫延齡等。十一月，始設南書房。鄭經兵略泉州。穆占奏復茶陵、攸縣。十二月，江西招降官弁、兵丁五萬餘人。岳樂奏復平江。是歲，人丁戶口一千六百二十一萬餘人，地四百九十八萬餘頃，征銀二千一百一十二萬餘兩，米麥豆六百一十八萬餘石，草二百四十二萬餘束，行鹽三百五十九萬餘引，收鹽課銀二百二十六萬餘兩，鑄錢二萬三千一百三十六萬餘。張爾岐死。

1678 年

戊午 清康熙十七年

正月，浙江招降弁、兵二萬餘人，江西招降一萬餘人。詔徵博學鴻儒。二月，圖海進取四川。傑書奏收降韓大任等弁、兵萬餘人。三月，湖廣奏復房縣。祖澤清復據高州反清。閏三月，吳三桂將林興珠降於清。廣西復北流等縣。傑書奏敗鄭經兵於漳州。圖海奏破吳三桂兵於秦嶺等處。四月，穆占奏復郴州等處，收降弁、兵八千餘人。廣西復鬱林等州縣。尚之信奏復高州，祖澤清遁。五月，鄭經將劉國軒破海澄，旋破長泰、漳平，其水軍亦分攻廣東沿海。六月，湖廣奏敗吳三桂兵於洞庭湖。江西招降弁、兵萬餘人。鄭經兵略南安等縣，攻泉州。七月，吳三桂兵圍永興。八月，吳三桂死，大將胡國柱、馬寶等自永興撤回，迎三桂孫世璠於雲南嗣位。西洋國王阿豐素遣使進獅子。福建奏復漳平。九月，福建奏復長泰。十月，貝勒察尼奏敗吳三桂兵於洞庭湖口。傑書奏敗鄭經兵於江東橋等處。十一月，尚之信奏復徐聞等地。十二月，吳世璠破藤縣。免直隸、河南、江西、江南、湖廣災區額賦。是歲，人丁戶口一千六百八十

四萬餘，地五百零六萬頃餘，征銀二千一百九十五萬餘兩，米麥豆六百二十萬餘石，草二百二十四萬餘束，行鹽三百九十三萬餘引，收鹽課銀二百三十九萬餘兩，鑄錢二萬三千一百三十六萬餘。

1679 年

己未 清康熙十八年

正月，振河南、山東饑。察尼奏復岳州，傑書奏復長沙。二月，勒爾錦奏復澧州、常德，喇布奏復衡州、耒陽等地。禁奴僕投充營伍挾制家長。魏象樞奏考試生童十弊。三月，試博學鴻儒一百四十三人於體仁閣，嗣取一等二十人，二等三十二人，命纂修明史。鄭經部下弁兵一萬餘人降清。穆占奏復永州，喇布奏復寶慶。四月，廣西奏收復諸城，境內漸定。鄭經部將鄭奇烈等降清。免江南十二年以前逋賦。五月，鄭經兵攻江東橋等地。六月，岳樂奏敗吳世璠兵於寶慶。七月，京師等處地大震，壓死人畜甚多。振山東沂州等處饑。八月，福建招降兵民一萬五千餘人。喇布奏復新寧等縣。噶爾丹贈馬、致書與甘肅提督張勇，請假道往青海。祖澤清被俘。九月，命莽依圖等進攻雲南。十月，行戶部等衙門所擬錢法十二條，每錢重一錢四分。免湖北十三年至十七年賦。進攻四川之軍收復兩當、徽縣、略陽、武關、鳳縣、漢中等地。十一月，安南國王黎維清貢獻，並言追擊莫元清。攻四川之軍入陽平關，收復興安等十餘縣。十二月，岳樂奏俘「偽太子」朱慈燦。免直隸、山東、河南、江南、湖北旱災區額賦。攻四川之軍入四川境，下龍安府、廣元。是歲，人丁戶口一千六百九十一萬餘，地五百一十三萬餘頃，征銀二千二百一十三萬餘兩，米豆麥六百二十三萬餘石，草二百二十四萬餘束，行

鹽三百九十五萬餘引，收鹽課銀二百三十九萬九千餘兩，鑄錢二萬三千一百三十六萬餘。

1680 年

庚申 清康熙十九年

正月，吳氏所據四川成都、保寧、順慶、潼川等府及旁近之諸縣俱失。二月，鄭經失海壇及平海嶼等處，劉國軒敗走廈門，海澄亦失，廈門旋失，國軒與鄭經走臺灣，至是鄭氏數年來在福建沿海之地皆入於清。吳氏失重慶、達州等地，楊來嘉等皆降。馬承蔭附於吳世璠，誘執廣西巡撫傅宏烈。三月，吳氏失湘西諸州縣。免山東、江南災區額賦。四月，鄭經別部兵敗於潮州大濠堡等處，五月，又敗於大澳海面。免江西去年旱災區額賦。六月，鄭經部將江機率弁兵四萬四千餘人降於清。吳氏失廣西柳州、象州等處，馬承蔭降，尋押解赴京。七月，四川石砫土司等降附。八月，賜尚之信死。吳氏兵破瀘州等處，旋退。九月，夔州民起事，逾月敗。楊起隆欲在漢中起事，發覺被捕，死。十月，禁旗人私往外省挾詐囑托。吳氏失鎮遠、貴陽等地。十一月，吳氏失永寧等處。十二月，吳氏失慶遠府。是歲，人丁戶口一千七百零九萬餘，地五百二十二萬餘頃，征銀二千二百十五萬兩，米麥豆六百二十五萬餘石，草二百四十五萬餘束，行鹽三百九十八萬餘引，收鹽課銀二百三十九萬餘兩，鑄錢二萬三千一百三十六萬餘。顧祖禹死。帝俄開拓疆土之工作於本世紀中葉已抵達中國東北之黑龍江，且建築要塞，移民實邊。至是遂引起與中國之戰爭。

1681 年

辛酉 清康熙二十年

正月，嚴禁通事詐欺外藩，羈占貿易。濬通

州運河。鄭經死，子鄭克塽嗣為延平王。

二月，禁州、縣官虛報田糧以圖升敘。振山西饑。進攻雲南之軍，連下黔西等地，入雲南，攻圍省城。慶陽耿飛稱王置官，命圖海分兵擊之。三月，吳氏將宋國輔等獻永寧降於清。廣東水師攻下瓊州，海賊楊二敗走。四月，大理等處吳氏官將紛降於清。五月，發京倉米振宣大及蒙古諸部饑。六月，除陝西及偏遠等處房號稅。七月，吳氏將馬寶等降清，命執送京師，殺之。十月，雲南省城破，吳世璠自殺。自吳三桂起兵，至是八年始滅。十一月，琉球國中山王世子尚貞遣使貢獻請封。是歲，人丁戶口一千七百二十三萬餘，地五百三十一萬餘頃，征銀二千二百一十八萬餘兩，米麥豆六百二十七萬餘石，草二百四十五萬餘束，行鹽三百九十八萬餘引，收鹽課銀二百三十九萬餘兩，鑄錢二萬三千一百三十九萬餘。

1682 年

壬戌 清康熙二十一年

正月，耿精忠等分別凌遲及梟、斬。命嚴禁浙江漕糧私載之弊。二月，朱方旦案起。聖祖如盛京，五月回。四月，以莫元清交通吳三桂，革安南都統使；其子敬光交還安南。遣使冊封尚貞為琉球國中山王。八月，遣郎談、彭春等偵察羅刹侵擾黑龍江一帶情形。九月，免浙江、江南、江西、湖廣、山東災區額賦。十月，重修太祖高皇帝實錄，纂修三朝聖訓及平定三藩方略。十一月，振四子部落蘇尼特饑。減安南貢物。免康熙十一年四川巡撫羅森捏報開墾五千六百零一頃四十畝錢糧。十二月，郎談等偵察羅刹情形還，因定攻擊之計。是歲，人丁戶口一千九百四十三萬餘，地五百五十二萬餘頃，征銀一千六百三十三萬餘兩，米麥豆六百三十四萬餘石，草

二百二十九萬餘束，行鹽四百三十五萬餘引，收課銀二百七十六萬餘兩，鑄錢二萬九千四百八十五萬餘。顧炎武、陳維崧死。

1683 年

癸亥 清康熙二十二年

正月，遣使冊封黎維正爲安南國王。三月，免建福二十六州縣逋賦。四月，添造京倉廩八十一座。五月，鄭克塽令劉國軒請照琉球等國例，稱臣進貢，服色依舊；不許。六月，施琅取澎湖，劉國軒敗走臺灣，七月，鄭克塽遣使齎降表至施琅軍前，八月，琅至臺灣，克塽等薙髮受詔。自鄭成功入臺灣，至是凡三十八年而亡。九月，命招諭擾掠黑龍江之羅刹人。詔諭噶爾丹，命約束使者不得沿途搶掠。十一月，令雲貴錄取土司生員。十二月，免陝西等處明年錢糧三分之一，又免山西震災重處地丁、錢糧有差。是歲，人丁戶口一千九百五十二萬餘，地五百六十一萬餘頃，征銀二千六百三十九萬餘兩，米麥豆六百三十五萬餘石，草二百二十九萬餘束，行鹽四百三十五萬餘引，收鹽課銀二百七十五萬餘兩，鑄錢二萬九千四百八十五萬餘。施閔章、呂留良、萬斯大死。

1684 年

甲子 清康熙二十三年

正月，黑龍江將軍薩布素奏籌辦擊羅刹及招降赫哲。禁刑官非法拷訊。三月，鄭氏將黃錫鵬等自烏洋舟山投降。振河南饑。四月，從福建督撫等奏，於臺灣設一府、三縣，另設巡道一、總兵官一、兵八千。允浙、閩、粵海援山東例，聽百姓往海上資易、捕魚。五月，命纂大清會典。嚴禁於分撥地畝時，圈占民田或以低劣地畝抵換良田。以將攻羅刹，移文於車臣汗。六月，許琉球

請，送官生來國子監讀書。暹羅國遣使入貢，並貿易。九月，許民開銅礦。噶爾丹使人入貢。聖祖首次南巡，至江寧，十一月回。十月，弛海禁，但不得以火器出洋。是歲，人丁戶口二千零三十四萬餘，地五百八十九萬餘頃，征銀二千七百二十一萬餘兩，米麥豆六百九十一萬餘石，草二百二十九萬餘束，行鹽四百三十五萬餘引，收鹽課銀二百七十六萬餘兩，鑄錢二萬九千四百八十五萬餘。傅山、于成龍死。

1685 年

乙丑 清康熙二十四年

正月，諭薩布素進攻羅刹。三月，詔修賦役全書。四月，命新墾田地永免圈占。馬喇奏遣人偵察雅克薩城羅刹情形，並擄七人以歸。免直隸康熙二十三年未完地丁、錢糧。五月，福建設鑪二十座鑄錢。振阿霸垓部。彭春等攻下雅克薩，令羅刹人遷於他處。六月，復各處生餉糧三分之一。七月，始於吉林城至黑龍江設驛。十月，命廣東開鑪鑄錢。減蒙古王公年貢爲羊一隻，酒一瓶。十一月，免河南、湖北明年地丁、錢糧之半；直隸、江南、山東災區丁糧皆免。十二月，重定頒賞外國例。

1686 年

丙寅 清康熙二十五年

二月，以朝鮮王李焞縱民越界探伐並打傷官役，罰銀二萬兩。減廣東海關征收洋船稅十分之二。以雅克薩羅刹人復還盤踞，遣林興珠等攻之。修太祖高皇帝實錄及實訓成。停四川採運楠木。三月，命修一統志。四月，征訪遺書。停直隸辦解狐皮。遣使蒞喀爾喀七旗之盟。六月，哲布尊丹巴呼圖克圖奏喀爾喀七旗盟事。七月，達賴喇嘛奏厄

魯特居青海事。許荷蘭五年一貢，並由福建登陸。以羅刹人據雅克薩事托荷蘭轉致俄羅斯察罕汗。八月，諭薩布素圍攻雅克薩事。九月，免直隸四府、四川、貴州、湖廣、福建地丁、錢糧有差。俄羅斯新察罕汗來書述即使人來議疆界，請釋雅克薩圍。

1687 年

丁卯 清康熙二十六年

二月，禁淫詞小說。浙墅關監督桑額征收溢額二萬餘兩，命嚴加議處。三月，停歲貢生廷試，舉人就教職者，亦免廷試。四月，嚴禁解差虐待犯人。五月，免湖南去年額賦並今、明年額賦之半。七月，以俄羅斯分界使臣抵蒙古境，命薩布素撤兵回黑龍江。九月，喀爾喀土謝圖汗奏噶爾丹起兵來攻，使人諭噶爾丹，並詔達賴喇嘛諭止噶爾丹。十月，禁各省提督、總兵官斂取兵丁，餽送兵部。湯斌死。

1688 年

戊辰 清康熙二十七年

二月，琉球國遣三人入國子監讀書。停四川解送白蠟。改定宗室王公將軍襲爵法。四月，再諭噶爾丹與喀爾喀和好。五月，方遣索額圖往與俄羅斯使分界立約，以噶爾丹舉兵侵喀爾喀，召之還。湖北督標裁兵，夏包子等不服，起事，布政使葉映榴自殺，包子尋攻擾鄰邑，六月，敗於應城，奔德安；七月，至黃岡，被俘磔死。哲布尊丹巴呼圖克圖及土謝圖汗為噶爾丹所攻，南奔告急；因使人詰噶爾丹。九月，噶爾丹遣使進貢並請貿易。十一月，遣使並請達賴喇嘛派人會同調停噶爾丹等爭端。是歲，朱用純死。

1689 年

己巳 清康熙二十八年

正月，聖祖第二次南巡，至會稽，閏三月回。以哲布尊丹巴呼圖克圖等不敬與噶爾丹會盟，遣使告達賴喇嘛為之調解。三月，令滿州人考試生員、舉人、進士皆試騎射。閏三月，命江、浙、閩、廣海關勿稅漁民。四月，諭噶爾丹與喀爾喀和好。再遣索額圖赴尼布楚與俄羅斯使臣分界立約。使人救濟土謝圖汗等部衆之南奔者。九月，免直隸未征錢糧並明年錢糧之半。十月，以土謝圖汗等部南奔者，饑寒交迫，互相劫掠，使人分別安置之。十一月，免湖北旱災區錢糧有差。十二月，免雲南通賦。索額圖奏與俄羅斯於尼布楚定約成，是為尼布楚條約。兩國自此維持友好關係達一個半世紀之久。免江西旱災區額賦有差。

1690 年

庚午 清康熙二十九年

正月，振土謝圖汗等部饑。二月，振八旗兵民。四月，振察哈爾及八旗游牧蒙古。大清會典成。七月，噶爾丹犯邊，入烏朱穆秦，命分兩路迎擊。噶爾丹尋遣使來，言不敢妄行，因諭責之。八月，噶爾丹敗於烏蘭布通，立誓不侵喀爾喀。振喀爾喀諸部饑。九月，方雲龍等據安南國海島，劫掠洋船，為廣東水師所擒，命解京發黑龍江充水手。停不許民間養馬之禁。免直隸、甘肅災區逋賦。十一月，達賴喇嘛及噶爾丹奏請上尊號；不允。十二月，噶爾丹請賜銀以濟部民；賜之千兩。是歲，惲壽平死。

1691 年

辛未 清康熙三十年

正月，噶爾丹復犯喀爾喀；遣兵備之。二月，策妄阿喇布坦奏與噶爾丹交惡情形。三

月，翻譯通鑑綱目成。四月，聖祖巡視喀爾喀南奔諸部。六月，以安置喀爾喀諸部事告達賴喇嘛。七月，以朝鮮使臣違禁私買一統志，罰其通事。九月，免河南明年錢糧。十一月，免陝西、河南、湖廣、雲南、直隸災區額賦，又免陝西通省明年錢糧。十二月，以京倉儲米足支三年，令輪免湖廣、江西、浙江、江蘇、山東漕米。十二月，免直隸災區賦。

1692 年

壬申 清康熙三十一年

二月，振陝西饑。三月，於外蒙五路設立驛站。六月，科爾沁部獻席北、卦爾察、打虎兒人丁。九月，噶爾丹遣使進貢。十月，免陝西明年地丁錢糧。是歲，王夫之、陸隴其、靳輔死。

1693 年

癸酉 清康熙三十二年

二月，遣官督耕於歸化城境。策妄阿喇布坦遣使貢獻。以噶爾丹就食哈密，遣兵備之。五月，噶爾丹奏陳殺害遣赴策妄阿喇布坦使者情形。六月，增加鄉試滿、蒙、漢軍取中名額。八月，普免廣西、四川、雲南、貴州明年地丁、錢糧。十月，俄羅斯察罕汗遣使來獻。免直隸、江南、山西災區額賦。十二月，免湖廣、浙江災區額賦。是歲，萬斯年死。

1694 年

甲戌 清康熙三十三年

正月，振盛京軍民饑。修甘肅邊牆。三月，免山西平陽等處逋賦。四月，編審蒙古四十九旗人丁共二十二萬六千七百餘人，令三丁內擇一丁披甲。五月，噶爾丹遣使帶二千

餘人進貢，令停於歸化城。六月，使人詰責噶爾丹。是歲，人丁戶口二千零三十七萬餘，地五百九十七萬餘頃，往銀二千七百三十九萬餘兩，米麥豆六百九十六萬五千餘石，草二百零八萬餘束，行鹽四百三十一萬餘引，收鹽課銀二百六十九萬餘兩，鑄錢二萬三千六百五十三萬餘。徐乾學死。

1695 年

乙亥 清康熙三十四年

二月，噶爾丹遣使入貢；諭責其欺枉。四月，達賴喇嘛遣使為噶爾丹求恕。山西地震，平陽傷死甚多，遣使振濟。五月，於京城各旗所居方位造房，以給兵丁居住。六月，免土默特歲貢石青。七月，噶爾丹遣使辯訴，仍責其欺枉。八月，令科爾沁土謝圖部誘噶爾丹，並使責噶爾丹侵掠。九月，免直隸順天等府水災區明年地丁、錢糧，災重者振之。十月，發兵備噶爾丹。是歲，黃宗羲死。

1696 年

丙子 清康熙三十五年

二月，聖祖親統軍擊噶爾丹，五月至克魯倫河，噶爾丹聞報西走，至昭莫多地方，為費揚古等軍所破，六月班師。達賴喇嘛使人至京。以噶爾丹侵擾喀爾喀，多由於土伯特王第巴煽惑，傳諭責之。七月，命修平定朔漠方略。廣鄉試解額。八月，葉爾羌回國王阿卜都里什特為噶爾丹所拘十四年，至是逃來，自請根尋噶爾丹下落。九月，編厄魯特降人於滿州正黃等三旗。聖祖出塞經理軍務。十一月，噶爾丹遣使納款。

1697 年

丁丑 清康熙三十六年

正月，發兵備擊噶爾丹並使人諭之降。二月，聖祖至寧夏督師，五月還。三月，以土伯特王第巴隱瞞達賴喇嘛死亡，遣使察視。閏三月，噶爾丹以部衆散亡殆盡，飲藥自殺。四月，命各省及滿、蒙、漢軍選拔文行兼優生員，爲拔貢生，送國子監。十月，令宗室子弟與滿州諸生一體應試。以哈密額貝拉達爾漢伯克獲噶爾丹之子，授爲一等部長，頒管轄哈密國印，編其人爲旗隊。十一月，安南國王黎維正請給還牛羊、蝴蝶、普圓等渭川三峒。許朝鮮於中江地方貿易。

1698 年

戊寅 清康熙三十七年

正月，策妄阿喇布坦訴第巴違法欺詐。以朝鮮饑，自海道運米振濟並平糶。二月，以災免山西平定州等處明年錢糧，振山東濟南等府饑。免浙江、江南災區額賦。三月，以湖廣等九省米貴，禁造燒酒。四月，減廣東海關稅額銀三萬零二百八十五兩。策妄阿喇布坦奏擊哈薩克。五月，裁上林苑。七月，茶陵州因私派，民情憤憤，吳三桂部曲黃明、陳丹書、吳旦先等乘之起事，先後敗死。十二月，禁拘喚被牽連婦女至公堂審訊。遣官至蒙古督教耕種並振濟貧民。

1699 年

己卯 清康熙三十八年

二月，聖祖第三次南巡，五月回。禁止第巴人貿易。四月，停浙江鑄錢。五月，免山東泰安等地前年通賦。八月，振巴林饑。十月，修濬永定河。十一月，免淮揚水災區明年稅糧。免湖南明年地丁錢糧。

1700 年

庚辰 清康熙三十九年

三月，截漕米二十萬石振淮揚饑。五月，從湖廣總督郭琇請，將湖廣陋弊八條立碑示禁。六月，以第巴侵占打箭鑪及以東地，嚴諭令其退還。十一月，振巴林饑。改訂科場取人條法。十二月，免直隸、江南、浙江、陝西災區額賦。四川兵攻下打箭鑪。

1701 年

辛巳 清康熙四十年

三月，遣官往喀爾喀督教耕種。四月，遣官往土默特督教耕種。五月，修永定等河堤完工。六月，分別給馬與蒙古貧困台吉。十月，免甘肅明年額賦。免江蘇明年錢糧。

1702 年

壬午 清康熙四十一年

二月，以連州瑤人數次攻擾村民，遣兵攻之，尋皆降。六月，貴州萬彝潘苗人起事，尋敗。十月，許鄉會試取中作五經文字者三名。十一月，免安徽明年地丁錢糧，又免山東、河南災區明年地丁錢糧。是歲，萬斯同死。

1703 年

癸未 清康熙四十二年

正月，聖祖第四次南巡，三月回。二月，命官民以銀米振濟山東者，分別銓敘。三月，賜軍民年七十以上者免一子徭役，八十九以上者，分賜絹、帛、米肉，並免明年四川、雲南、貴州、廣西額賦。四月，四川威州番民歸附。八月，免河南、山東、江南、湖廣災區額賦。十月，以修治黃河前後十餘年至是粗成，獎河道官員。聖祖西巡至西安，十二月回。十一月，免陝西、甘肅通賦。十二月，湖廣紅苗常出攻擾，至是遣兵攻降之。

1704 年

甲申 清康熙四十三年

四月，命侍衛拉錫探視河源。五月，免山東水災稅糧並緩征本年額賦。六月，鑄鑑斛分發各省以齊糧制。九月，拉錫探河源回，繪圖呈進。十月，免山東、浙江明年地丁錢糧。十二月，令湖廣苗民通文者與漢人一體應試。是歲，人丁戶口二千零四十一萬餘，地五百九十八萬餘頃，征銀二千七百四十一萬餘兩，米豆麥六百九十萬石，草二百零八萬餘束，行鹽四百三十一萬餘引，收鹽課銀二百六十九萬餘兩，鑄錢二萬三千八百零六萬餘。洪昇、高士奇、閻若璩死。

1705 年

乙酉 清康熙四十四年

正月，聖祖第五次南巡，至杭州，閏四月回。五月，申禁私鹽、私鑄之禁。六月，停廣東開礦。十一月，俄羅斯來貿易。

1706 年

丙戌 清康熙四十五年

三月，於天津試開水田。於各省設育嬰堂。四月，嚴禁販賣大制錢。五月，免直隸、山東逋欠錢糧。十月，以山東周村一帶多開鑄私鑄小錢，遣官查究。十二月，拉藏汗捕送假達賴喇嘛。

1707 年

丁亥 清康熙四十六年

正月，聖祖第六次南巡，至杭州，五月回。八月，普安州三江苗人黃柱漢等攻擾，遣兵敗之。十月，免江蘇逋欠漕銀、米麥。雲南奏自康熙四十四年冬至四十五年秋收金、銀、銅礦稅銀八萬零一百五十二兩，金八十四兩。

十一月，免江南、浙江明年人丁銀及兩省災區地丁、錢糧。免直隸等縣災區額賦。

1708 年

戊子 清康熙四十七年

正月，先是，捕獲張念一，謂多人奉朱三太子居浙東大嵐山，潛謀起事，至是浙江奏攻大嵐山，殺四人，俘十五人，遣官審訊。二月，許遲羅使臣所携貨物任便貿易並免征稅。閏三月，遣官至湖廣案捕私鑄。四月，山東捕獲朱三太子，解浙審訊。六月，審結朱三太子案，凌遲者七人，立斬者六十九人，朱三太子及五子皆解京，十月殺之。清文鑑成。七月，濬蘇州及杭州等處河道。九月，廢皇太子允礽，殺、流其黨。十月，免江南、浙江明年地丁、錢糧並停往舊欠。免湖廣、山東災區額賦。十二月，振蘇松等府饑，並免蘇州等三府白糧。朝鮮始用清之時憲曆。

1709 年

己丑 清康熙四十八年

正月，朱永祚以附一念和尚，散札稱大明天德年號，被凌遲處死。派人赴西藏協同拉藏汗辦事。三月，復立允礽為皇太子。十月，免淮、揚、徐三府及歸德、亳州等屬明年地丁、錢糧有差。十一月，振浙江、湖廣災區饑。是歲，朱彝尊死。

1710 年

庚寅 清康熙四十九年

正月，命修滿蒙合璧清文鑑。命八旗兵丁餉米計口支放，餘照時價折銀給發。三月，盛京工部侍郎席爾圖請將錦州採鉛改於遼陽州，不許。八月，振泉州府饑。十月，免直隸、奉天、浙江、福建、廣東、廣西、四川、雲南、貴州明年地畝銀七百二十二萬六千七百

兩，人丁銀一百一十五萬一千兩，又歷年舊欠一百一十八萬五千四百兩。十一月，定凡遇蠲免錢糧之年，業主免七分，佃戶免三分，永著為例。

1711 年

辛卯 清康熙五十年

四月，四川瓦尾、白宿番民爲大兵所迫，請降。五月，免福建、浙江、山東海賊鄭盡心等死，發黑龍江等處充水手。泉州等處民因饑，而官吏不恤，富戶閉糶，遂起而搶奪食物，官兵攻之，避入山中，六月，遣官招撫。免山西、河南、陝西、甘肅、湖北、湖南明年地畝銀八百四十萬四千兩，人丁銀一百二十萬八千一百兩，並舊欠五十四萬一千三百兩。戴名世南山集獄起。展會試及鄉試發榜期。永免朝鮮貢銀及紅豹皮。江南科場案起。十一月，禁創建寺廟。是歲，王士禛死。

1712 年

壬辰 清康熙五十一年

正月，刑部奏南山集案，戴名世凌遲處死，方孝標戮屍，兩家受牽累定死罪者甚多；令復議。二月，令各省編審人丁，將加增之數盡行開報，另立清冊，永免加賦。五月，以山東人往口外耕墾者已逾十萬人，命有司查明造冊。六月，紅苗首領吳老化等降附。九月，再廢皇太子允禔。十月，免江蘇、安徽、山東、江西明年地畝銀八百八十二萬九千六百四十四兩，人丁銀一百零三萬五千三百三十五兩，並舊欠二百四十八萬三千八百二十八兩。以浙江等處海賊劫掠直至盛京，命閩、浙兩省逐戶搜捕。十二月，以鄂爾多斯饑饉連年，將人口賣與他旗者甚多，遣官查還。是歲，與朝鮮定地界，立碑於小白山上。

1713 年

癸巳 清康熙五十二年

正月，江南科場案結，考官及行賄人等斬、絞、流、責有差。封班禪呼圖克圖爲班禪額爾德尼。二月，南山集案結，戴名世處死，戴、方二族皆發遣或入旗。五月，禁採未開之礦，已開者查明姓名注冊。十一月，四川苗人首領阿木咱等投附。

1714 年

甲午 清康熙五十三年

三月，振甘肅災，並給牛種。王鴻緒進明史列傳。四月，查禁淫辭小說，毀書銷版，違者徒流有差。七月，免河南旱災區額賦。十一月，免甘肅靖邊等地明年額賦。十二月，四川洮岷邊外番民十九族投附。免江南、湖廣、浙江災區額賦。是歲，人丁戶口二千四百六十二萬餘，又永不加賦滋生人丁十一萬餘，地六百九十五萬餘頃，征銀二千九百八十九萬餘兩，米麥豆六百八十三萬餘石，草四百零四萬餘束，行鹽五百零九萬餘引，征課銀三百七十四萬餘兩，鑄錢三萬八千六百五十五萬餘。胡渭死。

1715 年

乙未 清康熙五十四年

二月，命直隸村莊籌立義學。三月，振吳喇忒及察哈爾等旗饑。三月，策妄阿喇布坦攻哈密，甘肅兵先往救之，四月，另派大軍赴援，策妄阿喇布坦旋敗走。五月，以米糧、牛、羊振哈密，並派兵駐防。使人諭策妄阿喇布坦來會盟，不然即發兵往攻之。遣使告俄羅斯及庫車、拜城以將擊策妄阿喇布坦，令加意防備。六月，免甘肅旱災區逋賦。九月，烏梁海歸附。十月，以水災，免順天等

五府明年地丁、銀米。十二月，免甘肅、安徽災區額賦有差。是歲，蒲松齡、王原祁死。

1716 年

丙申 清康熙五十五年

二月，遣官屯田於圖呼魯克。免安南貢犀角、象牙。令民間買賣地畝，丁隨地輸課。九月，免江南、山東、湖廣水災區額賦。十月，以行軍所過，免山西大同至甘肅洮州等地明年額賦。遣官督墾甘肅金塔寺等處。十一月，越嶲阿羊族加巴貢子等攻擾鄰邑，年羹堯擊破之。十二月，免順天等府水災區明年額賦。是歲，毛奇齡死。

1717 年

丁酉 清康熙五十六年

正月，定商船出洋貨易法，除日本外，呂宋等處皆不許往，並禁多携米糧、賣船外國，違者嚴處。四月，再嚴禁天主教。六月，富寧安等分路襲策妄阿喇布坦，七月，至烏魯木齊等地而回。十月，羅卜藏丹津奏策妄阿喇布坦屬下策零敦多卜等攻西藏不利，退至青海。十一月，策妄阿喇布坦兵入拉薩，殺拉藏汗。豁免旗丁所欠公庫銀一百九十六萬八千兩。免直隸、安徽、江蘇、浙江、江西、湖廣、陝西、甘肅帶征地丁銀二百三十九萬八千三百八十兩，又免江蘇、安徽帶征漕銀四十九萬五千一百九十兩，米豆麥一百十四萬六千六百一十石。

1718 年

戊戌 清康熙五十七年

二月，從兵部議，令廣東文武官弁於外國船到時加意防範；其西洋人立堂傳習天主教，仍再查禁。四月，河南蘭陽白蓮教案結，教首袁

進即朱復業凌遲處死，爲從之三十六人分別斬決、監候，並令各地嚴查白蓮教徒。五月，以策妄阿喇布坦窺伺康地，四川遣兵進駐裏塘。六月，遣使冊封尚敬爲中山王。七月，平涼等處地震，振之。閏八月，免甘肅明年地丁錢糧及逋賦。九月，遣兵進駐噶爾斯柴達木以防策妄阿喇布坦。十月，命皇十四子允禩爲撫遠大將軍，駐西寧，節制各路軍馬，十二月，起行。是歲，吳歷、李光地死。

1719 年

己亥 清康熙五十八年

二月，遣使冊封黎維禔爲安南國王。頒皇輿全覽圖。六月，四川兵進駐巴塘。十二月，免沿邊六十六州縣衛所明年地丁錢糧。

1720 年

庚子 清康熙五十九年

二月，封達賴喇嘛呼必勒罕爲宏法覺象第六世達賴喇嘛，遣滿、漢青海兵衛送入藏。六月，禁商以火炮軍器出洋。七月，屯駐哈密之兵分道攻襲策妄阿喇布坦之地，至吐魯番及烏魯木齊而還。八月，衛送達賴六世之前鋒兵入拉薩，殺策妄阿喇布坦所委之總督喇嘛五人。九月，達賴六世至拉薩。十月，免陝西、甘肅明年地丁錢糧，並分三路振濟饑民。是歲，王翬死。

1721 年

辛丑 清康熙六十年

二月，山東鹽徒王美公稱將軍，起事，被俘死。四月，命噶爾弼等帥兵駐西藏。朱一貴起事於臺灣，六月，敗被俘。八月，遣兵駐吐魯番。河決長垣。十一月，免浙江旱災區額賦。十二月，遣官屯田於吐魯番。

是歲，梅文鼎死。

1722 年

壬寅 清康熙六十一年

正月，河決長垣新堤。四月，暹羅遣使貢獻。十月，查勘通州倉廩共儲米五百一十三萬九千餘石。十一月，聖祖死，皇四子雍親王胤禩嗣，是為世宗憲皇帝，明年改元為雍正。招撫遠大將軍允禩還。十二月，發遣編圖書集成之陳夢雷於邊外，並令將此書繼續編成。命修聖祖仁皇帝實錄。是歲，人丁戶口二千五百三十萬餘，又永不加賦滋生人丁四十五萬餘，地八百五十一萬餘頃，征銀二千九百四十七萬餘兩，米豆麥四百六十六萬餘石，草四百九十二萬餘束，行鹽五百零五萬餘引，征課銀四百零四萬餘兩，鑄錢四十六萬餘。何焯死。

1723 年

癸卯 清世宗憲皇帝胤禩雍正元年

正月，頒諭十一道訓飭督撫、提鎮以下文武官。以各省奏銷錢糧積弊甚多，立會考府，派王大臣掌理准駁。朝鮮國王李昀以殺謀反之大臣事遣使來奏。二月，令各部院書辦五年考滿即回籍聽選，違者治罪。禁督撫使家人管理堂上之事務及往各屬探聽事件。羅布泊回人古班爾等歸附。三月，令督撫呈報幕客姓名。免濟南等地前二年水旱災區額賦。四月，免德州及海州等地前二年旱災區額賦。五月，免壽州等地去年旱災區額賦。羅卜藏丹津掠旁部，命人勸阻之。七月，命工部造貢院應用桌椅等器，不許借用於民間。減朝鮮貢物。命征訪績學之士與修明史。九月，命纂修律例。十月，律曆淵源刻成。以年羹堯為撫遠大將軍，經營羅卜藏丹津亂事。十二月，令各省將西洋天主教士或送澳

門，或送北京。免直隸、江南、河南前年水旱災區額賦。

1724 年

甲辰 清雍正二年

正月，西寧郭隆寺喇嘛起應羅卜藏丹津，岳鍾琪等擊滅之。二月，禁里長、甲首招攬代納錢糧，命儒戶、官戶、生監依例納糧。岳鍾琪攻至柴達木，羅卜藏丹津潰敗，與二百人西遁。三月，遣使諭策妄阿喇布坦。閏四月，命續修大清會典。五月，禁官弁剝削運丁。定青海善後事宜十三條。六月，免江南、浙江、福建、陝西康熙五十年以前逋賦。禁江西邪教。七月，修寧夏渠。世宗頒自製朋黨論。崇明等地風災，海水沖決隄塘。九月，許廣東開小礦，不許招商開廠設官征稅。令山西丁銀攤入田賦征收。許浙江仁和等縣開東湖西湖溉田。十月，暹羅貢稻種、果樹，並運米來廣貿易。其船隻梢目皆係漢人，求免回籍，允之。十一月，定翻譯科考試規程。免陝西康熙五十七年至六十年逋欠地丁錢糧。以戶部庫幣虧空二百五十餘萬兩，令歷任堂司官賠補。十二月，遣使封冊李昀為朝鮮國王。免江南水災區額賦。

1725 年

乙巳 清雍正三年

正月，於固安縣擇官地二百頃為井田，命八旗無產者受耕。二月，停止盜盜犯及逃入割脚筋例。三月，策妄阿喇布坦遣使進貢。修杭州玉華亭海塘。減蘇松糧銀四十五萬兩。四月，遷吐魯番、羅布泊人之願徙者於瓜州、沙州等地。免年羹堯撫遠大將軍等職調為杭州將軍。遣使諭策妄阿喇布坦以疆界貿易事。雲南與安南定界。五月，命嚴查私鑄。八月，西洋教化王伯納地哆遣使獻方

物。九月，定土司承襲例。新修律例成。十二月，賜年羹堯自盡。是歲，張伯行死。

1726 年

丙午 清雍正四年

正月，振直隸、山東、河南饑。以毀錢作器之風盛，定除樂器、軍器等類外，造打器物禁用黃銅。二月，永免雲南鶴慶等地土軍丁賦。治理畿輔河道，派怡親王允祥董其事。四月，命雲南丁銀攤入地畝。許四川貢監生員優免一丁，餘皆依例納課，不得私立儒戶、官戶，包攬詭寄。七月，立保甲法。八月，命自明年元旦起，直隸省強盜案，不分首從皆斬。九月，嚴禁賭博及售賣賭具。查嗣庭獄起。十月，置浙江觀風整俗使。蘇祿遣使貢獻。十一月，遣御史分巡直隸，凡告退官員、內府莊頭、在鄉紳衿、內監戚屬之不法者，得行文地方官提拏。停浙江入鄉會試。十二月，命陝、甘於明年將丁銀攤入地畝。是歲，與世宗爲敵之廉親王允禩等皆獲罪。

1727 年

丁未 清雍正五年

三月，准福建開洋禁。命江西丁銀攤入地畝。四月，申禁黃銅器皿。五月，查嗣庭案結，時已死，戮屍；兄、姪等流。六月，蘇祿國遣使貢獻。定出洋逾限不歸者，不准回籍。西藏阿爾布巴等作亂。准雲貴總督鄂爾泰請，於東川設縣。時正行「改土歸流」。十月，自黃河安流以後，泗州等五州縣共增田二萬二千六百二十二頃餘，應征銀四萬八千餘兩。永免湖州、嘉興糧銀十分之一。十一月，以西藏有事，遣兵入藏。於庫倫及多倫諾爾建寺以居哲卜尊丹巴呼圖克圖及章嘉呼圖克圖。嚴禁拳棒，再有教師及投

師學習者皆予懲辦。十二月，策妄阿喇布坦已死，其子噶爾丹策零遣使來朝並請入西藏熬茶供佛，不許；並令拘送羅卜藏丹津。安徽、江蘇自明年起將丁銀攤入地畝。

1728 年

戊申 清雍正六年

正月，安南國王以雲南畫界事，陳訴，駁之；尋又表謝，乃多與四十里之地。二月，從岳鍾琪所奏川省苗疆善後事宜。減朝鮮貢米。暹羅至廈門售米，免征稅。三月，定災區減免分數。五月，頗羅鼐入拉薩，執阿爾布巴等。八月，復准浙江人參與鄉會試。入藏之兵至拉薩，殺阿爾布巴等。十月，許浙江漕糧紅白、秬粳並收。十一月，免福建康熙五十五年至雍正四年通賦。命各省修志。

1729 年

己酉 清雍正七年

正月，加蒙古王公以下俸一倍。以糧船過淮，官員需索陋規苛重，遣御史二員專司稽查。二月，置福建觀風整俗使。定議擊噶爾丹策零。曾靜、張熙案起。置湖南觀風整俗使。定錢一千文折銀一兩。朝鮮國王奏大臣謀亂已平。免浙江額賦十分之二。三月，鄂爾泰奏九股苗及古州等處苗人歸附。命江西開鑄鑄錢。命傅爾丹、岳鍾琪分路出師以擊噶爾丹策零。四月，禁湖南習符咒惑民者。五月，呂留良案起。命許廣東墾戶陸居與平民同編里甲，不得歧視。六月，免甘肅、四川、雲南、貴州、廣西明年額賦，陝西免額賦十分之三。謝濟世案起。七月，命山東省開鑄鑄錢。陸生柁案起。七月，暹羅國王遣使貢獻，令此後免貢安息香、束香、袈裟、布匹等物。八月，免山東、廣東明年額賦各四十五萬兩，直隸、陝西免今、明

二年額賦各四十萬兩，免山西、安徽明年額賦四十萬兩。命浙江開鑪鑄錢。九月，頒大義覺迷錄。治河方略成。南掌國王烏孫奉表歸附。十月，曾靜、張熙案結，皆予釋放。十二月，陸生柁案結，被殺。謝濟世案結，效力臺站。

1730 年

庚戌 清雍正八年

正月，令各省嚴禁掛名兵丁。二月，南掌國遣使朝賀並請貢朝，命以五年一貢。四月，四川忠州等處民楊成勳等因清丈田畝官吏苛索，謀起事，未成死。五月，噶爾丹策凌使人奉表請送羅卜藏丹津，遣官諭之，因展兵期。除常熟昭文丐戶籍，列為平民。八月，京師地震，毀房甚多，發銀振八旗兵。烏蒙土司以官兵苛索、凌辱起事，旋敗。九月，免江西、湖北、湖南明年額賦各四十萬兩。免直隸、山東額賦；又免明年額賦各四十萬兩。禁察哈爾招民開墾。十月，徐駿以詩文譏訕，被殺。十一月，裁浙江觀風整俗使。噶爾丹策零兵犯邊，擊走之。

1731 年

辛亥 清雍正九年

正月，免甘肅額賦及陝西額賦十分之三。振江南邳、宿等處饑。二月，再免陝西額賦四十萬兩。免直隸水災區去年額賦。四月，噶爾丹策零兵圍吐魯番等城。五月，傅爾丹至科布多，六月，進擊噶爾丹策零，大敗於和通淖爾，七月，退至科布多。命馬爾賽統兵為傅爾丹聲援。八月，噶爾丹策零攻科布多，敗退。撤科布多之兵至察平瘦爾。九月，命貴州開鑪鑄錢。十二月，禁商船帶鐵器出洋。禁奉天所屬官吏科派陋規。修聖祖仁皇帝寶訓成。是歲，以用兵西北，於內

廷設軍機房，後遂發展為軍機處。

1732 年

壬子 清雍正十年

正月，噶爾丹策零兵攻哈密，敗走。七月，命四川開鑪鑄錢。傅爾丹等敗於烏孫珠爾。八月，噶爾丹策零兵犯喀爾喀，額駙策凌等大破之於厄爾得尼招地方。十二月，呂留良案結，留良與子葆中皆戮屍，子毅中斬，孫鞏發寧古塔為奴，同案牽連之嚴鴻達等亦戮屍、斬流有差。安沛吐魯番回民於瓜州。馬爾賽以貽誤軍機，軍前正法。免山東旱災區額賦有差。

1733 年

癸丑 清雍正十一年

正月，修江南范公隄。令各省建書院。三月，減駐西藏各地方兵額。四月，於烏里雅蘇臺築城屯兵以控制西北邊地。五月，普思土司刁興國等起事，敗死。續修大清會典成。特們奇圖等烏六族歸附，年貢貂皮。免甘肅額賦二十七萬餘兩。六月，蘇祿國王請修在山東德州之祖墓。九股苗起事，尋敗。十月，令各地不得擅立牙行。十一月，安南遣使告喪請封。免山東災區本年額賦有差。是歲，李堪死。

1734 年

甲寅 清雍正十二年

八月，遣使諭噶爾丹策零。九月，命雲南、廣西開鑪鑄錢。是歲，入丁戶口二千六百四十一萬餘，永不加賦滋生人丁九十三萬餘，地八百九十萬餘頃，征銀二千九百九十萬餘兩，米麥豆四百七十九萬餘石，草五百五十七萬餘束，行鹽四百九十三萬餘引，征課銀三百九十萬餘兩，鑄錢六萬八千五百三十九萬餘。

1735 年

乙卯 清雍正十三年

四月，禁廣東開礦。諭各省大吏留心秋審，不得草率，更不得張筵演戲。臺拱苗人反抗，遣兵擊之。六月，呂宋以穀、銀等至廈門購麥。八月，世宗死，皇四子寶親王弘曆嗣，是為高宗純皇帝，明年改元為乾隆。九月，禁擅造寺觀神祠。命凡告家主之案，奴僕不得援赦免刑。十月，命江蘇開鑪鑄錢。收回前頒之大義覺迷錄。十一月，嚴禁銷毀制錢。十二月，修八旗氏族通譜。免各省雍正十二年以前逋賦。殺曾靜、張熙。禁各鈔關例外苛取。修明史成。

1736 年

丙辰 清高宗純皇帝弘曆乾隆元年

正月，噶爾丹策零遣使貢獻。命禁私鹽不得株連，並不許禁捕挑負四十斤以下之老少、男婦。停止捐納。二月，命舉貢生員免派雜差。以分界事諭噶爾丹策零。三月，釋汪景祺、查嗣庭兄弟族屬回籍。頒十三經、二十一史於各省及府、州、縣學。免廣東埠租及海豐等增加之漁課。四月，命舉賢良方正。裁山東青州欽租，其田按上等民地納銀。暹羅國遣使貢獻。諭朝鮮王將餽送使臣之物減半，不得贈諸色陋規。六月，禁私造鳥槍，禁百工當官貼費。禁松潘各鎮私斂番民。七月，命州、縣查災難費動用公帑，不得攤派於民。八月，減臺灣丁銀。九月，試博學鴻詞，取十五人。命廣東海關裁洋船之「繳送」稅。十月，免甘肅明年額賦，陝西減半。十一月，減四川土司貢馬折價。十二月，開浚毛城引河。

1737 年

丁巳 清乾隆二年

正月，命減山西太谷等地屯糧。減臺灣土人交納之「番餉」。二月，遣使冊封黎維禕為安南國王。三月，減江浙白糧。五月，除湖南雜稅。六月，免廣西、湖北雜稅。命江西開鑪鑄錢。命陝西西安等處鑿井開渠，新闢水田仍照旱田升科。七月，減廣西土司貢馬折價。試續到博學鴻詞，取四人。嚴禁官吏於免賦令到以前，催比錢糧；其已納者，移作次年正賦。八月，築浙江海塘。修浚運河。閏九月，命四川革除納稅之「餘平」。浚拒馬河。禁躐躐。免江西袁州等處雜稅及南昌等處茶課。免雲南軍丁銀。

1738 年

戊午 清乾隆三年

正月，噶爾丹策零使人奉表來，言分界事；遣使報之。二月，拉達克汗上表貢獻。四月，停各省督撫進貢方物。五月，貴州定番縣苗人起事，旋敗。六月，定八旗家奴開戶例。許江蘇買洋銅。頒鐵斛。八月，修南北棧道。十月，免直隸、江蘇、安徽逋賦。十一月，立算學。十二月，除河南省雍正十三年虛報地畝額賦。發帑銀一百萬兩修江南水利。噶爾丹策零使人表奏畫界事。

1739 年

己未 清乾隆四年

二月，賜噶爾丹策零諭，論分界事。三月，免直隸、安徽、江蘇三省額賦共二百五十萬兩。六月，申濫設牙行之禁。七月，免甘肅雹災區本年額賦。安南人自稱交江王者至雲南請求安插。十二月，噶爾丹策零使人表奏分界事。

1740 年

庚申 清乾隆五年

正月，湖南綏寧等處苗民起事，年終皆敗。
二月，命直隸、山東、山西、湖南、廣東招商採煤。賜噶爾丹策零諭許四年貿易一次。
命直隸、山東挑漳水子河。三月，挑南運河。五月，命蒙古王公等將源流檔冊家譜五年進呈一次。閏六月，命浙江採買滇銅開鑄鑄錢。七月，禁售旗地。八月，廣西宜山土司起事，旋敗。九月，挑永定河成。十一月，重修大清律例成。修大清一統志成。十二月，命修松江、泰州等處海塘。

1741 年

辛酉 清乾隆六年

正月，求遺書。四月，裁貴州雜稅。五月，免臺灣通賦。以山西錢糧加耗過重，銀兩折錢過多，申誠該省官吏。六月，修直隸邊牆。申禁各省大吏草率秋審，張筵演戲。七月，貴州永從苗人起事，旋敗。九月，命雲南東川府及陝西開鑄鑄錢。十一月，世宗憲皇帝實錄及實訓成。是歲，安南莫氏居泗城府者擾亂地方，移於安徽安插。同年，惠士奇死。

1742 年

壬戌 清乾隆七年

二月，命拔貢生十二年舉行一次。誠鄉試盈收遺材。三月，噶爾丹策零進貢。四月，命廣西開鑄鑄錢。免各關征米豆稅。六月，修寧夏渠。七月，禁江南販米出洋。八月，於崖州設黎人學十三所。命大臣侍衛等凡行走齊集處皆用滿語。除福建鹽課陋規。十月，邵伯各壩工竣。十二月，免福建雍正十二年通賦。

1743 年

癸亥 清乾隆八年

四月，修醫宗金鑑成。命沿海各省嚴緝洋匪。五月，禁於野外土田阡陌相連之處種煙。改南掌國貢期十年一次。六月，准流民出口就食。高宗如盛京。九月，浙江海塘工竣。十一月，命山東將養椿蠶、柞蠶之法移咨各省，依法餵養以收蠶利。

1744 年

甲子 清乾隆九年

七月，命廣東開鑄鑄錢。免江蘇、安徽雍正十三年通賦。八月，定各省錄科名額。是歲，趙執信死。

1745 年

乙丑 清乾隆十年

正月，噶爾丹策零使人奉表請命西藏派大喇嘛至其部落。三月，定殿試傳臚之期。四月，浚江南河道。貴州開修赤水河以利運。禁地方官征糧積弊。以瞻對土司屢次攻擾，遣兵擊之。九月，禁用非法刑具。命山西丁銀攤入地畝。十月，設湖南苗疆義學。命嚴禁四川囑匪。是歲，人口一萬六千九百九十二萬餘，各省倉米穀三千五百五十八萬餘石。鄂爾泰死。

1746 年

丙寅 清乾隆十一年

三月，策妄多爾濟那木札勒使人奉表，請許派使入西藏爲其亡父噶爾丹策零作佛事。開挖場河淀等處河道。禁民人出山海關。閏三月，律呂正義後編成。浚慶雲等處河道。重修明通鑑綱目成。四月，浚海州等處河道。命江西停止編審婦女。攻瞻對事畢。六月，從雲南請，受卡瓦所獻茂隆銀場。七月，勒令在福安傳天主教之洋人回國，究治習

教魁首。八月，免江蘇賦外雜辦銀兩。十二月，策妄多爾濟那木札勒使人貢獻。

1747 年

丁卯 清乾隆十二年

正月，免山西明年全部額賦及太原等地額征本色十分之一。開福建諸島許民耕墾，旋以劣紳包攬把持，又命禁開。二月，准商人赴暹羅採購米糧、木材。三月，重刊十三經注疏及二十一史成。免安徽明年全部額賦及馬田稻租十分之三。嚴禁商人典質米穀。大金川土司莎羅奔犯邊，遣張廣泗經略之，於是金川事起。四月，免河南明年全部額賦，並免灘地、官莊、官地、義田租十分之三。五月，定各省鄉試副榜名額，放寬錄遺之限。重定各省督撫養廉銀數。以年來福建有抗租拒捕之案，山東有聚眾毆差之案，江南有罷市之案，廣東有拒捕傷人之案，山西有抗官索犯之案，下詔申儆。六月，命校刊通典、通志及文獻通考，並命編續文獻通考。小金川土司澤旺投誠。七月，准漢軍旗人在外省任便居住。禁販苗民子女。改訂金史譯音。八月，禁紳士專利把持鄉里。九月，清文韻修成。

1748 年

戊辰 清乾隆十三年

正月，准山東捐納貢監備賑。二月，高宗巡山東至曲阜，三月回。雲南奏騰越等地僮僕人起事，已敗。四月，策妄多爾濟那木札勒遣使奉貢。以金川事經年無大進展，命訥親經略之。五月，定刁民同謀聚眾毆官首從皆斬律。命安福新降厄魯特於京口。禁福建民從呂宋國天主教。七月，山東以連年饑饉，搶奪之案已五十餘起，阿里衮奏請輕辦；諭以妥慎辦理，不得一概從寬。九月，以訥

親經略金川無功，命傅恒代之。十二月，以金川事貽誤，命殺張廣泗、訥親。傅恒至軍，殺漏泄軍機之小金川土舍良吉爾及漢奸王秋。

1749 年

己巳 清乾隆十四年

正月，以金川事勞費過大，命傅恒相機結束；尋以金川請降，命傅恒撤兵。南掌進象牙。二月，大金川土司莎羅奔降。雲南巡撫圖爾炳阿呈撰金沙江志。三月，停川運捐例。四月，禁各海口銅器出洋。五月，免四川各縣額賦有差。十二月，禁各省督撫餽送欽差。五朝本紀成。是歲，文學家方苞死。

1750 年

庚午 清乾隆十五年

正月，策妄多爾濟那木札勒使人奉貢。准寧古塔流民入籍。二月，禁四川兵役侵擾番地。六月，重定滿文十二字頭音訓。命驅逐多倫諾爾携眷流民，禁蒙古與漢人為婚。七月，緬甸初稱臣奉貢。九月，準噶爾宰桑薩喇爾率屬來降，安插於察哈爾。免河南歉收地方額賦之半。高宗巡河南至嵩山，十一月回。十月，西藏珠爾默特那木札勒為駐藏大臣所殺，其部下卓呢羅卜藏札什攻殺駐藏大臣而走，旋被獲。命發兵入藏。

1751 年

辛未 清乾隆十六年

正月，以南巡，免江蘇、安徽乾隆元年至十三年逋賦及浙江本年額賦三十萬兩。免河南乾隆十四年以前逋賦。免甘肅乾隆元年至十年逋賦。高宗南巡，至紹興，五月回。二月，免兩淮鹽戶乾隆二年至十四年逋賦。準噶爾使人貢方物。五月，設西藏臺站。閏

五月，令繪苗、瑤、黎、僮等族衣冠圖。緬甸遣使來貢。八月，授保舉經學入選者諸人官。陽武河溢。十月，雲南搜集本省各族文字十四種，分彙成書進呈。十一月，安南咨請兩廣總督查訪莫氏後裔，令駁之。十二月，挑永定河下口引河。禁苗人充苗疆額兵。是歲，準噶爾內鬩，阿睦爾撒納及達瓦齊來投未果。

1752 年

壬申 清乾隆十七年

四月，溫州、臺州等地貧民搶米，命將爲首者永遠枷號示衆。許民開墾浙江南田諸島。湖北羅田民馬朝柱以符籙聚衆，謀起事於英山縣天馬寨，事泄，羅田知縣馮孫龍以開脫馬朝柱，處死，牽連及四川、安徽、河南多人，命嚴緝。七月，禁使用日本寬永錢，並禁商船攜帶進口。八月，四川雜谷土司蒼旺與鄰部構衅，勸解不聽，岳鍾琪遣兵擊降之。九月，葡萄牙來貢。是歲，厲鶚死。

1753 年

癸酉 清乾隆十八年

二月，免山東歷城等縣歷年滯征額賦。三月，命八旗軍器三年一查。四月，葡萄牙遣使貢獻。五月，增欽天監西洋監副一人。六月，申禁朝官與諸王交通。七月，劃一道員品級，罷兼布、按二司銜。禁翻譯滿字小說。八月，南河舞弊案起，河官革降、籍沒、追贓者甚多。九月，河決銅山縣。十月，免江蘇水災區額賦及逋糧。是歲，準噶爾內鬩不已，春季，台吉喇嘛達爾札攻哈薩克，被俘；達瓦齊爲台吉，別部不服，互相攻戰，杜爾伯特台吉車凌來降。

1754 年

甲戌 清乾隆十九年

正月，遣官招烏梁海。三月，免黑龍江雍正十三年至乾隆十八年逋糧。四月，修高堰堤成。五月，準噶爾台吉達瓦齊遣使來索杜爾伯特台吉車凌；嚴駁斥之，發兵備擊達瓦齊。七月，輝特台吉阿睦爾撒納爲達瓦齊所逼，來降。十一月，蘇祿國遣使貢獻，並請附入版圖，允之。烏梁海編設旗分。是歲，儒林外史作者吳敬梓死。

1755 年

乙亥 清乾隆二十年

正月，分道出兵擊達瓦齊。三月，以準噶爾各部前後來降，命人往測繪地圖。胡中藻詩獄起，四月結，被殺。琉球世子尚穆遣使入貢請封。五月，禁滿人與漢人唱和及較論同年行輩往來。以大兵至伊犁，優賞阿睦爾撒納等，並命招附哈薩克。羅卜藏丹津前自青海敗依準噶爾，至是迎降。湖北設機局織紬紗。六月，以準噶爾地方已定，令班第留駐伊犁，召阿睦爾撒納等還，時阿睦爾撒納已決意併統衛拉特四部，遷延不行。達瓦齊逃至霍集斯被回民所獲，解送大營。七月，命纂平定準噶爾方略。八月，阿睦爾撒納反清，班第等力窮自殺。十二月，定旗奴告主擬徒不准枷例。是歲，人口一萬八千五百六十一萬餘，各省倉米穀三千二百九十六萬石。張廷玉、全祖望死。

1756 年

丙子 清乾隆二十一年

正月，阿睦爾撒納奏請准其管理衛拉特四部，時已發兵擊之。二月，許駐防兵在防地置產。高宗如山東，至曲阜，三月回。兵至伊犁，阿睦爾撒納走哈薩克。五月，准商販往西北兩路軍營貿易。九月，免甘肅乾隆十

一年至十五年逋欠錢糧。 閏九月，河溢山東孫家集。 疏築東河。 十月，以哈薩克阿布賁汗不肯縛獻阿睦爾撒納，遣兆惠襲之。 十一月，孫家集決河塞竣。 改定鄉會試法。

1757 年

丁丑 清乾隆二十二年

正月，以西北一帶軍事未已，遣將發兵經略之。 免甘肅乾隆十六至二十年逋賦。 高宗南巡，至杭州，四月回。 以天津府馬廠地招民墾植。 二月，免兩淮鹽戶乾隆十七年至十九年逋欠。 三月，免杭州等府乾隆十八年至二十年逋欠。 四月，暹羅遣使入貢。 六月，段昌緒以藏吳三桂檄文加圈詳贊被殺。 彭家屏因藏明末野史焚燬滅跡，並其子皆處斬監候，家產籍沒。 彭家屏尋以撰大彭統紀賜死。 七月，免河南災區漕糧，並令疏浚溝渠以工代賑。 哈薩克汗阿布賁降。 八月，俄羅斯請由黑龍江運糧；以違約，不許。 十月，遣官督修山東運河。 十二月，准直隸收麴稅。 准呂宋船於廈門貿易。 是歲，各路兵窮搜，阿睦爾撒納走俄羅斯，致書索之。 又以回部大小和卓木博羅尼都、霍集占等不服，決派兵攻之。

1758 年

戊寅 清乾隆二十三年

正月，免甘肅乾隆十六年至二十二年逋欠。 命兆惠經略回疆，以雅爾哈善統率增援軍隊助之。 阿睦爾撒納死於痘，俄羅斯送其屍至恰克圖；遣官往驗。 招諭布魯特。 四月，免直隸霸州等地乾隆十年至二十年逋欠。 改生員歲科試法。 五月，免甘肅明年額賦。 河南開浚河道竣工。 七月，免甘肅積年民欠耗羨銀米。 布魯特來附。 十月，命伊犁撥兵屯田。 是歲，兆惠等擊大小和卓木至葉爾

羌，被圍於黑水營，至明年正月始解。 胡天游、惠棟死。

1759 年

己卯 清乾隆二十四年

正月，免甘肅明年額賦及歷年積欠。 以貽誤軍機，殺雅爾哈善。 二月，禁宗室王公以女許嫁在京旗人。 五月，遣官繪回部輿圖。 免陝西潼關等處本年額賦有差。 修浚京城內、外河渠，以工代賑。 閏六月，永定河溢。 修浙江海塘。 禁浙絲出洋。 七月，兆惠等次第攻下同疆諸城，奏定設官、駐兵及徵稅、鑄錢辦法。 九月，大小和卓木被追，奔巴達克山部，小和卓木被殺，大和卓木被俘，巴達克山汗素勒坦沙不欲交獻，令兆惠等迫索之。 尋素勒坦沙又殺大和卓木，以二人首級獻於軍前，並請降附。 至此，天山南北路遂皆入版圖，命將軍駐伊犁總統兩疆。 十一月，命屯田於庫車，建關展等處倉堡。 十二月，御史史茂請禁花檔小唱，被斥。 嚴禁絢緞錦絹出洋。 是歲，顧棟高死。

1760 年

庚辰 清乾隆二十五年

正月，命屯田於烏魯木齊。 浩罕、巴達克山、布魯特各遣使入覲。 四川大吏以各省人來居者日多，奏請設法限制；不許。 定布魯特等部入回疆貿易稅率。 命將在京安插降回人另編佐領。 三月，於伊犁屯田。 六月，免甘肅本年及明年耗羨銀兩。 巴勒提部請歸附，並請仍在葉爾羌貿易。 七月，命葉爾羌、和闐除年貢玉外，不得勒令採辦。 十一月，准阿克蘇照葉爾羌例，開鑄普爾錢。 准墾肅州邊外荒地。 南掌來貢。

1761 年

辛巳 清乾隆二十六年

二月，安南來告哀並請封；遣使封黎維禩爲安南國王。雲南奏安南沙匪入界滋擾，遣兵會同安南兵擊之。三月，南掌國來賀太后壽。四月，命瑪納斯等處屯田，並設烏魯木齊至伊犁臺站。六月，弛貴州漢苗結婚之禁。七月，河溢祥符。八月，命停運河南漕糧。九月，雲南奏安南沙匪已敗散。十月，俄羅斯交還逃犯。貴州奏種棉、苧及養蠶事已著成效。十一月，免河南漕糧漕項有差。

1762 年

壬午 清乾隆二十七年

正月，高宗南巡，免江蘇、浙江、安徽歷年緩征及未完地丁各項，至海寧，五月回。三月，命直隸浚河築堤以工代賑。四月，諭安南國王以後接詔仍遵舊禮；至餽送使臣免去程儀銀兩。五月，允英吉利商人之請，許其每船買土絲、二蠶湖絲八千斤；仍禁頭蠶湖絲及綢緞出口。閏五月，緬甸桂家宮裏雁前敗奔雲南孟連，憤土司勒索，殺之並家口等八十餘人，逃猛養被捕，旋命殺之。十月，愛烏罕汗遣使奉貢。命直隸開通溝洫。是歲，共口二萬零四十七萬餘，存倉米谷三千四百零九萬三千餘石。

1763 年

癸未 清乾隆二十八年

正月，浚直隸河道。以愛烏罕汗、巴達克山、霍罕、哈薩克各遣使入覲，賜之敕書。二月，河南奏挑浚河道竣事。五月，應朝鮮王李吟請，遣使冊封其孫李祘爲世孫。六月，禁洞庭湖濱私築民隄。七月，命北方各省廣栽臥柳。八月，湖南奏修嶽麓書院。九月，命科布多屯田。十二月，允琉球請，許購土絲、二蠶湖絲八千斤，餘仍照例禁運。

1764 年

甲申 清乾隆二十九年

三月，弛蠶絲出洋之禁。九月，命朝鮮王約束所屬，勿令越界生事。十月，停山東歲進牡丹。十一月，令重修大清一統志。是歲，以俄羅斯於互市時違約課稅，又有他種欺蔽，詔停恰克圖貿易。紅樓夢作者曹雪芹死。

1765 年

乙酉 清乾隆三十年

正月，高宗南巡，至海寧，四月回。以南巡，免江蘇、浙江、安徽多項逋欠。閏二月，烏什回民以不堪苛虐，起事反抗，殺官，焚庫，越六月敗。五月，哈薩克使人入覲。八月，黑龍江將軍奏調查格爾畢齊河源情形。河南奏整理境內運河情形。十一月，陝甘總督奏巴里坤一帶墾闢情形。十二月，以蒙古土謝圖郡王與辦事大臣丑達私與俄羅斯貿易，削土謝圖王爵，殺丑達。四川金川土司攻擾黨壩等處。緬甸北部莽子侵擾猛捧等土司地，雲南兵攻之，不利。

1766 年

丙戌 清乾隆三十一年

正月，詔自今年至乾隆三十五年輪免各省漕糧。以雲貴總督劉藻對於莽子事措置乖方，遣楊應琚代之；三月，藻自殺，應琚至，莽子敗潰，招亂之孟艮土司召散等逃緬甸，派人索之。四月，以莽子事平，免雲南普藤等十三土司額征銀米。七月，聽雲南民耕墾山麓河濱，概免升科納糧。八月，河溢銅山縣。九月，楊應琚以緬甸收納召散，又常擾邊境，請攻之。四川奏查辦金川首領郎卡與各土司互闕事。臺灣攸武乃社土人起事，旋敗。

十一月，楊應琚遣兵攻緬甸。十二月，大清會典成。

1767 年

丁亥 清乾隆三十二年

正月，楊應琚奏入緬甸勝利及緬王弟請降情形，中多矛盾。二月，開館修續通志、通典及改訂所修續文獻通考。三月，以雲貴總督楊應琚經營緬事欺飾，令明瑞代之，嗣令楊應琚自盡。四月，挑浚鳳河。攻緬之軍退至龍陵。五月，免雲南土司本年銀糧。六月，挑浚徒駭河成。嚴定蒙古盜賣牧場馬匹罪。閏七月，派人乘商船至暹羅諭嚴防緬甸。八月，哈薩克與霍罕交戰，遣使入貢並請賜大炮以攻霍罕，諭解之。九月，明瑞督師攻緬甸，十二月，深入，過天生橋，他路額勒登額反退至旱塔。

1768 年

戊子 清乾隆三十三年

正月，明瑞陣亡，入緬之軍敗退，額勒登額以逗留貽誤，五月，凌遲處死。七月，禁哈薩克等轉販俄羅斯貨物於內地貿易。八月，以俄羅斯邊照新擬通商條規，准仍在恰克圖通商。以甘恩敕（即鄭昭）乘暹羅為緬甸所殘，自立為王，欲求封冊，駁斥之。十月，臺灣民黃教起事。十二月，清查浙江沿襲明代之勳田，令依照民田一體納糧。自十月以後，攻緬軍事，由阿里衮、阿桂指揮，略有進展。是歲，齊召南死。

1769 年

己丑 清乾隆三十四年

正月，遣傅恒經略攻緬軍事。二月，弛洋船帶硫磺入口禁。三月，臺灣民黃教敗死。五月，安南莫氏後裔黃公績為黎氏所逼，來

投。七月，傅恒督師入緬。趙三於普洱起事，景緣、孟艮二土司與之合。禁廣東私鑄唐、宋、元、明古錢。十一月，以入緬弁兵病死太多，傅恒染瘴，緬甸王孟駁遣使詣軍請降，命撤兵許和，定十年一貢。是歲，共人二萬一千二百零二萬餘口，倉穀三千七百五十七萬餘石。

1770 年

庚寅 清乾隆三十五年

正月，命自今年輪免各省錢糧一次。平定準噶爾方略成。三月，允木邦、蠻莫土司請，遷於大理、蒙化，以避緬甸苛斂。免直隸乾隆三十一年至三十三年各項逋欠。四川小金川及沃日土司互鬭。五月，古州黨堆苗民起事，旋敗。六月，禁奉差兵丁私買人口。七月，暹羅王裔詔萃以丕雅新（即甘恩敕，亦即鄭昭）據其國，請令緬甸助其恢復，駁斥之。十月，改定捐例。禁宗室王公容留僧道星相人。

1771 年

辛卯 清乾隆三十六年

二月，高宗東巡，至曲阜，四月回。六月，衛拉特四部之土爾扈特部自俄羅斯來投。小金川土司內鬭，遣兵攻之，於是金川軍事復起。八月，暹羅丕雅新（即鄭昭）解送所俘「花肚番」（緬甸）頭目；命賜緞匹。朝鮮國王李昞以朱璘明季輯略及陳建皇明通紀記事多誣，遣使請予刊削，諭以二書一已禁毀，一未見傳本，命於其國中自行查禁。九月，命溫福經理金川軍事。十二月，命修遼金元三史語解及改三史中譯音。

1772 年

壬辰 清乾隆三十七年

正月，命各省督撫、學政購訪遺書，嗣是遂修四庫全書。免山西額征兵餉米豆等有差。四月，免甘肅歷年民欠。六月，停五年編審之制。是歲，攻小金川雖破碉卡不少，但傷亡亦重。

1773 年

癸巳 清乾隆三十八年

二月，命自永樂大典等書中輯佚書。三月，免直隸乾隆三十三年至三十五年通賦。六月，命撰日下舊聞考。溫福攻金川，陣亡於木果木，命阿桂代之。時前所奪取小金川諸要地多失，越半年始又次第攻克。是歲，共人口二萬一千八百七十四萬餘，倉存米穀四千一千二十四萬餘石。杭世駿死。

1774 年

甲午 清乾隆三十九年

三月，禁民間私製藤牌。七月，太監高雲從以結識囑托官員被殺，牽連者貶革有差。八月，河溢老壩口。白蓮教首領王倫等起事於壽張、監清等處，逾月敗死。十月，命各省行保甲法。十一月，免四川各府廳州縣歷年額賦有差。令各地獻明末、清初書之有違礙者。十二月，命纂勦捕臨清逆賊紀略。遣官浚淮安河渠。是歲，共人口二萬二千一百零二萬餘。金川事，因疊破要地，已近尾聲。

1775 年

乙未 清乾隆四十年

六月，封禁廣西由村隘口；七月，禁廣西商民出口貿易。停止內地查禁鳥槍。八月，攻下大金川根據地勒烏圍。九月，暹羅國王鄭昭由商船行文廣東，請給硫磺鐵炮以攻緬甸，令許購硫磺鐵鍋，不准予炮，並言攻緬甸事任

其自便。十月，保定等府水災，賑之。十一月，定奉天、山東沿海文武官失察流民私行渡海例。從安南請，停沿邊互市，並令協禁越界私行貿易者。是歲，人口二萬六千四百五十六萬餘。

1776 年

丙申 清乾隆四十一年

二月，大金川首領索諾木莎羅奔等降。金川軍事，首尾將六年，至是始結。因於兩金川地置兵設官。免通州等地未完錢糧。高宗東巡至曲阜，四月回。三月，免山東鄒平等州、縣各項民欠。八月，遣使冊封朝鮮國王李祘。十月，禁各省督撫除土貢外，不得進獻他物。禁水烟。十一月，以倪宏文除欠英吉利商人貨銀不還，有司所判刑名不合事，申誠各將軍督撫，對待外國及境內苗、彝等人宜秉公待遇，不可壓抑。十二月，命於國史立貳臣、逆臣傳。暹羅國王鄭昭由商船行文廣東請購硫磺，並欲夾攻緬甸，命售與硫磺，至攻緬甸事聽其自行。緬甸遣使投文雲南，請送還前拘諸人，准予開關互市，如約進貢。禁流民入吉林。

1777 年

丁酉 清乾隆四十二年

正月，免甘肅乾隆二十三年至三十五年之民欠。哈薩克汗阿布賁請獻塔什罕，駁斥之。二月，黃河引河開成。四月，令廣東嚴禁洋船運棉進口。七月，暹羅遣使進貢，並押送緬甸俘虜。命甘肅人往烏魯木齊墾地者，照例咨送。八月，浚淮揚運河。十月，王錫侯字貫獄起。十一月，高晉請武舉考試，改舞刀爲鳥槍。諭以如此則民間多習火器，於事有礙，不准。甘肅河州民王伏林等念經傳教，拒捕傷差，旋皆或死或俘。朝鮮以與洪

相範之獄，請協查逃人。是歲，戴震死。

1778 年

戊戌 清乾隆四十三年

五月，命浚衛河上游及汶水。閏六月，河溢祥符；七月，又漫於儀封、考城。高宗如盛京，九月回。九月，徐述夔詩獄起。駐葉爾羌辦事大臣高樸以苦累回民，就地正法。

十一月，免奉天今、明年額征米豆。徐述夔案結，本身戮屍，子孫斬監候。

1779 年

己亥 清乾隆四十四年

四月，智天豹以編造年號，被殺。五月，於齊齊哈爾添設官屯。六月，免甘肅乾隆二十七年至三十七年逋賦。漳河溢漫。

1780 年

庚子 清乾隆四十五年

正月，高宗南巡，至海寧，五月回。免山東歷城等處逋欠。二月，免兩江乾隆四十三年以前逋賦。修黃河引河成。四月，免山西牧厂地畝額銀有差。七月，班禪額爾德尼入覲。永定河溢。東河蔡家莊河溢。汶水決。

1781 年

辛丑 清乾隆四十六年

二月，四庫全書總目提要進呈。三月，尹嘉銓文字獄起，旋被處絞。甘肅回教徒馬明心創新派，與舊派水火，嗣馬氏被捕，其徒黨循化蘇四十三等起事，據河州，攻蘭州；遣阿桂攻之。五月，申誠督撫嚴禁門包及押席銀。閏五月，熱河志成。甘肅大舞弊貪污事發，貶殺多人。六月，哈薩克汗阿布賁死，使人弔祭並封其子幹里蘇勒坦。河溢邳睢。免

陝西各府民欠。蘇四十三敗死。七月，暹羅國王鄭昭請入貢，並請赴廈門、寧波等處貿易，購買銅器，許其進貢，他不准。南掌多貢馴象，請賜炮位工匠及馬騾驢羊；命還其餘象，賜馬騾等，不予炮位。四川奏捕獲囑匪情形。九月，江西信豐民蕭維富等以創立教門傳布，戮屍，斬、流有差。江蘇沛縣河溢。

1782 年

壬寅 清乾隆四十七年

正月，命江蘇查禁烏槍。停止伊犁向內地販賣貨物。第一分四庫全書成。三月，免甘肅積年逋賦。四月，山東巡撫國泰大貪污案起，嗣令自盡。改譯遼、金、元三史成。六月，罷河州鄉勇並收繳私藏槍械。七月，查黃河源事竣。八月，暹羅國王鄭華遣使來貢且告嗣位事。十一月，第二分四庫全書成。

1783 年

癸卯 清乾隆四十八年

正月，霍罕遣使朝獻。開鎮江新河。三月，黃河新開河成。五月，免甘肅乾隆三十六年至四十六年滯征錢糧。七月，高宗如盛京，九月回。十月，命黃河沿隄種柳，申禁近隄取土。

1784 年

甲辰 清乾隆四十九年

正月，高宗南巡至杭州。免直隸、山東三十餘府州縣逋賦。二月，免江蘇、安徽逋賦。免兩淮鹽戶乾隆四十五年至四十六年逋欠。三月，免湖北江夏等州縣乾隆三十年至四十四年逋賦。四月，命烏魯木齊行保甲法。免陝西、甘肅乾隆三十八年至四十六年逋賦。

甘肅新教回民田五等起事，田五旋敗死，別部據石峰堡抵抗，遣阿桂等攻之。布魯特首領阿其睦，以交通大和卓木之子薩木薩克被捕，並令窮搜。五月，江西巡撫郝碩以勒派屬員銀兩，賜死。七月，石峰堡破，新教回民起事至是敗潰。八月，睢州河溢。暹羅遣使進貢，請封。是歲，蔣士銓死。

1785 年

乙巳 清乾隆五十年

正月，舉行千叟宴。二月，免江南江寧等府乾隆四十七年以前逋欠。山東八閘河工成。三月，免直隸霸州等州縣乾隆四十七年以前逋欠。重修盧溝橋。四月，申誠督撫不得縱容西藏來京喇嘛恣肆詐冒，旋訂護送照料喇嘛章程。五月，浚河南賈魯、惠齊二河。七月，定漕船攜帶貨物規程。令福建送番薯苗至河南種植；八月，又令鈔傳陸燿所著甘薯錄，令山東、河南、直隸栽種。十二月，續修大清一統志並遼、金、元三史國語解成。命廣東洋商以後不准呈進貢物。

1786 年

丙午 清乾隆五十一年

二月，石峰堡紀略成。五月，以河南連年荒歉，賣地者多，山西富豪紛至河南，放債收利，賤折地畝，命河南巡撫畢沅定立規程，將此項賤賣之田，歸還原主。七月，清口河溢。閏七月，暹羅國王鄭華入貢請封，並請在廣東置備銅甲以禦緬甸，其請置銅甲事不准。十一月，免新疆屯練民戶乾隆五十一、二年未完牛糧。臺灣天地會首領林爽文等起事，遣兵攻之。

1787 年

丁未 清乾隆五十二年

正月，林爽文攻臺灣府城，不克。二月，遣常青赴臺灣指揮。三月，林爽文攻鹿仔港，不克。五月，安南國王黎維祔以印信遺失，咨請兩廣總督奏予補給，不許。六月，命福康安赴臺灣督辦軍事。東河睢州下汛河溢。八月，江南周家溝等處河溢。九月，黎維祔再請頒給印信，以手續不合，駁之。十月，勘查昌平硫磺礦，准繼續開採。十二月，改定鄉會試條例。

1788 年

戊申 清乾隆五十三年

正月，林爽文兵敗被俘，解京磔死。二月，定臺灣獲盜首從皆斬例，五年後再改從舊例。三月，申禁考試舞弊。四月，緬甸國王孟暎遣使奉表貢寶石、馴象。六月，廣西奏安南國王黎維祔為阮文惠所逼出走，其母來投並請救。旋命兩廣總督孫士毅赴廣西籌辦安南事。七月，荊州江決。安南阮文惠遣使請入貢，不許。廓爾喀巴勒布以西藏加增稅課，起兵入犯，駐藏辦事大臣發兵擊之。九月，禁州縣私立班館，私置刑具。十月，命孫士毅督師進擊阮文惠，並鑄印備封黎維祔，十一月，大軍出動，十二月入東京，黎維祔始來軍門，即封為安南國王。

1789 年

己酉 清乾隆五十四年

正月，安南阮文惠襲入東京，孫士毅撤入關內，黎維祔奔廣西。以福康安代孫士毅經理安南事。阮文惠旋遣使請和。以西藏聶拉木第巴桑干私增稅課，致招廓爾喀巴勒布舉兵內犯，奪職，發配。二月，以格綳額索取和闐等處伯克銀兩、皮張，命就地正法。三月，廓爾喀巴勒布敗還，旋請降。阮文惠改名光平，一再請和、請封入貢，五月，許之。

命黎維祁薙髮易服，嗣編旗爲佐領。六月，於後藏訂設站定界規程。十月，冊封阮光平爲安南國王。

1790 年

庚戌 清乾隆五十五年

正月，以高宗八十歲，普免全國錢糧。重刻石鼓置於北京國子監及熱河文廟。安南遣使入貢並請購人參。二月，緬甸國王孟隕遣使入貢，祝壽並請封。高宗東巡至曲阜，四月回。三月，臺灣獅子等社土人首領請入京祝壽。四月，清丈盛京邊荒，分賜旗人無田者。耿馬土司貢象祝壽。五月，免西藏所屬三十九部錢糧。六月，冊封孟隕爲緬甸國王。七月，安南國王阮光平覲見。八月，暹羅國王鄭華遣使入貢祝壽。九月，改訂西藏管理規程。是歲，人丁三萬零一百四十八萬餘口，倉存穀米四千五百四十八萬餘石。

1791 年

辛亥 清乾隆五十六年

三月，命浚永定河支河及徒駭、馬煩河與支河。哈薩克汗幹里蘇勒坦遣子入覲，並奏報俄羅斯、土爾扈特情形。四月，黎維祁隨員黃益曉等以愆憑回國，被發往伊犁、熱河等處。六月，安南遣使謝並進貢。八月，廓爾喀犯後藏，占札什倫布等地大掠。九月，以西藏行使廓爾喀錢，令開鑄鑄錢，斷禁外幣。安南遣兵協平海盜。十月，俄羅斯請開市；許之。十一月，命福康安赴西藏督師擊廓爾喀。刻蔣衡所書十三經，置於國子監。十二月，定西藏事由辦事大臣與達賴喇嘛會商辦理，噶布倫不得專擅。

1792 年

壬子 清乾隆五十七年

二月，改河東鹽課歸入地丁。三月，免河南逋賦。五月，定安南二年一貢，四年一遣使朝覲。福康安攻入廓爾喀界；七月，廓爾喀請降，送還前掠札什倫布之物。九月，定廓爾喀五年一貢。頒金奔巴瓶於西藏。十月，高宗作十全武功記。十一月，弛貧民出關禁。廓爾喀遣使貢象、馬。

1793 年

癸丑 清乾隆五十八年

正月，定西藏善後章程。封安南國世子阮光纘爲安南國王。二月，定西藏與廓爾喀互市規程。三月，改訂達賴、班禪及大呼圖克圖呼畢勒罕選擇用金奔巴瓶抽籤法；並於北京雍和宮別頒金奔巴瓶備蒙古各地大呼圖克圖推擇之用。八月，英吉利遣使馬戛尼入覲，請派人居中國管理貿易，又請至寧波、天津等處互市，不許。十月，安南遣使謝並進貢。

1794 年

甲寅 清乾隆五十九年

正月，免直隸、山東、河南歷年緩征銀十分之三。六月，查禁小錢，命雲南、貴州停止鑄錢。以外省州縣衙役有至千餘名者，命督撫嚴爲裁革。七月，直隸水災，振之。八月，禁鹽政令商人供應飯食銀及雜費銀。以金川曠地給降番耕種，免賦稅。四川大寧謝天繡、湖北竹谿王占魁、陳金玉以傳習邪教被捕，起解途中，教徒殺差役，奪走陳金玉，嗣捕獲教首劉松，供出安徽太和劉之協，於是令各省窮搜。十月，荷蘭遣使來覲。安南請查究逃人農福福等。十一月，以劉之協被捕至扶溝逃脫，革河南巡撫穆和蘭職。

1795 年

乙卯 清乾隆六十年

正月，免江西乾隆五十七、五十八、五十九年緩征銀穀。與荷蘭國王書。貴州松桃苗民石柳鄧、湖南永綏苗民石三保等起事，二月，遣福康安督師擊之。三月，臺灣陳周全等起事，旋敗。四月，平定廓爾喀紀略成。五月，除西藏三十九部民貢馬銀。禁達爾達木圖等地開金廠。六月，命福建、浙江會緝洋盜。福建虧空案發，嗣總督伍拉納、巡撫浦霖處斬，道、府、州、縣獲罪者甚多。八月，賜南掌、緬甸敕諭。九月，立皇十五子嘉親王顥琰爲皇太子，於明年元且爲皇帝，改元嘉慶，並輪免各省錢糧。十二月，英吉利王隨商船奉表獻物。是歲，福康安攻下苗寨甚多。盧文昭、錢澧死。

1796 年

丙辰 清仁宗睿皇帝顥琰嘉慶元年

正月，高宗爲太上皇帝，仁宗即位。鑄嘉慶通寶錢。白蓮教徒聶傑人等起事於湖北枝江、宜都；遣兵擊之，二月，聶傑人被俘死，惟其徒黨仍繼續抵抗。五月，福安康死。洋盜首領張表率四百餘人投降，繳船隻炮械。六月，苗民首領石三保被俘。查禁新疆產金之地，勿令聚衆生事。免湖北、河南用兵地帶額賦。江南豐汛六堡河溢。十一月，苗民首領石柳鄧被俘死，其根據地皆破。是歲，白蓮教徒自聶傑人被俘後發展及於湖北、河南、陝西、四川四省毗連地區，雖數有小敗，但勢力仍大。邵晉涵死。

1797 年

丁巳 清嘉慶二年

正月，俘獲洋盜羅亞三，供稱在海洋劫掠者有安南總兵十二人，船百餘隻。白蓮教軍破東鄉。暹羅遣使入貢。四月，命疏浚靈璧縣澮股河、鳳臺縣裔溝河、豐沛二縣順隄河、食

城河。五月，諭安南國王協緝洋匪。貴州南籠府仲苗起事，遣兵擊之，逾七月敗。七月，永定河溢。洋盜首領林發枝投降。八月，碭山楊家壩、山東曹汛壩河溢。是歲，白蓮教軍活動地域擴大。王鳴盛、袁枚、畢沅死。

1798 年

戊午 清嘉慶三年

三月，白蓮教軍首領齊王氏、姚之富等敗死。五月，免福建遠年通糧。六月，回部嬌裔薩木薩克投降。七月，貴州黑苗民攻破營卡。八月，白蓮教首領王三槐被俘，解京磔死。江西寧都習教者起事，其首領劉聯登旋戰死，遂敗。九月，睢州上汛河溢。十二月，白蓮教首領羅其清被俘，死。是歲，白蓮教軍重要首領雖多死，但勢未大衰。

1799 年

己未 清嘉慶四年

正月，高宗死。下大學士和珅於獄，旋賜死，其黨羽貶降有差。命勒保總統攻白蓮教軍事。二月，弛葉爾羌、和闐玉私售之禁。以查鈔和珅家人呼什圖米糧一萬一千餘石分賑文安、大城二縣水災。三月，白蓮教軍首領冷天祿戰死。六月，遣使冊封琉球國王尚溫。七月，白蓮教軍首領包正洪戰死。江南碭汛那家壩河溢。八月，白蓮教軍首領龔文玉、卜三聘被俘。革勒保職，命額勒登保代之。洪澤湖決。九月，白蓮教軍首領阮正隆戰死。十月，白蓮教軍首領張漢潮戰死。命各省實力編查保甲。十一月，免葉爾羌挑河回民額征普爾錢十分之五。十二月，白蓮教軍首領王登廷被俘。

1800 年

庚申 清嘉慶五年

二月，白蓮教軍首領王金桂戰死。三月，白蓮教軍首領冉元天被俘。四月，白蓮教軍首領雷世旺被俘。浚直隸忙牛河、黃家河、北村河及新安等八州縣河道。雲南保黑起事經年，至是敗降。禁貴州學政收紅案陋規。五月，白蓮教軍首領劉允恭戰死。命浙江截堵艇匪蔡牽等。六月，四川總督魁倫以貽誤軍機賜死。劉之協在河南寶豐圖謀起事，被捕磔死。八月，白蓮教軍首領伍金柱戰死。九月，陝西咸寧等處旱災，振之。是月，白蓮教軍首領唐大信、趙麻花等戰死，張子聰被俘。十二月，白蓮教軍首領楊開泰、齊國謨等戰死。

1801 年

辛酉 清嘉慶六年

正月，白蓮教軍首領張世龍、高二生、徐萬富等前後戰死。二月，白蓮教軍首領王士虎戰死，王廷詔被俘。四月，免四川遂寧等州縣明年額賦。白蓮教軍首領高三、馬五被俘，張允壽戰死。貴州銅仁苗民起事，旋敗。六月，永定河溢。白蓮教軍首領徐天德溺死，張天倫被俘。免直隸水災區額賦有差。七月，白蓮教軍首領王鎮賢戰死，徐天壽、王登高被俘。振甘肅旱災。八月，白蓮教軍首領劉清選、冉天四、冉學勝被俘。九月，命續修大清會典。十月，白蓮教軍首領辛斗被俘，龍紹周戰死。十一月，洋盜陳天保投降，繳呈安南所給總兵印敕。以攻白蓮教軍事已近尾聲，令籌劃安插鄉勇。白蓮教軍首領高見奇被俘。十二月，朝鮮貢使附奏邪黨傳洋教事。是歲，文史通義等書作者章學誠死。丁口二萬九千七百五十萬餘人，倉存米穀三千零四十八萬餘石。

1802 年

壬戌 清嘉慶七年

正月，白蓮教軍首領辛聰被俘。二月，雲南維西彝人及僮僕人聯合起事，越三月敗。白蓮教軍首領李彬被俘。三月，白蓮教軍首領張天倫、魏學盛、龔其堯戰死，老教師李世漢等被俘。申禁州縣征收漕糧私行折色。英吉利船泊零丁洋欲登陸，勒止之。四月，白蓮教軍首領魏洪升、張喜被俘。六月，白蓮教軍首領樊人傑溺死。七月，白蓮教軍首領劉朝選被俘，苟文明戰死。八月，安南農耐、阮福映入東京，遣使進表入貢，並解送阮光纘所委總兵封王之廣東盜匪三人。定巡查與俄羅斯交界卡倫之制。白蓮教軍首領蒲天寶戰死。廣東博羅天地會起事。九月，白蓮教軍首領唐明萬戰死。十月，禁番役子孫出仕應試。廓爾喀遣使入貢。十一月，白蓮教軍首領陳侍學、葉二、景英被俘。十二月，安徽宿州民起事，旋敗。以白蓮教軍基本潰滅，大行封賞。是歲，張惠言死。

1803 年

癸亥 清嘉慶八年

正月，命伊犁廣開屯田，無耕牛者，官給之。閏二月，白蓮教軍首領宋應伏被俘，曾芝秀、劉渣鬍子戰死。廣東天地會自去歲八月起事，至是潰敗。四月，免陝西、甘肅用兵區域通賦。安南阮福映請封並請改國號為南越。命改為越南。白蓮教軍首領張世虎被俘。五月，禁直隸等處入携眷出關。免河南用兵區域通賦十分之五。白蓮教軍首領趙聰觀、熊老八被俘。六月，封阮福映為越南國王。七月，禁民人携眷私渡山東海口。八月，定流民耕墾蒙古土地法。九月，東河彭家樓河溢。十月，定青海蒙古人和番入地

衆及交易規程。十一月，再禁番役子弟出仕應試。十二月，洋盜鄭一烏、石二等取廣東水師於雷州海面。

1804 年

甲子 清嘉慶九年

二月，許黎維祁歸葬，並許隨其來歸之安南人回國。六月，減各省諸關盈餘稅課。洋盜蔡牽攻擾臺灣鹿耳門，在溫州洋面大敗官兵；七月，以浙江提督李長庚爲總統督水師以擊之。九月，白蓮教軍自起事至是八年，全部潰滅。是歲，錢大昕死。

1805 年

乙丑 清嘉慶十年

二月，英吉利隨商船進表獻物。三月，令管理西洋堂務大臣稽察西洋人私刻書籍及與內地人往來交結。四月，以西洋人德天賜私刊書籍傳教，送熱河圈禁，寄信之陳若望，信天主教之劉朝棟等發往伊犁與厄魯特人爲奴，所刻書籍版本，查出銷毀，失察官吏議處。五月，立定稽察西洋書章程。六月，永定河溢。七月，仁宗如盛京，九月回。十月，賜英吉利王書。十一月，以澳門西洋教士派人赴各省傳教，令廣東督撫飭地方官嚴爲稽查。修皇朝詞林典故成。十二月，以擅准俄羅斯船在廣東貿易，將粵海關監督等分別議處。蔡牽自稱鎮海王，攻入臺灣鳳山，嘉義民洪四老與起應之。是歲，紀昀死。暹羅遣使來貢。

1806 年

丙寅 清嘉慶十一年

正月，以賽沖阿爲欽差大臣，赴臺灣督辦軍務。以越南興化鎮將擅請劃還六猛地方，令傳知越南國王阮福映嚴懲之。三月，命挑江

蘇、淮揚下游歸江河道。七月，陝西寧陝兵變，攻擾旁近諸縣，命德楞泰督兵擊之。是歲，春末，李長庚大破蔡牽於臺灣，自是蔡牽遂與李長庚追逐於福建、浙江洋面，蔡雖數敗而勢未衰。

1807 年

丁卯 清嘉慶十二年

正月，四川綏定兵變，旋定。陝西西鄉營兵變，旋定。二月，蔡牽敗走廣東洋面，命廣東攔堵。申禁百官與諸王交通。三月，高宗實錄、聖訓成。四月，甘肅大通縣番民攻擾，遣兵擊之，九月定。申禁地方官擅造非刑。七月，遣使冊封琉球中山王尚灝。九月，以暹羅商船雇華人營運，諭其國王鄭華禁止之。挑張家灣一帶北運河。十月，禁漢人私入番地及蒙古人改服番裝。浚南運河各減河。十二月，李長庚追擊蔡牽，戰死。是歲，金石萃編等書作者王昶死。

1808 年

戊辰 清嘉慶十三年

三月，免直隸嘉慶十一年以前逋十分之二，又免民欠旗租銀。四川峨嵋縣界外土人攻擾，遣兵擊降之。六月，江蘇運河溢於蓮花塘，嗣又溢於七里溝。七月，英吉利兵船泊香山縣洋面，派兵分據澳門炮臺，命嚴責令退出。九月，禁民私出奉天府法庫門開墾。十一月，英吉利船退出澳門，以兩廣總督吳熊光應付過軟，革職。

1809 年

己巳 清嘉慶十四年

正月，緬甸致文雲南謂九龍江土司亦爲其所屬，駁斥之。內務府大臣廣興以貪婪處絞，牽連多人貶革有差。二月，海盜朱漬戰死。

五月，訂廣東外洋商人貿易章程。六月，倉場舞弊案發，貶革多人。海盜朱渥攻擾廣東南澳等地。九月，蔡牽敗死於浙江洋面。九月，俄羅斯請於明年冬季在恰克圖地方商辦一切事宜。十月，安南遣使賀壽並進方物。十一月，朱渥投降，繳船四十餘隻，銅鐵炮八百餘尊。十二月，分別開豁安徽池州、徽州、寧國三府世僕。洋盜郭婆帶拘其同伙船械投降。是歲，洪亮吉、凌廷堪死。

1810 年

庚午 清嘉慶十五年

二月，命江、浙試辦海運，尋以用費過大，未行。命直隸、山西每年查明出口人數造冊報部。三月，命查禁鴉片。洋盜張保仔、香山二等繳船、械投降。四月，以熱河一帶由關內移來民戶漸多，層都統以理之。洋盜沈帶繳船、械投降。五月，命籌辦直隸水利。六月，甘肅旱，振之。洋盜烏石二等被俘，東海霸投降。七月，永定河溢。蔡牽殘部繳船、械投降。修黃河雲梯麗海口。八月，直隸水，振之。十月，江南高堰山圩兩隄壩決。嚴禁發遣為奴犯人贖身。十一月，申禁流民出關，令蒙古盟長報告已墾地畝及租地民戶，並禁再招人佃種。十二月，勦平三省邪匪方略成。

1811 年

辛未 清嘉慶十六年

閏三月，仁宗如五臺山，免山西額賦十分之三。四月，修直隸任邱各州縣千里長隄並雄縣疊道。七月，令各省查禁西洋人並禁民人習天主教。八月，新疆回民沙朶斯等以暗通大和卓木後裔玉素普，被捕。是歲，丁口三萬五千六百一十一萬餘人，倉存米穀三千三百三十九萬餘石。

1812 年

壬申 清嘉慶十七年

正月，允廓爾喀國王請，派噶箕頭目奉貢至京。三月，李家樓大工完，河歸故道。哲孟雄請賜藏地莊子一所，駁斥不許。五月，梁州董懷信等以傳金丹八卦教被捕，命嚴搜徒黨。六月，改訂吉蘭泰鹽務章程。七月，命各省嚴查私造非刑。八月，挑阜寧縣救生河。

1813 年

癸酉 清嘉慶十八年

正月，廓爾喀遣使入貢。以雲南緬寧界外土目張輔國抗命，擊破之。五月，河南、山東旱，振之。六月，申禁宗室、覺羅與漢人為婚。直隸順德等府旱，振之。命修明鑑。伊犁將軍晉昌以干預俄羅斯與哈薩克之爭，降調。七月，申禁鴉片，定官民吸食者罪。九月，天理教徒起事於直隸長垣、河南滑縣、山東定陶、曹縣，破城殺官，總教首林清指揮徒眾攻襲禁城，失敗被捕，磔死。十月，以漢軍旗人有參加天理教者，命直隸屯居漢軍旗人聽州縣管轄，編入保甲。定陶、曹縣為山東兵奪下。十一月，浚山東運河。天理教首領李文成等敗死。十二月，陝西岐山縣饑民以萬五為首據三才峽起事，逾月敗。滑縣破，天理教首領死者三、俘者三。是歲，錢大昭死。

1814 年

甲戌 清嘉慶十九年

正月，以西洋商人賄通洋行商人，每年偷運銀兩一百餘萬出洋，命訂章嚴禁。二月，停雲南貢銅鑪，浙江貢嘉鑪、湖鑪，兩淮貢銅火盆。霍罕請於新疆派人管理貿易，嚴駁斥。

之。閏二月，輯全唐文成。三月，裁減江蘇、江西、浙江、福建、湖北、湖南、山西、四川、廣東、廣西、雲南、貴州及漕標、河標兵額。四月，涼山彝人以款收，攻擾東鄉縣等處。十月，安徽廬州等府水，振之。江西民胡秉輝等擁朱毛匪爲主，稱後明晏朝年號，事洩，死十七人，流遣三十餘人。十一月，命河南、安徽查拿紅鬍捻子手。命開墾吉林所屬拉林夾信溝荒地。以英吉利船曾於八、九月間闖入虎門，又英人司當東留居澳門，命廣東查究。定整飭洋行及限制外洋商船規程。以浙江杭州等府旱，命浚西湖以工代振。是歲，程瑤田、趙翼死。

1815 年

乙亥 清嘉慶二十年

二月，廓爾喀與披楞（英國）構兵，請助金銀，駁斥之。三月，定搜查洋船鴉片章程。五月，命開墾吉林拉林及雙城子荒地。七月，中瞻對土目洛布七力攻擾，擊破之。八月，命河南查禁紅鬍捻子手不必用兵。九月，安徽和州戩士龍以用九龍獸印散布匿名揭帖，又造時憲書經卷，被捕，牽連多人。塔什密里克同民孜牙墩結布魯特人謀據新疆南部，遣兵擊俘之，處死。十月，西洋人蘭月旺以違禁潛入內地傳教，於耒陽縣被捕處絞。十一月，令廣東清釐洋商所欠西洋人賬目，並令暗行禁購洋貨，以杜漏卮。命直隸清丈官荒等項地畝，召墾升科。十二月，禮親王昭槤以凌辱大臣，勒索拷打莊頭，革爵圈禁，旋命各王公等田租，永不准咨刑部催追。溧州石佛口王姓自明季王森創立聞香教，子孫世傳其教，至是將爲首者凌遲，爲從者發新疆與回民爲奴，王姓一族，被遷於雲南、貴州、兩廣。是歲，段玉裁死。

1816 年

丙子 清嘉慶二十一年

閏六月，續纂秘殿珠林、石渠寶笈成。以沂水蒙陰兩縣梟匪勢盛，二年半之間已有七十二案，降山東巡撫陳預，仍令勒限查捕。七月，英吉利遣使來覲，以不遵儀注，命其國王以後不必遣使。是歲，崔述死。

1817 年

丁丑 清嘉慶二十二年

正月，以湖北白蓮教教徒，經地方官勸導，退教者甚多，令直隸、山東、河南民繳經反教，不究既往。二月，於天津設水師。以雲南臨安邊外土人高羅衣自稱窩泥王，並將附從漢人授以官職，攻掠江外土司，遣兵擊俘之，嗣禁內地民人不得私往其地貿易。七月，禁武試冒名頂替。廣州捕天地會人兩千餘。是歲，惲敬死。

1818 年

戊寅 清嘉慶二十三年

正月，定大凌河墾種牧地額賦。廓爾喀遣使入貢。二月，命蒙古地方，倘蒙古人、漢人一同犯罪者依大清律問擬；若只有蒙古人，仍用蒙古例辦理。三月，雲南臨安邊外土人高老五等起事，遣兵擊之，逾三月定。以順天府屬去年歉收，免今年上忙錢糧及旗租通賦，並發糧平糶。六月，武陟沁河溢。免雲南建水等州縣額賦。七月，仁宗如盛京，十月回。十一月，增建雖南廳屬減水石壩。十二月，免雲南銅廠通課。是歲，翁方綱、孫星衍死。

1819 年

己卯 清嘉慶二十四年

正月，仁宗六十生辰，普免各省通賦。二月，以四川、貴州二省無逋欠，免明年額賦十分之二。免江蘇、浙江鹽場通課。三月，免山東銅廠通課。閏四月，修山東運河西岸隄。五月，禁旗人抱養漢人及戶下人爲嗣。八月，河南蘭陽、儀封北岸河溢。十二月，免西寧口外番民通銀。是歲，人丁三萬零一百二十六萬餘人，倉存米穀三千六百七十七萬餘石。

1820 年

庚辰 清嘉慶二十五年

七月，仁宗死，八月，皇二子智親王旻寧嗣，是爲宣宗成皇帝，明年改元爲道光。越南遣使告其王阮福映之喪。九月，大和卓木之孫張格爾攻邊卡，旋敗走。十月，裁各省陳設器玩等貢。申禁河務積弊。鑄道光通寶錢。十一月，免兩淮歷年未解玉貢折價銀一百六十餘萬兩。挑儀封引河。免兩浙歷年未解玉貢折價銀四十五萬兩。十二月，准番役子孫應武試、仕武職。免長蘆退商積欠銀二百九十餘萬兩。

1821 年

辛巳 清宣宗成皇帝旻寧道光元年

正月，越南國王阮福昺請遣使進香表賀；命止之。嚴盡濫用非刑。進呈徐松所纂新疆議略。雲南永北廳土人起事，越兩月敗。二月，命各省修復社倉義倉。三月，廓爾喀請遣使朝貢。五月，遣使冊封越南國王阮福昺。六月，命整飭漕政。八月，京師大疫。九月，暹羅請進香貢；止之。美國水手毆死廣州民婦，命依律處絞。十一月，英國請於新疆貿易買馬，不許。哲孟雄請入藏熬茶並請賜予地方人口；許其八年熬茶一次，不許予以地方人口。十二月，朝鮮遣使請更

正皇朝文獻通考所載朝鮮事失實之處，許之。

1822 年

壬午 清道光二年

正月，令將旗人抱養漢人之子爲嗣者另記冊檔，日後皆編入民籍。申禁各州縣貸民籽種加倍取償。以山西丁銀尚有未攤入地糧者，命確查歸一。命廣東、福建、浙江嚴捕洋盜。申禁民間私藏烏槍、火器。命廣東稽查出口洋船不准偷漏銀兩，並嚴查鴉片。二月，英吉利護貨兵船水手違禁上岸與本地人毆鬪，互有傷亡，廣東督撫令其交出凶手，初事延宕，後乃潛逃；命告知英吉利王查凶押送，並嚴諭兵官遵守禁令。閏三月，令福建、廣西、浙江、江西、湖南督撫查禁械鬪。四月，前以甘肅、青海番民越界，禁之不聽，遣兵擊之，至是皆走界外。五月，河南漳河決。六月，山東衛河溢。八月，河南新蔡教民朱麻子起事，旋敗。河南沁河溢。九月，直隸水，振之。命江蘇、安徽、河南會同搜捕捻子手。甘肅、青海番民復越界，遣那彥成擊之，旋降。十月，禁收漕州縣書役侵吞，並禁漕總名目。振甘肅、安徽、直隸、江蘇、湖北水災。十二月，加築江南祥符五瑞等處閘壩。命海口各關嚴拿夾帶鴉片。免江蘇、安徽、嘉慶二十三年以前民欠攤征銀。

1823 年

癸未 清道光三年

正月，命編查青海黃河以南番民，立千戶、百戶以管轄之，不許私渡河北。振奉天、直隸、江蘇等處水災。二月，浚直隸吳橋老黃河。三月，定商民與青海蒙古人及番人貿易章程。六月，永定河、北運河溢。七月，河南漳河溢。八月，定失察鴉片條例。命

各關口不得留難出口謀生之貧民。 九月，免直隸水災區額賦，並振直隸、山東、河南、湖北水災。 十一月，哈薩克汗愛畢勒達遣弟貢馬並請襲爵，許之。 十二月，浚直隸通惠河。

1824 年

甲申 清道光四年

二月，定吉林稅務章程。 禁江蘇潁墅、揚州兩關濫征商課，並申定權稅章程。 三月，築直隸新開衛河堤捻。 四月，修南、北運河堤壩並清苑等處橋道堤埝。 仁宗實錄、聖訓成。 七月，免安徽上年水旱災區額賦。 改建浙江防海石塘。 八月，續纂通禮成。 九月，修直隸千里長堤。 伊犁將軍奏哈薩克汗愛畢勒達爲俄羅斯劫走。 張格爾結布魯特攻擾邊卡，擊走之。 是歲，興修江蘇水利，命按察使林則徐董其事。

1825 年

乙酉 清道光五年

正月，命浙江修治河道水利，陝西修河渠水利。 喀什噶爾參贊大臣奏張格爾仍在卡外活動；命嚴備之。 二月，命江浙試辦海運。 蔣詩呈進畿輔水利志。 免河南積年民欠及河工加價攤征銀。 四月，允創修安徽通志。 五月，以新疆回民每爲和卓木後裔斂錢寄信之事，定回疆斂錢條例。 六月，以糧船水手設潘安、老安、新安三教，斂錢滋事，命嚴禁之。 禁洞庭湖濱圈築私垵。 定河工人員疏防處分。 七月，哲孟雄部長請入藏瞻禮並年赴藏境避暑，允其瞻禮之請，以後仍爲八年一次入藏熬茶，避暑事，不明令允准，令藏地酌辦。 改訂宗室懲罰則例。 十月，挑運河完工。 十一月，封鄭福爲暹羅國王。 是歲，郝懿行、黃丕烈死。

1826 年

丙戌 清道光六年

正月，命喀什噶爾參贊大臣慶祥籌劃追捕張格爾。 三月，江蘇試行海運米船到達天津。 命江蘇、河南、安徽、山東查禁帶刀持械者。 定直隸盜賊窩主治罪條例。 慶祥派兵數敗張格爾於卡外。 五月，浚山東泇河廳屬河渠。 六月，臺灣嘉義、彰化民因械鬪，地方大亂，遣兵擊散之。 命編苗區客民保甲。 以喀什噶爾等地回民起事響應張格爾，命楊遇春爲欽差大臣，督兵擊之，旋命長齡總統軍事。 十二月，懲辦歷任喀什噶爾參贊大臣之貪橫不法者。 是歲自六月後，喀什噶爾、葉爾羌、英吉沙爾、和闐等地駐防扎旗營官兵或死或俘，張格爾入喀什噶爾，發號施令，多惟安集延人之言是聽，因之四城回民多懷不滿。

1827 年

丁亥 清道光七年

正月，和闐回民縛獻張格爾所派之和闐王子約霍占於長齡軍營。 振江蘇水災區。 四月，長齡攻下喀什噶爾，張格爾遁走；旋又入英吉沙爾、蒙爾羌、和闐，於是張格爾所據四城皆失。 十一月，命番役子孫不得應武試，仕武職。 十二月，張格爾被俘於喀爾鐵蓋山，解京磔死。

1828 年

戊子 清道光八年

三月，挑吳淞江完工。 四月，以安集延人助張格爾，命稽查其在喀什噶爾等地有安家置產者，分年驅逐，並命南疆貿易由官經理，不准私運大黃、茶葉。 五月，以淮鹽滯銷，命江蘇、安徽、湖廣嚴禁私販。 六月，改訂新疆駐防武職隸屬統系。 七月，改訂新疆選放伯

克章程。八月，裁各回城陋規。十月，振江蘇、浙江等省水災區。十一月，查禁廣東使用光中等通寶錢（越南錢）。十二月，以霍罕不送張格爾家屬，絕其通市。

1829 年

己丑 清道光九年

正月，以宗室、覺羅恃勢刁訟，借端訛詐，令酌定條例禁制之。以西洋商人套取銀兩，私運鴉片，命廣東查禁之。振安徽、江蘇災區。二月，命新疆依舊制，凡入卡貿易者，三十稅一，不准減免。三月，拉達克部長呈進哈達花綉。五月，越南請由海道貿易，不許。八月，暹羅國王遣使貢方物並賀平張格爾。宣宗如盛京，十月回。命各部書吏，役滿者不准逗留京師。十二月，緬甸王孟既遣使賀平張格爾。以英吉利船泊於澳門外洋，要挾多端，延不進口卸貨，命廣東督撫鎮靜防備，並令倘仍刁難，即行驅逐。又以洋錢充斥黃河以南各省，鴉片走私日盛，致白銀外流，銀價日漲，多屬英吉利前來貿易所致，命妥籌截來路、禁外銷辦法。

1830 年

庚寅 清道光十年

正月，命兩江、湖廣、江西、河南督撫嚴禁鹽梟。二月，永停新疆黎貢。三月，減外國船進口規銀。四月，禁運銅鉛及各船夾帶私鹽。閏月，以兩淮私鹽首領黃玉林聲勢浩大，命兩江總督密捕之。振西藏喀喇烏蘇等處被災番民。五月，命各州縣裁減役額，禁革白役。黃玉林自首，命隨同官弁緝私，旋以反復被殺。平定回疆方略成。六月，禁同空漕船夾帶私鹽。定查禁內地行銷鴉片章程。七月，修浙江海塘。命赴朝鮮正副使不得收受例外儀物。八月，安集延犯邊，

攻喀什噶爾等地，命楊遇春為欽差大臣駐肅州、長齡為欽差大臣赴新疆督辦軍務以擊之。十月，越南國王收雲南六猛地方為己有，移咨兩廣總督，駁斥之。英吉利大班違禁携婦至廣州，又偷運槍械以自衛，經詰責後，始行撤走。十一月，喀什噶爾等城圍解，安集延人敗遁。十二月，定兩淮鹽務章程。是歲，丁口三萬九千四百七十八萬餘，倉存米穀三千四百零五萬餘石。

1831 年

辛卯 清道光十一年

正月，兩江總督陶澍接辦兩淮鹽政，大加整頓。三月，海南島黎人攻擾，旋敗。三月，廣東奏以英吉利人為首在廣州行動違例八條。重修康熙字典成。五月，令廣東查覈鴉片走私情形。六月，禁雲南種罌粟，其土民境內由土司查辦。七月，高郵湖河溢。八月，命緝捕會匪。振江西、湖北水災區。十月，振江蘇、安徽、浙江水災。十二月，湖南江華縣錦田瑤民趙金龍起事。

1832 年

壬辰 清道光十二年

正月，定白陽、白蓮、八卦、紅陽等教首從違犯遇赦不赦例。二月，遣兵擊趙金龍。廣東訂查禁鴉片章程。修安徽銅陵江壩。於喀什噶爾等地屯田。三月，准霍罕請，許其通商。四月，定崖州黎區善後辦法，禁漢人盤剝黎人及充任糧總，並不得售鳥槍兵器。趙金龍敗死。五月，尹老須等以傳習八卦教，分處凌遲、斬決、監候有差。六月，英吉利商船至福建、江蘇、浙江被逐；又赴山東洋面，刊刻通商事略說，謂廣東待遇不公，希另易口岸，亦為山東所逐。七月，停白鉛出洋。廣西賀縣瑤起事，旋敗。永定河溢。

八月，桃南廳黃河堤被陳端等挖開。廣東連山瑤前響應趙金龍，至是敗降。閏九月，定辦理連山瑤區善後章程。命江西嚴拏會匪。朝鮮王奏拒英吉利要求通商之請。十月，臺灣天地會陳辦等起事，遣兵擊之。振直隸、江蘇、湖北、安徽等處災。十一月，浚山東運河。十二月，浚京城內外河道，以工代振。陳辦敗，被俘。廣東香山天地會張斗起事。是歲，王念孫死。

1833 年

癸巳 清道光十三年

二月，以臺灣營務撥弛，令力行整頓。四川越嶲等處土民起事，發兵攻之。三月，命直隸興修水利，以工代振。越南陳加海與廣東楊就富據海中狗頭山，擾犯南海一帶有年，至是皆被俘，死。五月，定禁紋銀出洋條例。六月，禁廣東外洋貿易以銀及洋銀易貨。十月，振江蘇、湖南、直隸、黑龍江、湖北、安徽災區。十二月，以漕船搶奪訛詐商民，命嚴禁之。

1834 年

甲午 清道光十四年

正月，儋州黎人攻擾，旋定。二月，以越南王請捕逃人農文雲，命雲南、廣西堵緝。申禁售賣淫書小說。五月，英吉利船終年在零丁洋等處停泊走私，命廣東查禁之。七月，霍罕遣使入貢。東河朱家灣漫口。八月，命廣東查辦械鬥頂兇各案並定民人私習鳥槍罪例。四川峨邊彝人以歲歉攻犯漢人村莊，遣兵擊破之。英吉利派律勞卑至廣州查理商務，違例橫戾，不聽勸導，廣東督撫命封艙停市，派兵防範。律勞卑旋帶兵船闖入珠江與岸上守兵互相炮擊，旋退出。十月，命廣東確查商人拖欠外國債券及私行增稅情形，並申

禁販運鴉片。十二月，禁雲南流民租種苗田。是歲，王引之死。

1835 年

乙未 清道光十五年

正月，霍罕使來，多所干求，駁斥之。三月，山西趙城曹順以傳教，被名捕，因起事，殺知縣全家，旋敗，磔死。廣東定防範洋人貿易章程八條。四月，峨邊彝人起事經年，至是敗。八月，命豁免各省歷年逋賦等項。英吉利船至山東劉公島，嚴禁入口，旋去。是歲，丁口共四萬零一百七十六萬餘人，倉存米穀三千零五十三萬餘石。校勘學家顧廣圻死。

1836 年

丙申 清道光十六年

二月，湖南武岡州瑤族生員藍正樽倡龍華會，聞拿起事，稱衛王，旋敗。三月，命各省查禁會匪。四月，霍罕頭人帶領安集延、布魯特人擾掠色喀庫勒，失利而遁。七月，以山西有三教廟，祀孔子、老子、佛陀，命改禁之。九月，命江南查禁棚民。十一月，霍罕攻破色喀庫勒，命諭責之。英吉利派人至廣東總管其國商人、水手，命申誠其違章辦事。

1837 年

丁酉 清道光十七年

六月，以白銀外流，銀價日漲，用御史朱成烈言，命直隸、山東、江蘇、浙江、福建、廣東各省督撫認真查禁白銀出口。四川馬邊彝民攻擾，遣兵擊之。八月，廓爾喀遣使入貢。九月，改訂廣東洋商辦法。九月，霍罕謝掠色喀庫勒之罪，並縛送肇事首要。廣東奏逐遣英吉利躉船及查禁鴉片窖口情形。十二

月，馬邊彝民敗降。

1838 年

戊戌 清道光十八年

閏四月，命刑部堂官親訊天主教案，命違禁信教而聲稱改悔者跨越十字架以昭覈實。以鴻臚寺卿黃爵滋奏請嚴禁鴉片，命各省將軍、督撫妥議。八月，湖廣總督林則徐等奏湖南、湖北查禁鴉片、收繳煙土、烟槍情形。哈薩克侵掠土爾扈特，遣兵逐之。九月，太常寺少卿許乃濟以曾請弛禁鴉片，降官休致。以直隸總督琦善在天津大沽緝獲廣東人鄧然私運鴉片十三萬餘兩，命廣東督撫嚴拏勾結洋船偷運之人。十月，以河南汲縣無生老母廟爲白蓮教祖庭，命毀廟、平坟、仆碑。兩江總督陶澍奏起獲窩頓鴉片情形。閩浙總督鍾祥奏拿獲出洋販賣鴉片等犯。十一月，嚴禁雲南種植罌粟。申嚴鴉片禁令。命林則徐爲欽差大臣赴廣東查辦海口事件，節制全省水師。以奉天各海口暗售鴉片，命嚴行查禁。十二月，貴州仁懷縣謝法眞假托降神，撰造天書，聚衆起事；旋敗。兩廣總督鄧廷楨奏部署兵將截堵鴉片之走私情形。

1839 年

己亥 清道光十九年

正月，以屬員與上司多認作師生，攀援干進，申儆之。林則徐至廣東，令英商繳出鴉片，又着手整飭海防。二月，英船偷泊南澳，廣東水師逐走之。三月，以河南查毀無生老母廟三十餘座，命直隸、山東、山西督撫於境內嚴查拆除。鎮國將軍奕蓮以吸食鴉片革爵，責打圈禁。林則徐奏收繳鴉片二萬零二百八十三箱，並進所擬令各國商船呈繳鴉片示諭稿；尋命林則徐不必解送所繳鴉片，即在本坡銷毀。四月，以京城拿獲吸食鴉片犯數百

起，命刑部根究與販來歷，及烟館等項。五月，訂查禁鴉片章程三十九條及洋人携帶鴉片入口售賣治罪專條。英人於尖沙嘴毆死華人，林則徐向英領事義律索兇。林則徐奏英商不遵禁約，偷渡越竄，請令水師實力驅除；詔相機辦理，勿至遽開邊衅。六月，定四川防備彝番章程。七月，林則徐以英領事義律抗不交出兇犯，其船復遷延不去，仍欲偷賣新來鴉片，命禁絕柴米食物，撤去買辦工人。九月，英兵船開炮挑衅，林則徐命反攻，毀其數船，義律窘急，請他國轉圜。十月，林則徐搜查洋船，令出具切結，義律抗不具結。福建梅林洋面出現英船，與防海水師互相炮擊，旋退去。十二月，以林則徐爲兩廣總督，調鄧廷楨爲閩浙總督，命嚴查福建沿海英船私運鴉片。以英領事義律刁狡，命停其貿易。

1840 年

庚子 清道光二十年

正月，林則徐奏籌定整飭洋務章程。二月，重訂禁天主教章程。三月，粵海關奏法國商人自願多製羽紗等物前來貿易，英貨無可居奇。林則徐奏擊毀逗留英船；又奏澳門葡人請寬以時限，驅逐英人。四月，鄧廷楨奏英船來泊梅林，已命水師逐走。五月，英將伯麥封鎖廣東河口，林則徐激勵兵壯，焚其鴉片船，燒溺死者多人。英船至福建，圖偷賣鴉片，經防海軍攻擊俘二人，截獲走私烟船。六月，英將伯麥陷定海，犯乍浦。七月，英船犯廈門，擊退之。英兵船至大沽口，又游奕於山東、奉天海口。直隸總督琦善接其「訴屈」公文，經「開導」後，馳往廣東。八月，命琦善爲欽差大臣赴廣東查辦，並命沿海各省，凡英船經過或停泊，不必開放槍炮。九月，革林則徐、鄧廷楨職。欽差大臣伊里

布奏擊毀英船，俘獲英人，命與英人接洽交還定海，再釋英俘。十月，伊里布與英將訂定海休戰約。十一月，置兩廣總督怡良奏英兵轟擊撤防師船，搶奪米艇；命琦善詰問之。琉球請仍二年一貢，並遣子弟四人入國子監；許之。琦善抵廣州，撤除林則徐布置之海防工事，解散壯丁，旋即與英人開談。英要求給還鴉片烟價，開廈門等口通商，並割讓香港；十二月，琦善據以奏聞，命即「整飭兵威，相機剿辦」，英人所求概不允許。英以所求不遂，進犯虎門，陷大角、沙角炮臺，守口弁兵傷亡七百餘人，琦善大懼，擅於川鼻與英定約，允其一切條件。是歲，俞正燮、包世臣死。

1841 年

辛丑 清道光二十一年

正月，以英人侵擾，命琦善反攻，又命伊里布收復定海，時琦善已擅許英人要求，遂以「拒守實難」，奏懇賜以香港，即開廣州通商。命將琦善交部嚴加議處，並以奕山為靖逆將軍，楊芳、隆文為參贊，發兵赴廣東攻剿。伊里布不敢進攻定海，撤其欽差大臣職，命裕謙代之。琦善奏英兵退出大角、沙角，並允即繳還定海，仍懇給與香港。二月，命將琦善革職拿辦，查抄家產。越南遣使告國王阮福皎之喪。英以川鼻之約歸於無效，再犯虎門，水師提督關天培及弁兵死傷四百餘人，旋退。三月，允美國通商；美商及他國商人請允英人貿易，楊芳等擅許之，得革職留任處分。四月，英再進犯，攻廣州城，奕山命廣州知府余保純與英求和，允與贖城等費，奕山等率兵退駐六十里外。英軍搶掠廣州郊外，三元里平英團起。五月，浙江巡撫劉韻珂奏英船游奕洋面，閩浙總督顏伯燾奏英船擾銅山。林則徐、鄧廷楨被發往伊犁。奕山奏

英人在香港對面之裙帶路建房修路，命設法收復。六月，伊里布被發往軍臺效力。奕山奏英船退出虎門，英人以准通商，「免冠感伏，聲言永不敢在廣東滋事」。琦善被處以斬監候，後釋之。河南祥符汛河溢。英以璞鼎查代義律，七月，犯福建，陷廈門。南掌國遣使入貢。八月，英陷定海，葛雲飛等三總兵皆戰死；又陷定海，裕謙自殺；又陷寧波，提督余步雲逃。九月，以奕經為揚威將軍，赴浙江督師。拉達克擾西藏邊，命擊之。十月，英擾臺灣。免湖南、江西、湖北、山西、江蘇、安徽水災區額賦。十一月，英陷餘姚、慈谿，又入奉化，旋退。十二月，湖北崇陽鍾人杰起事，破城殺官，遣兵攻之。臺灣嘉義江見、鳳山吳慈等起事，旋敗。英船至乍浦、寧海口外，旋退。是歲，經學家龔自珍死。

1842 年

壬寅 清道光二十二年

正月，奕經督諸軍反攻英軍於寧波等地，敗還。二月，奕經派兵攻鎮海英軍獲勝。英擾臺灣。鍾人杰等敗。三月，奕經遣兵襲定海英軍，獲勝。收復寧波。拉達克敗降。四月，英軍陷乍浦。奕經派兵再襲定海，獲勝。五月，英軍陷吳淞，提督陳化成死之；旋入寶山、上海。六月，荊州萬城隍決。英軍陷鎮江，至江寧。命耆英、伊里布與英講和。七月，中英江寧條約簽字。江南桃北廳河溢。布噶爾以佔霍罕，使人稟告喀什噶爾參贊大臣。八月，英軍退出長江。九月，廓爾喀遣使進貢，並請賜銀兩等事，駁之。十月，江蘇、河南捻衆擾及安徽，命周天爵按名搜捕。命臺灣釋英俘。以臺灣奸匪林山等導英軍來犯殺之，並命搜捕漢奸。命廣東行商船購造輪船。十一月，

番民擾青海，命擊之。 耆英奏英人控訴臺灣總兵達洪阿，請予審辦，不許。 美國船至寧波請通商，命赴廣東。 誅臨陣脫逃之提督余步雲。 重修大清一統志成。

1843 年

癸卯 清道光二十三年

正月，雲南南甸土目刀承緒攻擾，二月，敗逃。 三月，以耆英為欽差大臣，赴廣東辦理通商事。 查出戶部銀庫虧失銀九百餘萬兩，命有關各官分賠。 五月，青海番民攻擾，後敗散。 曾如炷等以阻米出境起事殺武岡州知州，六月敗。 耆英與英璞鼎查訂五口通商章程。 河決中牟下汛。 七月，兩廣總督祁煊奏於廣州辦理團練，以昇平社學、東平社學為總匯之所；閏七月，又奏製造水雷成。 命浙江、福建會拏洋匪。 八月，中英又於虎門訂善後條約。 九月，耆英奏與美法等國商議通商章程，美使請入京覲見；諭以與舊制不合，令耆英曉諭之。 十月，准耆英之請，置九龍司巡檢稽查出入牌照。 上海開港。 十一月，寧波開港。 十二月，准廣西永寧開採崇慶鐵礦。 命清查徽州等府棚民，驅新來之戶。 是歲，洪秀全初拜拜上帝會。 全上古三代秦漢三國六朝文輯者嚴可均死。

1844 年

甲辰 清道光二十四年

正月，禁南河、東河之總督、道、府等官餽遺過往官員及舉貢生監幕友。 二月，命新疆招人墾荒。 廓爾喀請將聶拉木等地與西藏輪流管理，駁斥之。 三月，臺灣嘉義民洪協等起事，旋敗。 四月，命雲南、貴州、四川、廣西任民人開採銀礦。 馬邊彝人出擾，擊走之。 五月，命開採廣西北流鐵礦。 福州、廈門開港。 六月，永定河溢。 湖南耒陽

段、陽二姓抗糧，聚眾攻撲縣城，旋敗。 中美訂通商條約於望廈。 七月，荊州萬城隄溢。 八月，命四川捕囑匪。 九月，中法訂通商條約於黃埔。 十二月，甘肅清查墾田等項升科者二萬一百餘頃。 是歲，洪秀全偕馮雲山開始傳教，至廣西；馮雲山留桂平，洪秀全東還。

1845 年

乙巳 清道光二十五年

正月，命赴朝鮮使臣減所帶通事官人數，以免騷擾需索。 二月，比利時國請通商；命耆英酌辦。 三月，命儀徵抽收江廣漕船米稅。 命四川嚴緝教匪。 四月，命直隸、山東、河南嚴緝教匪、盜匪。 胡完（布孜爾罕）自稱和卓，號召布魯特攻擾英吉沙爾，五月被俘，於是所謂「七和卓之亂」起。 命庫車開墾不得勒索苦累回民。 五月，命依五口通商章程，准比利時一體貿易。 以捻眾與曹州鎮兵交戰，命直隸、山東會同緝捕。 六月，江蘇桃源汛河溢。 以天地會徒活動於香山等縣，命廣東嚴查究辦。 青海番民攻殺巡邊官兵，命擊之。 七月，儀象考成績編成。 丹麥請通商，許依五口通商條約辦理。 開廣西恭城縣鉛礦。 九月，浙江奉化張名淵阻糧、阻考、抗官毆吏，旋敗。 永昌回漢互鬪，糾紛擴大，回民遂起事，十月敗。 十一月，耆英奏英人要求進廣州城，命曉諭止之。 十二月，耆英復以英人要求進廣州城入告，仍命詳細開導。 是歲，訂上海英租界土地章程。 英國東方銀公司設分公司於香港。 倫敦、香港間定時航行開始。 英國倫敦教會在上海設仁濟醫院。 法國由廈門招華工赴非洲留尼汪島。 是歲，丁口四萬二千一百三十四萬餘人，倉存米穀三千二百三十萬餘石。

1846 年

丙午 清道光二十六年

正月，永昌回民復起事。二月，以招商海運米糧始，禁各關口勒索。臺灣漳、泉民械鬪，兵勇鎮壓定之。四月，命貴州編查附居苗寨客民戶口。霍罕請抽巴達克山等部貿易稅及布魯特等部租，命駁斥之。五月，耆英奏英兵自定海全撤。閏五月，青海番民殺官弁土兵，遣兵擊破之。六月，命順天府嚴緝邪匪。朝鮮請禁民越界及在江邊耕墾居住。七月，命盛京、直隸、山東、江蘇、浙江、福建、廣東七省講求海防練兵。布魯特入卡擾掠，擊敗之。八月，永昌回民首領張富徽械投首。九月，西班牙教士陸懷仁私入湖北，被捕遣回。命整頓兩淮鹽務。十月，江蘇完糧向有大戶、小戶、包戶，旗丁又多索津貼，命禁之。十一月，以漕運屢不及額，命兩江督撫通盤籌劃。十二月，雲南大小猛地方游民攻緬寧。駐藏辦事大臣琦善奏英人占拉達克等地。

1847 年

丁未 清道光二十七年

正月，禁在吉林珠爾山一帶開墾。二月，履勘流民在朝鮮邊外江岸違禁耕墾居住事畢，毀房驅民。江蘇挑築六塘河各工。以閩海關稅屢不足額，命於洋稅項下撥補常關稅。英香港兵借口其國人在佛山為華人所辱，突入虎門，占炮臺，要求懲辦，並進廣州城；耆英為捕在佛山鬧鬧之關亞言等，並於二年後再行進城，且許租地建房，英兵旋退。許瑞典依五口通商條約貿易。七月，雲南回民丁燦廷等至京控訴「香匪」串謀，滅殺無辜，杜文秀等亦至京控訴「匪棍」誣陷，擾累無辜，皆命雲貴總督林則徐徹查辦理。和卓後裔數人自安

集延進犯，圍英吉沙爾、喀什噶爾，命奕山督兵擊之。廓爾喀遣使入貢。河南旱，振之。九月，命直隸、山東、河南會拏捻民。十月，命各省分別拏捕會、捻，又命京師及各省編查保甲；以山東州縣諱盜縱賊，遣官徹查。湖南瑤民雷再浩、漢人李輝等結會起事於新寧黃坡崗。四川乍了大小喇嘛互鬪，爭訟，阻塞道路，至是平息。英吉沙爾、喀什噶爾先後圍解，安集延及諸和卓後裔敗走，十一月，整理湖南鹽務，西洋人李若瑟、羅沅勒、納巴羅等喬裝分別入湖北、山西、陝西等地傳教，被拘送廣東。雷再浩、李輝被俘，惟其餘部則仍活動於湖南、廣西兩省之交。耆英奏廣東黃竹岐民人與洋人互毆，死民人二，洋人六，英香港總督德庇時要求懲凶。湖南乾州苗民抗租起事，逾月定。是歲，大批華工被運赴古巴。洪秀全再赴廣西。

1848 年

戊申 清道光二十八年

正月，越南遣使告其國王阮福暉之喪。雲南燒香結會之漢民首領被捕，於解送途中為保山七哨民所奪，又燒縣署，殺回民，林則徐發兵擊定之。三月，霍罕使人聲述安集延、和卓後裔攻擾英吉沙爾等處事，毫不知情，命許照舊通商。四月，命兩廣、湖南、江西緝捕天地會徒。林則徐奏保山回漢糾紛之役辦竣，酌撤官兵。福建辦理聯甲以防人民加入會黨。八月，命廣西嚴緝劫盜。俄羅斯請在上海通商，不許。十月，徐廣縉奏英香港總督文翰照會進城，已經駁復。以八年來各省積欠通賦已近二千四百萬兩，命嚴催征。命沿海各省緝捕洋盜。振直隸、安徽水災區。十一月，命內閣、軍機處、宗人府會同戶部議籌庫款辦法。十二月，長蘆鹽課積欠二千三百萬餘兩，命自明年起分年攤征。是

年，英在上海擴充租界。 洪秀全回廣東。
史學家徐松死。

1849 年

己酉 清道光二十九年

正月，修武昌江堤及荊州萬城大堤。 二月，命各省限期清查錢糧。 四川中瞻對番民攻擾鄰地土司，遣兵擊之。 三月，擬南漕改折，尋作罷。 修襄陽老龍石堤。 英香港總督文翰以兵船入虎門，欲以武力強求進城，昇平社學等組織號召民衆以實力抵抗，文翰懼而退，不再提進城事。 兩廣總督徐廣縉、廣東巡撫葉名琛借以分膺子、男之封。 法國於上海設租界。 葡萄牙廢澳門稅關爲自由港。 以霍罕強征租稅，布魯特人殺其派來官吏。 命山東嚴緝洋盜。 四月，以昇平社學等組織遏止英人進城之請，詔獎廣東百姓。 閏四月，定浙江鹽務章程。 五月，以浙江虧空銀二百八十餘萬兩，倉穀百餘萬石，命嚴查參奏。 雲南邊外夷人入卡騷擾，至是敗降。 中瞻對土司投降。 新寧縣人李象經以私通外國潛遞書信，被斬。 六月，廣東英德等縣民聚衆殺官起事，至是敗。 安徽、湖北、江蘇、浙江水，振之。 九月，徐廣縉奏英人又以阻止進城之事來問，命曉諭之。 十月，遣使封朝鮮國王李昇。 黑龍江奏俄人私入卡內阻攔查邊道路，命理藩院移文詰之。 湖南新寧李元發起事，入城殺官，遣兵擊之。 十一月，湖南道州黃三等據羶子山等處起事，遣兵擊之。 十二月，李元發失新寧，走廣西。 廣州沈志亮以英人開馬路毀其祖墓，憤而殺英軍官，被捕死。 俄國要求在伊犁、塔爾巴哈臺、喀什噶爾三處通商，命籌議之。 洋盜陳雙喜繳船械至廈門投降。 是歲，俄羅斯探險至庫頁島，並勘察混同江一帶。 洪秀全至廣西。 經學家阮元、胡培翬、史學家張穆死。

1850 年

庚戌 清道光三十年

正月，宣宗死，皇四子奕訢立，是爲文宗顯皇帝，旋命明年改元爲咸豐。 三月，貴州鎮遠府苗民屢出攻擾，胡林翼等擊破之。 四月，李元發被俘。 允俄羅斯請，於伊犁、塔爾巴哈臺通商。 五月，英船至天津、山海關老龍頭，旋去。 以兩廣三合會勢熾，命嚴緝之。 六月，上帝會起事於廣西桂平金田村，時洪秀全在平南花洲。 雲南思茅邊外土人擾車里等地。 七月，廣西天地會歷破太平府、寧明州、修仁、荔浦等縣。 八月，以河南、山東捻勢仍盛，命嚴爲緝捕。 九月，命各省禁私藏私鑄火器。 廣西潯州府副將、桂平知縣等謀捕金田上帝會人，韋昌輝等拒敗之。 以林則徐爲欽差大臣赴廣西，則徐行至中途死。 十月，申禁南漕之大戶、小戶、包戶。 平南官軍圍攻洪秀全等，楊秀清等往救，敗之。 鬱林州上帝會徒至金田。 十一月，命李星沅爲欽差大臣赴廣西。 命各省於例撥諸款外，酌籌二、三、四、五十萬解京。 廣西貴縣客家人爲土人所欺，舉族走桂平入上帝會。 洪秀全率衆大破清軍於桂平蔡村。 十二月，改訂河東鹽務章程。 廣東兵破活動於和平縣一帶之會黨。 是歲，錢儀吉死。

1851 年

辛亥 清文宗顯皇帝奕訢咸豐元年

正月，免道光三十年以前各項民欠。 琉球以英人來居不去，英船時來恐嚇，請設法制止；命徐廣縉與英香港總督交涉。 以福建漳泉一帶天地會活動甚烈，命地方官嚴辦，並禁私售硝磺。 洪秀全敗向榮等於大黃江，二月，入武宣，又敗向榮等於東嶺。 秀全旋稱太平

王。以哲布尊丹巴呼圖克圖之呼畢勒罕已在拉薩掣籤選定，命蒙古籌備迎接。命河南、四川、廣東查禁邪教，並名捕教首之赤天、赤地、赤人三大王。是月，廣東上帝會首領凌十八等攻廣西鬱林，謀接應太平軍，旋敗回。三月，派大學士賽尚阿督師湖南，嗣赴廣西。四月，俄羅斯仍請於喀什噶爾通商，婉拒之。以貴州地方不安，命地方官上緊緝捕。太平軍自武宣趨象州，五月，敗烏蘭泰兵於馬鞍山等地。以奉天劫案屢出，地方官隱匿不報，嚴斥之，並令認真緝捕。以廣東高州等地會黨活動甚烈，命地方官擊之。六月，以河南、安徽捻軍活動甚烈，命地方官嚴辦。與俄定伊犁通商條約。廣東會黨首領劉八在合浦被俘，部衆走合太平軍。太平軍自象州回師，經武宣，至桂平。七月，以青海番人屢出攻擾，嚴責甘肅提鎮整頓軍務。以四川之囑、河南之捻、湖北之痞，及安徽、山東民結羣攻擾，命各省地方官整飭吏治，嚴行戡止。又以湖南之江簿、結草、斬草、捆草及青教（即齋教）均奉四川峨嵋萬雲龍爲主，命訪捕之（萬氏爲天地會首領）。太平軍準備突圍，八月，至平南敗向榮等。福建海盜至山東，敗官軍，奪九船。命安徽、江蘇、河南會攻捻軍。閏八月，以黃河溢於豐北三堡，淹沒多人，命恤之。暹羅國王鄭明遣使貢賀。廣東海盜擾浙江，爲水師所敗。太平軍入永安州城，建號太平天國，洪秀全爲天王，封楊秀清、馮雲山、蕭朝貴、韋昌輝、石達開爲東、南、西、北、翼王。九月，以湖南捕到齋教首領左家發，供出廣東老萬山首領朱九濤等，命嚴緝。封禁貴州清水站黑鉛廠。廣西永淳民起事抗租。十月，上帝會凌十八等敗於羅定州。十一月，福建海盜敗山東水師於浙江洋面，旋投降。十二月，以福建汀州民設立紅會、江湖會，命地方官查

禁。蒙古科爾沁部佃民抗租事起，旋敗。是歲，天主教江蘇布道會立孤兒院、育嬰堂及聖母院於上海。

1852 年

壬子 清咸豐二年

正月，臺灣嘉義民洪紀等起事，旋敗。命禁安徽鳳陽一帶之帶刀手及壽州之回漢互鬪。二月，太平軍自永安突圍，大敗向榮、烏蘭泰軍，殺其四總兵及副將以下多人，遂圍桂林，中途，天德王洪大全（焦大、焦亮）被俘，解北京磔死。三月，湖南郴州齋教徒等襲署殺官，旋敗散。烏蘭泰敗於太平軍，因傷死。太平軍以攻桂林不下，四月，解圍趨興安，破全州，走永州，爲江忠源所截，南王馮雲山戰死義衣渡，遂折走道州，天地會徒多起應之。浙江奉化等縣民抗糧拒捕。命山海關、盛京嚴查無票流民私至吉林。五月，命湖南、湖北試行堅壁清野。武昌城內發見太平軍揭帖。六月，甘肅中衛一帶地震，倒房二萬餘間，死傷七百餘人。太平軍破江華、永明，旋棄道州，破寧遠、嘉禾、桂陽。羅定上帝會首領凌十八敗死。新疆和卓後裔鐵完庫里等數擾烏什、喀什噶爾等處邊卡。七月，太平軍破郴州，焚學宮，毀孔子木主，又破安仁等縣，攻圍長沙，沿途各地會黨多與之合。八月，西王蕭朝貴受重傷，旋死。廣西天地會胡有祿等起事於南寧。青海番民擾甘肅永昌等地。暹羅國王鄭明遣使進貢並請封。英設租界於廈門。九月，以賽尚阿貽誤軍機，革職拏問；命徐廣縉爲欽差大臣。山東捻軍攻江蘇海州、邳州。十月，禁山東等地漁民至朝鮮沿海捕魚。安徽亳州捻軍首領張樂行起事。太平軍以攻長沙不下，北破益陽，十一月，入岳州，棄之，旋破漢口、漢陽，十二月，破武昌。命丁憂在籍侍郎曾國

藩幫辦湖南團練。廣東人黃傑高等起事於湖南攸縣，旋敗。徐廣縉革職拏問，命向榮爲欽差大臣。定旗民交產章程。命琦善爲欽差大臣，防堵太平軍。

1853 年

癸丑 清咸豐三年

正月，太平軍棄武昌東下，破安慶等地，二月，入江寧，旋改稱天京，分兵破鎮江、揚州。向榮至江寧，駐兵孝陵衛，是爲江南大營。湖北通城民劉立簡抗糧起事，旋敗。上海道吳健彰雇英美商船，改作兵船，用英美人爲官帶；在上海之英美人招丁壯，圖與太平軍爲敵。三月，命四川訪查撈掘張獻忠窖於錦江之金銀。命各省勘採礦苗，設法開採。英使文翰至天京，探詢太平天國對外人態度。天王命李開芳、林鳳祥、吉文元北伐，四月，開始進軍，破滁州，下鳳陽。楊秀清命胡以晃等西征，入和州。福建小刀會黃德美等破海澄、漳州、同安、廈門、漳浦。命熱河開採承德、平泉銀礦。五月，始行銀鈔，鑄當十大錢。太平北伐軍入河南，攻開封，未下，渡河，破溫縣。太平西征軍破安慶，攻南昌。臺灣天地會攻府城，旋敗。湖南會黨李明先破桂東，建元洪順。六月，命陝西、山西、廣東勸捐於富戶。太平北伐軍攻懷慶，其未渡河部隊南破密縣，與捻攻許昌，嗣入湖北。江西天地會鄒恩隆起事，破泰和。雷以誠創征釐金於揚州仙女鎮。七月，曾國藩所遣湘勇敗於南昌。太平北伐軍之南歸部隊入安徽，與西征軍合；其攻懷慶者，撤圍北入山西，八月，又經河南入直隸。太平西征軍解南昌圍，會石達開師於安慶。小刀會劉麗川占上海縣城。九月，林昌彝進三禮通釋。雲南奏尋甸等處起事回民皆降，俘其首領馬二花。太平北伐軍占靜海、獨

流，攻天津。太平西征軍入湖北，再下漢口、漢陽，逼武昌。十月，命借征山西、陝西、四川三省明年錢糧。太平西征軍解武昌圍，東退；其別部破舒城，安徽團練大臣呂賢基等死。十一月，貴州奏安榔匪劉瞎么等起事。命鑄當千、當五百、當百、當十、當五大錢，務使精工。緬甸遣使入貢，命不必來京。法公使布爾隆至天京詰問，妄謂壓迫天主教徒。揚州太平軍被圍半年，至是衝出，琦善軍入揚州。十二月，曾國藩派員監造戰船，備練水師。太平天國開科取士。太平西征軍破廬州，安徽巡撫江忠源等均死。是歲，向榮疊戰太平軍於天京城外。太平天國頒土地法。上海各國領事代收關稅。

1854 年

甲寅 清咸豐四年

正月，太平北伐軍棄獨流，走河間。楊秀清遣黃生才等援北伐軍。湖廣總督吳文鎔敗死堵城，太平軍又占漢口、漢陽，分兵入湖南。曾國藩出師，傳檄攻擊太平天國。二月，太平北伐軍走阜城，吉文元戰死。捻軍首領張樂行攻永城。三月，來援太平北伐軍之師，破臨清，旋大敗，多數南走，黃生才獨不去。江蘇幅軍攻郟城等地。安徽捻軍首領李士林圍固始。命上海道吳健彰酌購洋槍。命推行釐金。鑄鐵錢。命招墾張家口外官荒地。四月，曾國藩與太平軍戰於靖港，大敗，旋部將塔齊布等大勝於湘潭，太平軍分走岳州、萍鄉。太平北伐軍自阜城奔連鎮，五月，林鳳祥留連鎮，李開芳南據高唐與黃生才軍合。美國公使麥蓮至天京，又至蕪湖。廣東天地會何六等據東莞，旋失。命勘查阿拉善銀礦。俄以防英爲名，擅入黑龍江航行。六月，鑄鉛錢。吳健彰與英、法、美商定設稅務司，由三國人分任之。太平軍

再破武昌。太平軍敗於胡林翼，自湖南常德等處東退，彭玉麟等又敗之於洞庭湖。廣東天地會陳開等起事於佛山，圍廣州。英公使包令至天京。七月，停鑄當千、當五百、四百、三百、二百大錢，嚴禁當百以下大錢折算行使，並命嚴查私鑄。曾國藩部下岳州，太平軍退走。廣東天地會攻下順德等十餘城。閏七月，以琦善死，派多明阿爲欽差大臣督辦江北軍務。太平天國在武昌開科取士。曾國藩部攻入湖北境。八月，命減鑄大錢。以曾國藩部爲主力，攻下武昌等地，太平軍走鄂東。廣東天地會入江西界。廣西天地會占貴縣，胡有祿據灌陽，建昇平天國，自稱定南王。貴州桐梓楊龍喜起事，攻遵義。九月，天京舉行天試。曾國藩部攻太平軍於鄂東，敗陳玉成於蘄州。擒首李士林降於湖廣總督楊需。十月，曾國藩部疊敗太平軍於富池口、田家鎮等處，進攻小池口。昇平天國兵攻湖南，湘勇王鑫敗之於龍虎關、寧遠。葉名琛以天地會圍攻廣州，乞援於香港英軍，被拒。法軍以據上海縣之小刀會於己不利，遂助清軍。十一月，命山西採鐵鑄錢。曾國藩部攻九江。湖南永順彭蓋南起事，自稱珍明王，尋敗。廣東兵下佛山，天地會陳開敗走。英香港總督兼公使布告英人嚴守中立，不得參與中國內戰之任何方面。十二月，命仿製西洋水雷。曾國藩與石達開大戰於九江、湖口，國藩被襲，損失甚重。太平軍下黃梅，敗湖廣總督楊需軍於廣濟。是歲，江南大營累與太平軍戰於天京附近，江北大營與太平軍戰於瓜洲一帶，江蘇巡撫吉爾杭阿會合法軍攻小刀會於上海縣城，僧格林沁圍林鳳祥於連鎮，勝保圍李開芳於高唐。

1855 年

乙卯 清咸豐五年

正月，以羅布泊等地尋獲銅鉛礦，命在烏魯木齊開鑄錢。命甘肅鑄錢減爲每文重八分。吉爾杭阿等破上海縣城，劉麗川等死之。僧格林沁破連鎮，林鳳祥被俘死。李開芳突高唐圍，走據馮官屯。太平軍占漢口漢陽，胡林翼攻之，不利。河南密縣會黨王紅磚起事，焚署，放囚。二月，允於福州開租界。命開採喀爾喀三音諾顏部金礦。太平軍三入武昌，並下湖北、江西數城。廣東天地會勢衰，所下各城多失。三月，命整頓錢法。貴州楊鳳攻擾數郡，至是敗死。胡林翼署湖北巡撫，督師反攻武昌。羅澤南數敗太平軍於弋陽等地，太平軍分入浙西、皖南。江西南康天地會廖際湘等起事。四月，廓爾喀犯西藏，入聶拉木。僧格林沁破馮官屯，李開芳等被俘死，太平北伐軍至是全部覆滅。太平軍與曾國藩部之水師戰於鄱陽湖，互有勝負。胡林翼、彭玉麟等攻武昌，不利。昇平天國兵棄灌陽，入湖南東安。五月，以西凌阿爲欽差大臣督辦湖北軍務。以雲南開化回民抗糧，命妥善處理。以貴州臺拱苗民起事，命及早處理。廣東天地會陳金剛等入湖南，陳開入廣西。六月，推廣捐輸章程。河溢蘭陽三堡。安徽亳州捻衆推張樂行爲盟主。貴州都勻甯教羅光明起事。向榮遣兵攻下太平府蕪湖。七月，雲南回民杜文秀起事。昇平天國兵自東安敗走新寧。曾國藩部攻九江、湖口。八月，鐵完庫里犯喀什噶爾邊卡。太平軍大破胡林翼於蘄山。昇平天國胡有祿被俘，朱洪英走廣西。天地會陳開破潯州，建國號爲大成。九月，命勘查喀喇沁等處金礦。石達開督師西援，大破羅澤南於崇陽。天地會葛耀明等占江西安福謀合於太平軍。十月，安徽巡撫福濟等圍攻太平軍於廬州幾二年，至是始破。命江蘇、河南、安徽會擊張樂行。貴州銅仁舉人徐廷傑

等抗糧起事，以紅巾蒙首，是爲紅號軍。石達開入江西。十一月，命廣東購洋炮送胡林翼軍營。以廓爾喀攻擾西藏，調解不服，駐藏大臣派兵驅之。石達開會合天地會攻占江西瑞州等地，曾國藩以南昌吃緊，撤攻九江兵往援。胡林翼進攻武昌。張樂行等數敗官軍於皖北。貴州紅號軍占思南等地，齋教軍占八寨。王鑫等攻天地會軍於湘南，十二月，大破之，殺首領多人。是歲，江南大營仍時與太平軍戰於天京郊外，並攻圍鎮江，江北大營仍與太平軍戰於瓜洲一帶。

1856 年

丙辰 清咸豐六年

正月，石達開軍屢下江西諸城，曾國藩大困，駱秉章遣劉長佑等往援之。貴州紅號軍首領徐廷傑等敗死。張樂行遣兵攻永城，二月，分攻蘇北、豫東。石達開大破曾國藩部於樟樹。陳玉成、李秀成等大破托明阿，占揚州。三月，革托明阿職，以德興阿爲欽差大臣。羅澤南攻武昌，受傷死。石達開自江西三道入皖，占祁門等地。四月，命開採烏魯木齊鉛銀礦。陳玉成、李秀成等救鎮江，清軍統將吉爾杭阿敗死。五月，命各省行團練，由官督率。江南大營圍天京久，至是石達開等大破之，向榮等敗走丹陽。廣東天地會翟火姑等入江西，後合於太平軍。袁甲三等敗張樂行等於亳州，攻占捻之根據地雒河集。六月，命護送海運之輪船入江，由向榮調度，並籌添購小輪船事。石達開西援武昌，至湖口。韋昌輝破饒州，逼南昌，七月，進援瑞州，曾國華等大敗之。向榮死，張國樑暫統其衆，敗陳玉成、李秀成等於丹陽。江西吉安等處邊錢會起事，與太平軍相呼應。貴州齋教軍占古州。張樂行等復雒河集。甘肅循化撒拉回民起事。八月，雲

南奏回民起事，攻撲省城；命嚴查關津，防與川陝回民相結。時大理回漢互殺，亦大亂。貴州齋教軍占都勻。葉名琛殺廣東人數萬，謂與太平軍及天地會相通。韋昌輝回天京，與賴漢英等合謀殺楊秀清及其黨羽。以和春爲欽差大臣，督辦江南軍務。貴州苗破臺拱，九月，下黃平。以雲南回軍勢熾，命雲貴總督恒春督兵攻擊。「亞羅船」事件起，英人巴夏禮借機起衅，轟擊廣州。石達開返天京，嗣知韋昌輝欲相圖，越城走安慶，家屬爲昌輝所殺，十月，達開起兵討昌輝，天王尋殺昌輝。李秀成戰於桐城數不利，使李兆受招降張樂行等，是爲捻衆與太平軍正式合作之始。曾國荃援曾國藩於江西。貴州趙子隆起事於銅仁，尋敗。十一月，命墾黃河海口淤灘。胡林翼等破武昌，太平軍死亡萬餘人，守將韋俊走江西；尋官文等又破漢陽，胡林翼乘之攻下大冶等縣。天地會陳金剛復入廣東。張樂行敗走臨渙，其根據地雒河集復失。廓爾喀爲駐藏兵所敗，遣使謝罪，並奉貢。十二月，班禪額爾德尼呼畢勒罕掣定。山東軍俘金鄉一帶捻首王三托盤嘴等。曾國藩部再攻九江。是歲，自江南大營潰後，清軍移駐丹陽與太平軍相持，江北則相持於瓜洲一帶。魏源死。

1857 年

丁巳 清咸豐七年

正月，以市間拒用鐵錢，查禁之。河南軍攻捻軍於亳州境，互有傷亡。太平軍合鄂北土民佔宜昌，旋退。陳玉成、李秀成等再占廬江，二月，破清軍於桐城，進佔舒城、六安，尋又與捻軍龔樹等佔霍邱。昇平天國軍佔柳州。三月，以雲南威寧回漢互鬥，回民攻撲州城，命持平辦理。葉名琛奏英另派員來議，命慎密籌之，勿開釁端。太平軍楊輔清

入福建，佔邵武等地。四月，小刀會結合太平軍佔汀州，尋失。陳玉成入湖北，連下黃梅等地，敗於廣濟。五月，浙江餘杭民胡萬成起事，旋敗。勝保等敗張樂行、龔樹等，破其根據地三河尖。石達開因疑懼私離天京，走安慶。定流通大錢章程。張格爾之子倭里罕侵據英吉沙爾等回城，命伊犁等地防營攻之。閏五月，擒首韓狼子大敗勝保於正陽關。楊輔清自福建退入江西。胡林翼進駐黃州以禦陳玉成。六月，熱河豐寧劉福太等焚署劫庫，旋敗死。命籌畫黑龍江通肯一帶放墾。回軍攻雲南省城，總督恆春自殺。亳州捻內哄，袁甲三等乘機攻下多圩。七月，勝保破霍邱，張樂行等敗走正陽關。多隆阿、鮑超大破太平軍於黃梅，陳玉成退入安徽。八月，天地會陳金剛入廣西，佔懷集，稱南興王。勝保招撫鳳臺練長苗沛霖。河南捻首王三辮子等攻南陽一帶。石達開入江西。九月，以英人在上海收買制錢，命兩江總督、江蘇巡撫設法阻之。倭里罕等擾犯英吉沙爾等城數月，至是敗遁。龔樹破安徽布政使李孟羣於六安。李續賓等破太平軍，佔湖口。十月，以雲南回漢互閱，幾遍三巡，命雲貴總督吳振斌持平辦理，革倡議離回之前侍郎黃琮等職。十一月，英前遣額爾金來廣東交涉，要求苛刻，不得結果，遂與法軍聯合侵據廣州，俘葉名琛。王三辮子走伊陽，被俘。山東郟城幅軍瞿三禿子擾海州。和春等破鎮江，尋進攻天京，江南大營復振。德興阿等下瓜洲，江北大營亦略振。十二月，開雲南鉛禁。准閩海關外國商人以銀元納稅。湘軍蔣益澧等入廣西攻天地會，佔平樂府。貴州燈花教劉義順起事，佔思南等處，以白布裹首，是為「白號」。陳玉成與捻韓狼子攻固始。是歲，石達開與湘軍爭戰於江西，互有得失。英國麥加利銀行於上海設支

行。英教士創刊漢文六合叢談於上海。

1858 年

戊午 清咸豐八年

正月，命廣東激勵鄉團，助抗英、法侵略軍。雲南奏回漢忿爭，撫局難恃。二月，李秀成出天京調軍，決由安徽進攻以解天京圍。陳玉成等攻固始數月，至是為勝保所敗，退入湖北。貴州思南府燈花教胡勝海起事，以黃布裹首，是為黃號軍。三月，達賴喇嘛呼畢勒罕掣定。石達開入浙江。英法以要求在上海開議被拒，北赴天津，美、俄亦乘機求改商約，四月，陷大沽，清廷命桂良、花沙納往與媾和。李續賓等攻九江，太平軍堅守四年，至是陷落，林啓容以下死者萬餘人。勝保等破六安，張樂行等敗走正陽，尋占懷遠。擒劉二老淵則自蘇北攻山東、河南之交。湘軍蕭啓江、張遠蘭等分別攻下撫州、建昌。李秀成敗於江浦，退全椒。雲南奏回軍破順寧府。福州民以鐵錢不便，羣至督署，許以搭用銅錢，平抑糧價，乃散。奕山與俄簽訂愛琿條約，割黑龍江左岸地與俄。五月，桂良、花沙納與英、法分別簽訂天津條約，又與美、俄訂約。陳玉成失利於湖北，退入安徽。楊輔清又入福建。湘軍攻下柳州，昇平天國朱洪英走貴州。六月，石達開南下，七月，入福建，楊輔清以與之不和，回入江西。陳玉成等再佔廬州府。八月，擒孫葵心等破豐縣，入山東。楊輔清入皖南。陳玉成、李秀成大敗德興阿，江北大營再破，天京圍解。九月，李秀成佔揚州，旋棄之。石達開入江西。十月，嚴禁錢市買空賣空。允雲南停鑄大錢。前派桂良等至上海與英、法、美、俄商改稅則，至是關稅率協定成。英公使額爾金沿江視察至漢口，中途數與太平軍衝突。陳玉成大破李續賓於三河尖；續賓

以下死者甚多；十一月，與鮑超、多隆阿戰於二郎河，大敗。攻河南東部之安徽各支捻軍敗退。以雲南回軍情況不明，遣人前往偵察。太平軍李世賢破殺督辦軍務鄧紹良於寧國府。捻蘇天福再佔江蘇豐縣，復入山東。以李續賓部殲於三河尖，命曾國藩援安徽。十二月，胡林翼以鄂東吃緊，出駐黃州。是歲，英、美傳教士創亞洲文會，為英國王家亞細亞協會之分會，專事中國文化之研究。美國教士創漢字中外新報於寧波。

1859 年

己未 清咸豐九年

正月，曾國藩奏定三路沿江東攻太平軍。石達開部入湖南。二月，以餘姚民求減租與地主衝突，命浙江巡撫持平辦理。以去年京師鄉試舞弊，殺大學士柏葰。楊輔清敗於婺源，退江西。李秀成攻江浦、浦口，不利。陳玉成擊俘安徽布政使李孟羣於廬州官亭。捻孫葵心等擊殺總兵邱聯恩於舞陽北舞渡。三月，定洋藥（鴉片）之地釐章程。陳玉成援李秀成，與張國樑等戰於浦口一帶，互有勝負。四月，命奕山阻止俄船行駛於烏蘇里江。藍大順、藍二順、李短搭等起事於雲南大關。捻劉天福等攻嶧縣，旋退。雲南回民馬凌漢前於二月佔昆陽，至是敗死。石達開部與劉長祐等戰於湖南，互有勝負。五月，奕山以前輕允借黑龍江左岸地與俄，致啓俄人侵略烏蘇里江一帶，革職留任。英、法使者北來換約，強入白河，開炮挑釁，僧格林沁等禦退之，於是交涉又起。六月，以俄人強赴興凱湖查勘，命奕山阻止。幅首霍三禿子攻黃縣。捻首龔樹會太平軍攻定遠，安徽巡撫翁同書敗依苗沛霖。楊輔清為曾國荃等所敗，自浮梁走祁門。七月，命於清江浦東黃河淤地開墾。許雲南征土藥釐稅（鴉

片）。以鑄錢缺銅，禁用一斤以上銅器。石達開攻寶慶，與數枝湘軍力戰，失利，走東安，旋入廣西，其前隊入攻桂林。捻首蘇天福等敗死。八月，幅首洪佃一等攻佔嶧縣韓莊。捻龔得合太平軍攻占盱眙、明光。九月，廣東奏，陽山縣果子寨李幹等六千餘人起事數年，現已投降。命嚴禁私銷大錢以鑄制錢。河南南召捻衆薙髮投降。藍大順等佔四川筠連等地。石達開解桂林圍，佔慶遠府。陳玉成、龔樹敗馮子材等於六合。曾國藩以太平軍與捻衆聯合攻擊安徽諸地，定四路進兵之策。天京開天試。太平軍右軍主將韋志俊等以池州降於湘軍楊載福。十月，雲南奏攻下高明州，殺回民首領孫漢鼎等。貴州燈花教倡貴陽，嗣退；白號軍破渾潭等地。石達開部與天地會陳金剛部戰於懷集。陳玉成、李秀成連大破清軍於六合、江浦。太平天國改曆法。湘軍劉松山等破天地會何觀保等於連山。十一月，楊輔清等破池州，韋志俊退走。十二月，陳玉成會張樂行等敗多隆阿等於潛山地靈港，圍鮑超於小池驛。石達開部譚星等本天地會人，至是脫離達開入廣東連州合於天地會陳顯良等。

1860 年

庚申 清咸豐十年

正月，何秋濤進所撰《朔方備乘》。張國樑等攻下江浦等地，復圍天京。袁甲三攻捻軍所佔鳳陽府等地。鮑超等大敗陳玉成於小池驛，旋攻下太湖、潛山。貴州燈花教與苗民攻進貴陽。二月，藍大順等佔四川名山等地。天京考選各省提考官。李秀成入浙江，破杭州，三月，退出，回援天京。天地會陳開部攻柳州，劉長祐擊走之。英、法侵略軍以取求不遂，侵據舟山。閏三月，以廣東聽任洋人招買人口，命嚴禁。李秀成、陳

玉成、楊輔清等會援天京，大破清江南大營，旋又破丹陽，張國樑溺死，和春等奔常州。四月，李秀成等連佔常州、蘇州、嘉興等地。兩江總督何桂清革職拿問，命曾國藩代之，左宗棠襄辦軍務。英、法公使宣布保衛上海租界，美國人華爾由吳煦、楊坊之協助，組織洋槍隊，備抗太平軍。五月，英、法侵略軍游奕於渤海。石達開部入貴州。李秀成以將攻上海，致書上海英使，請其至蘇面商；上海美領事旋遣人赴蘇，即回。秀成部尋占松江，洋槍隊又奪回。貴州燈花教與苗軍敗湘軍於餘慶，旋逼貴陽。湘軍蔣益澧等攻下賀州，天地會陳金剛走廣東。六月，以黃河改道，裁汰江南河道總督以下官。陳玉成攻佔浙江餘杭，逼杭州，旋退。李秀成破洋槍隊於青浦，七月，至上海，先致書外國公使，聲明不擾外人，希守中立，旋即進攻，英、法守上海城，與太平軍對抗。英、法侵略軍入天津，桂良等往議和約；八月，和議破裂，英、法侵略軍復進擾，文宗奔熱河，命恭親王奕訢留京與英、法商談；英、法軍旋至北京，焚掠圓明園及三山。楊輔清等佔寧國等府。石達開逼貴陽。九月，訂中英、中法北京條約，英、法侵略軍旋撤走；俄使借口調停效勞，提出要求，於是訂中俄北京條約，割予烏蘇里江以東地。李世賢等佔嚴州等地。陳玉成復至安徽，攻壽州，未下，旋即與李秀成、楊輔清分入湖北、江西以分清軍之勢。命僧格林沁督師攻捻。十月，容闓至天京，建議七事。石達開偕部朱衣點等自廣西入湖南，圖與陳玉成相呼應。李世賢逼杭州。李秀成與鮑超等戰於休寧，大敗。陳玉成與捻龔樹、孫葵心等攻掛車河，失利。十一月，山東平原等十餘縣抗糧事起。苗沛霖通款於陳玉成。捻首劉二老淵大敗僧格林沁於巨野境。李侍賢偕祁門，曾國藩大營陷圍

中，侍賢尋以湘軍來攻，退走。山東鄒縣白蓮池習文教首宋繼鵬起事，建元天縱。十二月，雲南奏命掌教馬德新等安輯回民。命置總理各國通商事務衙門。命吉林招墾荒田。僧格林沁攻白蓮池，失利。朱衣點等入福建，佔汀州等地。朝鮮遣使探問英、法侵略事。

1861 年

辛酉 清咸豐十一年 太平天國十一年
正月，藍大順部攻資中等地。捻軍趙浩然敗僧格林沁於荷澤。鮑超、左宗棠合敗太平軍於饒州等地。英提督何伯命其部下照會太平天國，約以八條。二月，雲南奏攻下晉寧等地。普魯士請通商，命崇厚與之訂約。陳玉成入湖北黃州，以英領事巴夏禮要求勿攻漢口，乃派兵繞攻德安等地。捻軍姜臺凌自河南入湖北，又回安徽。山東天龍八卦教起事，破邱縣等地。捻軍趙浩然攻青州，南入江蘇。李秀成佔樟樹鎮，李世賢佔景德鎮。太平天國允英人請，令軍隊勿入上海百里內。三月，捻軍陳大喜等攻汝寧等地。山東天龍八卦教攻大名等地。李秀成佔吉安等地。英水師威嚇太平軍勿攻寧波。四月，命左宗棠幫辦曾國藩軍務。幅軍周克生據抱犢崗，稱九山王。李秀成佔瑞州等地。朱衣點等入福建，走江西。苗沛霖受天王封爵，圍壽州。五月，以雲南巡撫鄧爾恒被刺死，命徹查。英人赫德條陳用洋藥稅購外國船炮以攻太平軍，命曾國藩等籌計。李秀成入湖北，破興國州等地。寧紹臺道張景渠雇英法兵代防寧波。鮑超等破集賢關，俘太平軍將劉瑄琳，殺之。六月，以銀價日貴，命整頓錢店，查禁奸商。李秀成回江西，逼南昌。天龍八卦教黑旗首領宋景詩降於勝保。七月，湘軍蔣益澧等俘天地會首領陳開於潯州。

清文宗死於熱河，子載淳嗣，是為穆宗毅皇帝，初擬明年改元為祺祥，嗣以肅順等所謀失敗，殺貶數人，慈安、慈禧兩太后垂簾聽政，明年改元為同治，命恭親王奕訢為議政王。

八月，曾國詮等攻下安慶，太平軍死者萬餘人。白蓮教郅永清起事於歸德金樓寨。捻軍張敏行等入山東東部，劉大老淵等入河南西部。胡林翼死。九月，張敏行等走山東南部，別部在煙臺曾與英、法軍衝突。廣東南海縣民抗稅，燒收稅所。石達開入湖南。苗沛霖破壽州。李秀成入浙江，佔紹興，圍杭州。十月，命曾國藩統轄蘇、皖、贛、浙四省軍務，左宗棠入浙督辦軍務。浙江平陽金錢會聯合太平軍佔福鼎。天主申考試新令。十一月，李世賢佔臺州、寧波。李秀成入杭州，命滿洲官兵退出滿城，不聽，十二月攻破之。英提督何伯前命部下提出無理要求，太平軍皆拒絕之。李鴻章奉命援上海。李秀成攻吳淞，與華爾洋槍隊相戰，互有勝負。是歲，各國開使館於北京。徐家匯天主堂創設博物館。英倫敦教會設醫院於北京，是為北京協和醫院之前身。

1862 年

壬戌 清穆宗毅皇帝載淳同治元年正月，以白凌阿攻義州等地，命盛京及內蒙古各旗會擊之。命貴州巡撫田興恕規復苗軍所佔之麻哈等處。命雲南督撫張亮基等持平辦理回漢糾紛。石達開入湖北，轉四川。陳玉成命賴文光西征。英、法決定與太平軍為敵，與李秀成攻上海之軍屢戰。曾國藩所購輪船至安慶。命各海關籌款購船炮。二月，幅軍劉雙印攻淄川。苗沛霖降於勝保。捻軍張宗禹攻河南等地。左宗棠部佔遂安。三月，石達開攻涪州。賴文光入陝西，與藍二順合。雇英弁在天津練京營兵。李鴻章

至上海，旋署江蘇巡撫。英對寧波太平軍提無理要求。命地方官持平辦理天主教民案件。以江西生童拆毀教堂，命地方官妥辦。命查雲南回軍攻省城實況。四月，英、法軍及洋槍隊改名之常勝軍佔嘉定等處，大掠。英、法軍助清軍攻佔寧波。石達開入貴州。陳玉成敗於廬州，走依苗沛霖，苗縛玉成獻於勝保，後被磔死。賴文光合張宗禹偪西安，旋東走河南。曾國荃連下太平等地，五月，偪天京。以臺灣民佔彰化，命福建發兵攻之。陝西同州等處回漢互鬪，遂引起陝、甘多處回民起事。命將咸豐朝交涉案牘編纂成書。李秀成佔湖州。藍大順入陝西。僧格林沁攻下金樓寨。六月，訂中比通商條約。陝西回軍攻西安。鮑超敗楊輔清，佔寧國府。藍二順、陳大喜等與賴文光合，七月，攻南陽，走湖北。倭里罕等侵喀什噶爾卡倫。貴州巡撫田興恕以殺法教士，革職。命僧格林沁節制直、魯、晉、豫旗綠各營。八月，勝保援西安，回軍敗之於華陰。李短裕被俘死。英許清廷雇用軍艦兵民。李秀成回援天京。閏八月，石達開攻紱江，西走。山東淄川練長劉德培據縣城，稱漢王。九月，寧波常捷等軍佔餘姚。命選武弁在上海、寧波學習外國兵法及製造火器。十月，貴州奏攻下天柱等城。十一月，勝保革職拿問，多隆阿代為欽差大臣，先攻同州一帶回軍。命甘肅通告回民勿信洗殺之謠。天龍八卦教張錫珠入直隸。習文教及提輻各軍合攻鄜縣等處。賴文光等入陝南。李鴻章與英訂立會管常勝軍條約。十二月，桂文燦進所撰經學叢書。宋景詩率部自陝西回山東。石達開入雲南。是歲，設同文館於北京。何秋濤死。

1863 年

癸亥 清同治二年

正月，天龍八卦教攻直隸南宮等地。葛成龍等攻熱河胥陽，敗走吉林，逾月被俘死。中法混合之常捷軍及中、英混合之常安軍自寧波攻佔紹興。湘軍佔蘭溪等地。捻軍趙浩然降於僧格林沁，被殺。杜文秀部入雲南省城，旋爲馬如龍所迫退出。二月，允璽奉天開地。命伊犁將軍與俄勘定塔爾巴哈臺疆界。捻軍張樂行爲叛徒縛獻於清軍，磔死；姜臺凌等降於僧格林沁，亦被殺。英弁戈登接統常勝軍，同李鴻章部淮軍攻佔常熟福山。李秀成活動於江北，李世賢活動於皖南，數敗清軍。三月，禁商船接濟太平軍糧米。戈登同淮軍攻佔太倉，大殺掠。苗沛霖攻佔懷遠等地。以左宗棠爲閩浙總督，曾國荃爲浙江巡撫。捻軍張宗禹與李秀成相呼應，攻宿松等地。四月，命新疆北路各地勘查招墾。以貴州苗、教各軍活動依然甚烈，命巡撫張亮基加緊鎮壓。陝西回軍據點倉頭鎮，爲多隆阿所破，東路回軍勢力漸衰，惟西部及甘肅多處回軍甚爲活動。捻軍陳大喜自湖北回河南，大破豫軍於正陽。戈登同淮軍攻佔崑山。曾國荃部下雨花臺等處，天京圍急，天王召李秀成回。石達開自雲南入川西，擬搶過大渡河未成，陷於絕境，爲清軍所俘，五月被殺。允曾國藩等請，議減蘇州、松州、太倉糧。臺灣天地會破福建兵於嘉義。六月，戈登同淮軍佔吳江，偪蘇州。前統常勝軍之白齊文投太平軍。僧格林沁下淄川，俘劉德培。七月，各國公使允禁商人接濟太平軍。僧格林沁攻下白蓮池，習文教敗滅。八月，李鴻章部佔江陰。左宗棠部佔富陽，偪杭州。宋景詩攻直隸武邑等地，走山東。九月，李鴻章奏在上海雇英、法人造火器。貴州教軍破開州。宋景詩敗奔苗沛霖。太平軍將古隆賢降湘軍於皖南。十月，命四川

籌辦鹽釐。派赫德爲總稅務司。藍大順佔盩厔。李秀成以軍心散亂，去蘇州，回天京。譚紹光堅守，旋爲鄧永寬等八人所殺，降於淮將程學啟，嗣八人皆爲學啟所殺。僧格林沁部破斬苗沛霖。十一月，淮軍佔無錫。貴州教軍圍省城，旋退。十二月，以內蒙王公庇護攻擾土默特一帶之白凌河，申敬之。捻軍陳大喜入湖北。曾國藩於安慶江面試行新造小輪船。是歲，美國於上海設租界，旋與英租界合併爲公共租界。曾國藩派容闈購洋鐵、機械。李鴻章奏於上海機器局附設廣方言館。

1864 年

甲子 清同治三年

正月，以回軍馬化龍等攻寧夏等地，遣兵赴援，並諭阿拉善蒙民勿與回軍交通。臺灣天地會首領戴萬生等敗死。曾國荃部佔天保城，天京合圍。貴州教軍佔桐梓等地。二月，淮陽太平軍將吳人杰降於淮軍。多隆阿攻藍大順於盩厔，受傷死，其部下旋佔盩厔，藍大順走死。淮軍佔嘉興。左宗棠部佔杭州。捻軍張宗禹活動於豫西已久，與回援天京之賴文光等相呼應，三月，爲僧格林沁所敗，走湖北。勞崇光奏以回攻回之策，利用馬如龍以敵杜文秀等。四月，淮軍佔常州。馮子材等佔丹陽。張宗禹等大勝於德安。李世賢等攻江西等地。常勝軍解散。李鴻章請講求外洋機器。總理衙門請派京營弁兵赴江蘇學製火器。天主洪秀全自殺，五月，子天貴福嗣位。藍二順等攻西安。張宗禹等偪漢口，旋東下，敗於黃州。淮軍攻下長興。以紅鬃子攻擾內蒙地方，命熱河都統會同各旗王公緝捕。回軍據平涼年餘，至是雷正綰等攻破之。廣西天地會軍據貴縣已久，至是張凱嵩等攻破之。六月，張宗禹、任化

邦與賴文光等佔羅田。貴州青號教軍佔仁懷。左宗棠部佔孝豐。曾國荃自月初即督隊環攻天京，至十六日，城破，大屠殺。李秀成擁幼天王洪天貴福出走，中途相失，秀成旋被俘；天貴福入湖州依黃文金，七月，又走廣德，秀成亦被殺。甘肅固原回軍攻中衛等地。新疆漢回亦在烏魯木齊等地起事。淮湘軍會破湖州，黃文金等走廣德，擁天貴福南入江西。張宗禹等爲僧格林沁所迫，西走。八月，太平軍將梁成富等敗於婁城，走甘肅階州。張宗禹等敗僧格林沁於羅山。浙江太平軍皆敗入江西、福建。李世賢自江西入廣東，又入福建。常捷軍遣散。廣西天地會吳亞忠佔小鎮安城。洪天貴福被俘於江西石城，旋磔死。張宗禹等與僧格林沁追逐於河南、湖北，互有勝負。十月，以新疆回軍佔據多城，革伊犁將軍常清職。命楊岳斌帶湘軍赴甘肅鎮壓回軍。太平軍將馬融和等降於僧格林沁，陳得才自殺。左宗棠赴福建督師攻太平軍。十一月，張宗禹等敗僧格林沁於鄧州。太平軍汪海洋等敗左宗棠部於長汀。十二月，定查辦黑地章程。李世賢自漳州佔長泰。總理衙門照會各國公使，飭駐福州領事約束商民勾結太平軍。曾國藩奏請以淮軍攻捻軍。是歲，上海立會審衙門。烏理雅蘇臺將軍明誼與俄國訂塔爾巴哈臺條約。廣州同文館成立。妥得璘據烏魯木齊，殺滿官，稱清真王，後甘肅回軍首領多受其封號。

1865 年

乙丑 清同治四年

正月，新疆南路迎張格爾之子布蘇格入喀什噶爾，浩罕人阿古柏爲將，於是諸城多入其手。張宗禹等敗僧格林沁於魯山。貴州白號教軍佔正安，二月，黃白號教軍又佔石阡。英船接濟太平軍軍火於漳浦，左宗棠請禁廈門洋官

與太平軍交通。張宗禹等敗於礪山，北走。苗沛霖餘黨江智仁傳地主教，命嚴查禁。抽調淮軍援左宗棠。雲南奏攻下尋甸等處，俘殺馬榮、馬聯陞等。三月，張宗禹等入山東，僧格林沁追之入江蘇境。廣西軍敗天地會，佔永淳。命雷正綰等攻靈州等地回軍。四月，鮑超部因索餉譁變於湖北金口。淮軍始參與攻堵捻軍。湘淮軍會破漳州，李世賢西走。僧格林沁追捻軍，戰死於曹州吳家店；命曾國藩爲欽差大臣，節制攻捻各軍。以臺灣天地會敗滅，諭鎮道辦理善後。五月，貴州兵佔正安，白號教軍敗走。太平軍將梁成富等佔階州久，至是敗死。賴文光等敗於嘉祥，南走。太平軍汪海洋活動於閩、粵之交越半年，至是撤出閩境。閏五月，鮑超部變兵至廣東與寧合於汪海洋。白號教軍據黔西州久，至是敗走。曾國藩命皖北查圩。六月，張宗禹等敗於雒河集，分路西走河南。推廣旗人赴外省營生例。俄使允假道運餉赴伊犁。雷正綰等攻馬化龍於金積堡，大敗。李世賢走依汪海洋於鎮平，七月，爲汪海洋所殺，時太平軍殘部多聚於廣東東部，與左宗棠、鮑超等部爭戰。八月，李鴻章奏買上海洋人機器一座，與舊有洋炮局合併，是爲江南製造局。命左宗棠赴廣東督師。貴州白號教軍破廣順等地。賴文光等入山東，張宗禹入湖北，嗣文光入江蘇，宗禹入河南。九月，以雷正綰等部潰兵與回軍合，攻涇州，命派兵截堵。貴州教軍再破開州。十月，賴文光等入河南與張宗禹合。汪海洋佔嘉應。十一月，嚴禁各州縣私立班館，濫用非刑。以平回等數枝攻擾奉天、熱河等地，命地方官及蒙旗會堵。貴州教軍破安平。十二月，張宗禹等入湖北，數次獲勝，又走河南。寧夏回軍馬萬選等投降。汪海洋傷死，譚體元代統其衆，不久爲左宗

棠、鮑超所擊潰。至是除與合捻軍之賴文光等外，太平軍皆消滅。是歲，借英款一百四十三萬鎊，分二年六次償還，是爲外債之始。滙豐銀行在香港開業，後二年設支店於上海。英商於北京宣武門外敷鐵路一里許，試駛小火車，旋命毀之。省港澳輪船公司成立，駛行於廣州、香港、澳門。英於上海黃浦江口間架設電線。美國聖公會設同仁醫院於上海。

1866 年

丙寅 清同治五年

正月，伊犁大城破，俄官聲稱派兵「收復」。貴州白號教軍再破黔西州，又破大定府。張宗禹等敗走河南。二月，命籌濬山東運道。哈薩克破塔爾巴哈臺。福建齋軍破崇安等地，不久敗。張宗禹入山東；賴文光等入河南，三月，至山東與張宗禹合，入直隸，又還山東，敗走河南。四月，以甘肅省城兵變，命查明緣由，持平辦理。攻擾奉天、吉林、熱河之王起等勢窮投降，被殺。以陝西回軍活動於甘肅者復回陝境，命楊岳斌等盡力防堵。張宗禹等入山東，走蘇北，五月，分入皖北、豫東。天地會佔潯州久，至是敗走。與比利時互換前所簽訂之通商條約。以靈州回軍馬朝清投降，命籌辦善後。命各省招墾被兵荒地。六月，張宗禹等敗走豫西，七月，敗宋慶於鄧州。南通州亂民起事，旋敗。八月，命左宗棠爲陝甘總督。張宗禹等入山東，九月，走河南，分二枝，任化邦、賴文光復入山東，張宗禹西入陝，自是未再合，於是捻軍分東、西二部。命崇厚等辦理意大利通商條約。十月，張積中居肥城黃崖山傳教，山東巡撫閻敬銘以其有結捻嫌疑，遣兵攻之，積中自焚死。命廣東嚴懲拐賣人口出洋之奸徒。左宗棠奏設福州船政局，派沈葆楨總理局務。張宗禹入陝西。劉銘傳敗

任化郎、賴文光於曹縣，西入河南。李鴻章代曾國藩爲欽差大臣，節制湘、淮各軍。十一月，張宗禹一度偪西安。任北邦等走湖北。十二月，以回軍破哈密，嚴催成祿援救。張宗禹大破劉厚基等於瀚橋，圍西安。任化邦、賴文光破斬張樹珊於德安楊家河。是歲，同文館附設天算館，授科學技術。是歲，英商擅築上海至寶山鐵路。孫中山生。

1867 年

丁卯 清同治六年

正月，以道路不靖，告廓爾喀貢使不必來京。湘軍劉松山入陝，張宗禹解西安圍。任化邦、賴文光等大破劉銘傳於京山尹隆河，當日又大爲鮑超所敗，北走河南。命左宗棠爲欽差大臣督辦陝甘軍務。二月，張宗禹爲劉松山所敗，渡渭水而北。任化邦、賴文光又入湖北，破殺彭毓橘於斬水六神港。以大疫，命太醫院發方藥於京城。以回軍楊文智投降，命妥爲安插，並命其說服圍慶陽的回軍。甘肅回軍入陝境鄜州，命劉松山截堵。三月，命嚴禁越界私入朝鮮。甘肅貴德回民起事，殺官。張宗禹走同州。任化邦、賴文光入河南，四月，再入湖北。張宗禹攻西安，劉松山等拒却之，西走盤屋。五月，任化邦、賴文光經河南入山東，至煙臺，地方兵合英法軍禦却之。以伊犁等地駐防索倫人走入俄界，命招回安插。六月，以湖南瀏陽齋會徒聚起事，命速鎮壓之。以直隸境內鹽徒數千攻擾各地，責成劉長祐速鎮壓之。曾國藩張貼告示，圖解散哥老會。任化邦、賴文光入山東東部。苗軍首領陶新春據豬拱箐有年，至是爲岑毓英所破，被俘死。七月，張宗禹敗於富平，走三原。任化邦、賴文光闖過膠萊包圍線，走濰縣，入江蘇贛榆，八月，爲劉銘傳所逼，圖闖宿遷運河防線未成。張

宗禹過涇水東走。派員查勘與朝鮮交界地帶開墾事宜。九月，命嚴禁哥老會。命馮子材專辦廣西左江一帶軍務，以鎮壓天地會吳亞終等。苗軍潘先森據平遠牛場坵有年，至是敗死。張宗禹入陝北，十月，破延川，又與回軍合破綏德。任化邦、賴文光入山東，疊爲劉銘傳所敗，走贛榆，任化邦爲部下所殺。以彌勒僧格攻擾奉天、熱河，命蒙旗及滿兵合擊之。派美國卸任公使蒲安臣往有約各國辦理交涉。十一月，以北京制錢缺乏，命各省籌解。賴文光入山東，疊敗於諸城、膠州，至壽光瀾河之戰，喪亡大半，遂南走江蘇。張宗禹圖援東支捻軍，由陝西宜川渡河入山西，十二月，入河南。賴文光走揚州瓦窖舖，被俘死，東捻遂滅。湘軍將席寶田奉命赴貴州攻苗教各軍。直隸鹽徒敗潰。是歲，以海關稅作抵，借外商款一百二十萬兩。金陵機器局成立。天津機器局成立。英商成立中國航業公司。美商成立上海輪船公司。上海天主教設普育堂。福建船政學堂設立。

1868 年

戊辰 清同治七年

正月，命酌撥淮、浙、閩鹽茶稅充內務府經費。貴州黃毓教軍根據地思南荆竹園，經李元度圍攻經年，至是席寶田軍到，始攻破之。張宗禹入直隸，破饒陽等地，京師戒嚴；二月杪，入河南。陝西回軍沿渭水東走，徧西安，另支攻榆林等地。雲南回軍佔易門等地。三月，張宗禹大敗淮軍於滑縣，走山東；四月，入直隸，徧天津，旋走山東，又入直隸，復走山東。命安徽辦理墾荒。回軍據狄道有年，至是破。閏四月，派員會俄立新疆界碑。白毓教軍根據地思南偏刀水爲席寶田等所破。張宗禹入直隸，圖過運河防

線，不果，走山東，欲渡運河西進，未試，東走，五月，再謀渡運河，仍被截回，再入直隸，大敗於吳橋，復走山東。以回軍攻入河套，命山西兵截擊。以岑毓英等攻下元謀等地，命進攻富民等地。六月，禁山西種罌粟。吳鯤據歸順一帶有年，至是爲馮子材所破，走越南。貴州黃白教首領劉儀順被俘死，部下潰散。張宗禹陷於包圍，劉銘傳等殲之於荏平，官書謂宗禹投徒駭河死，西支捻軍至是消滅。七月，以貴州奏分攻黎平、思州苗軍情形，命籌劃進兵。命四川兵協助雲南鎮壓回軍，早解省城之圍。命陝西分投攻堵回軍。應張之洞請，限各府州縣濫送文童應試。八月，命吉林清查墾地，追索欠租。命金順貞責陝北軍務，與左宗棠互爲聲援，併行西進。以河南黃河築工漫水，命趕籌堵禦，辦理賑災。九月，曾國藩奏新造輪船工竣。以西寧回、漢構怨閭閻，命穆圖善妥爲籌辦。以河南南陽、江蘇揚州及臺灣教案頻生，命地方官迅速持平辦結。十月，罷借洋款議，令各省速撥西路軍餉。吳亞終在越南仍回攻龍州，命馮子材會合越兵擊之。苗軍根據地鎮寧被破。岑毓英奏攻下晉寧、澂江。十一月，曾璧光奏攻下麻哈、都勻。甘肅回軍入扎薩克旗，命派兵嚴防。以臺灣英弁傷死副將，殺傷兵勇，焚庫索款，命總理衙門向英使交涉。十二月，陳大六等久據天柱縣，與苗軍相呼應，至是敗死。命於綏遠等地安插伊犁等處流亡滿兵。是歲，追改中美天津條約，增加七條協定。美國長老會機關報之Chinese Recorder創刊於福州。

1869 年

己巳 清同治八年

正月，席寶田破苗軍根據地，攻下鎮遠府。命四川查辦西陽教案。穆圖善奏攻下肅州，

榆林等地回軍敗潰。二月，董志原回軍十八營禹得彥、白彥虎等大舉攻長武等地，敗走金積堡。綏德湘勇譚變，殺統將高連陞，命左宗棠查辦。三月，命妥嵩安插流亡之厄魯特人。四川奏援黔軍攻下苗軍根據地苦竹等寨。回軍攻花馬池，無功。高臺勇營譚變，命穆圖善查辦。四月，以回軍多趨北路，命金順預籌防。命整頓長蘆鹽務。五月，允李鴻章請，採購洋銅鑄錢。左宗棠奏陝西回軍皆入甘肅。貴州奏攻下施秉等地苗軍堡寨。六月，雲南奏尋甸回軍降，省城以東肅清。馮子材奉命進軍越南，吳鯉敗，自殺。陝西辦理渭北招墾。七月，英、普兩國人在臺灣伐木墾荒，私運軍火，命總理衙門照會兩國公使制止。禁流民私墾奉天邊外與朝鮮接界之地。回軍活動於鄂爾多斯蒙旗境，命宋慶等進兵擊之。命各省裁減浮糧浮費。八月，以俄人違約闖入呼蘭河口要求通商，命總理衙門照會俄使制止。太監安德海私行出京，命山東巡撫丁寶楨截獲，就地正法。唐努烏梁海等地與俄劃界立碑之事竣。穆圖善奏安插南八營回民之事竣。入鄂爾多斯之回軍敗潰。劉松山進至靈州，回軍馬化龍遣部抵抗。九月，雲南奏攻下易門等地。命暹羅貢使仍由陸路來京。福州船廠新造第一號輪船成，駛天津請驗。劉松山攻下靈州。十月，貴州奏攻下勝秉城。禁游民越朝鮮界滋事。十一月，以朝鮮人越界入俄，命禮部行文朝鮮國王領回。十二月，四川奏援滇軍攻下魯甸等地。劉松山自上月攻金積堡馬化龍，月餘未下。是歲，福建機器局成立。改訂中俄陸路通商條約。訂中奧通商航海條約。

1870 年

庚午 清同治九年

正月，雲南奏省城附近回軍敗散，並下祿豐等地。回軍在甘肅為左宗棠部所迫，紛入陝境，遠抵西安以東，命抽調淮軍應援。劉松山攻金積堡，受傷死。二月，以法使羅亞淑自行赴教案發生之地，強迫地方速予解決，諭各省官吏對交涉案件迅結，以免外人借事生風。以游民滋擾朝鮮，命盛京將軍查辦。劉錦棠等攻金積堡，數獲小勝。三月，崖州黎人前殺官起事，至是敗。雲南奏攻下麗江等地。四月，以回軍為宋慶所迫走外蒙古土謝圖汗等地，並有攻庫倫企圖，命速截堵。宜陽「刀匪」張野貓等起事，旋敗。金順奏於中衛敗回軍。左宗棠奏攻狄道回軍獲勝。馮子材自越南班師，越南遣使來謝。五月，湖南湘鄉哥老會起事已二月，至是敗。英使請設海底電線，允之，命沿海督撫稽查。天津教案起，法領事豐大業以橫暴被毆死，命曾國藩查辦，派崇厚為欽差大臣赴法。雲南奏攻下威遠，南路回軍敗散。左宗棠奏敗南路回軍。貴州奏下苗軍堡寨多處。七月，左宗棠奏安插甘肅境內之陝西回民情形。八月，兩江總督馬新貽被刺死，調曾國藩為兩江總督，李鴻章為直隸總督。派員會同俄人查勘塔爾巴哈臺一帶疆界並立界碑。曾國藩奏結天津教案。湖北宣恩哥老會起事，旋敗。九月，雲南奏攻下新興。命貴州進攻臺拱苗軍根據地。左宗棠奏金積堡合圍成，及敗河州回軍。十月，命劉銘傳督辦陝西軍務。湖南湘潭哥老會起事，旋敗。裁三口通商大臣，交涉事宜歸直隸總督兼管。白彥虎等攻平番等地。閏十月，以烏里雅蘇臺為肅州回軍攻破，派綏遠等地兵赴援。雲南奏攻下永北等地。十一月，命兩江總督兼五口通商大臣。命江、浙撥銀織辦大婚綵袖。金積堡馬化龍降，旋被殺。貴州兵攻下都勻。十二月，雲南奏攻下鄧川等地。以肅州回軍退

出烏里雅蘇臺南歸，命截擊之。金順等攻下王家疇回軍根據地。是歲，妥得璘與阿古柏戰敗乞降，阿古柏仍命爲清真王，後被殺。

1871 年

辛未 清同治十年

正月，派兵協防科布多。貴州奏結教案九起。命撫慰新疆北路各地民團徐學功等。二月，左宗棠奏安插金積堡等地回民情形。命左宗棠規復西寧。三月，雲南奏下潞江。曾國藩奏安徽廣德等地招墾事宜。左宗棠部破固原等地回軍。四月，李鴻章奏改修大沽口炮臺並添置洋炮。湖南哥老會破益陽等地，旋敗。五月，左宗棠請禁回民新教。貴州奏攻下苗軍主要根據地凱里、丹江。派李鴻章與日本使臣議定通商條約。以蒙地被擾，令嚴防庫倫。六月，以齋教於上月襲入嚴州等地，命浙、閩、贛查禁。左宗棠奏攻河州回軍。七月，馮子材二度入越助討黃崇英。以俄使通知俄軍已於五月中攻佔伊犁，命金順等籌商速進取烏魯木齊，免爲俄據。八月，禁四川種罌粟。回軍敗於安定等地。九月，回軍圍攻庫倫，被蒙兵拒却。以黃河決於蘭工，命急籌堵塞。十一月，左宗棠奏敗回軍於狄道等處。張曜奏北路擊敗回軍。十二月，以土爾扈特人自烏魯木齊逃至科布多境，命設法安置撫卹。命各省酌汰勇營，裁減釐卡。太子寺回軍敗潰。是歲，香港上海間海底電線敷設完工。印度承認竊據新疆之阿古柏伯克之獨立。

1872 年

壬申 清同治十一年

正月，貴州奏攻下清平等地。左宗棠奏宣慰洮州等地番民以攻回軍。二月，曾國藩死。命盛京嚴緝「馬賊」。山東侯家林黃河決口

合龍。河州回軍降。陝西回軍領袖白彥虎等走大通。三月，以邊民越界入朝鮮滋擾，命盛京嚴禁查拿。以回軍又分二路攻擾蒙古，命派兵截堵。四月，貴州苗軍據點烏牙坡被破。五月，左宗棠奏攻敗零星回軍情形。雲南奏攻下永平等地。以俄官不肯交還伊犁，命總理衙門與俄使交涉。六月，貴州奏境內苗軍皆敗，籌辦善後情形。七月，雲南奏攻下同軍所據之興義。左宗棠安插陝西回軍投降者於甘肅平涼等地，並攻圍肅州情形。馮子材奏留兵駐越協助鎮壓。八月，《勦平粵匪方略》及《勦平捻匪方略》修成。九月，雲南奏攻下趙州、蒙化及大理之上下兩關。瓊州何亞萬聯合黎人起事，旋敗。十月，肅州回軍攻科布多，旋退走。十一月，申禁各省罌粟。令浚運河。岑毓英攻大理，杜文秀服毒未死，其部下解獻軍前被殺；十二月，岑毓英入大理城，大殺戮。以俄不交還伊犁，並圖派兵阻遏進軍道路，命榮全督隊穩慎前進。西寧回軍降。是歲，俄與阿古柏伯克訂約在噶什喀爾通商。唐景星購美船一隻，懸中國旗行駛沿海。第一次派三十學童赴美留學。上海徐家匯天主堂設天文臺。日本宣布吞併琉球。

1873 年

癸酉 清同治十二年

正月，慈安、慈禧兩太后撤簾，穆宗始親政。拿問縱兵殃民逗留不進之烏魯木齊提督成祿。大通回軍降，白彥虎走毛目。二月，金順奏抵肅州攻回軍獲勝。三月，榮全奏俄兵在伊犁任意勒索，索倫、錫伯、蒙、漢兵民望救甚殷。四月，岑毓英部攻下雲州等處。左宗棠敗回軍於毛目等地。禁江西額外加征錢糧。五月，白彥虎率陝西回軍西走嘉峪關外，圖赴烏魯木齊。岑毓英攻下同軍最後據

點騰越，雲南白杜文秀起事至是十八年。六月，左宗棠奏親往肅州。初次允外國使臣謁見於紫光閣。閏六月，命清查各違制征收散捐、釐捐，次第蠲除。七月，以陝西回軍西走，敦煌等處吃緊，命設法防堵。八月，肅州回軍降，左宗棠大肆屠殺。九月，莊洛三等攻援朝陽等地，敗走。十月，四川黔江毆死法教士案起。十一月，越南使來，請仍派兵出關協助鎮壓北圻。十二月，左宗棠奏請於準備充足後再行出關。是歲，何紹基死。

1874 年

甲戌 清同治十三年

正月，以白彥虎與烏魯木齊一帶民團首領徐學功等相持，命派兵援徐。以法國侵擾越南及劉永福抗法與法越講和，命嚴防邊，並命照會法人毋得進犯高平、諒山。二月，禁各省私設釐卡。岑毓英奏法越交兵預籌邊備。禁京師私鑄。三月，以日本擅攻臺灣「生番」，並遣兵船至廈門，聲稱借地操兵，命籌應付之方。四月，撥銀十萬兩賑恤烏里雅蘇臺被擾部落。以俄人不交還伊犁且覬覦附近地方，命左宗棠等迅速派兵出關。派沈葆楨為欽差大臣辦理臺灣海防，節制福建鎮道。五月，沈葆楨奏籌辦臺灣海防辦法。以兩廣奏越南被迫與法和，並共同「剿匪」，驅逐流民，命嚴為防備。沈葆楨奏日本侵略軍已占牡丹社，意圖深入，刻已邀各國領事公評曲直。英康奏俄人已越塔爾巴哈臺設卡阻礙進路。命四川查緝哥老會。六月，白彥虎攻濟木薩，旋敗走。以日本違約稱兵，其兵船游弋閩江口外，命嚴備海防。七月，命廣西駐越北軍剿辦勾結法人之黃崇英。以日本使來京談判臺灣事件，命沈葆楨布置軍事，以壯聲威。八月，嚴諭奉天緝捕「馬賊」。命各省整理捕務。九月，命吉林捕攻「金

匪」。日本侵略臺灣事件，經英使威妥瑪調停，了結，付日本銀五十萬兩。十月，左宗棠奏籌西攻餉精。以朝鮮貢使於鳳凰城外被劫，命盛京嚴緝。以臺灣事件結束，命沈葆楨籌劃海防，並命李鴻章購鐵甲船及軍械。

十一月，命景廉等分路進兵規復新疆失陷各城。十二月，穆宗死，慈禧太后立醇親王子載灃，是為德宗景皇帝，仍由慈禧、慈禧兩太后垂簾聽政，改明年元為光緒。是歲，上海法租界因修路平毀寧波公墓，寧波人聚眾反抗，法軍槍殺多人。以臺灣出兵，借滙豐銀行款。日本人力車輸入上海。李鴻章主持設立招商局輪船公司。基督教士創刊中西見聞錄於北京。馮桂芬死。

1875 年

乙亥 清德宗景皇帝載灃光緒元年

正月，弛內地人入臺灣之禁，命於後山招墾。英翻譯員馬嘉理被殺於雲南界內，交涉起。二月，河州回民闖殿臣降後，以尋仇起事，至是敗死。三月，李鴻章奏清理積案十三萬五千餘起。以英、俄陰謀乘機侵略，命岑毓英等速查馬嘉理被殺真相，並妥慎布防。以左宗棠為欽差大臣督辦新疆軍務。緬甸遣使進馴象、象牙、佛像、玉石及呢布等物。四月，薛福成應詔陳治平六策、海防密議十條。分命李鴻章、沈葆楨督辦北洋、南洋海防。法使以法越訂約事通知總理衙門。五月，總理衙門保舉出使人材。楊昌濬奏處理臺州民聚眾抗糧案。派李瀚章赴雲南查辦馬嘉理被殺案。王三好等攻擾奉天各地有年，至是敗死。六月，越南遣使進香禮。以秘魯華工備受欺虐，命李鴻章於訂約時，附帶提出禁止。七月，左宗棠奏新疆軍務預需情形。幅民間廣泰攻擾山東、江蘇有年，至是敗死。黃崇英勾結法國擾亂越北，廣西道員赴沃入越

討擒之。命李鴻章與英使威妥瑪交涉馬嘉理案。八月，派郭嵩燾爲出使英國欽差大臣，是爲正式派遣駐使之始。以奉天宗室覺羅，往往窩庇盜匪，命查實嚴懲。十月，開浙江南田島禁，招民開墾。十一月，嚴禁私販洋槍、洋炮。十二月，禁詞訟事件拘傳、羈留與案件無關緊要之人。左宗棠奏請借洋債以資新疆軍費。命各省招墾荒地並禁書差需索。是歲，出口值銀六千八百九十一萬二千九百二十九兩，入口值銀六千七百八十萬三千二百四十七兩，征貨稅一千一百九十六萬八千一百九兩。華商仁和保險公司、濟和保險公司成立。海關初附設郵政。禁止澳門「苦力貿易」。美國人林樂知於上海創刊萬國公報。

1876 年

丙子 清光緒二年

正月，命議籌借洋款，並命各省攤解餉銀以利左宗棠軍行。二月，左宗棠自蘭州進駐肅州督師。四月，李鴻章奏聘德弁教練各營施放後膛槍炮並派弁赴德學習軍械技術。五月，英使威妥瑪出京以要挾解決馬嘉理案。閏五月，直隸、山西旱象成，福建水。六月，命李鴻章赴烟臺與威妥瑪商決馬嘉理案。命澈查四川東鄉慘案。劉錦棠等敗白彥虎與阿古柏兵，收復烏魯木齊等地。七月，騰越練軍於五月間譁變，與部分降回聯合攻順寧等地，至是敗潰。李鴻章與英使威妥瑪簽訂烟臺條約。八月，命各省認真禁種罌粟，並行地方官推行禁令考成辦法。浙江永嘉施鴻勳持齋傳教，私立官號，陰謀起事，發覺被殺。金順攻下瑪納斯南城，白彥虎走吐魯番。九月，以四川南充等縣教案頻出，命速爲完結。十月，賑蘇北、皖北旱災。十一月，命廣東嚴查天地會。安南遣使入貢。十二月，李

鴻章等奏派福建船政學堂學生分赴英、法等國學習製造、駕駛之術。是歲，出口值八千零八十五萬五百二十兩，進口值七千零二十九萬九千五百七十四兩，征貨稅一千二百十五萬二千九百二十兩。英商怡和洋行建淞滬鐵路成，旋由中國收購拆毀。英商麥邊洋行成立，經營長江航運。直隸、河南、山西旱。

1877 年

丁丑 清光緒三年

二月，挑浚運河。減湖北煤稅。令與朝鮮互查越界之人。崇厚奏清丈奉天東邊地畝。三月，張曜收復關展、吐魯番。劉錦棠收復達坂城，釋所俘維族回民，資遣南歸；旋又收復托克遜，阿古柏之子海古拉遁庫爾勒。四月，阿古柏服毒死，海古拉昇屍走，其兄伯克胡里襲殺之，奔喀什。七月，左宗棠奏新疆南八城憎恨阿古柏情形，並斥英人前爲阿古柏說項之陰謀。劉錦棠自托克遜西進，九月，收復哈喇沙爾、庫爾勒，又速下庫車、拜城、烏什，白彥虎走喀什。丁寶楨奏改四川鹽法。十月，議訂古巴華工條款。十一月，劉錦棠收復喀什噶爾、葉爾羌、和闐、英吉沙爾，伯克胡里及白虎彥走俄界，至是新疆南路肅清。是歲，直隸、山西、河南大旱。借滙豐銀行款五百萬兩充新疆軍費。四川機器局成立。基督教設益智會，妥韋廉臣、傅蘭雅編西學書籍。全年出口值六千七百四十四萬五千二十二兩，進口值七千三百二十三萬三千八百九十六兩，征貨稅一千二百零六萬七千零七十八兩。

1878 年

戊寅 清光緒四年

二月，申禁栽種罌粟。左宗棠奏分別遣留葉爾羌之英印商僑。三月，曾國荃遣兵擊潰大

青山游勇。五月，命嚴查私鑄，禁京師奸商操縱錢價。七月，命各省裁陋規。左宗棠奏參查禁栽種罌粟不力人員。八月，浙江定海大衢山金啓蘭聚眾抗查荒地，至是敗死。九月，命查禁天地、哥老等會。革職副將李揚才入越北騷擾，越南王請兵援助，馮子材三度奉命入越。十月，安集延人擾邊，劉錦棠破走之。十一月，左宗棠奏新疆北路招墾情形，並請建爲行省。廣西懷遠肅教徒於秋初起事，至是敗。是歲，借德款二百五十萬馬克爲海軍建設費。唐景星成立開採礦務局。左宗棠設機器織呢局於蘭州。法商設寶昌絲織廠於上海。北京等處海關附設送信局發行郵票。

1879 年

己卯 清光緒五年

正月，安集延糾布魯特擾邊，劉錦棠破之。二月，以丁寶楨修都江堰辦理乖方，降級留任。四月，崇厚奏俄允查禁安集延人犯邊，並請赦免逃入境內回民；命左宗棠酌度辦理。貴州巡撫林肇元奏開採羅斛州等地砂礦。五月，命崇厚爲出使俄國欽差大臣，嗣命便宜行事。六月，羅應旒請整學校，練兵民，精機器及參西洋之法例。七月，以西洋各國欲與朝鮮通商，命李鴻章致書開導朝鮮重臣。命湖北嚴懲拐賣婦女之國戶。八月，以崇厚與俄所訂交還伊犁條約交左宗棠等審議。前擾新疆之愛克木汗條阿布都勒哈瑪被俄驅逐，糾安集延、布魯特人犯邊，劉錦棠擊斬之。九月，王先謙條陳洋務事宜。李揚才敗死，馮子材班師。十月，丁日昌奏整頓輪船水師應延致西人教練。十一月，穆宗毅皇帝實錄、寶訓成。哥老會徒已革總兵楊海春謀於貴州省城起事，發覺死。以崇厚擅自回京，命議開缺聽候部議，並將其所訂條約發交廷議。

十二月，張之洞等交章彈劾崇厚喪權辱命，並請備戰，旋將崇厚革職拿問。是歲，出口值七千二百二十八萬一千二百六十二兩，進口值八千二百二十二萬七千四百二十四兩，征貨稅銀千三百五十三萬一千六十七兩。借滙豐銀行款千六百十五萬兩。架設天津大沽間電線。英人創印英文之文匯報於上海。上海徐家匯天主堂創刊益聞錄。

1880 年

庚辰 清光緒六年

正月，命曾紀澤使俄交涉伊犁事。廣西苗民王么等於去冬起事，攻西林，至是敗死。以廓爾喀貢使來京，崇文門關吏詐索，命查辦。命王府莊田遇災分別減租。命李鴻章澈查招商局弊竇。以備伊犁交涉決裂，召鮑超來京備防東京。二月，與德改訂條約。三月，命左宗棠出駐哈密，指揮伊犁軍事。四月，郭嵩燾奏陳伊犁交涉補救之方。左宗棠奏甘南番民古旦巴等起事，已派兵擊破。左宗棠奏新疆修渠、開墾、整稅、興學諸善後事宜，又奏開建行省。五月，曾紀澤請寬崇厚之罰以利交涉。命黎兆棠整頓福建船政局。六月，以防俄，召曾國荃來京。七月，召左宗棠來京備顧問，並命李鴻章籌辦直隸防務，曾國荃督辦山海關防務。八月，李鴻章請安裝電線。朝鮮請派人學習器械於天津，令李鴻章妥辦。九月，命查浙江荒地。直隸東明黃河漫口，旋合龍。十月，命李鴻章與日本談判琉球案。與美國修約成。十一月，劉銘傳請築鐵路，命李鴻章妥籌。丁寶楨奏攻峨邊等地彝人獲勝。十二月，崇綺奏熱河圍場墾闢情形。是歲，羅馬尼亞國王沙勒爾第一遣使來告即位。印度加爾各達王騷林德羅門他果耳獻樂譜樂器。李鴻章創海軍，於大沽設造船所。李鴻章於山東嶧山設中興煤礦

公司。

1881 年

辛巳 清光緒七年

正月，左宗棠奏甘肅織呢、修渠、蠶桑、種棉、淘金等建設情形。命朝鮮關係洋務事件，由北洋大臣及駐日使臣與之函商。李鴻章奏福建船政學生出洋學習情形。曾紀澤與俄改訂伊犁條約簽字。二月，命總理衙門再與日本交涉琉球案。允於檀香山設領事以護僑。三月，慈安太后死。四月，劉坤一奏疏導淮河。五月，恭鏜奏於烏魯木齊分別撥與滿營弁、兵地畝屯種，以免坐食。左宗棠請用寓禁於征之辦法，增加鴉片烟稅。命左宗棠等妥籌興修近畿水利。築旅順口西式炮臺。六月，吉林設機器局製造軍火。七月，吉林請將圍場放墾並興辦礦務。閏七月，湖南奏改對瑤民政策，並請縣學增加瑤族生員。八月，與巴西訂約成。命湖南嚴禁私牢及吏役勒索陋規。九月，命湖南嚴禁耒陽奸痞虐待煤工。吉林奏開採煤礦情形。劉長佑疏陳法人志在必得越南以窺滇越，並請以兵力扶持琉球。十月，李鴻章奏續派福建船政學堂學生出洋學習。命李鴻章等妥商抵制法侵越南辦法，因派黃桂蘭入越北，扼要屯駐北寧一帶。吉林奏朝鮮民私越圖們江至琿春一帶墾種情形。十一月，李鴻章奏獲紅陽教徒孫文光。十二月，以朝鮮大臣密致書於李鴻章請協助與西洋各國訂約，命李鴻章妥辦。劉長佑陳助越抗法之策。是歲，向滙豐銀行借款一百二十五萬五千二百五十鎊為贖伊犁之費。唐山至胥各莊鐵道築成，並試製成小型車頭。上海天津間電線架成。上海租界區電話裝成。天津水師學堂成立。左寶貴出私財於瀋陽立同善堂，內有天花預防、育嬰及養老等所。

1882 年

壬午 清光緒八年

正月，命湖南修洞庭湖石隄，以利行旅。丁寶楨奏三巖番人劫殺洋人已獲兇法辦。三月，以法、越兵端已起，命總理衙門籌商對策，並令雲南備邊。四月，派馬建忠協助朝鮮與美、英等國訂通商條約。訂中國朝鮮商民水陸貿易章程。五月，派趙沃帶兵駐越北與黃桂蘭相犄角，以防法。劉長佑奏派沈壽榕帶兵出關為越聲援。六月，朝鮮京城發生變故，事連大院君李昰應；派兵入朝鮮，七月，還李昰應於保定。八月，命唐炯率兵出駐越北並聯絡劉永福以抗法。九月，中俄伊犁界約成。法使寶海與李鴻章商談中法越南問題。十月，左宗棠奏清丈江蘇淤生沙洲情形。十一月，盛宣懷於上海設電報總局並設電信學堂。十二月，以與法會商越南交涉事件，命雲南、兩廣籌畫對策。左宗棠請減利國礮煤礦稅。是歲，塞爾維亞王密朗以晉號托法使代遞國書。新疆開始作建省準備。上海領事團裁判所成立。上海電氣公司成立。李鴻章籌劃於上海設機器織布局。上海南京間電報開通。李善蘭、陳澧死。

1883 年

癸未 清光緒九年

正月，崇綺奏奉天煤釐情形。崖州黎人符亞對起事有年，至是敗死。二月，法使寶海被撤，另派脫利古為特使，命李鴻章與之交涉，無結果。禁各省濫用非刑、幕友招引徒黨。岑毓英等奏陳與法交涉越南事件意見。三月，命李鴻章督辦越南事宜，節制雲南、兩廣軍務。四月，命徐延旭出駐越北，監護黃桂蘭、趙沃兩軍。五月，岑毓英奏雲南用機器採銅情形並將集股設立公司。召李鴻章回天

津籌防。六月，命查禁在理教。七月，以太監閻連成等在紫禁城內開設烟館，命嚴懲。命雲南籌計招商集股開採境內各礦。命岑毓英入越之軍不得顯露助戰之迹，致啓兵端。廣州人民以外國船員殺死中國人，忿燒沙面洋商房屋。八月，安浦自俄界來投之哈薩克人於伊犁、博羅塔拉一帶。命彭玉麟赴廣東辦理防法軍務。允越南請由海道入貢。九月，以唐炯擅自退師，嚴責之，嗣予以革職留任處分。越南國王以被法威脅簽訂和約情形咨請廣西巡撫代奏。十月，劉錦棠奏坎巨提部貢金砂。法軍炮擊錦江一帶華軍陣地，華軍扼退之，是爲法軍與華軍正式接戰之始。岑毓英出駐越北督師。十一月，以越南人殺其國王，命張樹聲赴越，張樹聲未行。十二月，法軍炮擊新河，華兵會越南兵擊退之。是歲，中俄科布多、伊犁接壤界約訂立完畢。上海祝大椿等組織源昌機器五金廠。廣州九龍間電報開通。

1884 年

甲申 清光緒十年

正月，法軍攻慈山等地，均被擊退；二月，又大舉來犯，陷北寧等地，黃桂蘭軍潰退，詔拏問徐廷旭，以潘鼎新代。改訂中國朝鮮通商辦法。三月，左宗棠奏興修江南水利情形。罷免恭親王奕訢全班軍機大臣。李鴻章密函總理衙門以與法講和事。四月，用李鴻章言，命曾紀澤免兼駐法使事。李鴻章與法弁福祿諾訂約罷兵。閏五月，法軍至觀音橋迫華軍撤退，嗣開炮轟擊，華兵大創之，法因誣中國違約，提出苛刻要求。派劉銘傳督辦臺灣防務。派曾國荃等與法使巴德諾會議中法條約，無結果。六月，法犯臺灣，一度據基隆炮臺。張佩倫奏法艦窺福州。命沿江沿海，攻擊登岸法兵。七月，法艦啓舛於馬

江，毀我艦艇甚多，旋逃出閩江。向法宣戰。八月，潮州、溫州民恨法國侵略，毀教堂。法兵攻基隆，劉銘傳棄之；又攻淡水，大敗。法軍與華軍戰於越北船頭等地，互有勝負。九月，李鴻章又晤作與法媾和交涉，以廷議反對未成。十月，朝鮮金玉均等勾結日使脅迫國王發動政變，中國駐軍擊敗之。中國駐軍敗法軍於紙作社。新疆正式設省，以劉錦棠爲巡撫。十一月，岑毓英督師圍宣光法軍，十二月，開始猛攻，以法軍堅守未下。法軍大舉進犯，陷諒山，潘鼎新遁至鎮南關。總稅務司赫德得總理衙門同意，派金登干至巴黎接洽中法講和。是歲，吉林機器局鑄銀幣自一錢至一兩五種。

1885 年

乙酉 清光緒十一年

正月，法軍進攻，潘鼎新走龍州，又至海村，法軍遂占鎮南關，前鋒至關內。岑毓英攻宣光之師以法援至，解圍略退。法艦攻浙江鎮海口，歐陽利見等拒却之。二月，馮子材等大勝於關前隘，法軍狼狽潰走，不及半月，這克諒山等地，前鋒逼郎甲。岑毓英部收復臨洮等地。法艦占澎湖。法急欲和，遂由金登干與之簽訂停戰撤兵簡約。朝鮮遣使謝代平亂。三月，日本派伊藤博文來交涉朝鮮事，命李鴻章等與之商訂條款，是爲中日天津條約。李鴻章等與法使巴德諾簽訂細約，四月，中法越南條約簽字。五月，左宗棠奏請開鐵礦、造大炮以固海防，李鴻章奏請立武備學堂以培植將材。六月，增續中英烟臺條約專條十款，改洋藥稅釐。七月，派員與法人會勘中越邊界。派李鴻章等與法使議滇越邊界通商條約。左宗棠死。八月，貴州奏整理插花地事。九月，派醇親王奕譞總理海軍事務，命慶郡王奕劻、李鴻章會同辦理，導

度、曾紀澤幫同辦理。十一月，以英併緬甸，命曾紀澤與之交涉。十二月，申各部院書吏役滿回籍之令。是歲，始征土藥（鴉片）稅。由招商局借款二十萬兩與朝鮮。總稅務司赫德將朝鮮海關隸於中國海關系統之下。開平鐵路公司設立。福州英華學校始立中華基督教青年會。

1886 年

丙戌 清光緒十二年

正月，李鴻章奏招商局情形。二月，裴蔭森奏福州船政學堂情形。張之洞奏定防治廣東「莠民」辦法。以山東頻遭河患，賑之。三月，與法訂越南邊界通商章程十九款。四月，命山東修治黃河。派醇親王奕譞巡閱北洋海口。五月，以羅馬教皇允移北京之天主教北堂，命總理衙門妥為辦理。丁寶楨死。六月，吳大澂奏與俄國勘東界事竣。重慶教案起。浙江修海塘。中、英、緬甸條約成。七月，貴州奏辦理礦務情形。八月，命增修大清會典。張之洞奏廣東沙田升科事。希元奏吉林私墾情形。九月，曾國荃奏金陵機器局擴充事。張曜奏疏浚黃河、運河情形。剛毅奏籌河套開墾。張之洞奏籌瓊崖治安及鎮壓客民、黎人。開臺灣採礦禁，並允官營樟腦硫磺製銷。十月，許新疆州縣學收取回民童生。改福建巡撫為臺灣巡撫，於是臺灣正式成為一省。雲南東川土民起事，旋敗。十一月，壽張黃河漫口合龍。雲南遠達戶弄寨土司等起事，旋敗。十二月，甘肅中衛趙神仙等據滴水崖起事，旋敗。劉銘傳奏攻臺灣番民情形。命舉辦黑龍江漠河金廠。是歲，戶部向英商怡和洋行借款。張之洞設縑絲局於廣州。上海華商設正裕麵粉廠。武備學堂成立。德機關報 *Der Ostasiatischer Lloyd* 創刊於上海。

1887 年

丁亥 清光緒十三年

正月，以對機器鑄錢事，枝梧搪塞，將戶部堂官嚴處。開廣東鐵器出洋之禁。命李鴻章速購機器鼓鑄制錢。二月，穆圖善奏東三省練兵章程。命各省認真辦理保甲。總理衙門請與修鐵路。三月，劉錦棠奏新疆招墾情形。張之洞請鑄銀元以抗外幣。四月，岑毓英奏架設電線，黔西居民阻工及毆傷員工，砍毀電桿，命開導居民、懲治要犯。李鴻章等奏整頓錢法。命各級考試酌收算學生童舉人。閏四月，四川奏機器局情形。五月，中法續議界約成。允湖北設局鑄錢。六月，禁私藏洋槍，並訂用洋槍劫搶加等治罪條例。廣州水師學堂成立。七月，浙江奏開辦機器局情形。八月，福州船廠造鐵協輪船成。命朝鮮遣使西洋，須先請示。命查禁販運制錢售與洋人。福建臺灣海底電線成。鄭州十堡黃河決口。直隸大水。九月，以鄭州河工需款，開鄭工捐例。十月，中葡條約成。張之洞奏華僑被虐，請酌設領事以資保護。十一月，以西藏於哲孟雄境內設卡，命速撤回。十二月，黑龍江奏籌議金廠章程。是歲，借德款五百萬馬克充海軍建設費。開熱河四道溝銅礦。設海關於九龍、澳門。英教會於武昌設博文書院。天津時報創刊。蘇格蘭長老會於上海設 *Society for the Diffusion of Christian and General Knowledge among the Chinese*，後改名廣學會 *Christian Literature Society*。

1888 年

戊子 清光緒十四年

正月，再命藏兵撤出哲孟雄境。二月，岑毓

英奏雲南振興茶利征收茶稅茶釐。三月，熱河奏土槽子等地銀礦情形。四月，岑毓英奏於擊敗順寧等地黑彝後籌辦善後。五月，唐炯奏貴州鉛務。曾國荃以華茶爲日本茶所擠，在外市場歷年積銷，請核減茶稅。六月，再令藏人勿與英構衅。七月，熱河奏開榆樹溝等地煤礦。合肥劉文弼起事，旋敗。劉銘傳奏臺灣清丈土地。永定河多處漫溢。奉天大水。八月，吉林奏立荒務總局辦理勘丈。九月，升泰奏藏兵入哲孟雄與英兵開衅情形。十月，訂中法滇越電線章程。十一月，貴州奏採購機器於青谿縣開礦煉鐵。升泰奏藏人堅欲索回哲孟雄全境。十二月，四川奏反攻馬邊等處彝人獲勝並歃血盟誓。鄭州黃河決口合龍。是歲，康有爲奏請改革國政。唐山至天津鐵路修成。

1889 年

己丑 清光緒十五年

正月，鎮江民忿洋捕毆死華人，毀洋行及領署。洪良品等停辦鐵路，被駁。二月，慈禧太后歸政。廓爾喀入貢。藏兵撤出哲孟雄。四月，張之洞請暫停兩廣鑄鐵爐稅，又奏築蘆漢鐵路之利。六月，岑毓英死。陝西奏回民入官地招佃收租情形。七月，貴州奏開威寧西良山銅礦。命查興壽圖招股在上海設機器織布局事。廣西奏設官蠶局以興絲利。八月，派李鴻章等計劃修建蘆漢鐵路。十月，命明定州、縣緝捕章程，嚴禁捕役索賄。十一月，張之洞奏擊敗連山瑤民。十二月，禁黑龍江招人墾荒。是歲，英於倫敦設中國協會，立支會於上海等處。上海德華銀行成立。

1890 年

庚寅 清光緒十六年

正月，湖南奏修濬洞庭湖，並禁私墾淤沙。二月，中、英、印、藏條約簽字。曾紀澤死。四月，廣東試鑄銀元及輔幣。彭玉麟死。六月，京師大雨成災，直隸大水。七月，臺灣奏清賦竣事。薛福成請以時接見各國使臣。浙江挑澣苕溪南湖。八月，四川奏防攻雷波彝人獲勝。九月，吉林奏三姓試採金砂情形。哥老會周子意等謀在石埭起事，被捕死。十月，曾國荃死。十一月，定於每年正月接見各國使臣，自明年爲始。李鴻章奏旅順船塢修畢。濬吳淞江。醇親王奕譞死。四川修長江三峽緯路成。是歲，張之洞創立漢陽製鐵局，後稱漢陽鐵廠，又設漢陽槍炮廠，後稱漢陽兵工廠。官商合辦之上海紡織廠成立，後改恒豐紗廠。上海機器織布局開工。海關郵政部普設於各通商口岸。基督教布道大會決定設中國教育會，出版新書。日本設日清貿易研究所於上海。

1891 年

辛卯 清光緒十七年

正月，德宗接見各國使臣於紫光閣，各國使臣向皇帝呈遞國書，鞠躬施禮。於是外國使臣覲見之例遂定。四月，哥老會徒起事，焚毀安徽蕪湖、江蘇丹陽、湖北武穴鎮各地耶穌教堂，此外長江各省，亦多有哥老會秘密組織。六月，命嚴緝哥老會徒。直隸總督李鴻章、山東巡撫張曜檢閱海軍於旅順，並查勘炮臺船塢，北洋海軍提督丁汝昌率定遠、鎮遠等十一艦，廣東水師統領副將余雄飛率廣甲等三艦，南洋水師統領郭寶昌率寶泰等六艦，齊到旅順會操。是時北洋兵艦合計二十餘艘，海軍規模略具。十一月，熱河朝陽教徒起事，有元帥、軍師等號，焚毀耶穌教堂，抵抗官兵，後遭受酷殘鎮壓，死者盈萬。十二月，出使

英、法、意、比大臣薛福成奏滇、緬分界通商事宜。是年上海道唐松岩在上海設機器紡織局，官商合辦。康有為大同書刊成，宣布其「大同思想」。康有為又撰《新學僞經考》、《孔子託古改制考》為其變法思想建立理論根據。張之洞設湖北機器織布局於武昌。大冶鐵礦起始開採。臺北基隆間鐵道通車。是歲，郭嵩燾死。

1892 年

壬辰 清光緒十八年

正月，雲南鎮邊少數民族起事，旋敗。三月，出使英、法、意、比大臣薛福成請嚴禁私購軍火。四月，湖廣總督張之洞查辦湖南長沙地方民間刊布之「滅鬼歌」及攻擊耶穌教之揭帖、圖畫。六月，派薛福成商辦滇、緬界務。七月，北洋大臣李鴻章奏同俄使妥商中俄邊界連結陸路電線章程，訂立條約。刑部、吏部奏議竊毀電報線人犯與地方官分別治罪專條。十二月，重修頤和園成。大沽與漢州間之鐵道建立。大冶鐵道通車。是歲，頒國新法。

1893 年

癸巳 清光緒十九年

六月，出使英、法、意、比大臣薛福成請申明新章，豁除海禁舊例，准許良善商民，無論在外洋久暫，一概准由出使大臣或領事官給與護照，任其回國治生置業，並聽其隨時經商出洋。十月，直隸總督李鴻章以上海設立之機器織布局，建廠以後，每日夜已能產布六百匹，是年九月，燬於火災，因奏請仍在上海另設機器紡織總局，官督商辦，委津海關道盛宣懷赴滬籌辦。張之洞設自強學堂於湖北。十一月，出使英、法、意、比大臣薛福成奏與英國議定滇緬界務、商務，訂立條約共二十

條。訂西藏條約附屬章程於大吉嶺。十二月，廣西巡撫張聯桂奏報粵西邊界與法使繪圖立石。是年，湖廣總督設立自強學堂於武昌，分外語、數學、自然科學、商業四科。是歲，日本橫濱正金銀行設分行於上海。上海租界工部局收買上海電力公司，設立電氣處。洪鈞死。

1894 年

甲午 清光緒二十年

二月，東河總督許振禕勘察永定河，於壘溝橋立河防局，以護堤搶險。朝鮮親日派首領金玉均被刺於上海，屍體運回朝鮮被戮，日本大譁。四月，朝鮮政府以東學黨起事，聲勢甚盛，無術鎮壓，來請救助，李鴻章奏派葉志超等自海道赴援，並根據中日天津條約，通知日本政府，於是日本乘機派大軍赴朝鮮。五月，東學黨敗，日本不但拒絕中國政府同時撤兵之要求，且一再增兵，並令其駐朝鮮公使大島圭介威脅朝鮮宣布獨立。六月，大島圭介要求朝鮮改革內政，已如願以償，但以朝鮮不肯承允與中國絕，遂率兵拘朝鮮王，命大院君主國事，政令皆操之日本人。日本海軍違背國際公法，襲沉我裝載援兵赴朝鮮之高陞號輪船。李鴻章奏派衛汝貴等自陸路援朝鮮，後抵平壤。日軍犯中國駐牙山成歡之軍，葉志超等敗，迂道北走，赴平壤。七月，中國對日本宣戰。八月，日軍攻平壤，左寶貴力戰死之，葉志超等敗走。海軍提督丁汝昌率艦與日海軍遇於大東溝遼南洋面，開炮互擊，是為黃海之戰，我軍損失甚重，日軍損失亦不輕。九月，日軍侵入盛京境，陷九連城等地，十月，陷鳳凰城。日本另枝陸軍自海道陷金州、大連、旅順。李鴻章奏派天津海關稅務司德國人德璀琳東渡談和，為日本所拒。十一月，日軍陷海城。十二月，日軍陷蓋

平。命兩江總督劉坤一爲欽差大臣，駐山海關，節制關內外兵馬，辦理防剿事宜。派張蔭桓、邵友濂赴日講和。日軍陷榮成、文登等地，圖抄威海衛後路。是歲，孫中山創興中會於檀香山。李鴻章、盛宣懷等創辦華盛紗廠於上海（後改又新、集成、三新等名，又改爲申新第九紡織廠）。湖北紡紗局設立。重慶聚昌火柴廠設立。英人所辦之京津太晤士報(The Peking and Tientsin Times)創刊。李慈銘、陸心源、薛福成死。

1895 年

乙未 清光緒二十一年

正月，張蔭桓、邵友濂抵達日本，日本政府予以極大侮辱，拒不與之談和。日軍陷威海衛，丁汝昌自殺，其部下以殘餘軍艦降。復派李鴻章爲全權大臣赴日本講和。二月，日軍陷牛莊。李鴻章至日本馬關，先談停戰，日本多方刁難；嗣以李鴻章爲日本人刺傷，國際議論沸騰，日本乃允訂約停戰。三月，日軍陷澎湖。李鴻章與日本伊藤博文等簽訂馬關條約，其主要條款爲承認朝鮮獨立，割讓遼東半島、臺灣及澎湖諸島與日本、賠款二萬萬兩，並許日本人在通商口岸製造貨物。喪權辱國之馬關條約遭到輿論激烈反對，康有爲時會試在京，號召各省舉人一千三百餘人上書請求拒和、遷都、變法圖強。四月，俄、法、德三國接洽干涉日本強割遼東半島。臺灣人民反對割讓日本，丘逢甲等謀自立爲民主國，開議會，五月，遂推署巡撫唐景崧爲總統；未幾日軍來攻犯，唐景崧遁歸內地。劉永福駐臺南，仍圖抵抗，臺灣各地人民亦紛起義兵與日軍戰。中法雲南界約簽字。七月，康有爲創強學會。九月，劉永福以無援助，餉匱兵單，棄臺南，還廣東，但臺灣義民則仍此起彼仆，屢創日軍。日本接受俄、法、德三

國「勸告」，退還遼東半島，另索三千萬兩贖款。孫中山回國，設興中會總部於香港，又開設乾亨行以資掩護，復於廣州設農學會，暗作革命活動之機關，以運軍械失慎，被海關搜獲，事洩，被捕者七十餘人。十月，湖北煉鐵廠成立。十一月，張之洞奏立江南自強新軍。是歲，康有爲、梁啟超發刊強學報於上海，鼓吹變法。爲籌對日戰費，向滙豐等銀行四次借款五百萬鎊又銀一千萬兩；又爲付日本賠款，向俄、法等國借款一萬三千萬兩。英商怡和等紗廠設立於上海。華俄道勝銀行成立。華商上海大純紗廠、裕源紗廠、寧波通久源紗廠、無錫業勤紗廠、絳州三十三林鎮紗織布局及上海瑞綸絲廠、信昌絲廠、綸華絲廠前後成立。中央礦務局設於北京。湖北武備學堂成立。天足會成立於上海。

1896 年

丙申 清光緒二十二年

二月，總理衙門奏辦郵政，由總稅務司赫德主其事，於是成立大清郵政總局，並加入萬國郵政公會，是爲中國自辦官郵局之始。爲付日本償金，又向英、德借款一萬萬兩。李鴻章赴俄祝賀俄皇尼古拉二世加冕典禮，遂與俄國訂立密約，內容爲中、俄協力對付日本之侵略朝鮮及允俄國通過黑龍江、吉林兩省敷設鐵道。中日通商條約簽字。七月，孫家鼐議復開辦京師大學堂事宜。梁啟超等發刊時務報於上海，鼓吹維新變法。八月，總理衙門奏立鐵路總公司於北京，官商合辦。盛宣懷籌設中國通商銀行於上海，官商合辦，商股五百萬兩。盛宣懷又奏請採金本位貨幣，於北京設中央造幣廠，又請設國家銀行。十二月，總理衙門奏請申明條約，戒外國傳教士勿得遇事生風，挾持地方官，袒護無賴教民，並不可招收痞棍，以爲爪牙，包攬詞訟，欺侮良

民。是歲，嚴復譯英人赫胥黎《天演論》成。英商上海增裕麵粉公司成立。官辦之大冶鐵礦及漢陽鐵廠由盛宣懷等出資六百萬兩收為私營。豫東、湖北官錢局前後成立，發行錢票。日本輪船公司、大東新立洋行成立，開始航行於長江之下游。張之洞奏派二人赴日本留學，是為中國派留學生赴日本之始。

1897 年

丁酉 清光緒二十三年

正月，中、英續訂緬甸條約簽字。二月，總理衙門被法國所逼，作海南島不割讓與他國之聲明。三月，上海公共租界工部局頒小車牌照稅辦法，小車工人聯合罷業，英、美軍艦開入黃浦江鎮壓，嗣以工部局讓步，風波始已。東清鐵路公司成立。五月，總理衙門被法國所迫，允許法國自南寧至百色、河口至蒙自敷設鐵路，並雲南、廣東、廣西之礦山開採權。六月，與比利時訂蘆漢鐵路借款合同（此款實為俄、法兩國投資）。八月，御史陳其璋奏請鼓鑄銅圓，以補制錢之不足。直隸總督王文韶奏開磁州煤礦。英商福公司成立，圖攫得河南、山西開礦權。十月，曹州民衆以積憤殺德國傳教士二人，德政府借口派兵佔據膠州灣，並提出懲兇、撫恤、罷免山東巡撫李秉衡、租借膠州灣，並敷設膠州灣至濟南鐵路及沿路礦山開採權利等苛刻要求。嚴復創辦國聞報，介紹西洋學術思想，鼓吹維新。十一月，工部主事康有為上書，請及時革舊圖新，變法救亡。十二月，工部侍郎徐樹銘請飭各省興辦蠶桑。是歲，天津北洋學堂成立。張謇等籌設紗廠於南通州，官商合辦，後改名大生紗廠。上海商務印書館成立。初派代表參加在華盛頓召開之萬國郵政公會。美國禁止中國綠茶、烏龍茶入口。日本公布臺灣

銀行法及臺灣總督府官制。

1898 年

戊戌 清光緒二十四年

正月，貴州學政嚴修請開經濟特科，試以內政、外交、理財、經武、格物、考工等項。為籌對日賠款，初次試辦國內公債，名曰昭信股票，定額一萬萬兩，每股一百兩，年息五厘，二十年還本，嗣未成功。康有為請開制度局，籌劃變法救亡，並分設法律、度支、學校、農、工、商、鐵路、郵政、礦務、游會、陸軍、海軍等十二局分理其事。總理衙門為英所迫宣布揚子江流域各地永不割讓與他國。二月，德國強租膠州灣，期限九十九年。俄國強租旅順口、大連灣，期限二十五年。宣布以後總稅務司皆委英人、總郵政司皆委法人。康有為等創保國會於北京，宣傳立憲等革新政見。三月，法國強租廣州灣，期限九十九年，並迫總理衙門宣布雲南及兩廣等省不割讓與他國。英、德對在山東勢力問題達成妥協。日本迫總理衙門宣布福建不割讓與他國。四月，下詔定國是，決定變法維新。德宗召見工部主事康有為、刑部主事張元濟。為籌築滬寧、粵漢、正太等鐵路，分向英、俄借款；英商成立中英公司，主要為承攬鐵路借款事。英商福公司與山西商務局簽訂合辦山西礦務章程。五月，康有為奏請統籌全局，以圖變法，御門親臨以定國事，開局親臨以立制度。改八股文試士為策論。開辦京師大學堂。召見梁啟超，命辦譯書事務。改各省省會之書院為高等學堂，府城之書院為中學堂，州縣之書院為小學堂，皆兼習中西學術。英強租九龍半島及附近港灣，期限九十九年，又強租威海衛，期限二十五年。英商福公司與河南豫豐公司簽立合同，開採懷慶等地礦產。六月，改科舉章程，鄉會試頭場試歷史

政治，二場試時務，三場試四書五經。改時務報爲官辦，命康有爲督辦。命各省督撫勸導紳民發展農政、工藝，優獎創制新法者。以美國人丁健良爲京師大學堂西學總教習。康有爲請禁婦女纏足。公布內港行輪章程。七月，裁詹事府、通政司、太常、光祿、太僕、鴻臚等寺；又裁廣東、雲南巡撫。禮部尚書懷塔布等以阻撓主事王照條陳，交部議處；因諭嗣後各部堂官代遞屬員條陳，原封呈進，毋庸拆看。賞譚嗣同、楊銳、劉光第、林旭四人四品卿銜，參預新政。命官民得應詔言事。召見嚴復詢辦理海軍事宜。訂長江通商章程。淞滬鐵路通車。八月，命康有爲迅赴上海督辦官報。慈禧皇太后再出訓政，於初六日起，御殿理事，幽德宗於瀛臺。革康有爲等職，命各地嚴緝，康有爲等遂出亡海外，殺譚嗣同、楊銳、劉光第、林旭、楊深秀、康廣仁等六人，罷一切新政。籌築山海關外鐵路，向中英公司借款。又爲籌築滬杭甬鐵路，向英商怡和等洋行借款。十月，革戶部尚書協辦大學士翁同龢職，交地方官管束。公布礦務、鐵路公共章程，分官辦、商辦及官商合辦。是歲，孫多松等創立上海阜豐機器麵粉公司。吳鼎懋創立天津北洋硝皮廠。英、法合資成立隆興公司，攫得雲南礦山開採權。吉林官帖（錢帖）局成立。日本大坂商船初行於長江。西人設保健局於上海。張之洞印行勸學篇。美國長老會教士設聾啞學校於煙臺。俄以租借爲名攫取中國之遼東半島。

1899 年

己亥 清光緒二十五年

正月，李鴻章奏籌山東河工救急治標辦法。意大利以海軍威脅，要求租借三門灣，並修至江西鐵路，駁拒之。二月，盛宣懷與英商怡

和洋行訂修廣州、九龍間鐵路草約。四月，英、俄協議劃分在華修築鐵路範圍，長江流域由英、長城以北由俄分別敷軌，於是英乃計劃修天津至鎮江、信陽至浦口、蘇州至杭州等路。五月，德於山東設立礦山及鐵路公司。七月，總理衙門議定出洋留學章程。八月，與朝鮮訂立中韓通商章程。美國國務卿海約翰提出對華門戶開放政策。十一月，再令嚴緝康有爲等。與墨西哥訂中墨通商條約於華盛頓。廣州、天津、北京等設電話。十二月，慈禧太后立端郡王子溥儀爲大阿哥，謀廢德宗。山東義和團起，在肥城縣境殺英傳教士。命袁世凱爲山東巡撫，率兵鎮壓，義和團員遂多走直隸。是歲，河南安陽殷墟發現甲骨文。山東嶧縣中興煤礦公司成立。英商與華益公司訂立合同，法商與華合辦福安公司，攫得開採四川礦權。命湖北、廣東鑄銀圓，戶部、工部鑄當十大錢。洋商在上海成立海上保險協會。英教會在漢口立博學書院，在孝感立麻瘋療養院。日本橫濱正金銀行初設分行於牛莊。

1900 年

庚子 清光緒二十六年

正月，又懸賞十萬兩，嚴緝康有爲等。中法郵政互寄協定成立。二月，劉坤一奏南通紗廠由官商合辦。袁世凱與德山東鐵路公司訂立章程。義和團發展至山西、直隸，四月，與官軍衝突於涞水、定興間，殺副將楊福同，剛毅等招之至北京。五月，屯駐北京之甘軍殺日本使館書記生杉山彬。以載勛、剛毅爲義和團總統，會同官軍攻東交民巷各使館。虎神營兵殺德國使臣克林德。英、法等八國聯軍攻陷大沽口。下詔宣戰。六月，聯軍犯天津，直隸提督聶士成戰死於八里臺，旋陷天津城，直隸總督裕祿走北倉，旋自殺。兩

江總督劉坤一、湖廣總督張之洞、四川總督奎俊等與各國領事訂互保條約，不聽北京宣戰之詔。唐才常等謀起事於湖南、北、安徽，失敗，死者多人。大冶鐵礦初輸往日本。七月，前後殺大臣許景澄、袁昶、聯元、立山、徐用儀等。聯軍由天津北犯，逼北京。慈禧太后挾德宗出走，經居庸關、宣化、大同、太原，至西安。聯軍入北京，四出焚殺淫掠。八月，命慶親王奕劻與各國議和。俄兵陷齊齊哈爾，黑龍江將軍壽山自殺，嗣佔東北三省。閏八月，與中會鄭士良等起義於惠州，失敗。九月，李鴻章奉命至北京與各國議和。是時，美國務卿海約翰之對華門戶開放政策已得各國支持，英、德遂再締協定，規定在華利益事。十一月，李鴻章等與各國議商講和大綱十二款，大致為懲辦禍首，向德、日道歉、停止輸入軍火二年，停止義和團殺害洋人區域考試五年，許各國留兵衛使館及分駐山海關等處，賠償兵費四萬五千萬兩及賠外國商民損失。派醇親王載灃、侍郎那桐分赴德、日道歉。前後殺各國指名之毓賢等大臣。十二月，開平礦務公司成立。是歲，英、法在雲南、四川之競爭互相讓步，達成協議。江西試辦統稅。德在膠州灣青島設造船廠。開平礦務公司附設洋灰公司。英人在上海設瑞容機器輪船工廠。南通復新、無錫茂新麵粉公司成立。福建設造幣廠。

1901 年

辛丑 清光緒二十七年

正月，王承堯等集資及前華俄銀行一部分資本，組織華興利煤礦公司，開採撫順千金寨煤礦。三月，設督辦政務處，以慶親王奕劻等為督辦政務大臣，劉坤一、張之洞為參預政務大臣，籌劃變通政制。駐俄使臣楊儒奏與俄外部會商俄兵撤出東三省事宜。命各省通

籌分攤庚子賠款。四月，復開經濟特科，命翰林院編修、檢討以上學習政治。裁汰各衙門吏役。李鴻章奏訂賠償各地教堂及撫卹教民辦法。五月，命駐外使臣咨送留洋學生回國，聽候任用。六月，依各國要求，改總理各國事務衙門為外務部，列於六部之上。七月，命各省籌設武備學堂，又命嚴格裁汰營兵，留精壯者分為常備巡警等軍。命以後考試，廢八股文，改用策論，並停止武試。李鴻章等與各國使臣簽訂和約於北京，是為辛丑和約。日本設東亞同文書院於上海。八月，慈禧太后與德宗自西安回京，沿途供張甚盛。命各省於省城及所屬府州縣籌設高等、中等、初等學堂；又命選派學生出洋留學。九月，李鴻章死。十月，詔通行使用銀圓，並鑄輔幣。廢大阿哥溥儀。定學堂鼓勵章程。十一月，慈禧太后與德宗至北京。美國合興公司開始修築廣州至三水鐵路。為敷設煙臺大沽間海底電線副線，向英國大東公司、丹麥大北公司借款。十二月，依張之洞等請，許宗室子弟出洋留學，又命滿漢通婚，勸諭女子勿再纏足。是歲，梁啟超創《新民叢報》於日本，宣傳君主立憲，與孫中山領導之興中會互相抨擊。定距海關五十里內之常關統歸海關管理。法修越南河內至廣西龍州鐵路成。美國教會立東吳大學於蘇州。英商老沙遜洋行設於上海，壟斷土地買賣兼營出入口事業。

1902 年

壬寅 清光緒二十八年

正月，管學大臣奏辦京師大學堂情形，定預科三年，與各省高等學堂功課相同，卒業授舉人；正科三年，卒業授進士。又薦吳汝綸為總教習。三月，奕劻、王文韶與俄使雷薩爾議定交收東三省條約。盛宣懷奏請設勘礦公

司以保主權。四月，外務部奏英國交還鐵路辦理情形。外務部、戶部會訂開辦印花稅章程。以沈家本、伍廷芳爲修律大臣，修訂法律。五月，上海英法等國總領事議定會審衙門臨時章程。上海商業會議公所成立，後改爲上海總商會。六月，以張之洞兼督辦通商大臣。七月，頒行學堂章程，分大學堂、高等學堂、中學堂、小學堂、蒙養學堂，大致採行日本制度。八月，練兵處奏定新式陸軍營制餉章。九月，張之洞等與各國修訂商約。各國利用辛丑和約，對中國進一步施行侵略，以擴大利權。劉坤一死。美國政府應清廷之請，派精琦等三人來華，討議銀價及金本位問題。十一月，收回私營電報局，改歸官辦。北洋造幣廠成立，鼓鑄銀圓。命自明年爲始凡進士之授修撰、編修及選用庶吉士、主事、中書者，皆入京師大學堂分門肄業。十二月，派員參加美國聖路易城博覽會。是歲，蔡元培、章炳麟、徐錫麟、秋瑾創立光復會，鼓吹革命。大公報創刊於天津。上海英美煙公司成立。日本三井會社設紗廠於上海。華興麵粉公司成立。美國花旗銀行、荷蘭銀行前後於上海設分行。上海工部局與電氣公司訂開辦電車合同。汽車初見於上海。日本商人成立湖南汽船會社，行駛於漢口長沙間。英國教會設新學書院於天津。廣西人民抗捐起事，聲勢浩大。

1903 年

癸卯 清光緒二十九年

正月，許山西礦務盡先由晉豐公司辦理。二月，命保護出洋回國華商。以總稅務司赫德建議，派員赴日本調查金本位制。命袁世凱、伍廷芳修訂商律。三月，以外國紛紛自設郵局，聲明不予承認，但外人置若罔聞。柯逢時奏辦景德鎮瓷器公司。五月，增改中

葡條約成。日本郵船開始行於長江。閏五月，命張之洞等釐訂學堂章程。東清鐵路通車。七月，設商部，以載振爲尚書，伍廷芳、陳璧分別爲左右侍郎。廣州至三水間鐵路通車。裁礦務鐵路總局，以其事併入商部通藝司管理。八月，外務部奏正太鐵路改用窄軌。戶部請嚴定銅元成色，禁鑄濫惡銅元。與法訂滇越鐵路修築協定。與日本、美國訂立商約，予日本以最惠國待遇。九月，命各地方大小文武官振興商業。公布商會、鐵路簡明章程。十月，設練兵處，以奕劻爲練兵大臣，袁世凱爲會辦，鐵良爲襄辦，開始編練新式陸軍。爲興修滬寧鐵路，向英商怡和洋行、滙豐銀行借款。爲興修汴洛鐵路，向比利時借款。日俄戰起，清廷宣布中立。十一月，派京師大學堂學生余聚昌等三十一人，俞同奎等十六人分赴日本及西洋各國留學。十二月，商律修成，命名「欽定大清商法」，頒訂之。大冶鐵礦向日本借款。制定試辦銀行章程。是歲，光復會章炳麟被繫於上海租界之捕房；《革命軍》作者鄧容亦被捕，死於獄。黃興、宋教仁等組織華興會，謀革命。朱志堯等成立求新機器輪船廠於上海。廣西民變聲勢益大，清廷派大軍鎮壓。

1904 年

甲辰 清光緒三十年

正月，日本照復尊重中國之中立。沈敦慶奏請設局製定度量衡，頒售各省。中德內水輪船航行協定成立。三月，以日俄戰起，御史夏敦復請設紅十字會，收容難民；因於上海與英、法、德、美等國合組萬國紅十字會，並令駐英使臣張德彝照會瑞士，加入萬國紅十字總會。公布公司註冊章程。四月，公布商標註冊試辦章程。五月，裁粵海、淮安兩關及

江南織造。北京公使館區域劃定。膠濟鐵路成。六月，公布西江通商章程。七月，英國侵西藏，入拉薩，十三世達賴喇嘛北走；旋由駐藏大臣與英訂拉薩條約，開亞東等地爲商埠，賠兵費五十萬鎊。張之洞以美國派來討議銀價委員精琦所議幣制條例，幾於欲將中國財政盡歸美員把持，極力奏阻之。十月，商部奏請刪除浙江之「丐籍墮民」，一律視爲良民，准其子弟入學。華興會黃興等謀起義於長沙，事洩，黃興及宋教仁走日本，馬福益被殺。柳州起義軍亦失敗。十二月，裁漕運總督，改設江淮巡撫，轄江、淮、揚、徐四府、南通及海州二直隸州。日本侵佔旅順口。是歲，山東博山玻璃公司成立。天津電車電燈公司成立。黑龍江成立廣信公司，發行銀錢票。英人成立中華中央鐵路公司，專理浦信等鐵路事。允英國之請，招華工赴南非開礦。上海工部局設華童學堂。上海天主教女修士成立安老園。天津新學書院附設華北博物館。英教會設博物館於濟南，名廣智院。廣西起義軍敗。翁同龢死。

1905 年

乙巳 清光緒三十一年

正月，美國政府再提對華門戶開放政策，英、法等國復表示支持。袁世凱等請自開濟南爲商埠，從之。二月，日軍敗俄軍於奉天，俄軍北走。以練新軍，直隸募集公債，攤派於各州、縣，並暫借款於日本。三月，收回設江淮巡撫之命，改爲江北提督。伍廷芳等請廢凌遲、梟首、戮屍之刑。四月，京漢鐵路南、北兩線皆成，進行黃河鐵橋之修築。以美國訂立排斥華工之案，且苛待在美華僑，廣州、上海及沿海各大商埠紛起反美運動，抵制美貨。五月，爲付庚子賠款，借款於英、德等國。六月，派載澤等五大臣出洋考查憲

政，於北京東車站登車之際，吳樾投擲炸彈，數人受輕傷，遂中止出發，吳樾當時炸死。爲贖回道清鐵路，向法、比借款。爲贖回粵漢鐵路，向香港借款。初次考試出洋歸國學生，授翰林院職銜及進士有差。七月，禁各地抵制美貨，鎮壓反美運動。詔自丙午年爲始，停止鄉會試，生童歲科考亦停，一切士子皆由學堂出身，一千餘年之科舉制度，至此遂廢。八月，天津造幣總廠正式成立。戶部奏定整理國法章程。戶部銀行成立，旋改稱度支銀行。九月，設巡警部。美國圖與日本共營滿州鐵路，已有成議，以日本外務大臣小村壽太郎之反對而罷。孫中山至日本，將與中會與黃興派之華興會、章炳麟派之光復會合併爲中國革命同盟會，以三民主義爲主旨，進行革命工作，並舉孫中山爲領袖，黃興副之；旋創辦《民報》，宣傳革命。十月，株萍鐵路成。定銀幣以兩爲單位。停鑄當十錢，改訂制錢成色。十一月，改派載澤等五大臣出洋考查憲政。設學部。日俄和約，俄國將在南滿所獲得之利權轉讓與日本，日本因派員來，迫予承認日本在南滿之權益。十二月，日商大倉組與奉天官方訂立合同，成立本溪湖煤鐵公司。日本建安奉輕便鐵路成。道清鐵路成。是歲，袁世凱於天津設實習工廠以培養技術工人。奉天官銀號成立。重慶濬川源銀行成立，初由官民會辦，逾二年乃撤退民股。上海英華人壽保險公司成立，主要爲英商資本。上海保險業公會成立。美教會之上海聖約翰大學正式成立。張之洞設存古學堂於武昌。

1906 年

丙午 清光緒三十二年

二月，學部定擬限制留學生資格辦法，通告各省督撫施行。戶部奏訂銀圓流通限制辦法。

周馥奏請禁止買賣人口，原有奴婢一律以雇工論，律例中所有關於奴隸諸款，皆予刪除。

三月，學部奏請宣布以忠君、尊孔、尚忠、尚武、尚實為教育宗旨。四月，「中英西藏條約」簽字於北京。五月，設稅務處，掌海關行政事宜。頒全國鐵路購地章程。六月，定川漢、粵漢二鐵路為官督民辦，即時招股。七月，宣布預備立憲，着手釐訂官制。戶部奏請整理各省之造幣廠。營口正隆銀行成立，名為中、日合辦，實則權歸日本人。九月，改巡警部為民政部，戶部為度支部，兵部為陸軍部，暫轄海軍，刑部為法部，理藩院為理藩部，大理寺為大理院，商部改稱農工商部，增郵傳部，並管事府入翰林院。十月，袁世凱等請改各省之學政為提學使，司學校事；嚴修請於各府、州、縣立勸學所。黃興謀於湖南瀏陽、江西萍鄉、萬載分三道起義，事洩，瀏陽、萍鄉先發，失敗，劉道一遇害，黃興再走日本。日本南滿州鐵道株式會社成立。十一月，頒禁煙章程，嚴禁鴉片。十二月，華僑集資修築之潮汕鐵路成。是歲，紳民立憲運動，風起雲湧，上海立憲公會、湖北憲政準備會、湖南憲政分會、廣東自治會先後成立。江南製造局附設之船廠脫離隸屬關係，單獨營業。甘肅官錢局成立，後改官銀號。上海龍華造紙廠、廣東官紙印刷局、濟南濰源造紙廠前後成立。新加坡華僑成立四海通銀行，專營僑匯。英商二公司合組耶松船廠於上海，專管輪船及機械之製造。英商於漢口立電氣公司。日商於鐵嶺設滿州製粉會社，又於瀋陽設立東亞煙草會社分社。比國華比銀行設分行於北京等地。法東方輪船公司始航行於長江。美商大來洋行設分行於上海等地，經營航運。美教會立瀘江大學於上海。俞樾死。是年，萍鄉礦工六千餘人，參加同盟會，在萍鄉、瀏陽、醴陵邊境舉

行武裝起義。

1907 年

丁未 清光緒三十三年

正月，浙江興業銀行成立，兼營本省鐵路事業。二月，廣九鐵路廣州至深圳段修建費無着，借款於英商。度支部計劃行金本位，試鑄大清金幣，旋作罷。三月，民營六河溝煤礦公司成立。四月，改東三省為行省，設東三省總督，奉天、吉林、黑龍江各設巡撫。御史趙啓霖以彈劾慶親王奕劻子載振，革職。日本迫訂關於修建新奉及吉長鐵路協定。五月，度支部奏定新銀幣之成色章程，決定廢兩改圓。六月，安徽巡警學堂堂長光復會員徐錫麟刺殺巡撫恩銘，圖起義，失敗，徐錫麟被捕就義。秋瑾在紹興被捕，死。七月，下詔滿、漢平等，用人行政不分畛域，藉以緩和革命情緒。八月，籌立資政院以為議院基礎。諭籌旗民生計，命購置田產，以為裁免口糧之準備。九月，新修刑律草案成。命各省籌設諮議局。命農工商部制定度量權衡暫行章程。十月，北洋灤州煤礦公司成立。十一月，郵傳部奏設交通銀行，官商合辦。設鐵路總局。改考察政治館為憲政編查館。英商擬築新民至法庫門鐵路，已有成議，以日本之反對而作罷。十二月，山西商民積資收回礦權。命鑄一文銅幣。學部奏定女子學堂辦法。是歲，京奉、正太、滬寧鐵路築成。奉天等省初行產銷稅。陝西延長石油廠成立。華僑簡照南兄弟成立南洋兄弟煙草公司。孫中山至安南，指揮革命活動，四月間，同盟會員曾聯絡潮州與福建詔安三合會起義於饒平縣之黃岡，尋敗；又在惠州七女湖起事，亦無功；七月，又起義於欽州、廉州，復為清兵所破；十一月，再攻佔鎮南關，與清兵戰七晝夜，以彈盡退入安南。日法、日俄、

英俄前後訂立協定，主要為對華政策互相妥協。日本設火柴公司於長春。法、比合資之義品放款銀行設分行於上海、天津，經營土地、建築物之投資。日本數輪船公司合組日清汽船會社，由政府津貼，以與英、美等國競爭在華航運事業。

1908 年

戊申 清光緒三十四年

正月，度支部奏定銀行則例，分中央、普通、殖業、儲蓄等四大類銀行。改度支銀行為大清銀行。合併大冶鐵礦、萍鄉煤礦、漢陽鐵廠為漢冶萍煤鐵公司，並向日本借款，於是日本的勢力侵入。為修築津浦鐵路，借款於英商。二月，為修築滬杭甬鐵路，借款於英商。以銅圓充斥，激動物價，命各省暫停鼓鑄。日輪二辰丸私運軍火，為廣東緝私海輪截獲，日本領事反要求懲辦緝私官員，道歉謝罪，廣東大使應其所求，乃已。三月，黃興起義於雲南河口，旋敗。簽訂印藏通商章程。四月，直隸大吏與德商訂合辦井陘煤礦合同。六月，頒各省諮議局章程及議員選舉章程。八月，憲政編查館奏進憲法大綱暨議院選舉法草案。寧波四明商業銀行成立。黑龍江官銀號成立。九月，為收回京漢鐵路，借款於英、法銀行。天津象商公估局成立。十月二十一日，德宗死，以醇親王載灃之子溥儀入繼大統；二十二日，慈禧太皇太后死；尊德宗后葉赫那拉氏為隆裕皇太后，命載灃為攝政王監國；改明年為宣統元年。安徽新軍熊成基等起義，旋敗。十一月，美國政府宣布退還庚子賠款，以此款用於對華文化活動，如成立清華學堂以培養留學美國之學生。命外務部尚書袁世凱開缺回籍養病。十二月，定清理地方財政章程。滬寧鐵路及南京鐵路築成。公布調查戶口章程。另編禁衛

軍，攝政王載灃自統之，以貝勒載濤等司訓練。是歲，雲南官民合辦箇舊錫務公司。民營電線改歸國營。日商在大連成立日清製油（大豆油）株式會社。

1909 年

己酉 清末帝溥儀宣統元年

正月，國際鴉片會議開於上海，美、英等國均參加。二月，宣布預備立憲，以九年為期。三月，度支部奏設幣制調查局。四月，命各省財政概由布政使或度支使統核，其餘一切局、所之涉及財政者，限一年後次第裁撤。五月，宣布皇帝為海陸軍大元帥，未親政前由攝政王代理。設軍諮府，命貝勒載濤、毓朗管理；又以貝勒載洵及薩鎮冰為籌辦海軍大臣。汴洛鐵路成。陝甘總督升允以奏阻立憲撤職。六月，詔統一軍政。制定通行銀錢票暫行章程。七月，頒資政院章程。派載洵出洋考察海軍。與日本訂立奉天、吉林五案條款。日本強築安奉路，激起北京、天津、及東北各地反日運動，初次抵制日貨。滬杭甬鐵路上海至杭州通車。八月，張之洞死。中日間島條約簽字。九月，各省諮議局開會。十月，朝鮮銀行設支行於上海等地。十一月，國會請願同志會成立，各省要求速開國會運動起。公布法院編制法，定四級三審制。十二月，頒府州廳縣自治章程。公布電話暫行章程。京張路通車，是為中國工程師設計之第一條鐵路，主其事者為詹天佑。英、美與東三省大吏訂立修建錦州至環珥鐵路草約，以日、俄反對作罷，美國又提議東三省鐵路中立，亦遭日本反對。是歲，浙江官錢局改為浙江銀行，官商合資。訂簡易識字學塾章程。上海英商私設無線電，經交涉後收歸上海電報局接管。日本成立東亞興業會社，專為兜攬對華借款投資事。俄人設

糖廠於阿什河。日本設小呂宋油房於大連。
美教會立文華大學於武昌。熊成基死。

1910 年

庚戌 清宣統二年

正月，命滿、漢文武諸臣一律自稱為臣，滿員不得再自稱奴才。同盟會員汪兆銘等謀刺攝政王載灃，事洩被捕。黃興策動廣州新軍倪映典等起義，以無援而失敗。二月，度支部擬定試辦預算冊式。三月，長沙饑民起事，焚巡撫衙門及教堂、學校。裁奉天巡撫。北洋保商銀行成立。滇越鐵路修成。四月，頒大清新刑律。度支部奏定幣制則例。公布造幣廠章程。五月，頒兌換紙幣則例。直隸諮議局議員孫洪伊等又請速開國會，諭以九年後再行定期。中、俄合資之俄亞銀行成立。山東萊陽民起義反抗苛捐，被鎮壓失敗，死傷甚多。置各省交涉使。制定印刷紙幣之印刷局章程。六月，日、俄為劃分滿洲勢力範圍再締新協定。八月，再借英款以收回京漢鐵路。為修津浦鐵路再借款於英。九月，資政院開院。十月，英、美、德、法四國銀行成立借款團，包辦對華借款事。十一月，各省督撫及資政院請頒憲法，組織內閣，速開國會；因宣布於宣統五年召開國會。設海軍部，以貝勒載洵為海軍大臣。漳州至廈門鐵路成。是歲，民政部初作人口調查。東三省鼠疫熾烈，死者甚多，上海亦有傳染。江蘇、安徽北部大饑。美教會主辦之金陵大學及成都華西協和大學先後成立。

1911 年

辛亥 清宣統三年

三月，廢軍機處、舊內閣，頒新內閣官制，旋以奕劻為總理大臣，那桐、徐世昌為協理大臣，設外務、民政、度支、學、陸軍、海軍、

法、農工商、郵傳、理藩等十部，十三大臣中，滿九人，漢四人；而滿人中，王公四、宗室二、覺羅一，時人稱之為「親貴內閣」，輿論譁然。二十九日（公曆四月二十七日），黃興等起義於廣州，事敗，死者七十二人，義葬於黃花岡，黃興走香港。四月，為改幣制，向英、美、德、法四國銀行團借款一千萬英鎊。五月，與英簽訂禁煙條約，英允逐年減輸鴉片來華，至一九一七年全部停止。郵政脫離海關，由郵傳部直接管理，於北京設郵政總局，各省會設郵政管理局，各府州縣鄉分設一、二、三等郵局，支局，郵寄代辦所或信櫃。為築粵漢鐵路向四國銀行團借款六百萬英鎊。宣布鐵路國有政策，兩湖、四川紛起反對。七月，四川成立保路同志會，議決罷市表示抗議。成都紳民赴總督衙門請願。署督趙爾豐拘代表，並令軍隊開槍，死傷多人，反以川民意在變亂入奏。旋派端方入川查辦。雲南商民集資收回英、法在省境所開各礦。八月十九日（公曆十月十日），武昌新軍起義，總督瑞澂逃上海，武漢三鎮迅即光復，混成協統黎元洪被推為都督，組織軍政府，檄文紀年稱「黃帝紀元四千六百零九年」。二十三日，命袁世凱為湖廣總督，督辦軍務，袁遷延不受命。是月，廣九鐵路通車。九月初一日，湖南、陝西獨立。初二日，九江獨立。初四日，廣州將軍鳳山被刺死。初八日，山西獨立。第二十鎮統制張紹曾電請立憲。初九日，雲南獨立。資政院請改組內閣，頒憲法，開黨禁。初十日，江西獨立。十一日，奕劻內閣辭職。十三日，上海獨立。清廷頒憲法信條十九條。十四日，貴州、浙江獨立。十五日，江蘇獨立。十六日，釋汪兆銘等。十七日，廣西獨立。第九鎮統制徐紹楨反正，攻南京。十八日，安徽獨立。十九日，廣東、福建獨

立。資政院「選」袁世凱爲總理大臣。二十一日，袁世凱派員至武昌試探議和。二十三日，西藏兵變。山東假意獨立。二十五日，獨立各省代表開會於上海。二十六日，袁世凱就總理大臣職。十月初二日，重慶獨立。初五日，瀘州獨立。初六日，奉天新軍起義。初七日，四川獨立。清軍馮國璋部陷漢陽，大焚掠。初八日，端方被殺於資州。初十日，各省代表會於武昌，擬定中華民國臨時政府組織大綱，並定南京爲首都。十一日，外蒙古獨立。十二日，徐紹楨等克南京。十六日，攝政王載灃退位。二十四日，各省代表開會於南京，推黎元洪爲大元帥，黃興爲副元帥，以各方意見不和，皆未就職。二十八日，南北和議代表會於上海。十一月初六日，孫中山返國抵上海。初十日，各省代表開會於南京，選孫中山先生爲中華民國臨時大總統，並決定採用公曆，以十一月十三日爲中華民國元年元旦。十二日，南北和議代表在上海開始談判。是歲，奉天大水。爲應付革命軍，發行愛國公債三千萬圓，但所銷不多。日商在上海增設紗廠，又設寶山玻璃廠。美國教會立之江大學於杭州。美國人設盲童學堂於上海。吳祿貞、溫生才被害。